

Q

a



Ex Bibliotheca  
majori Coll. Rom.  
Societ. Jesu

71  
7  
F  
13

34-E-18

34-3-20







**ELVCIDARIVM**  
**C A S U U M**  
**RESERVATORVM.**

IV

1910

# ELVCIDARIVM

## CASUUM RESERVATORUM

Cujus Prior Pars Resolutiva, concinnaque  
Methodo complectitur Selectas de Iure  
Reservante Resolutiones

Ad Confessariorum Praxim potissimum spectantes,  
Altera verò summatim continens dilucidas Annotationes,

*Et Resolutivam Praxim*

IN CENSVRAS, ET CASVS  
In Diœcesi Brixienſi Reservatos.

AUCTORE

JOSEPHO CABRINO

Sacrae Theologiae Doctore, Sanctaeque Generalis  
Venetae Inquisitionis Consultore.

---

PER ILLVSTRI AC REVERENDISSIMO D. D.

JACOBO JANOLIO

Sanctae Mariae Formosae, Plebano Meritissimo.



---

VENETIIS, M.DC.XCII.

Apud Antonium Bortolum.

SVPERIORVM PERMISSV.

NOT A PART OF THE  
...  
...



*Per Illustri ac Reverendissimo D.D.*



Pollini laurus , Orpheo ly-  
ra, Herculi clava sacrandā .  
Satis intelligis , quidhis in-  
nuatur SAPIENTISSIME,  
ac REVERENDISSIME  
PRÆSVL . ELVCIDA-  
RIVM , virtutum soli dicā-

dum , nec fallimur . His nimirum effulges  
scientiarum splendoribus , ut quidquid per-  
spicuum ex sacris doctrinis prodit in lucem , si  
tibi non offeratur , speciem gerat radii à Sole

divisi, qui licet splendidus, nec fatis tutus videretur, nec fulgidus, quippe ab eo sejunctus, à quo lucis incrementa, decus, ac veluti patrocinium sumit. Quanta fuerit clarissimorum hominum in te observantia, qualis inter eos sapientiæ tuæ existimatio, vix concipi animo potest, cum propemodum à primis annis clarum virtutis specimen, impatiens ætatis ingenium objecerit. Morum probitas mentis præstantiæ æquabatur. Spectata religio, summa in omnes benevolentia, liberalitas, affectus, effusæ pauperibus opes, & quod ad nobilium omniumque studia erga se comparanda sat est, non labore animi, sed veluti nescius, & ad hoc ipsa ferente natura exercuisti. Talem nimirum sibi efformat, quem multis imperaturum destinat. Dignitas illa qua effulges, sine te patiebatur, sibi que metuebat, cum te per dies jam suum expectabat. Major deinde sibi visa est, ut te excepit, major fuit. Quemadmodum enim dignitates dedecore aliquo afficiuntur, si à non integræ famæ hominibus gestæ sint; cur decus suum non augeatur, si à viro præcæteris virtutibus insignito suscipiantur? Talem te fama commendat, actibusque talem te com-

pro-



probas. Vnam addas reliquis animi laudibus,  
mihi scilicet librum confessiones omnium au-  
dientibus necessarium edenti, patrocinium.  
Quid enim nobilius, quàm obsequio sese subji-  
cientes aliqua autoritate, ac beneficentia ju-  
vare? Hoc à Dominatione tua Reverendissi-  
ma mihi spondere procul dubio ausus sum.  
Librum interim hilari animo, lætis oculis per-  
legas, ac benignè intueri multos annos pre-  
cantem, tibi que se se addicentem in perennis  
famulatus obtestationem

**Per Illustris ac Reverendiss. Domine**

*Humilimum, ac dedicatissimum famulum*

**Antonium Bortolum.**

Ad

## Ad Candidum Lectorem.

**E** Lucidarium Casuum Reservatorum, non brevi concinnatum labore, in lucem prodit. Fateor in tam doctissimorum virorum immensa lucubrationum sylva nihil aliud mihi animo insedisse, quam ut informis hic labor latebras quæreretur. Sed eam vicit cogitatio, in hoc moralis doctrina pelago non ab omnibus scopulos omnes, in quos impingere Confessarii possunt, explorari. Lubus vero istud in duas distinguere partes: quarum prior complectitur selectas de jure reservante resolutiones, quas de casibus in communi premisimus, ut eorundem in particulari facilius esset notitia, clariorque doctrina. Ab universalioribus enim sumendum esse in ordine doctrina principium, tradit Aristoteles in vestibulo lib. 1. de physico auditu. Quae resolutiones cum singula tum gravissimorum Doctorum auctoritate, tum firmis rationibus probe sint munita, in spem venio fore, ut tibi non contemnenda videantur. Posterior vero pars continet dilucidas annotationes incensuras, & casus in Diœcesi Brixienti Reservatos. Quod totum prestiti, ut tum de Confessariis, tum de moralis doctrina studiosis benemereretur. Tu modò, candide Lector, si quid grati & ipse prestare velis, Elucidarium percurre, & perpende. Quòd si quem fructum ex hoc labore meo perceperis, uni Deo, bonorum omnium largitori, acceptum referas: defectus verò, salebras, ac errata imbecillitati meae adscribas.

# I N D E X

Casuum in Diocesi Brixienſi Reſervatorum .

## C A S V S I.

Cenſuræ omnes, quæ in decretis Viſitationis Apoſtolicæ,  
Conciliis Provincialibus, & in noſtris Conſtitutioni-  
bus, & Ediſtis feruntur

## C A S V S II.

Homicidium voluntarium, ſeu mandatum, vel conſi-  
lium, effectu ſequuto.

## C A S V S III.

Perjurium teſtis in iudicio.

## C A S V S IV.

Iniectione manuum violenta in Parentes .

## C A S V S V.

Inceſtus quoad mares in primo, & ſecundo affinitatis, vel  
conſanguinitatis gradu.

## C A S V S VI.

Popula poſt ſponſalia, etiamſi clandestina ſint, matrimo-  
nio nondum celebrato, quoad mares tantum .

## C A S V S VII.

Procuratio abortus, etiam effectu non sequuto, mandatumvè, consilium, aut auxilium ad id datum.

## C A S V S VIII.

Sortilegia, Maleficia, Incantationes, ubi est abusus rerum sacrarum, Sacramentalium, vel Sacramentorum.

## C A S V S IX.

Legatorum piorum solutio ab iis, qui potuerunt satisfacere, neglecta: Necnon negligentia eorum, qui suorum Auctorum tabulas testamentarias, transactis sex mensibus, aperiri non curaverint.

## C A S V S X.

Omissio restitutionis incertorum ultra sex menses, quæ iniustè retinentur, quoties summam viginti librarum parvarum excedunt.

**Finis Indicis Casuum.**

*Pœne late contra præsumentes absolvere  
à casibus, quos Episcopi Diocesa-  
nostaruto sibi reservant,  
sine ipsorum li-  
centia.*

**Decretum Clementis VIII. super absolu-  
tione à casibus reservatis, ejus,  
qui sequitur, tenoris.**

**S***acra Congregatio S. R. E. Cardinalium,  
negotiorum, & consultationibus Episcopo-  
rum, & Regularium præposita iustis, &  
gravibus causis, id exigentibus, ac de San-  
ctiss. D. N. Clementis Papæ VIII. specia-  
li mandato, vivæ vocis oraculo desuper  
habito, Sacerdotibus omnibus tam secu-  
laribus, quam Regularibus per univer-  
sam Italiam extra Urbem degentibus, ad  
confessiones audiendas probatis, quorum-  
vis Ordinum, etiam Mendicantium, Mi-  
litarum, aut Congregationum, etiam So-  
cietatis Iesu, & generaliter quarumcum-  
que aliarum quovis modo nuncupentur,  
jubet, & præcipit, ne quis eorum sub præ-  
textu privilegiorum, indultorum, aut fa-  
cultatum generaliter, vel specificè scri-  
pto, aut vivæ vocis oraculo, vel per com-  
municationem à Sede Apostolica, vel  
ejus auctoritate eorum Ordinibus, Congre-  
gationibus, Collegiis, vel Societatibus, aut  
Archiconfraternitatibus secularium, aut  
singularibus personis, seu aliis quomodocum-  
que sub quibusvis tenoribus, formis,  
& clausulis, etiam derogatoriis derogato-  
riis, ad cuiusvis etiam Imperatoris,  
Regum, aut aliorum Principum instan-  
tiam concessarum, seu confirmatarum ali-  
cuiusvis status, gradus, & conditio-  
nis, aut dignitatis, tam Ecclesiasticæ,  
quàm secularis, etiam Regiæ, vel Imperi-  
alis, ab illo ex casibus clarè, vel dubiè  
in Bulla die Cœnæ Domini legi solita con-  
sentis, vel alias quomodocumque Sedi  
Apostolicæ reservatis, aut in futurum per  
Sanctitatem suam, ejusque Successores pro  
tempore, in eadem Bulla, vel aliter re-  
servandis, nec etiam à casibus, quos Or-  
dinarii locorum hactenus reservarunt, vel  
in posterum sibi reservabunt, nullo casu  
etiam necessitatis, vel impedimenti, nisi  
in mortis articulo, seu cum nova, & spe-*

*ciali Sanctitatis suæ, aut Successorum suo-  
rum, vel Ordinariorum, quodam casus ab ipsis  
tantum reservatos, respectu, impetra-  
ta inscriptis licentia, Ordinarii, loco-  
rum exhibentia, absolutionis beneficium  
de cætero impendere audeat, vel presumat  
sed cum opus fuerit, penitentes ad Superi-  
ores, legitimisque Iudices suos accedere  
consulant, sub pœna contrasacientibus tam  
Regularibus, quam secularibus excommu-  
nicationis, privationis officiorum, & digni-  
tatum, aut beneficiorum inhabilitatis item  
audiendi confessiones, & ad quæcumque offi-  
cia, prælaturas, beneficia in posterum ob-  
tinenda, ipso facto, absque ulla alia decla-  
ratione incurrenda: Super quibus à nemine,  
nisi à Romano Pontifice habilitatio, dispen-  
satio, aut absolutio, præterquam in  
mortis articulo, possit impartiri. Sanctitas  
enim sua (quatenus est) facultates, & con-  
cessionibus ipsas in hac parte uti casias, &  
irritas haberi de cætero voluit, & vult,  
non obstantibus quibuscumque.*

*Præterea noverint penitentes, absolutionem  
si quam obtinebunt contra huiusmodi pro-  
hibitionem, esse nullam, nulliusque robo-  
ris, & momenti.*

*Et ne locorum Ordinarii, quibus ius hoc re-  
servandarum casuum comperit, plurimum  
quàm opus sit, reservatione, subditis, an  
Confessariis in animarum salute procuran-  
da cooperatoribus sint onerosi, monentur  
omnes, ut paucos, eosque tantum, quos ad  
Christianam disciplinam, animarum, & sibi  
conceditarum salutem, pro cuiusvis  
Diocesis statu, & qualitate necessarii re-  
servandos esse judicaverint, reservert. In  
quorum fidem, &c. Datum Romæ die 9.  
Mensis Ianuar. Anni 1601.*

*Ex cuius Decreti tenore habetur  
primò amplissima omnium privilegio-  
rum derogatio. Secundò expressa pro-  
hibitio quibuscumque Confessariis,  
tam secularibus, quam Regularibus,  
ne vigore suorum privilegiorum absol-  
vant à casibus in Bulla Cœnæ clarè, vel  
dubiè contentis: nec item à casibus,  
quos Ordinarii locorum sibi hactenus  
reservarunt, vel deinceps reservabunt.*

*Cum autem dubia quadam, ac diffi-  
cultates circa eiusdem decreti interpre-  
tationem, atque observantiam emer-*

## C A S V S VII.

Procuratio abortus, etiam effectu non sequuto, mandatumvè, consilium, aut auxilium ad id datum.

## C A S V S VIII.

Sortilegia, Maleficia, Incantationes, ubi est abusus rerum sacrarum, Sacramentalium, vel Sacramentorum.

## C A S V S IX.

Legatorum piorum solutio ab iis, qui potuerunt satisfacere, neglecta: Necnon negligentia eorum, qui tuorum Auctorum tabulas testamentarias, transactis sex mensibus, aperiri non curaverint.

## C A S V S X.

Omissio restitutionis incertorum ultra sex menses, quæ iniustè retinentur, quoties summam viginti librarum parvarum excedunt.

**Finis Indicis Casuum.**

*Pœne late contra præsumentes absolvere  
à casibus, quos Episcopi Diœcesana  
constituto sibi reservant,  
sine ipsorum li-  
centia.*

**Decretum Clementis VIII. super absolu-  
tione à casibus reservatis, ejus,  
qui sequitur, tenoris.**

**S**acra Congregatio S. R. E. Cardinalium,  
negotiorum, & consultationibus Episcoporum,  
& Regularium præposita iustis, &  
gravibus causis, id exigentibus, ac de San-  
ctiss. D. N. Clementis Papæ VIII. specia-  
li mandato, vivæ vocis oraculo desuper  
habito, Sacerdotibus omnibus tam secularibus,  
quàm Regularibus per universam  
Italiam extra Urbem degentibus, ad  
confessiones audiendas probatis, quorum-  
vis Ordinum, etiam Mendicantium, Mi-  
litarum, aut Congregationum, etiam So-  
cietatis Iesu, & generaliter quarumcum-  
que aliarum quovis modo nuncupentur,  
jubet, & præcipit, ne quis eorum sub præ-  
textu privilegiorum, indultorum, aut fa-  
cultatum generaliter, vel specificè scri-  
pto, aut vivæ vocis oraculo, vel per com-  
municationem à Sede Apostolica, vel  
ejus auctoritate eorum Ordinibus, Congre-  
gationibus, Collegiis, vel Societatibus, aut  
Archiconfraternitatibus secularium, aut  
singularibus personis, seu aliis quemodo-  
cumque sub quibusvis tenoribus, formis,  
& clausulis, etiam derogatoriis derogatoriis,  
ad cuiusvis etiam Imperatoris,  
Regum, aut aliorum Principum instan-  
tiam concessarum, seu confirmatarum ali-  
cuiusvis status, gradus, & conditio-  
nis, aut dignitatis, tam Ecclesiasticæ,  
quàm secularis, etiam Regiæ, vel Imperi-  
alis, ab illo ex casibus clarè, vel dubiè  
in Bulla die Cœnæ Domini legi solita con-  
sentis, vel alias quomodocumque Sedi  
Apostolicæ reservatis, aut in futurum per  
Sanctitatem suam, ejusque Successores pro  
tempore, in eadem Bulla, vel aliter re-  
servandis, nec etiam à casibus, quos Or-  
dinarii locorum hæcenus reservarunt, vel  
in posterum sibi reservabunt, nullo casu  
etiam necessitatis, vel impedimenti, nisi  
in mortis articulo, seu cum nova, & spe-

ciali Sanctitatis suæ, aut Successorum suorum,  
vel Ordinariorum, quodam casus ab ipsis  
tantum reservatos, respectu, impetra-  
ta inscriptis licentia, Ordinarii, loco-  
rum exhibentia, absolutionis beneficium  
de cætero impendere audeat, vel præsumat  
sed cum opus fuerit, penitentes ad Superiores,  
legitimosque Iudices suos accedere  
consulant, sub pœna contrasacientibus tam  
Regularibus, quàm secularibus excommu-  
nicationis, privationis officiorum, & digni-  
tatum, aut beneficiorum inhabilitatis item  
audiendi confessiones, & ad quæcumque offi-  
cia, prælaturas, beneficia in posterum ob-  
tinenda, ipso facto, absque ulla alia decla-  
ratione incurrenda: Super quibus à nemine,  
nisi à Romano Pontifice habilitatio, dispen-  
satio, aut absolutio, præterquam in  
mortis articulo, possit impartiri. Sanctitas  
enim sua (quatenus est) facultates, &  
irritas haberi de cætero voluit, & vult,  
non obstantibus quibuscumque.

Præterea noverint penitentes, absolutionem  
si quam obtinebunt contra hujusmodi pro-  
hibitionem, esse nullam, nulliusque robo-  
ris, & momenti.

Et ne locorum Ordinarii, quibus ius hoc re-  
servandorum casuum comperit, plurimum  
quàm opus sit, reservatione, subditis, an  
Confessariis in animarum salute procuranda  
cooperatoribus sint onerosi, monentur  
omnes, ut paucos, eosque tantum, quos ad  
Christianam disciplinam, animarum, & sibi  
conceditarum salutem, pro cuiusvis  
Diœcesis statu, & qualitate necessariè re-  
servandos esse judicaverint, reservet. In  
quorum fidem, &c. Datum Romæ die 9.  
Mensis Januarii. Anni 1601.

Ex cuius Decreti tenore habetur  
primò amplissima omnium privilegio-  
rum derogatio. Secundò expressa pro-  
hibitio quibuscumque Confessariis,  
tam secularibus, quàm Regularibus,  
ne vigore suorum privilegiorum absol-  
vant à casibus in Bulla Cœnæ clarè, vel  
dubiè contentis: nec item à casibus,  
quos Ordinarii locorum sibi hæcenus  
reservarunt, vel deinceps reservabunt.

Cum autem dubia quadam, ac diffi-  
cultatem circa eiusdem decreti interpre-  
tationem, atque observantiam emer-  
sint:

rint: eadem **Sacra Congregatio**, ne ullus deinceps obscuritati, scrupulo, ambiguitatique locus relinquantur; & ut clarius appareat, in quibus casibus, vigore ejusdem Decreti reservatis, intelligatur prohibita absolutio: speciali mandato ejusdem Clementis VIII. similiter vivæ vocis oraculo super ea habito, ipsum decretum moderavit, ac declaravit. Quam moderationem, si-ve declarationem vide apud **Quarantam. Verb. casus reservat.** cujus summari-um est istud. Prohibet quibuscumque Confessariis, tam secularibus, quam Regularibus, ne absolvant. Primò à casibus in Bulla Cœnæ clarè, vel dubiè contentis. Secundò à casibus violationis immunitatis Ecclesiasticæ in terminis constit. Gregor. XIII. Tertiò violationis clausuræ monialium ad malum finem. Quartò provocantium, vel pugnantium in duello in terminis concilii, & Greg. XIII. Quintò iniicientium manus violentas in Clericis, juxta *cap. si quis suadente* &c. Sextò, si- moniæ realis scienter contractæ, Septimò, ne absolvant à casibus, quos locorum Ordinarii sibi hætenus reservarunt, vel reservabunt, etiam in casu necessitatis, & impedimenti, præterquam in mortis articulo, vel si habeant licentiam novam, specialem à Sede Apostolica, vel ab Ordinariis in scriptis, vel viva voce, sub pœnâ quodad- confitentis nullitatis absolutionis: Quodad Confessarios verò excommuni- cationis, privationis officiorum, dig- nitatum, beneficiorum, inhabilita- tis ad ea in posterum obtinenda. Quæ pœnæ ipso facto incurruntur, alia declaratione. Neque ab ullo dispensari habitari, vel absolvi possunt, nisi à Sede Apostolica, præterquam in mortis articulo. Et licet, ad incurrendas hujus- modi pœnas videatur requiri ausus, & præsumptio: nihilominus advertant Confessarii, quòd ignorantia in ipsis circa casus Episcopo reservatos non solum affectata, sed etiam crassa æqui- peratur dolo, & præsumptioni, sicut habetur in casu simili *extra. de celebr. Miss. cap. final.* & *cap. Excellentissimus*

11. quæstione tertia, & notat Abbas ibi- dem numero tertio. S. Thom. 1. 2. quæstione 76. artic. 3. Finell. de cas. reserv. capite septimo num. octavo casu primo, numero nono. Aderat etiam pœna in habilitatis audiendi confes- siones: sed hodie est sublata.

Præterea Concilium Provinciale Mediolanense V. tit. de iis, quæ ad Sa- cramentum pœnit. pertinent, mandat Epi- scopis ejusdem Provinciæ, vt casus si- bi reservatos curent singulis annis pro- mulgari. Ac subdit (*quod si, iis promul- gatis, Confessarius quispiam cuiusvis or- dinis sine facultate ab Episcopo data, ali- quem absolvere attentaverit, ipso facto pœ- nam excommunicationis subeat.*) Tandem idem Concil. Provinciale V. eodem ti- tulo, prohibet, ne Confessarius, cujus- cumque Ordinis sit ab iis casibus, quos sibi Episcopus reservaverit, pœnitentes sine illius facultate absolvat. Quòd si contraxerit, suspensionem à divinis ipso facto incurrat.

Quoniam verò postmodum com- pertum fuit, quòd multi, contemptis tum constitutionibus Apostolicis, Pro- vincialibusque decretis, tum proposi- tis censurarum pœnis à casibus Epi- scopo reservatis, absque legitima facul- tate, absolvere præsumebant: Id circò in Concilio Provinciali Mediolanensi VII. & ultimo tit. de Sacramento Pœni- tentiæ, rursus lata fuit contra præsum- mentes prætextu privilegiorum ab iis- dem casibus absolvere, sequens con- stitutio.

*Esti decretis Provincialibus, & Aposto- licis constitutionibus Confessarii omnes pro- hibentur à casibus Episcopo reservatis pœ- nitentes absolvere ex quolibet privilegio, tam ordinibus cuiusvis Religionis, quam Confraternitatibus cuiusvis status conce- sso; quia tamen multi contemptis Superio- rum præceptis, earum quoque rerum sibi facultatem sumunt, quarum nullam omnino habent, meritoque timere debent, ne pœnas, & censuras subeant iis impostas, qui sine approbatione confessiones audiunt: ne in posterum ignorantiam facti pro ratio- ne possint asserre, decernimus, vt in facul- tate,*



*tate, quæ ad audiendas confessiones conceditur, ea clausula semper addatur ut ab absolutione casuum Episcopo reservatorum abstineant, proposita pœna suspensionis ab audiendis confessionibus eo ipso incurrenda, præter eas, quæ in constitutionibus Apostolicis, & Conciliis Provincialibus continentur.*

Ex quo patet constitutiones cæterorum Conciliorum Provincialium Mediolanensium circa absolutionem à reservatis per supra relatum Provincialis Concilii VII. decretum unâ cum adiunctis pœnis, renovatas, & confirmatas fuisse, proposita suspensionis pœna ab au-

diendis confessionibus eo ipso incurrenda ab iis, qui deinceps à casibus Ordinario loci reservatis absolvere præsumerent.

Qua in re adnotare oportet, prædicta Concilii Provincialis VII. decreta per Quintum ad se relata non solum confirmata fuisse verum etiam auctoritate Apostolica districtè mandatum, ut ea ab omnibus, ad quos pertinent, tam Regularibus, quàm Sæcularibus, in Civitate, Diœcesi, & Provincia Mediolanensi existentibus inviolabiliter observentur; ut constat ex Decreto, ejus, qui sequitur tenoris.



# PAVLVS PAPA V.

## Ad perpetuam rei memoriam.

**C**ommissi nobis Dominici gregis, quamvis nullo nostrorum suffragio meritorum exigit cura, ut omnium Ecclesiarum Regimini pastorallem sollicitudinem impendamus, ac proinde quæ pro Ecclesiasticæ disciplinæ conservatione, & restitutione providentia Pastorum salubriter statuuntur, ut ab omnibus inviolabiliter observentur, Apostolica auctoritate provideamus, prout in Domino salubriter conspiciamus expedire. Cum itaque sicut accepimus in Provinciali Synodo Mediolanensi Septima, quæ jussu nostro à Venerab. Fratribus nostris Sacræ Romanæ Ecclesiæ Cardinalibus Concilii Tridentini interpretibus de more diligenter recognita, & ubi oportuit, immutata fuit, & cujus authenticum exemplar penes eosdem Cardinales asservatur, Dilecto filio nostro Federico Tit. Sanctæ Mariæ Angelorum in thermis Presbytero Cardinali Borromæo nuncupato, qui etiam Ecclesiæ Mediolanensi ex concessione, & dispensatione Apostolica præesse dignoscitur, illi præsidente quamplura saluberrima statuta, & decreta ad conservandam, & restituendam Ecclesiasticam disciplinam à Sancto Carolo multis laboribus, & vigiliis restitutam ad locum, tempus, modum, aliasque circumstantias in Ecclesiasticorum Sacramentorum administratione, missarum, divinarumque officiorum celebratione observanda, ac indulgentias, sepulturas, funeralia, processiones, verbi Dei conciones, Festorum dierum cultum, eleemosynarum collectionem, bonorum, & jurium Ecclesiasticorum conservaciones, Judices, Conservatores, societates, Monialesque pertinentia Pastoralis pietatis zelo sapienter ordinata fuerint, eaque tanquam plurimum utilia, & apprime laudabilia ab omnibus Dei Ministris,

tam regularibus, quam secularibus æqualiter expediant observari. Hinc est, quod nos totos statutorum, & decretorum prælatorum, documentorumque desuper confectorum, & inde secutorum tenores, de quibus ab eadem Congregatione plenè edocti fuimus, præsentibus pro sufficienter expressis habentes omnia, & singula statuta ordinationes, & decreta superscripta in Provinciali Synodo Mediolanensi sic ut præfertur, edita, & publicata, ac prout illa concernunt præfata in dictis documentis contenta, in Mediolanensis Civitatis, Diocesis, & totius Provincie omnibus, & singulis Regularium personarum utriusque sexus Ecclesiis, Monasteriis, Domibus, quorumque etiam Cisterciens. Humiliatorum ordinum & aliis Regularibus, locis etiam nobis, & Apostolicæ Sedi subiectis; etiam nullius Diocesis in universa Provincia præfata constitutis, ac per quoscumque Ecclesiarum, Monasteriorum, domorum, & aliorum Regularium locorum hujusmodi Superiores, & Generales, ac illorum utriusque sexus personas districtè observari volentes. Motu proprio, & ex certa scientia, eidemque Federico Cardinali per præfentes committimus, & mandamus, quatenus omnes, & singulos dictarum Ecclesiarum, Monasteriorum, Domorum, & Regularium locorum Superiores etiam generales, & personas Regulares, & exemptas utriusque sexus, ut infra sex menses post præsentium publicationem, omnibus, & singulis statutis, ordinibus, & decretis præfatis realiter, & cum effectu parere debeant, auctoritate nostra moneat, & requiratur, & si ipsi sic moniti, ut præfertur, parere in omnibus, aut in aliquibus distulerint, vel neglexerint dictus Federicus Cardinalis post lapsum dictorum sex mensium nobis quam primum

mum significare, & referri curret, ut  
 opportunum desuper remedium, pro-  
 ut nostro incumbit officio, in his quan-  
 to citius adhibere valeamus. Non ob-  
 stantibus exemptionibus, & immuni-  
 tatibus, aliisque præmissis, & Aposto-  
 licis constitutionibus, & ordinationi-  
 bus, necnon Ecclesiasticorum, Mona-  
 steriorum, Domorum, eorumdem Su-  
 periorum, & ordinum præfatorum,  
 etiam juramento, confirmatione Apo-  
 stolica, uel quavis firmitate alia robo-  
 ratis statutis, & consuetudinibus, pri-  
 vilegiis quoque indultis, & litteris Apo-  
 stolicis illis, eorumque Prælatiis, Su-  
 perioribus etiam generalibus, Conven-  
 tibus, & personis, aliisque præmissis  
 sub quibuscumque tenoribus, & for-  
 mis, ac cum quibusvis etiam derogato-  
 riarum derogatoriis, aliisque & aliis de-  
 cretis, etiam iteratis vicibus, etiam per  
 Nos, quomodolibet concessis, appro-  
 batis, & innouatis. Quibus omnibus

etiam si pro illorum sufficienti deroga-  
 tione de illis, eorumque totis tenori-  
 bus specialis, specifica, expressa, & in-  
 dividua, non autem per clautulas ge-  
 nerales idem importantes, mentio, seu  
 quævis alia expressio habenda aut ali-  
 qua exquisita forma adhuc servanda  
 foret, tenores huiusmodi, ac si de ver-  
 bo ad verbum, nihil penitus cmissio,  
 & forma in illis fortitis observata, in-  
 ferti forent præsentibus pro sufficien-  
 ter expressis, & insertis habentes, illis  
 aliàs in suo robore permansuris hac vi-  
 ce dumtaxat specialiter, & expressè do-  
 rogamus, cæterisque contrariis quibus-  
 cumque:

Datum Romæ apud Sanctum Marcum  
 sub anulo Piscatoris die 7. Septembris  
 M. DC. XII. Pontificatus nostri anno  
 octavo.

*Scipio Cobellius.*



**C**VM igitur ex hoc decreto clarè  
constet, omnia, & singula ejus-  
dem Concilii Provincialis VII  
decreta à Paulo V. fuisse confir-  
mata; eaque ad Regulares omnes, &  
exemptas Provinciæ Mediolanensis  
utriusque sexus personas extensa: Idcir-

cò à Regularibus omnibus, aliisque  
exemptis personis, in eadem Mediola-  
nensi Provincia existentibus, sub iis-  
dem pœnis debent observari. Vide quæ  
diximus in Prima Elucidarii Parte Re-  
solutione quadragesima: ubi fusiùs hæc  
difficultas expenditur, & resolvitur.





# ELVCIDARIVM CASVVM RESERVATORVM:

Complectens Selectas de Iure Reservante Resolutiones.

P A R S P R I O R.

*Casus Reservatio quid sit.*

## RESOLUTIO I.



**C**asus generaliter significat quaestionem de moribus factam, sive pertineat ad peccata, sive ad iuramenta, sive ad vota dispensanda, aut relaxanda, sive ad excommunicationes, aut alias censuras: Specialiter verò, & propriè significat peccatum, quo quis à tramite, sive rectitudine virtutis cadit. Navar. *man. cap. 27. nu. 258.* Hic tamen, dum de casibus reservatis tractatum aggredimur, accipimus generaliter, quia non tantum de peccato, verum etiam de censuris, & votis, ut legenti brevi labore constabit, differimus. Navar. *cit. Sayr. par. 1. clau. reg. cap. 1.*

Hinc casus reservatus apud Navar. *cit.*

*Part. I.*

*c. 27. num. 254. Suarez tom. 4. de pœnit. disp. 29. sec. 1. Graff. in praxi lib. 1. cap. 1. num. 9.* definitur, quòd sit peccatum, cuius absolutio jure humano est prohibita. Quam definitionem examinat Comitulus in *responsionibus moralibus lib. 1. quæst. 23. n. 3.*

Reservatio verò in abstracto sic definitur à Præposito in *supplem. ad 3. par. quæst. 9. de reservat. casuum dub. 6. Reginal. lib. 1. cap. 11. n. 124.* Reservatio est ablatio jurisdictionis inferiori per Superiorem facta. Quam definitionem refutat P. Bafæus in *flor. theol. pract. v. casus reserv. n. 5.* Tum quia (ipse ait) non convenit facultatem ordinariam habentibus: Tum quia jurisdictionis, in ordine ad absolvendum à peccatis, videtur indivisibilis: Unde aut tota debet concedi, aut tota auferri. Ideò casus reservatio sic ab ipso describitur. Reservatio est limitatio, seu potius ligatio jurisdictionis concessæ, qua Confessarius ligatur, ne possit exercere aliquem

A

quem actum, iudicii circa aliqua peccata.

Nihilominus definitio Præpositi, & Reginaldi recte potest sustineri: nam per ablationem intelligi debet negatio, sive subtractio jurisdictionis; & juxta hunc sensum intelligendi sunt omnes illi Doctores, qui reservationem definiunt per ablationem jurisdictionis. Imò Bassæus ipse in hoc non videtur sibi constans; nam quærens *loc. cit. n. 1.* quid sit reservatio, ita respondet. *Reservatio nihil aliud est, quam ablatio, sive non concessio jurisdictionis.*

Addo, definitionem à Præposito, & Reginaldo fuisse optime assignatam, quia comprehendit omnes inferiores respectu suorum Superiorum; ideoque conveniunt non tantum inferioribus Confessariis respectu Episcoporum, vel jurisdictionem quasi Episcopalem habentium; sed etiam Episcopis, quibus à Summo Pontifice facultas per reservationem restringi potest, sicuti docet Suarez *cit. tom. 4. de penit. disp. 29. sect. 1. n. 1. & 2.* Layman *lib. 5. tract. 6. cap. 12. n. 2.*

*An in Ecclesia resideat Potestas reservandi peccata.*

## RESOLUTIO II.

**N**Egant hæretici; Nam cum falso putent in Ecclesia non esse potestatem absolviendi in foro interno, consequenter reservandi potestatem negant.

Sed resolutio, & veritas catholica est certissima, scilicet in Ecclesia residere potestatem quædam superioribus iudicibus reservandi peccata. Ita definit Concil. Trid. *sess. 14. cap. 7. ubi can. 11.* excommunicationis penæ subicit eos, qui Episcopum casus sibi reservare posse scienter negant; & docent Doctores omnes apud Card. de Lugo *dispur. 20. de penit. sect. 1.* Quod usus, & praxis Ecclesiæ confirmat: Nam jurisdictio necessaria, ad Sacramentum penitentiae administrandum, manat à Superioribus Prælatis ad inferiores ministros; Ideoque potest juxta illorum arbitrium esse magis, vel minus limitata.

Hæc autem reservatio, siue jurisdictionis limitatio, quoad peccata, & eorum absolutionem, coepit in Conc. Lateranen. sub Innoc. II. *teste Soto in 4. dist. 22. qu. 2. art. 3.* Nauar. *man. cap. 27. num. 76.* qui etiam notat, peccatum primo in Ecclesia reservatum fuisse violent in manuum in Clericum iniectionem c. 17. *si quis suadente.*

*Quinam reservandi Casus potestatem habeant.*

## RESOLUTIO III.

**C**ertum, & de fide est, quod sicut solus Papa potestatem remittendi peccata divino jure in sui electione, & ordinatione accipit; nam suprema jurisdictio Papæ non confertur à Cardinalibus per electionem, sed provenit à Christo vi promissionis factæ S. Petro, ut patet Matth. 6. sic habet potestatem reservandi sibi casus, & quidem in toto Orbe, & respectu omnium tam Episcoporum, quam inferiorum Prælatorum.

Episcopi etiam, quamvis jurisdictionem non divino jure, sed humano à Summo Pontifice accipiunt; nihilominus & ipsi potestatem habent reservandi casus in sua Diœcesi, non tantum respectu Confessariorum simplicium, sed etiam Parochorum sibi subditorum. Licet enim jurisdictio Parochorum ordinaria sit, & ab institutione Summorum Pontificum tantum dependeat, ut probat Nauar. *in man. cap. 27. num. 263.* tamen ab eadem institutione provenit, ut Parochi in hoc sint Episcopis subiecti, ipsisque Parochis Episcopi potestatem in foro Penitentiae limitatam conferre possint, tum ut crimina graviora securius corrigantur, salubrioraque ijs remedia adhibeantur; tum ut ex difficultate impetrandæ veniæ scelesti homines reddantur minus proclives ad committenda peccata, sicuti habetur in *Extrauag. Et si Dominici de penit. & remiss.* Siquidem facilitas veniæ incentivum tribuit delinquendi; quod clarius patet ex Concil. Trident. *sess. 14. capit. 7.* & docent Soto in 4. dist. 18. *quæst. 2. art. 5.* Coninck. *disp. 8. de Sacram. dub.*

11. Layman lib. 5. tract. 6. cap. 12. n. 1. Filiuc. tract. 7. cap. 10.

Eadem facultas reservandi casus competit etiam ceteris Prælati, qui in utroque foro jurisdictionem ordinariam, quasi Episcopalem habent, ut sunt Abbates quidam exempti, item Generales, ac Provinciales Religionum quoad sibi subditos regulares. Vide Filiuc. cit. c. 10. nu. 169. & 281. Laym. cit. Bassæum in florib. v. cas. refer. num. 40.

Et quamvis ex privilegio Alexand. VI. Priores etiam, & Guardiani casus occultos sibi reservare poterant, hodie tamen per decretum Clementis VIII. omnis potestas reservandi casusd mpta est Superioribus Regularium infra Prouincialem: Imò eodem decreto sancitum est, ut certi tantum casus in prædicto decreto contenti, aut eorum aliquot pro religionis conservatione, & conscientiarum puritate, iique pro toto Ordine in Capitulo generali: pro Provincia verò in Capitulo provinciali, matura discussione, & consilio reserventur.

Casus autem reservabiles Prælati Regularibus, prout supra, sunt sequentes.

- 1 Veneficia, incantationes, sortilegia.
- 2 Apostasia à religione, sive habitu dimisso, sive relicto, quando eo perveneris, ut extra septa Monasterii, sive Conventus fiat egressio.
- 3 Nocturna, & furtiva à Monasterio, seu conventu egressio, etiam non animo apostatandi facta.
- 4 Propietas contra votum paupertatis, quæ sit peccatum mortale.
- 5 Iuramentum falsum in iudicio regulari, seu legitimo.
- 6 Procuratio, auxilium, seu consilium ad abortum faciendum post animatum factum etiam effectum non secuto.
- 7 Falsificatio manus, aut sigilli officialium Monasterii, seu conventus.
- 8 Furtum de rebus Monasterii, seu conventus in ea quantitate, quæ sit peccatum mortale.
- 9 Lapsus carnis voluntarius, opere consummatus.
- 10 Occisio, aut vulneratio, seu gravis percussio cujuscumque persone.
- 11 Malitiosum impedimentum, aut retar-

datio, aut aperitio literarum à Superioribus ad inferiores, & ab inferioribus ad Superiores.

An autem possint & Parochi sibi reservare casus respectu suorum Capellano- rum, licet assermet Major in 4. dist. 17. quest. 5. P. Sotus lect. 5. de pœnit. Suarez tom. 4. disp. 29. sect. 1. Resolutio tamen est in contrarium, talem nempe facultatem Parochis, nec ex dispositione juris, nec ex consuetudine competere; quod vñs, & praxis confirmat, & tradit Fagundez præcep. 2. l. 8. cap. 1. num. 9. Bassæus in florib. v. cas. refer. nu. 6. Homobonus de cas. refer. par. 1. cap. 2.

An Superior pro suo libito possit reservare peccata.

## RESOLUTIO IV.

**N**egant Sotus in 4. dist. 18. quest. 2. art. 5. Angelus v. casus. Finellius de cas. ref. cap. 4. num. 4. Henric. lib. 6. cap. 14. num. 3. sustinentes nimis gravem, atque insolitam plurium peccatorum reservationem non tantum illicitam, sed etiam invalidam esse, ut à Parochis observari non debeat. Quorum ratio est, tum quia Parochis div. no jure competit jurisdictio in suos (ita sentiunt relati Doctores) & ideo ea ipsis pro Superioris arbitrio, restringi non potest; Tum quia alioquin posset fieri talis reservatio, ita excedens & exorbitans, ut Parochos redderet inhabiles ad exercendum munus suum, eorumque jurisdictio fieret inanis, quo casu reservationem ejusmodi non tantum illicitam, sed etiam fore invalidam, fatetur etiam Card. de Lugo de Sacram. pœnit. disp. 10. sect. 3. num. 36.

Sed communis, & vera est contraria sententia, quod omnis jurisdictio Ecclesiastica à Summo in terris Ecclesia Pastore in Episcopos, & ab his in inferiores animarum Curatores conveniente ordine descendat. Ideoque reservatio casuum, licet excedens, & nimia, semper valida erit, quamvis illicita. Quia Superior semper confert jurisditionem à sua voluntate dependentem; Ideoque si auferat illam circa aliquod peccatum, si-

A 2 tum

ctum tenet, etiamsi fortasse absque conveniente ratione id faciat.

Quæ resolutio certa est non solum de Summo Pontifice respectu Episcoporum de quo tanquam supremo jurisdictionis collatore, nullus Catholicus auctor hæcenus ausus est dicere, reservationem à Summo Pontifice inductam esse invalidam, sed etiam censetur quasi certa de Episcopis respectu Parochorum. Tameñ enim Episcopi moneantur, tum à Concil. Trident. *sess. 13. cap. 7.* tum à Sacra Cardinalium Congregatione de mandato Clem. VIII. apud Quarant. *Sum. Bullar. v. cas. reserv. num. 14.* ut concessa sibi potestate utantur in ædificationem, non destructionem, nec in eam modum excedant, non tamen inde sequitur, si quid illicitè, excedendo modum, ab eis fiat, etiam invalidè fieri. Quod si interdum nimia, & irratiōnabilis videatur Parochis casuum reservatio, Episcopis supplicare poterunt, vel ad Superiorem recurrere, ut provideat. Sed interim legitimi eorum Superioris reservantis dispositioni acquiescere ipsos convenit; Cum idcirco Parochi penitus non reddantur inhabiles ad exercendum munus suum, neque aufertur ab ipsis omnis jurisdictio. Ita Navar. *cap. placuit num. 21. dist. 6. de pœnit.* Sylvest. *v. casus quest. 5. Suarez par. 3. tom. 4. disp. 25.* Layman *lib. 5. tract. 6. cap. 12. n. 5.* Coninck *de Sacram. disp. 8. dub. 11. num. 78.* Filliuc. *tract. 7. cap. 10. quest. 3.* Fagund. *2. Eccl. præcep. lib. 8. cap. 1. n. 19.* Bonac. *10. 1. disp. 5. q. 7. punct. 5. §. 1. n. 2.* Bassæus *in flor. v. cas. reserv. n. 4.*

*In Summus Pontifex non solum censuras, sed etiam culpas sibi reserves.*

## RESOLUTIO V.

**A**ffirmat Suarez *de pœnit. tom. 4. disp. 29. sect. 2. num. 8.* Filliuc. *tract. 7. cap. 10. num. 270.* quæ sententia est satis probabilis.

Sed communior, & probabilior est sententia, quæ docet Pontificias reservationes littere in censura, & solum per accidens redundare in culpam. Nam

quamvis Summus Pontifex nudas culpas sibi reservare possit, sicuti faciunt Episcopi, Religionumquæ Prælati, de facto tamen censetur tantum sibi reservare censuram, qua ablata, peccatum definit reservatum. Ita Caiet. *in sum. v. casus Tolet. lib. 3. cap. 14. num. 1.* Navar. *cap. 27. num. 261.* Henriq. *lib. 6. cap. 14. numer. 1.* Layman *lib. 5. tract. 6. cap. 12. num. 2.* Coninck *de Sacram. disp. 14. dub. 16. num. 281.* Bonac. *tom. 1. disp. 5. quest. 7. punct. 5. §. 2. num. 4.* Fagund. *2. Eccl. præcep. lib. 8. c. 1. num. 5.*

Hinc si Papa, vel ejus Pœnitentiarius aliquem absolvit à reservata excommunicationis censura, quilibet Confessarius deinde in conscientia foro absolvere poterit à peccato, cui talis censura erat annexa, sicuti resolvit Layman *loc. cit.* ex Henriq. & Coninck.

Similiter si quis delictum patravit in Bulla Cœnæ contentum, sed ob ignorantiam non crassam à censura tali delicto annexa excusatus fuit, eò quod de ea nihil audivit, ab inferiore absolvi potest, sicuti notavit Henriq. *loc. cit.* & Coninck *cit. dub. 11. num. 7.*

Imò valde probabile est, quod docent Navar. *cit. cap. 27. num. 254.* Tolet. *cap. 14. num. 2.* Tannerus *tom. 4. disp. 6. quest. 9. dub. 4. num. 87.* videlicet, si Papa relaxet censuram sibi reservatam, ex consuetudine auferri etiam reservationem inferioris, puta Episcopi; non tamen è contra, nam, ablata reservatione Episcopali, adhuc remanet Papalis. Secus si plures sint reservationes propter plures censuras, nam ablata v. gr. Papali, adhuc remanere Episcopalem, docent præcitati Doctores *il. cc.*

Excipiendus tamen est à supradicta doctrina casus simoniæ, tum promoventis, tum promoti ad ordines, quod delictum Sixtus V. dempta etiam suspensione, Sedi Apostolicæ reservavit, ut constat ex ejusdem Bulla edita anno 1588. apud Quarant. *v. Ordo.*



*An cuiusvis generis peccata  
possint reservari.*

## RESOLUTIO VI.

**A**ffirmative respondet Mazuchellus *de cas. reserv. disp. 1. quest. 1. diff. 6. 7. & 8.* ubi licet fateatur non expedire reservare peccata venialia, vel mortalia semel ritè confessa, nihilominus, spectata Ecclesiæ potestate, docet cuiusvis generis peccata, tum venialia, tum mortalia, aliàs legitimè confessa, posse reservari; eò quòd ad omnium Sacramentalem absolutionem necessaria sit iurisdic-tio, quæ cum à Superioribus descendat, potest ab ipsis limitari.

Cæterum quamvis Mazuchelli sententia, spectata absoluta Ecclesiæ potestate, non videatur improbabilis, tamen Ecclesia de facto nullum veniale, vel mortale aliàs ritè confessum reservare solet, partim, quia omnes Sacerdotes, vel iure divino, ut vult Vasquez, quem citat, & sequitur Ioseph à Januario *de cas. reserv. resol. 35. num. 2.* vel potius generalis Ecclesiæ consuetudine à venialibus absolvendi potestatem habent, quam proinde Episcopis ipsis auferre non potest, nisi per justam excommunicationis sententiam; partim quia ad venialis peccati confessionem nemo obligatur, *cap. omnis extr. de pœnis. & remiss.* Ergo frustra venialium absolutionem Superior suo iudicio reservaret. Ita Finellius *de cas. reserv. cap. 5. num. 6.* Graff. *in sua practica lib. 1. cap. 2. nu. 2.* Layman *lib. 5. tract. 6. cap. 12. num. 3.* Januarius *cit.* qui addit reservationem venialium numquam in Ecclesiam Dei fuisse inductam, eò quòd absolutio à venialibus iure divino competat simplici Sacerdoti.

Addi Lupus *de cas. reserv. par. 1. diff. 1. diff. 2. num. 2.* ex decreto Sacre Congregationis super absolutione à reservatis, venialia nunc reservari non posse; de quo si authenticè constaret, omnino rueret opinio contraria.

Sit igitur resolutio. Reservatio est tantum de peccatis mortalibus. Nam si alia reservarentur quàm mortalia, id esset

iniicere laqueum fidelibus, & in gravamen eorumdem intolerabile cederet. Ita Suarez *de pœnit. 10. 4. disp. 29. sect. 3.* Filliuc. *tract. 7. c. 10. n. 271.* Reginal. *lib. 1. n. 126. & 128.* Graff. *loc. cit. & cap. 7. in append.* Coriolanus *de cas. reserv. par. 1. sect. 1. art. 3.* Layman *loc. cit.*

Imò Sacra Cardinalium Congregatio Ordinarios monendos censuit, ut non patium mortalia delicta, sed atrociora tantum, gravioraque crimina sibi reservent. Vide apud Quarant. *Sum. Bullar. v. cas. reserv. num. 14.*

Hinc inferitur, quidquid excusat à peccato mortali, excusare etiam à reservatione. Unde quemadmodum parvitas materiæ (excepto crimine simoniæ, hæreticis, blasphemis) impotentia servandi legem, indeliberatio rationis, imperfectus consensus voluntatis, & ignorantia, sive juris, sive facti, quæ non sit crassa, vel affectata, excusant à peccato mortali: ita etiam à reservatione, quæ semper mortalem culpam supponit. Graff. *lib. 4. decis. aure. cap. 8. n. 20. excommun.*

*An peccata mortalia interna sint reservatio-nis materia.*

## RESOLUTIO VII.

**Q**uamvis in superiori resolutione non improbabiler dictum sit, spectata Ecclesiæ potestate, cuiusvis generis peccata reservari posse, & consequenter etiam mortalia interna, ad quorum sacramentalem absolutionem constat necessariam esse iurisdictionem, quæ cum à superioribus ad inferiores Confessarios, limitatè, seu cum restrictione conferri potest; sicuti docet Sanchez *lib. 1. moral. cap. 8. nu. 4.* Card. de Lugo *disp. 20. de pœnis. sect. 2. n. 13.*

De facto tamen Ecclesia, sicut non solet reservare venialia; ita nec mortalia interna, sed tantum externa. Et ratio est, tum quia internorum peccatorum reservatio nec expedit, nec ita necessaria est ad Ecclesiæ gubernationem, quippe quæ externa potissimum spectare debet: Tum quia id cederet in grave damnum, & inextricabilem anxietatem fidelium. Ita Suarez *disputat. 29. de pœnit. sect. 3. num. 3.*

n. 3. Filliac. *trac.* 7. *cap.* 10. nu. 271. Fide-  
lius *de cas. refer.* *cap.* 5. num. 6. Graff. *par.*  
1. *decif. aure.* *cap.* 13. num. 71. Sanchez. *cis.*  
numer. 4. Layman. *lib.* 5. *trac.* 6. *cap.* 12.  
num. 3.

Addo, neque omnia peccata externa,  
lege reservata affecta, & prohibita, cen-  
senda esse reipsa reservationi obnoxia;  
sed ea tantum, quæ, secundum conditio-  
nem, & quantitatem malitiæ exte:riæ, &  
non per solam relationem ad actum, &  
malitiam internam, certò constare esse  
mortalia. Vnde si reservata esset percus-  
sio, is in casum non incideret, qui ex pra-  
vo, & mortali affectu alterum percuteret,  
si externa læsio, utpotè levis, ad culpam  
mortalem non pertingeret. Ita communi-  
ter DD. Sylves. v. *casus quæst.* 5. Henriq.  
*lib.* 6. *ca.* 14. num. 6. Dian. *par.* 8. *resol.* 46.  
Card. de Lugo *dis.* 20. *de penit. sect.* 2. num.  
15. Graff. *cir.* num. 71. Finell. *de cas. refer.*  
*cap.* 5. num. 8.

*An reservatio requirat peccatum externum  
consummatum.*

## RESOLUTIO VIII.

**R**esponsio est affirmativa peccatum  
scilicet, quod ab Episcopo, uel alio  
Prælatò, jurisdictionem Episcopalem ha-  
bente reservatur debere esse non solum  
mortale, & externum, sed etiam opere  
consummatum: Tùm quia reservatio habet  
rationem poenæ poena autem non habet  
locum, nisi secundo effectû; sicuti docet  
Layman *lib.* 5. *trac.* 6. *cap.* 12. n. 3. Graff.  
*lib.* 1. *cap.* 7. num. 71. Tùm quia, quando  
lex prohibet aliquod delictum, intelligi-  
tur de delicto perfecto, & consummato. Ita  
præter Layman, & Graff. *ll. cc.* Dian. *par.*  
5. *trac.* 5. *resol.* 46. Henriq. *lib.* 6. *cap.* 14. n.  
5. Fincilius *de cas. refer.* *cap.* 5. num. 4.

Hinc si incestus in primo, vel secun-  
do con sanguinitatis, uel affinitatis gradu  
reservetur, uti fit in hac Brixien. Diocesi,  
conatus ad illum committendum, non  
erit reservatus. Nam in materia reserva-  
tionis non puniatur affectus, nisi sequatur  
effectus.

Similiter Sodomia, si alicubi, ut Ber-  
gomi, & Mediolani, Episcopali reserva-

tione sit comprehensa, non debet cense-  
ri reservata, nisi fuerit consummata; Non  
dicitur autem tam netandum scelus con-  
summatum, nisi in vase obsecro fiat semi-  
natio; de quo fusiùs infra in additione post  
secundam partem. Ita Graff. *loc. cit.* & *lib.*  
2. *decif. aure.* *cap.* 80. n. 7. Nauar. *in man.*  
*cap.* 27. numer. 250. Sayrus. *lib.* 8. *cap.* 5.  
num. 16.

Adverte tamen, quòd cùm reservatio  
pèdeat ex sola mente, & voluntate Legi-  
slatoris reservantis; propterea si reservans  
expressis uerbis attentionem alicujus  
atrocis criminis, uel conatum ipsum ad  
illud crimen committendum reservet, uti  
fit in procuratione abortus særus anima-  
ti; sola criminis attentatio, nudusque co-  
natus, secluso effectû, & consummatione,  
reservationi erit obnoxius: Sicuti resol-  
vunt Reginal. *lib.* 22. *cap.* 3. nu. 49. Rodriq.  
*in sum. par.* 1. *cap.* 209. Dian. *par.* 2. *trac.* 3. *re-*  
*sol.* 63. Bonac. *de matrim. quæst.* 4. *punc.* 1. r.  
n. 2. Layman. *cir.* n. 3. vers. Dico quare. Fi-  
nell. *de cas. refer.* *cap.* 5. n. 3.

*An in dubio juris casus censendus sit  
reservatus.*

## RESOLUTIO IX.

**R**esponsio est negativa, nempe in du-  
bio juris de casus reservatione, ca-  
sum non censei reservatum: Tùm quia  
constitutio, & promulgatio legis est quid  
facti, factum autem in dubio non præsu-  
mitur: Tùm quia in dubio, an lata sit lex,  
vel præceptum reservans aliquod pecca-  
tum, possessio stat pro dubitante; & con-  
sequenter Confessarius etiam simplex  
manet in possessione suæ jurisdictionis;  
sicque potest ab eo absolvere. Ita Sæ v. *casus  
reservati* nu. 5. Suarez *tom.* 2. *de relig. lib.*  
4. *cap.* 5. numero 15. Sanchez *lib.* 2. *mor. cap.*  
20. num. 74. Bonac. *de penit. disp.* 5. 7. *punc.*  
5. d. 4. numero 1. Card. de Lugo *de penit.*  
*dis.* 29. *sect.* 2. n. 17.

*An in dubio facti delictum censendum sit reservationi obnoxium.*

## RESOLVTIO X.

**A**ffirmativam partem sustinent Armilla v. casus num. 13. Corduba ad cap. 7. reg. S. Franc. quest. 4. p. 1. cas. 3. Croufers ib. sect. 17. fol. 639. afferentes casum reservatum in dubio habendum esse pro reservato sique adeundum esse Superiorem pro obtinenda absolutione : Quia in dubio tutior pars est eligenda, confiteri autem Superiori casum reservatum in dubio, videtur tutius. Ergo &c.

Sed in negativam partem resolvitur difficultas, videlicet casum Episcopalem in dubio censendum non esse reservatum : Tūm quia delictum dubium non est delictum simpliciter, sed secundum quid, reservatio verò, cum sit odiosa, strictè est accipienda, & ad delicta simpliciter, casusque certos, non autem dubios restringenda : Tūm quia in dubiis melior est conditio possidentis : Dubitans autem in hoc casu est in possessione petita, & expetita absolutionis, & Confessarius, licet inferior est in possessione suæ jurisdictionis. Ergo &c.

His addendum, quod cum Episcopus casus dubios sibi non reserve, sicut facit Pontifex, consequenter censetur Confessariis inferioribus facultatem ab illis absolvendi tribuere. Ita Suarez cir. 2. par. tom. 9. disp. 40. sect. 3. num. 15. Sanchez lib. 1. moral. cap. 10. n. 74. Henriquez lib. 6. num. 7. Layman lib. 1. tract. 1. cap. 5. §. 4. Filliuc. tract. 21. num. 159. 172. Card. de Lugo. disp. 20. de pœnis. sect. 2. n. 18. Dian. par. 4. tract. 3. resol. 4. Bonac. de Sacrament. pœnis. disp. 5. quest. 7. punct. 5. §. 4. num. 11. Bassæus in florib. v. cas. reserv. num. 23.

Dixi casum Episcopalem, quia casus Papales cubiè, vel clarè, sive in Bulla Cœnæ Domini, sive extra, semper sunt reservati, ut dixi, de quo Vide Stephanum Quarant. Sum. Bullar. v. casus reserv. num. 13.

Ad rationem pro opposita sententia respondetur, non semper tutiorem par-

tem esse eligendam, sed sufficere eligere tutam, quæ scilicet ex practicis, & certis rei principiis sit desumpta. Alioquin illa regula continet potius consilium, quam præceptum, teste Navar. in man. cap. 27. nu. 281. Bonac. tom. 2. disp. 2. quest. 4. punct. 9. num. 21.

Limitat tamen hanc posteriorem sententiam Sanchez cir. lib. 1. moralium cap. 10. num. 74. ut habeat locum, nisi præsumptio fori externi stet pro reservatione delicti, quia stante hac præsumptione (ait Sanchez) possessio est pro reservatione delicti, cujus præsumptioni standum est etiam in foro interno, cum idem sit iudicium utriusque fori, quoties forum externum non innititur falsa præsumptione.

Sed hanc Sanchez limitationem reiciunt Merolla in disp. theol. disp. 3. dub. 2. coroll. 23. num. 270. Dian. par. 4. tract. 3. de conscient. dub. 2. resol. 4. Card. de Lugo cir. disp. 20. num. 18. qui absolute sustinent casum in dubio numquam censeri reservatum, nisi aliter jure decernatur in aliquo casu, ut sit in casu irregularitatis ex dubio homicidio. Quia reservatio absolutionis, cum sit odiosa, ad peccata omnino certa est restringenda. Vide etiam Caramuel lib. 3. theol. moral. n. 1330.

Hinc qui dubitat, an peccatum aliquod reservatum. v. g. homicidium commiserit, vel copulam incestuosam compleverit, vel reservatam sodomiam cum seminis emissionem in vase turpissimo consumaverit, aut violando jus reservans, mortaliter deliquerit, non debet censeri reservatione innodatus: & consequenter à quolibet Confessario absolvi potest. Ita Bonac. disp. 5. de pœnis. quest. 7. punct. 5. §. 4. n. 2. Coriol. de cas. refer. par. 1. sect. 1. art. 5. Graff. de cas. res. lib. 1. c. 4. Mazuch. de cas. refer. disp. 1. quest. 1. diff. 9. num. 32. Joseph à Januario de cas. refer. resol. 2. num. 1.

Similiter si dubitetur, utrum percussio Clerici sit levis, aut mediocris aut gravis, judicari debet levis. Si que ab excommunicatione ob ejusmodi dubiam læsionem contracta absolvi potest Episcopus; sicut docet Dian. quem citat, & sequitur Mazuchellos loc. cit. num. 33. qui numero

mero 34. sentit iudicium qualitatis percussiois Clerici pro foro externo spectare ad Episcopum, pro foro autem interno ad quemlibet virum prudentem, & doctum. Contrarium tamen, quod scilicet percussio Clerici dubia, num grauis vel levis sit, non cadat sub facultate, & absolutione Episcopi, tenet Januarius. l. c. nu. 12. ex Nauar. Quorum opinio conforrior est supradictis.

Præterea casum dubium de dispensatione habendum non esse reservatum, neque dispensationem Summo Pontifice sed ad maiorem cautelam ab Episcopo petendam esse, tenet idem Dian. par. 4. tract. 3. resol. 46. Castro Palas tom. 1. tract. disp. 6. punct. 5. num. 10. Barbosa de potest. Episc. par. 2. alleg. 35. n. 19. Layman lib. 1. tract. 4. c. 22. nu. 4.

Idemque tandem dicendum in dubio reservationis voti, scilicet huiusmodi votum censendum non esse reservatum quia, cum dispensationis reservatio sit odiosa, ad casus certos est restringenda. Sanc. lib. 4. moral. cap. 40 nu. 26. & cap. 44. nu. 3. qui ex eodem fundamento resolvit, eum, qui scit, se emisisse votum Pontifici reservatum, sed dubitat de intentione se obligandi; ad votum quidem tene-ri, at non esse Pontifici reservatum.

Adverte tamen, quod si quis recordaretur, se peccatum reservatum commississe, dubitaretur verò utrum illud confessus sit, tali casu possessio staret pro lege reservante, non pro pœnitente: Ideoque teneretur Superiorem adire pro illius absolutione. Sic si alteri constaret de voto edito, aut præcepto imposito, dubitaret autem, num illud impleverit, possessio esset pro obligatione, sicuti resolvit idem Sanchez. lib. 1. moral. cap. 10. num. 12. Vasquez 1. 2. disp. 66. cap. 7. Layman lib. 1. tract. 1. cap. 5. §. 3. num. 31.

*Pœnitens à casu reservato dubio per simplicem Confessarium absolutus fuit, postea in cognitionem venit certò fuisse reservatum: Quæritur, an censendus sit legitime absolutus.*

#### RESOLUTIO XI.

**R**esponsio est affirmatiua, si pœnitens, durante tali dubio, per sim-

plicem Confessarium absolutus fuit: quia sicut votum in dubio non censetur reservatum, sic nec peccatum: Ergo sicut in dubio de voto reservato potest Episcopus dispensare, & dispensatio manet valida, etiamsi postea constet de voti certitudine, ut docet Sanchez lib. 4. moral. cap. 44. num. 10. sic in dubio de peccato reservato absolvere potest Confessarius simplex, & absolutio valebit, licet postea constet de certitudine reservationis. Nam ad recipiendam directam absolutionem sufficit manifestatio peccati dubii, prout tunc est in conscientia, non prout cognoscitur post absolutionem. Ita Suarez de pœnit. disp. 22. sect. 5. n. 38. Coninck de Sacram. dif. 7. dub. 7. num. 62. Card. de Lugo. dif. 20. de pœnit. sect. 2. num. 20. quem citat, & sequitur. P. Basszus in florib. theol. pract. verbo cas. refer. nu. 24. Ioseph de Januario de cas. refer. resol. 3. num. 2. §. 5.

Et quod asseritur de peccato dubio, cui adnexa est reservatio, idem dici potest de delicto dubio, cui adnexa sit censura reservata. Quandiù enim pœnitens vertitur in dubio de delicto, potest per inferiorem absolvi, & si absolvatur, validè recipit absolutionem: Et quamvis postea certò sibi constet de delicto commissio, contrafactaque censura; non propterea tenetur Superiorem adire. Quia absolutio non fuit data ad reincidentiam, sed absolute. Sicut ergo in hoc casu excommunicatio semel sublata non redit, quoad speciem, sine nova contumacia; ita nec reservatio (durante dubio reservatæ culpæ) sine nova culpa. Plura de hoc casu vide apud Card. de Lugo. Basszum, Coninck. loco cit. & Iosephum de Januario. de cas. refer. resol. 3. n. 9. & 14.

Exemplum tamen ab ipsis allatum de dubio hæresis delicto, eique adnexa censura, hodie non subsistit post decretum Alex. VII. die 2. Octob. 1665. Siquidem delictum hæresis esse casus in Bulla Cœnæ contentus, Episcoporum iurisdictioni non subiectus: casus autem Bullæ, sive clarè, sive dubiè Summo Pontifici sunt reservati, ut præcedenti resolutione dixi.

Nequè resolutioni quicquam officit, si dicatur, peccatum illud à parte rei verè fuisse reservatum, dubium verò tantum ratio-

ratione oblivionis, vel ignorantiae, nihil, inquam, officit: Quia per dubium super-  
veniens tollitur reservatio: Unde si, du-  
rante tali dubio, simplex Confessarius  
absolvat, validè, & directè absolvit. Si-  
quidem voluntas Ordinariorum sibi ca-  
sus dubios non reservantium dat faculta-  
tem inferioribus Confessariis absolvendi  
pœnitentes ab ipsis ut dictum est *resolutio-  
ne præcedenti*. Quod verum est, si pœni-  
tens durante tali dubio, per simplicem  
Confessarium absolutus fuit: Secus si an-  
te obtentam absolutionem cesset refer-  
vationis dubium: Nam cessante illo du-  
bio, statim reviviscet reservatio, & conse-  
quenter tenebitur Superiori se præsentare.  
*Januarius cit. resol. 3. num. 12.*

Quæ doctrina locum habet etiam in  
censura: Nam sicut, adveniente dubio,  
cessat peccati reservatio; ita etiam refer-  
vatio impositæ censuræ: & quemadmo-  
dum, durante dubio, pœnitens potest à  
reservatis per inferiorem absolvi; sic  
etiam à reservata censura (cujus reserva-  
tio eo casu remanet suspensa) juxta pro-  
babilem, & in praxi tutam sententiam,  
quod à censura non reservata, statuto,  
vel sententia generali lata quilibet Con-  
fessarius possit absolvere; sicuti docent.  
*Navar. in man. cap. 27. num. 4. Tolet. lib. 1.  
cap. 16. num. 7. Avila par. 2 cap. 7. disput. 1.  
dub. 9. Layman lib. 1. tract. 5. par. 1. cap. 7.  
num. 3.*

Dixi, durante dubio, quia si pœnitens  
tempore dubii non absolvatur à censura,  
cessante postea dubio, compertaque veri-  
tate, hoc est, reservationis certitudine,  
redit reservatio. Siquidem reservatio est  
ablatio, sive negatio jurisdictionis, quæ  
redit sine nova culpa, quoties cessat du-  
bium de reservatione prioris culpæ ante  
ejus absolutionem; cogeturque pœni-  
tens pro absolutione à reservata censura  
ad Superiorem recurrere. Ita Card. de  
Lugo *cit. num. 20. Bassæus cit. Mazuch. de  
cas. reserv. disp. 1. quest. 1. diff. 10. num. 38.  
Januar. cit. resol. 3. num. 15.* Huic affinis est  
resolutio sequens.

*In dubio de peccato mortali an quilibet teneat  
ur illud sub dubio confiteri.*

## RESOLUTIO XII.

**N**egativam sententiam conantur  
defendere Henriquez *lib. 8. de Eu-  
ch. cap. 4. s. num. 3. lit. P. ConincK tract. 2.  
de Sacram. disp. 7. dub. 8. num. 68. Præposi-  
tus de confess. quest. 5. dub. 3. num. 117. Ami-  
cus de pœnit. disp. 13. sect. 3. num. 65. Joseph  
de Januario in resol. variis resol. 20. Ca-  
ramuel lib. 3. theol. moral. disp. 4. num. 1481.*  
docentes, eum qui dubitat, an peccatum  
sit à se commissum, vel an peccatum  
commissum sit mortale, vel veniale, non  
teneri tale peccatum sub dubio confiteri.  
Si verò post tale dubium aliud Sacra-  
mentum non sumpsit, tunc teneri in ar-  
ticulo, vel periculo mortis aliud Sacra-  
mentum sumere, vel actum contritionis  
elicere. Probant hanc sententiam ex  
Tridentino *sess. 14. cap. 5. ubi ad servan-  
dam confessionis integritatem id tan-  
tùm exigit à pœnitentibus, ut confitean-  
tur illa peccata, quorum post diligentem  
sui discussionem, conscientiam habent.*  
Igitur peccata dubia, tam quoad exerci-  
tium, quàm quoad specificationem actus,  
quorum pœnitens post diligentem sui di-  
scussionem conscientiam non habent,  
non tenentur confiteri. Accedit, & ratio,  
quia in dubio delictum præsumi non de-  
bet, & in nullo foro aliquis accusari de-  
bet de delicto, de quo indicia non extant,  
conjecturæque probabiles assensum non  
generent.

Verùm à communi sententia, non est  
recedendum, quæ fundatur in usu, & pra-  
xi totius Ecclesiæ, a tempore Aposto-  
lorum incepta, ut docet Card. de Lugo  
*de pœnit. disp. 16. sect. 2. numer. 63.* Nam Sa-  
cramentum Pœnitentiæ est vindicta salu-  
taris, hoc est, institutum non tantùm in  
punitionem criminum, sed magis etiam  
ad animarum salutem, ut habet Trident.  
*sess. 14. cap. 8.* Atqui in hoc dubio, quo  
de salute animæ agitur, tutior pars am-  
plectenda est, possessioque censetur  
stare pro præcepto confessionis, quod  
in hoc dubio obligat. Quare absolute

B sta-

statuendum est, pœnitentem, qui dubitat, v.g. an blasphemiam protulerit, vel delectationi morosa consenserit, vel qui certus de blasphemia, anceps hæret, an fuerit mortalis, teneri peccatum illud, imò etiam circumstantiam peccati dubii confiteri. Quia ista etiam pertinet ad rationem peccati dubii, iisque testis, non plenè manifestaretur peccatum dubium, prout est in se. Ita Suarez *tom. 4. disp. 22. sect. 9. num. 2. Navar. man. cap. 9. n. 14. Bonacin. de pœnit. disp. 5. quest. 7. punct. 5. §. 4. Layman lib. 1. tract. 1. cap. 5. §. 3. num. 37. Bassæus v. dubium num. 7. Dian. par. 4. tract. 3. resol. 5. Card. de Lugo loc. cit. Sanchez lib. 1. moral. cap. 10. num. 66. qui num. 68. rectè monet peccata dubia confitenda esse ut dubia, non ut certa, alioquin pœnitens committeret mendaciam circa materiam confessionis necessariam; ideòque à mortali non posset excusari.*

Benè tamen advertit idem Doctor l. c. pœnitentes, & maximè rudiores sæpè numero à peccato excusari, si interdum peccata dubia, tanquam certa, confiteantur; eò quòd bona fide, & ex simplicitate quadam id faciant, securiùsque eo modo se confiteri existiment. Vide etiam Dian. loc. cit.

Quòd si pœnitens & dubius sit de mortali, & insuper non recorderetur speciem illius peccati, tenetur in genere fateri, se dubium esse de quodam mortali peccato, sed speciem ignorare Sanchez *cit. num. 69.*

Ad rationes oppositæ sententiæ responderi potest, axiomata illa locum habere in odiis, non autem in favorabilibus, & potissimum ubi dubia favent dubitanti, tamque animæ salutaria sunt.

Tridentinum verò Concilium ideò de peccatis dubiis mentionem nullam fecit, quia propositum illi erat, ea tantum definire, quæ certiora sunt: reliqua verò relinquere scholasticis disputanda. Vide Layman *cit. n. 37. vers. Verum non libenter.*

*An Pœnitens, qui confessus est peccatum dubium ut dubium, si deprehendat deinde fuisse certum, teneatur illud ut certum confiteri.*

### RESOLUTIO XIII.

**N**egativam sententiam; ut probabilem admittere videtur Bresserus de *conf. lib. 4. cap. 18. num. 197. Januar. de cas. reserv. resol. 3. num. 5. ob rationes, quas habet Card. de Lugo de pœnit. disp. 16. sect. 2. num. 67. eandemque absolutè sustinet Caramuel lib. 3. the. moral. num. 1539. ubi sic habet. Confessus peccatum dubium ut dubium, si comperiat postmodum fuisse certum, non tenetur id ut certum confiteri. Ex communi tamen sententia, & praxi tale peccatum dubium est confitendum deinde ut certum. Sed ejusmodi praxi an ex scrupulo, vel ex ratione sit orta, non disputo. Videtur enim pœnitens non velle disputare, nec librare rationes, sed sequi securissimam partem. Hæc ille.*

Verum opinio contraria est communis, teste ipso Caramuel, & in praxi servanda, sed cum distinctione. Nam vel pœnitens tantum confessus est, se dubium mortale commississe, vel integrè confessus est totam actionem peccaminosam, licet dubitaverit vñ cum Confessario, an illa fuerit mortalis. Si primo modo confessus sit, tenebitur illud ut certum reconfiteri. Et ratio est, quia peccatum subiiciendum est clavibus, prout est in conscientia pœnitentis. Atqui peccatum illud jam est in conscientia pœnitentis ut certum: Ergo subiiciendum est clavibus ut certum, qua ratione non fuit subiectum in priori confessione: Tum quia si pœnitenti in præterita confessione constitisset de peccato commissio, obligatus fuisset illud tanquam certum clavibus subiicere; obligatio autem hæc cessavit ratione oblivionis, vel ignorantia. Ergo sublata oblivione, vel ignorantia, redit obligatio illud confitendi, tanquam certum.

Si verò secundo modo, hoc est, si pœnitens integrè confessus est totam actionem

nem peccaminosam , seu peccatum à se admissum , dubitans tùm ipse , tùm Confessarius , an illud esset mortale , tunc non tenetur iterum confessionem illius peccati repetere ; nisi aliundè confessio fuerit irrita . Tùm quia in hoc casu nulla nova circumstantia subiicienda esset clavibus , quæ in priori confessione non fuerit subiecta . Tùm quia ad Confessionis validitatem non necessariò requiritur , ut pœnitens , aut Confessarius determinatè sciat peccatum clavibus submissum esse mortale , vel veniale : Nam id distinctè , & determinatè scire in individuo , est moraliter impossibile . Ita Sanchez lib. 1. moral. cap. 10. num. 69. Turrian. de pœnit. quest. 9. art. 2. Escobar. moral. theol. tract. 7. cap. 7. cas. 12. Card. de Lugo cit. disp. 16. num. 67. Bassæus v. confes. 3. num. 6. vers. Sed peres. Dian. par. 4. tract. 3. resol. 5. & par. 6. tract. 6. resol. 13. Bonac. de pœnit. disp. 5. quest. 7. punct. 4. §. 2. n. 1. 12. & 14.

*An pœnitens , qui confitetur se decies , plus , vel minus mortaliter peccasse , si postea recorderetur se duodecies deliquisse teneatur denuò illa duo peccata confiteri .*

#### RESOLUTIO XIV.

**A**ffirmat Card. de Lugo disp. 16. de pœnit. num. 67. Alioquin qui hoc negat ( inquit ipse ) si coherentè loqui velit , debet etiam negare , quòd peccatum submissum clavibus ut dubium debeat postea iterum clavibus subiici , si post absolutionem pœnitens comperiat se illud certò commississe ; quæ tamen difficultas supra in affirmativam partem fuit resoluta .

His tamen non obstantibus , opinio negativa est sustinenda , pœnitentem scilicet in prædicto casu non obligari denuò confiteri illa duo peccata , tanquam certa , quæ sub illa formula plus , vel minus fuerunt ab ipso clavibus subiecta : Quia major ille numerus , v. gr. se duodecies mortaliter peccasse , satis fuit expressus in prima confessione , dicendo se decies , plus , minusve deliquisse . Ita Doctores infra citandi .

Secùs dicendum , si postea in memoriam veniat numerus notabiliter expresso major ut si expressit decies se peccasse mortaliter in tali genere peccati , plus minusve , & postea recorderetur se vigesies peccasse , tunc tenetur in alia confessione explicare numerum , cuius oblitus erat in prima confessione : Quia est notabiliter major , & consequenter non censetur sufficienter in prima confessione expressus . Quod si confessus vigesies , inveniat postea se tantum decies illud peccatum commississe , non teneantur talem numerum in proxima confessione retractare : Nam id pœnitens fecit bona fide , & confessio fuit integra ; cum in numero majori contineatur minor , ut advertit Diana par. 2. tract. 17. resol. 25. post Bonacinam . Ita Suarez disp. 22. de pœnit. sect. 5. num. 38. & 39. Coninck disp. 7. dub. 7. num. 61. Reginal. lib. 6. num. 126. Fagundez præcep. 2. lib. 3. cap. 4. num. 9. Vasquez quest. 90. art. 1. dub. 5. Sancius in select. disp. 2. Filliuc. t. 7. tract. 7. cap. 4. Dian. loc. cit. & par. 2. tr. 3. resol. 94.

Ad argumentum verò contrariè sententiæ respondeo , negando paritatem : Nam qui confitetur peccatum ut dubium , non confitetur illud , prout est in conscientia ; unde , habita certitudine , tenetur ad novam confessionem . Qui verò confitetur , se decies , plus , vel minus peccasse , tam peccatum quoad substantiam exprimit , & sufficienter indicat etiam quoad numerum , ob communem illius formulæ plus , vel minus intelligentiam : Ideòque post compertam veritatem , & habitam certitudinem , ad confitenda illa duo , aut tria peccata , obligandus non est pœnitens , cuius statum sufficienter novit Confessarius . Vide Dianam cit. resol. 94.

*An Confessarius , qui dubitat de sua jurisdictione circa casus reservatos possit ab illisolvere .*

#### RESOLUTIO XV.

**R**esponsio est negativa , quia possessio tali casu stat pro delicto , quod constat esse reservatum , dubia manente

B 2 iurif-

jurisdictione: Unde quando ipsius intellectus anceps hæret circa facultatem reservatorum, non potest sine lethali culpa, extra mortis articulum directè absolvere: quia exponeret se periculo invalidè impendendi absolutionem. Indirectè tamen, & cum onere comparandi coram Superiore potest aliquando absolvere, ut in casu prementis necessitatis, vel concurrente iusta, & rationabili causa. Ita Suarez 3. par. tom. 4. disput. 26. sect. 6. Bonac. tom. 1. disp. 3. quest. 7. punct. 5. §. 5. Filliuc. tract. 7. cap. 8. nu. 226. Coninck de Sacram. disp. 8. dub. 6.

Propterea penitens absolutus cum jurisdictione dubia in casu necessitatis, & cum onere, tenetur iterum eadem peccata Sacerdoti, habenti jurisdictionem certam, confiteri: Est communis apud Dian. par. 4. tract. 3. resol. 38. quidquid in contrarium dicat Salas. 1. 2. tract. 8. disp. vnic. sect. 27. n. 283.

Adverte tamen hanc resolutionem procedere tantum in casu, quo Sacerdos propriè dubitat: Nam si habet opinionem probabilem de sua jurisdictione, potest validè à reservatis absolvere. Quod verum est, etsi opinio contraria esset probabilior, vel etiam si opinio illa probabilis falso niteretur fundamento: Quia suffragante opinione probabili, Ecclesia supplet jurisdictionis defectum, sicut eandem supplet, concurrente errore communi, & titulo colorato. Ita Sanchez lib. 3. de matrim. disp. 22. n. 65. & lib. 1. moral. cap. 9. num. 35. Lessius lib. 2. cap. 29. dub. 8. num. 68. Suarez cit. disp. 26. sect. 6. num. 5. & de censur. disp. 2. sect. 4. num. 2. Bonac. de legib. disp. 2. quest. 4. punct. 9. numer. 19. Reginal. lib. 1. num. 103. Dian. par. 2. tract. 13. resol. 2. Layman lib. 1. tract. 4. cap. 22. n. 9.

*An Episcopus, vel alius Superior reservans propriæ legis reservantis dispositioni subiaceat.*

## RESOLUTIO XVI.

**Q**uamvis omnia jura, tam divina, quam humana clamare videantur, & ratio ipsa suadeat, caput debere ceteris membris conformari. Hinc Christus

Dominus apud S. Matth. c. 23. reprehendit Phariseos; enim, & non faciunt.

Nihilominus certa dari potest resolutio, Episcopum, vel alium Superiorem reservantem nequaquam propria reservatione ligari; Proindeque posse cuicumque approbato confiteri. Ita Card. de Lugo disp. 20. de panit. sect. 5. Floron. de cas. reserv. par. 1. cap. 3. §. 1. num. 5. Mazuchellus disp. 1. quest. 2. diff. 1. num. 1. Graff. de cas. reserv. lib. 2. cap. 20. num. 30. Dian. de legib. par. 1. resol. 10. Quia etsi legislator, ad observationem suarum legum, teneatur vi directiva, ut Reip. caput reliquis partibus congruere videatur, ut dixi; non tamen vi coactiva, cum nullus in se ipsum ferre possit condemnationis judicium, si contra legem agat, neque in proprio facto esse iudex, ait S. Thom. 1. 2. quest. 96. art. 5. ad 3. Vide Layman lib. 1. tract. 4. num. 3.

*An Vicarius Generalis ligetur reservatione ejus Episcopi, cujus vices gerit.*

## RESOLUTIO XVII.

**R**esponsio est affirmativa. Et ratio est quia Vicarius, quando delinquit tanquam privatus, non reputatur una, & eadem persona cum Episcopo; neque tunc ejus vices gerere censetur; Ideoque subiectus est Episcopo, ejusdemque legibus, ac pœnis obnoxius; & consequenter in casus reservatos incidere potest. Ita Naldus v. casus num. 7. Ugol. de off. & potest. Episcopi cap. 39. n. 2. Floron. de cas. reserv. par. 2. §. 2. numer. 12. Mazuchellus de cas. reserv. disp. 1. quest. 2. diff. 2. num. 4. Lupus. de cas. reserv. par. 2. cas. 3. §. 6. num. 37.

*An Vicarius Generalis, si in casum reservationis incidat, possit alteri Confessorio facultatem delegare, ut ab eo absolvetur.*

## RESOLUTIO XVIII.

**N**egativè respondet Graff. in appendice ad decis. aur. lib. 3. cap. 8. nu. 22. & quod asserit de Vicario Episcopi, idem sent.



sentit de Priore, vel alio quocumque, à Superiore absolvendi à reservatis facultatem habente.

Resolutio tamen est affirmativa, nimirum tam Episcopi Vicarium, quam Priorem, aut alium quemcumque à suo Superiore, non tantum absolvendi à reservatis, sed etiam subdelegandi facultate munitum, si incidat in casum Episcopo, vel Superiori reservatum, posse alteri Confessario facultatem delegare, & ab ipso absolui, eo prorsus modo, sicut Episcopus si incidat in casum Papæ reservatum, à quo possit Diæcesanos absolvere, potest facultatem suo Confessario delegare, ut ab ipso absolvatur, sicuti fusiùs dicam infra *resol. 34.* Resolutionis ratio est, quia facultas Vicarii est universalis, seu ad universitatem causatum, & cum potestate subdelegandi sibi data: Ergo ea uti potest etiam pro sua persona: Quæ ratio procedit etiam de quocumque alio facultate subdelegandi prædicto. Ita Vgol. *de off. & potest. Episcopi cap. 20. n. 2.* Naldus *v. casus n. 6.* Floron. *de cas. reserv. par. 1. cap. 3. §. 1. n. 3.* Lupus *de cas. reserv. par. 2. cap. 3. §. 6. n. 37.* Mazuch. *disp. 1. quæst. 2. diff. 2. n. 5. vers. Ego vero resp. Sanchez lib. 8. de matr. disp. 3. nu. 10. & lib. 4. moral. cap. 37. nu. 41.* Layman *lib. 5. tract. 6. cap. 10. n. 17.*

Et quod dicitur de Vicario Generali, multò securius dici potest de Episcopo. Imò id declaratum esse à Sacra Cardinalium Congregatione, refert Suarez *disp. 30. de penit. sect. 2.* his verbis. *Si Episcopus in aliquod delictorum, de quibus in Trident. sess. 24. c. 6. lapsus sit, sibi licitum sit, ad se absolvendum, proprium Confessarium deputare, cum eadem auctoritate, quam ipse possit ex eodem capite in sibi subditos exercere. Quæ declaratio sola æquitare nititur: Quia non decet Episcopum pejoris conditionis esse, quam subditos suos.* Ita Sanchez *lib. 2. moral. cap. 11. nu. 11.* Rodriguez *lib. 1. reg. qq. quæst. 21. art. 8.* Suarez *loc. cit. & tom. 5. disp. 41. sect. 2. n. 9.* Layman *lib. 5. tract. 6. cap. 10. n. 17.* Sayrus *de censu lib. 7. cap. 9. n. 5.* Quam Episcopi facultatem extendunt etiam ad dispensationem, ut Episcopus scilicet possit alteri committere, ut secum in iis dispenset, in quibus ipse cum suis subditis dispensare non po-

hibetur. Ita Sanchez, Suarez, & Sayrus *ll. cc.* quidquid in contrarium sentiat Alterius *de censur. tom. 2. disp. 8. de suspensione c. 4. concl. 4. vers. Quæri potest.* Sed de hoc fusiùs infra *resol. 34.*

*An Parochus, vel Guardianus, qui à Superiore suo generalem obtinuit facultatem absolvendi subditos à casibus reservatis, si ipsemet in ejusmodi peccatum incidat, possit Confessario suo potestatem absolvendi seipsum committere.*

## RESOLUTIO XIX.

**N**egat Ludovicus Beja *par. 4. cap. 5.* Nam quàmvis concedat, si Episcopus Parochus, vel Provincialis Guardianus committat facultatem absolvendi subditos à casibus reservatis, posse Parochum suo Cooperatori, Guardianum Monasterii Confessario ejusmodi potestatis executionem delegare, non ita generatim, sicut ipsis commissæ est, sed particulatim in certo casu, velit certam personam absolvendam; quod etiam docet Rodriguez *tom. 1. Regul. qq. quæst. 21. art. 9.* Dian. *par. 2. tract. 17. resol. 57.* de quo fusiùs infra *resolut. 36.* Negat tamen posse illos in proposito casu committere Confessario suo potestatem absolvendi seipsos. Ratio ipsius est, quia jurisdictionis delegata non extenditur ultra personas in delegatione expressas, ut habetur in *cap. 1. de offic. delegati, & notat Gloss. in cap. 1. vers. processus de rescrip. in 6.* Atqui in hac delegatione, seu privilegio exprimuntur tantum subditi: Ergo non debet extendi ad eorum pastorem, puta Parochum, Guardianum, &c. cui tale privilegium concessum est.

Sed contrarium est probabilius, nempe si Parochus ab Episcopo, Guardianus à Provinciali generalem obtinuit facultatem absolvendi subditos à casibus reservatis, posse eandem potestatem Confessario suo committere exercendam erga seipsum, si tali absolutione indigeat, excepto, si vel ea consuetudine, vel aliunde constet, aliam esse delegantis voluntatem.

Pro-

Probatur ex declaratione Sacre Congregationis, præcedenti resolutione relata apud Suarez *disp. 30. de pœnit. sect. 2.* & Grazian. *de Benef. par. 2. cap. 10. num. 13.*

Quæ declaratio sola æquitate nititur; quia non decet Episcopum peioris conditionis esse, quam subditos suos, ut etiam supra dixi. Hæc autem ratio eodem modo urget, si Episcopus Parocho, v.g. generalem potestatem conferat Parochianos à casibus Episcopalibus absolvendi. Accedit, quod Episcopus, tribuens Parocho generalem facultatem absolvendi Parochianos à casibus Episcopalibus censetur auferre reservationem respectu talis Parochiæ. Cum igitur Parochi jure, seu potius consuetudine jus sibi deligendi Confessarium habeant, consequens est, eum absolvi posse ab ejusmodi casu, tanquam qui eo loco Episcopo reservatus non sit. Ita Sanchez *lib. 8. de matrim. disp. 3. num. 10. & lib. 4. moral. cap. 37. num. 41.* Rodriguez *lib. 1. reg. qq. quæst. 21. art. 8.* Suarez *cit. sect. 2. num. 15.* Layman *lib. 5. tract. 6. cap. 10. num. 17.* Bonac. *de pœnit. disp. 5. quæst. 7. punct. 5. §. 2. num. 7.*

Ad fundamentum contrariæ sententiæ responderetur, quod potestas delegata respectu certarum personarum non est extendenda ad alias: Potestas verò delegata respectu omnium subditorum, seu respectu totius communitatis ex quadam æquitate extenditur etiam ad ipsum Pastorem communitatis. Quæ interpretatio merito fieri potest in re favorabili, cujusmodi est hoc Principis beneficium, quod casuum reservationem, seu difficultatem absolutionis, veniæque obtinendæ aufert. Vide Layman *cit.*

*Confessarius petit ab Episcopo facultatem, ut quidam pœnitens pro una vice à reservatis possit absolvi: Queritur, an reputandus inclusus ipsa petens.*

## RESOLUTIO XX.

**N**egativè respondet Graffius in *ap-pend. ad decisiones aureas lib. 3. cap. 8. num. 27.* cui adherere videtur Mazu-

chellus *disp. 1. quæst. 2. diff. 2. num. 8. vers. Ex modo tamen*, ubi sic habet. *Quories petens est Sacerdos, videtur concessio intelligenda tantum de absolutione activa.* Sicque inferre licet, Confessarium petentem in facultate obtemperanti non comprehendendi, eò quod talis concessio intelligenda sit tantum de absolutione activa, non autem passiva: Et consequenter Confessarium, qui eam facultatem obtinuit, non posse ea pro se uti.

Cæterum mihi magis placet opinio contraria, quod in tali facultate ab Episcopo obtemperanti, censendus sit inclusus ipse petens. Et ratio est, quia talis concessio est gratia, & beneficium Principis, quod latè interpretari convenit, ut scilicet tam passivè, quam activè facultas intelligatur concessa, nisi ex modo petendi, & concedendi excludatur petens, quod non fit in proposito casu, cum petitio fiat sub forma tertiæ personæ, ut constat ex illis terminis, ut possit absolvi, æqui parantur enim istis, ut possit facere se absolvere. Secus verò si diceret, ut eum, hoc est, pœnitentem possum absolvere, tunc enim concessio ex modo petendi limitaretur tantum ad absolutionem activam: Ideò quæ Confessarius petens, ea pro se uti non possit. Ita Card. de Lugo *disp. 20. de pœnit. sect. 8. num. 119.* Alphonsus de Leone, quem citat, & sequitur Diana *par. 3. tract. 4. de Sacram. resol. 142.*

*An Vagiligentur reservatione casuum, lata ab eo Episcopo, in cujus Diocæsi constituntur.*

## RESOLUTIO XXI.

**V**agi dicuntur, qui nullibi certam sedem, & domicilium habent, sed hinc, inde vagantur, carentes omni tam originis, quam habitationis domicilio. In quorum numerum venire etiam eos, qui, prius domicilium relinquentes, navigant, vel iter faciunt, quærentes ubi se collocent, docent Sanchez *lib. 3. de matrim. disp. 28. num. 4.* Reginal. *lib. 13. num. 172.*

Ad propositam igitur difficultatem respondet Vgolinus *de off. & potest. Episcop.*

*copi par. 2. cap. 29. nu. 4.* cui videtur adhærere Sancius *in select. disp. 54. nu. 34.* vagos incidere quidem in casus Summo Pontifici reservatos, si violent leges juris communis, seu Ecclesie vniuersalis, non tamen incidere in casus, qui Ordinario loci reservantur: Quia Vagi (ait Vgolin.) non sunt Parochiani: Vnde si in casum aliquem Episcopo reservatum incidant, ejus absolutio non est Episcopo reservata & consequenter per quemcumque Confessarium possunt absolvi.

Sed resolutio est affirmativa, vagos scilicet ligari casibus ejus Episcopi, in cujus Diocesi continentur. Et ratio est, quia licet Episcopi reservatio nihil operetur circa vagos pœnitentes, operatur tamen circa Confessarios Episcopo reservanti subiectos, quibus ita limitat, ac ligat jurisdictionem, vt vagos à tali delicto absolvere non possunt. Quod impedimentum non provenit ex defectu subiectionis ipsius vagi, sed ex defectu jurisdictionis, quam ligatam, & impeditam Confessarius habet, pro eo tempore, quo vagi confessionem excipit, vt supponitur: Ergo vagi ligantur reservatione casuum, lata ab eo Episcopo, in cujus Diocesi continentur: Et sic non poterunt absolvi à Confessariis illius Diocesis, nisi facultatem habeant absolvendi à reservatis: Nam quilibet judicari debet juxta leges loci, in quo reperitur, ut ex communi docet Bonac. *de penit. disp. 5. q. 7. punct. 5. §. 2. num. 11.* Layman *lib. 5. tract. 6. cap. 30. num. 10.*

Nequè id incongruum videri debet: Nam qui fruitur commodo, & in commo- dum perferre debet: Atqui vagi hoc fruuntur commodo, ut si habeant peccata reservata Episcopo loci, in quo ea patrarunt, possint absolvi à quolibet Confessario illius Diocesis, in qua eadem continentur, si ibi non sint reservata, ut infra clarius patebit: Ergo & hoc incommodum subire debent, ut à quolibet Confessario absolvi non possint ab iis peccatis quæ licet non sint reservata Episcopo loci, in quo ea commiserunt, tamen reservata sunt Episcopo Diocesis, vbi ea clavis subijciunt. Ita Card. de Lugo. *disp. 20. de penit. sect. 5. numer. 72.* Bonac. *cit.*

Layman *cit.* Floron. *de cas. refer. par. 1. cap. 3. §. 4. & 5.* Gambarupta *de cas. refer. cap. 2. num. 25.* Mazuch. *de cas. refer. disp. 1. quest. 2. diff. 3. num. 13.*

Addo, cum secundum veriorum sententiam Suarez 3. *part. tom. 4. disp. 25. sect. 2. num. 7.* Coninck *de Sacram. disp. 8. dub. 8. num. 67.* Bonac. *tom. 1. quest. 7. disp. 5. punct. 2. n. 4.* Layman. *lib. 5. tract. 6. cap. 10. num. 7.* Tolet. *lib. 3. cap. 13. §. 3. casus.* proprius vagorum Sacerdos sit Parochus ille, in cujus Parochia pro tempore versantur, cujus rei testimonium est, quod si vagabundi sacramentis indigeant, Parochus loci ex officio tenetur ea illis ministrare, imò potest illos ad implendum annuæ confessionis præceptum compellere: Idcirco eos dici Parochianos domicili, sed actualis habitationis; Nam actualis habitatio in hujusmodi hominibus succedit loco domicili, & consequenter eos obstringi casibus illius Episcopi, in cujus Diocesi continentur.

Hinc patet responsio ad rationem Vgolini supra allatam: Nam licet vagi non sint Parochiani domicili, sunt tamen Parochiani a. actualis habitationis, quæ in hujusmodi hominibus succedit loco domicili, quandoquidem aliud non habent, actualisque habitatio operatur in ipsis quod in alijs operatur domicilium. Vide Suarez *cit. disp. 25. sect. 2. num. 7.* Vasquez *quest. 93. art. 2. dub. 4. & novissimè Bassium v. Confessarius 1. nu. 15.*

Adverte tamen, quod si Confessarius inferior, sequendo non improbabilem Vgol. & Sanc. sententiam, vagos à casibus reservatis absolvat, absolutio erit valida. Quod verum est, etiam si opinio illa falsis niteretur fundamentis: Nam, suffragante opinione probabili, Ecclesia supplet jurisdictionis defectum ut supra dictum est *resolutione 15. & docet. Sanchez lib. 3. de matrim. disp. 22. n. 65. Lessius lib. 2. cap. 39. dub. 8. n. 68.* Layman *lib. 1. tract. 4. cap. 22. num. 9.*

Vtrum autem, quod asseritur de vagis, resolvendum sit etiam de peregrinis controvertitur inter Doctores: quo fit sequens resolutio.

*An Peregrinis habentes casus reservatos Episcopo loci, in quo confitentur, possint absolvi à quolibet exposito Confessario si casus illi Episcopo proprii Domicilii non sint reservati.*

## RESOLUTIO XXII.

**P**eregrinus, secundum naturalem vocabuli significationem, dicitur, qui a sua patria peregrè proficitur. Verùm secundum communem acceptionem, significat illum, qui extra suam patriam devotionis causa Romam v. g. vel ad Aedem Lauretanam, aut ad Divum Antonium de Padua iter suscipit.

Responsio igitur ad propositam difficultatem est negativa, peregrinos scilicet, cum in altera Diœcesi justa de causa confitentur, non posse absolvi à reservatis Episcopo loci, nisi ab habente facultatem absolvendi à reservatis in ea Diœcesi. Et ratio est, quia quilibet judicandus est juxta leges, & consuetudines loci, in quo reperitur. Unde peregrinantes, seu iter agentes, licet, spectata omnium locorum consuetudine, & ex tacito Parochorum consensu possint incidente necessaria, vel rationabili causa incolarum more confiteri vel Parocho illius loci, ad quem perveniunt, vel alteri Sacerdoti approbato ad confessiones in eo loco audiendas, non obstante, quod suum domicilium, propriumque Parochum retineant: Nihilominus si habeant casus Episcopo loci, ubi confitentur, reservatos, non possunt à simplici Confessario absolvi, etiamsi ea peccata in Diœcesi, ubi peregrini domicilium habeant, non sint reservata. Nam in foro sacramentali poenitens judicari debet secundum conditionem delictorum, quæ confitentur; itemque absolvi juxta jurisdictionem, quam obtinet Confessarius pro tempore, quo poenitens confessionem audit. Cum igitur tunc temporis Confessarius respectu reservatorum ligatam, & impeditam jurisdictionem habeat, ut supponitur, idcirco neminem absolvere potest. His addendum, hac de re extare decretum Sacre Congregationis

19. Nouemb. 1616. quod irritam decernit in tali casu absolutionem. Ita Sanchez lib. 3. de matrim. disp. 18. quæst. 2. n. 10. Suarez. disp. 30. de poenit. sect. 1. Bonac. de poenit. disp. 5. qu. 7. punct. 5. §. 2. n. 11. Layman lib. 5. tract. 6. cap. 10. Card. de Lugo disp. 20. de poenit. sect. 5. n. 72. Bassæus in florib. v. cas. res. n. 11.

Contrarius tamen videntur sentire Fagundez 2. Eccles. præcep. lib. 8. num. 21. Graff. par. 1. lib. 4. decis. aurea cap. 2. nu. 18. Belloc. de cas. res. par. 2. quæst. 10. quos sequitur Joseph de Januario de cas. res. 8. n. 1. Quorum ratio est, tum quia peregrinus sicut non incurrit in censuram, latam ab Episcopo loci in quo confitetur, quando peccavit extra ejus Diœcesim; ita neque in reservationem, quæ cum habeat rationem poenæ, afficere debet tantum subditos, non peregrinos; Tum quia reservatio est actus jurisdictionis, se extendens tantum circa subditos Reservantis, non verò circa non subditos.

Sed prior ratio parum firma est, quod constat ex discrimine, quod est inter censuram, & reservationem. Nam censura per statutum lata immediate afficit territorium, illique coheret, atque idcirco neminem ligat extra territorium peccantem, teste Layman. lib. 1. tract. 5. cap. 4. n. 7. ex communi. Reservatio verò non afficit territorium; neque in territorio existentes, sed afficit Confessarios, quibus admittit, vel limitat jurisdictionem, ne scilicet absolvant tali crimine obstrictum. Altera ratio similiter facile resolvitur: Nam reservatio est quidem actus jurisdictionis, sed talis actus nihil operatur circa poenitentes, sed tantum circa Confessarios, quibus limitat jurisdictionem, ut dixi. Et quod reservatio nihil operetur circa poenitentes, clarè constat ex eo, quod si Diœcesanus commissio crimine reservato in Diœcesi, deinde se transferat bona fide ad aliam Diœcesim, ubi tale delictum non est reservatum, ibi potest per Confessarium simplicem absolvi; quod non fieret, si reservatio proprii Episcopi aliquod vinculum afferret Diœcesano peccanti.

Addo, quod cum jurisdicatio Confessarii inferioris in peregrinum ei detur ab Episcopo limitata, & ab ejus voluntate depen-

dependeat, non censetur postea extra necessitatis casum ampliari ex sola conditione peregrini.

Addit Henric. lib. 13. cap. 25. n. 2. quod Confessarius inferior potest absolvere poenitentem, qui violavit legem, cui adnexa est censura, vel commisit delictum reservatum intra Diocesim, sed in loco exempto. Quod quando id verum sit, mox resolvendum.

*Pœnitens intra Diocesim, sed in loco exempto commisit delictum, cui adnexa est censura, vel Episcopalis reservatio, an à Confessario inferiori possit absolvi.*

### RESOLUTIO XXIII.

**P**ro difficultatis resolutione diligenter est advertendum, quod duplex datur locus exemptus, alter propriè, & per se exemptus, uti sunt Parœciæ quædam intra fines alicujus Diœcesis sitæ, sed jurisdictioni alterius finitimi Episcopi subiectæ, de quibus. *In c. de divis. Diœces.* Alter impropiè, & per accidens, uti sunt Monasteria Regularium intra Diœcesim sita, quæ licet à jurisdictione Episcopi sint exempta, eorum tamen exemptio non est per se, sed per accidens, ratione scilicet Religiosorum, ibi degentium, qui ex privilegio sunt exempti: sicuti constat ex *cap. cum Episcopus de off. ordin. in 6.* His prænotatis.

Dico primò. Pœnitens, qui intra Diœcesim, sed in loco exempto prioris generis, commisit delictum, cui adnexa est censura Episcopo Diœcesis reservata, à Confessario inferiori potest absolvi. Ratio est clara; quia censura per statutum ab Episcopo lata ligat tantum subditos in Diœcesi existentes, ut dictum est precedenti resolutione: Nam *extra territorium jus dicenti impune non paretur*, ut dicitur *l. ult. ff. de jurisd. omnium judicum*: Sed pœnitens, cum commisit delictum, cui adnexa est censura, non censetur existere intra Diœcesim, quia locus hujusmodi intra Diœcesim exemptus in ordine ad jurisdictionem Episcopi, æquiparatur loco sito extra Diœcesim, teste Syl. V. *excommu. 2. n. 12. Avila par. 2. cap. 3. disp.*

Pars I

*2. dub. 5. argum. ex cap. 1. de privileg. in 6. Ergo &c.*

Dico secundò. Pœnitens, qui commisit delictum reservatum in loco exempto, v. g. in Parœcia intra Diœcesim sita, sed jurisdictioni alterius Episcopi subiecta, si ibi incolarum more, & ex consuetudine ab Eugenio IV. approbata velit confiteri, à Confessario inferiori potest absolvi; dummodò inibi etiam tale delictum non sit Episcopo reservatum, de quo vide fusiùs in resolutione sequenti. Si tamen extra illam Parœciam exemptam, sed in Diœcesi confessionem instituat, non potest per Confessarium inferiorem absolvi; quia inferior cum habeat jurisdictionem limitatam, neminem extra necessitatis casum potest absolvere tali reservato crimine obstrictum. Vide præcedentem resolutionem, & *D.D. ibi citatos*.

Dico tertio. Pœnitens, qui in loco exempto posterioris generis, videlicet in Monasteriis Regularium commisit delictum, cui adnexa est censura, vel Episcopalis reservatio, per Confessarium inferiorem non potest absolvi. Et ratio est; quia Monasteria, à jurisdictione Episcopi exempta, dicuntur exempta ratione personarum tantum, hoc est, Religiosorum, ibi degentium. Unde Monasteria hujusmodi non dicuntur esse extra Diœcesim, sed in Diœcesi, *arg. tex. in c. cum Episcopus de offic. Ordin. ubi hoc non tenet D. D. & Gloss. in clem. 1. de foro competenti, verb. aut earum parte Cagno. aliis relatis in l. ult. num. 13. ff. de jurisdictione omn. jud. de quo vide Merollam tom. 2. disp. 4. cap. 3. n. 489.* Et hoc patet evidenter; Nam si Religiosi Monasterium deserant, & in aliud causa inhabitandi se recipiant, Monasterium ab ipsis recens habitatum efficitur exemptum, derelictum verò, & in ipso habitantes remanent subiecti jurisdictioni Episcopi, intra cujus Diœcesim existunt. Præterea Episcopus existens, seu habitans in his Monasteriis exemptis verè dicitur residere in sua Diœcesi, & ideo alternativa gaudet. Gomez in *reg. 8. cancella. gloss. 43. q. 7. n. 108.* Addo, quod Episcopus si non possit punire delicta à suis subditis in Monasteriis exemptis patra-

C

ta,

ra, hujusmodi delicta remanerent impunita, quod non est dicendum. Ita Suarez *tom. 5. in 3. part. disp. 5. sect. 4. n. 6.* ConincK *disp. 13. dub. 7. n. 63.* Salas *de legib. disp. 14. sect. 6. n. 85.* Filliucius *tract. 11. cap. 5. quest. 9. n. 249.* Palaus *tom. 1. tra. 3. dis. 1. pun. 24. § 5. nu. 30.* Merolla *cir. Joseph de Januar. de cas. refer. resol. 34. nu. 22.* Ita etiam à me consultus respondit Reverendiss. Dominus meus Io: Franciscus Montanarus, Collegiatæ Ecclesiæ Sancti Bartholomæi Venetiarum Præsul, Curieq; Patriarchalis ejusdem Urbis Generalis Vicarius, vir acerrimi iudicii, spectatæ prudentiæ, egregiæ doctrinæ insignibus decoratus: contra Henriquez, quem citat, & sequitur Layman *tract. 4. cap. 11. n. 5.*

*Virum Peregrini, & Advenæ possint in aliena Diœcesi à casibus proprio Episcopo reservatis per simplicem Confessarium absolvi.*

#### RESOLUTIO XXIV.

**N**egatiuè respondent Sotus *in 4. disp. 18. q. 2. art. 4. Graff. part. 1. lib. 1. c. 13.* Comitulos *in respon. moral. qu. 28. nu. 2.* Zerula *in praxi de pœnit. cap. 15. quest. 10. 8.* asserentes, peregrinos, aliosque inter facientes, licet ex præsumpta proprii Pastoris licentia, possint in omni loco confiteri peccata sua cuicumque Sacerdoti approbato, tamen hoc illis minimè licere, quoties casuum reservatorum vinculo sint obstricti.

Sed in affirmativam partem resolvitur difficultas, nempe peregrinos, aut iter agentes, innodatos casibus proprio Episcopo reservatis, posse in aliena Diœcesi per quemcunque expositum Confessarium absolvi; dummodò illi casus non sint etiam Episcopo loci, in quo consistenter reservati. Et ratio est, quia peregrinus, seu iter agens eo ipso, quòd in aliena Diœcesi versatur, potest confiteri, & absolvi more incolarum illius Diœcesis, & ita se gerere, ac si subditus esset illius Episcopi.

Quæ doctrina maximè fundatur in consuetudine approbata ab Eugenio IV. teste Diana, & Card. de Lugo infra citan-

dis. Cum igitur in illo Episcopatu peccata illa non sint reservationi obnoxia, potest peregrinus à quocunque Confessario absolvi. Non enim tenetur Confessarius vnius Diœcesis scire casus reservatos in aliena Diœcesi; Sed sufficit, si probè sciat, & servet ius reservans sui Episcopatus. Ita Caiet. *v. absolutio 2.* Navar. *in man. cap. 27. numer. 275.* Suarez *disp. 30. de pœnit. sect. 1. num. 4.* Reginal. *in praxi. tom. 1. lib. 8. cap. 5. sect. 3. num. 96.* Filliuc. *tract. 7. cap. 7. num. 283.* Layman *lib. 5. tract. 6. cap. 10. numer. 10.* Dian. *par. 2. tract. 17. resol. 56.* Card. de Lugo. *disp. 20. de pœnit. sect. 5. num. 68.* Joseph de Januar. *de cas. refer. 9. n. 1. qui resol. 6. numer. 2.* ex eodem fundamento hanc doctrinam extendit ad casum etiam, quo excommunicatus per sententiam generalem ab homine se confert ad locum, ubi talis excommunicatio non est reservata, nam ibi poterit (ait Januar. citans ConincK *disp. 14. dub. 16. numer. 258.*) à quocunque Confessario absolvi. Verùm hæc extensio videtur limitanda ad casum, quo excommunicatus ratione quasi domicilii factus est subditus Episcopo loci, in quo confitetur, vel si alia iusta, & rationabilis causa id suadeat. Vide Dian. *par. 5. tract. 9. resol. 8.*

Dixi, dummodò illi casus Episcopo loci non sint reservati: Nam si essent utrique Episcopo, videlicet Episcopo proprii, domicilii, & Episcopo loci reservati, teneretur pœnitens confessionem instituire apud Sacerdotem potestate absolvendi à reservatis munitum, ut dubio præcedenti resolutum fuit.

Limitant hanc resolutionem Belloc. *de cas. refer. par. 1. quest. 2. nu. 28.* Floron. *de cas. refer. par. 1. cap. 3.* Gambar. *cap. 2. num. 63.* ut procedat, quoties peregrinus, vel iter agens domicilium mutaverit, vel aliud acquisierit, tunc enim aiunt à reservatis per simplicem Confessarium posse absolvi. Secus verò si domicilium non mutaverit, nam eo casu ad proprium Episcopum dicunt esse remittendum.

Sed hanc limitationem meritò refellit Januar. *cit. resol. 9. numer. 1.* & 2. cui sub-

subscribit Mazuch. *disp. 1. quæst. 3. diff. 11. num. 32.* Nam in hoc casu attendenda est ita tùm Confessarii jurisdicção, quæ si limitata, & impedita non est per reservationem proprii Ordinarii, poterit ea uti, absolvendo peregrinum à casibus in ea Diocesi non reservatis: Nam peregrinus, vel iter agens in alieno Episcopatu, non ideo ibi constituitur, & absoluitur eo, quòd jus habeat eligendi sibi Confessarium, sed quia eo ipso, quòd versatur in alieno Episcopatu, potest ibi absolvi more incolarum illius Diocesis, & ita se gerere, ac si esset subditus illius Episcopi, ut supra dictum est, & notavit Bassæus in *florib. cit. v. cas. reserv. num. 9.*

Et hæc resolutio, sicut & præcedens locum habet etiam in aduenis, aliisque iter agentibus, & multò magis in militibus, servis, scolaribus mercatoribus &c. qui sæpè numero in loco quali domicilium habent; sicuti docent Bonacina *disp. 5. de pœnit. quæst. 7. punct. 5. §. 2.* Card. de Lugo *disp. 20. de Sacram. pœnit. sect. 5. num. 72.*

Obiicies. Stante hac sententia, possent multi peregrinationem, vel iter suscipere hac sola intentione, ut absolventur à casibus reservatis: Sed hoc est maximum inconveniens: Ergo &c.

Pro hujusce obiectionis solutione sit sequens resolutio.

*An qui peregrinationem, vel iter per aliam Diocesim suscipit eo animo, ut alteri Sacerdoti tam reservata, quam non reservata confiteatur, si sibi confessionem infiruat, valide absolutionem recipiat.*

## RESOLUTIO XXXVII.

**A**ffirmat Basilius Pontius *lib. 5. de matrim. cap. 9. num. 6.* cui adhæret Filliuc. *tract. 7. num. 195.* & subscribunt Diana *par. 3. tract. 9. resol. 28.* Cattrus Palaus *tract. 3. de legib. disp. 1. punct. 24. §. 4.* Joseph. de Januar. *de cas. reserv. resol. 9. num. 1.* asserentes, consuetudinem introduxisse, ut iter agentes possint absolvi à Parocho loci, ubi reperiuntur, etiam si eo animo solum, ut alteri Sacerdoti con-

fiterentur, propria Parochia exierint. Ratio hujus opinionis est, quia in hoc casu (ajunt relati Doctores) non adest fraus illicita, nec dolus malus, sed utuntur jure suo.

Sed opposita sententia tamquam certa est tenenda, videlicet peregrinationem, vel iter suscipientes ad hunc finem, ut proprium Parochum evitent, & alteri confiteantur, non validè confiteri, neque absolui à Sacerdote illius loci, ad quem ex industria divertunt: Tùm quia illa non esset necessitas, sed voluntas, & non esset juxta intentionem Pastorum, nec consuetudinem Ecclesiæ, per quam à Summo Pontifice confertur jurisdicção, ad absolvendum iter agentes, qui bona fide, & non in fraudem legis ad aliquem locum perveniunt: Tùm quia fraus, & dolus nemini patrocinari debent: Ideoque obstante ea mala fide, & fraude, non esset valida confessio. Ita Suarez *de pœnit. disp. 25. sect. 2.* Vasquez *quæst. 93. art. 2. dub. 4. nu. 4.* ConincK *disp. 8. dub. 8. num. 61.* Sorus *in 4. dist. 18. quæst. 4. art. 2.* Bonacina *to. 1. disp. 5. quæst. 7. punct. 2. num. 5.* Reginald. *lib. 1. num. 74. & 79.* Sylves *v. confess. 1. quæst. 11. Præpos. de pœnit. quæst. 7. nu. 56.* Bassæus *in florib. v. confess. 1. num. 6.*

Monuerim tamen, si pœnitens non mala fide, sed sequendo opinionem Pontii, Filliuc. Dianæ, Palai manifestè non improbabilem, à propria Parochia recedens, alteri Sacerdoti confiteatur, ab eoque absolvatur, absolutionem fore validam; Idquæ verum arbitror, etsi opinio illa falso niteretur fundamento: Nam concurrente opinione probabili, Ecclesiam supplere jurisdicctionis defectum, supra resolutum fuit *dubio 15. ex Sanchez Less. Bonac. Laym. aliisque Doctoribus ibi citatis.*

Quid autem in hoc casu possit Confessarius generaliter approbatus, patebit ex sequentis dubii resolutione.

*An Confessarius in aliqua Diœcesi generaliter approbatus ad audiendos quoscumque ad se accedentes, possit etiam excipere confessionem eorum, qui ad ipsum accedunt, gratia vitandi proprium Parochum.*

## RESOLUTIO XXVI.

**R**esponsio est affirmativa: quia iurisdic-tio, & subiectio sunt correlativa. Cum ergo in casu proposito Confessarii iurisdic-tio sit generalis, & absoluta respectu penitentium totius Diœcesis, ut supponitur potest eam generaliter, & absolute in quoscumque penitentes illius Diœcesis exercere etiam si gratia vitandi proprium Parochum ad ipsum accesserint.

Et confirmatur, quia idem Parochus unius loci non potest subditum alterius Parochi absolvere absque expresso, vel præsumpto ejusdem Parochi consensu, quia ipsius iurisdic-tio se extendit tantum ad suas oves, non verò ad oves alterius: Igitur cum iurisdic-tio Sacerdotis, de quo in casu, ex concessione Episcopi, qui est Parochus totius Diœcesis, & Pastor totius Diœcesalis Ovilis, se extendat ad omnes oves Diœcesis hoc est, ad omnes Diœcesanos, & subditos illius Episcopi, idcirco potest omnes penitentes illius Diœcesis ad se accedentes audire, non obstante, quòd ad ipsum eo animo accesserint, ut proprium Parochum vitarent. Ita Mazuch. *disp. 1. quæst. 3. diff. 11. nu. 23. versic. moverim tamen.*

Hinc cernere licet discrimen inter hanc, & præcedentem resolutionem: Nam in præcedenti Sacerdos non habet iurisdictionem nisi juxta consuetudinem iive concessionem Summi Pontificis, qui non censetur concedere Parochi loci, aut alteri in eo loco cum solita limitatione approbato iurisdictionem excipiendi confessionem eorum, qui ad ipsum accedunt in fraudem legis, & contemptum proprii pastoris: In hocce verò casu Sacerdos ex suppositione iurisdictionem illimitatam, & absolutam ab Episcopo obtinet excipiendi omnes penitentes illius Diœcesis. Quod cum fiat juxta

consensum pastoris totius Diœcesalis Ovilis, consequenter nihil officit validæ absolutioni, quamvis simul penitens id præstet occasione vitandi proprium parochum.

Aduertendum est tamen, quòd, licet Sacerdos generaliter approbatus possit audire quoscumque penitentes propriæ Diœcesis, nihilominus excipere non potest penitentes Diœcesis aliene, quoties ipsi innotuerit, eos ad se accessisse proprii Parochi vitandi causa: sicuti, juxta veram, & communiorem sententiam, dubio superiori resolutum fuit.

*An impuberes delinquentes incurrant reservationem tali delicto adnexam.*

## RESOLUTIO XXVII.

**A**ffirmat universaliter loquendo, Mazuch. *de cas. reserv. disp. 1. quæst. 2. diff. 4. n. 15.* ea nixus ratione, quòd reservatio non sit pœna, sed ablatio iurisdic-tionis absolvendi ab aliquo delicto, qua dempta, nullus sive pubes, sive impubes absolvi potest.

Verius tamen est impuberes ligari quidem reservatione adnexa iis peccatis, quæ non sunt carnalia, qualia sunt homicidium, blasphemia &c. ea verò reservatione, quæ peccatis carnalibus est adnexa, eos non ligari, quia reservatio requirit actum completum, & consummatum: Impuberes autem, regulariter loquendo, actum non complent: quæ excusationis ratio locum habet etiam in adultis; Et hinc soluitur ratio Mazuch. Ita Grass. *de cas. reserv. lib. 1. cap. 4. regul. 8. n. 28.* Finell. *de cas. reserv. cap. 5. n. 5.* Floron. *de cas. res. par. 1. cap. 3. n. 30. 31. & 32.* Dian. *par. 2. tract. 1. resol. 14.*

Quoties tamen constaret, impuberem, malitia supplente etatem, habilem esse ad seminandum, existimarem cum Mazuchello innodari etiam ea reservatione, quæ peccatis carnalibus est adnexa: quia impubes, recepta habilitate ad seminandum, perinde est in ordine ad reservationem, ac si esset puer: Ideoque censendus est reservanti legi subiectus.



*An impubes succubus, qui turpiter patitur pubere, ligetur reservatione, ubi nefandum scelus est reservatum.*

## RESOLUTIO XXVIII.

**N**egativè respondet Iacobus de Graf. 10. 1. *confiliorum lib. 5. de adul. conf. 3. n. 13.* citans *Dianam par. 1. trac. 15. resol. 1.* quia peccata carnalia, quæ genitalibus fiunt, non tribuuntur impuberibus, ex *cap. 1. de delictis pueror.* quod etiam procedere ajunt, quando impubes succubus turpiter patitur à pubere, qui, licet ligetur reservatione lata in committentes nefandum sodomix scelus, non tamen impubes.

Sed probabilius existimo cum Mazuchello *infra citando.* impuberem succubum muliebrique turpissimè patientem, reservatione innodari, dummodò ex parte puberis incubi sodomiticus actus consumetur. Quia in correlativis dispositum de uno censetur dispositum etiam de altero: Atqui pubes incubus, si actum sodomiticum compleat, & consumet, incurrit reservationem, ubi Sodomia est reservata; Igitur etiam succubus, qui censetur turpem actum complere, ex eo, quòd incubus complet. Ita Mazuch. *de cas. refer. disp. 1. quæst. 2. diff. 4. nu. 25.*

Illud verò caput *de delictis pueror.* intelligi debet de delictis puerorum quoad pœnam, non quoad culpam: Reservatio autem propriè non est pœna, sed negatio jurisdictionis, teste Card. de Lugo *disp. 20. de pœn. sect. 1. n. 9.* qua dempta, nullus live pudes sine impubes à consummato delicto reservato potest absolvi.

*An Novitii peccantes subiaceant casibus Prælati Monasterii reservatis.*

## RESOLUTIO XXIX.

**A**ffirmativam sustinent Peirinus *de privileg. Minim. super const. 10. Vrb. VIII. numer. 9.* Cordub. *in quæst. the. lib. 1. quæst. 30.* Tambur. *de jure Abbat. tom. Pars I.*

2. *dist. 6. q. 6. num. 11.* Layman *lib. 4. trac. 5. cap. 4. nu. 4.* Fundamentum est, quia Noviti pro eo tempore sunt commissi jurisdictioni Religionis: Ideoque censetur mutasse domicilium, & territorium, præsertim quòd ea, quæ spectant ad sacramenta necessaria, & consequenter ligari reservatione lata à Superiore monasterii.

Communis tamen sententia est negativa, Novitios scilicet non subiacere casibus in Religione reservatis: quia licet Novitii in favorabilibus veniant nomine Religiosorum, non tamen in odiosis. Reservatio autem est odiosa, ideoque ad Professos tantum est restringenda. Ita Ugol. *de off. & potest. Episc. par. 2. cap. 35. §. 1. num. 5.* Graff. *in append. ad decis. aure lib. 1. cap. 7. num. 69.* Coriol. *de cas. refer. par. 1. sect. 3. art. 18. nu. 3.* & 4. Azor. *par. 1. inst. moral. lib. 12. cap. 3. quæst. 10.* Homob. *de cas. refer. par. 1. cap. 3. num. 7.* Dian. *par. 3. trac. 2. resol. 4.* & *par. 4. trac. 4. resol. 5.* Mazuch. *de cas. refer. disp. 1. quæst. 2. diff. 5. num. 15.*

A quibus verò Confessariis Novitii sint à reservatis absolvendi, controvertitur inter Doctores: pro quo fit sequens resolutio.

*Novitii, si in casus Episcopo reservatos incidunt, à quonam sint absolvendi.*

## RESOLUTIO XXX.

**A**liqui, vt Henriquez *de indulg. cap. 21.* & *de pœnit. cap. 16. §. 3.* Pergrin. *lib. 1. cap. 8. num. 20.* Cordub. *lib. 1. quæst. 30.* Suarez *de relig. tom. 4. lib. 2. cap. 17. num. 11.* & alii sustinent, Novitios casibus Episcopalibus obstrictos, vel per Prælatum monasterii, vel per simplicem Confessarium à suo Prælati deputatum posse absolvi.

Probabilior tamen est sententia contraria, nimirum Novitios absolvendos esse vel ab Ordinario, vel ab habente facultatem absolvendi à reservatis ab Ordinario; Quia Novitii ante professionem, & in ordine ad sacramentalem absolutionem non distinguuntur à secularibus.

C 3 Unde



Unde quemadmodum ceteri seculares, si incident in Episcopalem reservationem, vel ab ipso, vel ab ejus delegato sunt absolvendi, ita etiam Novitii. Nam unumquodque per quas causas inducitur, per easdem & dissolvitur. Ita Vgol. *de off. & potest. Episc. par. 2. cap. 35. & 39. Graff. in append. ad decis. aure. lib. 1. cap. 7. nu. 69. Naldus v. Novitii. Homob. de cas. reserv. par. 1. cap. 3. num. 7. Mazuch. de cas. reserv. disp. 1. quest. 2. diff. 5. num. 16. Dian. par. 3. tract. 2. resol. 4. & par. 4. tract. 4. resol. 5.*

Ceterum cum prior opinio, ob auctoritatem Doctorum eam sustinentium non sit improbabilis, poterit Confessarius Novitiis deputatus se illi conformare in praxi, eosque à casibus Episcopalibus, si in ipsos inciderint, absolvere. Negari enim non potest, in favorabilibus nomine Religiosorum venire etiam Novitios: Unde sicut Professi per simplicem Confessarium possunt absolvi à reservatis Episcopo loci; ita etiam Novitii.

*An transgressor Episcopaliū constitutio-  
num, quibus adnexa est reservatio,  
excusetur ab ipsa reservatio-  
ne, si labores igno-  
rantia.*

## RESOLUTIO XXXI.

**A**ffirmativæ sententiæ videtur adhe-  
rere Sanchez lib. 9. *de matrim. disp.*  
32. num. 17. & 18. ubi tradit, ignorantiam  
non crassam, neque affectatam excusare  
à pœna, & ab eo, quod habet rationem  
pœnæ: qualis est reservatio ab Episcopo  
lata. Quam sententiam novissimè, &  
absolute tuetur Joseph de Januario *de*  
*cas. reserv. resolutione 1. num. 1. & 6. & probabilem putat Dian. par. 6. tract. 6. resol.*  
42. Quorum ratio est, quia reservatio,  
quamvis inducta sit ad bonam Ecclesiæ  
gubernationem; tamen, attenta diffi-  
cultate, quam inducit obtinendæ ab-  
solutionis, rationem pœnæ assumit:  
& consequenter latæ reservationis igno-  
rantia ab ea incurrenda excusare cen-  
setur.

Pro hujusce difficultatis resolutione  
notandum est primò, quòd ignorantia  
(omissis aliis distinctionibus) dividitur  
in ignorantiam juris, & facti: Ignoran-  
tia juris, quòd attinet ad hunc locum,  
dicitur, cum quis nescit latam esse ab  
Episcopo legem, seu statutum, quo ali-  
cujus delicti absolutionem sibi reservat:  
Ignorantia verò facti, cum quis in actu  
practico ignorat se patrare delictum, in  
tabella reservationis contentum, illud-  
que involvere eam specialem malitiam,  
ac deformitatem, cuius intuitu, & in cu-  
jus odium lata est reservatio.

Secundò notandum, quædam per se, &  
suapte natura esse mala, ut homicidium,  
perjurium, incestum: blasphemiam, &c.  
arque idcirco præceptis divinis, & hu-  
manis prohibita. Quædam verò per se  
mala non esse, sed talia fieri per positivæ  
legis, aut Episcopalis constitutionis pro-  
hibitionem: ut festo die laborare, de-  
nunciationem legatorum piorum omit-  
tere, bona incerta retinere &c. His  
prænotatis.

Dicò primò. Ignorantia juris, seu latæ  
reservationis excusat ab ea incurrenda,  
quoties versatur circa ea, quæ per se ma-  
la non sunt, sed talia sunt per positivæ  
legis, aut Episcopalis constitutionis  
prohibitionem. Unde ignarus reserva-  
tionis tali constitutioni adnexæ, v. g. de  
denunciandis legatis piis, vel deferendis  
ad capsam incertis &c. censi debet à  
tali reservatione immunis: Nam talis re-  
servatio se habet per modum pœnæ statu-  
tæ in transgressores hujusmodi consti-  
tutionum. Unde quemadmodum eo ca-  
su transgressores Episcopaliū constitutio-  
num ob ignorantiam inculpabilem  
excusantur à culpa; ita & à reservationis  
pœna, quæ non habet locum, ubi deficit  
lethalis culpa: & de hoc genere reserva-  
tionis intelligendus est Sanchez *loc. supra*  
*citato. Ita Ugol. de off. & potest. Episc. cap.*  
39. num. 1. Homob. *de cas. reserv. par. 1. c.*  
3. n. 14. Hurtad. in 2. 2. tom. 1. *disp. 84. sect. 1.*  
§. 8. Card. de Lugo *disp. 20. de pœnit. sect. 1.*  
num. 9. Dian. *cit. par. 6. tract. 6. resol. 42.*  
Basilæus *in florib. v. ignorantia num. 17. vers.*  
*sed dubium. Mazuch. de cas. reserv. disp. 1.*  
*quest. 2. num. 19.*

Dico secundò. Ignorantia juris, seu inductæ reservationis non excusat ab ea incurrenda, quoties versatur circa ea, quæ per se, & suapte natura sunt mala, ut homicidium, perjurium, incestus, blasphemia, &c. si quo in loco his delictis reservatio sit adnexa, dummodò specificæ reservati criminis malitia sit delinquenti cognita, & perspecta: Tùm quia, cum divina, naturalique lege sint prohibita, & delinquentes contra divina, naturaliaque præcepta se peccare, specificamque actus malitiam, ac circumstantiam non ignorent: Idcirco neque ab eorum transgressione, neque ab adnexa reservatione possunt excusari. Tùm quia talis reservatio, quæ ab Ecclesia inducitur, ut fideles ob difficultatem obtinendæ absolutionis à quibusdam gravioribus delictis absterreantur, propriè non est pœna penitentis, sed limitatio, seu negatio jurisdictionis Confessarii, qui defectus non tollitur per ignorantiam inductæ reservationis. Quod usus, & praxistum Confessariorum, tum Religiosorum confirmat, in quibus ignorantia reservationis non tribuit facultatem absolvendi penitentem, qui probè cognita delicti malitia, reservationem ejus ignoravit. Siquidem reservatio hujusmodi non statuitur, ut pœna, sed ut medicina. Card. de Lugo *cit. disp. 20. de penit. sect. 1. num. 9.* Dian. *cit. par. 6. tract. 6. resol. 42.* Homob. *cit. cap. 3. num. 14.* Balfæus *cit.*

Dico tertiò. Ignorantia inculpabilis juris, & facti, veletiam solius facti, seu circumstantiæ, quæ actioni retinenti propriam malitiæ speciem, quam habet ex objecto, adfert novam speciem gravioris malitiæ, in cuius odium præcisè lata est Episcopalis reservatio, excusat à reservatione: non obstante, quòd ignorantia versetur circa actus, qui per se, & suapte natura sunt mali, divinaque, ac naturali lege prohibiti. Sit exemplum. Titius carnaliter cognoscit consanguineam, ignorans circumstantiam consanguinitatis; iste etsi non excusetur à mortali culpa vel fornicationis, vel adulterii, aut stupri, eò quòd voluntariè exerceat actionem, quam cognoscit involvere in

se malitiam vel fornicationis, vel adulterii, vel stupri, suapte natura malam, jureque naturali, ac divino prohibitam, excusatur tamen à crimine incestus, ob ignorantiam facti, hoc est, specificæ circumstantiæ, & ex defectu advertentiæ ad malitiam incestus, ad quod flagitium præcisè impediendum lata est illius criminis reservatio: Quæ malitia eo casu Titio non potest imputari ad culpam, utpotè incognita, adeoque involuntaria. Est contra Homobonum, quem citat, & sequitur Lupus *de cas. reserv. par. 2. cas. 2. §. 4. nu. 23.* quorum opinio mihi non probatur.

Idem videre licet in perjurio, seu depositione falsa testis in judicio, quod delictum plerisque locis Episcopali reservationi est obnoxium. Nam si testis intendens iniqua mente deponere falsum in judicio per errorem, & ignorantiam deponat verum; etsi ob pravam affectum delinquat mortaliter contra præceptum naturale divinum, & teneatur etiam ad damnorum refectionem; cum delictum, quod est ita occultum, ut nullo modo probari possit in judicio, perinde sit in ordine ad forum externum, ac si non esset commissum; quo casu accusator dicitur calumniator, & testes dicuntur falsi, & iniqui; Ideoque damna inde provenientia sint resarcienda. Nullam tamen incurrit reservationem ob defectum conditionis, ac circumstantiæ, quam jus reservat requirit, nempe falsitatis tam materialis, quam formalis in judicio: Cujus circumstantiæ defectus ad ignorantiam facti reducitur.

Neque refert, quòd in utroque casu reipsa incestus, & perjurii crimen committatur: Nam in priori casu verum est materialiter, & ex natura operis; non verò formaliter, & ex intentione operantis, ex qua actus moralem speciem accipiunt. In posteriori autem verum est affectivè, & ex intentione operantis, non verò effectivè, & ex natura operis, quorum utrumque requiritur ad incidendum in reservationem. Ita colligitur ex Sanchez *lib. 1. moral. cap. 16. num. 10.* Layman *lib. 1. tract. 6. cap. 4.* Card. de Lugo *disp. 20. de penit. sect. 1. num. 9.* Dian. *cit.*

par.6. tract. 6. resol. 42. & expressè docent Floron. de cas. reserv. par. cas. 6. §. 1. nu. 31. Graff. quem citat, & sequitur Mazuch. de cas. reserv. disp. 1. cap. 4. quest. 3. num. 57. Januar. de cas. ref. resol. 57. n. 2. in fine.

*Quinam habeat facultatem ordinariam absolvendi à casibus reservatis .*

### RESOLUTIO XXXII.

**R**esp. sicut reservandi casus potestatem habent tùm Summus Pontifex in universa Ecclesia, tùm Episcopi in suis Diocesibus, tùm ceteri Prælati, qui in utroque foro jurisdictionem ordinariam, quasi Episcopalem obtinent, quales sunt Abbates quidam exempti, & Generales, Provincialesque Religionum, quoad sibi subditos Regulares; ita potestatem ordinariam absolvendi à casibus reservatis habet ille, qui reservavit, & Superior ipsius reservantis in sacramentali foro: Nam qui potest ligare, potest etiam solvere: & res per quas causas nascitur, per easdem & dissolvitur.

Præterea eandem facultatem ordinariam habet successor ejus, qui sibi reservavit, & Capitulum sede vacante, quod succedit Episcopo non in dignitate, sed in jurisdictione ordinaria Episcopali ita, ut facultatem habeat absolvendi etiam à casibus Sedi Apostolicæ reservatis, si occulti sint, per sacerdotem ad id deputatum: Sicuti docent Abbas in c. Cum olim de majorit. & obedi. q. 5. Rebus. in praxi benef. par. 1. t. de devol. nu. 58. Suarez disp. 30. de pœnit. sect. 2. num. 4. Quarant. Sum. Bullar. v. Capitul. Garzias de Benef. par. 5. c. 7. nu. 41. Barbosa. de off. & potest. Epif. par. 2. alleg. 39. nu. 26. Sed de hoc fusiùs infra resol. 118.

Non solum igitur Episcopus à sibi reservatis absolvere potest, sed Episcopi Superior, videlicet Papa. Idem dicendum de Generali alicujus Religionis respectu casuum reservatorum Provinciali, & de Provinciali respectu reservatorum Priori, seu Guardiano monasterii. Ita Suarez cit. disp. 30. sect. 1. Filliuc. tract. 7. c. 10. n. 281. & constat ex Trid. sess. 14. cap. 7. & can. 11.

*Quinam facultatem delegatam habeant absolvendi à reservatis .*

### RESOLUTIO XXXIII.

**R**esponso est negativa, quia, licet Archiepiscopus sit Superior Episcoporum Suffraganeorum in dignitate, sive in ordine Hierarchiæ, non tamen in foro sacramenti Pœnitentiæ: Unde cum in Dicelesi Suffraganeorum non habeat jurisdictionem in hoc foro, non potest absolvere eorum subditos, excepto casu visitationis Provinciæ, aut appellationis ad ipsum. In his enim duobus casibus est Episcopi Superior: & consequenter potest Archiepiscopus subditos Suffraganeorum à reservatis vel per se ipsum absolvere, vel absolvendi facultatem aliis delegare. Sed de hoc fusiùs infra resol. 109. Ita Suarez disp. 30. de pœnit. sect. 2. num. 8. Reginal. lib. 1. nu. 33. & 34. Henric. lib. 6. cap. 7. num. 5. Quarant. Summ. Bullar. v. Archiepiscopi auctoritas auctor. 33.

*An Confessarius, cui delegata est facultas absolvendi à casibus Episcopo reservatis, possit eandem alteri subdelegare .*

### RESOLUTIO XXXIV. }

**N**egativè respondent aliqui, quos sequi videtur Alterius de cens. to. 2. dist. 8. de suspens. cap. 3. concl. 4. vers. Quæri potest. ubi ait, quod Episcopus non potest alteri committere hanc potestatem, ut is cum ipso dispenset, &c.

Resolutio tamen est affirmativa, videlicet Episcopum, vel Episcopalem auctoritatem habentem, si incidat in casum occultum, Papæ reservatum, posse absolvere vel à suo Archiepiscopo, si ei se subiiciat, vel à Confessario à se electo, deputando ipsum cum eadem auctoritate, ac facultate, quam ipse habet in suos subditos, & qua posset absolvere, ac dispensare cum suis subditis, si in eisdem casus inciderent. Ita Sayrus in clavi regia lib. 7. c. 14. num. 5. Henric. l. 6. cap. 4. num.

num. 1. Suarez t. 5. de cens. disp. 41. sect. 2. & disp. 20. de pœnit. sect. 2. nu. 9. Garzias de benefic. par. 2. cap. 10. n. 139. ubi refert, id decisum esse à Sacra Congregatione Concilii, quam declarationem vide supra resolut. 18. quibus addo Riccio in praxi fori Eccles. resol. 445. n. 2. Sanchez lib. 2. moral. cap. 11. nu. 11. Barbosam de offic. Epif. alleg. 39. n. 15.

Idem statuitur de Prælato Regulari, quod & ipse potest committere Confessario ab ipso electo eandem facultatem, quam ipse habet, ad effectum, ut ipse Prælatus absolvatur, & dispensetur in omnibus, in quibus ipse absolvere, & dispensare potest cum suis subditis. Ratio utriusque resolutionis est, quia Episcopus, vel Prælatus Regularis non debet esse deterioris conditionis, quam sint eorum subditi: Hi autem non coguntur adire Sedem Apostolicam in casibus occultis Papæ reservatis, sed possunt ab Episcopo, vel ab alio Confessario ab Episcopo deputato absolvi, ut habet Conc. Trident. sess. 24. cap. 6. Ergo &c. Ita Suarez, Henriquez, Sanchez, loc. supr. cit. Sà v. Confess. n. 16. Bonac. de Sacram. disp. 5. q. 7. punct. 5. §. 2. num. 7. Vide, quæ dixi supra resol. 19.

*Quinam facultatem delegatam habeant absolventi à reservatis.*

## RESOLUTIO XXXV.

**R**esp. Facultatem delegatam extra tempus Jubilei absolventi à reservatis habet ille, cui facultas data est à Superiore, puta Papa, Episcopo, Prælato, qui habent ordinariam. Nam Ordinarius potest delegare: Hæc autem delegatio fit vel directè, Sacerdoti concedendo facultatem absolventi pœnitentes reservatis obstrictos, vel indirectè, dando licentiam pœnitenti eligendi Confessarium, qui ipsum à reservatis absolvat. Qua verò ratione, & forma intelligatur concessa hæc delegata facultas, longiorem requirit explicationem, de qua infra resolut. 37.

*An Confessarius, cui delegata est facultas absolventi à casibus Episcopo reservatis, possit eandem alteri subdelegare.*

## RESOLUTIO XXXVI.

**R**espondeo primò, Confessarium, qui habet delegatam facultatem absolventi à reservatis, ut ea sit illi in privilegium perpetuum, ratione dignitatis, vel officii, posse eandem alteri subdelegare, non ita generatim, sicut ipsi commissi est, sed particulatim in certo casu, vel ad certam personam absolvendam; quia talis jurisdictio censetur quasi ordinaria. Ita Gloss. super cap. finali extr. de off. jud. ord. Felin. super. dic. cap. finali num. 7. vers. Secundo limita. Covarr. var. resolutionum l. 3. cap. 20. num. 5. Sanchez l. 4. mor. c. 54. num. 27. Henric. lib. 6. cap. 7. nu. 3. Layman de Sacram. pœnit. tract. 6. c. 10. numer. 12. vers. Duobus autem modis. Bafseus in florib. theol. pract. v. Confessarius 11: num. 7.

Hinc deducitur, Pœnitentiarios majores in Cathedralibus, & minores etiam in Diœcesibus, qui Vicarii Foranei vocantur, quibus ratione officii committitur facultas generalis absolventi à reservatis, quando tali officio funguntur, quorumque jurisdictio, & officium, mortuo, vel deposito Episcopo non expirat, posse interdum hujusmodi facultatis executionem alteri Confessariò subdelegare, non ita generaliter, sicut ipsis commissi est; sed in casu particulari, vel ad certam personam absolvendam. Ita præter cit. Doct. Gloss. in cap. cum causam, vers. delegatus de appell. Sanchez loc. cit. lib. 3. de matr. disp. 31. num. 2. Finell. de cas. reserv. c. 11. Beja par. 4. casu 5. in fine. Dian. par. 2. tr. 17. ref. 53. Layman cit. tr. 6. cap. 10. num. 12. except. secunda. Bafseus loc. cit. n. 7.

Respondeo secundò, etiam Parochos, quibus ab Episcopo delegata est facultas ad vniuersitatem causarum, siue facta est commissio universalis absolventi suos Parochianos à casibus reservatis cum causæ cognitione, posse hujusmodi potesta-

tis

tis executionem in aliquo casu particulari, si necessitas vel spiritualis utilitas id exigit, suis Coadiutoribus, vel alteri Confessario subdelegare, non obstante, quòd talis facultas illimitata quoad causas, limitationem quoad tempus, vel quòd ad locum recipiat: quo casu censetur potius subdelegari reservata absolutio, quàm absolvendi à reservatis iurisdicção: hæc tamen assertio intelligenda est, nisi constet aliam esse Superiorem delegantis voluntatem. Ita innuit præcitati Doctores, quibus addo Piasceum in praxi Episcopali. par. 2. c. 4. n. 8. Paleotum in Archiepisc. Bonon. par. 7. fol. mihi 513. & expressè docent Rodriq. t. 1. regul. quæst. quæst. 21. art. 9. Beia, Finel. Bassæus locis citatis. Layman cit. num. in fine: ubi tamen excipit, nisi privilegium esset personale, seu specialiter electa esset industria personæ, nempe Parochi, verbis gratia ob ejus doctrinæ, vel prudentiæ prærogativam; Quod est bene notandum.

Et quod dicitur de Parocho, habet locum etiam in Guardiano, vel alio monasterii Superiore, si Provincialis ipsi committat facultatem absolvendi subditos à reservatis, posse illum, si Regularis ab ipso petat, plenam, quam ipse habet, potestatis executionem, monasterii Confessario concedere. Rodriquez, Beia, Bassæus Dian. II. cc.

Respondeo tertio, Parochum; vel Confessarium simplicem, qui ab Episcopo, vel ejus generali Vicario petit, & obtinuit facultatem absolvendi aliquem, vel aliquos pro ea vice à quodam delicto, vel delictis reservatis (quo nihil frequentius in foro interno cujuslibet Curie Episcopalis usu venit) non posse facultatem hujusmodi alteri Confessario demandare. Tum quia talis concessio est privilegium merè personale, quod alteri concedi non potest: Tum quia eo casu censetur potius delegari reservata absolutio, nudumque ministerium, quàm absolvendi à reservatis iurisdicção. Ita Gloss. super dicto cap. finali. Abb. ibid. n. 3. Covarr. var. resol. lib. 3. c. 20. vers. primò deducitur. Felin. loc. cit. vers. tertio limita. Finellius cit. n. 11. Layman. cit. Piasce. & Poleot. II. cc.

Hinc patet magnum discrimen esse in-

ter delegare absolutionem à reservatis cum iurisdicção, & delegare nudum absolutionis ministerium: Nam delegare absolutionem à reservatis cum iurisdicção, sive causarum cognitione, est generaliter alicui demandare, ut pro arbitrio suo possit absolvere penitentes casibus reservatis obstrictos, quotiescumque casus occurrerit, cum facultate arbitrandi penitentiam, & onus illis imponendi: Et in hoc casu habet locum doctrina supra tradita, quòd delegatus executionem suæ potestatis possit in casu particulari alteri subdelegare. Delegare verò nudum absolutionis ministerium est committere alicui absolutionem à reservatis in certis casibus ita, ut actum illum exerceat ex commissione, & mandato Superiorem delegantis: Subdelegatus verò secundum formam à delegante præscriptam, penitentem absolvat, sicquè nudum absolvendi ministerium exerceat: Et in hoc casu verum est axioma illud, quòd delegatus subdelegare non potest: Quod annotare volui propter minus peritos Confessarios. Vide, quæ habet Nau. lib. 1. consil. de const. consil. 1. quæst. vltim. n. 89. Felin. supra dict. cap. final. de off. jud. ord. Finell. cit. n. 11. in fine.

*Quomodo interpretandæ sint concessionēs facultatis absolvendi à casibus reservatis.*

## RESOLUTIO XXXVII.

**R**espondent Doctores communiter apud Suarez, & Graff. infra citandos.

Primò. Si Episcopus, vel Prælati dicat Sacerdoti: concedo tibi facultatem audiendi subditorum meorum confessiones, eosque absolvendi, non censetur concedere facultatem absolvendi à casibus reservatis: quia in generali verbo non intelliguntur specialia concessa. Ita Suarez. tom. 4. de penit. disp. 30. sect. 1. n. 2. & 3. Bonac. tom. 1. disp. 5. quæst. 7. punct. 5. §. 2. n. 8. Graff. par. 1. decis. auctor. lib. 1. cap. 3. n. 64. qui ex eodem principio inferunt, si Episcopus dicat se concedere suam auctorita-

tem,

tem, non cenferi concedere casus refer-  
vatos.

Secundò . Si Episcopus concedat ali-  
quem casum reservatum, & postea gene-  
raliter addat, & omnem meam potesta-  
tem: tunc concessio cenferetur extensa ad  
ceteros casus reservatos non expressos  
Quia specificatio antecedens explicat ge-  
nerale verbum subsequens. Idemque di-  
cendum, si dicat concedo tibi omnem  
meam facultatem, excepto tali casu: Quia  
exceptio firmat regulam, hoc est, gene-  
ralem concessionem in casibus similibus  
Suarez, Bonac. *ll. cc. Graff. cit. cap. 3. n. 67.*  
*Filliuc. tract. 7. n. 282.*

Tertiò . Si Episcopus concedat Paro-  
cho generalem licentiam excipiendi  
confeffionem omnium suorum Paro-  
chianorum, in ea comprehenditur facul-  
tas absolvendi à casibus reservatis: alic-  
quin gratis facta esset concessio. Graff. cit.  
cap. 3. n. 68.

Quartò . Si Episcopus concedat alicui  
facultatem absolvendi à casibus reserva-  
tis, ea non extenditur ad absolutionem à  
censuris sibi reservatis: quia à diversis non  
fit illatio: casus autem, & censura distin-  
cta sunt, & in jure reservante Episcopo-  
rum non semper sunt coniuncta. Ita Sua-  
rez loc. cit. Navar. man. cap. 27. num. 261.  
Graff. cit. cap. 3. n. 63. Finellius de cas.  
ref. c. 9. n. 2. Quæ omnia procedunt, nisi  
aliter constet de mente concedentis, quæ  
in foro penitentię sufficit: Secus in foro  
contentioso, vbi præcisè standum est ver-  
bis concessionis. Suarez & Graff. *ll. cc. qui-  
bus* subferibit etiam Mazuchel. disp. 1.  
quæst. 3. diff. 3. n. 10.

*Ab habens privilegium absolvendi ab omni-  
bus casibus Summo Pontifici reservatis,  
possit absolvere à casibus in Bulla Cænæ  
contentis.*

## RESOLUTIO XXXVIII.

**A**ffirmativè sententiæ adherent Rodri-  
quez, tom. 1. quæst. regu. quæst.  
20. art. 9. Dian. par. 1. tract. 5. resol. 6. qui  
cùm putent privilegiis Mendicantium  
non derogari per annuam Bullæ Cænæ  
publicationem, consequenter docet Re-

ligiosos Mendicantes, approbatos secun-  
dum formam juris, absolvere posse sæcu-  
lares à casibus Bullæ Cænæ, dummodo  
sint occulti.

Responsio tamen communis est nega-  
tiva: Tùm quia in generali concessione  
non veniunt ea, quæ non esset quis veri-  
similiter in specie concessurus, ut habet,  
*regula iuris in 6.* Si autem quis à Summo  
Pontifice peteret facultatem absolvendi  
à casibus in Bulla Cænæ contentis, eam  
ipsi non concederet; Quia videmus in  
communibus privilegiis semper excipi  
casus huiusce Bullæ: Tùm quia casus, &  
censuræ Bullæ Cænæ, sicut juxta usum, &  
morem Ecclesiæ habent specialem ratio-  
nem gravitatis; sic etiam reservationis,  
ratione cujus non censentur comprehen-  
di sub clausula generali: Et ideo, quando  
conceduntur, semper de illis fit expressa  
mentio, sicuti stylus Romanę curiæ tes-  
tatur, & docet Suarez tom. 5. de censu.  
dif. 7. sect. 5. n. 11. & disp. 21. sect. 3. San-  
chez lib. 2. moral. cap. 12 num. 13. Bonac.  
tom. 1. disp. 5. quæst. 7. punct. 5. §. 2. num.  
14. Vgol. de censu. tab. 1. cap. 10 §. 4. num.  
9. Graff. lib. 2. cap. 18. n. 2. Quaranta Sum-  
Bullar. v. casus. refer. num. 13. ubi etiam  
affert Decretum Sacre Congregationis  
justi Clem. VIII. editum, quod præcipit  
sub gravissimis penis, ne quis extra mor-  
tis articulum pretextu cujuscumque pri-  
vilegii absolvat à casibus in Bulla Cænæ  
contentis: quò decreto stante, ruit omni-  
nò contraria opinio. An autem id proce-  
dat etiam de privilegio à Tridentino  
Episcopis concessio, vide infra resolutione-  
nem 112.

*Ab habens privilegium à Papa absolvendi  
ab omnibus casibus etiam in Bulla  
Cænæ contentis possit absol-  
vere à casu hæresis.*

## RESOLUTIO XXXIX.

**A**ffirmativè responderent Rodri-  
quez tom. 1. qq. regul. q. 20. art. 9.  
Dian. par. 1. tract. 5. resol. 6. qui cùm do-  
ceant Mendicantium privilegiis deroga-  
tum non esse per Bullam Cænæ, eamque  
extendant etiam ad casum hæresis, & ad  
exco-

excommunicationem contractam ob hæresim, dummodò sit occulta, consequenter dicerent, quemcumque alium Sacerdotem habentem à Papa privilegium absolvendi à casibus, & censuris etiam in Bulla Cœnæ contentis, vigore talis facultatis posse à casu hæresis, & ab excommunicatione tali delicto adnexa absolvere.

Sed contrarium est verum, & certissimè tenendum. Ratio assignata est præcedenti resolutione, quia in generali concessione non comprehenduntur ea, quæ delegans verisimili conjectura non concessisset: Atqui delictum hæresis adeò peculiarem continet gravitatem, & specialem reservationem, ut juxta morem Ecclesiæ Summus Pontifex facultatem absolvendi ab hæresi concedere non soleat: Ergo &c. Ita Sanchez l.1. moral. cap. 12. Henric. lib.8. de pœnit. cap.16. num.2. Graff. lib.4. decis. aure. cap.15. num.25. Azorius lib.8. inst. moral. cap.10. quæsto 12. & novissimè Thom. Del. Bene de Offic. S. Inquis. par.1. dub.59. n.9.

*An qui obtinent privilegium absolvendi ab omnibus casibus, & censuris Papæ reservatis, uti sunt Regulares, alique Privilegiarii, possint etiam absolvere à casibus, qui Ordinariis locorum speciali Edicto reservantur.*

## RESOLUTIO XL.

**Q**uamvis ex pluribus decretis, & constitutionibus Apostolicis, quæ recensentur in secunda Elucidarii parte post edictum casuum in Diocesi Brixienſi reservatorum, liquidò constet, nullum Confessarium cujuscumque Ordinis, & instituti à casibus Episcopo reservatis absolvere posse sub pœnis in Pontificiis constitutionibus contentis; nihilominus quia non pauci ex Regularibus hanc veritatem in dubium revocare videntur, idcirco hæc quæstio hic breviter tractanda est, & rationes examinandæ.

Pro quo supponendum Regulares omnes vel per concessionem, vel participationem, sicut etiam Patres Societatis

Jesu gaudere privilegio absolvendi omnes fideles tam à casibus Episcopo jure communi quam à casibus, censuris, & pœnis Papæ reservatis, iis exceptis, quæ in Bulla Cœnæ continentur. Est ergo quæstio, an Religiosi prædicti, & alii cum istis communicantes possint vigore suorum privilegiorum absolvere à casibus, quos Episcopus in propria Diocesi solet in comitiis Synodalibus, aut speciali edicto sibi reservare.

Affirmant, Collector privilegiorum Societatis Jesu tit. Absolutio §.1. Rodriq. tom.1. qq. reg. q.61. art.3. & 13. Dela Cruix de stat. rel. l.2. c.6. dub.7. Crouſers ad c.7. reg. S. Franc. lect.28. fol.769. Ledesma de pœnit. c.11. in fine Sylvius par.1. ref. var. v. cas. reserv. Portell. v. cas. ref. num.6. Filliuc. tract.15. c.10. num.223. Vivaldus v. de absolutione nu.27. qui varia amplissimæ formæ refert privilegia, quæ non videntur posse restringi per Episcopos, sicut nec Regularium facultas, nec quoad personas, nec quoad casus, qui Ordinariis reservantur.

Ceterùm absolutè statuendum est, neque Regulares vi suorum privilegiorum, seu Maris magni, neque alios cujuscumque Societatis, quocumque privilegio sint muniti, posse à casibus Episcopo reservatis absolvere, nisi in iis privilegiis expressa fiat mentio casuum Ordinariis reservatorum. Ita Io: Franciscus Leo in thesauro fori Ecclesiastici par.2. cap.20. n.50. & 51. Chapeavil. de cas. resc.4. diff.6. Graff. de cas. res. lib.2. c.4. nu.63. Farinac. de hæresi quæst.92. num.36. Nav. in man. c.27. num.261. Gamb. de cas. ref. c.2. n.5. Bassæus in florib. v. cas. ref. n.38. Ita Bulla Clem. VIII. 9. Januar. 1601. quæ refertur infra in secunda parte post edictum casuum in Diocesi Brixienſi reservatorum. Ita decretum S. cræ Cong. de mandato Pauli V. emanatum 2. Januarii 1617. apud Tamburinum t.2. disp.13. num.4. & 4. in quo contra Regulares, qui ex eorum privilegiis à casibus etiam Ordinario reservatis absolvebant, absque ejus licentia, innovatur, & confirmatur prædictum Clementis VIII. decretum; & præcipitur ab omnibus Regularibus observari. Ita demum Urbanus VIII. qui ad tollendos, qui



qui irrepserant, abusus, Regularium privilegia, quibus à casibus Ordinariis locorum reservatis absolvere præsumebant. volens moderari, declaravit, ut sequitur.

*Sacra Congregatio S. R. E. Cardinalium negotiis, & consultationibus Episcoporum, & Regularium præposita, censuit, per privilegiorum confirmationes, quas Regulares à Sede Apostolica post Sacrum Conc. Trident. obtinuerunt, nequaquam reuixisse privilegia, prius ab eodem Concilio, ac deinde etiam ipsius Congregationis decretis sublata, atque extincta, si quæ habent, absolvendi à casibus Ordinariis reservatis: quemadmodum nec indulta absolvendi à casibus contentis in Bulla, quæ in Die Cænæ Domini legi consuevit, utpotè sublata per annuam ipsius Bullæ publicationem, vires, aut robur acquisivisse ex subsequentibus privilegiorum confirmationibus: ac proinde Regulares cuiusvis Ordinis Congregationis, Societatis, & instituti, etiam necessariè exprimendi, nec intra, nec extra Italiam in vim privilegiorum, aut confirmationum ejusmodi, quas vel hactenus obtinuerunt, vel deinceps fortè obtinebunt, posse quemquam absolvere ab eisdem casibus in Bulla Cænæ, aut Ordinarii loci reservatis; ac si secus egerint, absolutiones nullas atque irritas fuisse, ac fore: ab aliis verò casibus, & censuris Sedi Apostolicæ reservatis, si quam Regulares habeant à Sede Apostolica absolvendi facultatem, illam extra Italiam minimè sublatam fuisse, iisdem Sacræ Cong. decretis hac de re editis jussu sancti mem. Clementis VIII.*

*Quam Sacræ Cong. sententiam Sanctitas Sua ad se relata approbavit, mandavitq; ab omnibus, ad quos perveniret, inviolabiliter observari. Romæ 17. Novembr. 1628.*

F. A. Card. S. Onufrii.

Quoniam verò, his decretis, & declarationibus non obstantibus, quidam recentiores antiquata, & reuocata, quoad casus Episcopis reservatos, Mendicantium privilegia ausi sunt noviter defendere contrarium docere, falsamque eorum doctrinam in lucem edere. Sanctiss. D.N. Alex. VII. inter ceteras novissimè damnatas propositiones, hanc ipsam *Mendicantes possunt absolvere à casibus Episcopis*

*reservatis, non obstantia ad id Episcoporum licentia, tanquam falsam, & scandalosam speciali Decreto emanato Die 2. Octob. 1665. rursus damnavit, & prohibuit, ne quis amplius eam defendat, doceat, tractet, nec de ea publicè, aut privatim disputet, sub pœna excommunicationis latæ sententiæ, cujus absolutionem extra mortis articulum sibi, & Successoribus suis reservavit.*

Ex quibus decretis in suo robore, ac firmitate manentibus, planè constat hodie privilegiatos non posse sine inscitia, vel audaciæ nota contrarium in usum deducere; Quòd si deducere præsumant, præter excommunicationis, privationis officiorum, dignitatum, ac beneficiorum pœnam, ipso facto absque alia declaratione in currendam, absolutiones contra formam dicti decreti collatas, nullas, & irritas existere. Vide Quirant. v. cas. refer. Graff. cit. Finell. cit. Franc. Leonem in thes. For. Eccles. par. 3. c. 38. n. 174.

*Prima Obiectio.* Exceptio firmat regulam in aliis, ut dicitur, sed in privilegiis Regularium fit exceptio tantum casuum in Bulla Cænæ: Ergo Regulares vi suorum privilegiorum absolvere possunt ab omnibus casibus, exceptis in Bulla Cænæ contentis; Ergo etiam à casibus Ordinarii reservatis.

Resp. Exceptionem firmare regulam in aliis casibus, nisi sint aliis judicibus reservati, specialeque, & expressam requirant concessionem: hujusmodi sunt casus Episcopo reservati, qui novam, specialem, & expressam requirunt à Sede Apostolica concessionem.

*Secunda Obiectio.* Facultas ad majus includit etiam minus, sed privilegia Regularium se extendunt ad casus Papæ reservatos, quod est majus, ergo debent etiam extendi ad casus Ordinarii reservatos, quod est minus.

Resp. Maiorem niti veritate, nisi facultas ad minus sit alteri expressè reservata; & expressam requirat concessionem. Licet ergo facultas absolvendi à casibus Episcopo reservatis sit quid minus, quam absolvendi à Papæ reservatis; tamen hæc facultas est Episcopo reservata, & ex-

& expressam requirit mentionem . Unde, seclulis etiam decretis in contrarium Summorum Pontificum , ratio non convinceret.

*Tertia Obiectio .* In privilegiis Regularium apponitur hæc particula , *etiam* ; à quibuscumque casibus licet enormibus , quæ particula videtur addi ad cumulandum Regularium facultatem , ut scilicet absolvere possint non solum ab omnibus aliis casibus enormibus , quales sunt Ordinarii reservati , sed etiam à Papæ reservatis , ergo &c.

Resp. In hisce privilegiis particulam (*etiam*.) non sumi cumulative , ut scilicet cumulet Regularium facultatem , eamque extendat etiam ad casus Episcopo reservatos , sed sumi expressivè , ut scilicet exprimat ad quos casus se extendat , videlicet ad omnes , nisi Ordinarii sint reservati , quamvis Papæ etiam reservarentur .

*Quarta Obiectio .* Regulares sunt immediate delegati Summi Pontificis , à quo immediate jurisdictionem accipiunt , nec subordinantur Episcopus non potest eorum facultatem quoad casus limitare .

Resp. Regulares esse quidem immediate delegatos Papæ , ab eoque immediate jurisdictionem accipere , sed tamen limitatam , hoc est , exceptis casibus in Pontificiis decretis expressis , inter quos enumerantur casus Episcopo reservati . Unde quoad illos casus Regulares subduntur Episcopo . Nam Pontifex potest exemptos , & privilegiatos Episcopo subicere . Et de facto subiecit Clemens VIII. Paulus V. Urbanus VIII. & novissimè Alex. VII. ut scilicet non absolvant à casibus , quos Ordinarii sibi reservant , sine ipsorum licentia , ut patet ex supra relatis decretis .

*Quinta Obiectio .* Facultas privilegiatorum non potest restringi ab Episcopis quoad personas , quia possunt quoscumque , & undecumque ad se venientes independentem ab Episcopis absolvere : Ergo nec quoad casus , cum par sit utriusque ratio , ut tradunt Filiuc. *rr. 15. cap. 10. nu. 223 .* Portel. *v. casus reservatus* .

Resp. Quod licet facultas Privilegiorum non possit restringi ab Episcopis

quoad personas , bene tamen quoad casus sibi reservatos , quia quoad hoc Regulares omnes , etiam exempti , & privilegiati fuerunt à Summis Pontificibus subiecti Episcopis , ut liquidò constat ex supra relatis decretis , & doctè probat Mazuchell. *de cas. reserv. disp. 1. quæst. 3. diff. 7. in fine* .

Quoad auctoritatem Doctorum , oppositum sustinentium . Resp. Eorum opinionem post tot edita Pontificia decreta non amplius censeri probabilem , nec eorum auctoritatem quidquam Regularibus suffragari . Nam vel scripserunt ante emanata decreta , vel ea non viderunt , quæ si viderent , quæ si vidissent , suam opinionem retractassent , uti fecit Viuald. *l.c. n. 26. in fine* .

*An regulares privilegiati absolvere saltem possint à censuris , quas Episcopi Diocesano statuto , vel generali Edicto sibi reservant .*

## RESOLUTIO XLI.

**N**ON pauci ex Regularibus , concessi religioso eorum Ordini privilegiis nituntur ; ideoque asserunt , sub generali Sedis Apostolicæ concessione absolvendi à quibuscumque censuris juris , haud dubie comprehendendi etiam censuras , quas Episcopi Diocesano statuto , vel generali Edicto sibi reservant . Fundamentum eorum est ; Tum quia talis reservatio fit tantum respectu inferiorum , & nequaquam Summi Pontificis , qui ab omnibus censuris Episcopalibus absolvere potest ; & consequenter etiam aliis absolvendi facultatem committere . Unde cum Religiosis Mendicantibus privilegium concessum sit à Paulo III. & Sixto V. absolventi à quibuscumque censuris , etiam Sedi Apostolicæ reservatis , exceptis in Bulla Cœnæ contentis , propterea Religiosi privilegiati ab omnibus censuris Episcopalibus penitentes suos absolvere possunt . Tum quia decreta Clementis VIII. & Urbani pariter VII. Regularium privilegia restringunt tantum quoad casus , quos Ordinarii lo-

corum

corum sibi reservarunt; vel in posterum referuabunt: censura autem non est casus, sed pœna casus, ut docet Nauar. in man. c. 27. n. 262. à diversis autem non fit illatio. Ita Vival. de absol. nu. 16. & seq. Regin. l. 8. c. 5. num. 55. Nav. loc. sup. cit. Dian. part. 3. tr. 2. resol. 13. Becan. de leg. c. 6. q. 6. n. 7.

Ceterùm omninò in contrarium statuenda est resolutio, videlicet Regulares privilegiatos non posse à censuris Ordinariis locorum diœcesano statuto reservatis absolvere, sub pœnis in prædicto Clementis VIII. decreto contentis. Tùm quia expressè obstat decretum Pauli V. 7. Januarii apud Nald. v. casus, quod ob hanc maximè causam emanavit, teste. Nald. l. c. & Peregr. v. absolutio, ut declararet, in prædicta Clementis prohibitione absolvendi à reservatis Ordinario loci, contineri etiam censuras, eidem Diœcesano statuto reservatas, à quibus privilegiati absolvere non verebantur, prætendentes sub dicti decreti, & ejusdem declarationis prohibitione non esse comprehensas. Tùm quia contrariè sententiæ Doctores supracitati loquuntur de Regularibus extra Italiam degentibus, & præcipuè in partibus septentrionalibus, ubi decretum Clementis, & dicta declaratio derogatoria privilegiorum promulgata non est: Ergo saltem in Italia, ubi in suo vigore manet, prædictis censuris irretitus per Regulares absolvi non poterit.

Concludendum itaque est, neminem Regularium, saltem intra Italiam, prætextu privilegiorum, abque Ordinarii facultate à censuris Diœcesano statuto, vel Episcopali edicto reservatis, absolvere posse, sub pœnis in Pontificio Decreto statutis. Ita Gavan. in Enchirid. Episcop. v. casus ref. n. 2. 3. & 4. Nald. l. c. Homob. de cas. reserv. par. 1. cap. 1. & 3. Duard. in Bulla Cens. l. 3. n. 2. q. 1. à nu. 29. usque ad 33. Peregrin. in compendio v. absolutio. Emanuel Roderic resol. 3. v. absolutio. Finellius de cas. ref. c. 6. num. 8. Nav. ar. in man. cap. 27. n. 112. & alii.

*Fœmina in actu confessionis, sive ante, sive post immediatè à confessario sollicitata fuit ad turpia: Hæc verò obligationis judicialiter denunciandi sollicitantem à posteriori Confessario commonita, ipsa id præstare recusat. Queritur, an sollicitata possit à posteriori confessario saltem Regulari, & privilegiato absolvi; & quam pœnam incurrat, si eam, neglecta denunciatione, absolvere præsumat.*

## RESOLUTIO XLII.

- §. 1. **V**ariæ constitutiones Summorum Pontificum contra confessarios sollicitantes.
- §. 2. Constitutio posterior Gregorii XV. contra easdem confessarios sollicitantes acrior, & extensor.
- §. 3. Mulier sollicitata in terminis Bullæ Gregorianæ tenetur denunciare confessarium sollicitantem sub excommunicationis latæ sententiæ pœna.
- §. 4. Fœmina sollicitata sistit contumax in denunciatione faciendâ, non potest absolvi absque facultate Supremi Tribunalis Sancti Officii.
- §. 5. Sacra Congregatio Sancti Officii solet aliquando ex justa causa concedere facultatem absolvendi sollicitatam ante denunciationem, sed cum duplici conditione.
- §. 6. Regularium privilegia, Iubileorumquæ Bullæ nullum suffragium, quod absolutionem tribuunt Fœminæ contumaci in denunciatione faciendâ.
- §. 7. Privilegium Iubilei semper intelligitur sine præiudicio tertii.
- §. 8. Mulier sollicitata non tenetur suum consensum exprimere, neque de eo debet interrogari, cum sollicitantis ab ea fit, denunciatio.
- §. 9. Confessarius, quicumque, etiam privilegiatus, absolvens extra articulum mortis sollicitatam, neglecta denunciatione, ipsosolito reservatæ excommunicationis censura innodatur.
- §. 10. Ad judicialem denunciationem tenentur etiam illi, quibus certè innotescit sacrilega sollicitatio.
- §. 11. Cessante suspitione hæresis, non cessat obli-

*obligatio præceptæ denunciationis .*

- §. 12. *Effluxo termino in Edicto sancti Officii præfixo, adduc manet, & urget sub eadem excommunicationis pœna denunciandi obligatio.*
- §. 13. *Excusationes, sive limitationes, quibus nonnulli Doctores eximunt sœminas sollicitas ab onere denunciationis.*
- §. 14. *Reiicitur borum Doctorem sententia cum singulis limitationibus.*
- §. 15. *Opinio rejecta hodie per decretum Alexand. VII. remanet omnino profligata.*
- §. 16. *Refertur per extensum huiusmodi decretum.*
- §. 17. *Metus gravis in vita, fama, res familiarium, sœminam sollicitatam à judiciali denunciatione excusat.*
- §. 18. *In casu hæresis formalis talis metus regulariter non excusat.*
- §. 19. *Denunciatio ad Sanctum Tribunal ante absolutionem necessariò sit præmittenda.*
- §. 20. *Autor cum distinctione procedit.*
- §. 21. *Compendiaria totius questionis resolutio, pro Confessariorum praxi.*

§. 1. Ante responsionem prænotandum est, varias à variis Summis Pontificibus editas esse constitutiones in Confessarios, qui penitentes ad turpia sollicitant, abutentes Sacramentali confessione ut à Paulo IV. & Pio IV. præsertim in Hispaniarum Regnis quas videre licet apud Rodericum à Chuna de Confess. sollicitantibus quæst. 2. p. 1. & 23.

§. 2. Anno verò 1612. die 30. Augusti . Gregorius XV. sua constitutione, quæ incipit: Univerſi Dominici : renovans Bullas Prædecessorum suorum, præcipuè Pauli IX. eam non solum in regnis Hispaniarum, sed in omnibus Christiani Orbis partibus firmiter, & inviolabiliter observari mandavit: onus imponens personis sollicitatis ( quæcumque illæ sint ) denunciandi Confessarios sollicitantes ; sive sollicitatio fiat in actu confessionis Sacramentalis, sive ante, sive post immediatè, vel etiam prætextu confessionis etiam confessione non secuta : etiamsi id fiat extra occasionem confessionis, sed in Confessionario, aut in lo-

co quocumque ubi confessiones sacramentales audiuntur, seu electo ad confessiones audiendas ; si Confessarius ibi simul et confessiones audire ; sive id fiat ad committenda turpia cum ipso sollicitante, sive cum aliis . Cujus Bullæ expositionem vide apud Roder. à Chuna de Confess. sollicitantibus q. 1. & seq. & Carenam in tract. de Offic. Sanctæ Inquisitionis par. 2. tit. 6. §. 5.

§. 3. Ad hanc autem denunciationem faciendam, et si ex tenore prædictæ Bullæ Gregor. XV. personæ sollicitatæ videantur teneri tantum sub culpa mortali ; ex Edicto tamen Sanctæ Inquisitionis, quod singulis annis publicari solet, ubi recepta est Sancta Inquisitio, tenentur sœminæ sit sollicitatæ judicialiter denunciare Confessarios sollicitantes sub excommunicationis latæ sententiæ pœna, ut patet ex illis Edicti verbis . *Che habbino abusato, d'abusivo il Sacramento della penitenza contra li decreti, e constitutioni Apostoliche .* Quod praxis tribunalium Sanctæ Inquisitionis confirmat, & docent Suarez, Sanchez, Pegna, Diana, quos citat, & sequitur Carena par. 2. tit. 9. §. 7. num. 25.

§. 4. Hisce prænotatis, responsio ad primum dubium est negativa, penitentem scilicet sollicitatam, & contumacem in denunciatione faciendam, absque facultate supremi Tribunalis Sanctæ Generalis Inquisitionis de Vrbe, non posse nisi ab Episcopo, vel Inquisitore contra hæreticam pravitatem, aut ab eorum delegatis absolui: Quia obstat excommunicationis censura latæ sententiæ in Edicto Sanctæ Inquisitionis lata, & Latoribus reservata, qua innodantur contumaces in denunciatione facienda : quod ex prænotatis clarè constat, & docent Eman. Roder. tom. 1. quæst. 20. ar. 10. Homob. de exam. Ecclesiæ tract. 7. cap. 7. §. 35. Carena tit. 6. §. 20. n. 114.

§. 5. Imò. nec Episcopus, neque Inquisitor eo casu valent penitentem sic sollicitam absolvere, nisi fiat denunciatio. Quod si concurrat rationalis causa, quæ à denunciatione excusare videatur, ea prius debet approbari à Sanctissimo, vel saltem à Sacra Congregatione S. Officij, quæ so-

let

let Confessario concedere, ut sollicitatam absolvat cum duplici conditione: altera, ut cessante impedimento, teneatur sollicitantem denunciare: altera, ut Confessarius absolvens sit alius ab eo, qui sollicitaverit.

§. 6. Utrum verò Confessarii Regularis, alique privilegiati vigore privilegiorum, vel saltem tempore Jubilei possint absolvere feminas sollicitatas ab excommunicatione in Edicto contenta, ac proinde eas ab obligatione denunciandi Confessarios sollicitantes eximere.

Affirmativam tenent Portel. in dub. regul. v. sollicitare n. 34. Rodriq. in compendio quest. regul. resol. 131. n. 16.

Sed opposita sententia est omnino vera, & in praxi servanda: Quia sollicitationis delictum, etsi non sit casus hæresis formalis, involvit tamen vehementem suspicionem hæresis. In Regularium autem privilegiis, Jubileorumque Bullis semper excipitur casus hæresis, in qua exceptione continetur etiam vehemens suspicio hæresis, teste Roderico à Chuna de Confess. sollicitantib. q. 21. n. 11. in fine & Carena supr. cit. quibus subscribit Homob. de exam. Eccles. cit. q. 35.

§. 7. Addo ergo, quod mulier sollicitata, si intra terminum in Edicto præfixum sollicitantem non denunciaverit, jam extat irretita excommunicationis reservatæ censura, à qua non potest absolvi, nisi satisfacta parte, hoc est, Tribunali Sancti Officii. Neque relevatur hoc onere denunciandi beneficio Jubilei, quia privilegium Jubilei semper intelligitur sine præjudicio tertii, eo vel maxime, si hoc tertium sit commune bonum Religionis, & Sanctæ Fidei.

§. 8. Neque eximitur ab hac obligatione mulier sollicitata ex eo, quod sollicitanti consenserit; quicquid dicat Portel. l.c. n. 15. Siquidem femina sollicitata non tenetur suum consensum explicare, neque de hoc debet examinari, uti de re ad Sanctum Officium non spectante. Ita decusum esse à Sacra Congregatione Sancti Officii de Urbe, refert Carena cit. §. 20. n. 112.

§. 9. Quod si Confessarius etiam Regularis, & privilegiatus, neglecta denuncia-

tione, feminam sic sollicitatam extra mortis periculum absolvere præsumat, ipso facto & ipse in eandem excommunicationis penam incurrit, uti constat ex illis Edicti verbis. *E sotto la detta pena di scomunica di lata sentenza, come di sopra, alli medesimi Confessori comandiamo, che non ardischino di assolvere quelli, che troveranno delinquenti.*

Unde patet responsio etiam ad posteriorem questionis partem. Ita Carena tit. 9. §. 10. n. 47. & tit. 6. §. 20. nu. 114. Homob. cit. cap. 7. q. 22. quos sequitur Januarius de cas. res. 55. n. 12. & 15.

In articulo autem mortis, si Confessarius deprehenderit, sollicitatam ex neglecta denunciatione excommunicationis vinculo existere innodatam, commonenda est, se teneri, si convaluerit, tum ad denunciandum sub poena reincidentie, tum ad debitam Sancto Officio præstandam satisfactionem.

§. 10. Ampliatur resolutio, ut non solum sollicitatæ ipsæ denunciare teneantur sollicitantes in terminis Bullæ Gregorianæ; sed etiam quicumque alii, quibus certò innoteat sacrilega sollicitatio, etsi sollicitationem hujusmodi non possint probare, idque sua eadem excommunicationis latæ sententiæ poena, sicuti constat ex illis Edicti verbis: *Che debbano al Santo Officio, d'all' Ordinario denunciare, e notificare giuridicamente tutti, e ciaschedun di quelli, de quali sappino, d'habbino, d'hauranno notizia, &c. che habbino abusato, d'abusino il Sacramento della Penitenza &c.* Ita Sanch. lib. 1. mor. c. 32. n. 47. Suarez de fide disp. 20. sect. 4. n. 28. Nazara de Blasphem. q. 12. num. 18. Carena cit. tit. 9. §. 7. num. 24. 27. & 31.

Dixi certò, ut si ex ipsa sollicitata, vel alia persona gravi hujusmodi notitiam hauserit. Nam qui audivit à persona fide non digna, vel quæ nihil certi sciat, aut non recorderetur, à quo acceperit, non teneri ad denunciandum, docet Dian. par. 1. tract. 4. resol. 1. Carena cit. §. 7. n. 31. ex Farinac. de hæresi quest. 185. n. 71.

§. 11. Et hæc asserit procedere, etiamsi in aliquo casu cessaret hæresis suspicio. Nam etsi lex fundata in præsumptione, regulariter loquendo, non obliget in

D

foro

forq̃ conscientię, si à parte rei præsump-  
tio sit falsa, teste Layman lib. 1. tr. 4. c. 17.  
num. 1. & 8. Attamen illa regula non ha-  
bet locum in hac materia: Siquidem ju-  
diciū discernendi circa suspicionem  
hæresis, quæ resultat ex præsumptione  
Edicti, non competit Confessariis, sed in-  
quisitoribus. Vide Carenam tit. 9. §. 7.  
nu. 37. in fine, & novissimè Thomam Del  
Bene de Offic. S. inquisitionis par. 1. du-  
bitatione 22.

§. 12. Non placet tamen, quod docet  
Bonac. de obligatione denunciandi disp.  
6. punct. 2. §. 9. num. . . . versu modo cen-  
sura, videlicet præceptū in Edicto Sanctę  
Inquisitionis contentum, elapso termino  
in Edicto expresso, remanere extin-  
ctum. Id enim adversatur communissi-  
mæ Doctorum sententię. Quia, licet præ-  
ceptum videatur ab homine; tamen quia  
Tribunal, à quo procedit, perpetuum est;  
ideò ad instar legis perpetuò durat, sicuti  
tradunt D. D. de Bulla Cęnæ Domini:  
Suar. de fide disp. 20. sect. 4. n. 11. Portel.  
v. denunciatio n. 5. Caren. cit. n. 34. Tūm  
quia ille terminus non præscribitur in  
Edicto, ad obligationem finiendam, &  
extinguendam, sed ad præcepti impletio-  
nem sollicitandam; quod clarè constat ex  
eo, quòd obligatio denunciandi prima-  
riò, & per se oritur ex Bullis Apostolicis,  
& quàm maximè ex Bulla Gregoriana,  
quæ nunquam expirat: cujus dispositio-  
ni, ac perduranti obligationi superadditur  
quotannis, seu potiùs renovatur præcep-  
tum S. inquisitionis; sicuti docet Roder.  
à Chuna de Conf. sollicitantibus q. 21. n.  
4. & 24. Sanctarellus de hæresi c. 46. n. 10.  
Belloch. de cas. res. par. 2. q. 9. n. 205. Janu.  
de cas. res. fol. 55. nu. 3. Carena cit. tit. 6.  
§. 20. n. 120. Ita etiam à me consultus res-  
pondit Reverendissimus Dominus meus  
P. Agapitus Ugonus, in hac inclyta Ve-  
netiarum Civitate, ac in toto Serenissi-  
mo Dominio contra hæreticam pravita-  
tem Inquisitor Generalis, vir doctrina,  
morum integritate, ac prudentia specta-  
tissimus, Augustissimi Dominicani Or-  
dinis inclytum decus.

§. 13. Limitant nonnulli datam resolu-  
tionem, ut Confessarius, qui penitentem  
solicita vit in terminis Bullæ Gregoria-

næ, non sit judicialiter denunciandus In-  
quisitoribus.

Primò, si sub sigillo secreti natura-  
lis quis sciat Confessarium aliquem in  
confessione sollicitasse. Fagundez. in 2.  
Eccles. præceptum tract. 2. lib. 4. cap. 2.  
num. 31.

Secundò, secus si etiam naturali secre-  
to, adhuc non sit denunciandus nisi ali-  
qua infamia contra sollicitantem præces-  
serit. Fagund. loc. cit.

Tertiò, si Confessarius sollicitans sta-  
tim se poeniteat, vel postea se emendave-  
rit. Portel. in dub. regul. v. sollicit. nu. 9.  
Bossius de Jubil. dub. 26. n. 92. Roderic.  
à Chuna de Conf. sollicitantib. q. 3. nu. 15.  
Thom. Del Bene de Offic. S. Inquisit. par.  
1. dub. 18. n. 2.

Quartò, quòd in omni casu antè de-  
nunciationem præmittenda sit correctio  
fraterna, si adsit spes emendationi. Fa-  
gund. ll. cit. Jo: de le Crux direct. confc.  
p. 1. præcep. 5. q. 2. dub. 5. concl. 2. Portell.  
Bossius cit. & plures alii.

§. 13. Cæterum hæ limitationes nullo  
modo sunt admittendæ. Non prima, tūm  
quia omne secretum, excepto Sacra-  
mentali, est merè humanum, & ex pri-  
vato pacto, quod non potest excusare à  
lege denunciationem præcipientē, ut be-  
nè Suarez de fide disp. 4. n. 17. tūm quia so-  
licitatio in confessione est delictum ver-  
gens contra bonum publicum, scilicet  
contra Sacramentum poenitentię, & ad  
illud accedentes, ideòque non obstante  
quocumque secreto (excepto Sacramen-  
tali) etià jurato, sollicitatio hujusmodi ad  
tribunal Sanctę Inquisitionis est deferen-  
da. Castro Palaus par. 1. tract. 4. disput. 9.  
punct. 19. num. 5. Carena par. 2. tit. 6. §. 21.  
num. 132.

Neque secunda, quia communiter à  
Doctoribus repellitur, teste Palao cit.  
punct. 10. nu. 2. Siquidem rarò admodum  
incumberet obligatio denunciandi; cum  
hoc crimen secretissimè committatur;  
adeò ut à sola sollicita sciatur; si que  
non obviaretur malis, quibus Summi  
Pontifices suis constitutionibus in hac  
materia consulere voluerunt. Palaus cit.  
punct. 10. n. 3. Bossius de Confes. fol. dub.  
26. n. 84. Caren. cit. §. 21. n. 128.

Tertia

Tertia limitatio similiter reiiicitur, quia præceptum denunciationis non imponitur præcisè ob emendationem delinquentis, sed quàm maximè ob correctionem publicam, & securitatem boni publici Religionis, ac fidei, in cuius damnum vergit sollicitationis delictum; qui finis non obtinetur delinquente emendato, nisi etiam in Sancto Officio ad exemplum aliorum puniatur. Suarez de fide disp. 40. sect. 6. num. 13. Palaus cit. Simancha de cathol. instit. tit. 19. nu. 12. Sancius in select. disp. 11. nu. 52. Carena tit. 6. §. 21. n. 129. Dian. par. 1. tr. 4. resol. 3. Bonac. disp. 2. q. 6. punct. 3. & punct. 2. n. 9. Sà verb. denunciatio.

Quarta denique excusatio communiter à recentioribus reprobat; Quia duplex est denunciatio altera Evangelica, judicialis altera: Evangelica respicit emendationem delinquentis; ideoque præmittenda est correctio fraterna: Judicialis respicit punitionem, ideoque excludit omnem correctionem. Denunciatio autem, in Edicto S. Inquisitionis præcepta est judicialis ut bene Dian. cit. par. 1. tract. 4. num. 2. Palaus loc. cit. n. 2. Sancius cit. disp. 11. n. 56. Carena cit. §. 6. nu. 126. Bonac. cit. quest. 6. punct. 1. n. 10. & novissimè Tho. Del Bene de Offic. S. Inquisit. par. 1. dubitat. 17.

Obicies. Denunciatio in casu sollicitationis non potest fieri ad punitionem delinquentis, sed ad illius correctionem, & præservationem boni communis, puta sacramenti Pœnitentiæ, & Religionis: At hic finis ex hypotesi speratur obtineri per correctionem: Ergo non est tunc denunciatio judicialis adhibenda. Major, & minor patent. Consequentia probatur, quia Christus Dominus dixit, delictum proximi manifestandum esse Ecclesiæ, quando proximus correctionem secretam non audit: tùm quia charitas obligat, quod minori, qua fieri potest iactura, medicina delinquenti adhibeatur.

Respondeo, denunciationem in casu proposito præcipuè faciendam esse ad correctionem delinquentis, & securitatem boni communis, videlicet sacramenti Pœnitentiæ, & Religionis. Verùm

quia ista correctio, & securitas raro potest obtineri per correctionem fraternam, ut ex diuturno experimento compertum est Inquisitoribus. Idcirco Ecclesia iustissimis Inquisitorum Edictis præcipit, ut tam hæretici, quàm de hæresi suspecti, prætermissa omni correctione fraterna, Ordinariis, & Inquisitoribus denuncientur.

Neque huic præcepto Ecclesiæ adversatur præceptum Christi Domini, de correctione fraterna præmittenda: Tùm quia Christi Domini præceptum est de peccatis quæ contra bonum publicum non vergunt: Tùm quia Christus Dominus loquitur de correctione, quæ fit solum, ut frater emendetur, sicuti constat ex illis verbis: Site audit, lucratus eris fratrem tuum. At nos loquimur de denunciatione judiciali, quæ fit, ut delinquens publicè ad aliorum exemplum, & securitatem boni communis puniatur. Non igitur Inquisitorum Edicta adversantur præcepto Christi Domini; cum non loquatur Christus Dominus de denunciatione judiciali, sed Evangelica. Vide D. Th. 2. 2. q. 33. art. 7.

§. 15. Et de hisce excusationibus hucusque probabiliter utrinque disceptatum est inter Doctores. Nunc verò opposita sententia excusationis tuens, remanet omnino profligata per decretum Alexandri VII. Anno 1660. Mense Augusto, ejus qui sequitur, tenoris.

§. 16. (Licet aliàs per constitutionem sel. record. Pauli V. emanatam sub die prima Septembris M.DC.VI. quæ incipit. Romanus Pontifex, fuerit districtè prohibitum Superioribus Regularium, ne quovis titulo, vel pretextu preventionis, aut alio in causis ad Sanctum Officium spectantibus se quoquomodo intromittere, aut immiscere, denunciations recipere, testes examinare, processus conficere, causas cognoscere, aut terminare audeant; imò ex ejusdem constitutionis dispositione eisdem fuerit graviter injunctum, ut suos subditos, ac Religiosos, quos habet hæreticos, vel de hæresi suspectos noverint, absque alia consultatione cum propriis sue Religionis Superioribus, vel alia quavis persona facienda,

D a fine

sine mora Inquisitoribus , vel locorum Ordinariis vicinioribus denuncient. Nihilominus animadvertens Sanctissimus D. N. Alexander VII. ab aliquibus Regularibus in dubium revocari prædictam denunciandi obligationem : adeò ut nedom suos subditos non denuncient , verùm etiam alios ad ipsos pro consilio recurrentes , an debeant Sancto Officio denunciare , quæ audierunt , aut viderunt , ad ipsum sanctum Officium spectantia , ad id faciendum , ut deberent , non obligent imò aliquando eosdem perperam instruant , non teneri nec sub obligatione constitutionum Apostolorum comprehendendi : & hanc opinionem erroneis aliquot Doctorum sententiis confirmare tentantes , eosdem in maximum fidei discrimen ab onere denunciandi retrahere conentur . Volens proinde sanctitas sua abusum hujusmodi ex pastoralis officii debito coercere , post maturam facti discussionem , auditis votis Eminentissimorum , & Reverendissimorum D. D. Cardinalium adversus hereticam pravitatem generalium Inquisitorum , innovans Constitutionem prædictam à felic. record. Paulo V. emanatam , & quatenus opus est , eam declarans : Hoc præfenti decreto distinctè præcipit , & mandat omnibus , & singulis Regularium Generalibus , Provincialibus , Abbatibus , Prioribus , Guardianis , Rectoribus , Præpositis , aliisque ejusmodi quocumque nomine nuncupatis Superioribus cujuscumque Ordinis , & instituti , sive Mendicantium , sive non Mendicantium , nec non Congregationis , & societatis , Clericum Regularium quorumcumque , etiam societatis Jesu , aliorumque quomodocumque exemptorum , etiam si essent specialiter , & nominatim exprimentendi , ut omnino dictæ Constitutioni in omnibus , & per omnia pareant : omnes , & quoscumque Religiosos , tam sibi ipsis subditos , quam non subditos , cujuscumque dignitatis , gradus , & conditionis existant , hæreticos , vel de hæresi quomodocumque etiam leviter suspectos , deserant , & judicialiter denuncient Inquisitoribus , vel locorum Ordinariis , & nullatenus in causis ad Sanctum Officium spe-

ctantibus audeant se intromittere , neque suos subditos ad Sanctum Officium recurrentes , vel recurrere , aut accedere volentes , molestare , vexare , aut alio quovis modo , sive directè , sive indirectè avertere , retrahere , dissuadere , imò prædictos suos subditos monere debeant , ut ipsi quoque eidem decreto omnino pareant , & alios Christi fideles , etiam Confratres suos ad parendum pariter hortentur , & suadeant , rejectis penitus hujusmodi opinionibus , atque interpretationibus , quas Sanctitas Sua , cum voto dictorum Eminentissimorum D. D. Cardinalium , tamquam perniciosas , temerarias , & non consistentes , & à mente Sanctitatis Sux prorsus alienas , reprobavit , & reprobavit . Et quia quandoque etiam eorum subditi deficiunt in eo , quod ipsis implendum incumbit cum Religiosis ejusdem , alteriusve Ordinis , aliisque quibuscumque personis de fide suspectis , ceterisque petentibus consilium in materiis ad Sanctum Officium spectantibus ; ita ut nedom ipsimet denunciations differant , vel ab ipsis prorsus abstineant , verùm etiam multoties ab eisdem alios , à se consilium petenter retrahunt malis artibus , vel mendicatis Doctorum opinionibus , vel sub fraternæ correctionis factæ , vel faciendæ , aliove pretextu . Propterea idem Sanctissimus declaravit præfatos subditos absque ulla participatione , etiam si nulla petita venia à Superioribus , etiam si nulla fraterna correctio , vel alia monitio præmissa fuerit , omnino teneri , & obligatos esse accedere ad denunciandum Ordinariis , vel Inquisitoribus locorum quoscumque etiam Confratres , ac Superiores etiam primarios suos ejusdem Ordinis , & Religionis , quos noverint esse de fide quomodolibet etiam leviter suspectos . Ac propterea eosdem debere omnes , & quoscumque , etiam alios à se consilium , ut supra , petentes monere , & obligare ad denunciandum , nec posse illos à denunciando sub dictæ correctionis fraternæ , vel alio quovis pretextu retrahere , aut retardare , & præfatos omnes tam Superiores , quam subditos contrafacientes Sanctitas Sua voluit , & declaravit subiungere omnibus censuris in dicta Con-



Constitutione Pauli V. expressis, nec non privationis quarumcumque Dignitatum, seu Prælaturarum, seu officiorum suorum Ordinum, ac vocis activæ, & passivæ, perpetuæque inhabilitatis ab eadem ipso facto, & absque alia de clarificatione incurrendis, aliisque Sanctitatis Sux, & Successorum arbitrio infligendis pœnis, quarum relaxationem, suspensionem, absolutionem, vel dispensationem Sanctitas Sua sibi ipsi, & successoribus suis Romanis Pontificibus tantum expresse reservavit. Et ne præmissorum prætendi possit ignorantia, idem Sanctissimus mandavit sub iisdem pœnis, ipso facto incurrendis, & ut supra reservatis, ut Superiores omnes præfati in quocumque loco, Conventu, vel Collegio sui Ordinis decretum hoc semel saltem singulis annis Kalendis Martii in publica Mensa, vel aliis in Capitulo ad hoc specialiter convocato legi teneantur unà cum alijs decretis, & Constitutionibus Apostolicis ad Sanctum Officium Inquisitionis adversus hæreticam pravitatem pertinentibus quotannis legi solitis, juxta decretum sel. record. Urbani VIII. Et insuper iidem Superiores teneantur curare, & efficere, ut hujus decreti exempla aliquo in loco apud eos publico assignentur, & affixa conferentur, ita ut ab iisdem subditis Religiosis omnibus videri, ac legi commodè queant. Deque hujusmodi lectione, & commotione publico documento ab iisdem Superioribus Conventus, vel Domus subscripto, vnaque ab alijs duobus Religiosis ejusdem Domus, vel Conventus statim certiorum facere Congregationem Sanctissimæ Inquisitionis in Vrbe, vel locorum Inquisitores, ubi sunt. Statuitque præterea decretum hoc, seu illius exemplum ad valvas Basilicæ Principis Apostolorum de Vrbe, & in Acie Campi Flore affixum, omnes ubique existentes arctare, & afficere, ac si vnicuique personaliter fuisset intimatum.)

Loco ✠ Sigilli.

Io. Lupus S. Romanæ Universalis Inquisitionis Not.

Pars I.

§. 17. Ex cujus decreti tenore patet, nulum hodie remanere dubitandi locum de supra allatis, & rejectis à denunciatione judicialiter faciendâ excusationibus. Potest esse aliqua difficultas de metu gravi: Utrum scilicet Sanctæ Inquisitionis Edicta obligent personas sollicitas ad judicialiter denunciandum sollicitantes, si ex tali denunciatione sibi timeant grauem jacturam in vita, fama, vel re familiari.

Negativa, & communis est Doctorum sententia, scēminas in sacramentali confessione sollicitas excusari à denunciatione judicialiter faciendâ, si ex tali denunciatione grave damnum metuerint in vita fama, bonis temporalibus sibi, vel marito, vel filis, aut proximis consanguineis.

Quia præcepta Ecclesiastica, quin etiam & divina, non obligant cum tanto rigore. Ita Fagundez in præcep. Decal. tract. 2. lib. 4. cap. 3. n. 31. Roderic. à Chuna de Confess. sollicit. q. 19. per totam Sanctarell. de hæres. cap. 11. dub. vnic. n. 19. Portell. in addit. ad dub. regul. verb. sollicitare n. Riccius par. 3. decis. 272. n. 1 quibus subscribit Carena in tract. de Offic. Sanctæ Inquis. tit. 9. §. 7. n. 39.

§. 18. Secūsd tamen dicendum est in casu hæresis formalis: Quia damnum commune Reipub. hoc est Religionis, & fidei præferri debet bono privato teste Suar. de cens. disp. 6. sect. 3. Becan. in summ. tract. 3. c. 4. n. 5. Layman. lib. 1. tract. 4. cap. 14. Carena loc. cit. Si tamen damnum commune Reipublicæ non esset ita grave, neque longè præponderaret damno privatæ personæ, etiam in casu hæresis formalis delinquentem non esse judicialiter denunciandum, docet Bonac. de cens. disp. 2. quæst. 6. punct. 1 nu. 5. Pegna 2. par. direct. q. 53. comm. 78. Farin. de hæz. quæst. 197. §. 2. n. 53. & novissimè Thom. Del Bene de Offic. S. Inquis. par. dubit. 19. n. 3. ubi ex Barbosa addit, neminem teneri denunciare, vel deponere judicialiter, quando probabiliter timet aliquod grave damnum spirituale, vel temporale, vel inimicitiam capitalem ex revelatione sibi eventuram.

§. 19. Porro hic placet adnotare, quod docent Zanar. Rodr. Petrin. Sancta-

D 3 rel.

rel. & alii relati à Diana par. 1. tract. 4. resolut. 27. simpliciter necesse non esse, ut præcepta judicialis denunciatio fiat, antequam penitens absolvatur, cum sufficiat promissio, & propositum denunciandi.

§. 20. Ceterum mihi videtur distinguendum: Nam vel mulier sollicitata non ignoravit obligationem sub censuræ latæ sententiæ pœna in Edicto imposita, & tamen fuit contumax in denunciatio- ne faciendâ, & tunc præmissa etiam promissione, & proposito, non potest absolvi, neque à Regularibus privilegiatis, neque tempore Jubilei, ut supra probatum est: Vel mulier nescivit hujusmodi obligationem, vel saltem non fuit contumax: & tunc, cum nullam contraxerit censuram, ut supponitur, præmissa promissione, & proposito denunciandi, poterit absolvi, si tunc commodè non possit fieri denunciatio, & aliàs urgeat aliqua necessitas absolutioni recipiendæ. Extra hos casus consultius erit, rem prius cum Inquisitoribus communicare. Carena tit. 6. §. 20. num. 114. Quod si verò, dempta præcepti ignorantia, elapsoque rursus termino in Edicto concesso, non paruerit Sanctæ Inquisitionis præcepto data parendi opportunitate, illico excommunicationis vinculo manebit innodata. Ita Carena, cui subscribit Reverendissimus, ac Doctissimus P. Agapitus Vgonus hujus Sanctæ Veneræ Inquisitionis Censor Generalis, supra allegatus, hac de re à me consultus.

§. 21. Sit igitur pro praxi Confessarium compendiarie resolutio. Mulieres sollicitatæ ex vi edicti Sancti Officii, quod bis, vel saltem semel in anno in singulis Parochiis publicari debet, tenentur sub excommunicationis latæ sententiæ pœna Ordinariis locorum, & Inquisitoribus contra hereticam pravitatem reservata, judicialiter denunciare Confessarios sollicitantes, etiam si verba dubia de sollicitatione protulerint; etiam si Confessarius ipse fuerit sollicitatus, & confenserit; etiam si seminam sollicitatam non absolverit; etiam si sollicitata confenserit; etiam si sollicitaverit in ordine ad alios; etiam si non in confessione,

sed ante, vel post illam immediatè; etiam si non in confessione, &c. sed occasione, vel pretextu confessionis, etiam ipsa confessione non secuta, etiam si extra occasionem confessionis, sed in confessionario, vel in quocumque loco, ubi confessiones sacramentales audiuntur, seu electo ad confessionem audiendam, si simul ibi confessionem audire. Ad quam denunciationem tenentur, etiam si de tali sollicitatione nulla præcesserit infamia; etiam si Confessarium statim pœnituerit; vel spes emendationis affulgeat, nullaquæ præmissa correctione fraterna: Non tamen si metuant sibi, vel marito, aut filiis gravem jacturam in vita, fama, aut bonis temporalibus. Neque tantum sollicitatæ ipsæ, sed etiam quicumque alii, quibus certo innotescit sollicitationis hujusmodi flagitium, etiam si sciant sub sigillo naturalia secreti, & juramento; etiam si delictum plenè probare non possint, obligantur sacrilegum Confessarium judicialiter denunciare: idque sub eadem excommunicatione ipso facto lata, & latoribus reservata.

*An facultas obtenta absolvendi pœnitentem à casu reservato extendatur ad alios similes casus, si in eos idem pœnitens post obtentam licentiam prolatur.*

## RESOLUTIO XLIII.

**N**egativè respondent Azor. tom. 1. lib. 5. cap. 23. quæst. 2. Floron. de cas. reserv. p. 1. cap. 4. §. 3. num. 29. Quia privilegium (ajunt) quod occasionem peccandi præbet, strictam interpretationem meretur; tale est illud, de quo instituitur quæstio, nam ex eo penitens ansam peccandi arripet.

Sed in oppositam sententiam inflectit resolutio; pestilentem scilicet eo casu posse absolvi ab aliis similibus peccatis reservationi obnoxiiis, tam ante petitionem, quam post concessionem facultatis commissis. Tum quia petitio, & confessio tacitè intelligitur de iis, & similibus casibus.

casibus, qui post illam concessionem clavis bona fide subiiciuntur: tunc quia huiusmodi privilegium, omnibus consideratis, censetur conferre ad salutem animarum; ne peccator sordescat in delictis; quamvis inde per accidens peccandi ansam arripiat: Quod verum est, etsi in petitione expressum fuisset nullum relapsus periculum subesse; quia facultas absolute concessa est, ut supponitur, & independenter à casu relapsus. Ita Sanch. lib. 4. moral. c. 34. num. 10. Filliuc. tract. 8. num. 262. Bonac. de legib. disp. 1. q. 3. punct. 7. §. 1. numer. 11. Finellius de cas. reserv. cap. 9. num. 3. Dian. par. 4. tract. 4. resol. 109. & plures alii apud ipsum.

Limitat tamen hanc resolutionem Card. de Lugo disp. 20. de pœnit. sect. 8. num. 122. ut procedat eo casu, cum petitio facultatis facta est, & obtenta ab ipso pœnitente huius, vel illius peccati. Secus si petitio facta sit à Confessario, vel cum expressione huius, vel illius peccati reservati, v.g. incestus: nam eo casu (ait Lugo cit. num. 28.) concessio non potest extendi ad similia peccata post concessionem commissam.

Verum quamvis limitatio hæc non displiceat, cum sit Doctoris non minus doctrina, quam dignitate Eminentissimi; nihilominus à communi sententia, tunc ob rationes allatas, tunc ob auctoritatem Doctorum eam sustinentium, non libenter recedo. Unde siue petitio sit generalis absolventi à reservatis, siue particularis, & cum expressione peccatorum, in quæ pœnitens incidit, siue hæc facta sit à Confessario, siue à pœnitente, concessio à Superiore facta extendi potest ad similia peccata post petitionem commissam; tunc quia talis concessio cum re vera sit favor, & gratia, consequenter amplianda est, non autem restringenda; tunc quia pœnitens, qui, commissis, v.g. quatuor peccatis incestus, ex oblivione confitetur tantum tria, potest deinde à delegato pro illis tribus absolvi etiam à quarto inculpabiliter oblito, cum sufficienter pœnitens per seipsum, vel per Confessarium Superiorem se præsentasse censendus sit. Ergo sicut facultas delegata extenditur ad peccatum reservatum

tempore petitionis oblitum; ita etiam extendenda videtur ad peccatum reservatum post petitionem commissum: sicut rectè notavit Dian. cit. Finel. cit. Mazuchellus disput. 1. quæst. 3. diff. 8. num. 20.

Hic addendum, quod pro tempore, quo pœnitens vi facultatis obtentæ potest absolvi ab aliquo delicto, per concessionem illius facultatis sublata videtur illius peccati reservatio; ideoque si rursus in illud incidat ante absolutionem, non opus sit nova facultate. Vide D.D. suprac. præsertim Sanchez, & Dianam ll.cc.

*Si petitio facultatis facta sit cum determinatione criminum reservatorum numero v. gr. absolventi pœnitentem à tribus peccatis incestus, an talis confessio extendi possit ad quartum, & quintum incestus delictum, post petitionem commissum.*

## RESOLUTIO XLIV.

**H**ic casus quamvis differat à superiori quia in eo petitio, & concessio facta est sine expressione numerica peccati, in hoc autem petitio supponitur facta cum expressione determinati numeri criminum reservatorum; ideoque diverso modo de utroque ratiocinandum esset.

Nihilominus probabiliter dici potest, ob easdem rationes concessionem facultatis in hoc casu non differre à facultate in dub. præcedenti concessa. Unde sicut qui fuit absolutus ab habente facultatem ordinariam, vel delegatam circa casus reservatos, remanet indirectè absolutus etiam à peccatis reservatis inculpabiliter oblitis, eo quod mens Superioris præsumitur non excludere peccata similia oblita; sicque saltem reservationem tollere: ita in casu proposito mens Superioris præsumitur pro ea vice velle pœnitenti indulgere, ut optatam obtineat peccatorum remissionem, sicque talis concessio ad peccata post obtentam facultatem commissam potest extendi. Ita Diana par. 4. tract. 4. miscel. resol. 110. cui assipulatur Mazuch. de cas. res. disp. 1. q. 3. diff. 9. nu. 22. Quod verum est, nisi aliter de men-

te concedentis colligatur. Vide Bonacinam de legib. disp. 1. quæst. 3. punct. 7. §. 1. num. 11.

Quid autem in casu petitionis absolvendi à censura , spectat ad obviam resolutionem .

*An facultas in casu particulari concessa absolvendi aliquem à censura , vel dispensandi in irregularitate ad similem censuram , vel irregularitatem sit extendenda .*

#### RESOLUTIO XLV.

**R**esponsio est affirmativa ob jam allatas rationes: quia concessio huiusmodi, cum sit favor, & gratia, ad unicam censuram, vel irregularitatem non est restringenda, eò vel maxime si verba petitionis, & concessionis sint generalia absolvendi, vel dispensandi cum poenitente tali censura, vel irregularitate innodato. Unde si Confessarius petenti facultatem absolvendi, verbi gratia, matrem, quæ infantem in lecto detinuit sine prescripta cunarum cautione, respondet Superior se illam concedere, vi illius concessionis potest illam absolvere etiam si post obtentam facultatem rursus infantem in lecto sine debita cautione detinuerit.

Similiter si Confessarius petat à Superiore facultatem dispensandi cum Sacerdote super irregularitate occultè contracta ex eo, quod in excommunicatione sciens, & spontè celebraverit, superiorque eam illi concedat, potest Confessarius uti tali facultate, etiam post illam concessionem si Sacerdos rursus in excommunicatione celebrasset. Nam eo ipso, quod Superior concedit facultatem dispensandi, intelligendus est illam concedere toties, quoties contraxerit: quod dicitur, nisi ex circumstantiis, aut verbis concessionis colligatur facultatem esse restrictam ad casum enarratum. Vide Dian. par. 4. tract. 4. resol. 110. qui plures citat Doctores.

Hec tamen resolutio in duobus casibus limitari debet. Primò in casu excom-

municationis ob Clerici percussione contractæ in quo fieri debet iudicium de levitate, vel gravitate percussionis. Secundò in casu excommunicationis ob procuracionem abortus foetus animati, effectu securo, pro quo vinculo tollendo, requiritur specialis Confessarii deputatio, ut videbimus in *Secunda parte*. In his igitur duobus casibus facultas inferiori concessa pro beneficio absolutionis non extenditur ad casus similes: neque Superior illam concedens intelligendus est toties, quoties poenitens inciderit, & in his casibus videtur habere locum doctrina. Card. de Lugo disp. 20. de Sacram. poenit. sect. 8. num. 122. & 123. qui etiam num. 128. rectè monet, quod prudenter aget Confessarius, si in simili casu petat ad cautelam facultatem pro omnibus, quæ tempore absolutionis reperit, nec petitionem ad peccata, quæ sibi innotescunt iam esse commissæ, restringat.

*An quando facultas absolvendi à casibus, & censuris reservatis conceditur cum hac formula, pro hac vice tantum, adhuc extendi possit ad casus vel censuras similes post petitionem contractas .*

#### RESOLUTIO XLVI.

**N**egativè respondet Bellochius de cas. res. par. 1. q. 2. nu. 19. Mancinus de cas. reserv. pract. 3. dub. 43. asserentes hæc verba, *pro hac vice tantum*, referri ad peccata tempore petitionis commissæ, non verò ad peccata similia in futurum committenda; ut sit sensus, *pro hac vice tantum*, hoc est, pro absolutione horum peccatorum, quibus asseritur poenitentem nunc obtineri obstrictum, optareque absolvi.

Sed resolutio difficultatis est affirmativa facultatem scilicet in proposito casu concessam adhuc extendi ad casus, vel censuras similes post petitionem contractas, non obstante illa formula, cum qua communiter in casibus contingentibus facultas delegari solet, idque optimè probant supra relatæ rationes: Nam facultas hu-

hujusmodi per hoc, quòd sub illis terminis sit concessa, non amittit rationem gratiæ, & privilegi; constat autem privilegium respicere tùm tempus præsens, tùm futurum: Tùm quia Confessarius adhuc *pro hac vice*, pœnitentem non absolvit: Igitur potest eum absolvere, cùm verba legis intelligenda sint cum effectu. Ita Graff. in append. decis. aur. lib. 1. c. 7. num. 50. Dian par. 4. tract. 4. resol. 110. Pellizzar. tract. de privil. cap. 2. sect. 1. q. 13. Mazuch. de cas. refer. disp. 1. q. 3. diff. 8. num. 22.

Neque verum videtur, quòd illa verba *pro hac vice*, respiciant tantùm peccata tunc commissa, sed respiciunt unicam absolutionem ab illis, & similibus peccatis, quæ tempore absolutionis bona fide clavibus subiiciuntur.

Imò Graff. cit. c. 5. num. 50. sustinet, si pœnitens post absolutionem, sed ante communionem incidat in aliud simile peccatum reservatum, posse eum à delegato absolvi, non obstante, quòd facultas sibi delegata sit cum hac formula *pro hac vice*. Verùm hæc Graff. doctrina extra jubilei tempus non videtur in recepta.

Dices. Si hoc esset verum, posset pœnitens ad plures annos differre usum obtentæ facultatis, & sic respectu illius talis casus non esset reservatus, quia semper vigeret eadem facultas, pro recipienda absolutione illorum, & similium peccatorum usque ad punctum temporis, quo veller uti obtenta facultate: hoc autem videtur inconveniens: Ergo &c. Pro hujusce obiectionis solutione sit sequens resolutio.

*Quenam sit in materia reservationis, concessioneque facultatis horum verborum, pro hac vice tantùm, intelligentia.*

## RESOLUTIO XLVII.

**R**espondeo. Si facultas à Superiore concessa absolvendi pœnitentem à casu, seu censura reservata, vel suapte natura, vel ex concedentis intentione talis sit, ut determinetur, ac restringatur

ad casum in petitione concessum, ut accidit in casu, v. gr. percussione Clerici, vel abortus lætus animati, tunc pœnitens potest differre usum talis facultatis etiam ad multos annos; nam illa facultas semper vigeat usque ad confessionem peccati in petitione enarrati; illaque particula, *pro hac vice*, poterit tunc verificari. Ita Card. de Lugo disp. 20. de Sacr. pœnit. sect. 8. n. 126.

Si verò facultas absolvendi à casu, vel censura reservata ratione subiectæ materiæ talis sit, quæ ad casus, & censuras similes extendi possit, non potest pœnitens longissime differre usum hujusmodi concessionis, sed uti debet obtenta facultate, instituendo confessionem delicti intra tale tempus, quo moraliter loquendo verificari possint illa verba *pro hac vice*: alioquin absolutio non poterit dici collata virtute illius concessionis, quæ tandiu perdurare non censetur. Vide Card. Lugum cit. cui subscribit Mazuc. disp. 1. q. 3. diff. 10.

Quamnam verò temporis moram in posteriori casu importent illa verba, *pro hac vice*, nullus Doctor, quem ego viderim, id definit, sed omnes resoluunt id pendere ex prudente iudicio Confessarii, & ex circumstantiis occurrentis necessitatis. Probabiliter tamen dici potest ulum talis facultatis cessante legitimo impedimento, ultra viginti dies, vel integrum mensem, post obtentam facultatem, differri non posse. Ita consulere, *Doctissimi viri spectatissimæ Societatis Iesu*, hac de re à me consulti.

*An Parochus habens jurisdictionem delegatam circa casus reservados possit ab illis absolvere suum subditum extra Diocesim.*

## RESOLUTIO XLVIII.

**N**egant Sylvest. v. Conf. 1. quæsito 14. Hostien. in Summ. de pœnit. & remissione numer. 14. Zerula de Sacram. pœnit. cap. 16. quæsito 3. nam, quamvis concedant Parochum, aliosque jurisdictionem ordinariam habentes, posse suos sub-

subditos absolvere extra Diocēsem , eò quòd talis jurisdictio , quòd ad forum internum , respicit personas , non locum ; unde eam ubique etiam extra Diocēsim possunt in subditos exercere , id tamen negant de habentibus jurisditionem delegatam , eos scilicet posse hujusmodi facultatem exercere extra Diocēsim illius Superioris , qui eam sibi delegavit . Cumque Parochi respectu reservatorum habeant tantum facultatem delegatam , consequenter negant Parochos posse suos subditos à reservatis absolvere extra Diocēsim .

Ceterum cum communi Doctorum sententia resoluendum est , Parochum posse extra Diocēsim à reservatis absolvere sibi subditum : Nam facultas absolvendi à reservatis eò usque extenditur , quòd usque extenditur jurisdictio absolvendi à peccatis , atqui jurisdictio absolvendi à peccatis in Parocho respectu Parochiani extenditur extra Diocēsim : Ergo etiam facultas absolvendi à reservatis : Major non indiget probatione , cum nulla disparitatis ratio afferri possit , teste Graff. & Floron. loco inf. cit. minor etiam patet , quia jurisdictio voluntaria ; hoc est , quæ absque strepitu , & figura judicii exercetur , potest extra proprium territorium , & Diocēsim exerceri , ut fatentur etiam Doctores contrariæ sententiæ : talis est absolutio à reservatis in foro sacramentali . Ita Suar. disp. 25. de penit. sect. 1. num. 17. Sanch. de matrim. disp. 19. num. 8. Reginal. lib. 1. numer. 93. Graff. lib. 1. decif. aure. cap. 13. num. 43. Floron. de cas. refer. par. 1. c. 3. §. 5. num. 1. Lupus de cas. refer. par. 1. dist. 10. art. 1. diff. 1. Dian. par. 3. tract. 4. de Sacram. resol. 44.

Dixi jurisditionem voluntariam , quæ scilicet exercetur in subditos volentes ; ut excludatur jurisdictio contentiosa , quæ versatur inter partes contententes cum strepitu , & figura judicii , hæc enim non potest exerceri extra territorium : ne alter videatur invadere jurisditionem alienam , Sanch. loc. cit. n. 7. Layman lib. 1. tract. 4. c. 5. n. 4.

Quid autem , si Parochus facultatem habeat limitatam cum hac clausula , in *Parochia tantum* , mox dicam ,

*An Parochus , cui concessa est facultas absolvendi à reservatis cum hac clausula , in sua Parochia , valeat suum Parochianum absolvere extra Parochiam .*

## RESOLUTIO XLIX.

**N**egative responderet Bonac. disp. 5. de penit. q. 7. punct. 2. nam cum ibi asserat , Confessarium , qui in aliqua Diocēsi obtinuit facultatem generalem absolvendi à reservatis quocumque ad se accedentes cum hac clausula *in Diocēsi tantum* non posse eosdem Diocesanos ab iisdem absolvere extra Diocēsim , con sequenter diceret etiam , Parochum , cui concessa est facultas generalis absolvendi à reservatis cum hac clausula , in *sua Parochia tantum* , vel in *sua Parochia* , nequaquam absolvere posse à reservatis suum Parochianum extra Parochiam , & multò minùs extra Diocēsim .

Nihilominùs probabiliter dici potest , quòd Parochus in casu proposito non obstante illa clausula , in *sua Parochia* , possit Parochianum à reservatis absolvere , non solum extra Parochiam , sed etiam extra Diocēsim : nam illa clausula in *Parochia* non censetur facultatem Parocho concessam limitare quòd locum , sed tantum quòd personas , ut sensus sit , in *sua Parochia* , hoc est , in suos Parochianos , seu in subditos suæ Parochiæ . Et probatur , quia usus illius delegatæ facultatis est actus jurisditionis voluntariæ , jurisdictio autem voluntaria immediatè , & per se respicit personas , non locum , hoc est , Parochianos , non Parochiam nisi demonstrativè , nimirum ad demonstrandos prenitentes , in quos debeat exerceri . Ergo Parochus potest illa facultate uti in suos Parochianos tum extra Diocēsim : est enim par ratio utriusque .

Confirmatur , quia tam latè patet in Parocho , in quo casu facultas delegata generalis absolvendi à reservatis suos Parochianos , quàm jurisdictio ordinaria , quam habet ratione Beneficii , quæ etiam

etiam limitatur ad Parochiam : atque hanc potest Parochus exercere in subditos extra Diocesim, sicuti dubio præcedenti resolutum fuit: Ergo etiam facultatem delegatam extra Parochiam, non obstante illa clausula, in Parochia quam existimo non esse limitandam limitativè, sed demonstrativè: ita ut per eam particulam facultas non limitetur finibus Parochiæ, sed demonstrativè, seu conditione Parochianorum. Ita Sanchez lib. 2. moral. cap. 11. num. 16. & 17. Reginal. lib. 1. num. 93. Dian. par. 3. de Sacram. resol. 144.

Et hæc resolutio procedit, etiamsi facultas delegata esset cum hac clausula, in Parochia tantum; Nam ex ea adhuc non sufficienter inferretur facultatem limitari ad Parochiam, sed tantum ad subditos suæ Parochiæ. Ita Sanch. cit. lib. 2. moral. cap. 11. num. 16. & 17. Layman lib. 1. tract. 5. par. 1. cap. 4. num. 8. Dian. cit. & par. 7. tract. 2. resolut. 8. & 9. in simili de Episcopo in sua Diocesi. Quibus addo Mazuch. de cas. refer. disp. 1. quæst. 3. diff. 13. numer. 39. in simili de Confessario, cui delegata sit facultas absolvendi, à reservatis quoscunque ad se accedentes hac clausula, in Diocesi tantum: Nam ea non obstante, posset à reservatis absolvere (ait Mazuchellus) Diocesanos Episcopi concedentis extra Diocesim, eo quod per illam clausulam non censetur limitari facultas ad locum, puta ad Diocesim, sed tantum ad personas, hoc est, ad Diocesanos.

*An Parochus, qui ab Ordinario facultatem obtinuit absolvendi à reservatis quoscunque ad se recurrentes in sua Parochiali Ecclesia, audita prius integra sacramentali confessione, possit omnes tam Parochianos, quam non Parochianos ad suam Ecclesiam concurrentes audire, & à reservatis absolvere.*

## RESOLUTIO L

**A**ffirmat absolute Basilius Pontius lib. 5. de matrim. cap. 9. num. 6. cui subscribit Diana par. 3. tract. 6. resolut. 28.

asserentes consuetudinem introduxisse, ut tam iter agentes per propriam Diocesim, quam exeuntes à propria Parochia, ad aliamque se transferentes, possint absolvi à Parocho loci, ad quem recurrunt, etiamsi ad ipsum accesserint causa subtrahendi se à jurisdictione proprii Parochi. Quod cum sustineant de absolutione à peccatis non reservatis, circa quæ Parochus ratione beneficii videtur habere jurisdictionem ad suas oves limitatam, multo magis sustinebunt de absolutione à reservatis, circa quæ ex suppositione obtinet Parochus ab Ordinario facultatem absolvendi omnes ad se recurrentes in sua Ecclesia.

Negat verò simpliciter Mazuchellus de cas. refer. disp. 1. quæst. 3. diff. 14. num. 43. contendens Parochum in prædicto casu nullo modo posse penitentes alieno Parocho subiectos audire, & à reservatis absolvere. Ratio ejus est, quia sicut jurisdictioni ordinaria Parochi se extendit tantum ad suas oves, non verò ad oves alterius Pastoris; ita etiam facultas delegata absolvendi à reservatis, quæ amplior (ait Mazuch.) non confertur Parocho in prædicto casu, quam habeat ratione Beneficii. Et suam sententiam confirmat auctoritate Eminentiss. Cæsaris Montii, olim Mediolani Archiepiscopi, quem refert ita statuisse in Diocesana Synodo Mediol. 32. cap. 10.

Verum distinctio mihi videtur adhibenda, quam etiam supra resolut. 24. adhibui. Nam vel Parochianus unius oppidi ad Parochum alterius oppidi recurrit in odium, & contemptum sui Pastoris, ideoque mala fide, & in fraudem legis, & tunc vera censenda est Mazuchelli sententia: Nam constat ad rectam Ecclesiæ gubernationem constitutum esse, ut fideles omnes confiteantur proprio Sacerdoti, vel alieno de licentia saltem interpretativa proprii. Neque Ordinarius præsumitur eo casu concedere Parocho facultatem absolvendi à reservatis eos, qui in contemptum proprii Pastoris, & in fraudem legis ad ipsum recurrunt: Ideoque penitens eo casu videtur non posse ab eo Parocho audiri, neque à reservatis absolvi.

Si verò Parochianus unius loci recur- rat ad Parochum alterius Parœciæ, non ut se subtrahat à jurisdictione, neque in contemptum proprii Pastoris, sed ob aliquam rationabilem causam, vel quia frequens undique populus concurrat ad illam Ecclesiam, vel quia in ea celebrat- tur solenne festum, vel quia Parochus illius Ecclesiæ est vir eximia doctrina & probitate, cui pœnitentes cum majori devotione, & fructu confiteri solent, vel demum quia proprius Sacerdos facultate caret circa reservata, ad Superiorem au- tem facilis non sit accessus, & tunc magis placet Pontii, & Dianæ opinio: Tùm quia in iis casibus censetur concurrere implicita proprii Parochi licentia: Tùm quia usus, & consuetudo scita, & appro- bata ab Episcopis, & Parochis jam obti- nuit, ut Parochiani unius oppidi se tran- sferant ad Parochum alterius loci, ab eo- que audiantur, & tam à reservatis, quam non reservatis absolvantur. Ita Suarez de pœnitent. disp. 25. sect. 2. Vasquez q. 93. art. 2. dub. 4. num. 4. Bonac. tom. dis. 5. q. 7. punct. 2. num. 5. Coninck de sacram. disp. 8. dub. 8. num. 61. Azor. par. 1. lib. 5. c. 19. vers. nulla consuetudo, Filliuc. tr. 7. num. 195. Bassæus v. cas. refer. num. 9. & v. Confessarius 1. n. 16.

Munus igitur erit Parochi, qui pœni- tentes jurisdictioni alterius Parochi sub- jectos ad se concurrissè animaduertit, seiscitari ab ipsis, quo consilio, & sine ad ipsum accesserint: quòd si in odium, & contemptum proprii Pastoris ad se concurrissè deprehenderit, eos ad pro- prium Parochum remittat, ad debitam- que obedientiam, & honorem illi præs- tandum inducat. Si verò ob aliquam ex supra dictis, vel ob aliam rationabilem causam eos ad se accessissè cognoverit, eosdem audire, & à reservatis vi facultatis obtentæ absolvere poterit.

Neque ratio Mazuchelli convincit: Nam dato, quòd Parochus ille amplio- rem non obtineret facultatem, quàm ha- beat ratione Beneficii, tamen sicut jurisdi- ctio ejus ordinaria in multis casibus se ex- tendere potest ad oves alterius Pastoris, ut probatum est supra resol. 24. ita etiam jurisdictione delegata.

Addo falsum videri, quòd facultas delegata in proposito casu non sit am- plior, quàm ordinaria: Nam ordinaria, quam habet Parochus ratione Beneficii, se extendit tantùm ad suos Parochianos, non item ad oves alterius Pastoris, nisi ex licentia saltem tacita ipsius: facultas verò sibi ab Episcopo delegata extendi- tur ad omnes ad se recurrentes in sua Parochiali Ecclesia, quandiu Parochia- le beneficium retinuerit, juxtà supra- dicta. Imò potestas delegata aliquando se extendere potest ad omnes Diœces- anos, si ita colligatur ex verbis conces- sionis, vel constet de mente conceden- tis. Nam Episcopus est Pastor, & Pa- rochus totius Diœcesis, ipsique integrum est concedere cuilibet Parochi, vel Con- fessario facultatem absolvendi à reser- vatis omnes Diœcesanos inde penderet à voluntate, & consensu Parochorum sicuti docent Reginal. lib. 3. nu. 46. & 67. Zerola in praxi Sacram. pœnit. cap. 15. quæst. 3. Bonacina de pœnit. disp. 5. quæst. 7. punct. 4. §. 1. num. 17. & alii apud ip- sum.

Quòd statutum verò Diœcesanum sub Cæsare Montio, tunc Mediolani Archie- piscopo conditum, quòd assertur à Ma- zuchello: Dico illud in Diœcesi tantùm Mediolanensi habere locum, si à Succes- soribus fuerit confirmatum: In aliis au- tem Diœcesibus, etiam intra Provinciæ Mediolanensis ambitum existentibus, nihil ponderis obtinere.

Quinimò, cum sententia Pontii, & Dianæ supra relata non sit improbabilis, ideo si Parochus inhærendo illorum opinioni, subditos alterius Parochi, ad se recurrentes absolvat, absolu- tio erit valida, etiam si ex inten- tione vitandi proprii Pa- rochi ipsum adierint.

Vide, quæ supra dixi resolu- tione 15.  
& 24.



*An Pœnitentarii possint extra Sacramentalem confessionem pœnitentes à censuris reservatis absolvere.*

## RESOLUTIO LI.

**P**RO difficultatis resolutione præmittendum est primò, Pœnitentiariorum duplex esse genus. Alii in Cathedralibus constituti, quibus conceditur facultas absolviendi à casibus, & censuris Episcopo reservatis, ut sit illis in privilegium perpetuum ratione dignitatis, qui & propterea dicuntur Pœnitentarii majores; Alii sunt Pœnitentarii minores in Diocesis deputati, quibus ratione officii delegatur facultas absolviendi à casibus, & censuris reservatis pœnitentes eorum Vicariæ subiectos, qui Pœnitentarii alio nomine Vicarii Foranei nuncupantur, de quibus in c. 1. de offic. ord. in 6. & Gloss. ibi in ver. Foranei, & Clem. 2. in fin. ubi etiam Gloss. de referip. qui licet ad certam partem Diocesis deputentur, non tamen faciunt unum, & idem consistorium cum Episcopo, ut faciunt Vicarii Generales: Ideoque ab ipsis appellatur ad Episcopum constituentem Fran. Leo. in thes. fori Eccl. par. 1. c. 10. n. 6.

Præmittendum secundò, aliud esse forum conscientie, aliud forum Sacramenti pœnitentie: Nam forum pœnitentie dicitur in quo sub sacramentali sigillo fit peccatorum confessio, & impenditur sacramentalis absolutio: Forum verò conscientie, in quo fit quidem occultum animæ iudicium, sed non sub sacramentali sigillo, neque impenditur sacramentalis, sed tantum judicialis absolutio. Quamvis etsi, aliquibus videntibus, detur absolutio, quoties tamen confertur sine testibus, & forma iudicii, adhuc dicitur in foro conscientie impensa, ad distinctionem ejus absolutionis, quæ in foro externo datur sicuti rectè docent Navar. l. 5. consil. de sent. excom. consil. 15. Sanchez lib. 8. de matr. disp. 34. num. 29. Avila de censu. par. 2. cap. 7. disput. 3. dub. 3. Coninck de Sacrament. disp. 14. dub. 16. num. 252.

Hinc patet longè deviare à veritate, qui putant idem esse dicere in foro conscientie tantum, & in foro sacramenti pœnitentie: Nam per illa verba in foro conscientie significatur tantum, eam absolutionem nihil prodesse pro foro externo, sicuti bene Navar. cit. consil. 15. His præmissis.

**D**ico primò, Pœnitentarios prioris generis, qui sunt constituti in Cathedralibus, posse extra sacramentalem confessionem pœnitentes à censuris reservatis absolvere. Et ratio est, tum quia facultas Pœnitentiariorum in Cathedralibus absolviendi à censuris censetur ordinaria, ideoque ad utrumque forum tum conscientie, tum pœnitentie est extendenda. Privilegium enim eorum dignitati adnexum latam interpretationem mereatur. Tum quia censura, etsi culpam supponat, in se tamen culpa non est, sed pœna, & ut pœna ex natura sua non requirit absolutionem in Sacramento pœnitentie, neque ab ea dependet: quod verum, est etiam si delegata sit facultas absolviendi in confessione sacramentali; id enim fit ex peculiari forma delegationis, & non ex vi censura, cum censura ex solo præcepto Ecclesiastico remitti debeat, & remittatur, antequam fiat Sacramentum. Ita Navar. cit. lib. 5. consil. 11. nu. 2. de privil. edit. 2. Avila de cens. par. 2. cap. 7. disp. 3. Suarez de legib. lib. 8. n. 15. & 16. Sanchez cit. Coninck cit. Laym. lib. 5. tr. 6. cap. 10. n. 21. Dian. 3. par. tract. 2. ref. 9. & par. 4. tract. 4. resol. 8. & par. 5. tract. 9. resol. 4.

Dico secundò, etiam Pœnitentarios posterioris generis in Diocesis constitutos, qui Vicarii Foranei vocantur, posse pœnitentes ad ipsos recurrentes, extra sacramentalem confessionem à censuris reservatis absolvere.

Probatur assertio, quia Vicarii Foranei habent facultatem sibi delegatam absolviendi à peccatis, & censuris reservatis, ut supponitur: sed peccata tantum sunt materia sacramenti pœnitentie, & non censura, teste D. Tho. 3. par. q. 84. art. 2. Ergo possunt Vicarii Foranei à peccatis in confessione, à censuris verò extra confessionem absolvere.

Con-

Confirmatur primò, quia privilegium, siue gratia à Principe concessa interpretanda est secundùm naturam rei, quæ conceditur teste Layman l.c. Atqui absolutio à censuris non dependet à peccatis, potest enim quis absolvi à censuris in conscientia foro, ut interim non absolvat à peccatis. Ergo &c. Vide Laym. & Avilam ll. cc. qui ex eodem fundamento resolvunt, etiam Parochos eodem modo ab excommunicatione nemini reservata absolvere posse.

Confirmatur secundò, quia quando alicui concessa est aliqua facultas, quæ divisionem patitur, tunc potest ille uti tali facultate: quoad unam partem, & non quoad aliam. Sed Vicariis Foranei conceditur facultas absolvendi à casibus, & censuris reservatis disiunctivè, non verò à casibus cum censuris copulativè, quod supponitur ex formula delegatæ facultatis: Ergo ipsis integrum est absolvere à censuris tantum in foro conscientiæ, & non à peccatis in confessione. Ita Doctores supracitati, qui licet non distinguant de Pœnitentiariis prioris, & posterioris generis; rationes tamen, quæ ab ipsis adducuntur, pro omnibus æquè militantes.

Dices primò. Facultas concessa Pœnitentiariis se extendit tantum ad forum internum, non ad externum: Sed si Pœnitentarii possent à censuris absolvere extra confessionem sacramentalem, eorum absolutio esset in foro externo: Ergo &c.

Resp. minorem falsam esse: Nam talis absolutio non esset in foro externo, sed interno, non pœnitentiæ, sed conscientiæ. Vide supra prænotatum secundum, & D.D. ibi cit.

Dices secundò. In facultate, quæ Pœnitentiariis ab Episcopo conceditur absolvendi à casibus, & censuris reservatis: solet apponi hæc clausula, in sacramentali tamen eorum confessione: Ergo facultas videtur ipsis restricta, ut absolvant intra confessionem, non extra.

Resp. quòd illa clausula refertur ad absolutionem à peccatis reservatis, non verò à censuris, sicuti tradit Sanchez cit.

disp. 34. n. 30. Unde quamvis non possint absolvere à reservatis extra confessionem possunt tamen à censuris.

Neque dices, quòd clausula illa debet referri ad omnia præcedentia, & sic tam ad censuras, quàm peccata.

Resp. enim, regulam illam procedere, quando omnium præcedentium eadem est ratio: constat autem non eandem, sed diversam esse rationem peccatorum, & censurarum Navar. lib. 5. consil. tit. de sim. consil. 92. num. 4. Sanchez cit. qui tamen lib. 3. de matrim. disp. 5. num. 2. excipit, nisi clausula illa posset apposita per ablativum absolutum, nempe audita sacramentali confessione, vel auditis eorum confessionibus: putat enim, clausulam illam importare conditionem qua non servata, absolutio irrita existat, quæ Sanc. exceptio notari debet à Pœnitentiariis.

*An possit Superior, auditis solis peccatis reservatis, ab iis sacramentaliter absolvere, mittendo Pœnitentem ad inferiorem pro non servatis.*

## RESOLUTIO LII.

**A**ffirmativè respondet Caiet. v. consil. dist. 5. in c. consideret §. cautus n. 12. & 18. Vgol. de offic. & post Episc. c. 40. §. 1. sustinentes absolute Superiorem posse validè, & licitè, auditis solis peccatis reservatis, ab eis sacramentalem absolutionem impendere, reliqua verò non reservata inferiori committere: asseruntque ita consuetudine receptum esse, & præcipuè Romæ.

Communis tamen, & vera sententia est, & omnino in praxi servanda, Superiorem absque iusta causa, & urgente necessitate non posse audire solam reservatorum confessionem, ab eisque sacramentaliter absolvere, remittendo pœnitentem pro absolutione reliquorum ad inferiorem Sacerdotem. Et ratio est, tum quia integritas confessionis tam faciendæ à pœnitente, quàm audiendæ ab eo, qui fungitur Officio Confessarii est de iure di-

divino, ut definit Concil. Trid. sess. 14. c. 5. Sed in hoc non potest dispensari, nisi intercedat justa causa: Ergo nec licet dimidiare confessionem, nisi ex huiusmodi necessitatis causa; Tùm quia, seclusa reservatione, non potest Superior in sacramentali foro graviora tantùm peccata audire, ab illisque penitentem absolvere; pro absolutione verò criminum leviorum ad inferiorem remittere: Ergo neque inducta reservatione: Reservatio enim Superiori reservanti maiorem potestatem non tribuit. Ita Suar. de penit. disp. 31. sect. 1. num. 3. Vasquez quest. 91. art. 3. dub. 1. num. 2. Valen. to. 4. disp. 7. quest. 11. par. Reginal. lib. 8. n. 77. Filliuc. tract. 7. cap. 10. num. 300. & 301. Fagundez par. 2. lib. 8. cap. 3. numer. 3. Coriol. de cas. reserv. par. 1. sect. 1. art. 10. Bonac. to. 1. dis. 5. q. 7. punct. 5. §. 3. n. 2. Card. de Lugo disp. 20. de Sacram. penit. sect. 6. num. 58.

Consuetudinem autem contrariam, si quæ olim Romæ viguit, nunc certè sublata esse, colligitur ex Sylvest. v. confession. 1. questio 16. præterquàm in casibus Papæ reservatis, quibus adnexa est censura, quæ tolli potest, remittendo penitentem ad inferiorem, ut ab ipso absolvetur à peccatis: Verùm ejusmodi absolutionem constat non esse sacramentalem.

Quod si quis contendat, adhuc eam Romæ vigere, id erit in casu, quo justa causa id suadet; Sicut etiam potest alibi vigere, concurrente eadem justa causa. Quod si secus alicubi usu receptum esset, talis praxis corrigenda foret: cum nulla consuetudo possit introduci, quæ vim habeat abrogandi jus divinum: sicuti docet Card. de Lugo loc.

cit. nu. 77. Quenam autem hoc loco habenda sit justa, & rationabilis causa.

*Quenam justa causa, vel sufficiens necessitas censenda sit, ut Penitentem Superior quidam reservata sacramentaliter absolvere possit, pro non reservatis verò ad inferiorem mittere.*

## RESOLUTIO LII.

**N**onnulli opinantur assiduam Superiorum occupationem, negotiorum multitudinem, dolorem capitis, aliamque similem corporis indispositionem sufficientem præbere causam audiendi sola reservata, absolutionem verò non reservatorum committendi Confessario inferiori.

Verùm cum Superior in tali casu possit, vel solam reservationem auferre, vel facultatem absolvendi alteri delegare, vel si audivit omnia peccata, tam reservata, quàm non reservata, dum profert illa verba absolvo te, intentionem habere absolvendi etiam à non reservatis: Idcirco hæc pro justis causis non admittuntur à Suarez to. 4. de penit. disp. 31. sect. 1. Valen. tom. 4. disp. 7. q. 11. Filliuc. tract. 7. n. 262. Fagundez præcep. 2. lib. 8. c. 3. num. 3.

Iusta igitur causa, sufficiensque ad id faciendum censetur necessitas; si nimirum desit Sacerdos, cui Superior possit penitentem reservata habentem, committere, & ex parte illius urgeat moralis necessitas confessionem non differendi, Superior autem gravioribus occupetur, taleque delictum inferioris iudicio committere non judicet expedire. Quibus adde, si penitens iustas rationes habeat integrè non confitendi. Extra hos casus peccare videtur Prelatus, si auditis solis reservatis, sacramentaliter absolvat, remittendo penitentem pro non reservatis ad inferiorem: Quia agit contra proprietatem Sacramenti Penitentiae, ex Christi institutione, ac præcepto omnium mortalium peccatorum confessionem postulantis, quatenus ea moraliter fieri potest. Ita Suarez Filliuc. Valen. Fagundez ll. cc. quibus adde Reginal. lib. 8. num. 77. Coriol. de cas. reserv. par. 1. sect.

sect. 1. art. 10. Bassæ v. cas. refer. num. 20. vers. Prædicta. Finellium de cas. refer. cap. 10. Card. de Lugo disp. 20. de pœnit. sect. 78.

Verūtmamen si Superior sufficientem causam non habens, audiret dimidiam confessionem tantum, quamvis malè ageret, nihilominus verum conficeret Sacramentum dummodo pœnitens bona fide procederet, essetque sufficienter dispositus, quo casu absolutio directè caderet super audita, indirectè verò super alia, quæ ob moralem impossibilitatem audiri non potuerunt. Ita Suarez citat. disp. 31. sect. 1. num. 9. Filliuc. cit. n. 304. Layman lib. 5. tract. 9. cap. 12. num. 8. Bonac. de pœnit. disp. 5. quæst. 7. punct. 5. §. 3. num. 2. Reginal. cit. qui notat, etiam Confessarium habentem facultatem delegatam, posse hoc modo absolvere, si similis necessitatis casus occurrat; Imò & reservationem auferre absque sacramentali absolutione, si ab Episcopo facultatem habeat, sicuti docet etiam Bonac. loc. cit. ConincK disp. 8. dub. 12. nu. 84. Henriquez.

*An Pœnitens, qui à Superiore obtinuit absolutionem reservatorum, teneatur deinde inferiori Sacerdoti peccata, eam reservata jam semel confessa, quam non reservata manifestare.*

## RESOLUTIO LIV.

**A**ffirmativam tenent S. v. absolutio Henriquez lib. 5. cap. 4. nu. 4. Reginaldus lib. 8. num. 92. Finellius cap. 10. quia confessio peccatorum integrè facienda est; & Christus Dominus præcepit omnia peccata uni, eidemque Sacerdoti manifestari.

Sed licet hæc sententia sit probabilis, probabilior tamen videtur sententia contraria, quæ docet pœnitentem eo casu sufficienter satisfacere integritati confessionis, si reliqua tantum mortalia peccata inferiori confiteatur. Ratio est, tum quia peccata semel legitimè clavibus submissa, & directè remissa, nulla lege

sunt iterum clavibus subiicienda: Atqui reservata illa crimina legitimè sunt clavibus submissa, & directè remissa: Ergo &c. Tum quia in omni alio casu, in quo pœnitens materialiter dimidiat confessionem, vel propter oblivionem mortaliter non culpabilem, vel propter aliam rationabilem causam, sive ex parte pœnitentis, sive ex parte Ministri provenientem, non cogitur ampliùs confiteri peccata, quæ illo modo in confessione aperuit, & à quibus per se, & simpliciter fuit absolutus: Ergo idem dici debet in hoc casu.

Confirmatur, quia pœnitens coram Deo & Ecclesia fuit directè absolutus ab habente facultatem absolvendi à reservatis. Ergo non tenetur ea rursus inferiori Confessario aperire. Ita Suarez disp. 31. de pœnit. sect. 1. num. 10. Vasquez qu. 10. art. 3. dub. 10. num. 3. ConincK disp. 8. de Sacram. dub. 12. n. 80. Bonac. de pœnit. disp. 5. qu. 7. punct. 4. §. 3. n. 4. Laym. lib. 5. tract. 4. cap. 12. n. 8. Card. de Lugo disp. 20. de pœnit. sect. 6. n. 82.

Ad fundamentum contrariæ sententiæ Resp. omnia peccata uni Sacerdoti explicanda esse ordinariè, & per se, non item in casu extraordinario, & per accidens, sicuti cernere est in eo, qui unum, aut plura peccata confiteri oblitus est.

*An quando Pœnitens absolvitur à reservatis per Superiorem, à non reservatis verò per inferiorem, duplex recipiat Sacramentum.*

## RESOLUTIO LV.

**N**egativam sententiam tenet Sylvest. v. confessio 1. n. 19. & alii, asserentes, huiusmodi absolutionem non esse sacramentalem.

Sed contrarium est sustinendum, videlicet quoties pœnitens à reservatis tantum absolvitur per Superiorem, ex tali confessione, & absolutione verum perfici sacramentum, distinctum ab eo, quod postea ab inferiore confertur, sicque duplex recipere sacramentum. Ratio reso-

resolutionis est, quia utraque confessio, àni reservatorum apud Superiorem, quam non reservatorum apud inferiorem est integra formaliter, & in utramque vera cadit absolutio: Ergo sicut duplex instituitur confessio, & duplex impenditur absolutio, ita duplex constituitur Sacramentum.

Et confirmatur, quia in utraque confessione concurrunt omnia ad constituendum Sacramentum requisita, nempe sufficiens materia ex parte penitentis, & sufficiens iurisdicctio ex parte absolventis cum intentione absolvendi: Ergo &c. Ita Suarez disp. 31. de penit. sect. 1. numer. 9. Valentia tom. 4. disp. 7. q. 11. Filliuc. tract. 7. cap. 10. nu. 302. Tolet. lib. 3. cap. 8. nu. 5. Card. de Lugo disc. 20. de penit. sect. 6. n. 82. qui rectè notat penitentem in priori confessione directè absolui à reservatis, indirectè autem à non reservatis, in posteriori verò directè tantum à non reservatis, & tam in priori, quam posteriori confessione recipere gratiam contra Navar. de penit. dist. 5. in cap. consideret §. cautus num. 19. arbitrament gratiam conferri solum in secunda absolutione, eò quòd existimet ex utraque absolutione unum perfici Sacramentum: Sed reiicitur ab omnibus.

*An Confessarius simplex si peccatum aliquod intelligat esse reservatum, possit Penitentem absolvere, remittendo illum ad Superiorem pro reservatis.*

## RESOLUTIO LVI.

**A**ffirmativam sententiam, præter Doctores antiquos apud Suarez, citatos, ex recentioribus tenent Navar. de penit. dist. 5. §. cautus n. 12. 13. & seq. Sà v. absolutio nu. 24. Valen. to. 4. disp. 7. q. 11. punct. 1. Sayrus de pen. cap. 16. n. 7. Tolet. lib. 3. cap. 8. n. 5. Joseph de Jan. de cas. ref. resol. 7. n. 2. & alii, asserentes penitentem in proposito casu per inferiorem Confessarium absolui posse, dummodo is intelligat manere obligatum ad se præsentandum opportuno tempore Prælato, pro absolutione reservatorum, idque facere

Pars I.

proponat. Quæ sententia eo nititur fundamento, quòd licet absolutio per se remittat culpam, & ideo necesse sit, vel tollat omnem mortalem culpam, vel nullam; tamen non est necesse, ut per se tollat omne peccatum, sed potest quædam, hoc est, non reservata directè, & per se auferre, reliqua verò, hoc est, reservata indirectè, & per accidens.

Difficultas tamen in negativam partem resolvitur, nempe Confessarium qui caret facultate absolvendi à reservatis, non posse, præciso necessitatis casu, absolvere penitentem reservatis, & non reservatis obstrictum, sed debere eum prius ad Superiorem mittere, vel à eodem facultatem absolvendi obtinere. Et ratio est, tum quia confessio est accusatio coram legitimo iudice, qui potestatem habeat de integra causa cognoscendi: confessio autem reservatorum facta inferiori non est accusatio coram legitimo iudice, quoties penitens, præcisa necessitate constituitur sacerdoti, facultate circa reservata carenti: Ergo &c. Tum quia sicut confessio non est dimidianda sine iusta causa; ita nec absolutio: Atqui in tali casu absolutio directà dimidiaretur sine iusta causa, ut supponitur: Ergo &c. Ita significat Concilium Tridentinum sect. 14. c. 7. & docent Suarez perperam citatus à Januario pro sententia contraria, disp. 31. sect. 2. n. 3. Vasq. 3. par. q. 91. art. 3. dub. 10. Layman lib. 5. tr. 6. cap. 12. n. 9. Finell. de cas. ref. cap. 10. n. 6. Coninck disp. 8. dub. 13. n. 103. Filliuc. tract. 7. n. 303. Dian. par. 3. tr. 4. resol. 58.

His addendum, quòd Confessarius simplex si possit, secluso necessitatis casu absolvere penitentem reservatis, & non reservatis obstrictum, possit etiam Sacerdos simplex absolvere habentem venialia, & mortalia: sed hoc non permittitur Sacerdoti simplici, præciso mortis articulo, quia illi deest iurisdicctio supra mortalia: Ergo nec Confessario simplici, extra prementis necessitatis casum, eò quòd similiter illi deest iurisdicctio supra reservata: eadem enim utrinque militat ratio. Ita Doctores supra relati ll. cc.

Neque dicas cum Januar. loc. cit. num. 11. quòd absolvere à venialibus tantum, E quo

quo mortalibus verò pœnitentem mittere ad Sacerdotem jurisdictione prædictum, usui Ecclesiæ repugnat, non ita verò absolvere à non reservatis, & pro reservatis mittere ad Superiorem.

Resp. enim in posteriori casu non repugnare usui Ecclesiæ, quando premit aliqua necessitas: secus si nulla iusta causa concurrat, teste Coninck cit. dub. 13. numer. 107. de quo in resolutione sequenti.

Advertendum tamen est, quòd si pœnitens, absque rationabili causa, vel urgente necessitate, à reservatis per inferiorem absolvatur, absolutio erit valida, dummodo ex parte pœnitentis concurrat bona fides, & debita dispositio, confessioque in integritate non deficiat, ex parte verò Confessarii adsit intentio absolviendi ab iis, à quibus potest. Quod patet ex eo, quia si pœnitens bona fide confiteatur reservata Sacerdoti inferiori, vel inferior putet peccatum non esse reservatum, profectò in tali casu subsistit absolutio, & tamen bona fides non supplet jurisdictionis defectum: Ergo idem dicendum, quamvis mala fide inferior à reservatis absolvat. Bonitas enim, vel malitia Confessarii non derogat validitati Sacramenti, dummodo non desit intentio ministrandi. Ita Suar. loc. supr. cit. n. 6. Reginal. lib. 8. n. 81. quos sequitur Mazuch. de cas. res. disp. 1. quæst. 3. diff. 17. n. 59.

*An Necessitas gravis præbere possit iustam causam inferiori Confessario absolviendi Pœnitentem casibus reservatis obstrictum, antequam ad Superiorem pro beneficio absolutionis accedat.*

## RESOLUTIO LVI.

**A**Nte responsum præmittendum, quòd talis necessitas, præter periculum famæ, vel honorum iacturæ potest esse præceptum implendi annuam confessionem, vel communionem, vel sacrum faciendi, ita ut confessio, communicatio, vel sacrum omitti non possit sine gravi scandalo, vel infamia, & pro tunc aditus ad Superiorem non pateat. Est ergo difficultas, an, præmente hujusmodi ne-

cessitate inferior Sacerdos absolvere possit pœnitentem, reservatis obstrictum.

Negat ex antiquis Ricardus in 4. dist. 17. art. 2. q. 8. Adrianus q. 4. de confessione Durand. in 4. dist. 17. q. 15. ex recentioribus Filliuc. tract. 4. cap. 8. n. 213. Sancius in selectis disp. 32. n. 10. Dian. par. 2. tract. 14. res. 65. contententes, pœnitentem in his casibus non posse ab inferiori absolvi. Concedunt tamen isti Doctores posse tunc hominem accedere ad communionem, vel ad faciendum sacrum, elicitò prius contritionis actu, perinde ac si copiam Confessarii non haberet. Hoc fundamentum, est quia inferior non est legitimus iudex illius, qui casibus reservatis innodatur.

His tamen non obstantibus, resolutio est affirmativa, pœnitentem scilicet in proposito casu posse ab inferiori Confessario absolvi, dummodo vñ cum reservatis alia etiam peccata mortalia, si quæ habet, vel saltem aliqua venialia clavibus subiiciat; absolutioneque directè tunc cadet super non reservata (quamvis tantum venialia sint) indirectè super reservata cum onere, ut ea sola Superiori postea confiteatur, directèque ab eis absolvatur. Et ratio est, quia ad valorem Sacramenti non est simpliciter necessaria jurisdictionis super omnia mortalia, quibus re ipsa pœnitens obstrictus erit sed quoties servatur integritas formalis, sufficit ad valorem Sacramenti jurisdictionis circa aliqua peccata. Ergo inferior Sacerdos, absolvendo in prædictis casibus, sacramentalem impertiet absolutionem, quæ saltem indirectè peccata reservata tollet. Ita Nauar. in cap. consideret 4. cautus n. 10. dist. 5. de pœnit. Suar. tom. 4. disp. 31. sect. 3. n. 6. Valent. tom. 4. disp. 7. quæst. 11. punct. 1. Coninck disp. de Sacram. dub. 12. Reginal. lib. 8. n. 82. Bonac. de pœnit. disp. 5. quæst. 7. punct. 5. §. 4. n. 6. & 9. Layman lib. 5. tract. 6. cap. 12. n. 10. Bassus v. cas. res. n. 16. Card. de Lugo da Sac. Euchar. disp. 14. sect. 5. qui censent in prædictis casibus satius esse confiteri, & absolvi, quam ad communionem accedere sine confessione, cum non minùs difficiliter eliciatur, quam cognoscatur contritio. Vide Coninck. loc. cit. n. 45.

Imò

Imò Layman loc. cit. num. 2. cui sub-  
scribit Bassæus loc. cit. num. 18. probabi-  
liter docet, si penitens ad inferiorem ac-  
cederet, vel quia bona fide putavit tale  
peccatum non esse reservationi obno-  
xium, vel posse à tali Confessario absol-  
vi cum onere comparandi postea coram  
Superiore; absolutionem illi denegan-  
dam non esse, modò penitens præter re-  
servatum alia etiam peccata clavibus  
subiciat: Tùm quia aliquis necessitas  
urget, egro enim animo penitens eo casu  
sine absolutione discedet, cum ex sua  
parte benè dispositus sit: Tùm quia gra-  
ves Doctores relati resolutione superiori,  
docent absolute id fieri posse, quorum  
probabili opinioni Sacerdos inferior po-  
test se conformare.

Dices. Si Confessarius inferior, præci-  
so mortis articulo, posset absolvere peni-  
tentem directè à non reservatis, indire-  
ctè verò à reservatis, posset etiam Sacer-  
dos simplex penitentem in necessitate  
communicandi, vel celebrandi constitu-  
tum absolvere directè à venialibus, & in-  
directè à mortalibus: sed usus, & praxis  
Ecclesiæ hoc non admittit: Ergo nec  
illud.

Resp. quòd non est par ratio, tùm quia  
in priori casu favet usus Ecclesiæ, & au-  
thoritas Doctorum, & consequenter ab-  
solutio non est illicita: in posteriori ve-  
rò usus Ecclesiæ repugnat, teste ConincK  
cit. dub. 13. num. 107. & consequenter vi-  
detur illicita: Tùm quia simplex Sacer-  
dos caret omni potestate circa penitentis  
personam, & fortè etiam circa peccata  
mortalia, & venialia, ut innuit Suarez  
disp. 20. de penit. sect. 6. n. 9. Confessarius  
verò inferior, non obstante reservatio-  
ne, in casu necessitatis adhuc retinet po-  
testatem circa penitentis personam, non  
reservata, & reservata habentem. Januar.  
de cas. res. resol. 7. n. 5.

*An Penitens, si præter peccata non refer-  
vata, habeat etiam reservatum, cui sit  
adnexa excommunicatio, validè possit,  
premente necessitate, ab inferiori Confessa-  
rio absolvi.*

## RESOLUTIO LVIII.

**N**egant Sylu. v. confessio 1. q. 2. casu  
5. Sotus in 4. dist. 22. q. 1. ar. 1. Vasq.  
tom. 4. tract. de excomm. dub. 4. num. 8.  
Tolet. lib. 3. cap. 8. §. tertius casus. Quorum  
fundamentum est, quia reliqua Sacra-  
menta in conferente solum requirunt  
potestatem Ordinis, quæ ab Ecclesia im-  
pediri non potest: Sacramentum autem  
penitentiae, præter potestatem Ordinis,  
requirit etiam potestatem jurisdictionis,  
quæ ab Ecclesia impeditur, & subtrahitur  
inferiori Confessario respectu excom-  
municati: Ideòque excommunicatus in  
casu proposito validè per inferiorem ab-  
soluti non potest.

His tamen non obstantibus, affirmati-  
væ sententiæ subscribo, videlicet absol-  
utionem in proposito casu excommunica-  
to impensam validam & firmam existere  
Sacramentumque habere suum effectum  
ita, ut necesse non sit confessionem ite-  
rari, sed sufficere postea absolutionem ab  
excommunicatione obtinere. Et ratio  
est, quia excommunicatio per se non  
reddit personam inhabilem ad recipien-  
dum penitentiae Sacramentum, neque  
irritat illud, si ex parte suscipientis con-  
currat bona fides, debitaque dispositio, &  
ex parte ministri adsit tunc jurisdictio,  
quæ profectò in casu proposito non defi-  
cit. Nam quamvis excommunicatio pri-  
vet hominem jurisdictione activa in  
alios, si excommunicatus denunciatus  
sit, & non toleratus, non tamen privat  
subiectione passiva ad alios sibi Superio-  
res, hoc est, alii non privantur jurisdictione  
in ipsum: Aliòquin excommunicatio  
esset poena non penitentis excommuni-  
cati, sed Confessarii absolvantis. Ita Nav.  
in man. cap. 9. numer. 4. Suarez de censu.  
disput. 10. sect. 3. num. 9. ConincK disp. 8.  
dub. 12. num. 104. Tolet. lib. 3. tract. 4. de  
Sacram. resol. 78. Bassæus in floribus the.  
E 2 præf.



pract. v. cas. ref. num. 18. vers. nihilominus. Card. de Sacram. Euchar. disp. 14. sect. 5. 614. Joseph de Januar. de cas. ref. resol. 4 num. 2. & 7.

Ex quorum doctrina, pro praxi tùm hujus, tùm superioris resolutionis colligitur, pœnitentem casibus reservatis obstrictum, urgente communicandi, vel celebrandi necessitate, ad vitandam infamiam, aliudvè grave incommodum, si nequeat Superiorem adire, posse.

Primò, omnia peccata tàm reservata, quàm non reservata inferiori Confessario confiteri, ab ipsoque directè à non reservatis, indirectè à reservatis, ut dixi, absolui. Suarez tom. 4. disp. 31. sect. 3. n. 6. ConincK cit. disp. 8. dub. 13. nu. 107. Layman l. 5. tract. 6. cap. 12. n. 10.

Secundò, si nolit inferiori Sacerdoti confiteri, posse contritionis actum elicere, sicque communicare, vel sacrum facere, nulla præmissa confessione, perinde ac si Confessarii copiam non haberet Filliuc. tom. 1. tract. 4. cap. 8. num. 213. Dian. par. 3. tract. 5. ref. 68. Bassæus v. cas. ref. nu. 17. vers. Porro.

Tertiò, si peccata reservata habeant adnexam excommunicationem, adhuc integrum esse pœnitenti apud inferiorem Sacerdotem confessionem instituere. Suarez, & ConincK ll. cc. Dian. par. 3. tr. 4. de Sacram. ref. 104. Bassæus cit. qui hanc regulam tradunt: Quæcumque causa sufficit, ut excommunicatus cum sola contritione possit ante absolutionem ad communionem, vel celebrationem accedere, sufficit etiam, ut possit inferiori confiteri.

Quartò, si hoc etiam nolit, in ejus potestate positum esse, elicitò prius contritionis actu, communionem sumere, vel Missam celebrare. Tambur. de jure Abb. to. 2. dif. 13. q. 8. num. 12. ConincK cit. dub. 13. num. 107. Bassæus cit. Dian. cit. par. 3. tr. 5. ref. 68. Filliuc. to. 1. tract. 4. cap. 7. num. 213. Card. de Lugo loc. cit.

Utum autem pœnitens confiteri tantum possit peccata non reservata, reticeatque reservata, solutio pendet ex sequenti.

*An Pœnitens, si urgente communicandi, vel celebrandi necessitate velit Confessario simplici confiteri, teneatur illi omnia peccata tàm reservata, quàm non reservata aperire.*

## RESOLUTIO LIX.

**N**egative respondent Ugo. de offic. & potest. Episc. cap. 4. §. 1. Filliuc. par. 3. in institutione pro confessionibus excipiendis cap. 2. art. 5. quibus subscribit Mazuch. de cas. refer. disp. 1. quæst. 3. diff. 22. nu. 79. & adhærere videtur Dian. par. 3. tract. 4. resolut. 104. Fundamentum est, tùm quia peccata reservata non sunt materia hujus confessionis: Ergo possunt reticere: Tùm quia pœnitens non tenetur idem peccatum duobus confiteri: sicut igitur Confessarius simplex non potest à reservatis absolvere, quia caret jurisdictione; ita nec reservata cognoscere.

Communior tamen, probabilior, & securior est sententia contraria, pœnitentem scilicet, vel Sacerdotem in proposito casu teneri omnia peccata tàm reservata, quàm non reservata Confessario inferiori aperire. Et ratio est, tùm quia Confessario debet innotescere dispositio pœnitentis, ratione cujus dispositionis indagandæ, Confessarius habet jus cognoscendi omnia pœnitentis peccata: Tùm quia confessio debet esse integra non solum formaliter, sed etiam materialiter, hoc est, omnium peccatorum, quorum pœnitens conscientiam habet; nisi legitimum impedimentum excuset: cuiusmodi non censetur defectus facultatis in Confessario directè absolvendi à reservatis, vel ne pœnitens bis confiteri teneatur reservatum: præponderat enim tùm obligatio servandi integritatem confessionis, quæ est de jure divino, tùm jus rectè cognoscendi pœnitentis statum, ut si fortè spiritualis ipsius ægritudo pro tali tempore aliquo indigeat remedio, id ei per Confessarium, qui officio fungitur tùm judicis, tùm Medici, præbeatur. Quomodo autem Confessarius id præstabit, si morbus sibi non innotescat, vel



vel vulnus non detegatur? Ita D. Tho. 3. par. q. 8. ar. 3. & in 4. dist. 17. q. 3. ar. 4. Suar. disp. 31. de penit. sect. 3. num. 8. ConincK disp. 7. de penit. dub. 9. num. 86. Reginal. lib. 6. num. 150. Tamb. de jure Abb tom. 2. disp. 13. q. 9. num. 4. Vega to. 1. cap. 11. n. 273. Henric. lib. 6. cap. 15. num. 4. Bonac. de penit. disp. 5. q. 7. punct. 5. § 3. num. 9. Layman lib. 5. tract. 6. cap. 12. num. 11. & alii plures.

Adverte tamen, quod licet asseramus, consultius, securiusque penitentem acturum in tali casu, si inferiori Sacerdoti omnia peccata tam reservata, quam non reservata confiteatur, non ideo tamen dicimus, absolutionem eo casu à non reservatis tantum impenfam, nullam, & irritam existere, quidquid dicat Jacobus Mancinus de cas. refer. prat. 4. dub. 29. & alii apud ipsum. Multa enim censentur improbabilia, quibus tamen si quis bona fide abhæreat, eò quod alicui probato Doctori videntur probabilia, vel probabiliora, ea firma, & valida existunt, teste Navar. in man. cap. 27. n. 288. Sanc. lib. 1. moral. cap. 9. nu. 7. 9. & 10. Quod accidit etiam in hoc casu, quia adsunt omnia ad validam absolutionem requisita, nempe sufficiens materia cum bona fide ex parte penitentis, & jurisdictio cum intentione absolvendi ex parte Confessarii: Tùm quia ita sentiunt graves Auctores supracitati, quorum probabili opinioni potest penitens se conformare in praxi. Vide Suarez, Bonac. Reginal. Layman ll. cc.

*An inferior Sacerdos possit Pœnitentiam à Superiore pro reservatis imponere commutare.*

## RESOLUTIO LX.

**N**egativè sententiæ adherent Navar. in man. cap. 26. nu. 22. Suarez disp. 38. de penit. sect. 10. n. 14. Sà v. satisfactio num. 5. ConincK disp. 10. dub. 12. nu. 101. Layman lib. 5. tract. 5. cap. 15. nu. 16. Bafsaes v. satisfactio n. 8. Quorum ratio est, quia Confessarius, qui non potest ferre iudicium circa aliqua peccata, neque potest commutare penitentiam pro illis

*Pars I.*

peccatis impositam: Atqui Confessarius simplex, citra casum magnæ necessitatis, non potest ferre iudicium circa peccata reservata: Ergo neque mutare penitentiam à Superiore pro reservatis injunctam.

His tamen non obstantibus, responsio est affirmativa, inferiorem scilicet Sacerdotem posse, concurrente juxta causam, penitentiam pro reservatis injunctam commutare. Et ratio est, tum quia sicut per absolutionem casuum reservatorum illa peccata desinunt esse reservatorum, ita desinit esse reservata penitentia, pro illis imposita: Ergo nihil obstat, quominus ab inferiore, juxta intercedente causa, commutari possit: Tùm quia Superior præsumitur consentire in id, quod penitentis salutem censetur expedire: Ergo si necessitas premat, vel utilitas suadeat, ut penitentia commutetur, quilibet Confessarius eam poterit commutare.

Præterea, sicut postquam Summus Pontifex votum reservatum in aliud commutavit, quilibet Confessarius in Jubileo, vel Episcopus, exigente causa, potest materiam subrogatam voto reservato in aliam commutare, sicuti docent Sylv. v. votum 4. q. 8. Sanchez l. 8. de matr. disp. 9. n. 20. Sà v. votum n. ultimum. Ita etiam Confessarius simplex penitentiam, quam superior pro reservatis imposuit, in aliam commutare non prohibetur: militat enim utrinque eadem ratio. Ita Valent. t. 4. disp. 7. q. 14. punct. 4. lib. 7. n. 91. Filliuc. tract. 8. c. 2. q. 7. Bonac. de penit. disp. 5. q. 5. sect. 3. punct. 3. nu. 6. Sancius in selectis disp. 14. num. 13. Diana par. 2. tract. 1. ref. 53. Homob. de cas. referu. par. 1. pagina mihi 115. Lupus de cas. refer. pa. 1. dist. 2. diff. unic. n. 2. Mazuch. de cas. ref. disp. 1. q. 3. diff. 23. nu. 85.

Advertat tamen prudens Confessarius, quod ad hanc commutationem faciendam, præterquam quod requiritur juxta causam, puta penitentis utilitas, vel necessitas, aut magna difficultas, in adimplenda penitentia, non debet se nimis indulgentem præbere, in minuenda, vel commutanda penitentia, ne penitentes ansam inde arripiant non implendi penitentias.

*E 3 An*

*An commutatio pœnitentiæ possit fieri  
extra Sacramentalem Con-  
fessionem .*

## RESOLUTIO LXI.

**A**ffirmant Valentia tom. 2. disp. 7. quæst. 14. punct. 4. Navar. in man. cap. 26. num. 22. Sà v. satisfactio numer. 5. suamque affirmationem extendunt ad pœnitentiam non solum præservativam, sed etiam satisfactoriam: Quorum Doctorum sententiam probabilem putat Diana par. 2. tract. 1. resol. 53. & par. 3. tr. 4. resol. 53. & 137. & ad hæret Telet. lib. 3. cap. 11. num. 12.

Verum communis Doctorum sententia est negativa, nimirum pœnitentiæ commutationem nullatenus posse fieri extra sacramentalem confessionem. Nam usus, & praxis. Ecclesiæ sicut probat Confessarium ex juxta causa posse mitigare, diminuerè, ac commutare pœnitentiam à se, vel ab alio Confessario æquali, aut etiam à Superiore, & pro reservatis injunctam, ut superiori dubio resolutum fuit, ita idem usus, & praxis ostendit hujusmodi commutationem in sacramentali confessione esse faciendam.

Confirmatur, quia satisfactio est pars Sacramenti, si non essentialis, saltem integralis, & est actus jurisdictionis clavium in foro sacramentali; ideoque non potest fieri extra confessionem: Quod verum est saltem, si talis commutatio diù post sacramentalem absolutionem differatur. Ita Reginal. lib. 7. num. 88. Filliuc. tract. 8. cap. 2. quæst. 7. Layman lib. 5. tract. 6. cap. 15. num. 19. Coninck disp. 10. de Sacram. num. 99. Bonac. disp. 5. de pœnit. quæst. 5. sect. 3. punct. 3. Bafseus v. satisfactio numer. 7. Gardin. de Lugo disp. 25. de pœnit. sect. 6. num. 114. & alii.

Dixi, si diù post confessionem commutatio differatur: Nam si pœnitens rediret intra unum, aut alterum diem, posset pœnitentia ab eodem Confessario extra sacramentalem confessionem commutari, quia tunc moraliter rem estiman-

do, censetur idem judicium, sicuti docent Suarez tom. 4. disp. 38. de pœnit. sect. 10. Coninck cit. n. 99.

Secus, si interposito tempore longiore, v.g. quatuor, vel sex dierum intervallo, pœnitentiæ commutatio postulat: quia tali casu pœnitentiæ impositio, seu commutatio, ob temporis intervallum, non censetur gerere ordinem ad absolutum confessionis judicium, ideoque nec pertinere ad forum Sacramenti pœnitentiæ, rectè notavit Layman cit. nu. 16.

Adverte tamen, datam resolutionem procedere tantum de pœnitentia satisfactoria, quæ sit pars integralis Sacramenti, non verò de medicinali, seu præservativa, quæ à quolibet Confessario, juxta exigente causa, tam intra, quam extra confessionem commutari, minui, suspendi, vel tolli poterit, teste Jo. Valerio de diff. utriusque fori v. Judex diff. 23. n. 5. Dian. par. 3. tract. 15. resol. 54.

Porro licet data resolutio sit solido nitatur fundamento, nihilominus cum sententia contraria, ob auctori autem Doctorum eam sustinentium, non sit improbabilis, idcirco licebit Confessario cuiquam se illi conformare in praxi, sicuti advertit Layman loc. cit. Beja par. 3. casu 1. Vival de satisfactione n. 37.

Rectè demum notat Bonac. disp. 5. de pœnit. quæst. 5. sect. 3. punct. 3. num. 5. & monet Card. de Lugo cit. num. 114. pœnitentiam præservativam, regulariter commutandam esse in aliam præservativam. Imò si pœnitentia ea præservativa non tantum pro futura, sed prorsus pœnitenti necessaria videretur, ad evitanda recidivi pericula, tunc sicut pœnitens ipse non posset licitè ejusdem commutationem petere, ita nec alter Confessarius licitè in aliam commutare, & multo minus eam pœnitens auferre.

*An pro faciendâ commutatione pœnitentiæ  
necessaria sit confessio eorum pec-  
catorum , pro quibus fuit  
imposita .*

## RESOLUTIO LXII.

**C**ertum est apud omnes , audita eo-  
rumdem peccatorum confessione ,  
integrum esse cuilibet Confessario non  
solum commutare , sed etiam diminue-  
re pœnitentiam ab alio impositam sicuti  
secundus Iudex in munere succedens  
potest vel mutare sententiam ; vel miti-  
gare pœnam à priori Iudice decretam .  
Difficultas est , an id etiam Confessario  
liceat , quamvis confessionem peccato-  
rum , pro quibus ea pœnitentia fuit im-  
posita , non audiat .

Negant Suar. disp. 38. de pœnit. sect. 10.  
n. 4. Coninck de Sacram. disp. 10. dub. 12.  
concl. 3. nu. 101. Vasquez q. 94. de pœnit.  
art. 2. dub. 2. numer. 7. qui gravi censura  
carpit , & improbabilitatis damnat opinio-  
nem contrariam .

Verum ab opposita sententia , vt potè  
communiori non est recedendum , nem-  
pe ad hanc commutationem faciendam  
non necessario requiri , quòd pœnitens  
iterum confiteatur omnia , & singula  
peccata , pro quibus ea pœnitentia fuit  
imposita . Rationem assignat Dian. par.  
2. tract. 15. resol. 53. Tum quia præsens  
Confessarius potest de tota simul causa  
pœnitentis iuxta præsentem dispositio-  
nem judicare , provt magis ipsi pœniten-  
ti expedire iudicaverit : Tum quia onus  
nimis grave imponderetur , si pro obtinen-  
da commutatione pœnitentiæ cogereretur  
præteritis confessiones iterare , eaque  
rursus subiicere clavibus peccata , à qui-  
bus rectè fuit absolutus .

Addo , quòd valde ratio in his casibus  
Confessarii pœnitentibus indulgerent , si  
longas , integras , ac remotas confessio-  
nes audire cogererentur . Ita Navar. in man.  
cap. 26. num. 22. Valen. tom. 4. disp. 7. qu.  
13. punct. 4. Tolet. lib. 3. cap. 11. num. 12.  
Sà verb. satisfactio num. 5. Fernandez in  
exam. theol. moral. par. 3. cap. 6 §. 7. num.  
30. Vival. in candel. aur. de satisfact. n. 31.

Laym. lib. 5. tract. 6. cap. 16. num. 16. vers.  
Porro Beja par. 3. casu 1. Bassæus v. satis-  
fact. n. 7. Dian. loc. cit. & par. 3. tr. 4. resol.  
33. & par. 5. tract. 8. resol. 37. quibus addo  
Mazuch. de cas. res. disp. 1. q. 3. diff. 23. nu.  
81. qui inferius vers. Secundo , fatetur  
multoties opinionem hanc ad praxim  
deduxisse .

*An pœnitens possit propria auctoritate pœ-  
nitentiam à Confessario sibi injunctam  
in opus æquale , aut in melius  
commutare .*

## RESOLUTIO LIII.

**A**ffirmativè respondent Cœlestinus  
in compend. theol. mor. tract. 1. c.  
24. num. 8. Portel. in dub. reg. v. Pœniten-  
tia Sacram. n. 6. addit. quos citat , & sequi-  
tur Diana par. 3. tract. 4. resol. 53. & par. 5.  
tract. 14. ref. 73. Quorum ratio est , quia  
quoties quis abundantionem solutionem  
offert pro debito , ad quam ex lege tene-  
tur , is non censetur violare legem , sed  
abundantiùs implere : Atqui hoc ipsum  
præstat pœnitens in proposito casu . Er-  
go &c.

Præterea sicuti quilibet potest opus  
voto promissum in evidentior melius  
commutare , ita etiam pœnitentiam à  
Confessario sibi impositam . Et hæc sen-  
tentia non videtur improbabilis , teste  
Bassæo v. satisfactio. n. 10.

His tamen non obstantibus , resolutio  
est negativa , & sustinenda , pœnitentem  
non posse propria auctoritate pœniten-  
tiam in opus melius commutare . Et ra-  
tio est , quia commutatio pœnitentiæ est  
actus iudicii , & jurisdictionis sacramen-  
talis , quem Confessarius , tamquam Su-  
perior in pœnitentem exercet ; pœnitens  
autem non potest in seipsum iudicii , &  
jurisdictionis actum exercere , cum nul-  
lus sit sibi superior . Ergo &c. Ita Henri-  
quez lib. 5. cap. 20. nu. 5. Turrianus in se-  
lect. par. 2. disp. 31. dub. 62. Sanch. lib. 3.  
moral. cap. 11. n. 36. Coninck de Sacram.  
disp. 19. dub. 12. n. 13. Reginal. l. 7. cap. 8.  
num. 85.

Hoc verò certum est apud omnes ,  
quòd , facta per Confessarium pœnitentiæ

E 4 com-

commutatione, adhuc liberum sit penitenti eligere, quam penitentiam maluerit, primam videlicet, aut secundam: Quia talis commutatio facta est in favorem penitentis, penitens autem potest cedere juri, ac fauori suo. Ita Suarez disp. 38. de penit. sect. 10. nu. 7. Reginal. cit. cap. 8.

Utrum autem penitens propria auctoritate substitutere sibi alium possit, qui loco ipsius penitentiam adimpleat: Sciat lector hujusmodi questionem amplius non posse tractari, nisi impugnativè, ad quam impugnandam, satis sit scire, eam novissimè in Congregatione generali Sanctæ Romane, & universalis Inquisitionis 2. Octobr. 1665. à Sanctissimo D. N. Alex. VII. damnatam fuisse tamquam falsam, & scandalosam sub pena excommunicationis latę sententię, cujus absolutionem sibi, ac successoribus reservavit.

*An qui opus penitentiae in statu peccati mortalis implet, præcepto Confessarii satisfaciatur, fructumque satisfactionis acquirat.*

## RESOLUTIO LXIV.

**A**ffirmant Vasquez 3. par. quest. 94. art. 2. dub. 5. n. 10. Sancius in select. dis. 16. n. 5. quorum sententię tanquam probabili quoad veramque partem subscribit Diana par. 5. tract. 13. resol. 38. Hujus sententię fundamentum est, quia satisfactio sacramentalis (ajunt) non operatur remissionem penę temporalis media infusione gratię, sed per modum impetrationis, videlicet impetrando eam remissionem à Deo, cui impetrationis non obstat status peccati mortalis; nam peccator multa potest à Deo impetrare, & de facto impetrat.

Ceterum longè probabilior est sententia, quę docet penitentem, qui opus bonum à Confessario sibi injunctum implet in statu peccati mortalis, præcepto quidem Confessarii satisfacere, nullum tamen satisfactionis fructum, sive remissionem penę obtinere. Ratio prioris partis est, quia ille dicitur præceptum, & obligationem implere, qui facit id, quod sibi

præceptum est, penitens autem implendo penitentiam in statu peccati mortalis facit, quod sibi præceptum est. Accedit quod in præceptis humanis sufficit prestare rem præceptam secundum substantiam modus autem operandi cadere non solet sub præceptum. Sanchez lib. 1. moral. c. 13. n. 9. & 12. & Layman lib. 1. tract. 4. cap. 4. num. 7. Ratio posterioris est, quia peccatum mortale nondum remissum est ob ex, & impedimentum ad remissionem penę. Et quomodo dignum remissione penę temporalis peccator se reddet, si hic, & nunc, ob mortalem reatum, dignus est æterna poena? Ita Suarez de penit. disp. 38. sect. 8. Valent. tom. 4. disp. 7. quest. 14. part. 3. Tolet. lib. 3. cap. 11. Nau. in man. cap. 3. nu. 6. Reginal. lib. 7. nu. 9. & 84. Filliuc. tract. 8. n. 57. Layman lib. 5. tract. 6. cap. 15. n. 15.

Utrum autem eo casu satisfactio, sublati obice, sortiamur suum effectum, spectat ad dubium sequens.

*An penitentia sacramentalis facta in statu peccati mortalis sortiamur suum effectum, remoto obice culpæ letalis.*

## RESOLUTIO LXV.

**A**ffirmatiuam tenent Cajetan. tom. 1. opusc. tract. 6. q. 2. Medina cod. de confes. q. 42. in fine Beje par. 3. casu 3. Tolet. lib. 3. c. 11. quorum sententiam valdè probabilem vocat Laym. lib. 5. tract. 6. c. 15. Versic. Ceterum, & adheret Bassus v. satisfactio n. 16. quia satisfactio est pars Sacramenti, non potest autem esse pars Sacramenti, quin efficiat aliquid ex opere operato; cum autem non efficiat gratiam ob peccatum mortale, quod est obex ad gratiam, restat, ut debeat efficere remissionem penę, remoto obice, hoc est, recepto statu gratię.

Verum communior, & probabilior est sententia contraria, nempe penitentiam factam in statu peccati mortalis nihil prodesse coram Deo ex condigno ad remissionem penę, etiamsi postea tollatur obex peccati mortalis per novam penitentiam, & infusionem gratię. Ratio est cui-

evidens, quia remissio pœnæ temporalis est effectus secundarius Sacramenti penitentiae, qui necessario dependet à persistentia effectus principalis, quæ est infusio gratiæ sanctificantis: Ergo sublatu effectui principali, hoc est, gratia sanctificante per subsequens mortale peccatum, tollitur etiam effectus secundarius, nempe remissio pœnæ temporalis; Sicque ejusmodi penitentiae opus prodesse non potest ad remissionem pœnæ.

Confirmatur, quia ad hoc ut opus coram Deo sit meritorium ex condigno, quinque conditiones sunt necessariae, ut passim docent Theologi. Primò ut opus sit moraliter bonum. Secundò ut sit voluntarium, & liberum. Tertiò ut fiat ab homine viatore. Quartò ut homo viator, qui opus bonum prestat sit gratus, & amicus Deo, sive existat in gratia, & amicitia Dei. Quintò ut intercedat acceptatio, & promissio ex parte Dei, de compensatione retribuenda. Quarum si una desit, opus non est meritorium ex condigno sed tantum ex congruo, quod proprie rationem meriti non habet, neque de eo quidquam certi affirmari potest, cum ex Dei liberalitate, ac misericordia dependeat.

Cum igitur in proposito casu deficiat quarta conditio, eo quod operans in statu peccati mortalis existat; idcirco talis satisfactio nihil proderit coram Deo ad pœnæ remissionem, nihil suffragante, quod postea removeatur ob ex peccati mortalis per novam infusionem gratiæ. Nam opus factum in statu peccati mortalis est opus mortuum coram Deo: Ergo, remoto postea obice, hoc est, recuperata gratia, opus penitentiae nihil proderit ad remissionem pœnæ, nam opera mortua non reviviscunt, recuperata gratia, sed solum opera mortificata, nempe quæ facta fuerunt in gratia, sed ob superveniens mortale peccatum remanserunt mortificata. Ita Suarez cit. disp. 38. sect. 8. num. 5. Vasquez 3. par. qu. 94. num. 2. dub. 5. Valent. tom. 4. disp. 4. qu. 14. Sà v. satisfactio num. 7. Henric. lib. 5. cap. 20. num. 7. Reginal. lib. 7. num. 9. & 10. Dian. par. 4. tr. 13. resol. 38.

*An penitens, qui fuit absolutus ab habente facultatem ordinariam, vel delegatam circa peccata reservata, remaneat absolutus etiam à reservatis obliis.*

## RESOLUTIO LXVI.

**N**egativam sustinet Vasquez qu. 91. art. 3. dub. 5. num. 18. qui falsitatis damnat contrariam sententiam: Nam peccata aliqua esse reservationi obnoxia, nihil aliud est (ait Vasquez) quam illorum esse reservatum Superiori iudicio; proindeque in tali casu sicut obliorum nullum à Superiore sit iudicium; ita nulla tollitur reservatio.

Communior tamen est, & probabilior sententia contraria, nimirum quando penitens fuit absolutus ab habente facultatem ordinariam, vel delegatam circa casus reservatos, verè remanere absolutum etiam à peccatis reservatis, quæ superiori per oblivionem confiteri prætermisit; ita ut ea postmodum cuilibet Confessario confiteri possit, ab eoque beneficium absolutionis obtinere, quia sicuti censura, cujus penitens absolutionem petere in confessione sit oblitus, tollitur per generalem Superioris absolutionem, quæ communiter ante absolutionem à peccatis præmitti solet, sicuti ex communi docet Card. de Lugo disp. 16. de penit. sect. 15. ita etiam reservatio peccatorum, quæ penitens ex oblivione subicere clavis omisit, tollitur per formam consuetam, & absolutam, Ego te absolvo &c. Ita Navar. in man. cap. 26. n. 13. Henric. lib. 6. cap. 16. n. 5. Sà v. cas. ref. nu. 7. ConincK disp. 8. dub. 12. num. 98. Dian. par. 4. tract. 4. ref. 124. Card. de Lugo disp. 120. de penit. sect. 7.

Limitat hanc resolutionem Suar. disp. 31. de penit. sect. 4. n. 14. ut tunc procedat, quando penitens confitetur Superiori ob eum finem; ut etiam à reservatis absolvetur: secus si absque tali intentione: pro cuius difficultatis solutione ponitur sequens resolutio.

*An Pœnitens, qui bona fide confitetur Superiori, sed ex oblivione non petit expressè absolutionem à reservatis, remaneat ab illis absolutus.*

### RESOLUTIO LXVII

**A**D hoc dubium negativè respondet Suarez disp. 31. sect. 4. n. 14. sustinens pœnitentem, qui confitetur superiori sine expressa intentione obtinendi absolutionem reservatorum, non remanere à reservatis oblitis absolutum, eò quòd non ad sufficiens voluntatis manifestatio; nec superior censeatur absolvere secundum plenitudinem suæ potestatis.

Cæterum probabilior est opinio contraria, pœnitentem scilicet eo casu remanere directè absolutum à reservatis oblitis, etiamsi expressè ab illis absolutionem non petat. Et ratio est, quia licet pœnitens absolutionem reservatorum explicite non petat, censetur tamen, & præsumitur interpretative petere: atque idè ad superiorem accessisse, ut ab omnibus in quæ inciderit, peccatis, quantum fieri potest, absolvatur. Quare superior etiam censetur hic, & nunc si non explicitè, saltem implicitè velle pœnitentem liberare ab omnibus illis peccatis quibus ille obstringitur, & à quibus secundum plenitudinem suæ potestatis potest eum absolvere, proindequè saltem peccatorum obliorum reservationem auferre, ita ut pœnitens postmodum ea cuicumque approbato confiteri, ab eoquè absolvi valeat. Ita Sylue. v. confessio. 1. quæst. 4. Nauar. in cap. confideret. §. cautus de pœnit. dist. 5. n. 31. ConincK de Sacram. disp. 8. dub. 12. n. 25. Bassæus in florib. v. casus ref. n. 28. Henriq. lib. 6. c. 16. nu. 5. Joseph de Januar. de cas. ref. resol. 11. n. 2. Card. de Lugo disp. 20. de Sacram. pœnit. sect. 7. n. 83. & 116. Dian. par. 1. tract. 11. resol. 19.

Dicet. Si hæc doctrina procederet, frustraretur finis legis reservantis, qui est bonum commune, nimirum opportunum remedium præstare, proportionatamquè delicto pœnam, ac pœnitentiam imponere.

Resp. Quòd subditus non tenetur ad fi-

men legis, seu præcepit, sed tantum ad impletionem præcepti, sive entitatem præceptam, ut optimè probat Salas de legib. tract. 15. disp. 9. nu. 33. circa finem, Quòd autem superior sit instructus de tali delicto, & quòd subditò imponat proportionatam delicto pœnitentiam, hoc spectat ad finem legis reservantis, non ad impletionem ejusdem legis: Quod patet in ieiunante tempore præcepti, non ob frenandam carnem, sed ob avaritiam, vel aliam causam; Is enim præcepto satisfacit etsi finem præcepti non assequatur. Vide Card. de Lugo loc. cit. qui tamen rectè monet, consultius, securiusquè esse in tali casu, ut pœnitens confessionem faciens coram Superiore, expressè petat absolutionem à casibus, & censuris reservatis, si qua fortè obstrictus sit, sibi què memoriæ non occurrat.

*An per confessionem reservatorum inualidè coram Superiore factam, solatur reservatio.*

### RESOLUTIO LXVIII.

**R**esponsio communis Doctorum est affirmativa: Tum quia pœnitens ex eo quòd coram superiore comparavit, eiquè peccatum integrè apervit, ipseque superior convenientem medicinam, & satisfactionem imposuit, cæsetur suæ obligationi satisfecisse, quantum ad reservationem spectat: tum quia superior absolvens intendit absolvere, quantum potest: ergo censetur saltem reservationem tollere. Demum quia actus agentium si non valent eo modo, quo fiunt, valent eo modo quo fieri possunt: cum ergo illa absolutio non valeat quoad remissionem culpæ videtur saltem valere quo ad ablationem reservationis. Ita Sylue. v. confessio. 1. quæst. 19. Suarez. tom. 4. disp. 31. de pœnit. sect. 4. n. 9. Tamb. de jure Abbate tom. 2. disp. 13. quæst. 10. n. 6. Filliuc. tract. 7. cap. 10. n. 311. Bonac. disp. 5. de pœnit. quæst. 7. punct. 5. §. 5. n. 9. Dian. par. 1. tract. 11. resol. 18. Card. de Lugo disp. 20. de Sacram. pœnit. sect. 7. n. 106.

Quæ resolutio vera est, quamvis confessio fuerit. invalida culpabiliter, puta ex de-

ex defectu discussionis conscientiae , vel requisiti doloris , vel integritatis confessionis , aut etiam ex malitia ; dummodo penitens sufficienter peccatum reservatum in confessione aperuerit , superiorque absolutionis formam protulerit. Vide Card. de Lugo loc. cit.

Limitant nonnulli hanc doctrinam , ut non procedat , quoties confessio invalide facta est Confessario , habenti tantum facultatem delegatam ; Quod an verum sit , mox examinandum .

*An Penitens , qui invalide confessionem coram Confessario , habente tantum facultatem delegatam , adhuc liber manet à reservatione .*

## RESOLUTIO LXIX.

**N**egative respondent liqui apud Dianam par. 1. tract. 11. resol. 18. quibus adhæret Filliuc. tract. 7. cap. 10. n. 311. ubi asserit confessionem invalide factam delegato , qui non habet potestatem absolvendi à reservatis , nisi Sacramentaliter , nullam , & irritam existere etiam quoad ablationem reservationis : Sicquæ peccata adhuc reservationi obnoxia manere .

Sententia tamen opposita videtur satis probabilis , & tuta in praxi , imò indubitata , quando casus est tantum reservatus ratione adnexæ censuræ ; Quia excommunicatio potest tolli , licet invalida existat ratio Sacramenti . Et ratio est , tum quia non sunt unum , & idem absolutio ab onere reservationis , & absolutio sacramentalis , & prior , hoc est , ab onere reservationis , non dependet à posteriori , nimirum à validitate Sacramenti , quia penitens ex eo , quod comparuit coram Delegato , ipsique peccatum aperuit , debita recepta penitentia , censetur satisfecisse menti reservantis , & fini reservationis .

Accedit , quod ita sentiunt multi , & graves Doctores , quorum probabili opinionem possunt penitentes se conformare in praxi , eo vel maxime si superiores id sciant , & taceant . Ita Henric. l. 7. cap. 11.

Tabiena v. confessio 2. §. 16. ConincK disp. 8. dub. 12. n. 91. Bonac. disp. 5. de penit. q. 7. punct. 5. §. 5. num. 9. Mazuch. de cas. refer. disp. 1. qu. 3. diff. 23. numer. 90. Dian. par. 1. tract. 11. resol. 18. & par. 4. tr. 3. resol. 24.

*In facultate absolvendi à reservatis apposta est hæc clausula integra confessione audita : An dato , quod confessio defectu integritatis sit invalida , penitens liber maneat à reservatione .*

## RESOLUTIO LXX.

**R**esponsio est affirmativa : Et ratio est , quia clausula illa , integra confessione audita , censetur apposta , ut consulatur integritati confessionis , quæ sæpenumero absque juxta causâ dimidiatur . Nam Confessarii non pauci reperiuntur , qui penitentes à reservatis absolunt , remittendo eos ad inferiorem pro non reservatis . Ut igitur tollatur hujusmodi Confessariorum usus , seu potius abusus , addi solet illa clausula , ut sciant Confessarii , quoties à reservatis volunt absolvere , se teneri integram peccatorum confessionem audire . Ex quo tamen non licet inferre ad validitatem absolutionis quoad tollendam reservationem , necessariam esse integritatem confessionis ex parte penitentis , sed bene integritatem absolutionis ex parte Confessarii , cui cum facultas absolvendi à reservatis delegata sit cum essentiali conditione integram audiendi confessionem , non potest eam dimidiare . Quod verò illa clausula , integra confessione audita , importet conditionem essentialem , cum sit per ablatium absolutum apposta , docet Sanchez lib. 3. de matrim. disp. 5. num. 2. Suarez lib. 5. de legib. cap. 31. num. 9. Layman lib. 1. tract. 4. cap. 14. num. 7.

Sit igitur resolutio . Si penitens peccatum aliquod mortale in confessione scienter , & sine juxta causâ reticeat , licet tali confessio defectu integritatis sit invalida quoad rationem Sacramenti , ob malitiam penitentis , eris tamen valida quoad rationem reservationis ex parte Con-

Confessarii, qui directè intendit absolvere quantum potest, sicque penitentem liberare à reservatione. Ita Mazuch. de cas. refer. disp. 11. qu. 3. diff. 25. numer. 92. cui stipulatur amicissimus Dominus meus Antonius Guertinus, Cathedralis Basilicæ Bergomen. Canonicus, vir non minus morum integritate, quam universæ doctrinæ fulgore spectatissimus, hac de re Venetiis à me consultus.

*An Pœnitenti per se, vel per alium facultatem à Superiore petenti, ut possit à reservatis absolvi, teneatur Superior concedere.*

### RESOLUTIO LXXI.

**N**egativam sententiam sustinent absolute Navar. in cap. placuit de pœnit. dist. 6. num. 149. & 150. Victoria in Sum. Quorum ratio est, quia Judex alicujus causæ nulli injuriam facit, si per se velit judicium ferre, neque tenetur illud alteri committere, si ipse sit legitimus, & idoneus Judex: Atqui Superior in hac causa se habet, ut legitimus Judex: Ergo &c.

Contrarium docent Suarez disp. 30. de pœnit. sect. 4. num. 3. Reginal. lib. 8. num. 43. Coninck disput. 8. de Sacram. dub. 14. & alii. Horum fundamentum est, quia jurisdictio non est data Superiori propter auctoritatem, vel utilitatem ejus, sed propter bonum ipsius penitentis: Ergo quoties penitens non vult confiteri Superiori ob aliquam causam, vel etiam ob solam voluntatem, ortam ex intrinseca difficultate confessionis, tenetur Superior facultatem concedere.

Ceterum distinctio videtur adhibenda. Nam si difficultas ex erubescencia procedens probabiliter sit penitenti pro futura, tanquam frænium, quo à peccato retrahatur, vel si talis concessio futura sit occasio scandalii, vel recidivi, Superior non tenetur facultatem concedere. Si verò difficultas proveniat ab extrinseco, ut si penitens ex tali concessione merito grave damnum, vel nocumentum timeat sibi ab ipsomet Superiore infen-

rendum, vel aliàs Superior non sit idoneus ad ferendum judicium in tali causa, vel quia sit ignarus, aut improbus, tunc Superior tenetur ex justitia facultatem concedere: quia non potest justè cogere penitentem, ut gravis alicujus incommodi, seu nocumenti periculo se exponat. Ita Dian. par. 3. tract. 2. res. 126. Filiuc. tract. 7. c. 10. qu. 7. num. 291. Cor. de cas. refer. par. 1. sect. 1. art. 17. Bassæus v. cas. refer. num. 19.

Quid autem, si superior facultatem injustè denegat, sequens resolutio ostendet.

*Si Superior neget Pœnitentem à reservatis absolvere, aut alteri facultatem concedere, an possit Pœnitens ab inferiori Confessario absolvi.*

### RESOLUTIO LXXII.

**A**ffirmativè responderent Sylvest. v. confessio 1. qu. 6. Navar. in cap. placuit de pœnit. dist. 6. num. 144. Tolet. lib. 3. cap. 13. num. 11. & alii apud Fagundez præcep. 3. lib. 3. cap. 9. num. 17. Nam cum sustineant posse subditum confiteri Sacerdoti alieno, si proprius injustè neget eum absolvere, vel licentiam consentiendi alieno concedere; consequenter idem assererent de penitente, quem superior neque vellet à reservatis absolvere, neque alteri causam committere: eadem enim utrinque militat ratio, teste Diana par. 3. tract. 4. resolut. 79. Et ratio est, tum quia penitens eo casu censetur sufficienter superiori se præsentare: Tum quia sic jure petita licentia præsumitur jure concessa, defectusque Superioris negantis suppleri à Summo Pontifice, sive jure Ecclesiastico universali, ita ut saltem tollatur reservatio, & consequenter à quolibet Confessario possit absolvi.

Contraria tamen sententia est communis, & vera. Et ratio est, quia superior vel justè denegat penitentem absolvere, aut facultatem alteri committere, vel injustè: si justè, v.g. quia penitens non præsumitur rectè dispositus, vel quia recidivi occasione non vult deferere, aut debi-



debitam satisfactionem præstare, & tunc planum est reservationem non tolli. Si verò injustè, quia sine justa causa superior pœnitentem abolvere, vel facultatem alteri concedere negat, & tunc similiter reservatio non tollitur: quia nequitia superioris negantis pœnitenti absolutionem, vel facultatem, ut alteri confiteatur, non tribuit ei jus, ut ab alio possit absolui. Quamvis igitur superior malè agat, denegando, tamen denegatio illa vim, & firmitatem retinet: sicque adhuc durat reservatio, cum reservatio nihil aliud sit, quàm jurisdictionis negatio. Pœnitens igitur in hoc casu cogetur vel rursus requirere superiorem, vel adire alium Prælatum ampliori potestate præditum, vel si urgeret necessitas, inferiori Sacerdoti confiteri juxta supradicta resolutione 57. Ita Suarez disp. 3. de pœnit. sect. 4. num. 7. Præpositus de pœnit. quaest. 7. dub. 8. Layman lib. 5. tract. 6. cap. 13. nu. 3. vers. quinto Rodriq. tom. 1. reg. qq. q. 20. art. 30. Filliuc. tract. 7. c. 10. num. 310. Dian. par. 3. tract. 4. res. 79. Fagundez præcepto 3. lib. 3. cap. 6. num. 17. qui tamen primam sententiam probabilem putat in casu, quo superior semel, atque iterum requisitus injustè negaret pœnitentem à reservatis abolvere, aut alteri facultatem concedere.

*An lex reservans, Edicto Episcopali lata, mortuo Episcopo, expiret.*

## RESOLUTIO LXXIII.

**N**egativè respondet Præpositus in addit. ad 3. par. q. 9. de res. casuum dub. 16. quem citat, & sequitur Mazuch. de cas. res. disp. 1. qu. 3. diff. 29. num. 106. Horum ratio est, quia reservatio propriè non est pœna, sed negatio, seu limitatio jurisdictionis, quæ non censetur ampliari, neque restitui per mortem Episcopi, idque procedere ajunt, tam quando reservatio casuum inducta est à jure, seu per constitutiones Synodales, quæ durant post mortem Episcopi; quàm si lata sit ab homine, sive Edicto Episcopali.

Cæterùm hanc sententiam rescit communis, & vera opinio, teste Diana par.

4. tract. 4. resolut. 108. quoties reservatio Edicto Episcopali inducta est: Quia lex qualibet ab homine lata cessat, mortuo conditore: huiusmodi est lex reservans, Edicto Episcopali lata: Nam casus à jure non feruntur per Edictum, sed per statutum, seu constitutionem Synodalem, neque reservatur præcisè Episcopo reservanti, sed sedi Episcopali saltem implicite: At reservans casum de quo movetur difficultas, lata est per Edictum, & præcisè reservatio fit Episcopo, nulla facta mentione Sedis Episcopalis, seu Episcopi successoris, ut supponitur. Ergo assumit naturam legis ab homine, & consequenter expirat mortuo conditore, vel reservante, ita ut nulla casuum reservatio maneat in Diocesi, quoadusque super his per Capitulum, seu Vicarium Capitularem provideatur. Ita Graff de cas. res. lib. 1. cap. 4. n. 47. Hom. in commen. Exam. Eccles. tract. 5. qu. 41. Ugol. de offic. & potest. Epif. par. 2. cap. 40. nu. 1. Quantus in Enchir. Eif. ver. cas. res. nu. 16. Piascinius in praxi Epif. par. 2. cap. 1. art. 3. n. 21. Lupus de cas. res. par. 1. dist. 2. art. 1. diff. num. 3. & 4. Diana cit. par. 4. tract. 4. resolut. 108. Trullench. in Bull. Cruc. lib. 1. §. 7. c. 2. dub. 2. nam. 6. apud Diamam l. c. Quaranta Sum. Bullar. v. cas. reseru. post summarium.

Dixi, quoties reservatio casuum Edicto seu Decreto Episcopali inducta est: Nam quando casus reservantur per statutum Diocesenum, vel in constitutionibus Synodalibus reperiantur in forti, tunc reservatio casuum est à jure, & consequenter vim, & firmitatem retinet etiam post mortem Episcopi: Nam statuta, & constitutiones Synodales semper durant, donec à Successoribus revocentur, vel per contrarium usum legitime præscriptum abrogentur. Ita Ugollinus; Homob. & Graff. l. l. cc. Vide etiam Navar. in man. cap. 27. nu. 259. Quaranta loc. cit.

Dices. Reservatio est jurisdictionis negatio: sed hæc non restituitur per solam mortem Episcopi: Ergo &c.

Respondeo; reservationem casuum Edicto Episcopali latam, esse dispositionem

nem legis ab homine, ut probatum est, quæ suapte natura expirat per mortem Episcopi. Sicut ergo in proposito casu expirat dispositio legis reservantis; ita etiam expirat negatio jurisdictionis, & consequenter suapte natura ampliatur, & restituitur antea negata jurisdictio.

Aduerte tamen, quod si qui casus, vel jure communi, vel Conciliorum Provincialium essent Episcopo reservati, eorum reservatio non expiraret morte Episcopi: Ideoque Confessariis inferioribus integrum non esset, Episcopali sede vacante ab iisdem casibus absolvere.

*An quilibet Sacerdos etiam excommunicatus, suspensus, irregularis, degradatus, & hereticus in mortis articulo possit absolvere ab omnibus casibus, & censuris etiam Summo Pontifici reservatis.*

#### RESOLUTIO LXXIV.

**R**esponsio est affirmativa, & certissima quemlibet Sacerdotem, quacumque censura, vel culpa innodatum, posse in articulo mortis quoslibet pœnitentes, nullo excepto, ab omnibus casibus, & censuris reservatis per se, & directè absolvere, quando non patet aditus ad Superiorem, cui hujusmodi casus, & censuræ sunt reservatæ. Ita declaravit Conc. Trid. sess. 14. c. 7. & docent communiter D. D. Sæarez. disp. 26. de pœn. sect. 4. nu. 3. Sanchez lib. 2. moral. c. 13. Molina de just. disp. 63. n. 7. Layman lib. 3. tract. 6. c. 12. n. 13. Diana par. 4. res. 2345. Card. de Lugo disp. 18. de Sacrament. pœnit. sect. 2. quidquid in contrarium dicant Medina, & Covarr. de Sacerdote excommunicato, non tolerato. Ita Sot. Nav. & Ledesma de heret. Nami in tanta necessitate animarumq; discrimine, ne quid earum salutis deesset, Ecclesia voluit perpetua consuetudine Sacerdotibus plenissimam jurisdictionem concedere, sicuti doctè tradit Card. de Lugo cit. disp. 18. sect. 2. qui disp. 20. de pœn. sect. 10. n. 211. rectè notat in omni, & quacumque reservatione censeri semper exceptum mortis articulum: Ita, ut idem Summus Ponti-

fex si non invalidè, saltem illicitè possit reservare sibi casus pro tali articulo. Inferiores verò Prælati non solum illicitè, sed etiam invalidè, quia jurisdictione à Summo Pontifice, vel jure Ecclesiast. universali amplissimè Sacerdotibus data pro mortis articulo à Prælo inferiori nec auferri, nec limitari potest.

Rectè tamen aduertit Layman libr. 5. tract. 6. cap. 12. nu. 13. hominem in mortis articulo constitutum nullius culpæ argui posse, si hæretico Sacerdoti, tametsi nullum perversionis periculum timeat, tamen ob hæresim detestationem sacramentalem confiteri recuset: modò speret se de peccatis suis contritum esse.

Vtrum verò Sacerdos, simplex id prestatè possit, quamvis ad sit approbatus, controversit inter Doctores. Pro quo dubio sit sequens resolutio.

*An Sacerdos simplex possit in articulo mortis, etiam præsentè Parocho, vel alio Sacerdote approbato, à casibus, & censuris reservatis absolvere.*

#### RESOLUTIO LXXV.

**A**ffirmativam tenent Sylve. v. Confessor. 2. qu. 20. Finellius de cas. reser. c. 7. in fine Sayr. decis. 21. de pœnit. c. 11. n. 4. Sà v. absolutio n. 4. Rodriq. tom. 1. sum. c. 59. concl. 3. Barbof. de potest. Episc. par. 2. alleg. 25. n. 51. quos sequitur Dian. par. 4. tract. 4. resol. 161. Quorum fundamentum est, quia Concil. Trid. sess. 14. c. 7. sine ulla limitatione declarat, omnes Sacerdotes posse in articulo mortis ab omnibus peccatis, & censuris absolvere. Quod adeo verum arbitrantur, ut subdant, quemcumque Sacerdotem hanc potestatem habere, etiamsi excommunicatus, non toleratus, suspensus, interdictus, irregularis, imò hereticus, vel degradatus existat, eò quod verè sint Sacerdotes, & necessitas pœnitentis eos à peccato indignæ administrationis excusat, non obstante, quòd Parochus, vel alius approbatus Sacerdos sit præsens.

Cæterum communior, & longè probabilior est sententia, quæ sustinet, si Confessarius ordinarius, vel delegata jurisdictione-

atione præditus adsit, vel advocari possit, Sacerdotem simplicem, vel jurisdictione carentem absolvere non posse in mortis articulo constitutum. Et probatur tum ex responsione Greg. XIII. apud Molinam de iust. disp. 63. nu. 2. tum ex cap. Presb. 26. q. 6. sumpto ex Conc. Carthaginensi 3. can. 32. Presbyter, inconfulto Episcopo, non reconciliat penitentem, nisi, absente Episcopo, extrema necessitas cogat. Unde etiam ratio sumitur. Nam Sacerdos simplex potestatem habet absolvendi à quibuscumque peccatis in mortis articulo iure extraordinario, ob causam necessitatis: nimirum ne hac occasione (ut Triden. ait) aliquis pereat, puta, si absolutio denegetur. Ergo cessante necessitate, cessat hæc extraordinaria potestas per regulam, quam tradit Abbas in cap. Cum venerabilis, de consensu in fine: Cum aliquid conceditur propter necessitatem, durat consilio, quatenus urget necessitas.

Et cur, obsecro, Ecclesia permittet, ut morituris, qui maxime spirituali instructione, & auxilio indigent, non proprii Pastores, aut ab his commissionem habentes, sed quicumque etiam imperiti, non idonei neque approbati Sacerdotes Sacramentum penitentiae ministrant? Ita ex communi Couar. c. alma p. 1. §. 11. concl. 8. Zambr. c. 4. dub. 4. n. 3. & seq. Gutier. l. 2. can. 99. c. 29. n. 5. Valen. t. 4. disp. 7. q. 10. punct. 2. Mol. de iust. disp. 63. n. 2. Suar. t. 4. disp. 26. sect. 4. n. 4. Sanc. lib. 2. mor. c. 13. n. 7. Coninck de Sacr. disp. 8. dub. 11. n. 92. Layman l. 5. tract. 6. c. 12. n. 14. Fagund. præcep. 2. lib. 7. c. 1. n. 19. Card. de Lugo disp. 18. de pen. sect. 2. n. 24. Bon. de pen. disp. 5. q. 7. punct. 1. n. 10. & plures alij.

Non placet tamen, quod aliqui docent, Sacerdotem simplicem (dummodo non sit excommunicatus vitandus, de quo infra in prædicto casu non tantum illicitè, sed etiam inualide absolvere. Nam in casu probabilis opinionis, qualis est opposita, adhuc improbabilitatis non damnata, Ecclesiam supplere jurisdictionis defectum, docet ipsemet Sanc. lib. 3. de matrim. disp. 22. n. 65. & lib. 1. mor. c. 9. n. 35. Lessius lib. 2. c. 29. dub. 8. num. 68. & nos

pluries diximus in superioribus resolutionibus. Unde Sacerdos simplex in tali casu saltem validè absolvit.

*An in mortis articulo, si adsit commoditas adeundi Sacerdotem Superiorem, siue Prælatum, necessarium sit ad ipsum recurrere pro absolutione à casibus, & censuris ipsi reservatis.*

## RESOLUTIO LXXVI.

**R**esponsio est affirmativa, Superiori scilicet, ad quem iure ordinario à reservatis, & censuris spectat absolutio, adeundum esse, quoties ipse sit paratus ad audiendum penitentem in articulo mortis constitutum. Quia jurisdictionis in articulo mortis cuilibet Sacerdoti concessa absolvendi infirmum à casibus, & censuris reservatis, semper intelligitur si desit copia Superioris, cui iure ordinario reservetur absolutio. Quod clarè constat ex cap. eos qui de sent. excom. in 6. & Extrau. l. §. decernimus, ubi statuitur, quod nullus in articulo mortis possit absolvere à casibus, & censuris reservatis si facilis sit recursus ad Superiorem, ad quem de iure spectat absolutio. Ita Suar. de penit. disp. 30. sect. 3. n. 1. Sanchez lib. 2. moral. c. 13. num. 8. Layman lib. 5. cap. 6. c. 12. n. 14. Fagund. præcep. 2. lib. 7. c. 1. n. 19. Zambranus cap. 4. dub. 4. n. 13. Card. de Lugo disp. 18. de penit. sect. 2. nu. 24. Bonacina disp. 5. de penit. q. 7. punct. 1. num. 10.

Dixi quoties Superior sit paratus ad audiendum penitentem in articulo mortis constitutum, quia si constaret Superiorem, aut nolle, aut non posse infirmum audire, vel subesset dubium de opportunitate Superioris, Sacerdos simplex debere illum absolvere, ne salus spirituali infirmi periculo exponatur. Vide Sanchez, & Zambranium ll. cc.

*An Parochus, vel alius Confessarius inferior possit in articulo mortis constitutum à casibus, & censuris Papæ reservatis absolvere, si ad sit commoditas adeundi Episcopum .*

## RESOLUTIO LXXVII.

**N**egative respondent aliqui, ut Gordub. in summ. qu. 18. punct. 2. dicto. 1. Zambr. de cas. art. mortis c. 4. dub. 4. numer. 54. apud Layman lib. 1. tract. 5. par. 2. c. 6. nu. 5. afferentes eo casu recurrendum esse ad Episcopum, modò adsit opportunitas illum adeundi : Quia licet Episcopus jure ordinario non possit à casibus Papæ reservatis absolvere, tamen imminente mortis articulo, in quo Summus Pontifex non potest adiri, potestas Papæ devoluitur ad Episcopum: ideòque ad ipsum tali casu, si non jure ordinario, saltem jure devolutivo videtur spectare à casibus Papalibus absolutio, juxta regulam communiter receptam : Quòd casus Papalis, superveniente impedimento adeundi Papam, sit Episcopalis .

Oppositum docent Sylv. vers. absolutio 1. num. 8. Mol. de just. disp. 68. num. 2. Suar. tom. 4. disp. 30. sect. 3. num. 4. Laym. loc. cit. sustinentes Parocho, vel alteri Confessario inferiori integrum esse pœnitentem in articulo mortis existentem à casibus Papæ reservatis absolvere, neque opus esse ad Episcopum recurrere, etiamsi facilis ad ipsum pateat accessus : quia per legem reservantem à Summo Pontifice latam, nullum jus acquiritur Episcopo : In mortis autem articulo, ut ait Trid. sess. 14. c. 7. cessat omnis reservatio, quando deest copia reservantis. Unde in tali casu (ajunt) æqualem potestatem habent Episcopus, Parochus, & expositus Sacerdos, quoad casus, & censuras Papæ reservatas.

Verùm cum Sanchez, Card. de Lugo, Henricus Thom. Del Bene locis infra citandis, distinctio est adhibenda : Nam vel casus Papæ reservati sunt occulti, seu non famosi, vel sunt notorii, & famosi .

Si primùm hoc est, si sunt occulti, pro illorum absolutione in articulo mortis ad Episcopum necessariò est recurrendum, si opportunus ad ipsum sit accessus, nullique periculo salus spiritualis morituri exponatur. Et ratio est, quia casus Papæ reservati quando sunt occulti, spectant ad jurisdictionem ordinariam Episcopi, ut constat ex Trident. sess. 24. cap. 6.

Si verò hujusmodi casus sunt notorii, aut ad forum contentiosum deducti, tunc, pro illorum absolutione non est opus adire Episcopum, etiamsi commodus ad ipsum sit accessus : Quia non omnes casus Episcopo conceduntur, sed casus occulti hæresi excepta, & enormi percussione Clerici, ut constat ex cap. noscitur. Unde in articulo mortis circa casus notorios Papæ reservatos æqualem potestatem habent Episcopus, Parochus, & Confessarius simplex : Ideòque equaliter quilibet eorum potest pœnitentem in articulo mortis constitutum absolvere. Ita Sanch. lib. 2. moral. cap. 13. nu. 9. Card. de Lugo disp. 18. de pœnit. sect. 2. num. 33. Molin. de just. disp. 63. num. 3. Tho. Del Bene de Off. S. Inquis. p. 1. dub. 63. nu. 24.

Addo, pœnitentem in eodem articulo mortis neque teneri per procuratorem, seu per litteras ad Papam recurrere ; etiamsi posset, pro absolutione à casibus illi reservatis. Quia quando pœnitens non potest personaliter Superiorem adire, neque teneretur per procuratorem sed censetur legitime impeditus : Ideòque potest in articulo mortis ab inferiori Confessario absolui. Ita communiter Doctores apud Sanchez & Card. de Lugo ll. cc. contra Zambr. cit. dub. 4. num. 15. & Bonaci. de censur. disp. 1. q. 3. punct. 3. num. 5.

Ad rationem verò pro priori sententia, quòd scilicet casus Papales, superveniente impedimento, fiant Episcopales : Respondeo illam regulam locum non habere in articulo mortis, in quo parem potestatem habent Episcopus, Parochus, & expositus Sacerdos : Sed procedere tantùm, cùm moralis impossibilitas supervenit, quominus pœnitens Sum-

Summum Pontificem adire possit: Tunc enim absolvendi facultas per accidens devolvitur ad Episcopum: sicuti bene docet Layman lib. 5. tract. 6. cap. 12. nu. 15.

Excipe tamen ab hac doctrina, nisi in jure specialis commissio reperiatur facta Episcopis, ut in casu percussionis Clerici, juxta cap. si quis suadente, 17. & cap. noscitur, de sentent. excommun. Nam eo casu si ad Summum Pontificem non pateret recursus, absolutio ab excommunicationis censura speciali commissione spectaret ad Episcopum: sicuti docet Covarr. cap. alma par. 1. §. 11. num. 8. Suarez de censur. disp. 22. sect. 1. num. 92. Sanchez cit. cap. 13. num. 9. Quod statutum ad alios casus non est extendendum.

Ex supradictis inferitur, quod sicut Episcopus in articulo mortis non est preferendus Parocho, quoad casus, & censuras Papæ reservatas, ita nec Parochus Confessario simplici, quia in tali casu sunt pares; sicut etiam pares sunt Sacerdos simplex, & qui in aliena Digressi Parochus, vel approbatus, quia respectu illius pœnitentis uterque est approbatus tantum pro articulo mortis: Unde uterque possunt, nullo servato ordine, pœnitentem absolvere. Ita Suarez disp. 26. de pœnit. sect. 4. n. 4. Sanch. cit. c. 13. nu. 9. Card. de Lugo disp. 18. de pœnit. sect. 2. n. 37.

Utrum autem idem statuendum de Sacerdote excommunicato, & non excommunicato, difficultas mox resolvetur.

*An Sacerdos excommunicatus in articulo mortis possit ad casibus, & censuris reservatis absolvere, si adsit Sacerdos simplex & non expositus.*

## RESOLUTIO LXXVIII.

**A**Nte responsionem præmittenda est distinctio: Nam vel Sacerdos est excommunicatus denunciatus, ideòque non toleratus, sed vitandus, vel est excommunicatus, non denuncia-

Pars I.

tus, ideòque toleratus, & non vitandus.

Respondeo igitur, si Sacerdos sit excommunicatus denunciatus, & non toleratus, eum neque licitè, neque validè in articulo mortis absolvere, si adsit, vel facilè advocari possit Sacerdos toleratus, etiam simplex, & non expositus; Quia Sacerdos non toleratus omni omnino jurisdictione in pœnitentiæ foro privatus existit, excepto extremæ necessitatis casu, quæ necessitas cum cesset in tali casu, eò quod adsit, vel facilè advocari possit Sacerdos jurisdictione præditus: Idcirco neque licitè, neque validè absolvit: constat ex cap. ad probandum de re judic. & cap. de supplen. Prælat. neglig. in 6. & docet Navar. in man. cap. 27. num. 36. Suarez disp. 26. de pœnit. sect. 4. num. 4. Sanchez lib. 2. mor. c. 13. num. 7. Laym. lib. 5. tract. 6. cap. 12. num. 14. vers. Porro Bonac. de cens. disp. 2. qu. 2. punct. 5. Avila p. 2. disp. 6. cap. 6. dub. 6.

Si verò Sacerdos sit excommunicatus non denunciatus, sed toleratus, etsi non licitè, tamen validè absolvit: quia eo ipso, quod est toleratus, retinet jurisdictionis usum, omniaque ejus acta sunt valida, alioquin non bene consultum esset salutis animarum, & multa scandala, & incommoda sequerentur, si acta per excommunicatum toleratum non essent valida. Quamvis igitur Sacerdos toleratus graviter peccet, sine urgente necessitate se ingerens in actibus jurisdictionis, cum Concilium Constantiense nullum excommunicatis favorem præstare intendat, gesta tamen ejus sunt valida: & consequenter absolutio in proposito casu ab excommunicato tolerato collata erit valida. Ita ConincK de Sac. disp. 8. dub. 10. num. 89. Filliuc. lib. 12. n. 144. Tolet. lib. 1. c. 13. num. 7. Layman cit. num. 14. Bonac. loc. cit. num. 3. Nav. cit. c. 27. num. 21. Finellius de cas. reser. c. 8. num. 4.

F

An

*An absolutus in articulo mortis à censuris reservatis teneatur, cessante impedimento, comparere coram Superiore cui absolutio erat reservata.*

## RESOLUTIO LXXIX.

**N**Egat Marchantius in tribunal. to. 1. tract. 2. titul. 4. qu. 7. concl. 7. apud Basiliam v. excomm. 5. num. 7. contendens, tunc solum onus comparendi coram superiore imponendum esse pœnitenti, quando censuræ, à quibus in mortis articulo per simplicem Confessarium fuit absolutus, ad forum contentiosum erant deductæ, idque tum ratione obedientiæ, quæ ob contumaciam superiori exhibenda est in exteriori foro: Tum ob satisfactionem, si quæ fortè parti læsæ præstanda sit, & in hoc sensu docet, intelligendum esse cap. eos, qui de sent. excomm. in sexto cui Marchantii sententiæ adhæret Claudius Millardus apud Dian. par. 5. tract. 14. resolut. 59. & probabilem putat Coelestinus apud Basiliam ll. cc. quando censura non est notoria, vel ad forum contentiosum deducta, sed omnino occulta, vel duobus tantum, aut tribus innotescit. Vide etiam Josephum de Januario de cas. refer. resolut. 13. numer. 89. & 12. qui novissimè hanc eandem sententiam conatus est defendere.

Verùm quidquid sit de hac nova sententia, cujus iudicium aliis relinquo, resolutio est affirmativa, communis, & certa: nempe absolutum in mortis articulo à censuris tam occultis, quam notoriis, aut ad forum contentiosum deductis, per Confessarium, qui aliàs non poterat absolvere si convalescat, remanere obstrictum onere se præsentandi illi superiori, qui iure ordinario poterat illum absolvere: non ut iterum absolvatur, cum verè fuerit absolutus, sed ut mandatum ejus recipiat, seque obedientem ostendat ad recipiendam debitam medicinam, convenientemque satisfactionem præstendam, si superior ipse majorem censuerit imponendam. Ita decernitur in cit. cap. eos, qui de sent. excomm. cujus optimus

interpretatus, & praxis Ecclesiæ est, & sustinet communis hucusque Doctorum opinio. Navar. in man. cap. 27. num. 44. Suar. de cens. disp. 22. sect. 1. num. 62. & de penit. disp. 30. sect. 3. num. 6. Henricus lib. 6. cap. 6. num. 6. Avila de cens. par. 2. c. 7. disp. 3. dub. 4. Sanchez lib. 2. moral. c. 13. num. 32. Layman lib. 5. tr. 6. c. 12. n. 15. Bonac. de cens. disp. 1. qu. 3. punct. 3. n. 11. Franc. Leo in thes. for. Eccles. par. 3. cap. 38. nu. 163.

Addo, quòd Confessarius eo casu non potest pœnitentem censura etiam occulta, sed reservata innodatum, absolvere, nisi prius ab eo juramentum exigat se præsentandi, cessante impedimento coram superiore, à quo de jure absolvendus erat, sub reincidentis pœna. Vide infra resolut. 90. ubi fusiùs hæc materia expenditur.

Advertit tamen Sanch. & Layman ll. cc. posse pœnitentem eximi ab hac obligatione comparendi coram superiore, cui jure ordinario absolutio à tali censura reservata est, si adeat Confessarium habentem facultatem delegatam absolvere ab illa censura extra mortis articulum, absolutionem obtineat, absque onere se præsentandi superiori; Nam prior absolutio non obstat, quominus pœnitens possit novam absolutionem absolutam obtinere, quod etiam docet Henricus lib. 6. c. 10. n. 5. litt. G.

*Intra quod temporis spatium absolutus in articulo mortis à censuris reservatis teneatur, cessante impedimento, Superiori se præsentare, ne in eandem censuram reincidat.*

## RESOLUTIO LXXX.

**R**espondent aliqui, ut Card. de Lugo disp. 15. de Euchar. sect. 7. absolutum in articulo mortis ab excommunicatione reservata cum obligatione se præsentandi Superiori, cum primum commodè potest, non reincidere, si intra triduum datæ commoditatis se præsentet. Unde consequenter asserere videtur, si ultra triduum, cessante legitimo impedimento, se præsentare inter-

mit-

mittat, illicò in eamdem excommunicationem incidere, juxta cap. eos, qui desent. excom. in text.

Ceterùm hæc tridui limitatio nimis stricta, duraque videtur, præsertim in hac materia, ubi ad reincidendum in censuram, juxta communioem Doctorum sententiam, requiritur nova, eaque mortalis culpa, & contumacia. Quare magis placet sententia, quæ docet absolutum in articulo mortis à censura reservata cum onere præsentationis, obligari ad se præsentandum quàm primum commodè potest, modico aliquo tempore concessio, post cessationem impedimenti, ad hoc, ut possit sibi consulere de necessariis. Quod modicum tempus præscribendum est prudentis arbitrio, habita ratione temporis, loci, personæ, aliarumque circumstantiarum. Unde probabiliter dici potest quoties abest negligentia, & fraus, novaque mortalis culpa, & contumacia (etiãsi longius triduo protrahatur præsentatio) nunquam habere locum reincidentię penam: Quia hæc reincidentia est nova contractio censure, quæ prærequirit novum fundamentum, quod est culpa, eaque mortalis secundum omnium Doctorum consensum. Sayr. in thes. to. 1. lib. 3. cap. 28. in fine. Sanchez lib. 2. moral. c. 13. n. 28. Bonac. de censur. disput. 1. quæst. 3. punct. 3. num. 16. Henriquez lib. 13. cap. 28. num. 2. ConincK disp. 14. dub. 16. nu. 216. Et ita in contingentia facti Brixie ego tenui, meumque judicium probavit Reverendissim. Dominus meus Carolus Antonius Lucius Curie Episcopali Brixienf. General. Vicarius, Præful nobilitate Generis, integritate vitæ, ac dignitatum insignibus præclarus, omniumque virtutum, ac doctrinarum prærogativa decoratus.

*An non tantum in articulo mortis, sed etiam in probabili mortis periculo possit quilibet Sacerdos à casibus, & censuris reservatis absolvere.*

## RESOLUTIO LXXXI.

**N**egative respondet Sotus in 4. dist. 18. quæst. 4. artic. 4. cui subscribit Valentia tom. 4. disp. 7. quæst. 10. punct. 2. Graff. par. 1. lib. 1. cap. 23. num. 84. & adheret Hurtadus apud Dianam par. 3. tr. 4. de Sacram. resolut. 71. quia valde differt articulus mortis à periculo mortis: Nam articulus mortis tunc adesse dicitur, cum mors est ita proxima, ut videatur inevitabilis, & moraliter certa, & quasi instare ultimus vitæ spiritus; Periculum verò, cum in tali casu mors hominibus solet frequenter accidere. Unde dispositum de uno non censetur dispositum etiam de altero. Proinde cum jura expressè loquantur de vero mortis articulo, ea non videntur extendenda ad simplex mortis periculum.

Difficultas tamen resolvitur in contrarium, videlicet per mortis articulum, quo omnes Sacerdotes ex Ecclesiæ concessione absolvere possunt, non esse intelligendum quasi ultimum vitæ spiritum, sed quodvis etiam probabile mortis periculum: & consequenter privilegium cuicumque Sacerdoti concessum absolventi ab omnibus casibus, & censuris reservatis penitentem in articulo mortis constitutum, extendi etiam ad eum, qui in propinquo, & probabili mortis periculo versatur: Ideoque sicut in mortis articulo potest quilibet Sacerdos absolvere ab omnibus casibus, & censuris reservatis, sic etiam in probabili mortis periculo. Ita Suarez disp. 26. de pœnit. sect. 4. num. 3. Vafqu. de pœnit. qu. 93. art. 1. dub. 5. num. 2. Molina de justitia disp. 93. num. 6. Sanch. lib. 2. moral. cap. 13. num. 7. Navar. in man. cap. 29. nu. 31. Reginal. lib. 9. num. 10. Sayr. lib. 2. thes. cap. 20. num. 28. Finell. de cas. refer. cap. 8. num. 8. Sancius in select. disp. 22. num. 5. Bonac. de pœnit. disp. 5. q. 7. punct. 1. nu. 10.

Layman lib. 5. tract. 6. cap. 12. n. 13. Dian. loc. cit. Card. de Lugo disp. 18. de pœnit. sect. 2. num. 20. qui doctissime probat articulum mortis, & periculum mortis pro eodem accipi à Romanis Pontificibus, & sacris canonibus, necnon à plerisque Doctõribus, tam Theologis, quàm jurisperitis : Et jure meritò. Nam cum Confessarii plerique morborum inextincti sint, nesciantque distinguere articulum à periculo mortis, ferè semper in dubio versarentur, num infirmum, tamquam in articulo mortis constitutum, absolvere sibi liceret: sique sæpius infirmus damnationis periculo exponeretur.

Addo ex Sancio cit. disput. 22. num. 5. quem sequitur Bassæus v. absolutio num. 31. absolutionem à casibus, & censuris reservatis impendi posse à prima die lethalis ægritudinis, v.g. doloris laterum pleuritidis, &c. Quam sententiam sic extensam cum Venetiis in Congregatione Doctõrum virorum ego sustinuissem, eam tamquam veritati magis consonam probavit, & in praxim deduci posse resolvit, illi Congregat. præsidens Jo: Baptista Faber, Collegiatæ D. Lucæ ejusdem inclytæ Urbis Plebanus, vir spectata integritate, ac in utraque Theologia præstantissimus, cujus præclaras prærogativas depredicant doctissimæ ejus tùm editæ, tùm edendæ lucubrationes.

Tandem postquàm hæc scripseram, inveni hæc eandem resolutionem novissimè sustineri à Tho. Del Bene de Offic. S. Inquisit. par. 1. dubit. 50. num. 3. ubi etiam rectè notat, articulum mortis reputari etiam quoad effectum absolutionis à censuris, & casibus reservatis, si timeatur perpetua, vel diuturna amentia superventura, licet mors non timeatur. Quod etiam docet Sanchez lib. 2. moral. c. 13. num. 2.

Dixi supra, si pœnitens in proximo, & probabili mortis periculo existat, eo quod mors regulariter in tali casu contingere soleat. Secus si periculum non sit in mora: ideoque possit interim occurrere copia Confessarii, facultate absolvendi præditi: Quia tunc si cessat necessitas utendi privilegio, sic etiam pri-

vilegii concessio. Ita Sanchez loc. cit. n. 3. Suar. cit. Zambran. de cas. art. mort. præclud. 1. num. 7.

*Quinam censendi sint in probabili mortis periculo constituti, ita ut possint per quemcumque Sacerdotem à casibus, & censuris reservatis absolvi.*

## RESOLUTIO LXXXII.

**R**Esp. Multi numerantur à Doctõribus, ut videre licet apud Dian. par. 3. tract. 4. resol. 72. Layman lib. 5. tract. 9. c. 12. num. 13. Bassæum in florib. v. absolutio num. 31. Tho. Del Bene de Offic. S. Inquisit. par. 1. dubit. 50. n. 3. In quorum numerum venit.

Primo sœmina partui proxima, quæ nondum alias peperit, vel si peperit, experta est se parere cum difficultate, & periculo. Inò nonnulli ut Gamb. de cas. refer. cap. 2. fol. mihi 32. Belloch. de cas. refer. par. 1. quæst. 1. num. 129. hanc concessionem extendunt ad omnes sœminas partui proximas, & jam doloribus partus correptas: Quia partus suapte natura vitæ periculum involuit. Sanchez lib. 2. moral. c. 13. num. 4. Graff. par. 1. decis. aur. lib. 1. c. 11. num. 7.

Secundo, qui suscepturi sunt periculosam navigationem, vel iter prædonibus vitam eripientibus, aut inimicorum insidiis expositum. Molin. disp. 63. num. 5. Sanch. cit. cap. 13. num. 1. Tho. Del Bene loc. cit.

Tertiò milites in bello, si propinqui sunt confligendi, vel hostes aggressuri. Bassæus v. absolutio num. 31. Thom. Del Bene citat. Idem dicitur de obfessis, qui, ne de proximo injustè expugnentur, non longè depugnant. Mazuchel. de cas. reserv. disp. 1. quæst. 3. dist. 34. n. 125.

Quartò banniti, qui ubique impunè possunt occidi. Ideoque ubique, semperque in probabili mortis periculo versantur. Quod procedit dummodo saluum conductum non habeant. Naldus v. absolutio à censuris nu. 5. Bassæus v. absolutio num. 41.

Quintò lethaliter vulnerati, si periculo-



culum sit in mora, eò quòd tale vulnus celerem soleat adferre mortem. Sanchez cit. num. 1. Sextò peste infecti, qui morbus suapte natura dirus, & virulentus subito, & præter opinionem talis lue correptos enecare solet, teste Chapeau. de modo minist. Sacramen. tempore pestis cap. 1. qu. 1. §. 8. quem citat, & sequitur Layman lib. 7. tract. 6. cap. 12. n. 13.

Septimò, qui apoplezia, pleuritide, dolore laterum, aut alio gravi morbo laborant, ex quo brevi putantur è vita decessuri. Suarez disp. 26. de penit. sect. 1. n. 2. Sancius in select. disp. 22. n. 5. Tho. Del Bene cit. n. 3.

Octavò numerantur illi, quibuscumque superventura perpetua, vel diuturna amentia, licet mors non timeatur. Nam amittens usum rationis absque solutione ita est in periculo mortis, & damnationis constitutus, ac si absque absolutione moreretur. Sanchez citat. lib. 2. moral. cap. 13. num. 2. Thom. Del Bene cit.

Nonò veniunt qui ita senio sunt confecti, ut mors ipsis imminere videatur, quamvis fortè lecto non decumbant. Suarez loc. cit. Sanchez loc. cit.

Decimò denique numerantur illi, qui omnes, qui casibus, & censuris reservatis innodati probabiliter timent, se ante mortem Confessarii copiam non habituros, nisi tunc Confessario simplici confiteantur: Nam tunc necessitatem habent utendi sibi concessio privilegio. Sanchez cit. c. 13. n. 36. Thom. Del Bene loc. cit. n. 4. & dubit. 51. n. 4.

Omnes igitur supradicti cum censeantur in proximo, & probabili mortis periculo constituti, possunt per quemcumque Confessarium ab omnibus casibus, & censuris reservatis absolvi, de quo videri possunt præter DD. citatos Navarr. in man. cap. 26. num. 31. Sayrus lib. 2. thesaur. cap. 20. num. 28. Molina de iustitia disp. 93. num. 5. Avila de cens. par. 5. disp. 4. sect. 1. dub. 5. Sanchez lib. 2. moral. cap. 13. num. 7. Layman lib. 5. tract. 6. cap. 12. num. 13. Qui addit contra Sanchez loc. cit. prædictam doctrinam locum habere in secundo, & tertio enumera-

Pars I.

to casu, etiam si quis nulla necessitate coactus, sed propria sponte tale periculum adeat, v. g. pugnam cum hostibus in bello iusto, ut maris navigationem suscipiat, idque non solum postquam periculo se exposuit, sed etiam antequam in tale discrimen se coniciat: Nam imurroque casu delinquens tùm iure divino positivo, tùm naturali charitatis erga seipsum tenetur confiteri. Que ratio est, cur Ecclesia in mortis periculo omnibus Sacerdotibus absolvendi potestatem tribuat. Quam resolutionem tuetur etiam Gregorius in suo compend. theol. mor. tract. 1. cap. 13. qu. 1. Thom. del Bene loc. cit. num. 7.

*An ab omnibus omnino censuris possit simplex Sacerdos in articulo, seu periculo mortis Penitentem absolvere.*

## RESOLUTIO LXXXIII.

**A**ffirmat Ugolinus de censur. tab. 1. cap. 4. §. 1. num. 2. cui subscribit Mazuchellus de cas. refer. disp. 1. quest. 3. diff. 35. num. 135. & adheret Caspensis to. 2. tract. 25. disp. 2. sect. 13. num. 139. apud Bassam v. excommunicatio §. num. 7. vers. Adverte secundò: asserentes quemlibet sacerdotem posse in tali casu absolvere ab omnibus censuris non solum excommunicationis, vel interdicti personalis; sed etiam suspensionis, ab ordine officio, & beneficio, imò ab irregularitate. Quorum ratio est quia Concil. Trident. sess. 14. cap. 7. absolute ait, à quibusvis peccatis, & censuris: quæ verba cum sint generalia, & universalia, nec ullam exceptionem faciant, inde est, ut omnes comprehendant: Nam ubi lex non distinguit, nec nos distinguere debemus.

Ceterum communior, & probabilior est sententia contraria, nempe censuras, à quibus quilibet Sacerdos potest in articulo mortis absolvere, tantum eas esse, quæ Sacramentorum suspensionem, & Ecclesiasticam sepulturam impediunt, cuiusmodi sunt excommunicatio, personale interdictum, suspensio

F 3

fiò à receptione Sacramentorum , & ecclesiastica sepultura , non autem suspensio ab ordine , officio , vel beneficio , & multò minùs irregularitas : Quia licet Concil. Trident. expressis verbis nullam limitationem faciat ; at ratio ab ipso Concilio allata , videlicet , ne hac occasione aliquis pereat , apertè hanc limitationem designat . Et propterea dari potest resolutio , quòd jurisdictio simplici Sacerdoti concessa , ut possit in articulo mortis absolvere , se extendat tantum ad eas censuras , quæ Sacramentis ab ægro recipiendis , & Ecclesiasticæ sepulturæ obstant , non autem ad dispensandum super votis , vel irregularitatibus , aut juramentis : Si quidem ea , cum non sint peccata , aditum ad Cælum non impediunt , neque salutis viam præcludunt . Ita Sanchez lib. 2. moral. cap. 13. num. 12. Layman lib. 5. tr. 6. cap. 12. num. 13. Zambrianus cap. 4. dub. 4. num. 17. Finellius de cas. res. cap. 8. num. 14. Bassæus v. excomm. 5. num. 7. versic. adverte secundò . Card. de Lugo disp. 20. de pœnit. sect. 10. num. 203. & alii passim .

*An simplex Sacerdos aliquando possit extra confessionem à censuris absolvere in articulo mortis constitutus .*

#### RESOLUTIO LXXXIV.

**R**esponsio est affirmativa , innodatum scilicet aliqua censura , si mortis sit proximus , & ob phrenesim confiteri , vel signa doloris ostendere non valeat , posse nihilominus à tali censura per simplicem Sacerdotem absolvi ad effectum , ut in loco sacro sepeliri possit . Quia licet Concil. Trident. sess. 14. cap. 7. videatur cuicumque Sacerdoti concessisse facultatem absolvendì à censuris , eò quòd absolutio à censuris sæpè numero sit necessaria ad absolutionem à peccatis , eum censuris innodatus ex præcepto Ecclesiæ non possit accedere ad Sacramentum pœnitentiæ , antequàm à censuris absolvatur . Tamen cum absolute , & sine dependentia à Sacramento pœnitentiæ eam concesserit , inde est , ut cuilibet

Sacerdoti integrum sit in casu proposito moriturum à censuris absolvere , etiam si à peccatis , ob carentiam rationis , & defectum debiti doloris , eum absolvere non possit : Nam censura etsi culpam supponat , in se tamen culpa non est , sed pœna , & ut pœna ex natura sua non potest tolli in sacramentali confessione . Ita Navar. in man. cap. 27. num. 272. Sanchez lib. 2. moral. cap. 13. nu. 12. Suar. de cens. disp. 7. sect. 6. num. 7. Joseph de Januar. de cas. res. res. 13. num. 4. Mazuch. disp. 1. q. 3. diff. 36. num. 136. qui addit , absolutionem à censuris in tali casu amenti prodesse ad recipiendum extremæ unctionis Sacramentum ; Quando verò id verum sit , eum ipse non explicet , hic à nobis est exponendum .

*An homini phrenetico , eo ipso , quòd in articulo mortis per simplicem Sacerdotem à censuris extra Sacramentum Pœnitentiæ fuit absolutus , administrari debeat extrema unctio .*

#### RESOLUTIO LXXXV.

**I**ta videtur sentire Ugol. de cens. res. par. 3. cap. 2. §. 2. num. 2. Cui adhæret Mazuch. disp. 1. q. 3. diff. 36. num. 136. in fine qui docent , absolutionem in proposito casu impendi posse à censuris , etiam si absolutio à peccatis conferri non possit , eamque amenti prodesse ad recipiendum alia Sacramenta , ut extremam unctionem ad hoc , ut in loco sacro sepeliri possit .

Cœterum mihi distinctio videtur adhibenda : Nam vel publice ignoratur hominem illum , antequàm in phrenesim inciderit , mortaliter peccasse , aut in excommunicationem incidisse ; vel notorium est , eum mortali culpa , aut excommunicationis censura innodatum esse . Si primum , fateor homini phrenetico extremam unctionem , imò etiam sanctam Eucharistiam , si in raro casu capax videretur , administrandam esse , præmissa ad cautelam absolutione à censuris : Et in hoc casu intelligenda est Ugolini , & Mazuchelli sententia : Quia phreneticus in articulo mortis ordinariè

ita

ita se habet, ac si publicè Sacramenta exeuntium peteret: Peccatoria autem occulto publicè petenti, Sacramenta ministrari debent, cum Sacerdos tanquam ex officio administrans publicam personam gerat, ideòque secundum publicam, non privatam noticiam procedere debeat: Quod maxime verum est, si aliòquin ex negatione subesset scandalum, vel infamiae periculum. Ita docent Sot. in 4. dist. 12. quest. 1. art. 6. Zambr. cap. 5. dub. 2. num. 8. Suar. tom. 4. disp. 41. sect. 1. num. 10. Layman lib. 5. tract. 6. cap. 4. num. 4.

Si verò notorium sit, hominem, antequàm in amentiam inciderit, in statu peccati mortalis, aut in excommunicatione exitisse, tunc extrema unctio ipsi danda non est: quia semel malus semper præsumitur malus, nisi constet de emendatione, quæ eo casu demonstrari debet, non præsumi. Quare si certum sit, moriturum peccato mortali, vel excommunicatione obstrictum fuisse, nisi postea iudicium aliquod appareat mutatae voluntatis, præsumitur in eodem statu permanere: & consequenter inungi non debet, nihil suffragante absolutione à censuris extra Sacramentum collata. Ita Sylv. v. *unctio* q. 5. Tolet. lib. 7. cap. 3. Zambr. cit. dub. 2. num. 5. Suar. & Laym. li. cc.

Adverte tamen pro praxi, quòd si in utroque casu supra relato aliquibus conjecturis, vel saltem unius hominis testimonio probetur, moriturum, antequàm in amentiam incideret, aliqua pietatis, vel poenitentiae signa ostendisse, ut si ad Ecclesiam venerit, vel domi oraverit, aut post commissum peccatum à Deo veniam petere consuevisset, ideòque probabiliter præsumatur fuisse attritus, etsi modò confiteri, vel dolorem ostendere non possit; quia phreneticus est, poterit ei administrans extremam Unionem, (præmissa absolutione à censuris) & sepulturam Ecclesiasticam conferre: Tùm quia hoc Sacramentum in eum etiam finem specialiter à Christo institutum est, ut tollat, si quæ reliqua manserunt peccata, pro quibus aliud remedium non suppetit: Tùm quia in dubio inclinandum

est in favorem animæ. Ita Suar. cit. disp. 41. sect. 1. num. 19. & disp. 42. sect. 2. in fine Coninck de Sacram. disp. 19. n. 19. & 20. Laym. cit. lib. 5. tract. 8. cap. 5. nu. 2. Chapeau. de modo ministr. Sacram. tempore pestis cap. 1. q. 1. v. *sexid*. Henricu. lib. 3. cap. 10. num. 2. Dian. par. 5. tract. 6. resol. 11.

*An Clericus, deficiente Sacerdote, & Laicus, deficiente Clerico, possit in articulo mortis à censuris absolvere.*

## RESOLUTIO LXXXVI.

**A**ffirmant non pauci, neque infimæ notæ Doctores, ut Abb. in capit. à nobis 2. de sent. Excomm. Sylv. verb. absolut. 1. num. 8. Armill. lib. nu. 39. Avila de cens. par. 2. c. 7. disp. 1. dub. 3. Ledesma tom. 1. de excomm. cap. 8. dub. 4. Sanch. in selest. disp. 44. num. 7. Valer. verb. absolut. diff. 13. & alii apud Sanch. lib. 2. mor. c. 13. num. 13. asserentes, absolutionem sic collatam valere, idque in usum deducere, nihil obesse, sed potius prodesse tam ad sepeliendum defunctum in loco sacro, quàm ut publica Ecclesiae suffragia ei applicentur. Plerique tamen monent, expediens esse, ut absolutus eo casu à non Sacerdote post mortem iterum absolvetur ab eo, vel de facultate illius, cui excommunicatio erat reservata: ut si fortè absolutio à Clerico, vel laico fuisset invalidè collata, suppleatur defectus, saltem quoad publicas preces, & suffragia, ut ea scilicet excommunicato applicata prodesse possint. Vide Sanchez cit. num. 13.

Verum opposita sententia est omninò certa, & sustinenda, neminem scilicet qui non sit Sacerdos, posse etiam in articulo mortis à censuris absolvere; Tùm quia finis, ob quem facultas absolvendi à censuris in articulo mortis conceditur, est, ut moriturus absolutionem à peccatis, & reliqua exeuntium Sacramenta recipere possit. Atqui nemo, qui non sit Sacerdos, potest constitutum in articulo mortis à peccatis absolvere, aut Euchariam, vel extremam Unionem mini-

**Arare :** Ergo neque absolutionem à censuris impendere: Tùm quia, etsi Ecclesia hujusmodi facultatem cuicumque Clerico, imò etiam cuicumque laico, etiam excommunicato, & hæretico committere possit, sicuti ex communi docent Sayr. de cens. lib. 1. c. 5. Filliuc. tract. 11. c. 10. q. 5. tamen de facto nunquam commisit: Id enim nullo jure, vel consuetudine Ecclesiæ ostendit potest.

His addendum, quod ad majorem censuræ estimationem pertinet, ut nullus, nisi charactere Sacerdotali decoratus, absque speciali privilegio, censuræ vinculo innodatum valeat absolvere, eò vel maxime, quod raro accidit, ut Sacerdos desit, qui excommunicatum absolvat. Quòd si etiam aliquando aliter contingat poterit moriturus per contritionis actum peccatorum veniam obtinere, post mortem verò per Sacerdotem à censuris absolvi, ad effectum saltem, ut possit in loco sacro sepeliri, suffragiorumque Ecclesiæ capax effici. Ita Navar. in man. c. 26. n. 26. & c. 27. nu. 272. Sot. dist. 18. qu. 4. art. 4. Covarr. in cap. alma p. 1. §. 11. n. 9. Suar. de cens. disp. 7. sect. 7. n. 3. & 6. Sanchez. cit. lib. 2. mor. cap. 13. num. 13. ConincK disp. 14. dub. 16. n. 236. Filliuc. cit. q. 5. Bonac. de cens. disp. 1. q. 3. punct. 3. n. 1.

Neque obstat exemplum, quod Gloss. in cap. Pastoralis §. præterea de offic. ordin. refert ex S. Augustino: quòd cùm fidelis quidam, qui ex numero pœnitentium erat simul cum infidelibus navi veheretur, accidit, ut unus illorum à penitente baptismum peteret, quo ipsi collato, vicissim penitens à nuper baptizato reconciliationem petiit, & obtinuit.

Resp. enim ex D. Ambrosio de vera, & falsa pœnit. cap. Quem penitens dist. 1. de pœnit. reconciliationem illam non fuisse veram absolutionem à censuris, & multò minus à peccatis, sed fuisse deprecatoriam orationem hominis, qui jam membrum Ecclesiæ per baptismum erat effectus; ut scilicet Deus, qui intuetur cor, penitenti etiam sine ministerio sacerdotis reconciliationem tribueret.

*Sacerdos simplex jam cepit audire Pœnitentem in proximo mortis periculo constitutum, si interim superveniat Parochus, vel approbatus, an teneatur illi cedere locum.*

## RESOLUTIO LXXXVII.

**R**esponsio est negativa, nempe Sacerdotem simplicem non teneri ab incepto desistere, sed posse inchoatam confessionem perficere, penitentique in articulo mortis constituto, absolutionem impendere. Et ratio est, quia jurisdictionis delegata non cessat per supervenientem casum, si res non sit integra, sed jam executioni mandata, quamvis non absoluta, ut patet ex cap. relatum de offic. delegat. Quæ regula licet loquatur de jurisdictione in foro interno, habet tamen locum etiam in foro externo, sicut ex communi testatur Sanchez. lib. 2. moral. cap. 13. num. 15. Atqui hoc ipsum accidit in proposito casu: Nam Sacerdos simplex legitime jam cepit uti jurisdictione in articulo mortis sibi concessa: Ideoque res amplius non est integra, sed executioni mandata, quamvis non absoluta: Ergo per Parochi, vel approbati adventum non censetur cessare, & consequenter poterit acceptam confessionem perficere.

Accedit quòd si contrarium sustineretur, id cederet in gravissimum onus ægrotantis, si supervenienti Parocho, vel approbato teneretur rursus confiteri. Ita Sanchez loc. cit. Zambran. cap. 4. dubio 5. num. 4. Cardin. de Lugo disp. 18. de pœnit. sect. 2. num. 33. Henriquez lib. 6. de pœnitent. cap. 11. num. 8. Tho. Del Bene de Offic. sanctæ Inquis. p. 1. dubit. 34. n. 1.

Et hæc resolutio procedit, etiam si penitens casibus reservatis esset obstrictus, adhuc enim, superveniente superiore, vel Confessario habente privilegium absolvendi à reservatis, non teneretur ab incepto jurisdictionis actu desistere: militat enim eadem ratio. Vide Suarez de pœnit. disp. 30. sect. 3. num. 5. & Henric. cit. lib. 6. cap. 10. num. 1. contra Tho.

Tho. Del Bene loc. cit. num. 7. qui pro se citat Navar. & Vasquez. Quid autem, si æger censura reservata innodatus existeret, mox dicam.

*Sacerdos simplex, sive expositus jam cœpit audire Pœnitentem censura reservata innodatum, in articulo mortis constitutum: Interim ante absolutionem supervenit Superior, vel habens facultatem absolvendi à censuris: Vtrum pergere possit, Pœnitentemque à tali censura absolvere.*

## RESOLUTIO LXXXVIII.

**A**ffirmativè respondet Bossius in suis discept. moral. discept. 2. dub. 8. n. 80. quem citat, & sequitur Mazuchellus disput. 1. quæst. 3. differ. 41. num. 165. Quorum ratio est, quia facultas absolvendi à peccatis non cessat per adventum legitimi Confessarii, ut præcedenti dubio resolutum fuit: Ergo nec facultas absolvendi à censura, cujus relaxatio præcedere debet absolutionem à peccatis.

Verùm rationi magis consona videtur opinio contraria, quæ docet in tali casu prius pœnitentem absolvendum esse per superiorem à censura, antequàm per simplicem Sacerdotem absolvatur à peccatis. Et ratio est, quia inferior, si absolvat à censuris reservatis constitutum in articulo mortis, tenetur illi imponere, ut quàm primum commodè potest, legitimo Superiori se præsentet: Ergo si ante absolutionem superveniat superior, & pœnitens commodè possit se illi præsentare, Superiorque paratus sit eum absolvere, prius per ipsum à censura absolvendus erit, eò vel maxime, quòd id in gravamen pœnitentis non cedit, quippe qui eo casu non cogitur rursus confessionem peccatorum instituere, sed tantùm relaxationem censuræ à superiore petere, qua obtenta, poterit deinde à peccatis per Sacerdotem, cui cœperat confiteri, absolutionem recipere. Ita Sanchez lib. 2. mo-

ral. cap. 13. numer. 15. Henriquez lib. 6. cap. 11. num. 8. Card. de Lugo disp. 18. de pœnit. sect. 2. nu. 33. Bonac. de censur. disp. 1. q. 3. punct. 3. num. 3. Tho. Del Bene dubit. 64. n. 5. & 6.

Addo ex Sanchez, Bonacin. Del Bene ll. cc. Quòd, si nolit superior absolutionem à censura ægroto impendere, nisi, cœpta intermissa, aliam cum ipso confessionem peccatorum instituat, is illi parere non tenetur: Quia sicuti eo casu in Sacerdote inferiori per adventum superioris non cessat absolvendi à peccatis sibi concessa facultas, ut præcedenti quæstione resolutum fuit, ita neque in pœnitente extremè ægrotante, sibi concessum privilegium perficiendi apud eundem Sacerdotem peccatorum confessionem cessare debet.

Illud verò certum esse debet, si Superior, vel habens privilegium absolvendi à censuris superveniat, nondum ab ægroto inchoata confessione apud simplicem, vel expositum Sacerdotem, quòd is nullo modo possit pœnitentem audire, cum cesset necessitas illum audiendi, & consequenter etiam jurisdictio absolvendi. Quod à fortiori ex data resolutione deducitur.

Utrum autem idem statuendum, si casibus reservatis pœnitens sit obstrictus, patet ex supradictis resolutione 76. & mox dicendis.

*An Confessarius simplex, præsentè Superiore, vel facultatem absolvendi à reservatis habente, possit Pœnitentem casibus reservatis obstrictum, in articulo mortis constitutum, absolvere.*

## RESOLUTIO LXXXIX.

**A**ffirmativam sustinet Henriquez lib. 6. de pœnit. capit. 10. numer. 1. Sà v. absolutio. num. 3. quibus subscribit Dian. p. 4. tract. 4. resol. 161. Quorum ratio est, quia Concil. Trident. sess. 14. c. 7. absque ulla limitatione dicit in articulo mortis nullam esse reservationem: Ergo

Ergo liberum erit cuicumque exposito Confessario in tali casu pœnitentem absolvere : Tùm quia facultas Confessarii inferioribus concessa absolvendi à reservatis extra articulum mortis est veluti privilegium quoddam (ajunt isti ) quo pœnitens non tenetur uti : Ergo si pœnitens non cogitur privilegiato confiteri , nec inferior impeditur , quin possit eo casu pœnitentem à reservatis absolvere .

Hista men non obstantibus , difficultas resolvitur in contrarium , nempe Superiorem , vel privilegio munitum in proposito casu præferendum esse Confessario simplici ; proindeque iis præsentibus , vel si facile advocari possint , inferiorem à reservatis absolvere non posse . Rationem supra assignavi resolutione 75. quia potestas absolvendi à quibuscumque peccatis in articulo mortis Sacerdoti simplici , vel exposito conceditur tantum jure extraordinario ratione necessitatis , quæ necessitas cessare censetur , quoties adsit , vel facile advocari possit Confessarius , qui jure ordinario , vel ex privilegio à reservatis absolvere valeat . Siquidem medio privilegio , cessat necessitatis articulus , quo cessante , cessat etiam extraordinaria illa potestas , & consequenter non potest pœnitens à reservatis per simplicem Confessarium absolvi .

Præterea sicut Sacerdoti simplici præferri debet in articulo mortis Sacerdos expositus , seu jurisdictione præditus , ut resolutum fuit supra cit. dubio 75. ita Sacerdoti inferiori , vel exposito in eodem articulo præferendus est Superior , vel ab ipso delegatus , quodam peccata Episcopo reservata ; ita ut nedum si illi sint præsentibus , sed etiam si facile advocari possint , aut licentia à superiore obtineri queat , inferiori absolvere non liceat , sicuti resolutum fuit supra dubio 76. Neque hoc est uti privilegio , sed pœnitentem teneri reservata confiteri illi , qui potest à reservatis absolvere , nisi secus exigat necessitas , quæ cessat in casu nostro . Ita Navar. in man. cap. 26. num. 26. dub. 4. Sanchez lib. 2. moral. cap. 13. n. 7. & 11. Layman lib. 5. tract. 6. cap. 12. n.

14. Vasquez de pœnit. quæst. 3. art. 1. dub. 4. num. 18. Card. de Lugo disp. 28. de pœnit. sect. 2. num. 34. Suarez de fide disp. 21. sect. 4. num. 24. & disp. 30. de pœnit. sect. 3. num. 1. ubi ita loquitur . *Quamvis enim Trident. Concil. dixerit in articulo mortis nullam esse reservationem , id tamen intelligendum esse in absentia reservantis : quia aliàs nulla est vera necessitas , ob quam alii Sacerdotes censeantur jurisdictionem consequi , quæ illis , per se loquendo , ablata fuerat .* Ex quo patet gravissimum hunc Doctorem non bene citari pro sententia contraria à Mazuchello disp. 1. q. 3. differ. 40. num. 147.

Hanc tamen resolutionem intellige , nisi alia sit consuetudo Diœcesis , ut videlicet omnes expositi Sacerdotes ab omnibus casibus reservatis in articulo mortis absolvant sine recurſu ad Episcopum : Qualis consuetudo facile introduci potest in Diœcesibus amplis , in quibus Episcopus multum distat . Enim verò , tametsi hæc fuerit ratio introducendæ consuetudinis , postea tamen , sciente , & non reclamante Episcopo , extendi ea potuit , ut tametsi Episcopus incivitate existat ; non requiratur ejus licentia ad absolvendos morituros à casibus reservatis . Et ita obtinere usum (cujus memoria non extat ) hujus Patriarcalis Ecclesiæ Venetiarum , testis omni exceptione major fuit mihi Doctissimus Dominus meus Jo: Baptista Faber , Collegiatæ D. Lucæ ejusdem Inclytæ Urbis Plebanus , in Officina Pallad is verè egregius Faber , qui universæ sapientiæ decora sibi fabricavit . Vide etiam Layman loco citato .

*Quid præstare debeat Confessarius simplex , antequàm Pœnitentem absolvas , censuris reservatis obstrictum , in articulo mortis constitutum .*

## RESOLUTIO XC.

**I**N absolutione à censuris reservatis in articulo mortis tres condiciones regulariter sunt servandæ . Prima est , ut pœ-

pœnitenti imponatur obligatio comparandi coram superiore, cui reservata erat absolutio à tali censura. Secunda, ut satisfaciatur læsæ parti. Tertia, ut præstet juramentum de obediendo mandatis Ecclesiæ. Ita decernitur in cap. *eos*, qui *deserunt. excommun. in 6.* & docent Doctores communiter Abb. *ibid.* num. 25. Sanchez, Coninck, Bonacin. infra citandi.

Confessarius igitur in primis antequàm pœnitentem censura reservata innotatum absoluat, ab eo extorquere debet, si fieri potest, juramentum, quod scilicet sublato impedimento non perpetuo se præsentabit coram Superiore; à quo jure ordinario à tali censura absolvendus erat. Insuper monendus ab ipso est, quod si cum primùm commodè poterit, superioriorem adire contempserit, in eandem censuram ipso jure reincidet. Quod maximè procedit in absolutione in mortis articulo à censura in Bulla Cœnæ contenta. Quod juramentum ab ipsis etiam mulieribus est exigendum, teste Sylvest. v. *absolutio* 3. §. 3.

Finis autem hujus præsentationis non est, ut iterùm pœnitens absolvatur à superiore, quia verè, & plenè jam fuit absolutus, uti constat ex cap. *non dubium de sententia excommun.* Neque est, ut satisfaciatur parti læsæ, quia forsitan nulla pars est, cui satisfactio sit exhibenda, ut contingere potest in casu hæresis occultæ; Sed finis est, ut superiori, cui censura illa reservata, se subiectum ostendat, videatque, an salutarem pœnitentiam Confessarius delegatus imposuerit, sufficientemque medicinam applicuerit, isque majorem, si sic expediens judicaverit, imponat. Ita Suarez de pœnitentia disput. 30. sect. 1. num. 6. Sanchez lib. 2. moral. c. 13. num. 27. Franc. Leo in thesaur. fori Eccl. par. 3. cap. 38. numer. 163. Bonacina de censuris disput. 1. quest. 3. punct. 3. num. 13. Coninck de censuris disputat. 14. dub. 16. num. 241. Barbosa in collect. tomo 2. libro 5. art. 39. cap. 11. numer. 5.

Hinc clarè deducitur, non liberari ab hoc onere comparandi pœnitentem, quamvis parti læsæ jam satisfecerit, aut

eum ea se composuerit. Siquidem satisfactio partis læsæ non est finis adæquatus hujus præsentationis. Aliàs exigendum non esset juramentum in censuris reservatis, ubi nulla satisfactio partis intervenit. Sicuti rectè docent Covarr. cap. *alma* 1. §. 11. num. 13. Sanchez loco citato num. 18. Bonacina loco citato num. 12. Suarez cit. disput. 30. sect. 2. contra Navar. Avilam, Henriquez, Gambar. qui minùs rectè putant, pœnitentem liberum esse ab hoc juramento præstando, quoties parti læsæ jam satisfecerit, & similiter ab onere comparandi, quoties post præstitum juramentum satisfactionem exhibuerit.

Addo ex Sanchez, Suarez, Bonacina locis citatis, absolutum in hoc casu non esse cogendum, ut necessariò recurrat ad summum Pontificem reservantem, sed sufficere si adeat Episcopum, vel Inquisitorem in casu hæresis, vel alium, qui ex privilegio, aut jubileo absolventi facultatem habeat, ab eoque rursus absolvatur. Quia prior absolutio à simplici Confessario in articulo mortis obtemperant non impedit, quin pœnitens novam absolutionem absolutam recipiat ab eo, qui illam absolute impedire potest: quod etiam supra dixi Resolut. 79.

Secunda conditio est, ut si pœnitens teneatur satisfactionem pecuniariam parti læsæ præstare, Confessarius eum non absolvat, nisi debita satisfactione præmissa. Quod si ea tunc commodè fieri non possit; debet pœnitens præstare cautionem pignoratitiam; quia pignus stat loco solutionis. Si non potest dare pignus præstare debet cautionem fidejussoriam: Si verò hæc sit difficilis, eò quod non inveniatur, vel periculum subsit, ne delictum publicetur, præstanda est cautio juratoria. Ita decernitur in supra relato capite *eos*, qui *deserunt. excommun. in 6.* & docent Abb Sanchez, Leo, Bonac. Coninck loco supra cit. quibus subscribit Basszus in floribus v. *excomm.* 5. num. 7. versic. *adverte primò.* Qui cautionis ordo servandus est saltem in delictis Bullæ Cœnæ, & similibus: In aliis verò sufficere promissionem satisfaciendi, docet Thom. Del Bene de Offic.

Offici sanctę Inquis. par. 1. dubit. 66. sect. 2. num. 4.

Quod si debitum non sit pecuniarium, sed honoris, vel doctrinę, tunc non tenetur pœnitens pręstare cautionem pignoratitiam, vel fidejussoriam; sed sufficit, si juramento spondeat se restitutum, cum primũ poterit, læsum honorem, vel deceptum ad sanam doctrinam reducturum. Suarez de cens. disput. 21. sect. 3. numer. 1. Sanchez lib. 2. moral. cap. 13. num. 23. Thom. Del Bene cit.

Tertia conditio est, ut pœnitens ager ante absolutionem à reservata censura præstet juramentum de obediendo mandatis Ecclesię.

Sed queres, ad quid obligetur pœnitens hoc juramenti vinculo, de obediendo mandatis Ecclesię?

Resp. Obligatur, obedire mandatis ejus Confessarii, à quo absolvitur: quia cum absolvens nomine Ecclesię absolutionem impendat, præstare juramentum obediendi Confessarii mandatis, idem est ac præstare juramentum obediendi mandatis Ecclesię, teste Sanchez cit. cap. 13. num. 20.

Ceterum Confessarius sub hujusmodi juramenti vinculo nihil aliud pœnitenti mandare potest, quàm abstinentiam in posterum ab eo crimine, ob quod in excommunicationem incidit. Quare jurat pœnitens se non commissurum iterum tale crimen, posito, quod Confessarius sic ipsi mandaverit. cap. de cetero, de sentent. excommunic. & passim tradunt Doctores, quos citat, & sequitur Suarez de censuris disp. 19. sect. 2. num. 10. Sanchez loc. cit. num. 17.

Advertat tamen prudens Confessarius, quod juramentum hujusmodi non est exigendum in omnibus excommunicationibus reservatis, sed solum in excommunicationibus graviorum criminum, qualia sunt, quę in Bulla Cręnę continentur: item crimen incendiariorum, notoria Clerici percussio, & similia, sicuti constat ex citato capite de cetero: ubi hoc juramentum exposculatur. Vide Suarez, Sanchez, Bonacina locis citatis.

Dixi, in excommunicatione graviorum criminum, quia in absolutione à delictis reservatis tantum, quibus non est adnexa censura, nullum est imponendum comparandi onus.

Neque ignorare debet Sacerdos absolvens, juramentum etiam de comparando coram Reservante exigendum esse ab absolvendo, sit sit capax, secus si incapax, eo quod sensibus sit destitutus, vel defectu etatis, qua ratione ab impubere delinquente, non exigitur tale juramentum: Quia non præsumitur eo rationis usu pollere, ut juramentum hujusmodi pro dignitate possit præstare. Sayrus de cens. to. 1. lib. 2. cap. 18. nu. 3. Sanchez cit. cap. 13. n. 26. Bonac. de censur. disp. 1. q. 3. punct. 3. num. 11.

Idem servandum est cum eo, qui detinetur impedimento, non ad tempus, sed perpetuo: huic enim obligatio comparandi non est imponenda, cum sit impossibilis, nullus autem obligatur ad impossibile. Sanchez loco cit. nu. 30. Suarez de censuris disp. 22. sect. 1. Bonacina loco citato.

Quid autem, si Confessarius in absolutione à censuris reservatis supradictas tres conditiones omitteret, in sequenti expendetur.

*Confessarius simplex ex oblivione, ignorantia, vel malitia Pœnitentem in articulo mortis à censuris reservatis absolvit, intermissis conditionibus, jure præscriptis: Vtrum absolutio hujusmodi valida sit censenda.*

## RESOLUTIO XCI.

**C**ommunis responsio est affirmativa, nimirum si Confessarius, quando dari potest cautio tum satisfaciendi læsæ parti, tum se præsentandi coram Reservante, eam per oblivionem, vel per ignorantiam, aut per malitiam petere intermitteat absolutionem; tamen eo casu impensam validam, & firmam existere. Ita Suarez de censuris disp. 21. sect. 3. nu. 1. Sanchez lib. 2. moral. cap. 13. num. 34. & 35. Ubi addit idem precedere etiam in excommunicationibus Bullę Cręnę, imò



imò & in absolutione extra articulum mortis, si adsit facultas absolvendi. Unde quamvis ejusmodi absolutio sit illicita, cum secundum formam juris solitam illæ cautiones, ac conditiones requirantur; quia tamen dispositio juris non inducit conditionem, irritantem actum aliter factum: idcirco (ait Sanchez) valida, & firma censeri debet, nisi aliter aliquando exprimitur. Ita præter citatos Doctores Henriquez libro sexto de pœnitentia, capite vigesimo. Bassæus in floribus v. casus reservatus, numero trigesimo primo in fine.

Non displicet tamen distinctio, quam adhibent graves Doctores, quibus novissime subscribit Thomas Del Bene de Officio Sanctæ Inquisitionis parte prima, dubitatione sexagesima sexta, sectione secunda, numero sexto: quod absolutio absque ulla cautione, potissimum verò non satisfacta parte, ab eo data, qui facultatem ordinariam habet absolvendi à tali censura, non licita quidem (utpotè contra juris ordinem, ac dispositionem collata) valida tamen sit existimanda. Absolutio verò ab eo collata, qui potestatem tantum habet delegatam, ut in casu proposito, nec licita, nec valida sit reputanda, quoties constitutus in eo articulo nulla excusetur impotentia.

*An absolutus in articulo mortis à censura reservata per inferiorem Confessarium sine onere comparendi coram legitimo Superiore, teneatur adhuc, sublato impedimento, se præsentare sub eadem reincidentie pœna.*

## RESOLUTIO XCII

**A**ffirmativè respondet Vasquez de excommunicatione libro decimo octavo numero quarto. Henriquez libro sexto de pœnitentia, capite decimo, numero decimoquinto: quibus subscribit Mazuchellus de cas. reserv. disput. 1. q. 3. diff. 54. numer. 178. asserentes pœnitentem in proposito casu remanere obligatum ad se præsentandum, & si non

se præsentet, cum primùm commodè potest, in eandem censuram reincidere. Et rationem assignant, quia obligatio hæc comparandi non à Confessarii voluntate, sed à dispositione juris Ecclesiastici dependet: Ergo ex oblivione, vel malitia Confessarii cessare non debet.

Sed hæc ratio non vincit: Quia respondere quis posset, quòd jus eam obligationem non imponit, nisi quatenus Confessarius, medio exacto juramento, imponit. Alias supervacaneum esset juramentum exigere, si illo secluso, adhuc obligatio comparandi confurgeret. Quapropter rectius alii censent, non ex vi juramenti, sed ex jure, seu statuto Ecclesiastico eam obligationem provenire. Quod satis colligunt ex textu in cap. eos, qui de sentent. excommun. ubi nulla fit mentio de postulatione juramenti, sed tantum præcipitur presentatio. Ita Tho. Del Bene de Offic. S. Inquis. par. 1. dubit. 67. n. 4.

Cæterùm quidquid sit de hac comparandi obligatione, quoad reincidentie pœnam ex præceptæ presentationis omissione, distinctio videtur adhibenda. Nam vel pœnitens laborat ignorantia invincibili, quia ipse nescit, nec ab aliquo monitus est, ex eo scilicet, quòd in articulo mortis absolutus fuit ab eo, à quo de jure alias absolvi non poterat, se teneri ad comparandum coram legitimo Superiore, & tunc quandiu durat ignorantia, tandiu excusatur à reincidentia. Quia ad hanc reincidentiam prærequiritur novum contumaciæ peccatum, sicuti docent Covarr. & Sayrus infra citandi. Qui autem ignorat non potest dici contumax: Ergo si hanc præsentationem absque sua culpa, & contumacia intermittat, vel differat, reipsa in censuram non reincidet. Ita desumitur ex cap. veniens 2. de rescriptis & cap. Apostolicæ de exceptio, & docent Covarr. in cap. alma par. 1. §. 11. num. 6. Sayrus de censur. lib. 1. cap. 16. num. 8. Gyptius de cas. refer. cap. 1. num. 71. Avila par. 2. cap. 7. disp. 3. dub. 14. Layman lib. 1. tract. 5. par. 1. c. 7. num. 4.

Si verò pœnitens obligationem se pre-

præsentandi sub pœna reincidentiz non ignoret, vel de tali onere, postquam convuluit monitus fuit, ideoque culpabiliter, ac contumaciter intermittat, vel differat se præsentare, tunc profectò in eamdem censuram reincidet: Nam oblivio, ignorantia, vel malitia Confessarii, aut urgens mortis periculum non eximunt penitentem ab onere præsentationis, & consequenter nec à reincidentiz pœna, non comparenti imposita. Ita præter citatos Doctores, Sanchez lib. 2. mor. cap. 13. num. 35. Henriq. lib. 13. cap. 20. num. 2. lit. V. Bass. v. *censura* num. 24.

Dixi in eamdem censuram, non numero: quia eadem numero redire non potest cum effectus semel corruptus naturaliter reviviscere non possit; sed est eadem specie, quia æque ac prior ex juris dispositione est reservata. Vide Navarr. in manuali cap. 27. num. 177. Suarez de *censur.* disput. 21. sect. 1. num. 62. Sanchez loco citato numer. 28. Ubi notat, quod tripliciter quis absolvi potest à censura. Primò absolute, nullo imposito onere satisfaciendi, vel superiori se præsentandi. Secundò imposito onere se præsentandi superiori sub pœna alicujus censuræ similis præteritæ. Quæ absolute dicitur ad reincidentiam quia ille reincidit in excommunicationem similem præteritæ, si cum commodè possit, se præsentare intermittat. Nunquam tamen in hanc similem censuram quis reincidit sine nova lethali culpa, novaque contumacia, sicuti supradictum est. Tertiò quis absolvi potest à censura non perfecte, sed imperfectè, nempe ad aliquem effectum, v. gr. ad testandi Beneficium obtinendum, quæ propriè non est absolutio, sed suspensio alicujus effectus censuræ. Quæ suspensio effectus, manente censura, solum fieri potest à Summo Pontifice, teste Suarez, & Sanchez locis citatis.

Quid autem si penitens haberet impedimentum perpetuum, sequens resolutio statuet.

*Confessarius à Penitente impedimentum perpetuum habente, antequàm à censuris reservatis eum absolvat ex ignorantia juramentum se præsentandi legitimo Superiori extorquet. Queritur, an teneatur se præsentare.*

## RESOLUTIO XCIII.

**R**esolutio difficultatis est negativa, quia sicut ex dispositione juris Ecclesiastici onus comparendi coram legitimo Superiore non est imponendum penitenti à censuris reservatis in necessitate absoluto, quando laborat impedimento perpetuo, ita nec illi, qui à simili censura absolvitur, in articulo mortis constitutus, si perpetuo similiter impedimento detineatur. Effet enim obligare ad impossibile. Quòd si Confessarius à laborante perpetuo impedimento per ignorantiam juramentum de comparendo extorqueat, nullam obligationem inducet. Nam juramentum sortitur naturam actus, cui adijciitur, estque in hoc casu accessorium ad dispositionem juris Ecclesiastici de se præsentando. Atqui lex Ecclesiastica in tali casu non obligat perpetuum impedimentum habentem: Ergo nec extortum juramentum: Et proinde non tenetur ad se præsentandum.

Confirmatur, quia penitens in proposito casu ad illud tantum onus juramenti vinculo intendit se obstringere, ad quod intendit Confessarius rursus Confessarius ad illud tantum onus censetur velle penitentem obstringere, ad quod jus Ecclesiasticum falsò putavit obligare: Ergo si jus in tali casu ad se præsentandum non obliget, neque Confessarius obligabit: cum obligatio Confessarii dependeat ab obligatione juris: sicque penitens non manebit obligatus. Ita Suarez de *censur.* disp. 22. sect. 1. num. 83. Sanchez lib. 2. moral. cap. 13. num. 30. qui addit id verum esse, etiamsi penitens perpetuo impedimento laborans, illo miraculosè postmodum liberaretur: Nam adhuc non teneretur coram superiore comparere: quia non firmatur tractu temporis, quòd

de jure ab initio nullum fuit, ut habet *regula juris*: Atqui obligatio se præsentandi tempore absolutionis ob impedimentum perpetuum nulla fuit: Ergo non firmabitur, etiamsi postea miraculosè liberetur. Vide etiam Bonac. de cens. disp. 1. q. 3. punct. 3. num. 11.

*An absolutus ab excommunicatione reservata cum onere se præsentandi, satisfaciatur huic obligationi, si per procuratorem, vel per litteras se præsentet.*

## RESOLUTIO XCIV.

**N**egativam sententiam tenent Nav. in man. cap. 27. num. 90. Sayrusto. 1. thesau. lib. 2. cap. 16. num. 3. & alii, asserentes, penitentem in articulo mortis, si premente necessitate, à censuris reservatis absolutum cum onere comparendi, ad personalem præsentationem semper obligari.

Nihilominus in affirmativam partem resolvitur difficultas, videlicet penitentem in proposito casu, obligatum ad se præsentandum coram Superiore, satisfacere suæ obligationi, si per procuratorem, vel etiam per litteras se præsentet: Quia quod per procuratorem facimus, per nos ipsos facere dicimur *ex tex. in cap. Episcopus dist. 18*. Ideoque penitens verè dicitur comparere. Ita Cajet. v. *excomm.* c. 60. Sylv. v. *excomm.* 8. §. 8. q. 7. Henricus. lib. 13. c. 29. num. 3. Sanch. lib. 2. moral. c. 13. n. 33.

Ab hac resolutione tamen excipi debet casus excommunicationis ob enormem, vel etiam gravem Clerici percussionem, à qua absolutus in articulo mortis cum onere comparendi tenetur, cessante impedimento, personaliter Romam petere ob peculiarem hujus delicti gravitatem, in odiumque, ac penam delinquentis: sicuti constat *ex cap. Quod de his, desens. excomm.* Quæ tamen juris dispositio non est extendenda ad alios casus, sicuti resolvit Sanch. loc. supra cit Bonacin. de cens. disp. 1. qu. 3. punct. 3. num. 5.

Imò etiam in casu percussionis Clerici, percussorem non teneri ad personalem præsentationem, sed posse, si justa causa intercedat, per procuratorem se præsentare, docet idem Sanch. cit. nu. 33. Quænam autem justa causa cenferi debeat, vide infra resol. 98.

Addit Layman lib. 1. tract. 6. cap. 8. §. 6. num. 22. in casu gravis, seu enormis percussionis Clerici posse etiam adiri Summi Pontificis legatum, ab eoque absolutionem à censura canonis obtineri. Pro qua additione fit sequens resolutio.

*An Sedis Apostolicæ Legatis competat potestas absolvendi à censura canonis omnes Clerici percussores.*

## RESOLUTIO XCV.

**A**n te responsionem præmittendum est, quòd triplex est sedis Apostolicæ Legatus: Unus à latere, siue S.R.E. Cardinalis, cui equiparandus est ille, qui, etsi à latere, siue Cardinalis non sit, cum potestate tamen Legati à latere missus est.

Alius est Legatus non à latere, sed missus cum ordinario officio Legati, siue Nuntii Apostolici ad aliquam provinciam, vel etiam ad Reges, & Principes.

Alius denique dicitur Legatus natus, cui ratione particularis Ecclesiæ, nomen munus, & dignitas Apostolici Legati perpetuò competit, de quibus sit mentio in *cap. 1. de offic. Legati*, & agit Franc. Leo in *thes. fori Eccl.* p. 1. c. 2. n. 25.

Respondet igitur primò. Legatus Sedis Apostolicæ à latere multis præfulget privilegiis: inter quæ numeratur, quòd à die discessus ab Urbe usque ad diem redditus sui absolvere potest omnes Clericorum percussores, tam eos, qui de provincia sunt, quàm qui aliunde accedunt, sicuti docet Abb. in *cap. Excomm.* c. nu. 2. Sylv. v. *deleg.* q. 11. Laym. lib. 1. tr. 4. cap. 7. §. 5. n. 22.

Respondet secundò. Legatus non à latere, à Summo Pontifice ad provinciam, vel ad Reges, aut Principes missus Nun-

Nuntius Apostolicus, absolvere potest, dum in Provincia, Regno, Dominio moratur, à censura canonis omnes provinciales, ac subditos illis Regibus, & Principibus, ad quos est missus: Unde Legatus, sive Nuntius Apostolicus ad Serenissimam Venetam Rempub. hic Venetiis residens, ex privilegio à Summo Pontifice sibi concessio, potest absolvere à censura canonis omnes Clericorum percussores Serenissimo huic Dominio subiectos, sicuti habetur in cit. cap. *Excommunicatis*, & docet Abb. in cit. c. pit. numer. 1. usque, & praxis confirmat.

Respondeo tertio. Legatus natus potest itidem ab eadem censura canonis absolvere sibi subditos, vel etiam alios, juxta restrictionem, vel amplitudinem privilegii Apostolici muneri, ac dignitati suæ adnexi. Abbas loco citato.

*An Pœnitenti, quando in articulo mortis à censuris Papæ reservatis virtute alicujus Bullæ, vel Jubilei absolvitur, sit injungendum se præsentandi onus.*

### RESOLUTIO XCVI.

**R**espondeo negativè, nempe absoluto in tali casu à censuris reservatis virtute Bullæ Jubilei, aut alterius privilegii, absolutionem ab illis censuris concedentis, non esse imponendum onus se præsentandi: Quia privilegium Bullæ, sicut, & Jubileum hunc dant favorem, aliàs nihil darent. Proinde pœnitens, si postmodum convalescat, non tenetur, cessante omni impedimento, se Summo Pontifici præsentare. Ita Suar. de pœnit. disp. 30. sect. 1. n. 6. Sanchez lib. 2. moral. cap. 13. n. 31. Bassani v. *excommunicatio* 5. num. 7. v. *Notandum præterea*. Henriq. lib. 6. c. 10. n. 5.

Et quod asseritur de pœnitente in crimine vitæ constituto, idem dicitur de sano virtute alicujus Bullæ, vel Jubilei à censuris reservatis similiter absoluto, ipsi nempe non esse imponendum onus comparendi: militat enim utrinque eadem ratio, cum Sacerdos privilegiatus nomine Superioris integrè succedat; si-

cuti benè advertit Sanchez, & Suarez supra cit.

Hinc colligitur, consultius esse tam in mortis articulo quàm extra confiteri privilegiato, qui potestatem habeat absolvendi à censuris reservatis, tanquam delegatus Pontificis sine onere postea comparendi.

*An absolutus ex justa causa à censura Papæ reservata cum onere comparendi possit virtute alicujus Bullæ, vel Jubilei novam absolutionem ab eadem censura obtinere, & ita eximi ab obligatione se præsentandi.*

### RESOLUTIO XCVII.

**R**esolutio est affirmativa, pœnitentem in proposito casu, si concurrat Jubilei tempus illius censuræ absolutionem concedentis, posse lucrandæ indulgentiæ gratia à quolibet Confessario absolutionem denuò à censura Papæ reservata obtinere, & ita eximi ab obligatione comparendi. Et ratio est, tum quia prior absolutio non obstat, quominus pœnitens possit novam absolutionem absolutam obtinere, teste Henriquez lib. 6. de pœnit. cap. 10. num. 5. litt. G. Tum quia onus comparendi pœnitenti impositum in tantum viget, in quantum ipse intendit frui privilegio absolutionis obtentæ ob causam necessitatis: Atqui pœnitens in hoc casu non intendit frui privilegio sibi concessio ratione necessitatis, sed ratione Bullæ, sive occurrentis Jubilei, idque sine ullo

onere: Ergo, &c. Ita Sanchez lib. 2. moral. cap. 13. num.

32. Suarez de pœnit.

disput. 30. sect. 1.

num. 6. Layman lib.

5. tr.

6. cap. 12. nu.

15. vers.

Quatre.

*Quinam censendi sint habere justam causam, sive legitimum impedimentum, ratione cuius innodati censura Papali possint extra mortis articulum ab Episcopo absolvi.*

# RESOLUTIO XCVIII.

**R**espondeo: legitimo impedimento detineri censentur.

Primò, qui laborant longa ægritudine, etiamsi non sit periculosa, cap. *Quod de his*, & cap. *Quamvis de sent. excomm.*

Secundò qui in ætate senili sunt constituti, cap. *nosctur*, & cap. *quamvis*. Contingit autem senectus plerumque anno ætatis sexagesimo, secundum Navar. in man. cap. 21. num. 16. Sanchez lib. 7. de matrim. disput. 32. num. 17. Toler. lib. 6. cap. 4. Ergo qui sexaginta annos habent, excusantur ab obligatione se presentandi.

Tertiò, qui pubertatem adhuc non sunt assecuti, hoc est, qui quartum decimum ætatis annum nondum complevere; idque propter ætatis imbecillitatem. Quod constat ex cap. *quamvis*. Que resolutio vera est, etiamsi absolutio à contracta censura tempore impubertatis petatur, adepta jam pubertate: habetur in cap. *pueris de sent. excomm.*

Quartò, qui laborant paupertate, ita ut mendicare cogentur, si Curiani pro absolutione adire vellent: patet ex eodem cap. *Quod de his*, & cap. *quamvis*. Quintò, qui graves inimicitias gerunt, ita ut sine gravi periculo vite itineri se committere non possint: liquet ex *iuribus citatis*.

Sextò, Fœminę cujuscumque ætatis, ac conditionis ob sexus qualitatem, ac conditionem, cap. *Mulieres*, & cap. *Quamvis eodem titulo*. Quapropter à casu etiam heresis mulieres, & multò magis moniales, tanquam persone Sedem Apostolicam adire non valentes ab Episcopo, vel ejus delegato absolvi possunt, non obstante facultatis revocatione per Bullam Censę Domini, juxta declarationem

Alex. VII. emanatam Die 2. Octob. Anno 1665.

Septimò, qui claudi sunt, vel cęcitatis vitio laborant. Claret ex *iisdem juri-bus citatis*.

Octavò, qui subsunt alterius juri, ac voluntati, ut servi, filii familias, si ipsorum domini, vel parentes profectioni repugnent, cap. *Relatum de sent. excomm.*

Nonò, animarum Curatores, vel temporale dominium habentes, si hi sine detrimento subditorum, illi sine præjudicio ovium sibi commissarum Papam adire non possint. Cap. *de cætero*, & cap. *no pro dilatione* &c. Ex quo capite excusantur etiam illi, qui ob curam administrandi familiam, gerendi officium publicum, vel ob periculum infamię, aut scandali ad Sedem Apostolicam accedere nequeunt.

Decimò, qui sunt adeò delicata, & debili complexione, ut itineris incommoda perferre non possint. Constat ex eodem cap. *Quamvis*, & tradunt Doctores, quos citat, & sequitur Barbos. de offic. & potest. Episc. alleg. 41. n. 7. Dian. par. 4. tract. 4. resol. 58.

Vndecimò, quicumque alio simili accedendi ad Sedem Apostolicam detineatur impedimento, quod existimetur legitimum juxta prudentis viri judicium. Ita Navar. in man. cap. 27. n. 88. Covarr. cap. alma par. 1. §. 11. n. 15. Sanchez lib. 2. moral. cap. 13. n. 39.

Hos igitur omnes, si fortè censura Papę reservata innodati existant, Episcopus absolvere potest: cum hac tamen distinctione, quòd si impedimentum est perpetuum, Episcopus sic impeditum absolutè, & sine onere se presentandi Apostolicę Sedi absolvere potest. Siverò est temporale, monere debet absolvendum, ut, cessante impedimento, Apostolicę Sedi se præsentet, non ut iterum absolvatur, cum jam verè absolutus fuerit, sed ut de satisfactione præstanda Ecclesię, ac parti lesę mandatum accipiat, juxta supra dicta. Ita Sayrus de censur. lib. 3. cap. 28. num. 36. Henriquez lib. 13. cap. 29. num. 3. Sanchez cit. cap. 13. num. 37. Layman lib. 1. tract. 5. par.

par. 2. cap. 6. num. 2. & 4. Bonac. de censur. disp. 1. quæst. 3. punct. 1. num. 15. Dian. cit. resol. 58. Et ita ex commissione specialis sæpius se in vsum deduxisse, testati sunt mihi duo viri, in morali potissimum, ac sacrorum canonum doctrina præstantissimi, Carolus Antonius Lucragus, & Io: Franciscus Montanarus, ille in Curia Episcopali Brixien. hic in Patriarchali Venetiarum Generalis Vicarius, non semel uterque, ut lucem Elucidario adderent, à me consulti, & allegati.

Neque obstat, quòd nonnulli aliquando ob id ad Curiam nuncium mittant, vel scribant: nam id faciunt, vel ob verecundiam comparere coram proprio loci Ordinario, vel quia ad id se teneri putant.

Utrum autem hæc doctrina procedat etiam in censuris Bullæ Cœnæ, alii affirmant, alii negant: Pro quo sit sequens resolutio.

*Ausupra relata impedimenta adeundi Summum Pontificem pro absolutione à censuris ipsi reservatis, habeant locum etiam in censuris in Bullæ Cœnæ contentis.*

## RESOLUTIO XCIX.

**N**egative respondet Sylves. v. excomm. 8. num. 8. & v. absolutio 4. q. 4. num. 7. Corduba in Sum. q. 18. punct. 1. dicto 2. asserentes, non posse pœnitentem, cui non est facilis aditus ad Sedem Apostolicam, absolui ab Episcopo, quando universaliter in iuribus, & Bullis Pontificiis exprimitur, quòd reus absolvi non possit ab excommunicatione lata, nisi in mortis articulo, sicuti exprimitur in casibus Bullæ Cœnæ, ita ut propter alia impedimenta absolvi non possit, sicuti potest in articulo mortis. Quorum sententia videtur favere Innocentius in cap. *quamvis de sens. excomm.* quatenus asserit, quòd textus, loquentes de absolutione ob Clerici percussione, ad alias excommunicationes non sunt extendendi.

Resolutio tamen difficultatis ad oppositam sententiam deflectit, nimirum impedimenta in præcedenti resolutione re-

lata habere locum etiam in censuris in Bulla Cœnæ contentis. Ratio autem desumitur ex benigna Summi Pontificis voluntate, qui non præsumitur voluisse reservare absolutionem à censuris in Bulla Cœnæ cum tanto incommodo, & difficultate. Semper enim Summi Pontifices in suis Bullis censentur excipere casum necessitatis, & impotentia, ne quis ob eorum reservationem ex ponatur periculo damnationis, ut rectè docent Suarez de pœnit. disput. 30. sect. 3. num. 9. Vgolinus in Bulla Cœnæ 3. par. fol. 46. & novissimè Tho. del Bene de Offic. S. Inquisit. par. 1. dubit. 61. num. 12.

Neque obstat ratio in contrarium allata: Nam eadem verba, quæ continentur in Bulla Cœnæ, quòd scilicet nemo possit à censuris in ea contentis absolvere, præterquam in mortis articulo, continentur, & leguntur etiam in aliis censuris Papæ extra Bullam Cœnæ reservatis, quibus tamen non obstantibus, huiusmodi censuris obstricti in casu necessitatis, & impotentia absolvuntur ab Episcopis: Quare hæc verba, nisi in mortis articulo, non habent maiorem vim in casibus Bullæ Cœnæ, quam in aliis Papalibus censuris; sed ubique accipienda sunt juxta benignam Ecclesiæ mentem, quæ semper excipere censetur casum magnæ difficultatis, moralisque impotentia quæ ratio militat etiam in censuris in Bulla Cœnæ. Ita Sanchez lib. 2. moral. cap. 13. num. 36. Card. de Lugo disp. 20. de Sacram. pœnit. sect. 10. n. 118. Reginal. lib. 1. cap. 11. n. 135. Homob. de cas. refer. part. 1. cap. 5. Bonac. de censur. disp. 1. quæst. 3. punct. 1.

Immo nonnulli extendunt hanc facultatem ad inferiores etiam Sacerdotes, quæ extensio hic est examinanda.



*An Pœnitens irretitus censura Papæ reservata, si ob legitimum impedimentum Papam adire non possit, à Parocho, vel quovis exposito Confessario valeat absolvi.*

## RESOLUTIO C.

**A**ffirmat Suarez de pœnit. disp. 30. sect. 3. num. 80. & de fide disp. 21. sect. 4. n. 26. cui adheret Tannerus tom. 4. disp. 6. quest. 10. dub. 6. num. 122. Vgol. de censur. tab. 1. cap. 4. §. 5. num. 13. qui asserunt pœnitentem, si ob impotentiam, vel magnam difficultatem Papam adire non possit, à Parocho, vel, eo deficiente, à quolibet Confessario absolui posse cum onere comparandi coram Pontifice. Quorum sententiæ novissimè subscribit Thom. Del Bene de Offic. S. Inquis. part. 1. dubit. 61. num. 1. & sequent. ea ratione ductus, quod impedimentum perpetuum reputari debet verus articulus, seu periculum mortis, in ordine ad obtinendam ab alio, quam à legitimo Superiore absolutionem.

Sed extensioni huic tam magnæ adversantur iura Ecclesiastica, *Cap. Nasctur, Cap. Mulieres, Cap. Quamvis, Cap. Eos, qui de sentent. excomm. &c.* quæ statuunt, ut qui, ob legitimum impedimentum Summum Pontificem adire non potest, ab Episcopo proprio debeat absolvi, ita tamen ut cessante impedimento, teneatur Papæ, vel ejus Delegato se presentare. Et quamvis jura citata expressè loquantur de excommunicatione ob Clerici percussione contracta, earumdem tamen legum dispositionem ad ceteras quoque censuras Papæ reservatas communiter extendunt Doctores, Navar. in man. cap. 27. num. 89. & sequen. Felin. in cap. Monachi de sent. excomm. Sylvest. v. *absolutio* 3. in fine. Sanchez lib. 2. moral. cap. 13. n. 36. Layman lib. 1. tract. 5. par. 2. cap. 2. num. 5. Militat enim in omnibus eadem ratio, nempe difficultas adeundi Pontificem. Quare hæc regula communiter recepta statuitur Doctoribus: quod *casus Papalis, superveniente*

*impedimento adeundi Papam, sit Episcopalis*: Quia id congrua subordinatio inter Prælatos Ecclesiæ requirere videtur. Et propterea cum jura citata in casu, quo ob moralem impotentiam non patet aditus ad Summum Pontificem, vel ejus Delegatum, soli Episcopo facultatem absolvendi à censuris Papæ reservatis concedant, non videtur ea ad Parochos, aliosque inferiores Sacerdotes posse extendi, excepto articulo, vel probabili mortis periculo: de quo vide supra resolutionem 78. Ita præter Doctores citatos Card. de Lugo disp. 20. de pœnit. sect. 10. num. 228. Henriquez lib. 6. cap. 11. num. 5. Homob. in exam. Eccl. tract. 5. cap. 5. quest. 2.

Quid autem, si pœnitens possit adire Nuncium, vel Legatum Apostolicum, mox dicam.

*Si Pœnitens impeditus ire Romam pro absolutione casus Papalis, possit tamen adire Nuncium, vel Legatum Apostolicum, verum nihilominus ab Episcopo possit absolvi.*

## RESOLUTIO CI.

**A**ffirmatiuè respondent Suarez de pœnit. disp. 30. sect. 3. num. 4. Henriquez lib. 6. cap. 10. num. 1. Avila de cens. par. 2. cap. 7. disp. 7. dub. 6. notan. 4. Ugol. in Bulla Cœnæ 3. par. fol. 465. Diana par. 5. trac. 9. resol. 6. Quia jura in signum specialis reverentiæ, ac privilegii requirunt, ut pro absolutione casus Papalis Papa adeatur; si verò ad eum aditus non pateat, cessat reservatio Papalis, & devolvitur casus ad proprium Ordinarium: Accedit, quod reservatio casuum Papalium strictè interpretationis esse debet, cum juri Episcoporum deroget.

Cæterum quamvis hæc opinio sit probabilis, tutior tamen videtur sententia contraria, & conformior iis, quæ diximus supra Resolut. 76. Quia casus Superiori reservatus devolvitur ad inferiorem ratione tantum necessitatis, quæ necessitas cessat, quoties adsit aliquis, qui

ure ordinario, vel ex privilegio absol-  
vere possit. Cum ergo in dubio propo-  
sito Nuncius, vel Legatus adiri possit, ideo  
que pœnitens non maneat remedio desti-  
tutus; idcirco sicut eo casu cessat ratio  
necessitatis, sic etiam devolutio jurisdi-  
ctionis, & consequenter ab Episcopo  
non poterit absolvi. Ita Navar. in ma-  
nual. cap. 27. num. 89. & 90. Sanchez lib. 2.  
moral. cap. 13. num. 71. ConinK de censur.  
disp. 16. num. 242. Mazuch. de cas. refer.  
disp. 1. quæst. 3. diff. 49. num. 200. Homob.  
de cas. refer. par. 1. cap. 5. Cardin. de Lu-  
go disp. 20. de pœnit. sect. 10. num. 121. Bo-  
nac. de censuris disp. 1. quæst. 3. puncto 2.  
num. 4. qui addit, detentum iusto impe-  
dimento, quominus Romanum Pon-  
tificem adire possit, teneri tamen Ro-  
mam mittere epistolam, si commodè  
possit, pro obtinendo absolutionis be-  
neficio.

Mittere verò Romam procuratorem  
si personaliter ire non queat, pœmo te-  
netur: nam id cederet in nimium gra-  
vamen pœnitentis. Imò juxta probabi-  
lem Suarez, Henriquez, Avilæ, Ugo-  
lini, Dianæ opinionem supra relata  
sententiam, laborans aliquo ex dictis  
impedimentis nedum tenetur procuratorem  
procuratorem, sed neque epistolam pro  
absolutione obtinenda.

Rectè tamen notat Layman lib. 1. tr. 5.  
par. 2. cap. 2. num. 6. versic. *bis addendum*,  
ex Navar. lib. 1. consil. 1. quæst. 14. *de con-  
sist.* edit. 2. in hac re spectandam esse loco-  
rum consuetudinem. Nam Episcopi in  
provinciis Roma valde remotis, in qui-  
bus vel nullus adest, vel multum abest  
Sedis Apostolicæ Legatus, præscripsisse  
possunt jurisdictionem absolvendi à qui-  
busdam casibus Papalibus frequenter  
contingentibus, sine onere comparen-  
di coram Romano Pontifice, ejusve Le-  
gato.

Ut verò Episcopi subditos suos ex-  
communicatione Papali innodatos mittere  
debeant ad alios in Diocesi privile-  
giatos, puta Mendicantes, tanquam  
majorem ipsis absolvendi potestatem ha-  
beant, nimis durum, arduumque vide-  
tur, teste Navar. cit. lib. 1. consil. 11. de pri-  
vil. edit. 2. attenta maxime illorum Mo-

storum sententia, qui absolute docent,  
quòd, stante impedimento recurrendi  
ad Papam, restituatur Episcopo ordina-  
ria potestas, quæ ipsi per reservationem  
Papalem fuerat ablata. Hi sunt Diana  
par. 5. tract. 9. resol. 6. Hurtadus disp. 15. de  
excomm. diff. 3. num. 10. Corneus in 3.  
par. tract. 5. de excomm. disp. 17. dub. 2. &  
alii.

De facultate, quæ competit Episcopis  
vigore Concilii Tridentini.

*Quæ facultas per Concilium Tridentinum  
concedatur Episcopis absolvendi  
à casibus Summo Pontifi-  
ci reservatis.*

## RESOLUTIO CII.

**D**Vplex facultas vigore Concilii Tri-  
dentini conceditur Episcopis: Al-  
tera dispensandi in omnibus irregulari-  
tatibus ex delicto occulto provenientibus:  
Altera absolvendi in foro conscientie  
ab omnibus censuris, & casibus Se-  
dis Apostolicæ reservatis. Patet ex de-  
creto ejusdem Concilii sess. 24. cap. 6.  
& docet Sanchez lib. 2. moral. cap. 11. ex  
commun.

Verum circa concessionem hanc no-  
tandum est, quòd ut ea locum habeat,  
quædam conditiones requiruntur. Pri-  
ma, ut irregularitas, vel delictum ad fo-  
rum contentiosum non sit deductum:  
Secunda ut excipiat irregularitas ex  
homicidio voluntario contracta: Ter-  
tia, ut delictum sit occultum: Quarta,  
ut talis facultas exerceatur ab Episcopo  
in proprios subditi: Quinta, ut in-  
tra Diocesim: Sexta, ut Episcopus  
etiam in crimine hæresis possit subdi-  
tos absolvere, sed per seipsum, aut Vi-  
carium ad hoc specialiter deputatum.  
Sed Tridentini privilegio, quòd hæ-  
resis absolutionem, derogatum esse  
per Bullam Græne, novissimè decla-  
ravit Alex. VII. die 2. Octob. 1665. de  
quo fusiùs infra resol. 112. Quæ omnia  
colliguntur ex tenore decreti prædicti.  
Utque singula clariùs innotescant, ea  
singul-



ingillatim expendere, operis pretium censui.

*Quandonam delictum dicatur ad forum contentiosum deductum.*

## RESOLUTIO CIII.

**N**onnulli Doctores, ut Avila, & Henriquez quoscitat, & sequitur Sanchez lib. 2. mor. c. 11. num. 21. & Riccius in praxi decif. §. 12. putant tunc delictum dici ad forum contentiosum deductum, cum denunciatio, vel accusatio coram legitimo iudice facta est, & reus intuitu illius accusationis citatus. Siquidem iudicium incipit a citatione. *Final. insit. de poena temere litigantium.*

Resolutio tamen non minus probabiliter defleat in oppositum, videlicet delictum non dici plene, & perfecte ad forum contentiosum deductum, ut ab eo absolvere, vel dispensare non possit Episcopus, quousque litis contestatio per citationem, & responsionem cepta non fuerit. Tunc quia forum contentiosum dici non potest, nisi super delicto commissio contendatur inter partes, non tantum per oppositionem, sed etiam per negationem, vel confessionem: quo actu etiam in criminalibus litis contestatio inducitur. Tunc quia forum contentiosum non differt a lite mota, cum idem sit in foro contendere, & in eo litem movere. At qui lis mota non dicitur, nisi postquam contestatio litis facta fuerit, ut tradit Maranta *de ordin. iudic. p. 5. tit. Et omnia fiant, durante instantia*, num. 64. Ergo delictum non censetur ad forum contentiosum deductum, nisi post litis contestationem, & non ante. Ita Dian. p. 7. tract. 2. resol. 27. Barbof. de offic. Episc. alleg. 39. num. 29. & alii plures infra citandi.

Hinc inferitur, quod Episcopus non potest absolvere a delicto ad forum contentiosum sic deducto, neque item dispensare in alio loco, ubi omnino ignoratur, cum delictum, in aliquo loco ea ratione deductum, simpliciter sit de-

Pars I.

ductum. Ita Suarez de cens. disput. 42. sect. 2. num. 6. Graffeus p. 1. decif. lib. 1. c. 13. num. 43. Molin. de just. & jure tract. 3. disp. 79. num. 8. Dian. cit. Barbof. cit. alleg. 39. num. 31. & novissime Thom. Del Bene de Offic. S. Inquis. p. 1. dubit. 53. sect. 10. num. 5. ubi etiam num. 10. notat ex Sanchez, si duo sint consortes ejusdem delicti, unusque tantum ex ipsis deferatur in iudicium, alterum ab Episcopo absolvi, & dispensari posse: quia ipsius delictum, quatenus ab ipso procedit, ad iudicium non fuit deductum. Vide etiam Nav. lib. 2. consil. tit. de sent. & de re iudic. consil. 2.

Quid autem, quando delictum ad iudicium fuit deductum, sed in eo non probatum, spectat ad obviam resolutionem.

*Ad delictum ad forum contentiosum deductum, sed in eo non probatum, quando absolutionem cadat sub facultate Episcopi.*

## RESOLUTIO CIV.

**S**upponendum tamquam certum apud omnes, Episcopum absolvere non posse a censura, vel dispensare in irregularitate Papæ, reservata, proveniente ex delicto ad forum contentiosum sive iuste, sive iniuste deducto, quandiu durat iudicium, sicuti excommuni tradit Sanchez lib. 2. mor. c. 11. num. 19. & 20. & lib. 8. de matrim. disput. 34. num. 56. & 57. Layman lib. 1. tr. 5. par. 5. c. 9. num. 5.

Ad dubium igitur negativè respondent Garzia de benef. par. 7. cap. 11. num. 50. Bonacin. de censur. disp. 5. q. 3. punct. 2. num. 2. Barbof. de offic. Episc. par. 2. alleg. 39. num. 35. Tunc quia Conc. Trid. absolute excipit delictum ad forum contentiosum deductum, nihil distinguens, an fuerit in eo probatum, nec ne; ubi autem lex non distinguit, nec nos distinguere debemus: qua propter sola deductio sufficit. Tunc quia delictum semel ita deductum amplius non potest dici occultum.

His tamen non obstantibus, difficul-

G 3 tas

cas in partem affirmativam resolvitur, videlicet delictum in proposito casu cadere sub potestate Episcopi, & sic Episcopum posse ab eo absolvere, vel dispensare. Et ratio est, quia delictum, quod non fuit probatum, non potest dici cum effectu deductum in odiosum autem, qualis est restrictio privilegii, verba sumenda sunt cum effectu, ut habetur in cap. elatum de cler. non resid. Exceptio ergo à Concilio posita accipienda est, si deductio habeat effectum, defectu cuius deductionis cum effectu delictum adhuc censetur manere occultum. Ita Sanchez lib. 2. mor. c. 1. r. num. 20. & lib. 8. de matr. disp. 34. num. 57. Sayrus de censu lib. 6. c. 11. num. 83. Henricus lib. 6. c. 6. Finell. de ca. reser. c. 7. num. 10. Regin. lib. 30. tract. 2. num. 29. Bassus in florib. v. absolutio num. 29. Graff. lib. 1. decif. aur. cap. 13. num. 42. Medulla the. moral. lib. 7. c. 1. dub. 8. resp. 2. Dian. par. 7. tract. 2. resol. 18. & alii apud ipsum.

Et hæc resolutio procedit, etiamsi reus in iudicio falsis testibus se defenderit, viaque iniqua absolutionem obtinuerit: Tum quia cessat ratio deducti ad forum contentiosum: Tum quia adhuc crimen manet occultum, sicuti præter citatos Doctores docet Rodriguez par. 1. Summa cap. 167. conol. 4. Avila par. 7. disput. 10. dub. 6. in fine. Layman lib. 1. tract. 5. p. 3. c. 9. num. 5.

Imo hæc doctrinam locum habere etiamsi crimen fuerit semiplene probatum, sustinent præcitate Doctores cum Sanch. cit. dummodo reus à iudice definitivè, vel ab instantia fuerit absolutus: Quia Concilium ideo vetat absolutionem à delicto ad forum contentiosum deductio, ne iudiciarius processus impediatur, aut imminuatur, hæc autem ratio cessat, si reus in iudicio definitivè, vel ab instantia fuerit absolutus, ideoque crimen maneat occultum.

Contrarium tamen docet Suar. de cens. sur. disput. 41. sect. 2. numer. 6. Gutt. canon. 99. lib. 1. cap. 3. Bonacio de irregul. disp. 7. q. 5. punct. 1. num. 5. v. hæc doctrina, quibus subscribit Barb. de pot. Episc. par. 2. cit. alleg. 39. num. 35. ubi ait ita declaratum esse à Sacra Congregatione de qua

si authenticè constaret, rueret contraria opinio.

Sed quæres, quid sit reum absolvi definitivè, vel solum ab instantia?

Respondeo. Tunc reus dicitur absolvi definitivè cum ejus delictum amplius in iudicium deduci non potest: Tunc autem solum ab instantia, cum propter nova indicia, & probationes criminis rursus in iudicium deferri, de eoque criminofusus iterum judicari potest. Covarr. lib. 1. variat. resol. cap. 1. num. 8. In utroque igitur casu sicut finitur iudicium, sic delictum subditur potestati Episcopi. Sanchez cit. Dian. par. 7. tract. 2. resol. 18.

Addo, nonnullos Doctores non improbabiler defendere, facultatem Episcopi extendi etiam ad delictum, cujus iudicium in foro contentioso non fuit sententia finitum, dummodo accusator per annum destituerit à iudicio prosecutione: Quia taciturnitas accusatoris tam diuturna arguit probationis defectum, & æquivalet absolutioni. Hi sunt Sayr. cit. cap. 7. n. 11. Majol. de irregul. lib. 6. c. 17. n. 9. quibus novissimè subscribit Tho. Del Bene de Offic. S. Inquis. p. 7. dubit. 33. sectio 1. m. 10.

Utrum vero iudicio finito reoque punito, ipsius delictum adhuc cadat sub facultate Episcopi, res est controversa, pro cuius dissolutione statuitur sequens resolutio.

*An à delicto ad forum contentiosum deducto, ibique puniso, possit Episcopus delinquentem absolvere, & in immuni pedimento inde proveniente dispensare?*

## RESOLUTIO CV.

**N**egativam tenent Suar. Gutt. Garz. Bonacin. quos citat, & sequitur Barb. de Offic. Episc. par. 3. alleg. 39. num. 25. quorum sententia videtur adherere etiam Thom. Del Bene cit. dubit. 53. n. 12. quatenus eam vocat probabiliorem. Fundamentum est, quia Concilium absolutum excipit delicta ad forum contentiosum deducta. Quapropter sola deductio

Et sufficiens erit, quod Episcopus vigore illius decreti absolvere, vel dispensare non possit, eo vel maxime, quod delictum per judicalem punitionem sit famosum.

Opposita tamen opinio magis placet; & est sustinenda, nempe si delictum ad forum contentiosum fuerit deductum, & ibi punitum, posse adhuc Episcopum absolvere, & in impedimento inde proveniente dispensare. Quia finis Concilii, excipientis delictum ad forum contentiosum deductum, eo casu cessare censetur, ne scilicet per absolutionem Episcopi impediatur processus iudicialis, semel inchoatus, & satisfactio publica pro publicis delictis, ut etiam precedenti resolutione notatum est: Atqui iudicio finito, satisfactioneque publica exhibita, cessat huiusmodi finis. Ergo, &c. Ita Sanchez lib. 2. moral. cap. 11. num. 22. Avila de censur. par. 2. disp. 2. dub. 7. Henricus lib. 14. de irregular. cap. 7. num. 5. Reginaldus lib. 130. tract. 2. numer. 20. Layman lib. 1. tract. 5. part. 5. cap. 9. num. 5.

Plerique tamen horum Doctorum excipiunt, nisi delictum per judicalem punitionem factum esset famosum, quia delictum famosum per aliam exceptionem Concilii non cadit sub facultate Episcopi: de quo infra. Vide Tolet. lib. 1. cap. 89. num. 5. ubi notat, si post absolutionem, vel dispensationem delictum deducatur ad forum contentiosum, obtentam absolutionem, vel dispensationem prodesse solum in foro interiori, & coram Deo, non item in exteriori.

*An Episcopus aliquando dispensare possit super irregularitate, proveniente ex homicidio voluntario.*

## RESOLUTIO CVI.

**R**esponsio est negativa, cum homicida voluntario neminem præter summum Pontificem dispensare posse. Nam quamvis à Concilio Tridentino Episcopis privilegium concessum sit dis-

pensandi super irregularitate, proveniente ex delicto occulto, excipitur tamen ea, quæ oritur ex homicidio voluntario, sicut constat ex decreto ejusdem Concilii sess. 24. cap. 6. & docent communiter DD. apud Navar. in man. c. 27. num. 194. Avila de cens. p. 7. disput. 6. sect. 5. dub. 3.

Non displicet tamen, quod docet Layman lib. 3. tract. 3. p. 3. c. 12. num. 6. ex Sylv. verb. dispensatio num. 15. Henricus lib. 14. c. 19. num. 1. & 2. quibus subscribit Dian. par. 4. tract. 2. resol. 100. si Sacerdos occultum commiserit homicidium, sed nisi missam celebraret, in suspensionem secularis veniet cum vitæ, aut famæ periculo; in tali casu Episcopum, si facilis non sit recursus ad Papam, vel ob inopiam, vel ob distantiam, dispensare posse, ut in susceptis ordinibus ministret.

Verum tamen est, quod tunc Episcopus propriè non dispensat in irregularitate, sed effectum suspensioni similem tollit, ut interim, dum delictum, & impedimentum occultum manet, celebrare Sacerdoti liceat, donec à Summo Pontifice dispensationem obtineat. Quod etiam docet Avila cit. dub. 3. conclus. 1.

*An Episcopus vigore privilegii à Tridentino sibi concessi dispensare possit in homicidio occulto causa defensionis, sed excedendo moderamen inculpatae tutelæ, commissio.*

## RESOLUTIO CVII.

**R**espondeo affirmativè, videlicet Episcopum ex facultate illa Tridentini dispensare posse in irregularitate, proveniente ex homicidio occulto in sui defensionem, sed cum excessu moderaminis inculpatae tutelæ, commissio. Ita Navar. in man. c. 27. num. 240. Henricus lib. 14. c. 19. num. 3. Avila de cens. p. 7. disp. 6. sect. 5. dub. 5. Layman l. 3. tr. 3. p. 2. c. 12. num. 2. Dian. p. 7. tr. 2. resol. 29. Et ratio est, quia tale homicidium non censetur simpliciter voluntarium; verba autem privilegiorum restrictiva, utpote

odiosa, non debent extendi ultra propriam, & strictam eorum significationem. Unde exceptio illa Tridentini debet intelligi de homicidio directè, & simpliciter, non de indirectè, & secundum quid voluntario. Vide etiam Suárez de de censur. disp. 44. sect. 4. n. 35. Filliuc. tr. 20. cap. 1. q. 2. n. 39. & 41. & quæ dicam infra 2. par. casu 2. de homicidio annotatione 6. n. 14. & 15.

Idem resolvitur de homicidio ex subita ira commissio, quod scilicet in eo dispensare possit Episcopus. Hurtad. disp. 2. de irregular. diff. 20. Dian. par. 4. tract. 2. resol. 3.

*An integrum sit Episcopo dispensare in irregularitate, proveniente ex homicidio occulto indirectè, & in causa voluntario.*

## RESOLUTIO CVIII

**N**egativam sustinet. Cajet. 2. 2. q. 69. art. 8. Molin. tom. 4. tr. 3. disp. 1. §. illud monuerim, quibus adherere videtur Covarr. par. 2. Clem. initio n. 1. Azor. tom. 1. lib. 2. c. 14. qui asserunt, omne homicidium, quamvis directè volitum non sit, imò etiam nolitum, si tamen proveniat ex opere, cum quo frequenter conjuncta est hominis occisio, inter homicidia voluntaria, ideòque dispensabilia numerandum esse.

Probabilior tamen est opinio contraria, nempe Episcopum dispensare posse cum eo, qui occultè commisit homicidium, non directè, seu ex proposito voluntarium, sed indirectè, & in causa, ideòque mixtum ex voluntario, & casuali. Exempli gratia. Si quis mulierem gravidam incautè percusserit, abortumque foetus animati causerit: Item si gravi ligno; vel lapide volens alterum solum percutere, occidat: vel si quis alterum injustè verberari mandaverit, prohibens ne occideretur, mandatarius verò, fines mandati excedens, eum occiderit: Idem est, si quis ad rixam provocatus percutiendi tantum animo accesserit, postea verò ne ab auctore rixæ occideretur, cum occiderit: Item si

volens occidere Clericum A. & adhibita diligentia, ne occidat Clericum B. præter intentionem Clericum B. occidat: seu putans occidere Clericum A. occidat Clericum B. quem, adhibita diligentia, certò putabat Clericum A. In quo casu neque incurrit excommunicationem cap. si quis suadente: Quia licet homicidium Clerici eo casu sit volitum, non tamen est voluntarium, utpotè non præcognitum. Et ratio est eadem, quam superiori resolutione adduxi, quia privilegiorum restrictiones, utpotè odiose, non sunt extendendæ ultra propriam, & strictam verborum significationem. Unde quamvis hujusmodi homicidia, indirectè volita, non sint casualia, ut rectè docent oppositæ sententiæ Doctores, fateri tamen etiam debent, non esse simpliciter, ac perfectè voluntaria, sed veluti mixta ex voluntario, & casuali: Ideòque secundum quid, indirectè, & in sua causa voluntaria: ut proinde probabile sit, sub exceptione homicidii voluntarii indispensabilis à Tridentino non fuisse comprehensa. Ita Navar. in man. cap. 27. num. 240. Suárez 3. par. tom. 5. disp. 44. sect. 1. num. 4. Henriquez lib. 14. cap. 19. num. 2. Avila de censur. par. 7. disp. 6. sect. 5. dub. 5. Sæveb. homicidium num. 6. Reginal. lib. 30. numeri 29. Tolet. lib. 1. cap. 84. Layman lib. 3. tract. 3. par. 3. cap. 12. num. 2. Basszus v. irregularitas 6. num. 12. Covarr. par. 2. Clem. num. 1.

*An Episcopo dispensare liceat in irregularitate ob voluntariam alterius mortis accelerationem contracta.*

## RESOLUTIO CIX.

**N**egat Henriquez lib. 14. cap. 19. n. 6. nempe eum, qui ex industria moriturum vertendo, voluntariè ipsi accelerat mortem, & graviter delinquere, & irregularitatem ex homicidio voluntario contrahere: Ideòque ab Episcopo dispensari non posse.

Verum magis placet opinio contraria. Nam licet is, qui infirmum in extremis labo-

laborantem, ut eundem angustiiis mortis liberet, ex affectu commiserationis vertit, graviter peccet, & irregularis fiat, eo quod ex industria ipsi mortem acceleret, probabiliter tamen dici potest, cum eo Episcopum dispensare posse, sicuti docet Avila de censu. disp. 6. in fine, quem citat, & sequitur Layman lib. 3. tract. 3. par. 3. cap. 12. num. 2. assertionem 5. quia per homicidium voluntarium indispensabile, quod scilicet sibi reservat Pontifex, intelligi videtur, quod est simpliciter, & perfecte voluntarium, quodque animo crudeli, & inimico fit. Vide etiam Thom. Del Bene de Offic. sanctę Inquis. part. 1. dubit. 81. num. 1.

*An irregularitas contracta ex mutilatione voluntaria sit ab Episcopo dispensabilis, si ea sit occulta.*

## RESOLUTIO CX.

**N**egativam sustinet Sanchez lib. 2. moral. cap. 10. num. 49. quem citat, & sequitur Henriquez lib. 14. cap. 19. nu. 3. l. Z. Quorum ratio est, quia homicidium, & mutilatio in iure æquiparantur: proinde sicut integrum non est Episcopo dispensare in homicidio directe, & per se voluntario, ita neque in mutilatione.

Sed contraria sententia est communis, quod scilicet irregularitas, contracta ob mutilationem directe, & per se voluntariam, sit ab Episcopo dispensabilis, si delictum, ex quo provenit, sit occultum. Et ratio est, quia Concilium excipit tantum homicidium voluntarium, mutilatio autem non est homicidium. Quare hæc exceptio firmat regulam in aliis. Ita Diana par. 7. tract. 2. ref. 28. Barb. de potest. Episc. par. 2. alleg. 39. num. 49.

His addendum, quod verba exceptiva, sive restrictiva facultatis ordinarię, qualis est illa à Tridentino Episcopis concessa, dispensandi super omni irregularitate, proveniente ex delicto occulto, non sunt extendenda ultra natu-

ralem, & propriam eorum proprietatem, sicuti resolvit Coriolanus de cas. reserv. par. 1. sect. 1. art. 5. Finellius de cas. reserv. casu 3. num. 16. Unde in hac facultatis restrictione, utpotè odiosa non valet argumentum ab æquipollenti, teste Lezana in summ. tom. 3. v. casus reservati num. 13.

Tanetsi ergo homicidium, & mutilatio in iure æquiparentur, quoad causas incurrendi irregularitatem, non tamen quoad dispensationem: Quia illud prius, non item hoc posterius reperitur in iure expressum. Ita S. v. irregularitas ex deformat. illicita num. 7. Rodriguez tom. 1. summ. cap. 18. concl. 1. Avila de censu. par. 7. disput. 6. sect. 5. dub. 4. Layman lib. 3. tract. 3. par. 3. cap. 12. nu. 1. assert. 2. Dian. loc. cit. & par. 4. tr. 2. resol. 71. & alii plures apud ipsum.

Dixi, si delictum sit occultum, nam si esset notorium, non caderet sub dispensatione Episcopi. Quando verò delictum existimandum sit occultum mox, est examinandum.

*Quando nam delictum censetur occultum, ut ab eo ex Tridentini privilegio absolvi possit Episcopus.*

## RESOLUTIO CXI.

**R**esp. Occultum hoc loco censetur delictum, quod non est notorium, aut famosum, quamvis tribus, aut quatuor innotescat, ita, ut judicialiter per testes probari possit, sicuti docet Sayr. de censur. lib. 4. cap. 14. nu. 21. Avila de censur. par. 7. disput. 10. dub. 6. Layman lib. 1. tract. 5. par. 5. cap. 9. num. 4. ex Navar. in man. cap. 27. num. 254. §. 11.

Unde tandiù delictum reputari debet occultum, tandiù vel per confessionem criminis factam in iudicio, vel per sententiam iudicis, vel per facti ipsius evidentiam in Civitate populo, Collegio, vicinie, vel loco non est notorium, manifestum, aut famosum. Ita præter Doctores citatos Sanchez lib. 2. moral. cap. 11. nu. 19. & lib. 8. de matrim. disp.

disp. 34. num. 55. Suarez de censu. disp. 47. sect. 3. Bonac. de censu. disp. 1. q. 3. punct. 2. num. 1. Dian. par. 7. tract. 2. resolut. 15. & alii plures apud ipsum : quicquid in contrarium sentiant apud Garzias Graff. Guttier. loc. citat. existimantes illud solum censi occulturn delictum , quod judicialiter per testes non potest probari.

Imò aliquibus videri posset , quòd Tridentinum magis extensè hic accipiat occultum , dum quasi explicans , quidnam in privilegii concessione , quam facit Episcopis , censetur occultum , addit hæc verba , *excepta ea , quæ oriuntur ex homicidio voluntario , & exceptis aliis deductis ad forum contentiosum* : qua exceptione videtur Concilium regulam firmare in aliis , taciteque innuere , tandiù aliquod delictum manere occultum ad hoc , ut ab eo possit absolvere , vel dispensare Episcopus , quamdiù ad forum contentiosum non est deductum . Ita videtur sentire doctissimus P. Bassæus in floribus theol. v. præf. irregularitas XI. n. 5. quod est valde probabile .

Addo , ut delictum dicatur notorium , non satis esse , quòd actus externus , qui est delictum , materialiter tantum sit notorius , & publicus : sed requiritur , ut sit notorius formaliter , & in ratione delicti , & in quantum est delictum . Ita Sanchez lib. 8. de matrim. disput. 34. num. 56. Navar. in man. cap. 27. num. 25. & num. 241. Finellius de cas. refer. cap. 7. num. 11. ex communi . Unde percutiens . Clericum qui publicè ignoratur Clericus , percussio quoad actum esset quidem publica , sed occulta in ratione delicti , & contra excommunicationis : Ideoque talis percussio quamvis gravis , & enormis vi concessionis Tridentini caderet sub potestate Episcopi . Ita Sanchez cit. Navar. cit. num. 241. & 255. Rodríguez par. 1. Summ. c. 166. concl. 3. Layman lib. 1. tract. 5. par. 5. c. 9. num. 4. Bassæus cit. num. 5. Diana par. 7. tract. 2. resolut. 15. Barbosa. de offic. Episc. par. 2. alleg. 39. nu. 1.

*An Episcopus , quoties vigore concessionis Tridentini dispensare , vel absolvere intendit , teneatur ea facultate uti in Sacramentali confessione .*

## RESOLUTIO CXII.

**Q**Uoad priorem difficultatem , hoc est , facultatem dispensandi in irregularitatibus , & suspensionibus ex delicto occulto provenientibus , communis est Doctorum sententia , eam ab Episcopo exerceri posse extra Sacramentale forum Pœnitentiæ , imò etiam in absentia , & tam si Episcopus , quam subditi sint extra Diœcesim : Insuper ejusmodi dispensationem non solum pro foro interno , sed etiam pro externo prodesse . Et ratio est , quia illa particula in foro conscientie , Tridentini decreto addita , non est apposita in priori parte dicti decreti , ubi conceditur dispensandi potestas , sed in posteriori , in qua conceditur absolvi facultas . Ita Sanchez lib. 2. moral. cap. 11. n. 13. Suarez de censuris disput. 47. sect. 2. num. 11. Fagundes præcep. 2. lib. 8. cap. 8. numer. 35. Præpositus 3. par. quæst. 1. de censuris dub. 14. num. 99. Bassæus in suis florib. v. irregularitas 11. num. 5. Trulench. in decalogum tom. 1. lib. 1. cap. 4. dub. 4. num. 7. Dian. par. 7. tract. 2. resolut. 101. quicquid in contrarium dicat Ricciullius de jure person. lib. 5. cap. 16. num. 2. apud Dian. loc. cit.

In ordine verò ad posteriorem partem , hoc est , ad facultatem absolviendi à casibus occultis Sedi Apostolicæ reservatis , affirmativam sententiam tenent Garzia de Beneficiis par. 11. cap. 10. n. 130. Barbosa de potest. Episcop. par. 4. alleg. 39. n. 8. ubi ait talem esse praxim Sacre Pœnitentiariæ , & resolvit Aloyf. Ricc. in praxi for. Eccles. resolut. 44. nu. 8. apud Dianam cit. asserentes Episcopum , quoties ex Tridentini facultate intendit absolvere , teneri ea facultate uti in sacramentali confessione : Tum quia illa verba in foro conscientie , sunt intelligenda in foro Sacramenti Pœnitentiæ : Tum quia ita pluries Sacram Congregationem censuisse ,

fuisse, ajunt. Quorum opinioni novissime videtur adherere Thom. Del Bene de Offic. sanctæ Inquis. par. 1. dubitatione 58. num. 8. ubi licet fateatur oppositam opinionem in puncto juris sibi videri probabiliorē; in praxi tamen censet sequendam esse hanc priorem sententiam.

Nihilominus in negativam partem deflectit difficultatis resolutio, nempe, quod Episcopus, utendo facultate per Tridentinum sibi concessa, non teneatur suos subditos a casibus Papæ reservatis absolvere in sacramentali confessione. Et ratio est, quia absolutio in foro conscientie valde differt ab absolutione in foro Pœnitentiæ: nam absolutio in foro Pœnitentiæ dicitur illa, quæ impenditur, audita prius Sacramentali peccatorum confessione; absolutio vero in foro conscientie illa, quæ occulte pronuntiatur, hoc est, sine testibus, & forma jure præscripta: Et dicitur in foro conscientie ad distinctionem absolutionis, quæ impenditur in foro Pœnitentiæ, vel in foro externo contentioso: Cum itaque Concilium dicat in foro conscientie per illam particulam satis declarat hujusmodi absolutionem ab Episcopis impendi posse extra Sacramentalem confessionem: sed tamen nullatenus pro foro externo prodesse, si forte contingat, illud idem delictum ad judicium contentiosum deduci. His addendum, quod cum Concilii verba contineant gratiam, & favorem, sunt latè interpretanda, & nequaquam ad forum Pœnitentiæ limitata. Ita præter Doctores supra citatos Gavan. in man. Episc. V. absolut. num. 4. Floron. de cas. reser. par. 1. c. 4. §. 7. n. 17. Mazuch. de cas. res. disp. 1. q. 3. diff. 50. §. 7. Homob. de exam. Eccles. par. 1. tr. 5. cap. 5. q. 31. et alii.

Quoad declarationes Sacræ Congregationis, quibus nuncuntur Auctores contrariæ opinionis, respondet Diana loco cit. de iis authenticè non constare. Quod si secus foret, ab iis minime recedendum esset. Quando autem de Eminentissimorum Cardinalium declarationibus authenticè constet, ideoque vim legis obtineant, & quando non, non est facile defini-

nire. Pro cuius difficultatis dissolutione sit sequens resolutio.

*An declarationes Eminentissimorum Cardinalium, Concilii Tridentini interpretum, habeant vim legis: Ideoque tam in foro fori, quam Poli obligationem inducant.*

## RESOLUTIO CXIII.

**N**egativam tenent Sanchez lib. 8. de matrim. disp. 2. num. 10. Joannes Valerus de differ. utriusque fori v. absolutio differ. 1. num. 10. & v. Nullitas diff. 5. num. 2. Pontius lib. 5. de matrim. cap. 13. §. 2. numer. 7. Portel. in dub. regul. v. Card. declarat. Bonac. de legib. disput. 1. q. 1. punct. 8. num. 4. Vega in summ. tom. 1. cap. 62. cas. 41. Diana par. 1. tract. 2. ref. 36. Quorum ratio est, tum quia, ut lex obliget, necesse est, ut solemniter promulgetur: Sed dictæ declarationes solemniter non promulgantur: Ergo non obligant. Tum quia declarationes Sacræ Congregationis non sunt, neque pronuntiantur, citata parte: Ergo non debent censeri leges decisivæ, sed opiniones doctrinales.

Affirmativam tamen sententiam sustinent duodecim Doctores non infimæ notæ apud Dianam loco citato: asserentes hujusmodi declarationes non esse tantum doctrinales, veluti latas à Doctoribus, & Jurisperitis, sed esse definitivas, seu decisivas, vim legis tam in foro fori, quam in foro Poli obtinentes, & ut leges recipiendas; utpotè latas à personis tum interpretandi, tum respondendi facultatem à Principe habentibus. Hæc posterior sententia mihi videtur probabilior, sed limitanda, ut procedat, quoties Eminentissimorum Cardinalium, & Concilii Tridentini interpretum, declarationes quatuor habent conditiones.

Prima est, ut certum sit, & indubitatum esse declarationes Cardinalium: Quod constabit, si sint in authentica forma, hoc est, si solito sigillo, & subscriptione Eminentissimi Cardinalis Præfetti, ac Secretarii ejusdem Sacræ Congregationis pro tempore existentium prodantur.

deant munire. Barbof. in collect. Bullar. v. Congregatio 2.

Secunda, ut in ipsa declaratione exprimat, eam consulto Summo Pontifice, conditam, & pronuntiata fuisse. Quam conditionem apposuit Sixtus Quintus cum Sacre Congregationi facultatem concessit interpretandi concilium, teste Josepho de Januario in selectis de cas. res. resol. 63. n. 5.

Tertia, ut Cardinales declarent tantum, non autem dispenfent, vel amplient ultra juris regulas. Quam formam, præscripsit Gregor. XIII. teste Diana par. 3. tr. 2. resol. 96.

Quarta, ut hæ declarationes consentientia publica, quod fit, si transmittantur ad Episcopos, ipsisque mandetur, ut eas juridica forma in Diocesi promulgare, in usumque deducere curent. Barbof. & Dian. ll. cc. quibus addo Januar. cit. resol. 63. num. 5.

Quoties igitur declarationes Sacre Congregationis has quatuor habent conditiones, vera omnino est, & in praxi sustinepda posterior sententia, videlicet eas robust, & firmitatem legis obtinere, & consequenter tam in foro fori, quam Poli obligationem inducere. Si vero hæ conditiones desiderentur, magis placeat opinio contraria, nimirum declarationes hujusmodi doctrinales tantum esse, ac præinde in neutro foro obligationem adferre. Ita præter Doctores supra citat. Navar. lib. 5. consil. de sent. excommuni. consil. 25. Bassi in florib. v. Alex. IV. nu. 12. Januar. loc. citat. Quibus aspiulatur Doctissimus Dominus meus Bartholomæus Finardus, Cathedralis Bergomen. Canonicus, Theologali dignitate insignitus, vir cum nobilitatis, tum universæ doctrinæ radiis præfulgens, declarationum verò à Sacra Congregatione emanantium Indagator solertissimus: ideoque hac de re à me consultus.

Nihilominus, & has posteriores generis declarationes plurimi faciendas, ab eisque tamquam Eminientissimorum Patrum oraculis sine firmissimo fundamento recedendum non esse, fatentur etiam oppositæ sententiæ Doctores, præcipue Bonac. & Dian. ll. cc.

Quinam intelligantur nomine subditorum in Tridentini decreto.

## RESOLUTIO CXIV.

**D**uplex facultas conceditur Episcopis vigore Concilii Tridentini, ut supradictum est, altera absolventi ab omnibus casibus Papalibus occultis, altera dispensandi in irregularitatibus, & suspensionibus, ex occulto delicto provenientibus, ea excepta, quæ oriuntur ex homicidio voluntario. De priori facultate hic agitur, posterior verò difficultas in sequenti resolutione enodabitur.

Quod igitur ad priorem difficultatem attinet nomine subditorum intelliguntur.

Primo vagabundi, quia cum nullibi domicilium habeant, subduntur Episcopo, in cujus Diocesi reperiantur. Sanchez lib. 3. de matr. disp. 23. in 4.

Secundo habentes duplex domicilium ex æquo in duplici Diocesi. Sanchez loc. cit. disp. 24. num. 5. & Dian. p. 7. tr. 2. resol. 2.

Tercio peregrini Scholares, mercatores, propriam Diocesim habentes: hi enim sicut ex generali Ecclesiæ consuetudine, & interpretativa Prælatorum suorum voluntate, possunt subijci Episcopo ejus Diocesis, in qua reperiantur, in foro Sacramenti Pœnitentiæ, sic etiam ab eodem Episcopo ab omnibus censuris, & casibus Papæ reservatis, sed occultis absolvi. Suar. to. 4. in 3. par. disp. 30. sect. 2. num. 31. & Dian. loc. cit. Garz. de Benef. c. 10. num. 139. Barb. de potest. Episc. alleg. 39. n. 4. & 50.

Quarto Religiosi exempti nam hi etiam si ex Prælati sui licentia subijciantur Episcopo, potest eos Episcopus ab iis casibus absolvere, à quibus potest suos subditos: Tum quia Religiosi in favorabilibus veniunt nomine subditorum illius Diocesis, in qua moram trahunt pro habitatione: Tum quia quilibet, etiam Regularis ex Prælati sui licentia, potest cedere privilegio exemptionis. Sanchez lib. 4. mor. cap. 39. num. 32. Sua-

re z



rez disp. 30. de pœnit. sect. 2. num. 3. Diana par. 7. tract. 2. resol. 6. apud quem alii plures.

Addo ex Sanchez loc. cit. supradictos omnes ab Episcopo absolvi posse, statim ac in ejus Diœcesi habitare incipiunt, animo ibi constituendi habitationem majori anni parte: Quia in ordine ad absolutionem obtinendam sunt subditi, statim ac incipiunt habitationem constituere animo ibi degendi majori anni parte. Utrum autem idem dicendum, in ordine ad dispensationem, spectat ad dubium sequens.

*An quod dictum est superiori resolutione de conditione subditorum in ordine ad absolutionem, idem dicendum sit etiam in ordine ad dispensationem.*

### RESOLUTIO CXV.

**A**ffirmat Sanchez lib. 4. mor. cap. 37. num. 27. & lib. 3. de matrim. disp. 23. num. 12. & 13. quem citat, & sequitur Mazuchellus de cas. reserv. disp. 1. q. 3. differ. 50. §. 11. asserentes, Episcopum posse vigore Concilii Tridentini decreti dispensare in irregularitatibus omnibus, & suspensionibus ex occulto delicto provenientibus cum iis omnibus, qui ratione habitationis acquirunt quasi domicilium, quales sunt Peregrini, Scholares, Mercatores, Milites, famuli, alique similes, qui moram trahunt in Diœcesi animo ibi manandi majori parte anni. Quorum ratio est, quia supradicti sicut sunt subditi illi Parocho, in cujus Parochia morantur animo manendi majori anni parte; ita etiam sunt subditi illi Episcopo, in cujus Diœcesi existunt, quamvis firmum ibi non habeant domicilium.

Contrariam sententiam docent Suarez de cens. disp. 41. sect. 2. num. 12. Garzias de benef. par. 11. cap. 10. num. 138. Barbosa de potest. Episc. alleg. 39. num. 6. Bonac. de cens. disp. 7. punct. 1. num. 4. Riccius in praxi fori Eccles. decif. 318. quos citat, & sequitur Diana par. 7. tract. 2. resolut. 2. quibus addo Bassum in florib. theol. pract. v. *irregularitas* num. 5. vers. *ser. cir-*

*ca*, qui sustinent Episcopum, quamvis possit forenses absolvere à casibus Papalibus occultis, ut superiori dubio resolutum fuit, non posse tamen cum ipsis dispensare in irregularitatibus, & suspensionibus Papalibus, nisi firmum in ejus Diœcesi domicilium habeant. Quorum fundamentum est, quia qui non potest in principali, neque in accessorio, sed Episcopus nequit forensibus conferre ordines: Ergo neque dispensare in irregularitatibus, quæ sunt accessoriæ ad ordines.

Prior sententia ob Doctorum auctoritatem est probabilis, sed posterior videtur probabilior, quia eadem subiectio, quæ requiritur ad suscipiendos ordines, videtur requiri etiam ad obtinendam ab Episcopo dispensationem ab irregularitatibus: Tum quia pluries ita declaratum esse à Sacra Congregatione, testatur. Garzias ll. cc. de quibus si authenticè constaret, procul dubio prior opinio rueret.

*An, ut Episcopus prædicta Tridentini facultate uti possit, opus sit, ut tam ipse, quam subditi existant in Diœcesi.*

### RESOLUTIO CXVI.

**A**ffirmativè respondet Castro Palaus tom. 1. tract. 4. disput. 4. punct. 3. §. 1. num. 12. & 13. cui subscribit Tho. Del Bene de Offic. S. Inquis. par. 1. dubit. 53. sect. 8. num. 4. asserentes absolūtè, & simpliciter necessarium esse, ut tam Episcopus, quam subditi existant in Diœcesi: quia illa verba in Diœcesi limitant locum & absolutioni activæ Episcoporum, & absolutioni passivæ subditorum ita, ut nec ille extra Diœcesim absolvere, nec isti extra eandem Diœcesim vigore dictæ facultatis absolvi possint.

Alii verò, ut Henriquez libr. 13. cap. 7. Rodriquez 1. part. cap. 130. Barbosa de potestat. Episcop. allegat. 39. num. 7. putant verba illa in Diœcesi, intelligenda esse de Episcopo, ideòque desiderari, ut Episcopus intra Diœcesim suam resi-

resideat, quia sicut illa verba *in foro conscientiae*, decreto Tridentini adiecta, limitatoria sunt, quia vigore illorum verborum absolutio non prodest pro foro externo, ita etiam limitatoria sunt ista *in Diocesi sua*.

Alii demum, ut Suarez tom. 4. in 3. par. disp. 30. sect. 2. num. 3. & tom. 5. de censur. disp. 41. sect. 2. num. 11. Petr. de Ledesma tom. 2. summ. tr. 1. c. 6. conclus. 20. diff. 1. intelligunt ea verba *in Diocesi sua* de subditis, ut scilicet Episcopus existens extra Diocesim possit quidem absolvere subditum suum à casibus Papalibus occultis, si is intra Diocesim existat, non tamen possit absolvere subditum existentem extra Diocesim, quamvis Episcopus ipse intra Diocesim existat. Et hæc sententia est probabilis.

Cæterum non minus probabile est, ea verba *in Diocesi sua* explicanda esse erga subditos suæ Diocesis; atque ideo posse Episcopum prædicta facultate uti, etsi tam ipse, quam subditi extra Diocesim existant: Quia in iis, quæ spectant ad jurisdictionem voluntariam, quæ scilicet exercetur in subditos volentes, cuiusmodi est absolutio à casibus occultis, Summo Pontifici reservatis, jura non attendunt locum, in quo Episcopus, vel subditi commoentur, sed jurisdictionem in personas. Ita Sanchez lib. 2. mor. cap. 11. num. 16. & 17. Layman lib. 1. tract. 5. p. 1. c. 4. num. 8. Fagundez in decalog. par. 2. lib. 8. cap. 8. num. 34. Bassæus v. absolutio n. 5. versic. de particula autem in Diocesi, Barb. in remission. Concilii super hunc locum. Diana par. 7. tr. 2. resol. 8. & 9. & alii apud ipsum.

Utrum autem hodie Episcopus possit uti facultate per Tridentinum sibi concessa etiam in crimine hæresis in eodem conscientiae foro, alii affirmant, alii negant. Pro qua difficultate sit sequens resolutio.

*An per Bullam Cænæ derogatum sit privilegio Episcoporum à Tridentino sibi concessio, ut possint absolvere suos subditos à crimine hæresis, aliisque casibus occultis in eadem Bulla Papæ reservatis.*

## RESOLUTIO CXII.

**H**Æc quæstio in utramque partem hucusque à Doctoribus probabiliter disputata est.

Affirmativam tuetur Suarez 3. p. tom. 4. disp. 3. sect. 2. Tolet. lib. 1. cap. 41. Sanchez lib. 2. mor. c. 11. num. 27. Azor. tom. 1. lib. 8. instit. mor. c. 19. qu. 3. Dian. p. 1. tract. 5. resol. 2. & par. 4. tract. 2. resolut. 23. Quorum ratio est, quia à tempore Pii V. in fine Bullæ Cænæ expressè habetur hæc clausula, quod ab illis casibus nulla persona, etiam Episcopali dignitate prædita, absolvere possit prætextu cuiusvis facultatis, etiam per cuiusvis Concilii decreta in genere, vel in specie concessæ. In cuius clausulæ probationem afferuntur duo Sacre Congregationis responsa: imò & Gregor. XIII. & Clem. VIII. decreta, quibus declaratur, facultatem Tridentini Episcopis ademptam fuisse, & sic hodie Episcopos non posse vi illius facultatis à casibus in Bulla Cænæ contentis, quantumvis occultis, & multo minus ab hæresi occulta absolvere.

Contrariam sententiam sustinent Nav. in man. cap. 27. num. 260. Sà v. Episcopus num. 34. Fagundez præcep. 2. lib. 8. cap. 9. num. 32. & 33. Rodriguez tom. 1. qq. reg. q. 20. art. 10. Henriquez lib. 13. cap. 27. nu. 5. Avila de cens. p. 2. cap. 7. disp. 2. dub. 9. Layman lib. 1. tract. 5. par. 2. cap. 5. num. 2. Horum fundamentum est, tum quia in Bulla Cænæ non fit expressa mentio Concilii Tridentini, cuius decretis propter maximam ejus auctoritatem nunquam præsumitur derogatum, nisi de eo fiat expressa mentio: Tum quia per Bullam Cænæ censetur solum prohiberi absolutio hæresis, aliorumque criminum, quando publica sunt; & sic non videtur derogari privilegio Tridentini, quod de occultis criminibus loquitur.

Sed

Sed hoc dubium, ac controversiam sustulit Sanctiss. D. N. Alex. VII. qui in Congregatione generali Sanctæ Romanæ, ac universalis Inquisitionis, habita die 2. Octobr. 1665. inter cæteras præpositiones hanc expressè damnavit. *Sententia asserens Bullam Cœne solum prohibere absolutionem hæresis, aliorumque criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 19. Iulii in Consistorio Sacræ Congregationis Eminensissimorum Cardinalium visa, & tollata est.* Prohibuitque, ne quis deinceps eam defendat, edat, aut de ea publicè, aut privatim tractet sub pœna excommunicationis ipso facto incurrendæ, cujus absolutionem sibi, ac Successoribus reservavit. Et sic hodie Episcopi non possunt absolvere suos subditos à crimine hæresis, aliisque casibus in Bullæ Cœnæ contentis, etiamsi non publici sint, sed omninò occulti.

*An Capitulum, Sede vacante, venias nomine Episcopi; Idedque eo casu exercere valeat ea omnia, quæ ex concessione Tridentini competunt Episcopo.*

## RESOLUTIO CXVIII.

**N**egativam tuentur Alterius tom. 2. disp. 8. de susp. c. 3. Bonac. de cens. disp. 7. q. 5. punct. 1. asserentes, Capitulum, Sede vacante, non habere eam facultatem absolvendî, quam habet Episcopus, per Tridentinum sibi concessam sess. 24. de refor. c. 6. Idem, quod casum hæresis, docent Suarez to. 4. de pœnit. disp. 30. sect. 2. num. 4. Ledesma tom. 2. summ. tract. 1. c. 6. diff. 5.

Communior nihilominus, & probabilior est sententia contraria, videlicet Capitulum, Sede vacante, absque dubio venire nomine Episcopi, ipsique competere ea omnia, quæ competunt Episcopo jure communi, & jurisdictione ordinaria: Ideoque posse absolvere, & dispensare in omnibus casibus, in quibus nunc potest absolvere, & dispensare Episcopus. Quia Capitulum, dum Sedes

vacat Episcopalis, succedit Episcopo in iis, quæ ad Episcopi jurisdictionem ordinariam pertinent: sicuti docent Sayrus in clau. regia lib. 6. cap. 11. num. 84. Henriquez lib. 6. de pœnit. c. 16. num. 1. Beja in respons. cas. conscient. part. 4. cas. 37. Riccius in praxi fori Eccles. ref. 47. Quaranta Summ. Bullar. V. *Capitulum*. Garzias de benefic. par. 5. cap. 7. numer. 41. & alii plures, quos citat, & sequitur Barb. de potest. Episcopi par. 2. alleg. 39. nu. 16. Atqui facultas competens Episcopo ex privilegio Tridentini spectat ad jurisdictionem Episcopi ordinariam: Ergo, mortuo, vel amoto Episcopo, transit in Capitulum. Ita præter citatos Doctores. Abb. in cap. *cum olim de majoris*. 49. obed. dub. 5. Sylv. v. *Capitulum* num. 2. Navarr. consil. 94. de temporib. ordinat. art. 1. & consil. 7. de filiis Presbyter. Gutt. lib. 1. qq. canonic. cap. 3. num. 10. Riccius loc. cit. resol. 305. num. 4. Quare Capitulum, Sede vacante, potest etiam dispensare in omnibus irregularitatibus, in quibus potest Episcopus, quia eo casu potest omnem ordinariam Episcopi jurisdictionem exercere. Atqui facultas dispensandi super omni irregularitate, proveniente ex delicto occulto, competens Episcopis perpetuo jure ratione dignitatis censetur ordinaria: Ergo. Ita Doctores citati, quibus addo, Sanchez lib. 8. de matrim. disput. 2. Molin. de just. & jure tract. 5. disput. 11. num. 1. Panvin. de potest. *Capituli, Sede vacante*, p. 1. quest. 5. contra Suarez de cens. disp. 48. sect. 2. num. 13.

Dices. Facultas à Tridentino Episcopis concessa competit eis jure speciali; atque jure speciali competunt Episcopo, non transeunt in Capitulum, teste Abb. in cap. *verum de foro compet.* num. 9. Ergo &c.

Respondeo distinguendo majorem: In Capitulum non transeunt, quæ competunt Episcopo jure speciali delegato, & sic concedo majorem: Non transeunt, quæ competunt Episcopo jure speciali ordinario, & sic neganda est minor: Hæc enim transeunt in Capitulum, Sede vacante, sicuti docent idem Abb. in cit. cap. *verum de foro compet.* num. 9. Felin. in cap. *Cum*

Cum te de rescrip. num. 17. Henriquez lib. 6. cap. 16. numer. 1. Genuen. in praxi Archiepisc. cap. 67. num. 22. Atqui facultas, quæ conceditur Episcopo ex Trid. decreto sess. 24. citat. non competit jure speciali delegato, sed jure speciali ordinario: Siquidem non conceditur personæ, sed officio, vel dignitati, & in perpetuum: Quæ autem competunt Episcopo ratione officii, & dignitatis dicuntur competere de jure ordinario, ad tradita per Bartol. in l. ambitione ff. de decret. ab Ordinario factis num. 34. Angel. in summ. v. excommun. 5. cas. 1. num. 39. Navar. in man. cap. 27. num. 45. Felin. in cap. final. de Offic. delegat. num. 8. Sylv. v. delegatus q. 8. dicto 1. Covar. lib. 3. variar. cap. 20. n. 6. Henriquez lib. 6. de pœnit. c. 7. num. 3.

Neque obstat, si dicatur, quod facultas concessa Episcopo, tanquam Sedis Apostolicæ delegato, quamvis concedatur officio, vel dignitati, & in perpetuum, censenda sit delegata, teste Abb. in cap. ad absolvendam de hæretic. num. 25. Proinde cum facultas Tridentini in casu nostro concedatur Episcopo, tanquam Apostolicæ Sedis delegato; in Capitulum videtur transire non posse.

Respondeo enim id minimè obstat, quia facultas in Tridentino non conceditur limitativè, tanquam Apostolicæ Sedis delegato; sed conceditur absolute, ut constat ex dicto Tridentini decreto.

Addo, nonnullos Doctores sentire, quod facultas concessa Episcopo, tanquam delegato Sedis Apostolicæ, non sit delegata sed ordinaria, jureque ordinario ipsi competat.

Nec item obstat, etsi in dicto Concil. decreto additum sit, quod à casu hæresis Episcopus absolvat per se, & non per Vicarium: Ergo talis facultas, Sede Episcopali vacante, non trahit in Capitulum, cum Capitulum constet ex pluribus Canonici; ideoque per semetipsum absolvere non possit.

Nam responderi potest, per Bullam Cœnæ Domini derogatum esse privilegio Episcoporum quoad casum hæresis,

ut neque per se ab eo absolvere possit; ut patet ex supra relato Alexand. VII. decreto die 2. Octobr. 1665. quæ derogatio, ac declaratio si non extaret, posset Capitulum, Sede vacante, alicui specialiter ab ipso Capitulo delegato committere, ut delinquentem à delicto hæresis absolveret.

*An Archiepiscopus vigore decreti Concilii Tridentini facultatem habeat absolvendi subditos suffraganeorum ab omnibus casibus occultis Summo Pontifici reservatis. & cum iisdem dispensandi in irregularitatibus ex delicto occulto provenientibus.*

## RESOLUTIO CXIX.

**A**ffirmativè respondent communiter Doctores, Sanchez lib. 2. mor. cap. 11. numer. 6. Suarez tom. 3. de pœnit. disp. 30. sect. 2. num. 8. Sayrus in clavi reg. lib. 6. cap. 11. num. 79. Bonacina de cens. disp. 1. quæst. 3. punct. 2. num. 7. Barbosa de potest. Episc. allegat. 39. num. 19. asserentes Archiepiscopum habere potestatem absolvendi subditos Suffraganeorum, & cum ipsis dispensandi in irregularitatibus occultis, quando sibi subduntur: Quia tunc ratione officii jurisdictionem in illos ordinariam habet, atque exercet. Sed quares, quandonam subditi Suffraganei Archiepiscopo subdantur?

Resp. Subduntur primò, cum Archiepiscopus Diocesim Suffraganei, jure sibi concedente, visitat. Nam eo tempore jurisdictionem ordinariam in subditos Suffraganeorum habet; tuncque ipse est illorum Superior. Provinciam autem Metropolitanus tunc solum visitare potest, cum justa causa suadet, in Concilio Provinciali probata, & postquam Diocesim suam plenè visitavit, sicuti constat ex Tridentino sess. 24. c. 3. & docet Sanchez loc. cit. n. 6.

Secundò subduntur per appellationem ad Archiepiscopum, seu Metropolitanum.

Subduntur tertio, cum Suffraganeus injustè, ac malitiosè absolutionem differt. In his, inquam, tribus casibus integrum

grum est Archiepiscopo Suffraganei subditos ab omnibus casibus, & censuris reservatis, sed occultis absolvere. Ita Barbosa cit. n. 19. Bonac. cit. n. 7. ex communi.

His addendum, quod Archiepiscopus tempore visitationis potest etiam dispensare in votis subditorum sui Suffraganei; sicuti docent Avila de censuris par. 7. disp. 10. dub. 6. Layman lib. 1. tract. 4. cap. 7. §. 8. num. 8.

Item potest Archiepiscopus etiam extra actum visitationis absolvere Episcopos ipsos suffraganeos a casibus in Bulla Cœnz contentis, & cum iisdem dispensare in irregularitatibus, votis juramentis, si ad ipsum recurrant, ipsique subdantur. Suarez tom. 2. de relig. lib. 6. cap. 11. numer. 3. Avila citata disp. 6. sect. 5. dub. 5. Sayrus loc. citat. Bonacina de censuris disp. 7. sect. 5. punct. 1. nu. 2. Barbosa cit. alleg. 39. n. 18.

*An quando plures late sunt reservationis pœne, una dempta, omnes auferantur.*

## RESOLUTIO CXX.

**R**espondeo. Vel plures reservationis pœnz late sunt ab eodem Superiore, vel à diversis Superioribus, si ab eodem, una ablata, omnes tolluntur: quia hujusmodi reservationes licet materialiter sint plures, formaliter tamen censentur unica, hoc est, unica jurisdictionis negatio, & consequenter per unicam facultatis concessionem, & absolutionem omnes tolluntur. Nomine autem ejusdem Superioris intelligi debet non tantum, qui reservationem tulit, sed etiam qui eadem potestate fungitur, uti est Successor, & Prædecessor: Quare si Episcopus delictum aliquod reservaverit, cujus reservationem à Successore confirmatam postmodum ipse novo edito sibi specialiter reserve, per unicam facultatis concessionem à Successore obtentam, utraque reservatio auferetur.

Si verò plures reservationes late sint à pluribus Superioribus, diversam potestatem habentibus, puta ab Episcopo, & Papa, tunc planum est, facultatis con-

cessionem ab Episcopo obtentam non sufficere ad tollendam reservationem à Papa indutam, cum reservatio Papæ sit altioris potestatis, in eamque nihil juris habeat Episcopus. Unde dempta reservatione Episcopali, adhuc Papalis remanebit. Ita Navar. in man. cap. 27. nu. 261. Card. de Lugo de Sacram. pœnitent. disp. 20. sect. 8. num. 149. qui recte notat longè diversam esse rationem reservationis Papalis, & Episcopalis simul respectu ejusdem delicti. Nam quamvis, ablata reservatione Episcopali, non tollatur Papalis, ut dictum est, bene tamen vice versa, ablata Papali, auferetur etiam Episcopalis. Unde abs re Episcopus reservaret sibi delictum absque censura, quod prius Papa sibi reservasset, cum à peccato Papæ reservato Episcopus non possit absolvere, & consequenter neque alteri committere facultatem illud relaxandi, sicuti docet Suarez disp. 31. de pœnit. sect. 24. num. 25.

Imò id expressè Episcopis vetat decretum Sacrz Congregationis editum jussu Clem. VIII. anno 1601. apud Stephanum Quaranta Summa Bullar. v. casus reservationis numer. 14. ne scilicet de cætero sibi reservent casus Sedi Apostolicæ specialiter reservatos. Quod adeò verum est, ut si Episcopus prius reservationem alicujus peccati induxisset absque censura, & postea illud ipsum Papa sibi reservaret, Episcopi reservatio omnino cessaret, eo quod per reservationem Papalem statim intelligitur Episcopo ablata facultas absolvendi ab illo peccato. Ita Card. de Lugo loc. cit. num. 151. Suarez cit. quibus subseribit Mazuch. disp. 1. q. 3. differ. 51. num. 260.

Dixi absque censura, quia si reservata culpa esset adnexa censura, videretur dispar ratio: Pro qua ponitur sequens resolutio.



*An quando in patratorem alicujus delicti  
plures late sunt censuræ reserva-  
tæ, unica ablata, omnes  
tollantur.*

## RESOLUTIO CXXI.

**R**espondeo. Quando plures censuræ reservatæ in patratorem ejusdem delicti latæ sunt à multis Superioribus, eandem potestatem habentibus, uti sunt Successores, & Prædecessores, omnes per unam facultatis concessionem, & absolutionem tolluntur. Et ratio est, quia sicut ferentes censuram eo casu, etiam materialiter sint multi, formaliter tamen in potestate, & in ordine ad inducendam obligationem, censentur unus, ita etiam latæ ab ipsis censuræ, etiam materialiter sint plures, formaliter tamen censentur unica, & potius videntur esse plures leges, eandem censuram ferentes, eundemque actum prohibentes, quam plures censuræ & consequenter, una ablata, omnes tolluntur. Ita DD. infra citandi.

Quando verò plures censuræ reservatæ sunt à multis Superioribus, diversa potestate fungentibus, tot sunt censuræ, & tot incurruntur, quot sunt ferentes, modo quisque censuram tulerit tanquam suam, & intenderit ferre novum jus, novamque imponere pœnam, & consequenter potest pœnitens ab una absolvi, altera manente. Quare si Episcopus sententiam excommunicationis tanquam suam, & à se latam contra ingredientem septa monialium ad malum finem decernat, hæc diversa, & distincta ab ea, quæ per constitutionem Gregor. XIV. decernitur habenda erit; Quia Auctores sunt diversi, neque eadem potestate fungentes, ut successores, & prædecessores; & proinde ablata excommunicatione Episcopali, non tolleretur Papalis, & e contra, dempta Papali, adhuc remaneret Episcopalis. Ita Sayrus lib. 1. cap. 10. numer. 10. Ugol. de cens. tab. 1. c. 25. §. 2. Suarez de cens. disp. 5. sect. 2. num. 13. & disput. 31. de pœnit. sect. 24. num. 25. Filliuc. tract. 11. numer.

142. ConincK de pœnit. disp. 7. dub. 6. n. 46. Bassæus in suis floribus v. Censura. num. 28.

Dixi tanquam suam, quia si Episcopus ferret eam excommunicationem tanquam innovationem, & publicationem illius, quæ lata est per constitutionem Papalem, jam eadem cum illa censenda esset, & contrascentes unicam tantum excommunicationem reservatam ex unio facto incurrerent. Ita DD. præcitati, quibus addo Navar. in cap. ita quorundam de Iudeis notab. 11.

*An Confessario simplici ex metu mortis, vel  
alterius gravis mali liceat Pœni-  
tentem absolvere casibus re-  
servatis obstrictum.*

## RESOLUTIO CXXII.

**N**egativè responderet Cajetan. num. 4. Nam is cum putet omnes leges humanas obligare cum periculo vitæ, consequenter diceret inferiori Confessario non licere, ad vitandum grave malum, vel etiam mortem, violare leges Ecclesiasticas, quæ verant sub gravi culpa, & pœna absolvere extra necessitatis casum habentem casus reservatos sine Superioris licentia: Tum quia potius moriendum est, quam committere peccatum: Ergo potius moriendum est, quam violare legem Ecclesiasticam, prohibentem absolutionem à reservatis, quia violatio legis Ecclesiasticæ involuit peccatum.

Resolutio tamen est in oppositum, ad vitandam mortem, vel aliud grave malum, licere Confessario simplici extra necessitatis casum pœnitentem absolvere, casibus reservatis obstrictum: Tum quia leges humanæ, (Quales sunt etiam censuræ) licet aliquando obligare possint cum periculo vitæ, quando scilicet observatio legis humane plus confert bono communi, quam conservatio propriæ vitæ, ordinariè tamen non obligant cum tanta severitate, quia observatio legis humane ordinariè plus non prodest bono communi, quam conservatio vitæ: sicuti supra dixi resol. 62. §. 17. & 18. leges

ges autem reservationem inducentes sunt humanæ, quia earum obligatio oritur ex voluntate, & præcepto legis latoris humani: Ergo, &c. Tum quia nemo obligatur ad impossibile: quod autem fit ex metu gravis mali, ideoque valde difficile est, moraliter impossibile censetur. Ergo, &c. Ita Suarez de legibus lib. 3. cap. 30. num. 4. Vasquez 1. 2. disp. 161. cap. 2. Becanus 1. 2. tract. 3. cap. 6. q. 4. Layman lib. 1. tract. 4. cap. 14. num. 5. Bonac. tom. 2. disp. 2. q. 8. punct. 2. num. 6. Diana par. 5. tract. 3. resolut. 39. Sancius in select. disp. 35. num. 6.

Addit Dian. ex Sancio locis citatis si metu gravis mali inferatur ab ipso penitente, posse Confessarium absolutionis verba proferre sine intentione, tamquam circa indispositum.

Ad rationem pro opposita sententia respondeo, cum dicimus legem humanam non esse servandam cum vitæ, vel gravis mali discrimine, nos non dicere committendum esse peccatum (hoc enim nullo modo licet) sed hoc solum dicere, legem Ecclesiasticam reservationis, sicuti & adnexas censurarum pœnas tunc non obligare; ac proinde nullum esse peccatum absolvere in prædicto casu penitentem talibus reservatis obstrictum. Neque alia censetur esse mens Superioris reservantis, quam ut reservatio cesset in tali casu.

Hinc colligitur, gesta ex metu mortis, vel alterius gravis mali regulariter excusari à culpa, & adnexa censurarum pœna, modo non sint ex obiecto, & intrinsicè mala, sed talia tantum per positivè legis prohibitionem. Sanchez lib. 2. moral. cap. 12. numer. 8. Suarez loc. cit. num. 16. Avila part. 2. de censur. cap. 6. disp. 11. concl. 4. & 5. Layman loc. cit. num. 8.

Unde inferitur primo, licere Sacerdoti ex metu mortis, vel alterius gravis mali celebrare missam sine altari, calice consecrato, vestibus sacris, modo id non tendat in religionis contemptum. Coninck de Sacram. disp. 13. dub. 12. n. 103. Suarez disp. 6. de cens. sect. 3. n. 4. Layman loc. cit. num. 9.

Inferitur secundo, licere, morte inten-

tata, matrimonium contrahere cum impedimento dirimente, sine intentione tamen consumandi. Sanchez lib. 7. de matrimonio. disp. 5. n. 4. Suarez loco cit. n. 13. Layman cit. n. 9.

Inferitur tertio, ex eodem metu Sacerditi licere occulto peccatori Sanctam Eucharistiam porrigere. Dian. par. 3. tr. 6. ref. 48. ex Suarez de Sacram. Euch. disp. 67. sect. 1.

Inferitur quarto, licere ob idem malum comminatum, Sacramenta consicere in materia dubia. Sanch. in select. disp. 35. n. 6. & seq.

Inferitur quinto, neminem teneri cum vitæ discrimine Eucharistiam, vel baptismum suscipere, quoties moraliter certus sit de contritione. Bassæus in suis florib. v. metus n. 4.

Plures casus vide apud Dian. par. 3. tr. 6. resol. 48. & 83. & Sanc. in select. disp. 35. n. 6. & disp. 44. n. 12.

*Quid agendum Confessario, qui ob defectum jurisdictionis Penitentem invalide à reservatis absolvit.*

## RESOLUTIO CXXIII.

**R**espondent aliqui, ut Jo: Valer. de differentia utriusque fori verb. penitent. diff. 9. num. 2. qui citat Henric. lib. 3. de pœnit. cap. 2. num. 2. & seq. Confessario in proposito casu nihil esse faciendum, neque petendam à Superiore facultatem, sed in bona fide relinquendum esse penitentem, maxime si ignorantia laboret: Quia tali casu penitens ab omnibus peccatis remanet absolutus, directè quidem à non reservatis, indirectè verò à reservatis. Unde Confessarius in tali casu secundum Valerium ad aliud non tenetur, quam ad penitentiam agendam, si culpabiliter creaverit.

Verum in hac difficultate distinctio adhibenda est. Nam vel Confessarius, qui ex defectu jurisdictionis invalide penitentem à reservatis absolvit, potest sine scandalo, infamia, fractione sigilli, & gravi nocumento penitentem extra confessionem monere, puta ex ejus licentia,

H 2 vel

vel non potest sine prædictis incommodis: Si primum, Confessarius tenetur, obtenta à Superiore licentia, pœnitentem monere, ac inducere ad repetendam confessionem. Quia Confessarius obligatur consulere saluti pœnitentis, quantum potest, ad id autem faciendum, accommodatum est medium inductum pœnitentis ad iterandam confessionem, vel saltem ad confitendum sibi peccata post confessionem invalidam commissâ, in qua confessione generalem instituit Confessarius interrogationem de peccatis aliâs admissis, an doleat, quorum si saltem confusè recorderetur, poterit illum digestè à reservatis absolvere. Ita Tolet. lib. 3. cap. 10. num. ultim. Suarez tom. 4. disp. 32. sect. 6. numer. 6. Coninck de pœnit. disp. 8. dub. 17. num. 143. Layman lib. 5. tract. 6. cap. 9. num. 6. Card. de Lugo de pœnit. disp. 22. sect. 3. Dian. par. 1. tract. 1. resolut. 60. Floron. de cas. refer. par. 1. cap. 5. sect. 10. Mazuch. loc. cit. nu. 27.

Nunquam tamen eo casu licet Confessario absolvere pœnitentem absentem; cum absolutio sacramentalis non possit dari absenti, ut patet ex decreto Clem. VIII. quo contraria opinio, tanquam falsa, temeraria, & scandalosa damnatur. Alia verò ratio est de censuris, quarum absolutio non solum valide, sed interdum etiam licitè absenti, imò ignoranti, & invito impendi potest, cum non sit Sacramentalis, sed actus jurisdictionis fori externi; ut ex communi docet Bonac. de cens. in comm. disp. 1. q. 3. punct. 6. Fill. tr. 11. c. 10. q. 6.

Si verò Confessarius non potest sine scandalo, infamia, fractione sigilli, vel gravi suo nocumento pœnitentem monere, vel ad repetendam confessionem inducere, tunc veram arbitror sententiam Valerii, Confessarium scilicet eo casu teneri tantum ad agendam pœnitentiam, si culpabilem commisit errorem, non autem ad pœnitentem extra confessionem de invaliditate absolutionis monendum, cum iudicium sit finitum. Ita Doctores superius citati, quibus addo Sanchez lib. 3. de matrim. disput. 16. q. 1. num. 3. ubi resolvit, semper frangi sigil-

lum, quoties Confessarius cum pœnitente extra confessionem sine ejus licentia agit de auditis in confessione. Quam resolutionem extendit ad casum etiam, quo Confessarius cum pœnitente tractare vellet de essentiali errore in confessione commissio, ut in casu proposito. Quod etiam cum Sanchez docent Fagundez præcep. 2. lib. 6. cap. 4. numer. 33. Henriquez lib. 3. de pœnit. cap. 2. num. 2. Præpositus 3. par. quest. 1. de sigill. dub. 6. Malderus tract. de sigill. cap. 4. quos citat, & sequitur Dian. par. 5. tract. 11. resol. 30. contra Suarez de pœnit. disput. 33. sect. 6. num. 6. Turrianum de pœnit. q. 11. art. 1. disp. 33. dub. 6. quorum sententiam probabilem putat Layman lib. 5. tract. 6. c. 14. num. 15.

Dixi extra, quia intra confessionem potest fieri mentio præcedentium, & præcipue essentialis erroris in præcedenti confessione commissi, sicuti docent Henriquez Præpositus, Malderus apud Diana par. 5. tract. 11. resol. 20. & constat ex praxi Confessariorum, qui pœnitentes de recidivo arguere, absolutionemque aliquando negare solent. Quamvis contrarium sentiat ipse Diana loc. cit. cum Fagundez præcep. 2. lib. 6. c. 4. num. 33. asserentes, nunquam id licere sine expressa pœnitentis licentia, nisi de iis, quæ iterum is confitetur, vel saltem tangit. Vide Diana loc. cit. & par. 2. tr. 1. resol. 12.

Neque obstat posteriori resolutioni, quòd damnum injustè datum rescandendum sit etiam cum aequali damno ejus; quitalis damni causa extitit, & consequenter Confessarius, qui ob defectum jurisdictionis culpabiliter pœnitentem à reservatis absolvit, teneatur etiam cum gravi suo nocumento illum de invaliditate absolutionis monere. Nam responderi potest, longè gravius esse damnum, & scandalum, quòd Confessario ex sua monitione imminet, quàm damnum pœnitentis, cujus peccata, à quibus se ante absolutum bona fide existimabat, per posteriorem confessionem remittuntur, sicuti docet Layman l. 5. tract. 6. c. 9. num. 6. ideòque cessare eo casu obligationem monendi pœnitentem.



tentem. Quæ responsio locum habet, tam si Confessarius culpabiliter, quam inculpabiliter penitentem absolverit.

Hic adverte, quòd licet præfens resolutio data sit pro eo casu, quo Confessarius defectu jurisdictionis invalidè penitentem à reservatis absolverit, nihilominus habet locum, quoties confessio fuit nulla ob alios etiam defectus, tam ex parte penitentis, quam Confessarii provenientes: v. gr. ob essentiali defectum formæ, subiectionis penitentis, vel materiæ, hoc est, requisiti doloris, aut integritatis confessionis; de quo vide Card. de Lugo de pen. disp. 22. sect. 3.

*An Confessarius teneatur monere Penitentem, quem validè quidem, sed illicitè absolvit.*

#### RESOLUTIO CXXIV.

**A**ffirmativè respondet Fernandez in exam. teol. mor. par. 4. cap. 5. §. 11. num. 3. apud Dian. par. 1. tract. 2. res. 1. Confessarium scilicet, qui sufficienter non interrogavit penitentem de numero, specie, aliisque peccatorum circumstantiis, teneri eum monere de defectu commissio, si absque scandalo, vel gravi nocumento monitio fieri possit: Quia huiusmodi confessio non est integra, cum quædam non sit debite confessus.

Contrarium tamen est resolvendum, nempe Confessarium, qui penitentem illicitè quidem, sed tamen validè absolvit, regulariter ad nihil teneri, nisi ad penitentiam de errore commissio agendam. Monere enim extra confessionem nullo modo debet, cum iudicium sit finitum. Si tamen idem penitens ad confessionem rediret, utique deberet eum monere de defectu commissio ad effectum, ut talis confessio fiat integra, & absolutio non illicitò impensa. Ita Filliucius tract. 7. de confess. cap. 12. num. 374. Card. de Lugo disp. 22. de penit. sect. 6. num. 60. Diana loc. cit. quibus subscribit Mazuch. disp. 1. quæst. 3. diff. 33. num. 277. ubi addit, si ex culpabili Confessarii defectu penitens maneret in statu pec-

cati, vel proxima peccandi occasione, tunc teneretur illum monere, dummodo sine scandalo, fractione sigilli, vel gravi suo detrimento possit. Sed hæc Mazuchelli additio vix in praxi locum habere potest, cum vix possit dari casus, in quo ex tali monitione extra confessionem non subsit periculum scandalum, vel fractionis sigilli, quod ob integri Regni nedum ob penitentis salutem, sine ipsius licentia, violare non licet, sicuti rectè docet. Sanctus Thomas in suppl. 3. par. quæst. 11. art. 1. Layman lib. 5. tract. 6. cap. 14. num. 2. Malderus in suo aureo tractatu de sigillo cap. 1.

*Ad quid teneatur Confessarius, qui Penitentem, in excipienda ejus confessione, ad restitutionem non obligavit.*

#### RESOLUTIO CXXV.

**R**espondeo: Confessarius in hoc casu errorem à se commissum corrigere debet, monendo quam primùm penitentem de restituendi, obligatione, aut revocando consilium tum in sequenti confessione, tum extra confessionem, obtenta prius licentia alloquendi ipsum penitentem de auditis in confessione; sic suum corrigeret defectum; damnumque, quod tertius patitur, impedit. Ita Vaquez de penitent. quæst. 93. dub. 8. artic. 3. Suarez de penit. disp. 32. sect. 6. num. 9. Filliucius tract. 7. cap. 12. num. 374. Bass. v. Confessarius 5. num. 5.

Major difficultas est, quando penitentem Confessarius ad restitutionem faciendam non obligavit, neque postea monuit, vel quia neglexit, vel quia commodè non potuit, aut quando dilata est monitio in tempus, quo penitens ob eam dilationem factus est impotens ad restituendum, an tunc ipse teneatur restituere.

Respondent P. Navar. lib. 3. cap. 4. num. 125. Angelus v. Restitutio num. 5. Nav. in man. cap. 17. n. 22. Confessarium qui ex Officio confessiones audit, ut Parochus, obligari in tali casu ad compensationem

mem damni , quod per ipsius negligentiam, vel ignorantiam alteri tertiæ personæ illatum fuit, eò quòd pœnitentem ad restitutionem ipsi faciendam non obligavit. Quorum ratio est, quia sacerdos Curatus tenetur ex officio impedire, ne subditi damnum inferant, & consequenter illud ab ipsis illatum resciant: Confessarium verò non Curatum nullam in proposito casu restituendi obligationem contrahere, cùm ex officio illud damnum impedire non teneatur.

Sed rectius hoc loco videtur distinguendum . Nam vel Confessarius ex culpa lata, seu ex ignorantia crassa, aut scienter dixit, vel suavitè pœnitentem, ne restitueret, cùm teneretur, & tunc ipse, sive sit Sacerdos Curatus, sive simplex tenetur ad restitutionem: Quia Confessarius suo culpabili consilio, & injusta actione fuit causa positiva, & efficax damni, quod tertius patitur: ex injusta autem damnificatione oritur restituendi obligatio .

Si verò Confessarius negativè se habuit, solumque neglexit admonere, vel obligare pœnitentem ad restitutionem faciendam, tunc probabilius dicitur, nullam ipse restituendi obligationem contrahere: Quia licet ex officio teneretur Confessarius benè instruere pœnitentem, ideòque graviter peccaverit contra proprium officium erga pœnitentem, non adhibendo debitam diligentiam, nullam tamen actionem injustam exercuit contra tertium, cui pœnitens restitutionem facere teneretur: Ideòque non peccavit contra justitiam, sed solum contra charitatis legem, Religionisque virtutem ex neglectu sui muneris, ex quarum læsione constat apud omnes nullam restituendi obligationem confurgere . Siquidem hoc discrimen intercedit inter causas positivè concurrentes ad damnum injustum, mandando, consulendo, & concurrentes negativè tantum tacendo, non obstando, quòd illæ per solum voluntarium, & efficacem concursum sint causæ morales damni; negativæ autem non ob solum voluntariam taciturnitatem censentur esse causæ damni, sed in super requiritur, ut vel ratione officii, vel an-

tecedentis pacti, ideòque ex justitia ad impedimentum sint obligatæ. Ita Suarez de pœnit. disp. 32. sect. 6. num. 9. Sanchez lib. 1. moral. cap. 6. num. 5. Reginal. lib. 2. num. 42. ConincK de Sacram. disp. 8. dub. 17. num. 114. Layman lib. 3. tract. 4. cap. 7. num. 6. Bonacina de restit. disp. 1. quest. 2. punct. 11. num. 12. Malderus 2. 2. tract. 5. cap. 3. dub. 24. Filliuc. tract. 7. cap. 12. num. 375. Baff. verb. Confessarius 5. num. 4. Card. de Lugo disp. 22. de pœnit. sect. 3. num. 67. Diana par. 1. tr. 2. resol. 1.

*An possit Confessarius simplex absolvere  
Pœnitentem, quem scit peccatum  
reservatum commississe; il-  
ludque non esse con-  
fessum .*

## RESOLUTIO CXXVI.

**A**ffirmativam sustinet Megala apud Mazuchellum de cas. ref. disp. 1. q. 3. diff. 56. num. 284. cujus sententiam probabilem putat ipse Mazuch. loc. cit. Dicitur, quia pœnitens in multis casibus excusatur ab integritate materiali confessionis: Ergo in iis casibus à Confessario interrogatus potest negare se peccatum commississe, utendo restrictione mentis, ob vitandum mendacium. Proinde Confessarius in proposito casu persuadere sibi potest pœnitentem non indignè absolutionem petere, sed justa de causa crimen reservatum in confessione reticere: Ergo potest illum ritè, & rectè absolvere.

Verum à communi sententia non est recedendum, nimirum quando Confessario evidenter constat extra confessionem pœnitentem commississe reservatum, & ab ipso rogatus, negat nullo modo illi esse impendendam absolutionem. Quia pœnitens eo casu præsumitur indispositus accedere, indignèque absolutionem petere: Ergo non debet illum absolvere: alioquin Confessarius sacrilegæ pœnitentis confessioni cooperari censeretur. Ita DD. infra citandi.

Quando verò Confessarius de delicto pœnitentis reservato non est certus, aut illud sibi innotescit ex confessione complicitis,

plis, debet penitentem in genere interrogare, num conscientiam alicujus peccati habeat, aut etiam in particulari petere, num tali reservato crimine sit obstrictus, modo complicitem non nominet, nec sit periculum, ut penitens in suspicionem veniat, complicitem hoc ipsum in confessione aperuisse. Quod si penitens, tali interrogatione præmissa, delictum non fateatur, Confessarius debet illum absolvere: Tùm quia dubium in hoc casu favet penitenti: Tùm quia Confessarius non potest uti scientia confessionis, cum periculo detegendi peccatum complicitis. Ita Grassi lib. 1. cap. 23. num. 41. Fagundez præcep. 2. lib. 6. cap. 4. num. 39. Reginaldus lib. 3. nu. 29. Sancius in selectis disp. 8. num. 6. Diana p. 5. tr. 11. resol. 21.

De facultate absolvendi à censuris, & casibus reservatis vigore Bullæ Jubilei.

*Que facultas concedatur in Jubileo.*

## RESOLUTIO CXXVII.

**A** Pud Judæos annus quinquagesimus dicebatur Jubileus, hoc est, annus remissionis, eo quod eo anno juberentur ab agricultura vacare, debita remittere, fundos antiquis dominis restituere, servos libertate donare; sicut constat ex c. 25. & 27. *Levitici*. Quare ad imitationem veteris testamenti dictus est annus Jubilei, qui Romæ cum plenissima peccatorum indulgentia, magnaque jubilatione, ac solemnitate celebrari solitus fuit, olim centesimo quoque anno. Quem postea Clemens VI. ad annum quinquagesimum revocavit. Et demum Paulus II. ad annos xxv. reduxit.

Porro aliquæ etiam plenissimæ indulgentiæ, quæ pro toto orbe cum aliis gratiis, & facultatibus, plerumque ad duas hebdomadas post promulgationem, à Pontificibus concedi solent, maximè post annum Jubileum in Urbe peractum dictæ sunt Jubileæ, de quibus vide Navar. de anno Jubileo notab. 1. & 4. Filliuc. tr. 8.

cap. 10. qu. 1. & 2. Benzon. de anno Jubilei lib. 1. c. 4. & 5.

In Bulla Jubilei conceditur facultas absolvendi à censuris, & casibus reservatis, commutandi vota, quibusdam exceptis, & eligendi quemcumque Confessarium ex approbatis ab Ordinario. Per cujus facultatis concessionem Jubileum differt ab indulgentia plenaria, & plenissima, ita dicta solum amplificationis gratia. Nam quoad remissionem penæ temporalis, luendæ vel in hac vita per opera satisfactionis, vel in Purgatorio per opera satisfactionis, Jubileum non differt à plenaria indulgentia, per quam etiam ritè susceptam tota tollitur Purgatorii pœna, si omnium sit remissa peccatorum, etiam venialium culpa: sed in hujus concessionem non solent concedi prædicta privilegia, commutandi scilicet vota, absolvendi à reservatis, & eligendi Confessarium quemcumque ex approbatis ab Ordinario: de quo vide Tolet. lib. 6. cap. 24. num. 2. Sà v. *Indulgentia*. ConincK disp. 12. num. 5. Filliuc. loc. supra cit.

Verùm quoniam in Jubileo non eadem semper conceditur facultas, sed aliquando amplior, aliquando strictior, pro voluntate, & clementia Summorum Pontificum: Idcirco impræsentiarum, & deinceps agam tantùm de facultate, quæ regulariter concedi solet in Jubileis absolvendi à censuris, & casibus reservatis.

*An in privilegio Jubilei absolvendi à casibus Papalibus comprehendatur facultas absolvendi à censuris Papæ reservatis.*

## RESOLUTIO CXXVIII.

**N**egativam sustinet Rodriquez in Bullam Cruciatæ §. 9. num. 44. Zetola in *praxi penit.* c. 15. q. 19. afferentes nomine privilegii absolvendi à casibus Papalibus non venire facultatem absolvendi à censuris Papæ reservatis. Quorum opinioni videtur adherere Suarez de penit. to. 4. disp. 29. sect. 1. n. 1. Filliuc. tract. 7. cap. 10. num. 270. quatenus docent

H 4 per

per reservationes Papales peccata ipsa in se reservari.

Resolutio tamen in contrariam partem deflectit, videlicet in privilegio, quod regulariter in Jubileo conceditur, absolvendi à casibus Papalibus comprehendendi facultatem relaxandi censuras Papæ reservatas. Et ratio est, quia Summus Pontifex regulariter nullum peccatum suo tribunalis reservat, nisi propter adnexam censuram: Ideoque reservationes Pontificiæ sistant sola censura, qua ablata, statim peccatum definit esse reservatum, sicuti constat ex supra dictis resolutione 5. Ita Cajet. in Summ. verb. casus. Tolet. lib. 3. c. 14. num. 4. Layman lib. 5. tr. 6. cap. 12. num. 1. Coninck de Sacrament. disp. 8. dub. 11. num. 83. Bonac. tom. 1. disp. 6. q. 7. punct. 5. §. 2. nu. 4. Graff. lib. 4. decis. aurea cap. 15. num. 3. Fagundez 2. Eccl. præcep. lib. 8. cap. 1. n. 5.

Adverte tamen aliam esse rationem de facultate absolvendi à casibus Episcopalis, quæ non extenditur ad censuras Episcopo reservatas, nisi extensio in concessione exprimitur. De quo vide supra resolutionem 37. versic. *Quarto*. Navar. man. cap. 27. num. 26. Graff. lib. 1. decis. aurea cap. 3. n. 63. Finellius de cas. res. c. 9. n. 2.

*An per generalem facultatem vi Jubilei concessam absolvendi ab omnibus casibus Summo Pontifici reservatis possit Confessarius absolvere à casibus in Bulla Cœnæ contentis, etiamsi nulla fiat mentio illius Bullæ.*

#### RESOLUTIO CXXIX.

**N**egative respondent communiter Doctores: Tùm quia in generali concessione non veniunt ea, quæ non esset quis in specie concessurus, ut habet regula juris. Si autem peteretur facultas absolvendi à casibus in Bulla Cœnæ contentis, ea non concederetur: Ergo &c. Tùm quia casus Bullæ Cœnæ juxta usum, & morem Ecclesiæ habent specialem gravitatem, & reservationem, ratione cujus non censentur comprehendendi sub clausula generali. Unde quando in Jubileis conceduntur, secundum sty-

lum Romanæ Curie solent in specie exprimi: Ergo, non facta tali expressione, non censentur in Jubileorum Bullis, vel privilegiorum concessione sub generali facultate absolvendi à casibus Summo Pontifici reservatis contineri. Ita Suar. tom. 5. de censur. disp. 7. sect. 5. num. 11. Sanchez lib. 2. mor. c. 12. num. 13. Bonac. de censur. disp. 1. quæst. 3. punct. 1. num. 12. Ugol. de cens. tab. 1. cap. 10. §. 4. n. 8. Navar. Covar. quos citat, & sequitur Graff. lib. 4. decis. aurea c. 18. n. 2. Diana par. 5. tr. 12. resol. 34.

Dixi in specie, quia si casus Bullæ Cœnæ aliquando in Jubileis conceduntur, non requiritur, ut in individuo, & singillatim exprimantur, sed sufficit specifica eorum concessio: verbi gratia, conceditur facultas absolvendi à casibus in Bulla Cœnæ contentis. Ita Graff. cit.

Utrum verò in hujusmodi generali concessione comprehendatur casus hæresis, res est in disceptatione: pro quo dubio sit sequens resolutio.

*An in generali facultate in Jubileo concessa absolvendi à casibus Bullæ Cœnæ comprehendatur casus hæresis, etiamsi non exprimitur.*

#### RESOLUTIO CXXX.

**A**firmative respondet Fagundez præcep. 2. lib. 8. num. 52. Filliuc. tr. 8. num. 265. quia talis concessio videtur necessaria ad finem lucrandi Jubileum: aliòquin multis non satis consultum esset, pro recipiendo indulgentiarum thesaurum, si eo casu auferri non posset beneficio absolutionis impedimentum hæresis: tùm quia ita servari in praxi, testatur Filliuc. loc. citat. qui Romæ sumus est Pœnitentiarii munere.

Sed probabilior est sententia contraria, quando scilicet conceditur facultas generalis absolvendi à casibus Bullæ Cœnæ, non censeri comprehensam absolutionem ad hæresi, nisi speciatim explicetur. Et ratio est, quia excommunicatio ob hæresim peculiarem reservationem habere solet. Unde quando Summus Pontifex eam concedere intendit, eam-

eandem exprimit etiam post generalem concessionem casuum Bullæ Cœnæ. Ita Navarrus in manuali cap. 27. num. 275. Suarez de censuris disp. 7. sect. 5. num. 11. Sanchez lib. 2. moralium cap. 12. Bonac. de censuris disp. 1. q. 3. punct. 1. num. 14. Grassius lib. 4. decis. aur. cap. 25. num. 25. Diana par. 1. tract. 1. resol. 1. qui testatur, ita habere praxim, & stylum Romanæ Curiz, & ita fuisse declaratum à Gregorio XIII.

Verum etsi ab hac posteriori sententia utpotè communiori non sit recedendum, nihilominus prior etiam tum ob auctoritatem Doctorum: tum ob peculiarem finem Jubilei, non videtur improbabilis: Secus dicendum extra Jubileum, etiam si generalis facultas concederetur, teste Vitaldo in expositione Bullæ Cœnæ casu 20. num. 141. Vide, quæ dixi supra resolutione 30.

Stylus autem Curiz, quem allegat secunda opinio, fundatur in probabilitate illius opinionis, non tamen tollit probabilitatem prioris. Addo, quod stylus Curiz varius esse solet pro varietate Pontificum. Adverte tamen, quod quoties in facultate Jubilei absolute exciperetur casus hæresis, Confessarius hæreticum absolvere non posset, si ve is esset publicus, si ve occultus, & emendatus, sicut resoluit Dian. par. 5. tr. 12. resol. 53.

Cœterum ejusmodi exceptio afficeret tantum hæreticos, non autem eorum fautores, receptatores, &c. neque legentes, tenentes, aut imprimentes eorum libros. Proinde hi omnes virtute illius facultatis possent absolvi, quoties non essent hæretici. Nam in odiosis non est facienda extensio ultra naturalem, propriam, & strictam verborum proprietatem. Vide Sanchez lib. 2. moral. cap. 12. num. 12. Coriolan. de casibus reservatis par. 1. sect. 1. art. 5.



*An potestas in Jubileo concessa absolvendi ab omnibus casibus Papæ reservatis extendatur etiam ad censuras, & casus Episcopo reservatos.*

## RESOLUTIO CXXXI

**A** Firmant Suarez tom. 5. de censuris disp. 7. sect. 5. num. 14. Vasquez 3. par. tract. 4. q. 92. dub. 10. num. 6. Reginal. lib. 8. num. 57. Diana par. 3. tract. 4. resol. 149. Tum quia id videtur necessarium ad finem lucrandi thesaurum Jubilei: Nam alioquin, si talis facultas non extendere-tur ad casus Episcopo reservatos, complures destituti essent necessario medio, & remedio se disponendi, pro Jubilei comparatione: Tum quia sic usu videtur receptum, ut per illam clausulam generalem, hæc etiam facultas concessa intelligatur.

Sed magis placet, & longè probabilior est opinio contraria, nimirum quando Summus Pontifex concedit in Jubileo facultatem absolvendi à censuris, & casibus reservatis, non censi concedere censuras, & casus, quos Episcopi Diocesano statuto sibi specialiter reservant, nisi illorum in Bulla fiat expressa mentio. Et ratio est, tum quia Summus Pontifex, condens aliquam legem, non intendit derogare statutis, & consuetudinibus particularibus locorum, nisi exprimat: Tum quia Concilium Tridentinum indistinctè statuit, ut Ecclesiæ canones serventur inter quos enumeratur, ut Episcopi possint suos servare casus. Ita Navar. in capite *quorundam de Iudæis* notab. 11. Grassius lib. 4. decis. aurea c. 15. num. 28. Bonac. to. 1. disp. 5. q. 7. punct. 5. §. 2. num. 14. & de censur. disp. 1. quest. 3. punct. 1. num. 10. Chapeau. de cas. res. c. 4. diff. 6. Mazuch. de cas. res. disp. 1. quest. 4. diff. 7. num. 16. Gambarupt. de cas. reser. cap. 2. Vide supra resol. 40. & 41. ubi hæc difficultas fusiùs discutitur, & resolvitur.

*An facultas in Jubileo concessa absolventi  
ab omnibus censuris , & casibus Pa-  
pe reservatis comprehendat  
etiam irregulari-  
tates .*

## RESOLUTIO CXXXII.

**A**ffirmative respondent Sotus in 4. dist. 22. quæst. 3. art. 1. Medin. 1. 2. q. 96. art. 4. Cordub. de Indulg. quæst. 43. dub. 4. Salon. 2. 2. quæst. 64. art. 8. Bann. ibid. Fernandez , Salas Nugnus & alii apud Dianam par. 1. tract. de Bulla Cruc. resol. 27. asserentes irregularitates ex delicto provenientes esse censuras , & penas Ecclesiasticas , quæ in penam peccati infliguntur ; & proinde dum in Jubileo- rum Bullis conceditur facultas Confessariis , ut absolvere possint ab omnibus censuris , & penis Ecclesiasticis talem facultatem extendi etiam ad irregularitates , quæ ob culpam , & delictum contrahuntur . Dicunt ex delicto , verbi gratia ex iteratione Baptismi , violatione censuræ , abusu ordinis , vel ex injusta mutilatione , aut homicidio , &c. ut excludantur irregularitates , quæ contrahuntur ex macula animæ , vel vitio corporis , vel ex defectu natalium , & etatis , aut Sacramenti : Nam irregularitates ex defectu fatentur non comprehendi sub facultate in Jubileis concessa , quippe quæ tolluntur tantum per dispensationem , non absolutionem . Proinde cum Pontifices in suis Bullis exprimunt se non concedere facultatem dispensandi super aliqua irregularitate , intelligendi sunt de irregularitatibus provenientibus ex defectu , quæ verè , & propriè irregularitates sunt non censuræ , & tolluntur solum per dispensationem ; non verò de iis , quæ ob culpam , & peccatum contrahuntur , quæ inter censuras , & penas Ecclesiasticas connumerari possunt .

Verior tamen , & communior est sententia contraria , & in praxi tenenda , nempe facultatem in Jubileo concessam absolventi à quibuscumque casibus , & censuris nullatenus se extendere ad irre-

gularitates ob culpam , & delictum contractas : Quia juxta Romanæ Curie stylum , nunquam censetur concessa facultas dispensandi in irregularitatibus , nisi illarum expressa mentio fiat : Stylus autem Curie legem inducit . Cap. ex litteris de consit. Quæ praxis verificatur de omnibus irregularitatibus , tam ex delicto , quam ex defectu provenientibus : Nulla enim irregularitas intelligitur concessa , nisi exprimitur . Cum igitur in Jubileis concedatur tantum potestas absolventi à casibus , & censuris reservatis , ea non debet extendi ad irregularitates , cujuscumque generis illæ sint , quæ juxta supra relatum Romanæ Curie stylum , dispensatione , non absolutione tolluntur .

Accedit , quod dispensatio in irregularitate non est necessaria in foro pœnitentiæ , neque ad finem Jubilei ; cum ab omnibus peccatis absolvi quis possit , absque eo quod tollatur irregularitas . Ita Navar. man. cap. 27. num. 254. Tolet. lib. 1. cap. 43. num. 11. Suarez de cens. disp. 40. sect. 3. num. 3. Sayrus lib. 7. cap. 14. n. 1. & 2. Filliuc. tractat. 11. cap. 1. quæst. 4. Bonacina de cens. disp. 7. q. 5. punct. 2. n. 8. Graff. de cas. reserv. lib. 2. cap. 27. num. 35. Bassèus in suis florib. verb. irregularitas 9. num. 11. Dian. cit. par. 1. tractat. de Bulla Crucè , resol. 27. & alii plures apud ipsum .

*An Confessarius possit absolvere Pœnitentem , qui commisit peccatum reservatum in confidentiam Jubilei .*

## RESOLUTIO CXXXIII.

**A**nte responsionem præmittendum est , eum dici peccare in confidentiam Jubilei , sive privilegii , cui principale motivum lapsus est Jubileum , seu privilegium certo tempore concessum , ita ut non tam fragilitas , vel tentatio gravis , quam spes absolutionis obtinendæ vigore Jubilei sit occasio , & causa peccati committendi . Ita Bordonus in consil. reg. ref. 3. num. 32. Bassèus in suis florib.

florib. v. *Jubileum*, num. 5. ex Sanch. lib. 4. moral. c. 54. n. 18.

Responsio igitur ad dubium est affirmativa, nempe Confessarium absolvere posse penitentem, qui intra Jubilei tempus commisit peccatum reservatum, verbi gratia, incestum, vel contraxit censuram reservatam in confidentiam Jubilei, modo penitens intentionem habeat præstandi opera, quæ pro comparando Jubileo sunt præscripta: Et ratio est, quia toto eo tempore durat Jubilei privilegium absolvendi à reservatis, neque illud amittitur ob peccatum commissum ex incentive concessi privilegii, vel facilitate obtinendi veniam. Ita Sanchez cit. lib. 4. mor. cap. 54. num. 18. Graff. lib. 4. decis. aur. cap. 15. num. 10. Henriquez lib. 3. cap. 16. & lib. 7. cap. 65. num. 6. Reginal. lib. 8. num. 34. Sà v. *Indulgentia* n. 19. Filliuc. tract. 8. num. 262. Floronus de cas. reserv. par. 1. cap. 4. §. 3. numer. 22. & 23. Lupus de cas. refer. par. 1. di. 21. diff. 3. num. 2.

Addo ex Diana par. 1. tract. 7. resol. 33. penitentem non teneri illam circumstantiam in confessione exprimere, quod scilicet peccaverit in confidentiam Jubilei.

Verum tamen est, quod si in Jubileo, vel alio privilegio à Pontifice pro absolutione à reservatis concessio, exciperetur casus, cum quis peccatum commisit in confidentiam privilegii, nullatenus privilegium suffragaretur iis, qui ex confidentia, sive occasione privilegii libentius, & liberius se precipitarent in casus reservatos. Vide Sanchez, Dianam, & Bassum ll. cc.

*An absolutio à censuris tempore Jubilei collata, non satisfacta parte, sit valida.*

## RESOLUTIO CXXXIV.

**S**upponendum tanquam certum, quando in Jubileo, aliòve privilegio conceditur facultas absolvendi ab excommunicatione, aliòve censura sub hac, vel simili forma, non possit absolvere, vel aliter non possit dari absolutio: vel

nullius sit roboris, nullius momenti: vel non suffragetur absolutio; nisi prius satisfacta parte, tunc satisfactionem requiri tanquam necessariam conditionem, limitantem potestatem: Ideoque absolutionem absque tali forma impenfam invalidam existere, modo penitens ejusmodi satisfactionem sine gravi incommodo præmittere possit. Ita Graffius libro quarto decis. aurea capite 35. numero 6. Layman lib. 1. tract. 5. p. r. 2. cap. 6. num. 8. versic. *secus si cum limitatione*. Bassæus in florib. v. *absolutio* n. 16.

Difficultas est, quando in Jubileo, aliòve privilegio dicitur tantum, *satisfacta parte, vel de consensu partis*, an satisfactio requiratur tanquam conditio necessaria, limitans potestatem, ita, ut absolutio irrita existat, tali forma non observata.

Affirmat Cajetanus v. *absolutio*. Sayrus de censura libro secundo capite decimo octavo numero decimo Filliucius tomo primo tractatu undecimo capite nono numero 295. ConincK de Sacrament. disputatione decima quarta dubio decimo sexto numero ducentesimo decimo quinto. Quorum ratio est, quia concessio illa censetur conditionata, si non formaliter, saltem æquipollenter: Nam ablatius absolutus, *satisfacta prius parte*, habet vim conditionis, & formæ essentialis, qua non servata, irrita existit absolutio.

Sed contrarium est valdè probabile, & fortè probabilius, quod absolutio in proposito casu, ante satisfactionem impenfa, etsi non licita, tamen valida sit, & firma: Quia hujusmodi clausulæ non censentur novam formam inducere, aut jurisdictionem limitare, sed tantum admonent Confessarium, ne quem censura irritum absolvat, non præmissa satisfactione, quæ spectato jure communi, ante absolutionem est præmittenda. Si tamen Confessarius, (& idem est de Commissario, sive delegato, licet contrarium sentiat. Thom. Del Bene de Offic. S. Inquis. p. 1. dubit. 66. sect. 2. numer. 6.) non sine culpa eam exigere negligat, valebit nihilominus absolutio, eo vel maxime quod Jubileum, cum sit gratia, late in-

interpretari convenit, teste Layman loc. cit. *vers. Quod si verò*. Quæ doctrina vera est, nisi in privilegio addita sit particula, seu clausula expressæ absolutionem irritans, juxta supradicta. Ita Sanchez lib. 3. de matrim. disput. 33. num. 3. & lib. 2. mor. cap. 13. num. 34. & 35. Avila de censur. par. 2. cap. 7. disp. 3. dub. 9. conclus. 2. Bonacina de cens. disput. 1. quest. 3. punct. 9. Layman cit. Bass. in suis florib. v. *Absolutio*, num. 26. Dian. p. 5. tract. 9. ref. 12. Vide quæ diximus in resol. 91.

Adverte hic, quod nomine partis intelligitur ea persona, cui irrogata fuit injuria per illud delictum, cui adnexa est censura. Bonacina cit. punct. 9. Aliquando tamen venit etiam bonum commune, verb. gr. Fidei, Religionis, seu Sanctum Tribunal, ut in casu hæresis. Nomine verò satisfactionis, intelligitur restitutio honoris, famæ, bonorum fortune, aut etiam reparatio jacturæ Religionis. Vide Dian. & Bonacina ll. cc.

Quid autem si penitens laboret impotentia, mox dicam.

*An quando absolutio à censuris in Jubileo conceditur cum limitatione satisfactionis, possit absolvi Penitens, qui detinetur impotentia.*

## RESOLUTIO CXXXV.

**R**espondeo Confessarius, qui vi Jubilei habet jurisdictionem absolvendi à censuris cum limitatione satisfactionis, potest absolvere penitentem, qui parti læsæ non potest satisfacere, aut qui non potest satisfacere sine gravi detrimento famæ, vel status, aut bonorum jactura. Hæc enim difficultas æquiparatur impotentia. Quæ resolutio intelligenda est, modò creditor, æquale damnum non patiat: Quia in pari causa prior est conditio creditoris, quam debitoris, excepta necessitate extrema, in qua melior est conditio possidentis, teste Layman libro 3. tract. 2. par. 1. cap. 12. num. 2. Ratio reso-

lutionis est, quia benignè accipienda sunt privilegii verba, ut Superior nolit obligare penitentem ad impossibile. Ita Navar. man. capite 27. num. 37. Sanchez lib. 2. moral. cap. 20. num. 19. Suarez de censur. disp. 7. sect. 5. num. 41. Avila de cens. par. 2. cap. 7. disput. 3. dub. 9. conclus. 2. Reginald. lib. 9. num. 65. Bonac. de cens. disp. 1. quest. 3. punct. 9. num. 4. Bassæus in suis florib. v. *Absolutio* n. 27. Layman lib. 1. tract. 5. par. 2. cap. 6. num. 8. Vide supra resol. 90.

Non placet tamen, quod docet idem Bassæus loco citato allegans Suarez, & Reginald. eum, qui dubitat se teneri ad satisfactionem, posse quidem in foro externo absolvi ante præmissam satisfactionem, eò quod in foro externo nullus solvere cogatur, antequam monstretur esse debitor, ut habet *regula juris*, non tamen in foro interno, ubi illam regulam censet non procedere. Ego verò puto etiam in foro interno posse absolvi ante præmissam satisfactionem, quia supra allegata juris regula, quæ in foro externo usurpatur, quod scilicet nemo solvere cogatur, antequam monstretur esse debitor, etiam in animæ judicio locum habet, teste Layman libro primo, tractatu 1. capitulo 5. num. 31.

Accedit quod factum in dubio præsumi non debet. Proinde quoties penitens dubius sit, an aliquem in honore, fama, aut fortunæ bonis læserat, durante, & non deposito tali dubio, potest absolvi, nulla præmissa satisfac-

tionem, modò paratus sit animo ad satisfaciendum, cum sibi moraliter de debito constiterit. Ita colligitur ex  
Lessio

lib. 2. cap. 10. dub. 6. num. 39.

Soto lib. 4. de justit.

q. 7. art. 2. Layman cit.



*An possit quis vi Iubilei à censuris reservatis extra sacramentalem confessionem absolvi.*

## RESOLUTIO CXXXVI.

**N**egative respondent Zeccus de Sacram. penit. c. 19. Cordub. in Sum. quest. 19. Sayrus in clavi reg. lib. 5. cap. 60. num. 10. Suar. in 3. par. to. 3. disp. 7. sect. 5. num. 35. Zerol. in praxi Episcop. par. 2. v. *Absolutio* §. 1. Filliuc. to. 1. tract. 11. cap. 9. num. 94. Homobon. de Exam. Ecclesiast. quest. 35. & alii absolute assentes, quotiescumque in Jubileo conceditur facultas absolvendi à censuris reservatis hujusmodi absolutionem in sacramentali confessione esse impendendam : idque multò magis procedere, quoties in Bulla apponuntur hæc clausulæ, *auditis confessionibus, vel in foro conscientie*, quæ regulariter solent apponi, ex quibus deducitur, talem facultatem concedi tantum in ordine ad bonam animæ dispositionem.

Cæterum non minùs probabile est, absolutionem à censuris virtute Jubilei extra sacramentalem confessionem impendi posse, quamvis in Bulla dicatur, *auditis confessionibus*. Nam ea clausula refertur ad absolutionem à peccatis, non verò à censuris. Unde Confessarius, qui virtute Jubilei facultatem habet absolvendi à censuris in foro conscientie, potest illam absolutionem impendere extra Sacramentum penitentiae, & consequenter non præmissa absolutione à peccatis. Aliud enim est forum conscientie, aliud forum Sacramenti penitentiae : nam forum penitentiae dicitur, in quo sub sacramentali sigillo fit peccatorum confessio, & impenditur sacramentalis absolutio : forum verò conscientie, in quo fit quidem occultum animæ judicium, sed non sub sacramentali sigillo : neque impenditur sacramentalis, sed tantum judicialis absolutio. Quinimò etsi, aliquibus videntibus detur absolutio quoties tamen confertur sine testibus, & forma judicii, adhuc dicitur in foro conscientie impendi.

sa absolutio : Sicuti docent Navarrus libro quinto consil. de sententia excommunicat. consil. 15. Sanchez lib. 8. de matrimonio disput. 34. numer. 29. Avila de censuris par. 2. cap. 7. disput. 3. dub. 13. Rodriguez quest. regul. quest. 61. art. 10. Diana par. 3. tract. 5. resol. 25. Vide supra resol. 51.

Cum igitur in Jubileis regulariter concedatur facultas absolvendi in foro conscientie, per illam clausulam satis ostenditur absolutionem à censuris impendi posse extra Sacramentum penitentiae ; nam absolutio tantum in foro penitentiae prærequirit sacramentalem peccatorum confessionem, non autem in foro conscientie.

Accedit, quòd Jubileum, cum sit gratia, & privilegium Principis, latissimè est interpretandum. Quare si penitens tempore Jubilei non sit paratus pro recipienda statim absolutione à peccatis, ratio autem, vel necessitas suadeat, ut absolutio à censuris non differatur, licebit Confessario penitentem absolvere extra Sacramentum penitentiae. Ita præter Doctores citatos Covarruvias in cap. alma par. 1. §. 11. num. 10. & 16. Coninck de Sacram. disp. 14. dub. 16. num. 23. Tabie, v. *absolutio* 2. quest. 4. num. 7. Alphonsus de Leo de offic. & potest. Confess. tempore Jubilei quest. 6. num. 66. Mazuch. de cas. refer. disp. 1. quest. 4. diff. 9. n. 32. Bassus in suis florib. v. *absolutio* n. 22.

Hinc deducitur tempore Jubilei vota commutari posse extra Sacramentum penitentiae : nullo enim jure prescribitur, commutationem votorum faciendam esse in sacramentali confessione, cum non sit materia necessaria Sacramenti penitentiae. Sicut ex communi docet Sanchez lib. 4. moral. cap. 54. num. 17. & lib. 8. de matrim. disp. 16. n. 11. Henriquez lib. 7. cap. 10. num. 4. Diana par. 6. tract. 12. resol. 30.

Unde Religiosi privilegiati possunt uti hac facultate : commutandi vota etiam extra Sacramentum penitentiae, cum id ratio, vel necessitas postulaverit. Ita Sanchez cit. & Crousers quos citat, & sequitur Bassus in suis florib. v. *utrum* 6. num.

num. 14. contra Sayrum in clau. reg. lib. 6. can. 12. num. 105. Rodriq. 2. par. cap. 101. num. 6.

Eadem potestas extenditur ad dispensationem circa matrimonii impedimenta vi commissionis factę per litteras sacre Pœnitentiarię, quam dispensationem, non obstante illa clausula, in sacramentali confessione, vel audita sacramentali confessione, in iisdem literis apponi solita, posse fieri extra sacramentalem confessionem, resoluit idem Sanchez lib. 8. de matr. disp. 34. num. 30.

Imò Confessarius, qui habet facultatem absolvendı à censuris reservatis in foro pœnitentię tantum, posse absolvere extra Sacramentum confessionis, quoties absolutio cadit supra materiam, ad quam per se non requiritur absolutio sacramentalis, docet Suarez tom. 2. relig. tract. 6. cap. 16. num. 4. Sanchez cit. disp. 15. num. 25. Tabien. v. Absolutio 2. quest. 4. num. 6. Diana par. 4. tract. 4. resol. 8. Bassus in suis florib. v. Absolutio num. 22. Vide, quę dixi supra resolutione 51. & 92.

*An Pœnitens, qui tempore Iubilei ex obligatione inculpabili omisit aliquod reservatum confiteri, liber remaneat à reservatione*

## RESOLUTIO CXXXVII.

**R**esponsio communis est affirmativa, pœnitentem in proposito casu liberum manere à reservatione, ita, ut transacto Iubileo, possit peccatum obliti cuiusque simplici Confessario confiteri. Et ratio est, quia Confessarius censetur hic, & nunc velle pœnitentem absolvere, quantum licet potest, & pœnitens indiget, & consequenter reservationem tollere. Ita Sylvest. v. Confessio 1. quest. 4. Sanchez lib. 4. moral. cap. 54. num. 45. ConincK de Sacram. disp. 8. dub. 12. Graff. lib. 4. decis. aurea cap. 5. num. 5. Fillucius tract. 7. num. 310. Bonacina de pœnit. disp. 5. quest. 7. punct. 5. §. 5. num. 8. Card. de Lugo disp. 20. de pœnitent. sect. 7. num. 104. Dian. part. 1. tract. 12. resol. 29. Vide quę dixi supra resolutione 66. de

pœnitente, qui fuit absolutus extra tempus Iubilei ab habente facultatem circa reservata.

Quę resolutio procedit, etiamsi pœnitens expressę absolutionem à reservatis non petat: Nam quamvis explicitę non petat, censetur tamen interpretativę petere: Quia idem venit ad Confessarium, ut quantum fieri potest, à peccatis omnibus liberetur, & si recordaretur se esse reservatis obstrictum, omnino absolutionem peteret. Vide Dianam loc. cit. & par. 4. tract. 4. resol. 124.

*An qui confessus est animo lucrandi Iubileum, si postmodum illud culpabiliter non lucretur, adhuc liber maneat à reservatione oblatorum.*

## RESOLUTIO CXXXVIII.

**N**egant Sotus in 4. dist. 21. q. 4. Faustus de Iubileo lib. 4. q. 134. Quorum sententiam probabilem putat Suarez de pœnit. disp. 31. sect. 4. n. 32. Hujus sententię fundamentum est, quia privilegium absolvendı à reservatis conceditur in ordine ad lucrandum Iubileum: & quamvis peccata reservata tempore Iubilei clavibus submissa, non maneat amplius reservata etiamsi postea pœnitens non lucretur Iubileum, tamen peccata oblita, quia adhuc sunt subiicienda clavibus, videntur eo casu manere in suo priorē statu, & sic pœnitens, effluxo Iubilei tempore, à quocumque Confessario non poterit absolvi.

Verum sententia contraria videtur plausibilior, & satis tuta in praxi, nempe eum, qui habens animum lucrandi Iubileum, à reservatis fuit absolutus, si postmodum illud culpabiliter non lucretur, adhuc à reservatione oblatorum liberum manere. Et ratio est, quia Confessarius absolvens virtute Iubilei censetur absolvere, quantum potest, & pœnitens indiget, ut dubio superiori resolutum fuit: Et consequenter si pœnitentem Confessarius directę non absolvat à culpa, eum saltem liberat à reservationis pœnā: Ita Sanchez lib. 4. moral. c. 54. num.

num. 45. Henriquez lib. 7. cap. 11. num. 3. Graff. lib. 4. de cilaurea cap. 15. num. 5. Coriol. de cas. refer. par. 1. sect. 3. cap. 17. n. 2. Mazuch. de cas. refer. disp. 1. quæst. 4. diff. 15. num. 55. Dian. par. 3. tract. 4. resol. 145. & alii apud ipsum. Quam doctrinam, ac resolutionem extendunt nonnulli ad commutationem etiam votorum oblatorum: Quod an verum sit, mox examinandum.

*An qui sacramentalem confessionem instituit animo comparandi Iubilicum, si postmodum illud ex sua culpa non obtineat, possit nihilominus votorum oblatorum commutationem petere.*

### RESOLUTIO CXXXIX.

**A**ffirmativè respondent aliqui, ut Alphonsus de Leone de Jubileo par. 2. num. 203. apud Dianam par. 5. tract. 11. resol. 41. Cujus ratio est, quia sicut in proposito casu potest aliquis à reservatis obliis absolvi, ut superiori dubio resolutionis fuit, ita & votorum oblatorum commutationem petere: Eodem enim modo conceditur privilegium obtinendi commutationem votorum, sicut & absolutionem à reservatis.

Contrarium probabilius docet Sanchez lib. 4. moral. cap. 54. num. 51. Filliucius tom. 1. tract. 8. cap. 10. num. 279. Mazuch. de cas. refer. disp. 1. quæst. 4. diff. 15. *Verfic. Ego verd.* Bossius de Jubileo sect. 2. casu 45. & alii, quos citat, & sequitur Dian. cit. Rationem disparitatis assignat idem Sanchez, & Dian. Quia per confessionem factam animo comparandi Jubileum pœnitens acquisivit jus, seu privilegium, ut possit à reservatis per quemcumque Confessarium absolvi, non tamen acquisivit jus, ut possit petere commutationem voti, quia jus, & privilegium commutationis votorum acquiritur tantum per Jubilei consecutionem, qua consecutione deficiente, deficit etiam privilegium petendi commutationem voti oblii. Quæ resolutio procedit, etiam si tempore Jubilei relaxatio-

nem obtinuisset alicujus voti. Sanchez loc. cit. num. 52.

*An quando Pœnitens confitetur habenti facultatem absolvendi à reservatis virtute libilei, sed confessio advenit, & culpabiliter fuit invalida, liber remaneat à reservatione.*

### RESOLUTIO CXL.

**N**egativam sustinent Suarez de pœnit. disp. 31. num. 22. Filliuc. tom. 1. tract. 8. cap. 6. num. 149. Alphonsus de Leone tract. de Jubileo par. 2. quæst. 13. n. 205. Layman lib. 5. tract. 7. cap. 8. num. 9. Reginald. lib. 8. num. 63. Coriol. de cas. refer. par. 1. sect. 2. art. 18. Floron. de cas. refer. par. 1. cap. 4. § 9. num. 3. Lupus de cas. refer. par. 1. dist. 21. art. 2. diff. 1. num. 4. Nam quamvis isti Doctores concedant eum, qui extra Jubilei tempus confitetur habenti facultatem ordinariam, vel delegatam absolvendi à reservatis, remanere liberum à reservatione peccatorum in confessione expressorum, etiam si confessio ex defectu integritatis, vel doloris fuerit invalida, eo quod pœnitens comparando coram Superiore censetur fini reservantis legis satisfecisse, ut fusiùs dictum est supra resolutione 68. Id tamen negant de confessione invalidè facta culpabiliter tempore Jubilei. Fundamentum illorum est, quia favores absolvendi à casibus, & censuris reservatis tempore Jubilei conceduntur in ordine ad consecutionem Jubilei, sed qui scienter confessionem irritam facit, Jubileum non consequitur: Ergo nec frui potest favoribus obtinendi absolutionem à casibus, & censuris reservatis.

Si tamen confessio esset tantum informis, non verò invalida, fatentur, pœnitentem à reservatione liberum manere; cum informis confessio sit verum Sacramentum, quamvis suo effectu, hoc est, gratia destitutum. Ita Suarez loc. cit.

Histamen non obstantibus, affirmativa sententia videtur satis probabilis, & tuta in praxi, imò indubitata quantum ad

ad casus ratiq̃ue censuræ reservatos , quam censuram certum est omnino tolli , quantumvis sacramentalis à peccatis absolutio irrita existat , dummodò penitens habuerit animum lucrandi Jubileum , quia absolutio à censuris non pendet ab absolutione à peccatis : ideoque validè potest extra sacramentalem Confessionem impendi . Ita Henriquez lib. 7. cap. 11. Bonacina disp. 5. q. 7. punct. 5. §. 5. num. 9. Bassus in suis florib. v. cas. 16. serv. num. 29. res. sic. mihi tamen . Tabien. v. confess. 2. §. 16. Card. de Lugo disp. 20. de Sacram. penit. sect. 7. n. 112.

Quantum verò ad casus reservatos , non apparet quomodo per absolutionem sacramentalem invalidè receptam , reservatio tolli non possit vigore facultatis per Jubileum concessæ , si penitens intentionem habeat iterum validè confitendi ante finem hebdomadæ , ceteraque præstandi in Bulla præscripta , ad finem lucrandi Jubileum . Quia potestas absolvendi à reservatis , vigore Jubilei concessa non est conditionata , sed absoluta s. item in foro conscientie : Ergo non obstante , quòd absolutio ut sacramentalis sit invalida , valida tamen esse potest , quantum ad tollendum inducitur reservationis onus . Tum quia sicut Confessarius , ex facultate delegata absolvens , tollit reservationem peccati , etiamsi confessio culpabiliter sit invalida , ita etiam absolvens vigore Jubilei , etsi aliquando propter indispositionem penitentis non tollat culpam , censetur tamen tollere reservationem : nulla enim apparet disparitatis ratio .

Accedit , quòd ut absolutio , in ordine ad tollendum reservationis onus , sit valida , satis est , si detur in foro sacramentali ; sed datur in foro sacramentali , etiamsi absolutio sacramentalis sit invalida : Ergo , &c. Non enim forum sacramentale tunc tantum est , cum absolutio sacramentalis est valida , sed cum penitens , & Confessarius conveniunt ad faciendum penitentis Sacramentum , etiamsi Sacramentum ex defectu penitentis contingat esse invalidum . Ita præter Doctores supracitados Armilla v. cas. reserv. num. 4. Cajetan. eodem verb. in

calce. Sylvest. v. Confessio 1. num. 2. Comitulus in respons. moral. lib. 1. quest. 30. Præpositus de penit. quest. 9. dub. 4. n. 24. Diana par. 1. tract. 11. resol. 18. & par. 4. tract. 4. resol. 124. quos citat , & sequitur Bassus in suis floribus , cit. numer. 29. quibus addo Mazuchellum de cas. refer. disp. 1. quest. 4. diff. 23. num. 91. An autem consequenter loquatur ad ea , quæ docet diff. 13. numer. 43. aliorum judicio relinquo . Vide Card. de Lugo citata disp. 20. de penit. sect. 7. num. 112. & 113. ubi tamen excipit casum , quo confessio esset invalida ex defectu integritatis circa reservata : putat enim eo casu peccata dolosè tacita , vel culpabiliter ommissa remanere adhuc reservationi obnoxia . Quæ exceptio licet sit , lausibilis , cum sit Doctoris non minus dignitate , quam doctrina Eminentissimi , non tollit tamen probabilitatem posterioris sententia: absolute positæ . Videri Henriquez , Comitolum , Dianam ; Bassum locis citatis .

*An qui tempore Jubilei ex oblivione non possit commutationem alicujus voti , si deinde , transacto Jubileo , illius recordetur , adhuc possit commutationem petere , & obtinere .*

## RESOLUTIO CXLI.

**N**egant Suarez lib. 6. de voto , c. 16. num. 14. & 15. Bonacina tomo 2. disput. 4. q. 2. punct. 7 §. 2. num. 14. Beja 2. par. casu 9. Quorum ratio est , tum quia transacto Jubilei tempore , Confessarius simplex caret jurisdictione ad commutationem votorum necessaria : tum quia votens non obtinuit generalem commutationem votorum , sicuti obtinuit generalem absolutionem peccatorum .

Difficultas tamen in contrariam partem resolvitur , nempe cum , qui tempore Jubilei præstitit opera ad lucrandum Jubileum necessaria , sed ex oblivione commutationem votante illius consecutionem emissi non obtinuit , posse adhuc Jubileo transacto , sive ab eodem Confessario , sive ab alio ex approbatis

ab Ordinario commutationem petere, & obtinere. Et ratio est, quia eo ipso, quod quis debito tempore implevit opera ad comparandum Jubileum necessaria, acquiritur jus, seu privilegium, ut possit à quocumque Confessorio petere, & obtinere commutationem voti ante Jubilei consecutionem emissi. Nam quamvis privilegium lucrandi indulgentiam Jubileam, ipsaque opera pro ejus consecutione præscripta, sint certo tempori alligata, & adstricta, ita ut eo transacto, indulgentia obtineri, ipsaque opera in ordine ad eam præstari amplius non possit: privilegium tamen obtinendi commutationem votorum, sicut & absolutionem à reservatis oblitis non est certo tempori adstrictum: & propterea is, qui lucratus est Jubileum, potest uti tali privilegio obtinendi commutationem voti ante illius consecutionem emissi, etiam post effluxum tempus Jubilei. Ita Sanchez lib. 8. de matrim. disp. 25. num. 17. & lib. 4. moral. cap. 54. num. 39. Sà de indulg. num. 14. Henriquez lib. 7. cap. 11. num. 4. Bassæus in suis florib. v. *votum* 6. num. 13. Dian. par. 5. tract. 12. resol. 40. Escobar in exam. Confessar. tract. 7. exam. 5. cap. 8. casu ultimo.

Major difficultas est de eo qui durante tempore Jubilei, noluit petere commutationem voti, utrum, eo transacto, possit adhuc eam obtinere. Pro quo dubio sit sequens resolutio.

*An qui tempore Jubilei memor emissi votino-  
luit commutationem petere: possit ad-  
huc post transactum Jubileum, mu-  
tata voluntate, illam pete-  
re, ac obtinere.*

## RESOLUTIO CXLII.

**P**Artem negativam tuentur Suarez, Bonacin. Beja præcedenti resolutione pro negativa sententia citati, quos etiam citat, & videtur sequi Bassæus in suis florib. v. *votum* 6. num. 13. quia is tali casu censetur renunciassse privilegio commutationis voti, vigore obtenti Jubilei sibi

*Pars I.*

acquisito, & consequenter, transacto jubilei tempore, integrum sibi non esse eo uti.

Verum non obstantibus, adhuc probabiliter sustinetur, eum qui durante Jubilei tempore, voluntariè non curavit, vel etiam noluit votorum, quibus obstrictus erat, commutationem petere, posse adhuc post transactum Jubileum, mutata voluntate, illam petere, ac obtinere, modò consecutus sit Jubilæum, hoc est, præstiterit opera ad Jubilei consecutionem necessaria. Ratio est eadem, quam superiori Resolutione attulimus, quia privilegium obtinendi commutationem voti non est alligatum tempori, sed perpetuum pro omnibus casibus, & votis, quibus pœnitens ante consecutionem Jubilei erat obstrictus licet semel noluerit uti privilegio sibi acquisito, potest tamen, mutata voluntate, quandocumque sibi libuerit, adhuc illo uti, dummodo interim votum non confirmaverit.

Neque propterea quòd is tempore Jubilei noluerit uti privilegio, censendus est amisisse privilegium, quia ad amissionem privilegii duo copulativè requiruntur, nempe renunciatio ex parte ejus, qui privilegium obtinuit, & acceptatio ex parte ejus qui illud concessit. Licet igitur in hoc casu voto obstrictus videatur ex parte sua tacitè renunciassse Jubilei privilegio; quia tamen ejusmodi renunciatio non fuit à Superiore concedente acceptata: idcirco poterit ille, mutata voluntate, etiam post effluxum Jubilei tempus, tali privilegio uti; sicque voti commutationem petere, ac obtinere. Ita Henriquez lib. 7. cap. 11. n. 4. Dian. par. 2. tract. 2. resolut. 9. & par. 5. tr. 12. resolut. 40. Escobar Summ. Theolog. moral. tract. 7. capit. 8. de indulg. cas. ultim. Mazuchell. de cas. reserv. disput. 1. quæst. 4. diff. 14. num. 53. Sanchez lib. 4. moral. cap. 54. numer. 40. & lib. 8. de matrim. disp. 32. num. 6. Ubi ex eodem fundamento resolvit, si duo consanguinei post obtentam dispensationem simul contrahendi, alter aut uterque aliis nuptiis copulentur, vidui postea effecti, posse eos vi prioris dispensationis inter

1

se

se matrimonium contrahere , minimè obitante tacita illa renunciatione per transitum ad alias nuptias inducta , quippe quæ non fuit acceptata à concedente . Quæ ratio procedit etiam in nostro casu : Nam per concessionem Iubilæi ablata est voti reservatio , quæ non potest dici revixisse ob renunciationem illam Iubilæi privilegii , tacitè factam in ea mutatione consilii : cùm talis renuntiatio verè non fuerit acceptata à concedente , ut supponitur : Ergo , &c. Consule etiam Pelliz. in tract. de monial. c. 4. n. 50.

Dixi dummodo post Iubilæi consecutionem votum non confirmaverit : nam si illud ratificasset , non posset deinde illius commutationem petere ; eò quod ejusmodi confirmatio perinde sit , ac nova quædam voti emissio , cujus commutatio non caderet sub privilegio Iubilæi jam obtenti . Vide Sanchez loc. citat.

*An qui obtinuit Iubileum in prima ex duabus hebdomadis , possit illud rursus acquirere in secunda ; & consequenter si in casus , & censuras reservatas reincidat antequam elabatur posterior hebdomada , possit adhuc absolvi .*

## RESOLUTIO CXLIII.

**N**egativè respondent Sanchez lib. 4. mor. c. 54. num. 30. Suarez tom. 2. de relig. lib. 6. c. 16. num. 17. Bonac. to. 1. disp. 5. q. 7. punct. 5. §. 2. num. 17. & alii . Fundamentum est , tùm quia in Iubilæis , quæ hoc tempore concedi consueverunt , facultas lucrandi Iubileum conceditur sub forma disjunctiva , in prima scilicet , vel secunda hebdomada , non verò copulativè , aut indefinitè : Tum quia in forma concessionis Iubilæi dicitur . *Hac vice tantùm* ; idest una vice in una , vel altera hebdomada : Ergo qui semel Iubileum , & absolutionem à reservatis obtinuit in prima hebdomada , non poterit rursus obtinere in secunda . Denique quia ita declaratum esse à Sacra Congregatione , ut semel tantum Iubi-

leum acquiri possit , refert Polachus in *Bullam Iubilæi anni Sancti* sect. 41. num. 3. & meminit Filliuc. to. 1. tract. 8. c. 10. q. 7. num. 261.

Oppositam tamen sententiam non improbabilius sustinent alii . Quorum ratio est , tùm quia in Bullis , quæ pro Iubilæis expediuntur , non exprimitur , ut in una tantùm hebdomada quis Iubileum obtinere possit , sed in una , aut altera hebdomada , quæ alternativa non ponitur ad restringendum privilegium ad unicum actum , sed ad commodiorem Iubilæi receptionem , ita ut respiciat tantùm commoditatem Fidelium , ut scilicet qui non potuit , vel noluit opera præscripta implere in prima hebdomada ; impleat in secunda .

Nec obstat illa clausula *pro hac vice tantùm* , in Iubilæis apponi solita : Nam illa verba non important Iubileum semel tantùm posse comparari , sed illud non posse acquiri , nisi quandiu duraverit tempus talis concessionis . Unde valdè differunt *hac vice tantùm* , & *una vice* : namly *hac vice tantùm* non refertur ad Iubileum , sed ad tempus Iubilæi , Alphonso de Leone de Iubileo par. 2. q. 27. numer. 197. Naldo v. indulg. numer. 4. Diana p. 3. tr. 4. resol. 151. & p. 5. tract. 10. resol. 28. Tùm quia Iubileum est gratia , & beneficium Principis , non ambitiosum , nec prejudiciale tertio , sed maximè animabus favorabile , quod latissimè interpretari convenit . Ita præter citat. DD. Nald. Zerol. Sanctarel. Floron. apud Dian. cit.

Addo , quòd etsi quis semel tantùm Iubileum ex concessione Pontificis lucrari posset in alterutra hebdomada , non prohiberetur tamen ad majorem certitudinem , & pro spiritali sua utilitate bis , ( sive in utraque hebdomada ) opera præstare , & consequenter à reservatis in utraque hebdomada absolvi ; etsi non nisi semel Iubileum lucraretur vel in fine operum hebdomadæ primæ , vel secundæ . Ita Navar. *de anno Iubilæo notab.* 32. n. 46. Henric. lib. 6. c. 16. n. 3. & lib. 7. c. 11. de indulg. Reginal. tom. 1. lib. 8. c. 5. sect. 2. num. 64. Nald. cit. Graffi de indulg. cap.

cap. 5. n. 53. Rodriquo. in Summ. cap. 183. n. 17. Filliuc. tract. 8. cap. 10. q. 3. Bassæus in florib. v. Iubileum num. 3. versic. Cœterum. Alphonsus de Leone citat. Lazarna tom. 3. summ. v. Iubilei num. 20. Dian. cit. & par. 2. tract. 3. resolut. 49. & par. 5. tract. 12. resol. 28. Floron. de cas. reserv. par. 1. cap. 6. §. 5. num. 2. Mazuchellus de cas. reserv. disput. 1. quest. 4. different. 18. num. 66. & 67. Lupus de cas. refer. par. 1. distinct. 21. art. 3. diff. 1. numer. 2. & alii plures.

Cœterum licet hæc posterior sententia, tum ob allatas rationes, tum ob auctoritatem Doctorum videatur satis probabilis, & secuta in praxi, saltem quandiū authenticè non constet de allegato Sacre Congregationis decreto, priorem tamen censéo severiorem, & in praxi sustinendam. Quòd si verò prædictam Sacre Congregationis declarationem authenticè extare consisterit, ei omninò standum erit. Sacrorum enim Purpuratorum responsa, velut oracula debita, ut par est, reverentia sunt excipienda, & in praxim deducenda.

His addendum ex Bonacina to. 1. disp. 6. q. 1. punct. 5. num. 34. Diana par. 3. tract. 4. resol. 153. quamvis posterior opinio à parte rei esset falsa, adhuc tamen pœnitentem valdè à reservatis absolvi, sed non lucrari Iubileum. Et ratio est, quia opinio probabilis confert jurisdictionem: Ideoque pœnitens valdè à casibus, & censuris absolveretur, non tamen profectus ad consequendam indulgentiam, si veritas sit in oppositum. Quia tunc ille non præstat opus ad acquirendam indulgentiam in Iubileo præscriptam. Vide etiam Bassæum citato numero tertio versicul. cœterum.



*An Pœnitens, qui absolutionem à reservatis, & commutationem votorum virtute Iubilei obtinuit peccet mortaliter, si postea mutata voluntate, Iubileum non lucratur.*

# RESOLUTIO CXLIV.

**A**ffirmant Rodriquez in sum. tom. 1. c. 183. num. 15. Suar. de Relig. to. 2. lib. 6. c. 16. n. 11. Coriol. de cas. resp. 1. sect. 3. art. 17. Fill. tr. 16. c. 10. n. 301. quia talis videtur defraudare intentionem concedentis: imò violare pactum, in privilegio obtinendi absolutionem à reservatis, & commutationem votorum implicitè contentum, ut scilicet pœnitens opera, præstare teneatur, ad consequendam Iubilei gratiam necessaria, si privilegio velit frui.

Sed in negativam partem resolvitur difficultas, nempe eum, qui initio Iubilei absolutionem à reservatis, & commutationem votorum obtinuit, animo lucrandi Iubileum, non peccare saltem mortaliter, si postmodum omittat opera, atque ideò Iubileum culpabiliter non lucratur. Et ratio est, quia talis retrocedens, & non lucrans Iubileum nihil promissit, nec Confessarius aliquam illi obligationem imposuit; neque de tali Pontificis intentione constat. Nam si Papa id intenderet, facilè exprimere posset, uti etiam sæpè numero in aliis concessionibus facit: Tale autem præceptum non est imponendum, neque obligatio astruenda sine firmo, urgentique fundamento, eo vel maxime, quòd in dubio de præcepto imposito judicandum est in favorem subditorum, suam libertatem possidentium. Proinde in proposito casu sufficere debet, si pœnitens cum absolvitur, comparandi Iubileum intentionem habeat. Sanch. lib. 4. mor. c. 54. nu. 54. & lib. 1. de matr. disp. 43. n. 9. Bon. disp. 5. q. 7. punct. 5. §. 5. n. 18. Henriquez lib. 6. c. 16. n. 6. Escobar. tract. 7. de sacram. c. 8. de indulgent. in fine. Bassæus in suis florib. v. votum 6. n. 16. & v. cas. refer. num. 30. vers. contraria tamen. Diana p. 2. tr. 2. ref. 11. & p. 3. tract. 4. resol. 145.

*An qui virtute Iubilei bona fide fuit à censuris, & casibus reservatis absolutus, reincidat in eisdem casibus, & censuris, si voluntariè Iubileum non acquirat.*

*An possit quis in Patria, & deinde in alia Diocesi, ad quam negotiationis gratia se contulit, Iubileum lucrari, si tunc illud ibi celebretur.*

## RESOLUTIO CXLV.

**Q**UI à censuris, & casibus reservatis tempore Iubilei bona fide fuit absolutus ex communi doctrina remanet directè absolutus, nec reincidit in eosdem casus, vel censuras, licet postea voluntariè negligat præstare opera ad lucrandum Iubileum injuncta: Ideoque culpabiliter Iubileum non acquirat. Ratio est, tum quia absolutio à reservatis non fuit data ea conditione, ut pœnitens Iubileum lucretur, sed absque ullo pacto, & obligatione absolutus fuit. Unde statim absolutio sortita est suum effectum absque ulla dependentia à futura Iubilei consecutione: Tum quia facultas obtinendi absolutionem à censuris, & peccatis reservatis non debet censeri ad reincidentiam concessa, nisi id à jure, vel Superiore concedente sit expressum: sed de hoc nihil in diplomate Iubilei agitur. Ergo, &c. Ubi enim lex, vel privilegium non distinguit, aut restringit, nec nos distinguere, aut restringere debemus. Ita Suar. to. 4. disp. 31. sect. 4. n. 5. Sanch. lib. 4. mor. cap. 54. n. 44. Graff. lib. 4. decis. aur. c. 15. n. 37. Vasq. 3. par. to. 4. q. 91. ar. 3. dub. 6. Henric. lib. 7. cap. 11. n. 4. Filliuc. tract. 8. cap. 10. n. 280. Bonac. de sacr. disp. 4. q. 7. punct. 5. §. 5. n. 26. Dian. par. 3. tr. 4. resolutione 145.

Addit Sanch. cit. cap. 54. num. 49. idem dicendum esse de commutatione votorum virtute Iubilei, quod lucrari pœnitens intendebat, sed postmodum ex negligentia culpabili noluit comparare, ea scilicet vota absolutè commutata semper manere commutata, eorumque obligationem, utpotè semel extinctam, seu potius ad aliam materiam translatam amplius non reviviscere: Quod etiam docet Henric. lib. 7. cap. 11. num. 4. S. v. *absolutio* num. 19.

## RESOLUTIO CXLVI.

**N**Egant Filliuc. tom. 1. tract. 8. c. 10. num. 278. Parochus in *Bullam Iubilei anni Sancti* sect. 41. num. 3. quorum opinionem tanquam probabiliori subscribit Mazuchell. disp. 1. q. 4. diff. 19. num. 68. Tum quia in forma concessionis Iubilei additur *hac vice tantum*, id est, una vice, vel in Patria, vel alibi: Tum quia ferunt id decisum à Sacra Congregatione, ut semel tantum Iubileum possit comparari.

Contrariam tamen sententiam expressè defendunt Alphonsus de Leone de Iubileo par. 2. q. 19. num. 68. Ignatius Lupus de cas. reserv. par. 1. dist. 21. art. 3. diff. unic. num. 2. Tum quia in materia absolutionis non attenditur locus delicti, sed confessionis. Tum quia quilibet iudicandus est juxta leges loci, in quo reperitur: in loco autem ubi tunc pœnitens confitetur, ejus delicta non sunt reservata cum vigore Iubilei, quod adhuc ibi durat, cesset omnis reservatio, omnesque Confessarii approbati ab omnibus censuris, & casibus reservatis possint absolvere.

Posteriorem hanc sententiam interrogati sustinerent etiam ii Doctores, qui asserunt indulgentiam Iubileam in anno Sancto posse bis, ter, vel pluries comparari; & in jubileo extraordinario in altera ex duabus hebdomadis comparando, posse aliquem bis præstando opera, illud lucrari, & consequenter à censuris, & casibus reservatis absolvi: quos Doctores vide supra resol. 143. Nam rationes, quæ probant posse aliquem pluries in eodem loco Iubileum comparare, probant etiam posse illud pluries in diversis locis lucrari.

Utraque sententia est probabilis, & tuta in praxi: verum prior magis placet, & videtur usu recepta, teste Dian. par. 3. tr. 4. res. 150. & seq.

Illud



Illud verò certius est, si quis in Patria neglexisset Iubileum lucrari, posse, pro eo comparando, ad alium locum, ubi Iubileum suscipiatur, se recipere ibique præstitis operibus, Iubileum lucrari. Id ipsum asseritur de eo, qui Jubilei in Patria promulgari nullam cognitionem habuit: eo enim transacto, posse intra quindecim dies à die notitiæ illud comparare, docent Ugol. *de potest. Episc.* c. 54. num. 5. Sanctarel. *de Iubil.* cap. 7. dub. 1. Botton. *in observationib. Iubilei Sixti V.* fol. 131. Dian. loc. cit.

*An qui ex malitia omisit opera in Iubileo præscripta, possit ultimo die, meliori mente, adhuc illud lucrari.*

## RESOLUTIO CXLVII.

**R**esponsio est affirmativa, eum scilicet, qui nolens lucrari Iubileum, omisit præstare opera ad comparandum Iubileum præscripta adhuc posse die Dominico secundæ hebdomadæ meliori mente illud lucrari, dummodò cetera opera è Confessario commutentur: Quia Confessarius eo casu potest cum tali penitente dispensare, sicuti cum infirmo: Licet enim ex sua malitia prærequisita opera non præstiterit, tempore constituto, tamen quando ad Confessarium accedit, verè dicitur impotens; illudque impedimentum pro eo tempore non reputatur voluntarium, sed necessarium. Neque refert quòd effluxerit tempus, cui addicta erant jejunia, quia Confessariis conceditur facultas jejunia in aliud pium opus commutandi, quæ facultas durat toto Jubilei tempore, quod, ut supponitur, nondum expiravit. Ita Henric. Vival. Graff. Bonac. Layman; Leo, quos citat, & sequitur Dian. par. 3. tract. 5. resol. 152. & par. 5. tract. 12. resol. 26. quidquid in contrarium sentiant Fillucius, & Pollachus, existimantes penitentem in prædicto casu non posse à reservatis absolvi, & consequenter nec Iubileum lucrari, eò quòd putent facultatem absolventi à reservatis expirare media nocte sabbathi secundæ hebdomadæ. Sed non est recedendum à

Pars I.

communi sententia, praxi Confessariorum doctrina, ac probitate præstantior confirmata: Quia tandiù durare censetur facultas absolventi à peccatis, & censuris reservatis, quandiù durat tempus Jubilei: tempus autem Jubilei durat toto die Dominico terminante secundam hebdomadam. Ergo toto die Dominico potest absolvi à reservatis, dummodò eo die penitens præstet opera, quæ præstare potest, ut communionem, orationem Ecclesiæ visitationem, &c. reliqua verò opera, ut jejunia, &c. in aliud pium opus commutentur. Vide Dian. loc. cit.

Utrum verò Confessarius in tali casu commutare possit etiam confessionem, & communionem, vide infra resol. 151. & 160.

*Pœnitens ultimo die, meliori mente, vult Iubileum lucrari, sed adeò ingenti premittitur peccatorum, ac tricarum mole, ut tunc ritè, & rectè audiri non possit. Queritur quid agendum Confessario in tali casu.*

## RESOLUTIO CXLVIII.

**A**liqui, ut Graff. in append. ad decis. aur. lib. 2. cap. 5. num. 22. Floron. de cas. refer. par. 1. cap. 6. §. 5. n. 1. Bossius de jubil. sect. 1. cas. 39. respondent Confessarium in proposito casu posse pœnitentem à censuris, & casibus reservatis absolvere, commutareque ipsius vota: cæterorum verò peccatorum absolutionem in aliud tempus differre. Rationem assignant, quia cœpta causa, jurisdictionis Delegati durat, donec ea causa finiatur cap. *ex litteris de off. Deleg.* sed in hoc casu intra tempus Iubilei cœpta est confessio: Ergo tandiù durabit jurisdictionis Confessarii, quousque confessio erit finita; ea verò post transactum Iubileum absoluta, ceterisque peractis in Bulla præscriptis, pœnitens lucrabitur Iubileum.

Alii verò Doctores, ut Dian. par. 1. tr. 11. resol. 24. & par. 4. tract. 5. resol. 18. Mazuchellus de cas. reserv. disp. 1. q. 4. diff. 20. num. 73. docent Confessarium in

I 3 præ-

predicto dubio posse penitenti absolutionem à censuris impendere, votorumque commutationem facere, non tamen illum à reservatis absolvere, nisi etiam à cæteris peccatis absolvat. Prior pars patet, quia Confessarius virtute Jubilei potest à censuris absolvere, vota que commutare extra Sacramentum penitentię, ut resolutum fuit supra dubio 136. Posterior verò pars probatur, quia facultas absolvendi à reservatis tempore Jubilei (ajunt) restricta est ad forum penitentię, & solum in ordine ad sacramentalem confessionem: potest impendi, ut constat ex clausulis in Bulla Jubilei apponi solitis: Igitur Confessario non est integrum eo casu penitentem à reservatis absolvere, nisi etiam à cæteris peccatis absolvat.

Sed rectius puto in proposito casu Confessarium acturum, si tali penitenti proroget consecutionem Jubilei, cætera que opera ad illud lucrandum necessaria in proximum tempus. Quod desumitur ex tenore ipsius Bullę, quę regulariter concedit, ut Confessarius electus non solum carceratis, & infirmis, sed etiam aliis morale impedimentum habentibus, prorogare possit tempus: inter quos enumerandus est penitens, de quo hic agitur. Nam is in tali statu, & angustia temporis censetur habere morale impedimentum, quominus Jubileum intra præfixum tempus lucrari possit. Ita Filiuc. tract. 8. num. 268. & 273. Bonac. de Sacram. disp. 6. quęst. 1. punct. 5. num. 36. Alphonsus de Leone par. 2. num. 188. qui modus probatur etiam Sanctarell. & Barthol. à S. Faust. apud Dian. par. 3. tract. 2. resol. 147.

Idem resolvendum est etiam de eo, quem Confessarius deprehenderet existere in proxima peccandi occasione, subesseque recidivi periculum: recte enim se gereret, si eo rerum statu absolutionem ei differret, possetque illi prorogare Jubilei consecutionem, etiam per plures hebdomadas, ut sic eum ab occasione peccandi arceret. Ita Graff. loc. c. num. 49. Mazuchellus disp. 1. q. 4. diff. 20. num. 75. qui ex Vega, & Toletio testatur tres Pontifices, Pium V. Gregor. XIII.

& Sixtum V. de hoc consultos, viue vocis oraculo ita declarasse. Quę ego probabilissima sententia innixus fateor, cum regimine fungerer animarum, me non semel id in usum deduxisse, spiritalique penitentium saluti non parum profuisse. Quod factum, cum hæc scripta legisset, summopere probavit doctissimus Dominus meus David Odasius, Cathedralis Basilicę Brixien. Canonicus, vir tum Generis nobilitate, tum egregię sapientię, ac Prudentię, cæterarumque Virtutum corona decoratus.

*An is, cui Confessarius prorogavit Jubilei tempus, si interim alia peccata reservata committat, vel vota emittat, possit ab illis per eundem Confessarium absolvi.*

## RESOLUTIO CXLIX.

**N**egativè respondent Alphonsus de Leone de Jubileo par. 2. quęst. 16. num. 189. Sanctarellus de Jubil. cap. 8. dub. 7. quibus adheret Cardin. de Lugo disp. 20. de sacram. penit. se. 8. num. 134. Ratio illorum est, quia facultas absolvendi à reservatis, & vota commutandi non censetur se extendere nisi ad peccata commissa, vel vota emissa ante Jubileum, vel intra duas hebdomadas, ad lucrandum Jubileum, præfixas: Ergo iis finitis, finitur etiam privilegium obtinendi absolutionem à reservatis post præfixum tempus commissis.

Resolutio tamen est affirmativa, eum scilicet, qui de Confessarii consensu distulit confessionem post transactum Jubileum, posse ab eodem Confessario absolutionem à reservatis obtinere post effluxum Jubilei tempus commissis, & similiter commutationem votorum, quę post ultimum duarum hebdomadarum diem emisit. Tum quia prorogatio ex justa, & rationabili causa per Confessarium penitenti concessa operatur, ut respectu ejusdem penitentis non sit transactum, sed adhuc daret Jubilei tempus. Unde sicut penitens potest absolvi

solvi à reservatis intra Jubilei tempus commissis, ita etiam à reservatis, quæ, durante illa prorogatione, commisit. Tùm quia talis videtur esse mens Summi Pontificis inducendi scilicet penitentes per talem dilationem ad lucrandum Jubileum : alioquin penitens, in hoc casu non posset jubileum lucrari : sicque ex sua obedientia damnum reportaret, deteriorisque conditionis foret. Denum quia favor jubilei, cùm sit beneficium Principis, animarum salutis favorabile, ampliari debet, non restringi sine evidenti ratione. Ita Bossius, quem citat, & sequitur Diana par. 3. tr. 2. resol. 147. & par. 5. tract. 12. resol. 27. Bassæus in suis florib. v. Jubil. notab. *Quind.* Lupus de cas. refer. par. 1. dist. 21. differ. 3. num. 3. Mazuchellus de cas. refer. disp. 1. quæst. 4. differ. 20. numer. 76. Quibus astipulatur Doctissimus Pater Vetus Maria Benaleus, vir morum integritate, ac religione, potissimum verò doctrina, ac Prudentia præclarus, Instituti Clericorum Regularium Theatinorum decus, & decor, hac de re Venetiis à me consultus.

*An opera omnia, pro lucrando Jubileo præscripta, sint necessario præstanda in una, & eadem hebdomada.*

# RESOLUTIO CL.

**A**ffirmant Henriquez libr. 7. de Indulg. cap. 7. num. 2. Ugol. de potest. Episcop. cap. 41. §. 4. num. 5. Fernandez in exam. theol. mor. par. 3. c. 7. §. 8. num. 5. quia videtur ita præscribere Bulla, quæ ita loquitur. *Qui quarta, sexta, & sabon- so alterius ex duabus hebdomadis jejunaverint, pariterque peccata sua confessi, & sanctissima communione refecti fuerint.* Ex quibus verbis colligitur (ipsi ajunt) opera omnia in una, & eadem hebdomada necessario esse præstanda : & potissimum id videtur innuere illa particula, *pariterque*, quæ connexionem, & unionem importat eorumdem operum in una, & eadem hebdomada.

Negant verò Layman lib. 3. tract. 7. c. 8.

num. 10. Bonacina de penit. disput. 6. q. 1. punct. 5. num. 34. Diana 3. par. tractat. 4. resol. 153. & par. 5. tract. 12. resolutione 24. & alii apud ipsum, sustinentes opera omnia in Jubileo præscripta non esse necessario implenda in una, & eadem hebdomada; sed sufficere, si quis in una observet jejunia, confessionemque instituat, in altera verò communionem sumat, Ecclesias visitet, eleemosynamque largiatur. Tùm quia Bulla Jubilei expressè non explicat, ut opera omnia executioni mandentur in una, & eadem hebdomada, sed in altera ex duabus hebdomadis, seu intra ambitum duarum hebdomadarum. Tùm quia Jubileum, cùm sit gratia, favor, & beneficium Principis est latè interpretandum. Proindeque secundum EpiKeram interpretanda est mens Pontificis, ut etiam in tali casu acquiratur Indulgentia: sicuti in simili notavit Rodriguez tomo 1. cap. 184. num. 3.

Hæc posterior sententia licet sit probabilis, prior tamen est probabilior, & securior : Quia in materia indulgentiarum non prodest opinio probabilis, si à parte rei veritas sit in contrarium. Unde qui opera partim in una, partim in altera hebdomada præstaret, etsi absolutionem à reservatis, & commutationem votorum verè obtineret, eò quòd opinio probabilis conferat jurisdictionem Ecclesia, seu jure Ecclesiastico universali eo casu supplente jurisdictionis defectum; nihilominus si talis opinio re ipsa esset falsa Jubileum non obtineretur. Nam opinio probabilis, & bona fides non operantur, quòd Papa in hoc, aut illo eventu concesserit indulgentiam, si ipse revera id non intenderit. Et propterea prior sententia sicut est securior; ita, præcisè aliqua necessitate, vel rationali causa, in praxi est consulenda. Ita Bassæus in suis florib. v. Jubil. notab. 2. Card. de Lugo de Sacram. penit. disp. 27. sect. 7. n. 104. Lezana tom. 3. sum. v. Jubil. num. 19. Pellizar. in tr. de monial. cap. 9. numero quadragesimo, assertionem vigesima.

Neque obstat, quòd communio fiat die Dominico, qui dies videtur spectare

I 4 non

non ad præcedentem, sed ad sequentem hebdomadam: Nam etsi dies Dominicus juxta morem Ecclesiæ spectet ad sequentem hebdomadam, in Jubileis tamen specialiter indultum est, ut communio fieri possit die Dominico post jejunia. (quæ confessio intelligitur etiam de prævia confessione, ut infra fusiùs dicam) Idque declaratum esse à Greg. XIII. testis est Diana infra citandus: sicque dies ille Dominicus habetur pro complemento hebdomadæ transactæ. Ita Navar. Henr. Reginal. apud Diana par. 2. tract. 15. resol. 28.

De Operibus, quæ injungi solent pro consecutione Jubilei, & primò, de Sacramentali Confessione.

*An pro Jubilei consecutione necessariò præmittendi hi Sacramentalis Confessio.*

## RESOLUTIO CLI.

**R**espondeo primò. Si qui suscepturus est Jubileum, non habet conscientiam peccati mortalis, non tenetur præmittere confessionem pro consecutione Jubilei: Tùm quia confessio peccatorum requiri solet, ut per eam certiùs, & securiùs tollatur obex lucrandi Jubileum: talem autem obicem non inducunt venialia, sed solum mortalia, nondum remissa: Tùm quia secundùm stylum Ecclesiæ, cùm à fidelibus peccatorum confessio requiritur, ea intelligi solet de mortalibus, quæ sunt materia confessionis necessaria, ut constat ex cap. omnis utriusque sexus. Ergo secundùm eundem stylum, & praxim sumenda est etiam confessio, quæ pro Jubileo comparando, præscribitur, ut ea faciliùs intelligatur tantùm de mortalibus, quæ nunquam fuere clavibus submissa. Ita S. Antonin. par. 1. tit. 10. cap. 3. §. 5. Suarez tom. 4. disp. 52. sect. 3. num. 3. ConincK de sacram. disp. 12. dub. 7. num. 38. Layman lib. 5. tract. 7. cap. 6. num. 6. Cardinalis de Lugo de Sacram. pœnit. disput. 27. sect. 7. num. 100.

Respondeo secundò. Si quis comparare intendit Jubileum, mortale peccatum habeat, Bullaque confessionem requirat, necessariò præmittenda est sacramentalis confessio. Et ratio est, quia id Jubilei verba sonant, à quibus in dubio non est recedendum. Quare dicere solent Doctores, quòd indulgentiæ tantùm valent, quantum sonant. Quoties igitur in Bulla exprimitur confessio, ea erit necessaria. Ita Navar. de Indulg. notab. 18. num. 2. Henriquez libr. 7. cap. 12. dub. 7. num. 38. Layman loco cit. num. 7. ConincK cit. Bonacina de Sacram. pœnit. disp. 6. quæst. 1. punct. 5. num. 5. Bassæus in suis florib. v. Jubil. notab. 9. Diana parte 5. tract. 12. resolut. 30. qui addit, si quis sacramentaliter confessus post sumptam Eucharistiam in aliquod mortale incurrat, non teneri iterum confiteri ad lucrandum Jubileum; etsi nondum impleverit omnia requisita ad ejus consecutionem: cùm ad lucrandum Jubileum, sufficiat esse in gratia, cùm impletur ultimum opus: quæ gratia comparari potest per solum actum contritionis.

Limitant aliqui hanc posteriorem resolutionem ut procedat, dummodò physica, aut moralis impotentia confitendi non impediat: putant enim eo casu sufficere contritionem. Quod an verum sit, mox examinandum.

*An qui tempore Jubilei non potest confiteri, illud lucratur, si præstitis aliis operibus, cum sola contritione communicet.*

## RESOLUTIO CLII.

**A**ffirmativè respondent Suar. tom. 4. disp. 52. sect. 3. num. 12. Filliuc. to. 1. tract. 8. cap. 6. num. 148. Alphonsus de Leone de Jubil. par. 2. quæst. 17. num. 197. quem citat, & sequitur Lupus de cas. res. par. 1. dist. 21. art. 1. dist. 1. num. 5. asserentes, eum qui Jubilei tempore, vel ob carentiam Confessarii, vel ob aliud impedimentum non potest confiteri, posse elicito priùs contritionis actu, communionem sumere, & ita Jubileum lucrari, etiamsi teneatur conscientia mortalis

pecc-

peccati : dummodo propositum habeat illud postea confitendi . Rationem assignat Suarez, quia Pontifex solum videtur confessionem peccatorum requirere, ad tollendum obicem indulgentiæ, is autem sufficienter tollitur per contritionem, si præceptum confessionis annuë eo tempore non obliget.

Sed longè probabilior, & securior est sententia contraria, nimirum si in Jubilei Bulla exprimitur confessio, & penitens affectus sit mortali peccato, si Jubilei particeps esse velit, teneri sacramentalem confessionem instituere: Tùm quia Jubileum non obtinetur, nisi expleantur, quæ in Bulla præscribuntur: Atqui in Bulla præscribitur actualis confessio, ut supponitur: Ergo sine actuali confessione Jubileum non obtinetur: Tùm quia in hoc casu non est recurrendum ad præsumptam Pontificis mentem, quia sumus in claris, & in claris non egeamus coniecturis.

Neque verum videtur, quòd Summus Pontifex exigat confessionem tantum, ut tollatur obex indulgentiæ: sed confessio mortalium requiritur tamquam opus, propter quod conceditur Jubileum: cujus operis præstatione certius deinde, ac securius tollatur obex mortalis peccati; cum plerumque non satis certissimus, nos habere contritionem perfectam, & per se sufficientem ad conferendam justificationis gratiam. Ita Navar. de Indulgent. notab. 18. num. 2. Coninck de sacram. disp. 12. dub. 7. num. 38. Bonac. de sacr. disp. 6. q. 1. punct. 5. nu. 5. Bassus in florib. v. Jubilei notab. 9. Dian. part. 5. tract. 12. ref. 29. Card. de Lugo de sacram. pœnit. disp. 27. sect. 7. num. 100. Layman lib. 5. tract. 7. cap. 6. num. 7. qui tamen in fine facitur, si quo in casu confessio sacramentalis alicui impossibilis esset, præsumi posse mentem Pontificis esse, ut sufficiat contritio, modò reliqua etiam injuncta opera præstentur: Quod non videtur improbabile.

*An opus Confessionis ad lucrandum Jubileum præscriptum censeatur impleri per Confessionem invalidam, & fictam.*

## RESOLUTIO CLIII.

**A**ffirmant aliqui, ut Diana part. 3. tract. 4. resolut. 148. ubi docet eum, qui tempore Jubilei facit confessionem sacrilegam, satisfacere, pro comparanda Jubilei indulgentia, si antequam elabatur Jubilei tempus in statu gratiæ per actum contritionis se constituat.

Sed oppositum est sustinendum, nimirum in tali casu eum, qui sacrilegam facit confessionem, teneri postea, si velit Jubileum lucrari, intra præfixum tempus iterum valide confiteri. Ratio est, quia sicuti qui sacrilegè confitetur, non satisfacit Ecclesiæ præcepto de annua confessione, ut communiter docent Doctores apud Layman lib. 5. tractat. 6. cap. 5. num. 11 & declaravit novissimè Sanctissimo D. N. Alex. VII die 3. Octob. 1665. imposita ipso facto in contrarium asserentes reservatæ excommunicationis pœna. Ita nec satisfacit Summi Pontificis intentioni, qui confessionem pro consecutione Jubilei præscriptam ficit, ac sacrilegè instituit: Quia confessio ficit, & sacrilegè facta non est confessio, sed irritio. Ita Card. de Lugo disp. 27. de sacram. pœnit. sect. 7. num. 103. ubi pro hac sententia quàm plurescit Doctores.

*An confessio, pro comparando Jubileo, præscripta sit necessario intra beatitudinem instituenda, & nequaquam ad Domini-  
cam sequentem protrahenda.*

## RESOLUTIO CLIV.

**A**ffirmativè respondent Fill. tom. 1. tractat. 8. cap. 10. num. 272. Bassus in suis florib. v. Jubilei num. 4. & alii apud Diana part. 1. tract. 15. resolut. 28. quod probant ex tenore Bullæ, quæ regulariter habet

habet hæc verba. *Atque peccata sua confessi, sequentis saltem die Dominico Eucharistiam sumpserint*. Ex quibus colligitur opera omnia præter communionem intra alternam ex duabus hebdomadis esse præstanda. Cum igitur hebdomada incipiat à die Dominico, & duret usque ad sabbathum inclusivè; idcirco vincitur, ut quemadmodum elemosinæ largitio, Ecclesiarumque visitatio non possunt fieri die Dominico sequenti; ita neque confessio, sed sola communio; idque ex speciali Bullæ concessione, quæ confessio non videtur extendenda ad confessionem.

Cæterum valdè probabile est, tam confessionem, quam communionem die Dominico post jejunia sequente posse fieri. Tùm quia dies Dominicus sequens ex Bullæ concessione statuitur pro complemento transactæ hebdomadæ; in qua impleta sunt jejunia. Unde sicut eo die potest fieri communio, ita etiam confessio, quæ ex usu fidelium conjungitur communioni. Constat enim plurimos fidelium, & potissimum operarios, ac rusticos regulariter confessionem instituere eo die, quo communicant, ut egrè admodum induci possent ad confitendum intra hebdomadam: quem usum eum non ignorent Episcopi, ipsique Summo Pontifici innotescat; idcirco non est cur aliter de ejusdem Pontificis mente judicare liceat.

Quod verò ad allata Bullæ verba spectat, dico, quòd iis expressè conceditur ad sequentem Dominicum diem dilatio communionis, implicite verò etiam confessionis, quæ ex usu fidelium communionem comitatur. Ita

Diana loc. cit. cui subscribit Card. de Lugo dis.

29. de sacram.

pœnit. sect.

7. num.

105.

*Pœnitens Jubilei tempore invalidè à censuris, & casibus reservatis fuit absolutus, ed quòd Confessarius non esset ab Ordinario approbatus. Queritur, utrum habita nullitatis confessionis notitia post transactum Jubileum, possit à quocumque Confessario absolvi.*

## RESOLUTIO CLV.

**R**espondent Henriquez lib. 7. sum. cap. 10. l. N. Alphonsus de Leone de Jubil. par. 2. num. 82. Zerola de Jubil. lib. 1. cap. 15. dub. 13. & 60. pœnitentem in proposito casu comparasse Jubileum, dummodò intra tempus ad lucrandum Jubileum præscriptum, contritionis actum elicerit. Quorum ratio est, quia in concessione Jubilei putant confessionem non exigi tanquam opus, propter quod conceditur Jubileum; sed tantum requiri, ut securior ad obtinendam indulgentiam dispositio est. Cum igitur pœnitenti eo casu moraliter sit impossibilis actualis confessio, utpotè cui nullitas confessionis ex defectu approbationis in Confessario sit ignota; idcirco satis illi esse debet contritio, seu confessio in voto, quæ sufficiens est ad tollendum obicem pro consecutione Jubilei; indulgentiæ, modò cætera præstiterit ad lucrandum Jubileum necessaria, & consequenter vi Jubilei obtenti censetur acquisivisse jus, ut possit, detecto defectu, absolutionem à reservatis per quemcumque Confessarium, sicut & votorum commutationem obtinere.

Sed oppositum sustinimus supra resolutione 130. Nam confessio in Jubileorum Bullis non videtur tantum præscribi ut sit securior ad obtinendum Jubileum dispositio; sed potius ut opus, propter quod conceditur Jubileum illi, qui conscientiam habet mortalis peccati, sicuti rectè docent Navarr. Coninck, Grassius, quos citat, & sequitur Diana par. 5. tract. 12. resolut. 29. quibus subscribit Bonacina de sacram. pœnit. disput. 6. quæst. 1. punct. 5. num. 5. Bassæus in suis florib. v. Jubil. notab. 9. Constat autem in hac

hac materia pro opere unius generis substitui non posse opus alterius generis, sine concessione Pontificis: Ideoque nec pro actuali confessione substitui potest sola contritio.

Cæterum etsi negamus, contritionem pro confessione posse substitui, dicimus tamen prædictum poenitentem, secluso contritionis actu posse, detecto errore, habitaque nullitatis confessionis notitia, eligere quemcumque Confessarium, à quo absolutionem à reservatis, commutationem votorum, cæteraque Jubilei privilegia obtineat, tanquam qui legitime impeditus fuerit, quominus intra præfixum tempus Jubileum lucrari potuerit, eo prorsus modo, quo conceditur etiam infirmis, carceratis, iter agentibus, aut iis, ad quorum aures effluxu præfixo tempore concessi Jubilei notitia pervenit. Ita Diana citat. Bossius de triplici Jubilei privilegio sect. 1. casu 33. n. 5. Mazuch. de cas. reserv. disp. 1. quæst. 4. diff. 24. n. 94.

Hinc patet resolutio ad difficultatem de qua aliquando consultus fui: est autem sequens.

*Sacerdos simplex tempore Jubilei audivit multorum confessiones, ed quod putaret virtute Jubilei cuilibet Sacerdoti facultatem impertiri poenitentes absolvendi. Queritur, an hujusmodi Poenitentes Jubileum fuerint consecuti.*

## RESOLUTIO CLVI.

**R**espond. Attenta sententia Henrici lib. 7. sum. cap. 10. l. N. Filliuc. to. 1. tr. 8. cap. 6. num. 148. Alphonsi de Leone de Jubil. par. 2. num. 82. dicendum est, hujusmodi poenitentes Jubileum obtinuisse, quoties intra præfixum Jubilei tempus contritionis actum eliciuerint: & consequenter vi Jubilei obtenti jus acquisivisse, ut possint deinde, detecto defectu, absolutionem à reservatis, & commutationem votorum per quemcumque Confessarium obtinere.

Juxta verò nostram sententiam, dicendum est prædictos poenitentes Jubileum minimè comparasse, quamvis contritio-

nis actum emiserint, & consequenter nullum jus sibi acquisitum esse, ut possint, detecto errore à reservatis absolvi: Quia Confessarius caruit approbatione Episcopi juxta Jubilei formam in Confessario requisita, à cujus Bullæ dispositione in dubio non est recedendum; posse nihilominus eosdem poenitentes, habita notitia defectus approbationis in Confessario, post transactum Jubileum eligere Confessarium, ab eoque à reservatis absolvi, cæterisque Bullæ privilegiis frui. Ita Dian. p. 5. tract. 12. resolut. 29. Bossius de triplici Jubilei privilegio sect. 1. casu 33. num. 5. Bottonus in Jubil. Sixti V. & alii apud Dianam l.c.

Quid autem, si simplex Sacerdos errore communi, & titulo præsumpto haberetur ab Episcopo approbatus, ut si audiendis confessionibus à Parocho fuisset expositus, an tunc valide à censuris, & calibus reservatis absolveret?

Respond. quòd validè absolveret à peccatis non reservatis, sicut ab iis validè absolveret extra tempus Jubilei, Ecclesia tunc supplente jurisdictionis defectum; non tamen validam absolutionem impenderet à censuris, & peccatis reservatis: neque validè commutaret vota: Quia actualis approbatio, vel saltem non reprobatio in Confessario electo tempore Jubilei est circumstantia essentialiter necessaria, cujus defectus non censetur ab Ecclesia suppleri. Est enim conditio in specie requisita, ut constet ex verbis Bullæ. Quare & in hoc casu poenitentes, detecto errore, perinde ac si legitimo impedimento fuissent detenti, possent eligere Confessarium ex verè ab Episcopo approbatus, à quo tum absolutionem à reservatis, & commutationem votorum tum Indulgentiam Jubileam obtinerent, quæ in priori confessione, ob defectum approbationis juxta formam Bullæ in Confessario requisitæ, non censetur obtenta. Ita Doctores supra citat. II. cc.

## DE COMMUNIONE.

Secundo pietatis opere, ad consequendum Jubileum prescripto.

*Quotuplex sit communio, & qualis ad lucrandum Jubileum sit necessaria.*

## RESOLUTIO CLVII.

**T**Riplex à sanctis Patribus, & Conciliis statuitur communio, ut constat ex Trident. sess. 13. cap. 8. Prima est sacramentalis tantum, per quam Sacramentum sumitur, non item ejus effectus, qui est gratia sanctificans; qui sumendi modus in peccatoribus, lethalis culpa conscientiam habentibus, locum habet. Altera dicitur merè spiritualis, per quam Sacramentum non sumitur ore, sed desiderio, & voto: Tertia, eaque perfecta communio est spiritualis, & sacramentalis simul, per quam una cum sacramento, etiam effectus ejus, qui est gratia sanctificantis augmentum; accipitur. Vide S. Tho. 3. par. q. 80. art. 12. & 13.

Igitur ad lucrandum Jubileum, certum esse debet, non sufficere communionem spirituales tantum: patet ex tenore Bullæ, quæ sic habet, & Sanctissimum Eucharistiæ Sacramentum reverenter sumperint, quibus verbis non spiritualis tantum, quæ fit per desiderium, sed sacramentalis, & realis, quæ fit per vitalem comedendi actionem, communio significatur.

Certum item esse debet, communionem sacramentalem, & spirituales simul esse omnium perfectissimam, ad consequendum Jubileum, & gratiam; eamque indicari iis Bullæ verbis, *reverenter, & devote sumperint*.

Utrum verò sufficiat communio sacramentalis tantum, absque spirituali, & sine effectu gratiæ, non est undequaque certum: Pro quo dubio ponitur sequens resolutio.

*An qui S. Eucharistiam sumit cum conscientia peccati mortalis, satisfaciatur operi à Papa imposito pro consecutione Jubilei.*

## RESOLUTIO CLVIII.

**H**ujusce dubii resolutio pendet ex ea questione, utrum qui tempore Paschatis Eucharistiam indignè sumit, præcepto Ecclesiæ satisfaciatur: Nam si hujusmodi communio sufficit ad satisfaciendum præcepto Ecclesiastico, sufficit etiam ad lucrandum Jubileum: de quo duæ sunt Doctorum sententiæ.

Prima sententia negat, indignè S. Eucharistiam sumentem tempore Paschatis satisfacere præcepto Ecclesiæ, & consequenter neque opus, pro comparando Jubileo, implere: Quia licet ex natura rei modus dignè communionem sumendi non cadat sub præcepto, potest tamen ab Ecclesia præcipi, & re ipsa tempore Jubilei præcipitur à Pontifice; ut patet ex iis Bullæ verbis, & Sanctissimum Eucharistiæ Sacramentum reverenter, & devote sumperint. Ex quibus colligitur, communionem pro consecutione Jubilei dignè, & sanctè esse sumendam. Ita Sylvius 3. part. quest. 80. artic. 11. quesito 2. Nugnus ibidem difficul. 3. dub. 4. quorum sententiam probabilem putat Bafseus in florib. Theol. mor. v. communio, num. 14.

Secunda opinio sustinet, eum, qui Eucharistiam indignè sumit, satisfacere operi pro consecutione Jubilei præscripto, dummodò ultimum opus perficiat in statu gratiæ. Et ratio est, quia hujusmodi communio sufficit ad satisfaciendum præcepto Ecclesiæ, de sumenda Eucharistia in Paschate: Ergo sufficit etiam ad satisfaciendum operi, & oneri communionis pro consecutione Jubilei à Papa imposito. Non enim videtur Papa strictiori vinculo obligare ad communionem pro lucrando Jubileo præscriptam, quam ad communionem, pro implenda Ecclesiastica lege, præceptam, dummodò ultimum opus, ut dixi, perficiatur in gratia. Et hæc sententia videtur



tur probabilior, quam sustinent Suar. to. 3. disp. 70. sect. 3. Fernand. in exam. Theol. mor. par. 3. c. 7. §. 8. n. 1. Regin. lib. 29. n. 87. Dian. par. 3. tr. 4. ref. 148. Bossius de Jubil. sect. 4. cas. 20. n. 10. Card. de Lugo disp. 27. de sacram. pœnit. sect. 7. n. 100.

Neque obstant illa verba *reuerenter, & devotè*: Tùm quia illa non continent præceptum, sed consilium: Tùm quia aliud est *reuerenter*, & *devotè*, aliud *dignè*, & *sanctè* Eucharistiam sumere. Vide Card. de Lugo cit.

Dices. Qui sacrilegè confitetur, non satisfacit Ecclesie præcepto de annua confessione, ut supra resolutum fuit dub. 153. Ergo nec satisfacit Ecclesie præcepto de communione Paschali, qui sacrilegè sumit S. Eucharistiam, & consequenter neque implet opus pro comparando Iubileo, à Pontifice impositum.

Resp. negando paritatem, quia Ecclesia, pro implendo præcepto Ecclesiastico de annua confessione, eandem præcipit confessionem, quam præcipit Deus, pro implendo præcepto Diuino: Atqui præcepto Diuino nemo satisfacit, nisi per veram confessionem: Ergo nec Ecclesiastico. Laym. lib. 5. tr. 6. cap. 5. n. 11. Coninch. disp. 5. de sac. dub. 9. nu. 70. Fill. tr. 7. nu. 41. Bass. in suis florib. v. *confessio sacram.* 1. nu. 12. Alia ratio est de communione Paschali, quæ præcipitur tantùm ab Ecclesia; cuius præcepto quilibet satisfacere censetur per communionem sacramentali tantùm: nam communio sacramentalis tantùm, est vera communio, licet indigna, & sacrilega. Vide Card. de Lugo loc. cit.

Addo, quòd confessio tempore Iubilei præscribitur tum uotus, propter quod conceditur Iubileum, tum per eam tollitur obex peccati, sicque certius, & securius obtineatur indulgentia, sicuti dictum est supra resol. 152. At verò communio præcipitur tantùm ut opus, propter quod conceditur Iubileum. Unde non est ita necessaria communio, sicuti confessio; quo fit etiam, ut communio, concurrente iusta causa, in aliud pium opus commutari possit; ut infra fusiùs dicam resolutione centesima trigesima non ita verò confessio.

*An communio, pro Iubileo comparando præscripta, possit legitime impeditis prorogari.*

## RESOLUTIO CLIX.

**N**egatiuè sententiæ videtur adherere Card. de Lugo disp. 27. de pœnit. sect. 7. num. 118. ubi asserit, attentis Bullis modernis, quarum facultas videtur restricta, communionem pro consecutione Iubilei præscriptam prorogari non posse, facultatemque prorogandi se extendere tantùm ad navigantes, & iter argentes, quibus expresse Bulla consequendi Iubilei prorogationem indulget cæteris verò impeditis solum esse concessam prorogationem aliquorum operum, puta ieiunij, elemosinarum, orationis, visitationis Ecclesiarum, non item confessionis, aut communionis.

Verùm magis placet opinio contraria, nempe legitime impeditis, non solum cætera pietatis opera, sed etiam confessionem, & communionem in tempus proximum prorogari posse. Nam cum Bulla concedat, ut Confessarii possint Iubilei consecutionem in tempus proximum prorogare non solum carceratis, & infirmis, sed etiam aliis legitimo impedimento detentis, consequenter videtur etiam concedere facultatem prorogandi confessionem; confessione autem prorogata, prorogari debet etiam communio, quam regulariter præcedit confessio. Ita Filliuc. to. 1. tr. 8. c. 10. num. 268. Bonac. disp. 6. q. 1. punct. 5. nu. 36. Sanctarellus de Iubil. cap. 7. dub. 1. Boss. de Iubil. sect. 4. cas. 6. & cas. 20. Leo de Iubil. p. 2. nu. 188. Mazuch. de cas. refer. disp. 1. q. 4. diff. 27. num. 124. vbi in fine fatetur confessionem, & communionem legitime impeditis prorogari posse, non tamen in alia opera commutari. Quam Mazuchelli limitationem profecto veram arbitror, quoad confessionis commutationem, ut dictum est supra resolut. 151. Utrum verò ea facultatis restrictio procedat etiam, quoad communionem, mox est examinandum.

*An habenti physicam, vel moralem impotentiam communicandi tempore Iubilei possit communicatio in aliud pietatis opus commutari.*

## RESOLUTIO CLX.

**N**Egat Card. de Lugo disp. 27. de penit. sect. 7. num. 118. cui subscribit Mazuchellus de cas. refer. disp. 1. q. 4. diff. 27. num. 122. qui ex nonnullis modernarum Bullarum clausulis fatentur, sibi videri facultatem commutandi hodie limitatam esse ad jejunium, elemosynam; Ecclesia, vel Ecclesiarum visitationem, interventum in processione, & orationem, quæ opera solummodo exprimuntur in commutandi facultate, non autem se extendere ad communionem. Unde licet attentis Bullis antiquis, communicatio poterat commutari non posse, eò quod modernæ Bullæ hanc communionis commutandæ facultatem non admittant.

Cæterum, quamvis hæc sententia sit securior, non videtur tamen improbabilis opposita, quæ docet ei, cui physicæ, seu moraliter impossibilis est communicatio, non obstante formula, seu varietate formulæ presentium Bullarum, adhuc communionem, pro lucrando Iubileo præscriptam, in aliud opus pium commutari posse. Unde si quis tussit, vel vomitu adeò vexaretur, ut sine irreverentiæ periculo S. Eucharistiam sumere non posset, communionem Confessarius dispensare non prohiberetur. Idem asseritur de pueris, qui ob ætatis defectum nondum sunt communionis sacræ capaces. Præterea si quis alia opera præstitisset, & die Dominico pro communione designato ex oblivione bibisset, vel inadvertenter aliquid deglutisset, communicatio ipsi in aliud opus pium commutari posset. Ita Henriquez, Sanctarellus, Grassius, quos citat, & sequitur Diana par. 3. tract. 4. resolut. 152. quibus addo Bassium in florib. Theol. mor. v. Jubil. notab. 4. Bossium de Jubil. sect. 4. caf. 20. num. 6.

Adverte tamen hanc commutationem non esse faciendam propria auctoritate, sed à Confessario pro absolutione, &

commutatione, vel etiam pro sola commutatione electo. Card. de Lugo loc. cit. num. 120.

## DE JEJUNIO.

Tertio pietatis opere, pro consecratione Iubilei præscripto.

*An in jejunii, pro lucrando Iubileo, iniunctis ova, & lactinia edi possint.*

## RESOLUTIO CLXI.

**R**espond. Jejunia, quæ in Iubileo præscribuntur; servari debent secundum usum; & consuetudinem cujusque Provinciæ legitime præscriptam. Unde si usus provinciæ servet, ut in jejunii, quæ occurrunt per annum, edantur ova, & lactinia, poterit quisque iis vesci etiam in jejunii Iubileo, taliaque jejunia erunt sufficientia, pro implenda obligatione à Summo Pontifice iniuncta. Et ratio est, quia Iubileum non censetur præscribere diversam ab continentiam ab ea, quam exigunt jejunia communia, nisi specialis modus exprimitur in Bulla. Ita Sanchez lib. 4. mor. c. 11. num. 50. Portel. in dub. regul. v. jejunium in addit. num. 7. Bonac. de præcep. Eccl. disp. ultim. q. 1. punct. 2. num. 6. Bassius in florib. Theol. mor. v. jejun. num. 4. versic. Regabis tertio. Card. de Lugo de Sacram. penit. disp. 27. sect. 6. num. 108. Dian. par. 1. tr. 9. ref. 6. & par. 5. tr. 12. ref. 25. qui etiam notat, si jejunia commutentur in aliud opus pium, necesse non esse tale opus impleri ea ipsa die, quæ jejunandum esset.

Addo, eum qui ex voto, Iubileo, vel penitentia tenetur jejunare, satisfacere edendo lactinia etiam in Quadragesima: Tùm quia jejunium in Iubileo præscriptum attenditur secundum communionem juniorum usum per annum: in aliis autem juniorum diebus per annum non prohibetur lactiniorum comestio secundum communem Ecclesiæ legem, sed in sola Quadragesima. Tùm quia abstinencia à lactiniis non est quid intrinsecum quadragesimali jejunio: Ideo-

Ideoque sine abſtinentia à lacticiiniis jejunium etiam in Quadrageſima poteſt ſalvari. Violantes tamen ſic jejunium peccant contra præceptum Eccleſiæ, prohibens eo tempore lacticiniorum uſum. Ita Angles in floribus de jejunio articulo primo poſt ſeptimam difficultatem dubio ſecundo. Sanchez citato num. 52. & 53. Portel. cit. num. 8. Baſſaus in floribus Theol. moral. v. *jejun. verſic ſed difficultas eſt*. Paſqualig. in praxi jejunii decifione 78.

*An ſenes, & adoleſcentes, alioquin excuſari à lege jejunii, jejunare debeant, ſi Jubilei particeps eſſe velint.*

- R E S O L U T I O CLXII.

**R** eſponſio eſt affirmativa, nimirum ſenes ſexagenarii, qui ordinariè eximuntur à lege jejunii ſicut & adoleſcentes, qui Eccleſiaſticis jejuniorum præceptis nondum adſtringuntur, teneri ad jejunium in Bulla expreſſum, ſi Jubilei particeps eſſe velint. Et ratio eſt, quia Jubileum non continet præceptum, ſed conſilium cum promiſſione privilegiorum, quæ in Bulla exprimuntur: ſed etiam adoleſcentibus, ſicuti & ſenibus non infirmis conſultum eſt interdum jejunare: Ergo non poterunt Jubileum conſequi, niſi id opus conſilii hoc eſt, injunctum jejunium adimpleant. Qui verò tridui jejunium ſine inagna difficultate perferre non poſſunt, uti ſunt ægroti, pauperes, prægnantes, lactentes, laborantes, &c. his, & ſimilibus Confeſſarius juxta conceſſionem Bullæ, jejunium in alia pietatis opera poterit commutare, ſicut etiam pauperibus, ſi eleemoſynam largiri non poſſet, injungere debet, ut ejus loco preces ad Deum fundant, ut infra ſuſius dicam. Ita Henriquez lib. 7. cap. 12. num. 2. Rodriguez to. 1. ſumm. cap. 148. n. 10. Layman lib. 5. tract. 7. cap. 8. n. 12.

*An jejuniorum opera impleri poſſint per jejunia alioquin ſub præcepto cadentia.*

R E S O L U T I O CLXIII.

**N** egativa pars videtur ſuadenda, quia ſupererogationis opera Deo gratiora ſunt, magiſque meritoria: Ideoque accommodatiora ad juſtificandam cauſam concedendi indulgentiam jubileam.

Sed hoc non obſtante, affirmativa pars omninò eſt tenenda, jejunia ſcilicet pro conſequendo Jubileo injuncta impleri poſſe per jejunia, alioquin ſub præcepto cadentia: Tùm quia non repugnat unico actu pluribus obligationibus ſatiſſeri, dummodo id naturæ talium obligationum, & intentioni obligantis non repugnet: Tùm quia ſi jejunia omninò indubitata exigerentur ad conſecutionem Jubilei, ſequeretur, quòd ſi Summi Pontifices concederent Jubileum obtinendum in Quadrageſima, fideles, qui eo tempore adſtringerentur ad jejunium ex præcepto Eccleſiæ non poſſent Jubileum lucrari, eò quòd jejunia tunc eſſent aliunde, nempe jure Eccleſiaſtico præcepta: Atqui uſus, & praxis Eccleſiæ eſt contraria: Nam Pontifices, regulariter Jubileum publicare ſolent in Quadrageſima. Suſſiciunt igitur jejunia, alioquin ſub præcepto cadentia. Ita Diana parte quinta, tractatu duodecimo, reſolutione 31. 23. & 54. Henriquez lib. 7. cap. 10. n. 5. Layman lib. 5. tr. 7. c. 8. num. 13. Baſſaus in floribus Theol. pract. v. *Jubileus* notab. 1. Card. de Lugo diſp. 27. de Sacram. pen. ſect. 7. n. 100.

D E O R A T I O N E.

Quartò pietatis opere pro Jubilei compa-  
ratione injuncto.

*Quæ præces ſint dicendæ pro lucrando Jubileo.*

R E S O L U T I O CLXIV.

**R** eſpondeo. Quando in Bulla Jubilei non præſcribuntur certæ preces, ſuſſi-

sufficit orare juxta intentionem Pontificis, quaecumque orationem recitando, etiam minimam, & quacumque lingua, dummodo ea devotè fiat, hoc est, sine voluntaria mentis evagatione : *Conditio enim orationis indefinitè præscriptæ per quamlibet orationem etiam minimam impletur, juxta illud Aristot. lib. perhiermenias. Ad propositionis indefinitæ veritatem sufficit quælibet singularis.* Ita Diana par. 5. tract. 12. resol. 33. ex Suar. Filliuc. Pollac. Bossio, ConineK, & aliis. Et quamvis regulariter requiratur oratio vocalis, probabile tamen est sufficere etiam orationem mentalem, quoties in Bulla dicitur tantum orandum esse: quia oratio mentalis propriissimè dicitur oratio, & cæteris paribus, præferenda est vocali, teste Dian. cit. tract. 12. resol. 44.

Neque refert, etsi oratio pro consecratione Iubilei ad Deum fundenda, aliunde sit debita, v.gr. ex voto, poenitentia, &c. ut probatum est superiori Resolutione de jejuniis, ubi resolutum fuit sufficere jejuniis alias præceptum. Vide Layman lib. 5. tract. 7. cap. 8. n. 13.

Quando verò Iubileum conceditur visitantibus Ecclesiam, vel orantibus in Ecclesia, illud obtinetur ab eo, qui accedit ad Ecclesiam, sed cum nequit ingredi corporaliter præ hominum concursu, & multitudine, preces effundit ante Ecclesiæ fores: Quia moraliter rem æstimando in hoc casu talis Ecclesiam visitat, quando præsentiam suam exhibet, quatenus potest. Unde in ejusmodi concessione etiam adjunctum cæmeterium nomine Ecclesiæ comprehenditur; quia in favorabilibus verba sunt latè interpretanda. Layman l. 5. tr. 7. cap. 3. n. 3. ex Suarez.

Utrum verò pro comparanda indulgentia, quinque Altaria visitantibus concessa, satis sit preces effundere ex uno loco sine motu de uno ad aliud altare.

Affirmant Bonac. tom. 1. disp. 5. quæst. 7. punct. 5. §. 2. n. 25. Dian. par. 1. tr. 11. resol. 102. & par. 5. tr. 12. ref. 16. Bassianus in floribus verb. Iubil. notab. 8. Unde consequenter sufficere ajunt, si lucraturus indulgentiam, quinque altaria visitantibus concessam, moveatur corde ab uno altari in aliud, recluso etiam omni impedimento.

Sed oppositum mihi videtur probabilius, & in praxi consulendum, videlicet ad lucrandam prædictam indulgentiam opus esse aliqua accessione, seu motu locali de uno ad aliud altare: itavt saltem moraliter, visitans ad illa altaria orare, censerit possit. Et ratio est, quia in concessione hujusmodi indulgentiæ commutatur visitatio Ecclesiarum Urbis Romæ in visitationem altarium particularis Ecclesiæ: Atqui pro comparanda indulgentia, Ecclesias Urbis Romæ visitantibus concessa, requiritur visitatio corporalis, hoc est, accessio, & motus localis ad ipsas Ecclesias. Ergo visitatio, etiam altarium, quæ à Pontifice substituitur in locum visitationis Ecclesiarum Urbis, exigit, ut fiat cum aliqua accessione, & motu locali de uno ad aliud altare: præsertim si templum esset ingens, & altaria inter se distita.

Confirmatur, quia visitatio secundum propriam ejus significationem, & intelligentiam importat accessionem, & præsentiam corporalem, interveniente motu locali, & à qua significatione, & intelligentia non est recedendum; cum simus in materia indulgentiarum, in qua non prodest opinio probabilis, si à parte rei veritas non subsistat, uti resolutum fuit sup. ref. 143. Ergo tutior via est amplectenda, & consequenter visitatio corporalis, sive accessio ad quodlibet altare cum aliquo motu locali videtur necessaria. Ita suadeor, & suasioni meæ favet Card. de Lugo de sacram. poenit. disp. 27. sect. 6. n. 98. ubi ait, opus esse, ut visitans altaria eo loco, & situ intra Ecclesiæ ambitum existat ut moraliter ad illa altaria orare censerit possit: Ergo sentit non sufficere solum accessum ad Ecclesiam, motumque cordis de uno ad aliud altare; sed requiri debitum locum, & situm, hoc est, aliquam accessionem, seu motum localem ad altaria inter se distita.

Quod meum iudicium, de eo à me consultus, probavit Doctissimus Dominus meus Antonius Guerrinus, Cathedralis Bergomen. Canonici, vir in utraque Theologia, ac sacrorum canonum doctrina præstantissimus.

Preces verò effundere cum expressa

in-

intentione impetrandi à Deo, quod Papa intendit, quamvis valde commendabile sit, non est tamen necessarium. Quare sufficit virtualis intentio, animusq; orandi juxta Papæ intentionem. Ita Sanctar. de Jubil. c. 7. dub. 1. Labor. de Jubil. p. 1. c. 14. n. 4. Botton. in Bullam Sixti V. v. Oratio. Dian. loc. supra cit.

## DE ELEEMOSINA.

Quinto pietatis opere, pro consecutione Jubilei præscripto.

*Quenam eleemosina pro comparando Jubileo sit facienda.*

## RESOLUTIO CLXV.

**R**esp. Ad lucrando Jubileum non sufficit eleemosina spiritualis, quæ septem comprehendit opera, ut docere ignorantem, corrigere peccantem, solari mæstum, consilium præbere animo hesitanti, remittere offendentem, sufferre molestos, & orare pro mortuis. Sed eleemosina debet esse realis, & temporalis, quam etiam pauperes impendere debent nec excusantur ob indigentiam, quia implenda sunt præscripta in Bulla nec sufficit bona voluntas, sed requiritur inuncti operis executio. Ita Bottonus in Bullam Sixti V. pag. 194. quem citat, & sequitur Dian. p. 5. tr. 12. ref. 14.

Pauperes tamen, qui de quotidiano labore vivunt, vel ostiatim mendicant, petere debent commutationem in aliud opus pium, vel curare, ut Confessarius sibi applicet eleemosinam, vel ut alter eam pro se eleemosinam impendat, aut impensam ratam habeat, quam ipsi, pro consequendo Jubileo largiri deberent. Ita præter DD. citatos Bass. in florib. the. præct. v. Jubil. notab. 6.

*Quanta eleemosina sit impendenda.*

## RESOLUTIO CLXVI.

**R**esp. Quando eleemosina, pro lucrando Jubileo, indeterminatè statuitur, sufficit quæcumque etiam minima

Pars I.

& parva, tam respectu divitum, quam pauperum: Si verò in Bulla mandetur eleemosyna, pro cujusque facultate, tunc major eleemosina impendenda est à divite, quam paupere. Non sunt tamen mensurandæ facultates, & redditus mathematicè, sed moraliter viri prudentis judicio. Ea verò eleemosina statui congrua, & ad comparandum Jubileum sufficiens esset existimanda, quam homines talis status, & conditionis communi. Dian. p. 5. tr. 12. refol. 14. & 15. Bassus in florib. The. præct. v. Jubil. notab. 6. Botton. in Bullam Sixti V. pag. 200. Mazuc. disp. 1. q. 4. diff. 26. nu. 116. qui rectè monet abundantiorē eleemosinam, ceteris paribus, abundantius profuturam ad meriti, & præmii essentialis acquisitionem.

*Herus dat famulo eleemosinam in Jubileo præscriptam, ut eam pauperibus tradat, sed famulus sibi retinuit. Queritur, an herus Jubileum comparaverit.*

## RESOLUTIO CLXVII.

**A**ffirmativè respondent aliqui, ut Sæ v. indulg. n. 4. ea nixus ratione quia dominus ex parte sua fecit, quod debuit, committendo famulo eleemosinam pauperibus tradendam: nec enim Bulla videtur requirere, ut lucraturus Jubileum propriis manibus pauperibus eleemosinam impendat, nec videtur rectè rationi consentaneum, ut herus priuètur Jubilei beneficio ex famuli maleficio.

Cøterùm in negativam partem resolvitur dubium, videlicet herum, qui commisit, vel tradidit famulo eleemosinam pauperibus elargiendam, si eam sibi retineat, aut post transactum Jubilei tempus eam tradere differat, nequaquam comparare Jubileum. Et ratio est, quia ad acquirendum Jubileum requiritur actualis præscripti operis impletio intra legitimum tempus; in proposito autem casu eleemosinæ largitio verè, & actualiter non est impleta, cum ejus dominium in pauperes non fuerit translatum. Ita Bonac. & Graff. apud Dian. p. 1. tr. 12. ref. 14. & 15. Card. de Lugo de sacram. pœnit. disp.

K

disp. 27. sect. 7. num. 112. Bassæus in floribus Theol. pract. & Lubil. notab. 6. versic. Qui commisit famulo.

*An Religiosi, Moniales, uxores, filii familias, &c. teneantur impendere eleemosynam in Bulla iniunctam, si Iubilei participes esse velint.*

7. punct. 5. nu. 58. Diana cit. Card. de Lugo cit. Bassæus in floribus Theol. pract. & Lubil. notab. 6.

*Quibusnam eleemosyna pro lucrando Iubileo iniuncta, sit impendenda.*

## RESOLUTIO CLXIX.

## RESOLUTIO CLXVIII.

**R** Esp. Religiosi, qui ex expressa, vel præsumpta suorum Superiorum licentia pecuniarum usum habent, sicut etiam moniales, item uxores, servi, filii familias, si Iubilei participes esse velint, eleemosynam in Bulla præscriptam impendere debent. Servanda est enim forma in diplomate Iubilei expressa. Ita Dian. p. 5. tr. 12. ref. 14. & 15. Graff. in append. lib. 2. c. 5. n. 58. Sanch. lib. 7. mor. c. 19. n. 92. & 93. & 100.

Addo, Religiosos etiam, quibus usus rerum in particulari non permittitur, adhuc moderatam eleemosynam pro implendo Iubilei onere ex Monasterii bonis largiri posse, vel curare, ut alter, v. gr. facularis amicus eleemosynam pro se tribut. Ita præter Doctores supracitados, Card. de Lugo disp. 27. de Sacram. pœnit. sect. 7. num. 116. Diana p. 5. tr. 12. ref. 35. qui extendunt Injusti modi obligationem ad Fratres etiam Minores: Quia licet hi neque in communi rerum dominium habeant, non carent tamen usu cum facultate libera transferendi dominium, & alienandi, quod sufficit ad rationem veræ eleemosynæ, ad hoc, ut pauperi rei acceptæ acquirant dominium.

Posset etiam Superior ex communibus Monasterii bonis dare eleemosynam pro omnibus Religiosis, quæ consuetudo servatur in multis Ordinibus, etiam observantibus; dummodo id illi scirent, & approbarent intra debitum tempus. Ita Card. de Lugo, & Diana l.c.

Supradicti tamen omnes, hoc est, Religiosi, Moniales, uxores, servi, filii familias, &c. si nullam eleemosynam impendere possint, commutationem in aliud opus pium juxta Bullæ concessionem petere debent. Ita Bonac. t. 1. disp. 5. quæst.

**R** Esp. Hujusmodi eleemosyna ex præscriptione Bullæ pauperibus est impendenda Nomine verò pauperum in favorabilibus venit non solum privati mendici, sed etiam loca pia, ut Monasteria, Hospitalia pauperum, Ecclesiæ item carentes sacra suppellectile ad divinum cultum necessaria: Imò etiam defunctorum animæ in Purgatorio existentes, quæ jugiter ad nos clamant *miseremini*, &c. comprehenduntur nomine pauperum. Ita Navar. man. c. 17. n. 93. Suarez tomo 2. de relig. lib. 4. c. 30. n. 17. Reginal. lib. 10. n. 196. Azor. lib. 4. instit. moral. cap. 26. Dian. par. 8. tract. 5. ref. 50. & par. 2. tr. 16. resol. 19.

Præterea nomine pauperum venire cum, qui victum potest quærere, aut quærat labore suo: item qui non habet, unde sibi consulat secundum suam conditionem, & statum, docent Molin. de just. tract. 2. disput. 747. num. 1. Navar. cit. cap. 17. num. 93. Pet. Navar. de restit. lib. 4. cap. 2. num. 50. Reginal. tom. 7. lib. 10. c. 24. n. 197. Card. de Lugo de just. disput. 6. sect. 10. num. 148. ubi docet majorem, vel minorem paupertatem desumi non ex majoribus, vel minoribus diuitiis; sed ex majori, vel minori indigentia, juxta cuiusque statum, ac conditionem.

Unde sicut qui ex voto, pœnitentia, legato, &c. tenentur ad aliquid dandum pauperibus, vel qui gravanter onere restituendi incerta injustè, v. g. per fraudem, furtum, rapinam, usutam acquisita, satisfaciunt, ea largiendo Monasteriis, Hospitalibus, Ecclesiis, vel in suffragium animarum Purgatorii, ut docet Filliucius t. 23. cap. 10. q. 9. num. 324. Navar. cit. Petrus Navar. de restit. lib. 4. c. 2. num. 50. Vasquez in opusculo de restit. cap. 5. §. 4. dub. 1. num. 6. & 12. Diana cit. Layman lib. 3. tr. 2. cap. 9. num. 2. Ita etiam dicendum

dum est de eleemosyna, pro lucrando Iubileo injuncta : favorabilia enim sunt amplianda, non restringenda; & propterea hujusmodi eleemosynæ largitio non videtur restringenda ad pauperes, & mendicos, secundum strictam, & naturalem vocabuli proprietatem sumptos, sed ad omnes, qui secundum communem acceptionem veniunt nomine pauperum juxta supra dicta. Sumus enim in re favorabili, quæ merito restrictionem respuit. Quod, præter usum, & praxim Confessariorum, tum eruditione, tum probitate præstantium, probavit auctori-

tas Eminentissimi Cardinalis Petri Otoboni tunc Brixie Episcopi, cujus altissima, prematuraque Eminentissimarum Virtutum, ac meritum præconia jam Urbem, Orbemque fama, & admiratione complevere. Is enim in mandatis ad Parochos suæ Diocesis pro euulgatione, ac susceptione Jubilei Sanctiss. D.N. Alexandri Septimi Anno M.DCLXIII. die 15. Februarii, & M.DCLXIV. die vigesima sexta ejusdem Mensis, præcepit, ut eleemosynæ in ejusdem Jubilei Bulla præscriptæ, pauperibus elargiendæ, in usus pios converterentur.

Finis Prioris Elucidarii Partis.





# I N D E X

## Q V Æ S T I O N V M E T R E S O L V T I O N V M.

Quæ in priori Elucidarii parte continentur .

*Resolutio 1.*  
**C**asus reservatus quid sit.  
*Resolutio 2.*  
 An in Ecclesia resideat potestas reservandi peccata .

*Resolutio 3.*  
 Quinam reservandi casus potestatem habeant .

*Resolutio 4.*  
 An Superior pro suo libito possit reservare peccata .

*Resolutio 5.*  
 An Summus Pontifex non solum censuras , sed etiam culpas sibi reservet .

*Resolutio 6.*  
 An cujuscvis generis peccata possint reservari .

*Resolutio 7.*  
 An peccata mortalia interna sint reservationis materia .

*Resolutio 8.*  
 An reservatio requirat peccatum externum consummatum .

*Resolutio 9.*  
 An in dubio juris casus censendus sit reservatus .

*Resolutio 10.*  
 An in dubio facti delictum censeri debeat reservatum .

*Resolutio 11.*  
 Pœnitens à casu reservato dubio per simplicem Confessarium absolutus fuit , postea in cognitionem venit certo fuisse reservatum . Quæritur , an censendus sit legitime absolutus .

*Resolutio 12.*  
 In dubio de peccato mortali an quilibet teneatur illud sub dubio confiteri .

*Resolutio 13.*  
 An pœnitens , qui confessus est peccatum dubium , ut dubium si deprehendat deinde fuisse certum , teneatur illud , ut certum confiteri .

*Resolutio 14.*  
 An pœnitens , qui confitetur se decies , plus vel minus mortaliter peccasse , si postea recordetur se duodecies peccasse , teneatur denuò illa duo peccata confiteri .

Re-



*Resolutio 15.*

An Confessarius, qui dubitat de sua jurisdictione circa casus reservatos, possit ab illis absolvere .

*Resolutio 16.*

An Episcopus, vel alius Superior reservans proprię legis reservantis dispositioni subiaceat .

*Resolutio 17.*

An Vicarius Generalis ligetur reservatione ejus Episcopi, cujus vices gerit .

*Resolutio 18.*

An Vicarius Generalis, si in casum reservatum incidat, possit alteri Confessario facultatem delegare, ut ab eo absolvatur .

*Resolutio 19.*

An Parochus, vel Guardianus, qui à superiore suo generalem accepit facultatem absolvendi subditos à casibus reservatis, si ipsemet in ejusmodi delictum incidat, possit Confessario suo committere potestatem absolvendi seipsum .

*Resolutio 20.*

Confessarius petit ab Episcopo facultatem, ut quidam poenitens pro una vice à reservatis possit absolui . Queritur, an reputandus inclusus ipse petens .

*Resolutio 21.*

An Vagi ligentur reservatione casuum, lata ab eo Episcopo, in cujus Diocesi continentur .

*Resolutio 22.*

An Peregrini habentes casus reservatos Episcopo loci, in quo continentur, possint absolui à quolibet exposito Confessario, si casus illi Episcopo proprii domicilii non sint reservati .

*Resolutio 23.*

Poenitens intra diocesim, sed in loco exempto commisit delictum, cui adnexa est censura, vel Episcopalis reservatio, an à confessario inferiori possit absolui .

*Resolutio 24.*

An Peregrini & Advenę possint in aliena Diocesi à casibus proprio Episcopo reservatis per simplicem Confessarium absolui .

*Resolutio 25.*

An qui peregrinationem, vel iter per

*Pars I.*

aliam Diocesim suscipit eo animo, ut alteri Sacerdoti tam reservata, quam non reservata confiteatur, si ibi confessionem instituat, validè absolutionem recipiat .

*Resolutio 26.*

An Confessarius in aliqua Diocesi generaliter approbatus ad audiendos quoscunque ad se accedentes, possit etiam excipere confessionem eorum, qui ad ipsum accedunt, gratia vitandi proprium Parochum .

*Resolutio 27.*

An impuberes delinquentes incurrant reservationem tali delicto adnexam .

*Resolutio 28.*

An impubet Succubus, qui turpiter patitur à pubere, ligetur reservatione, ubi Sodomia est reservata .

*Resolutio 29.*

An Novitii peccantes subiaceant casibus Prelato Monasterii reservatis .

*Resolutio 30.*

Novitii, si in casus Episcopo reservatos incidant, à quonam sint absolvendi .

*Resolutio 31.*

An transgressori Episcopatum constitutionum, quibus adnexa sit reservatio, excusetur ab ipsa reservatione, si laboret ignorantia .

*Resolutio 32.*

Quinam facultatem ordinariam habeant absolvendi à casibus reservatis .

*Resolutio 33.*

An Archiepiscopus possit subditos Suffraganeorum à reservatis absolvere .

*Resolutio 34.*

An Episcopus, vel alius Prelatus, si incidat in casum Summo Pontifici reservatum, à proprio Confessario possit absolui .

*Resolutio 35.*

Quinam facultatem delegatam habeant absolvendi à reservatis .

*Resolutio 36.*

An Confessarius, cui delegata est facultas absolvendi à casibus reservatis, possit eamdem alteri subdelegare .

*Resolutio 37.*

Quomodo interpretandę sint concessionēs facultatis absolvendi à casibus reservatis .

K 3

Rc-

*Resolutio 38.*

An habens privilegium absolvendi ab omnibus casibus Summo Pontifici reservatis, possit absolvere à casibus in Bulla Cœnz contentis.

*Resolutio 39.*

An habens privilegium à Papa absolvendi ab omnibus casibus etiam in Bulla Cœnz contentis, possit absolvere à casu hæresis.

*Resolutio 40.*

An qui obtinent privilegium absolvendi ab omnibus casibus, & censuris Papæ reservatis, uti sunt Regulares, alique privilegiati possint etiam absolvere à casibus Ordinariis locorum speciali Edicto reservatis.

*Resolutio 41.*

Regulares privilegiati an saltem absolvere possint à censuris, quas Episcopi Diœcesano statuto, vel generali edicto sibi reservant.

*Resolutio 42.*

Fœmina in actu confessionis, sive ante, sive post immediatè à Confessario sollicita fuit ad turpia; hæc verò obligationis judicialiter denunciandi sollicitantem à posteriori Confessario commonita, ipsa id præstare recusat: an possit à posteriori Confessario, saltem Regulari, & privilegiato absolvi, & quam pœnam incurrat, si eam, neglecta denunciatione, absolvere præsumat.

*Resolutio 43.*

An facultas obtenta absolvendi aliquem à casu reservato extendatur ad alios similes casus, si in eos pœnitens post obtentam licentiam prolatur.

*Resolutio 44.*

Si petitio facultatis facta sit cum determinato criminum reservatorum numero, v. g. absolvendi pœnitentem à tribus peccatis incestus, an tali concessio extendi possit ad quartum, & quintum incestus delictum, post petitionem commissum.

*Resolutio 45.*

An facultas in casu particulari concessa absolvendi aliquem à censura, vel dispensandi in irregularitate, ad similem

censuram, vel irregularitatem sit extendenda.

*Resolutio 46.*

An quando facultas absolvendi à casibus & censuris reservatis conceditur sub hac formula, *pro hac vice tantum*, adhuc extendi possit ad casus, vel censuras similes post petitionem contractas.

*Resolutio 47.*

Quænam sit in materia reservationis concessioneque facultatis horum verborum, *pro hac vice tantum*, intelligentia.

*Resolutio 48.*

An Parochus, habens jurisdictionem delegatam circa casus reservatos, possit ab iis absolvere suum subditum extra Diœcesim.

*Resolutio 49.*

An Parochus, cui concessa est facultas absolvendi à reservatis cum hac clausula, *in sua Parochia*, valeat suum Parochianum absolvere extra Parochiam.

*Resolutio 50.*

An Parochus, qui ab Ordinario facultatem obtinuit absolvendi à reservatis quoscunque ad se recurrentes in sua Parochiali Ecclesia, audita prius integra sacramentali confessione, possit omnes tam Parochianos, quàm non Parochianos, ad suam Ecclesiam concurrentes, audire, & à reservatis absolvere.

*Resolutio 51.*

An Pœnitentarii possint extra confessionem sacramentalem pœnitentes à censuris reservatis absolvere.

*Resolutio 52.*

An possit Superior, auditis solis peccatis reservatis, ab iis sacramentaliter absolvere, mittendo pœnitentem ad inferiorem, pro non reservatis.

*Resolutio 53.*

Quænam justa causa, vel sufficiens necessitas censenda sit, ut pœnitentem Superior, quoad reservata, sacramentaliter absolvere possit, pro non reservatis verò ad inferiorem mittere.

*Resolutio 54.*

An penitens, qui à Superiore obtinuit absolutionem reservatorum, teneatur deinde inferiori Sacerdoti peccata tam reservata jam semel confessa, quam non reservata manifestare.

*Resolutio 55.*

An quando penitens absolvitur à reservatis per Superiorem, à non reservatis verò per inferiorem, duplex recipiat Sacramentum.

*Resolutio 56.*

An Confessarius simplex, si peccatum aliquod intelligat esse reservatum, possit penitentem absolvere, remittendo illum ad Superiorem pro reservatis.

*Resolutio 57.*

Utrum necessitas gravis præbere possit justam causam inferiori Confessario absolvendi penitentem casibus reservatis obstrictum, antequam ad Superiorem pro beneficio absolutionis accedat.

*Resolutio 58.*

An penitens, si præter peccata non reservata, habeat etiam reservatum, cui sit adnexa excommunicatio, valide possit premente necessitate, ab inferiore Confessario absolvi.

*Resolutio 59.*

An penitens, si urgente communicandi, vel celebrandi necessitate, velit Confessario simplici confiteri, teneatur illi omnia peccata, tam reservata, quam non reservata aperire.

*Resolutio 60.*

An inferior Sacerdos possit penitentiam à Superiore pro reservatis inpositam commutare.

*Resolutio 61.*

An commutatio penitentiae possit fieri extra sacramentalem confessionem.

*Resolutio 62.*

An pro facienda commutatione penitentiae, necessaria sit confessio eorum peccatorum, pro quibus fuit inposita.

*Resolutio 63.*

An penitens possit propria auctoritate penitentiam à Confessario sibi injunctam in opus æquale, aut in melius commutare.

*Resolutio 64.*

An qui opus penitentiae in statu peccati mortalis implet, præcepto Confessarii satisfaciatur, fructumque satisfactionis acquirat.

*Resolutio 65.*

An penitentia sacramentalis facta in statu peccati mortalis sortiatur suum effectum, remoto obice culpæ lethalis.

*Resolutio 66.*

Utrum penitens, qui fuit absolutus ab habente facultatem ordinariam, vel delegatam circa peccata reservata, remaneat absolutus etiam à reservatis oblitis.

*Resolutio 67.*

An penitens, qui bona fide confitetur Superiori, sed ex oblivione non petit expressè absolutionem à reservatis, remaneat ab illis absolutus.

*Resolutio 68.*

An per confessionem reservatorum invalidè coram superiore factam, tollatur reservatio.

*Resolutio 69.*

An penitens, qui invalidè confessionem instituit coram Confessario habente tantum facultatem delegatam, adhuc liber maneat à reservatione.

*Resolutio 70.*

In facultate absolvendi à reservatis apposta est hæc clausula, *integra confessione audita*, an dato, quòd confessio defectu integritatis sit inualida, penitens liber maneat à reservatione.

*Resolutio 71.*

An penitenti per se, vel per alium facultatem à Superiore petenti, ut possit à reservatis absolvi, teneatur superior concedere.

*Resolutio 72.*

Si superior neget penitentem à reservatis absolvere, aut alteri facultatem concedere, an possit penitens ab inferiore Confessario absolvi.

*Resolutio 73.*

An lex referuans, Edicto Episcopali lata, expiret, mortuo, vel amoto Episcopo.

*Resolutio 74.*

An quilibet Sacerdos etiam excommunicatus, Suspendus, irregularis, degradatus, & hereticus in mortis articulo possit absolvere ab omnibus casibus, & censuris etiam Summo Pontifici reservatis?

*Resolutio 75.*

An Sacerdos simplex possit in articulo mortis, etiam presente Parocho, vel alio Sacerdote approbato, à casibus, & censuris reservatis absolvere.

*Resolutio 76.*

An in mortis articulo, si adsit commoditas adeundi Superiorem, necessarium sit ad ipsum recurrere pro absolutione à casibus, & censuris ipsi reservatis.

*Resolutio 77.*

An Parochus, vel alius Sacerdos expositus possit penitentem in articulo mortis constitutum à casibus, & censuris Papæ reservatis absolvere, si adsit commoditas adeundi Episcopum.

*Resolutio 78.*

An Sacerdos excommunicatus in articulo mortis possit à casibus, & censuris reservatis absolvere, si adsit Sacerdos simplex, & non expositus.

*Resolutio 79.*

An absolutus in articulo mortis à censuris reservatis teneatur, cessante impedimento, comparere coram Superiore, cui absolutio erat reservata.

*Resolutio 80.*

Intra quod temporis spatium absolutus in articulo mortis à censuris reservatis teneatur, cessante impedimento, Superiorem se præsentare, ne in eandem censuram reincidat.

*Resolutio 81.*

An non tantum in articulo mortis; sed etiam in probabili mortis periculo possit quilibet Sacerdos à casibus, & censuris reservatis absolvere.

*Resolutio 82.*

Quinam censendi sint in probabili mortis periculo constituti, ita ut possit per quemcumque Sacerdotem à casibus, & censuris reservatis absolui.

*Resolutio 83.*

An ab omnibus omnino censuris possit

simplex Sacerdos in articulo, seu periculo mortis penitentem absolvere.

*Resolutio 84.*

An simplex Sacerdos aliquando possit extra confessionem à censuris absolvere: in articulo mortis constitutum.

*Resolutio 85.*

An homini phrenetico eo ipso, quod in articulo mortis per simplicem Sacerdotem à censuris extra Sacramentum penitentiae fuit absolutus, administrari debeat extrema unctio.

*Resolutio 86.*

An Clericus, deficiente Sacerdote, vel laicus, deficiente Clerico, possit in articulo mortis à censuris absolvere.

*Resolutio 87.*

Sacerdos simplex jam cepit audire penitentem in proximo mortis periculo constitutum, si interim superveniat Parochus, vel approbatus, an teneatur illi cedere locum.

*Resolutio 88.*

Sacerdos simplex, sive Confessarius inferior jam cepit audire penitentem censura reservata innodatum, in articulo mortis constitutum; interim ante collatam absolutionem, supervenit superior, ael habens facultatem absolvendi à censuris: utrum pergere possit, penitentemque à tali censura absolvere.

*Resolutio 89.*

An Confessarius inferior, presente Superiore, vel facultatem absolvendi à reservatis habente, possit penitentem casibus reservatis obstrictum, in proximo vitæ discrimine existentem, absolvere.

*Resolutio 90.*

Quid præstare debeat Confessarius simplex, antequam absolvat penitentem, censuris reservatis irretitum, in articulo mortis constitutum.

*Resolutio 91.*

Si Confessarius ex obliuione, ignorantia, vel malicia penitentem in articulo mortis à censuris reservatis absolvat, intermissis conditionibus jure præscriptis: Utrum ejusmodi absolutio valida sit censenda.

*Resolutio 92.*

An absolutus in articulo mortis à censura reservata per inferiorem Confessarium, sine onere comparendi coram legitimo Superiore, teneatur adhuc, sublato impedimento, se præsentare sub eadem reincentiæ pœna.

*Resolutio 93.*

Confessarius à Pœnitente impedimentum perpetuum habente, antequam à censuris reservatis eum absoluat, ex ignorantia juramentum se presentandi legitimo Superiori extorquet. Quæritur, an teneatur se præsentare.

*Resolutio 94.*

An absolutus ab excommunicatione reservata cum onere se præsentandi, satisfaciatur huic obligationi, si per procuratorem, vel per litteras se præsentet.

*Resolutio 95.*

An Sedis Apostolicæ Legatis competat potestas absolvendi à censura canonis omnes Clericorum percussores.

*Resolutio 96.*

An Pœnitenti, quando in articulo mortis à censuris Papæ reservatis virtute alicujus Bullæ, vel Jubilei absolutus, si iniungendum se presentandi onus.

*Resolutio 97.*

An absolutus ex justa causa à censura Papæ reservata cum onere comparendi possit virtute alicujus Bullæ, vel Jubilei novam absolutionem ab eadem censura obtinere, sicque eximi ab obligatione se presentandi.

*Resolutio 98.*

Quinam censendi sint habere justam causam, sive legitimum impedimentum, ratione cujus innodati censura Papali possint extra mortis articulum ab Episcopo absolui.

*Resolutio 99.*

An impedimenta adevndi Summum Pontificem pro absolutione à censuris ipsi reservatis, habeant locum etiam in censuris in Bulla Cœnæ contentis.

*Resolutio 100.*

An Pœnitens irretitus censura Papæ reservata, si ob legitimum impedimentum Papam adire non possit, à Parocho, vel quovis exposito Confessario valeat absolui.

*Resolutio 101.*

Si Pœnitens impeditus ire Romam pro absolutione casus Papalis, possit tamen adire Nuncium, vel Legatum Apostolicum, utrum nihilominus ab Episcopo possit absolui.

*Resolutio 102.*

Quæ facultas per Concilium Tridentinum concedatur Episcopis absolvendi à casibus Summo Pontifici reservatis.

*Resolutio 103.*

Quandonam delictum dicatur ad forum contentiosum deductum.

*Resolutio 104.*

An delictum ad forum contentiosum deductum, sed in eo non probatum quoad absolutionem cadat sub facultate Episcopi.

*Resolutio 105.*

An à delicto ad forum contentiosum deducto, ibique punito possit Episcopus delinquentem absolvere, & in impedimento inde proveniente dispensare.

*Resolutio 106.*

An Episcopus aliquando dispensare possit super irregularitate proveniente ex homicidio voluntario.

*Resolutio 107.*

An Episcopus vigore privilegii à Tridentino sibi concessi dispensare possit in homicidio occulto, causa defensionis, sed excedendo moderamen inculpatæ tutelæ, commissio.

*Resolutio 108.*

An integrum sit Episcopo dispensare in irregularitate, proveniente ex homicidio occulto indirectè, & in causa voluntario.

*Resolutio 109.*

An Episcopo dispensare liceat in irregularitate, ob voluntariam alterius mortis accelerationem contracta.

*Resolutio 110.*

An irregularitas contracta ex mutilatione voluntaria sit ab Episcopo dispensabilis si ea sit occulta.

*Resolutio 111.*

Quandonam delictum censeatur occultum, ut ab eo ex Tridentini privilegio absolvi possit Episcopus.

*Resolutio 112.*

An Episcopus, quoties vigore concessionis Tridentini dispensare, vel absolvi intendit, teneatur ea facultate uti in confessione sacramentali.

*Resolutio 113.*

An declarationes Eminentissimorum Cardinalium, Concilii Tridentini interpretum, habeant vim legis universalis; Ideoque tam in foro fori, quam Poli obligationem inducant.

*Resolutio 114.*

Quinam intelligatur nomine subditorum in Tridentini decreto.

*Resolutio 115.*

An quod asseritur de conditione subditorum in ordine ad absolutionem, idem dicendum sit etiam in ordine ad dispensationem.

*Resolutio 116.*

An ut Episcopus prædicta Tridentini facultate uti possit, opus sit, ut tam ipse, quam subditi existant in Diocesi.

*Resolutio 117.*

An per Bullam Censuræ derogatum sit privilegio Episcoporum à Tridentino sibi concessio, ut possint absolvi suos subditos à crimine hæresis, aliisque casibus occultis in eadem Bulla Papæ reservatis.

*Resolutio 118.*

An Capitulum, sede vacante, veniat nomine Episcopi: Ideoque eo casu exercere valeat ea omnia, quæ ex concessione Tridentini competunt Episcopo.

*Resolutio 119.*

An Archiepiscopus vigore Concilii Tridentini facultatem habeat absolvi subditos suffraganeorum ab omnibus casibus occultis, Summo Pontifici reservatis, & cum iisdem dispensandi in irregularitatibus ex delicto occulto provenientibus.

*Resolutio 120.*

An quando plures latæ sunt reservationis pænæ, una dempta, omnes auferantur.

*Resolutio 121.*

An quando in patratorem alicujus delicti plures latæ sunt censuræ reservatæ, unica ablata, omnes tollantur.

*Resolutio 122.*

An Confessario simplici ex metu mortis, vel alterius gravis mali liceat penitentem absolvi, casibus reservatis obstrictum.

*Resolutio 123.*

Quid agendum Confessario, qui ob defectum jurisdictionis penitentem invalidè à reservatis absolvit.

*Resolutio 124.*

An Confessarius teneatur monere penitentem, quem validè quidem, sed illicitè absolvit.

*Resolutio 125.*

Ad quid teneatur Confessarius, qui Penitentem, in excipienda ejus confessione ad restitutionem non obligavit.

*Resolutio 126.*

An possit Confessarius simplex absolvi penitentem, quem scit peccatum reservatum commisisse, illudque non esse confessum.

*Resolutio 127.*

Quæ facultas concedatur in Jubileo.

*Resolutio 128.*

An in privilegio Jubilei absolviendi à casibus Papalibus comprehendatur facultas absolviendi à censuris Papæ reservatis.

*Resolutio 129.*

An per generalem facultatem in Jubileo concessam absolviendi ab omnibus casibus Summo Pontifici reservatis, possit Confessarius absolvi à casibus in Bulla Censuræ contentis, etiam si nulla fiat mentio illius Bullæ.

*Resolutio 130.*

An in generali facultate in Jubileo concessa absolviendi à casibus Bullæ Censuræ comprehendatur casus hæresis, etiam si non exprimitur.

*Resolutio 131.*

An potestas in Jubileo concessa absolviendi ab omnibus casibus Papæ reservatis extendatur etiam ad censuras, & casus Episcopo reservatos.

*Resolutio 132.*

An etiam irregularitates comprehendantur

tur sub facultate in Jubileo concessa absolventi ab omnibus censuris, & casibus Papæ reservatis.

*Resolutio 133.*

An Confessarius possit absolvere Pœnitentem qui commisit peccatum reservatum in confidentiam Jubilei.

*Resolutio 134.*

An absolutio à censuris tempore Jubilei collata, non satisfacta parte, sit valida.

*Resolutio 135.*

An quando absolutio à censuris in Jubileo conceditur cum limitatione satisfactionis, possit absolvi pœnitens, qui detinetur impotentia.

*Resolutio 136.*

An possit quis vi Jubilei à censuris reservatis extra sacramentalem confessionem absolvi.

*Resolutio 137.*

An Pœnitens, qui tempore Jubilei ex oblivione inculpabili omittit aliquod reservatum confiteri, liber remaneat à reservatione.

*Resolutio 138.*

An qui confessus est animo lucrandi Jubileum, si postmodum illud culpabiliter non lucretur, adhuc liber maneat ab oblatorum reservatione.

*Resolutio 139.*

An qui confessionem sacramentalem instituit animo comparandi Jubileum, si postmodum illud ex sua culpa non obtineat, possit nihilominus votorum oblatorum commutationem petere.

*Resolutio 140.*

An quando pœnitens confitetur habenti facultatem absolventi à reservatis virtute Jubilei, sed confessio advertenter & culpabiliter fuit invalida, liber maneat à reservatione.

*Resolutio 141.*

An qui tempore Jubilei ex oblivione non petit commutationem alicujus voti, si deinde, transacto jubileo, illius recordetur, adhuc possit commutationem petere, & obtinere.

*Resolutio 142.*

An qui tempore jubilei memor emissi voti noluit commutationem petere, possit adhuc post transactum jubileum

mutata voluntate, illam petere, & obtinere.

*Resolutio 143.*

Qui obtinuit jubileum in prima ex duabus hebdomadis, si postmodum in casus reservatos reincidat, antequam elabatur secunda hebdomada, an adhuc possit à reservatis absolvi.

*Resolutio 144.*

An Pœnitens, qui absolutionem à reservatis, & commutationem votorum virtute jubilei obtinuit, peccet mortaliter, si postea mutata voluntate, jubileum non comparet.

*Resolutio 145.*

An qui virtute Jubilei bona fide fuit à censuris, & casibus reservatis absolutus, reincidat in eisdem casus, & censuras, si voluntariè postmodum jubileum non acquirat.

*Resolutio 146.*

An possit quis in Patria, & deinde in alia Diocesi, ad quam negotiationis gratia se contulit, jubileum lucrari, si tunc illud ibi celebretur.

*Resolutio 147.*

An qui ex malitia omisit opera in jubileo præscripta, post ultimos dies, meliori mente, adhuc illud comparare.

*Resolutio 148.*

Pœnitens ultimo die, meliori consilio, vult jubileum lucrari, sed adeo ingenti premitur peccatorum, ac tricarum mole, ut tunc ritè, & rectè à Confessario audiri non possit. Quæritur, quid agendum Confessario in tali casu.

*Resolutio 149.*

An is, cui Confessarius prorogavit jubilei tempus, si interim alia peccata reservata committat, vel vota emittat, possit ab illis per eundem Confessarium absolvi.

*Resolutio 150.*

An omnia opera, pro lucrando jubileo præscripta, sint necessariò præstanda in una, & eadem hebdomada.

*Resolutio 151.*

An pro jubilei consecutione necessariò premittenda sit sacramentalis confessio.

*Resolutio 152.*

An qui tempore jubilei non potest confiteri,

teri, illud lucretur, si prestitis aliis operibus, cum sola contritione communicet.

*Resolutio 153.*

An opus confessionis ad lucrandum jubileum prescriptum censeatur impleri per confessionem inualidam, & fictam.

*Resolutio 154.*

An confessio, pro comparando jubileo prescripta, sit necessariò intra hebdomadam instituenda, & nequaquam ad Dominicam diem protrahenda.

*Resolutio 155.*

Penitens jubilei tempore inualidè à censuris, & casibus reservatis fuit absolutus, eò quòd Confessarius non esset ab ordinario approbatus. Queritur, utrum habita nullitatis confessionis notitia post transactum jubileum, possit à quocumque Confessario absolui.

*Resolutio 156.*

Sacerdos simplex tempore Jubilei audit multorum confessiones, eò quòd putaret virtute Jubilei cuilibet Sacerdoti facultatem impetiri confessiones excipiendi. Queritur, an dicti Penitentes jubileum fuerint consecuti.

*Resolutio 157.*

Quotuplex sit communio, & qualis ad lucrandum Jubileum sit necessaria.

*Resolutio 158.*

An qui sanctam Eucharistiam sumit cum conscientia peccati mortalis, satisfaciatur oneri pro consecutione jubilei à Papa imposto.

*Resolutio 159.*

An communio, pro jubileo comparando prescripta, possit legitimè impeditis prorogari.

*Resolutio 160.*

An habenti physicam, vel moralem impotentiam communicandi tempore jubilei possit communio in aliud pietatis opus commutari.

*Resolutio 161.*

An in jejuniis, pro lucrando jubileo injunctis, ova, & lactinia edi possint.

*Resolutio 162.*

An senes, & Adollescentes, alioquin excusati à lege jejunii, jejunare debeant, si jubilei participes esse velint.

*Resolutio 163.*

An jejuniorum opera impleri possint per jejunia alioquin sub præcepto cadentia.

*Resolutio 164.*

Quæ preces sint dicende, pro obtinenda jubilei indulgentia.

*Resolutio 165.*

Quenam eleemosyna pro comparando jubileo sit facienda.

*Resolutio 166.*

Quanta eleemosyna sit impendenda.

*Resolutio 167.*

Hærus dat famulo eleemosynam in jubileo prescriptam, ut eam pauperibus tradat, sed famulus sibi retinuit. Queritur, an hærus jubileum comparaverit.

*Resolutio 168.*

An Religiosi, Moniales, uxores, filii familias, &c. teneantur impendere eleemosynam in Bulla injunctam, si jubilei participes esse velint.

*Resolutio 169.*

Quibusnam eleemosyna, pro lucrando jubileo injuncta, sit impendenda.







# ELVCIDARIUM CASVVM RESERVATORVM:

Continens dilucidas Adnotationes

*In Censuras, & Casus in Diœcesi Brixien. Reservatos.*

P A R S   A L T E R A.

In Primum Casum Reservatum in Edicto reservationis sub his terminis propositum.

*Censuræ omnes, quæ in Decretis Visitationis Apostolicæ, Conciliis Provincialibus, & in nostris Constitutionibus, & Edictis feruntur.*



**T**RIA censurarum genera, ut literam intuenti pater, continentur, ac reservantur in casu. Primò Censuræ omnes, quæ latæ sunt in decretis tam particularibus, quàm generalibus, conditis in Visita-

tionis Episcopali cujuslibet Ecclesiæ Urbis, & Diœcesis Brixien. Secundo censuræ omnes latæ, & dispersæ in septem Conciliis Provincialibus Mediolanis celebratis, in cujus Metropolitanæ Ecclesiæ gremio existit hæc Brixien. Ecclesia. Tertiò censuræ omnes contentæ in libello, cui titulus, *Constitutiones ad usum Cleri Brixiani, veteres simul, &c.* quæ olim ab Illustrissimo D. Marino Georgio primùm, & post ipsum à Successoribus Brixie Episcopis in Synodis à se celebratis renovatæ, roboratæque fuerunt, nonnullis additis, seorsim impressis, prout conditio temporum requirebat: Quas omnes Illustrissimus, & Reverendiss. D. D. Marinus Joannes Georgius, nunc Sanctæ Brixien. Ecclesiæ Episcopus (cujus summa sapientia, Prudentia, æquitas, ac pietas admirabilis nullo vel palmariè eloquentiè elogio satis pro dignitate celebrari possunt) re-

no-

novavit, & confirmavit in ejus prima Synodo celebrata 20. Aprilis 1668. His annumerantur censurę, quę ab eodem Sapientissimo Legislatore, velejus Generali Vicario specialibus Edictis, ad mores corrigendos, seu disciplinam Ecclesiasticam retinendam, vel hætenus latę sunt, vel deinceps ferri contigerit. Propterea cum censurarum, quę hoc primo casu continentur, & tria sint genera, & inter se distincta, ita eas in tres distinguere partes, singulasque distinctis percurrere tractatibus opere pretium duxi.

In Priorem Primi Casus reservati partem, in Edicto sub hac litera propositam.

*Censurę omnes, quę in Decretis Visitationis Apostolicę feruntur.*

## ANNOTATIONES.

- 1 *Censura quid sit.*
- 2 *Quotuplex sit censura.*
- 3 *Sub casu comprehenduntur tres censurarum species.*
- 4 *Quid sit excommunicatio, suspensio, & interdictum.*
- 5 *Excommunicatio minor reservationis non est capax.*
- 6 *Censura alia est latę sententię, alia ferendę.*
- 7 *Litera reservationis loquitur de censura latę sententię.*
- 8 *Quando censetur censura esse latę sententię.*
- 9 *Quando sententię ferendę.*
- 10 *Censura alia à jure, alia ab homine.*
- 11 *Discrimen inter utramque.*
- 12 *Censurę in Decretis Visitationis latę sunt ab homine.*
- 13 *Censurę ab homine cessant, mortuo, vel amoto Corditore.*
- 14 *Decreta visitationis, ut obligent, prius promulganda.*
- 15 *An lex Ecclesiastica vim obligandi obineat, si usu non recipiatur.*
- 16 *Refertur sententię negativa.*
- 17 *Propositur sententię contrariā.*
- 18 *Verior opinio, cui adhaeret Auctor.*

- 19 *An populus unius Paręcię obligetur ad legem generalem pro tota Dięcesi ab Episcopo latam, si in ea Paręcia non sit acceptata, aut certę fuerit abrogata.*
- 20 *Paroebi tenentur promulgare Visitationis decreta.*
- 21 *An obligentur deducere in usum decreta ab antecessoribus non deducta.*
- 22 *Quę causę excusent ab incurrenda censura.*
- 23 *Quotuplex sit ignorantia.*
- 24 *Quę, & quando excuset ignorantia.*

## ANNOTATIO I

**C**ensura, nominis etymologiam spectando, deducitur à *censendo*: Verum in casu sumitur, provt est in usu Ecclesię, videlicet pro spiritali pœna quam Ecclesiastici Prelati contumacibus infligunt; & sic definitur. Censura est pœna spiritalis, & medicinalis, inflicta ab Ecclesiastica potestate; privans hominem baptizatum delinquentem, & contumacem usu quorundam bonorum spiritualium. Ita Sayrus de censuris lib. 1. c. 1.

2 Sed notandum, censuram Ecclesiasticam esse veluti quoddam genus, quod tres sub se continet censurarum species, quę sunt excommunicatio, suspensio, & interdictum. Neque audiendus est Sotus in 4. dist. 12. q. 3. art. 1. qui irregularitatem, & cessationem à divinis inter censuras enumerat.

3 Cum igitur litera reservationis dicat, *censurę omnes*, clarę indicat, se comprehendere singulas censurarum species, hoc est, omnes excommunicationes, suspensiones, & interdicta, quę lata fuerunt tum à Sancto Carolo in Apostolica Provincia Mediolanensis Visitatione, intra cujus ambitum continetur Brixien. Dięcesis: Tum quę feruntur ab Episcopo Brixien. successive occasione visitationis diversimodę pro diversitate Ecclesiarum Dięcesis uti constat ex praxi interni fori Ecclesię Brixien. & Confessoriorum usu. Ita à me consultus respondit Reverendissimus Dominus meus Carolus Antonius Lucias, Curię Episcopalis Bri-

Brixienſis Generalis Vicarius , Præſul  
tum nobilitate Generis , ac Dignitatum  
inſignibus , tum præſtanti Prudentia , om-  
nique doctrinarum genere præclarifi-  
mus: Ideoque à me ſæpè allegatus.

# ANNO TATIO II.

4 Excommunicatio quæ in jure ſæpè  
nuncupatur anathema , mucro Epifco-  
pi , virga ferrea , nervus Eccleſiaſtica  
diſciplinæ , ſic ſinitur . Eſt cenſura , quæ  
privat hominem baptizatum participa-  
tione Sacramentorum communibus Ec-  
cleſiæ ſuffragiis , & communione fide-  
lium ; eſtque excommunicatio pœna ,  
qua nulla major in Eccleſia reperitur .  
Sufpenſio eſt cenſura , per quam perſona  
Eccleſiaſtica functionibus Ordinis , vel  
juribus beneficii impeditur uti . Navar.  
in man. cap. 27. numer. 151. Interdictum  
verò eſt cenſura , quæ divinatorum officio-  
rum , aliorum Sacramentorum , & Ec-  
cleſiaſticæ ſepulturæ prohibet uſum .  
Laynian lib. 1. tract. 5. par. 4. c. 1. Verùm  
cùm quælibet ſupradictarum cenſura-  
rum rursus ſubſolidatur , videlicet ex-  
communicatio in majorem & minorem ,  
ſuſpenſio in ſuſpenſionem ab officio tan-  
tùm , à beneficio tantùm , & ab utroque  
ſimul : ſimiliter interdictum in locale  
tantùm , in perſonale tantùm , & in locale  
& perſonale ſimul .

5 Idcirco notandùm , quòd caſus ,  
quòd excommunicationis cenſuram ,  
intelligitur de excommunicatione majo-  
ri: Quia minor non fertur per decreta ,  
ſed contrahitur per communicationem  
cum excommunicato vitando . Quòd  
reliquas verò cenſuras , cùm litera dicat ,  
*cenſuræ omnes* , clare indicat ſub caſu  
comprehendi ſuſpenſiones omnes , & in-  
terdicta , quæ in Decretis tam generalibus  
quam ſpecialibus Viſitationis in contu-  
maces feruntur , cujuſcumque generis illa  
ſint . Nam ubi lex non diſtinguit , nec  
nos diſtinguere debemus .

# ANNO TATIO III.

6 Verùm pro clariori huiusce caſus  
expoſitione rursus notandum eſt , quòd  
quælibet cenſura ſubdiuiditur in eam ,  
quæ eſt latæ ſententiæ , & in eam , quæ  
eſt ferendæ . Cenſura latæ ſententiæ di-  
citur , quæ de ipſo facto , ſeu criminis ad-  
miſſione incurritur , abſque alia iudicis  
ſententia . Cenſura verò ſententiæ ferendæ  
dicitur , quæ non incurritur ipſo facto ,  
ſed requirit iudicis , vel Superioris  
ſententiam , vel declaratoriam admiſſi  
criminis , & contraſtæ pœnæ , vel damna-  
toriam ejuſdem criminis . Ita communi-  
ter Doctores apud Bonacin. de cenſuris  
diſp. 1. q. 1. par. 1. num. 5. & 6. quæ duplex  
cenſuræ diſtinctio in diſcuſſione huius  
primi caſus Confeſſariis ob oculos ſem-  
per eſt habenda .

7 Litera itaque reſervationis , cùm  
dicit , *cenſuræ omnes* , loquitur de cenſuris  
latæ ſententiæ , quæ incurritur ipſo facto ,  
nulla expectata Superioris declaratione .  
Quod clare conſtat ex illo termino ,  
*feruntur* .

# ANNO TATIO IV.

8 Sed hinc obiter inquire , quomo-  
dò poteſt diſcerni , an cenſura ſit latæ  
ſententiæ , an tantùm ferendæ ? Reſpond.  
Quatuor modis id poſſe diſcerni . Primo  
ſi in lege addatur iſta particula , *ipſe  
jure* , quia tunc cenſura per juſ ipſum fer-  
tur: vel hæc alia , *ipſo facto* , quia poſito fa-  
cto , ſeu inobedientia talis legis , ſtatim in-  
curritur . Quæ propterea dicitur etiam la-  
tæ ſententiæ , quia per ipſam legem jam la-  
ta eſt ſententia de illa cenſura , etiam an-  
te comiſſum delictum . Quare hæc tria *ipſo  
jure* , *ipſo facto* , *latæ ſententiæ* eamdem rem  
ſignificant . Secundò quando cenſuram  
committantur hæc verba , *ſtatim* , *continud* ,  
*illico* , *mox* , *confeſſim* , &c. Tertiò cum adhi-  
bentur verba modi indicativi , v. g. excom-  
municamus , ſuſpendimus , &c. vel qui  
hoc fecerit , eſt excommunicatus , ſuſpen-  
ſus , &c. vel ſciat ſe excommunicatum , ſu-  
ſpenſum , &c. Quartò cùm cenſura fertur  
per

per verba presentis imperativi, v.gr. sub jaceat excommunicationi, incurrat excommunicationem, &c. Vide Avilam de censur. par. 2. cap. 2. disp. unic. & Bonac. de censur. disp. 1. quest. 1. punct. 1. num. 5. & 6.

9 Quod si sub aliis terminis imposita fuerit, v.gr. si dicatur, excommunicetur, suspendatur, &c. vel qui hoc fecerit, erit excommunicatus, suspensus &c. Similiter si verba sint tantum comminatoria sub pœna excommunicationis, sub interminatione suspensionis &c. censura sententiæ ferendæ censenda erit, ut docet Avila loc.cit. Layman de censu. lib. 1. cap. 11. nu. 10. 11. 12. & 13. In dubio autem an verba involvant sententiam latam, vel ferendam, in mitiorem partem interpretanda esse, ut scilicet contineant sententiam tantum ferendam, docet ex communi Bonac. l.c. n. 6. & Layman l.c. cap. 2. num. 3. Quia odia non sunt amplianda, sed restringenda.

#### ANNOTATIO V.

10 Verum ulterius notandum, censuram aliam esse à jure, aliam ab homine: censura à jure dicitur, quæ fertur per canones, constitutiones, vel statuta Ecclesiastica stabili, & permanente lege contra omnes subditos. Censura verò ab homine dicitur illa, quæ infligitur à Iudice, vel Prælato per modum sententiæ, vel decreti, seu mandati in aliquo facto particulari, vel contra certas personas.

11 Inter quas censuras hoc discrimen intercedit, quod censura ab homine lata cessat, mortuo, vel amoto Legislatore: censura verò à jure adhuc durat, Legislatore sublato, nisi à successore revocetur, vel contraria consuetudine legitime præscripta tollatur: sicuti constat ex cap. fin. de off. legati: & cap. unic. de major. & obedi. & cap. Pastoralis §. 1. de offic. Ord. & docet Ugolinus de cens. tab. 1. cap. 9. §. 4. Suarez 3. par. tom. 5. disp. 5. sect. 1. Sayr. de censu. lib. 1. cap. 7. num. 11. & 12. Layman lib. 1. tract. 4. cap. 5. num. 5.

12 Modò cum censuræ in decretis visitationis Episcopalis, de quibus in prima hujus casus parte loquitur Edictum, infligantur per modum præcepti, ac decreti, & in factis particularibus Ecclesiarum Urbis, & Diocesis Brixen. Idcirco reputari debent censuræ ab homine. Ugolinus loc.cit. d. 1. & 2. de off. & potest. Episc. par. 2. cap. 47. §. 2. num. 1. & 2.

13 Unde consequenter dicendum est, censuras in visitatione conditas penitus vim suam amittere, mortuo, vel amoto conditore, ut nemo deinceps eas incurere possit; quamvis si antea incurerat, iis innodatus maneat, donec absolvatur. Ita Suarez cit. disp. 3. sect. 1. Sylvest. V. excomm. 3. Coninck tom. 2. disp. 13. dub. 1. numer. 11. Layman de censur. lib. 1. tract. 5. cap. 2. num. 2. Sayrus cit. n. 11. & 12.

#### ANNOTATIO VI.

14 Ceterum pro pleniori casus discussione notandum; sicut ad valorem legis inter cæteras conditiones, prærequiritur authentica ipsius promulgatio; juxta morem in singulis locis receptum, & institutum, ita sentiendum esse de decretis à Providissimo Legislatore, & Episcopo nostro in Visitatione conditis. Nam illa sunt leges, vel particulares Paræciarum, vel generales totius Diocesis, & obligant ad modum aliarum legum Ecclesiasticarum. Propterea, quando hujusmodi decreta, ad Parochos transmissa, ab ipsis non fuerint sufficienter publicata, vel saltem ad valuas Ecclesiæ, aut in sacristia (cum ad Clericorum disciplinam spectant) affixa, non vigebit eorum obligatio: nullique culpæ, vel pœnæ transgressores erunt obnoxii. Neque refert, etiam priuata notitia aliquibus innotescant decreta in visitatione condita, adiectis censurarum pœnis. Nam priuata illa notitia non supplet promulgationis defectum, quæ essentialis est ad valorem legis. Ita Suarez de legib. lib. 3. cap. 16. num. 2. & 6. ex communi.

## ANNOTATIO VII.

15. Major difficultas est, an ad valorem Ecclesiasticæ legis requiratur etiam populi acceptatio, ita ut vi careat, quamvis sit legitimè promulgata, si populus, vel major pars populi prosequatur facere, quod facere consueverat ante legis promulgationem: quo casu lex dicitur usu non recepta.

16. Affirmant Navar. in man. c. 23. n. 41. Azor. tom. 1. lib. 5. cap. 4. Sylvest. V. lex Beccan. 1. 2. tr. 3. cap. 6. q. 8. num. 3. Valen. de legib. disp. 7. q. 5. p. 5. qui licet fateatur legislatorem Ecclesiasticum posse obligare subditos ad observantiam suæ legis independentes ab eorum acceptatione: tamen benignè interpretandam esse ipsius mentem, ajunt, ut quandiu ipsius lex non est recepta, velit obligationem suspendi, ne detur peccandi occasio. Potestas enim (inquiunt) Prælati Ecclesiæ à Christo data est in ædificationem, non in destructionem: Quod non esset, si vellet uti sua potestate contra communem subditorum consensum.

17. Oppositum docent Suarez lib. 3. de leg. cap. 19. Regin. lib. 13. numer. 161. Rodriq. tom. 1. qq. reg. quæst. 6. art. 6. afferentes legem tam civilem, quam Ecclesiasticam legitimè conditam, quamvis à subditis non acceptetur, obligationem inducere.

18 Sed mihi distinguendum videtur cum Layman infra cit. Nam vel Superior scit suam legem à maiori populi parte non recipi, nec observari, & tamen tacet; & tunc censetur legem revocare tanquam subditis difficilem, & incommodam. Vel nescit non recipi, nec in usum deduci, & tunc durat legis obligatio, sicut & adnexa poena, donec elabatur decennium: quo elapso, sublata censetur per decennalem præscriptionem. Vel denique scit legem non acceptari, sed ipse reclamatur, & vrget subditos ad observationem: & tunc subditi eam observare tenentur, & peccant non observando. Alioquin majoris potestatis essent subditi, quam Superior; quod absurdum est dicere. Ita Layman lib. 1. tr.

4. cap. 3. n. 3. cui subscribitur Medulla theom. 1. 1. tr. 2. c. 1. dub. 3.

Addo hanc propositionem. *Subditi non peccant, si absque justa causa non recipiant legem à Principe, (vel Superiore) promulgatam.* nouissimè inter plures alias prohibitam, & damnatam fuisse à Sanctis. D. N. Alexandr. VII. die 2. Octob. 1665. sub pœna excommunicationis latæ sententiæ cujus, absolutionem sibi Successoribusque reservavit: Ideoque profligata manet contraria sententiæ. Quæ doctrina valdè conducit ad primi casus cognitionem. Nam si visitationis decreta aliæque leges, quæ recententur in casu, in suo robore, ac firmitate permaneant firmæ regulariter subsistent etiam adnexæ censurarum pœnæ. Dixi regulariter, quia in raro casu lex cessare potest quoad unam partem, nêpè quoad penam interim manente quoad alteram, videlicet quoad culpam: sicut docet Abb. Nau. Suarez, quos citat, & sequitur Laym. lib. 1. tr. 4. c. 24. nu. 12.

19 Placet hic resolvere dubium olim mihi propositum, an scilicet in casu, quo Episcopus edictum generale condidisset pro tota Diœcesi, si constet illud in aliqua Parœcia non fuisse receptum à maiori parte populi diætæ Parœciæ, aut certe fuisse postea abrogatum, sciente, & non reclamante legislatore, an, inquam, istud edictum obliget populum illius Parœciæ.

Resp. videri non obligare, & inde suaderetur, quodd quando dicitur acceptatio legis debere fieri à maiori parte populi, vel communitatis, id non intelligitur solum de populo, v. g. totius Regni, Provinciæ, vel Diœcesis, sed etiam de populo, seu communitate particulari, & quidem etsi non sit satis ampla, (quod est contra Baldellum lib. 5. disp. 18. n. 23. requirentem in proposito casu, ut communitas sit satis ampla) qualis utique est etiam particularis Parœcia alicuius Diœcesis. Cum ergo lex non obliget, nisi sit acceptata, si populus unius Parœciæ pro maiori parte non acceptet legem ab Episcopo pro tota Diœcesi latam, is ad illius observationem non obligatur, quamvis populi aliarum Parœciarum communiter illam ob-

servent', utpotè ab ipsis acceptatam, & postea non abrogatam. Ita colligitur ex Bonacina de legib. disp. 1. qu. 1. punct. 4. num. 33. pro se citante Navar. Azor. Sala. Valen. Reginal.

20 Parochis ita que ex officio incumbit visitationis decreta, ceteraque Episcopalia edicta, postquam ipsis transmissa fuerint, in Parœcia promulgare, vel promulganda curare, in usumque deducere, alioquin si incuriosi fuerint, graviter possunt peccare.

21 Parochi tamen quorum antecessores ejusmodi decreta, vel edicta publicare, & in usum deducere neglexerunt, excusari possunt, si ipsi quoque ea non promulgent, nec observari curent. Ita Bonac. loc. supra cit. num. 40. Azor. lib. 5. cap. 4. q. 5. Becan. 1. 2. tract. 3. cap. 6. quæst. 6. num. 4.

### ANNOTATIO VIII.

22 Superest videndum, an legunt Ecclesiasticarum aliquando cesset obligatio, & consequenter etiam illis adnexa censurarum pœna. Pro quo notandum pluribus de causis id accidere posse, nimirum ex inadvertentia, vel ignorantia, de qua in sequenti annotatione, ex impossibilitate, ex periculo gravis incommodi, ex lege contraria, dispensatione, cessatione causæ finalis, ex Epicheja, quæ est benigna legis interpretatio, in aliquo casu particulari privatim facta, quatenus per Epichejam aliqui casus censentur excepti: Ex contraria denique consuetudine, de qua infra in secunda hujus primi casus parte, *annotat. 2.* Quando igitur aliqua ex enumeratis causis concurrat, sicut cessat Episcopaliū decretorum obligatio, sic etiam adiecta censuræ pœna, utpotè obligationi legis accessoria. Ruente autem principali, ruit etiam accessorium ut clarum est apud omnes.

### ANNOTATIO IX.

23 Ex causis verò, quæ frequentius à censurarum pœna excusant, potissima est ignorantia. Pro cujus intellectu breviter notandum, quod ignorantia alia est juris, alia factis alia pœnæ. Ignorantia juris dicitur, cum quis ignorat legem, sive Superioris præceptum. Ignorantia facti, cum quis ignorat factum ipsum. Ignorantia verò pœnæ, cum quis ignorat latam esse talem pœnam in transgressores. Ignorantia juris, vel facti subdividitur; quod alia est invincibilis, alia vincibilis. Invincibilis dicitur, quæ morali diligentia vinci, & tolli non potest, vel quia nunquam venit in mentem cogitare de opposita veritate, vel et si venerit, tamen adhibita diligentia, error depelli non potuit. Ignorantia verò vincibilis dicitur, quæ superari, ac tolli, & opposita scientia acquiri potuisset. Et hæc rursus dividitur, quod alia est purè vincibilis, alia crassa, seu supina, alia affectata. Ignorantia purè vincibilis jam descripta est. Ignorantia crassa, seu supina est illa, quæ procedit ex magna cognoscendi negligentia: Et dicitur crassa, sumpta metaphora ab hominibus crassis, & obesis, qui detides esse solent: Supina verò, sumpta metaphora ab iis, qui de rebus suis nullam curam suscipiunt, sed supinè in lecto jacent. Ignorantia verò affectata est illa, cum quis, data opera, vult ignorare, & non inquirere veritatem, sive ob discedendi tœdium, sive, ut legis obligatione ignorata, liberiùs peccare possit.

Solet etiam ignorantia dividi in antecedentem, comitantem, & consequentem. Antecedens dicitur, quæ est causa operis, quia si abesset, opus non fieret; & non distinguitur ab ignorantia invincibili. Comitans illa, quæ non est causa operis, quia si abesset, adhuc opus fieret. Consequens verò illa, quæ aliquo modo voluntaria est, & non distinguitur ab ignorantia culpabili, & vincibili. Quæ ignorantie divisiones accommodari possunt inadvertentiæ, oblivioni, & inconsiderationi, quæ in moralibus æquiparantur

tur ignorantie. Ita D. Thom. 1. 2. quæst. 76. Sanch. l. 1. mor. c. 16. nu. 6. Laym. lib. 1. tr. 2. c. 4. n. 2. 3. 4. & 5.

ANNOTATIO X.

24 Nunc ad rem proprius deveniendum, dicendum est.

Primò ignorantiam invincibilem facti, sicut excusata culpa, sicut etiam excusare à pœna : Nam pœna infligitur propter culpam. Ita Sanch. lib. 9. de matr. disp. 32. n. 23. Neque refert, licet ignorans daret operam rei illicitæ. Idem Doctor l. c. n. 26.

Secundò ignorantiam invincibilem juris similiter excusare à culpa, & pœna. Idem Sanch. l. c. num. 9. & 17. Quod verum est tam de pœnis per statuta Ordinariorum, quam per Summum Pontificem impositis. Ita communiter D. D. quos citat, & sequitur Sanch. l. c. num. 17. contra Vgolinum de censu. tab. 1. cap. 9. §. 8. numer. 10. & alios. Neque officit, etsi quis ignoranter violando legem ecclesiasticam sub censura, scienter de linquat contra jus divinum, vel naturale: Nam etiam eo casu non ligatur censura, quæ non afficit nisi contumaces contra legem Ecclesiæ sicuti docent Azor. ConincK. Sanch. Nav. Bonac. Layman quos citat, & sequitur Dian. par. 3. tr. 6. resol. 47.

Tertio dicendum, ignorantiam invincibilem pœnæ, seu censuræ excusare ab incurrenda censura : Quia censuræ non afficiunt, nisi contumaciter delinquentes contra ipsas. Imò Sanch. l. c. nu. 16. Nav. in man. cap. 27. n. 274. Dian. par. 4. tract. 2. resol. 85. sustinent hoc habere locum etiam in irregularitate ex delicto, quæ imponitur, tanquam delicti pœna. Secus in irregularitate ex defectu, quæ incurritur etiam ab ignorantibus; cum nullam præexigat culpam.

Quartò ignorantiam etiam vincibilem facti, vel juris, simpliciter imponentis censuram, excusare ab illa, dummodo crassa non sit, aut supina. Constat ex cap. de consil. *Ne animarum periculis obvietur*, &c. & docet Sanch. l. c. n. 31. Dian. par. 4. tract. 5. resol. 13. quia ad in-

currendam censuram requiritur contumacia; qui autem ignorat etiam culpabiliter censuram, is contumax censeri non potest : Nam contumacia præsupponit scientiam.

Quintò dicendum, ignorantiam crassam, non excusare ab incurrenda censura pœna, simpliciter inflicta; patet ex supra relata *constitutione*, ubi dicitur. *Dum tamen eorum ignorantia crassa non sit*, &c. Ergo quando ignorantia est crassa, non excusat. Et quamvis in dicta constitutione solum de Episcopis mentio fiat; idem tamen dici debet etiam de Pontificis censuris : Nam censura instituta est ad medelam, non periculum animarum. Layman loco citato ex communi.

Sextò ignorantiam crassam, vel supinam eximere à censuris, latis contra præsumentes, vel audentes facere; dummodo non sit ingenstemeritas, quæ dolo, ac præsumptioni æquiparetur; ut si Confessarius negligenter scire ea, quæ ex officio scire tenetur. Ita Nauar. man. cap. 27. numero 141. Sanch. loc. c. numer. 36. & libr. 2. moral. cap. 10. numero 38. Henricq. Auila, Mol. Bonac. quos citat, & sequitur Dian. loc. c. & par. 3. tract. 6. resol. 7. Finellius de cas. reser. cap. 6. num. 8. & cas. 1. num. 9. contra Toletum lib. 1. cap. 48.

Septimò ignorantiam affectatam, seu directè volitam non excusare ab incurrenda censura, quamvis imposita sit scienter, & temerario ausu peccantibus: Tum quia ignorantiam affectata æquiparatur scientiæ, & præsumptioni : Tum quia hæc non minuit, sed potius augeat malitiam, cum affectetur ad liberius peccandum: Ideoque dolum formalem in se contineat. Quò spectat vers. Psalm. 35. *Noluit intelligere, ut bene ageret.* & illud D. Greg. loc. 25. mor. cap. 11. *nescire ignorantia est, nolle autem scire superbia*. Ita Nauar. conf. 1. in princ. de constitut. Sanch. lib. 7. de matrim. disp. 48. sibi contrarius, lib. 2. moral. cap. 10. nu. 38. Suarez, Henricq. quos citat, & sequitur Layman lib. 1. tract. 5. part. 1. cap. 5. nu. 8. Molin. Graff. Naldus, quos citat, & sequitur Sylvius 1. 2. quæst. 76. artic. 4.

conc. 3. contra Bonac. Fill. Dian. apud ipsum cit. par. 3. tract. 6. resol. 7. Quorum tamen opinio, cum sit probabilis oblationes extrinsecas, potest quilibet eam sequi in praxi.

## RESOLUTIVA PRAXIS

*Pro incidentibus.*

1 Ex prenotatis resolvitur illum ligari casu, qui contraxit censuram vel excommunicationis, vel suspensionis, vel interdicti, si quæ in decretis visitationis ipso facto lata est: dummodo huiusmodi decreta sufficienter fuerint promulgata, in usumque deducta, patet ex annotatione 6. & 7.

2 Subiacent tum culpæ, tum pœnæ etiam Fœminæ, si Episcopalia Visitations decreta huiusmodi sint, vt comprehendant etiam fœminas, ac indistinctè omnes transgressores afficiant. Nam ubi lex non distinguit, nec nos distinguere debemus.

3. Afficitur casu, qui post promulgata alicubi visitationis decreta, domicilium ibi fixit, censuramque in iis decretis contentam contumaciter contraxit: Quia huiusmodi decreta sunt particulares illius loci leges, quæ afficiunt, & ligant omnes in illo loco domicilium habentes. Ugol. de cens. cap. 9. §. 3. num. 4. Floron. de cas. refer. par. 1. cap. 2. §. 2. num. 21.

4. Incidit, qui scienter violat supradicta decreta legitime promulgata, & in usum deducta, quamvis ignoret adnexam censuræ pœnam, si talis ignorantia crassa sit, aut supina. Quia ignorantia crassa non excusat à censura, præterquam si in temerario ausu peccantes sit decreta; patet ex annotatione 8.

5 Subiacet reſervationi, qui non ignoranter transgreditur Visitations decreta, quibus adiecta est censura; à maiori populi parte usu sint recepta; liquet ex annotatione 7.

6 Idem resolvitur, cum dubium subest, an eius generis decreta in aliquo loco sint in usum deducta. Quia in dubio possessio stat pro obligatione legis, sicut propria stat etiam præsumptio. Lessius lib. 2. cap. 22. dub. 13. Bonac. de legib. 1. disp. 1.

quest. 1. punc. 4. n. 44. Subsistente autem obligatione legis, subsistit etiam adnexa censuræ pœna, nisi per contrarium usum fuerit abrogata; sicut rectè notat Laym. lib. 1. tr. 4. c. 24. n. 12.

Quot verò, & qualia sint visitationis decreta, ad Rectores duntaxat, & Cōfessarios particularium Ecclesiarum id scire spectat; quibus etiam ex officio incumbit decreta ipsa, eisque adiectam censure pœnam in Parœcijs evulgare, ac in usum deducere. Instituti nostri est generalia tantum, quæ occasione Episcopalis visitationis ab Illustrissimo Visitatore condita sunt, totamque respiciunt diocesim, recensere decreta. Cujus generis hoc unum reperi.

*Liber etiam in omnibus Ecclesijs perpetuè asservetur, in quo Sacerdotes obligati, posse quam sacrum fecerint, nomen, & cognomen proprium inscribant. Qui verò id omiserint, habeatur, ac si non celebrassent. Qui autem scribere audebunt missa non celebrata, pœnam suspensionis eo ipso incurrant. Et eadem pœna teneantur, qui tales libros succiderint, conspurcaverint, absconderint, vel dedita opera perdididerint.*

7 Vnde resolvitur, suspensionem incurrere ipso facto singulos diœcesis Brixien. Sacerdotes, qui obligatione celebrandi adstricti, in libro notandis missis in Ecclesijs exposito nomen, & cognomen inscribere præsumunt, missa non celebrata. Clara sunt decreti verba.

8 Eidem suspensionis pœnæ subiacet Sacerdos ille, qui vnam, vel alteram missam votivam, vel de requiem suscepit celebrandam, si falsò, & scienter notet in libro se eas celebrasse, cum nō celebraverit. Quia talis Sacerdos ratione receptæ, vel recipiendæ eleemosinæ est obligatus ad celebrandum. Cui autem conveniunt verba legis, & eius dispositio convenire debet.

9 Non sunt immunes ab hac pœna Regulares, si in Ecclesijs Episcopo subiectis onere celebrandi adstricti, decretum hocce violare præsumant: Tum quia Regulares in Ecclesijs Episcopo subiectis tenentur vi coactiva, & non directiva tantum servare Episcopi præcepta, celebrationem missarum respicientia.

Si-



Siquidem Episcopi ex Tridentini decreto sess. 22. possunt tanquam delegati Sedis Apostolicæ censuris compellere Regulares, ut circa celebrationem missarum vident, & observent, quæ vitanda, & observanda ipsi preceperint. Vide Barbossæ & Merollam, quos citat, & sequitur Januarius de cas. res. resol. 44. num. 16. & subscribit Franc. Leo in thesauro fori Ecclesiastici par. 1. c. 8. n. 19. ubi etiam ex Trident. sess. 23. cap. 12. probat censuras, & interdicta nedum à Sede Apostolica, sed etiam ab Ordinariis emanata à Regularibus in eorum Ecclesiis esse publicanda, & servanda: Ergo multo magis in Ecclesiis Episcopo subiectis.

10 Nec eximitur à reservatæ suspensionis pœna, qui ex ignorantia affectata transgreditur prædictum decretum: quia ignorantia affectata equiparatur scientiæ, & præsumptioni. Quæ resolutio verificatur de omnibus censuris in scienter, & temerè peccantes infligitis. Vide supra annotationem 10. sub divisione 7. de ignorantia.

## RESOLUTIVA PRAXIS

*Pro non incidentibus.*

1 In casum non incurrit, qui Episcopalis Visitationis decreta cum annexa censura non servat ante legitimam eorumdem promulgationem, non obstante, quod privata noticia ea sibi innotescant: quia promulgatio est de eorum essentia. Vide supra annot. 6. n. 14.

2 Idem deciditur de illo, qui hujusmodi decreta, sub censuræ pœna non observat, eo quod à populo non sunt acceptata, & in usum deducta, scienter, & tacente Sapientissimo Conditor. Laym. lib. 1. tract. 4. cap. 3. n. 2. vide supra annot. 6. n. 17.

3 Non incidit, qui promulgata, usque recepta violat visitationis Episcopalis præcepta, si eis tantum si adiecta forendæ sententiæ censura; patet ex termino, *feruntur*, qui latam sententiam imponunt.

4 Non subiacet culpæ, nec censuræ pœnæ, qui transgreditur decreta à Predecessoribus Brixianis Episcopis in eorum

visitationibus condita, si ea postmodum à Successoribus Brixianis Episcopis in eorum visitatione, nec renovata, aut confirmata fuerint sub eadem censuræ pœna. Quia hujusmodi decreta, cum sint leges ab homine, expirant, mortuo, vel deposito conditore. Vide supra annot. 5. n. 12. & 13.

5 Non afficitur censura, qui prædicta prævaricatorum decreta in re levi, & parva, quæ venialem culpam non excedit: quia culpa tantummodo venialis non est capax censuræ gravi, nec reservationis. Ita communiter DD. apud Bonac. de censur. disp. 1. q. 1. punct. 3. n. 6.

Adverte tamen cum dicitur, culpam venialem non esse capacem censuræ, id intelligendum esse de censura gravi, v.g. majori excommunicatione, majori suspensione, vel interdicto gravi, non autem de censura levi, v.g. suspensione, vel interdicto ad breve tempus, quæ censuræ valide interdum imponuntur, & contrahuntur ob solam culpam venialem, teste Sayro de cens. lib. 1. cap. 9. & lib. 4. cap. 1. num. 19. Tolet. lib. 1. cap. 8. n. 1. & cap. 44. num. 4. Bonac. de cens. disp. 1. quest. 1. punct. 3. Layman lib. 1. tract. 5. par. 1. cap. 5.

6 Eadem immunitas extenditur ad eum, qui culpabiliter quidem violat visitationis decreta, non tamen per contumaciam, sive contemptum, quasi auctoritatem Illustrissimi Visitationis, sub censuræ pœna præcipientis, contemnat: quia ad incurrendam censuram non sufficit præcisè culpa mortalis, sed requiritur etiam contumacia, quæ proxima est censuræ materia: nam qui Ecclesiæ inobediens non est, pœnas Ecclesiasticas subire non debet. Ita Tolet. lib. 1. cap. 8. Bonac. l.c. num. 19. Layman l. l. tr. 5. c. 5. num. 1.

Rectè tamen advertit Avila de censuris par. 1. cap. 5. disp. 1. dub. 11. ad censuram non requiri inobedientiam directam, seu contemptum formalem; ne fieri cogamur, eum duplex peccatum committere, qui opus sub censura prohibitum exercet, sed sufficere inobedientiam generalem, & contemptum interpretati: uñ, qui semper intervenit, quoties

L 3 quis

Part II.

quis violat præceptum cum notitia censuræ.

7 Non est obnoxius reservatæ censuræ, qui cum ignorantia sive juris, sive facti, agit contra id, quod in decretis Visitationis præceptum, vel prohibitum est sub censuræ pœna, dummodò talis ignorantia crassa non sit, aut supina: Quia ad incurrendam censuram requiritur contumacia, ut dictum est, qui autem censuram ignorat, is contumax, vel clavium contemptor censi non potest. Layman cit. cap. 5. n. 7.

8 Non innodatur, qui cum ignorantia comitante, non crassa transgreditur visitationis decreta, quibus adnexa est censura: Quia ignorantia comitans non differt ab ignorantia antecedente, nisi ob pravam affectum ad opus sub censura prohibitum: at hæc excusat, quando non est crassa, aut affectata: Ergo & illa. Neque officit pravius affectus: nam excommunicatio (& idem est de aliis censuris) sicut etiam irregularitas, & restituendi obligatio nunquam contrahitur ob pravam affectum, sed ob effectum, hoc est, actum externum cum effectu consummatum. Vasqu. l. 2. disp. 125. cap. 3. num. 9. Graff. de cas. referu. lib. 1. cap. 4. reg. 3. n. 7. Bonac. de Sacram. disp. 5. quæst. 7. punct. 5. §. 1. n. 4.

9 Ampliatur immunitas etiam ad eum, qui ex ignorantia crassa violat censuram in visitationis decretis contra præsumentes, vel audentes latam: Quia talis ignorantia non æquiparatur præsumptioni: siquidem præsumptio includit cognitionem, dolum, & contemptum, teste Graffio de cas. referu. lib. 2. cap. 5. num. 52. Diana par. 4. resol. 187.

10 Non ligatur, qui hospitandi gratia, existens in aliena Parœcia, ibi violat Visitationis decreta, quæ non obligant in propria: Quia illa non ligant nisi incolas, qui sunt de communitate illius Parœciæ, pro qua condita sunt. Hic autem non est incorporatus illi communitati. Diana par. 3. tractat. 5. resol. 73. potest tamen esse, ut peccet ratione scandalii.

11 Non subjacet, qui existens extra

propriam Parochiam non observat visitationis leges, respicientes propriam Parochiam: Quia hujusmodi decreta afficiunt tantum territorium Parochiæ, & exinde Parochianos existentes in Parochia. Et quamvis existens in alia Parœcia semper maneat subditi eidem Legislatori, non tamen per ordinem ad leges propriam Parœciam respicientes. Diana cit. tr. 5. resol. 74.

12 Quoad suspensionem verò latam in decreto respiciente totam Diocelsim, de notando nomine, & cognomine celebrantis, resolvitur non incidere Sacerdotem, qui nulla obligatione adstrictus, notavit in libro se celebrasse, cum non celebraverit: Tùm quia decretum expressè loquitur de Sacerdote obligato: Tùm quia finis Superioris censetur esse, ut innosceat, an Sacerdotes obligati oneribus suis satisficiant. Quò spectat monitio ad Episcopos Concilii Provincialis Mediolanensis. 7. tit. de Missis, quod non militat in nostro casu.

13 Non innodatur Sacerdos, cui incumbit onus celebrandi, si ex ignorantia etiam crassa notet in exposito libro missam, quam non celebravit: Quia, ad incurrendam hanc suspensionis pœnam, requiritur ausus temerarius, ut constat ex illo termino, *audeant*. Ignorantia autem crassa non æquiparatur ausui temerario: Secus dicendum de affectata: ut supra resolutum fuit resol. 10. *pro incipientibus*.

14 Idem resolvitur de illo, qui ex oblivione, inconsideratione, vel inaduerentia, etiam culpabili falsò notavit in libro se sacro operam dedisse. Nam ista æquiparantur ignorantie: ausumque ac contumaciam excludunt. Layman lib. 1. tr. 5. par. 1. c. 5. n. 7.

15 Eadem immunitas à suspensionis censura extenditur ad eos Clericos, qui ex eadem ignorantia, inaduerentia, incogitantia, vel ex loco, aut levitate animi, hujusmodi expositum librum discindunt, conspiciunt, occulant, vel perdunt: Quia ut sæpè dictum est, deficiente mortali culpa, vel scilicet contumacia, non incurritur censura. Navar. in man. cap. 27. num. 101. & 102. Layman

1. loco

loco citato cap. 11. num. 5. & 6. Quomodo autem se gerere debeat Pœnitentius cum poenitente, irritito aliqua censura in decretis visitationis contenta, vide infra in fine tertie partis hujus primi casus.

In Secundam primi Casus Reservati Partem, in Edicto sub histerminis expressam.

*Censuræ omnes, quæ in Conciliis Provincialibus, &c. feruntur.*

# ANNOTATIONES.

- 1 Concilia, alia sunt Generalia, alia Nationalia, alia Provincialia, alia denique Synodalia.
- 2 Septem Mediolanensis Provinciæ sunt Concilia; diversis temporibus celebrata.
- 3 Casus comprehendit censuras omnes in septem Conciliis Provincialibus contentas.
- 4 Quid sit consuetudo.
- 5 Consuetudo legitime præscripta an habeat vim abrogandi legem.
- 6 Quo temporis decursu præscribatur censuendo.
- 7 Ad tollendam legis obligationem, an sufficiat tacitus Legislatoris consensus.
- 8 Casus intelligitur de censuris in Conciliis Provincialibus contentis, quæ modo vigent.

# ANNOTATIO I.

**S**uppositis iis, quæ de censurarum doctrina in præcedentis partis annotationibus dicta sunt, restat notandum Concilia esse in quadruplici differentia; quædam dicuntur Generalia; quæ summi Pontificis auctoritate congregantur, universi Christiani Orbis Episcopi convocatis; eaque potestatem habent condendi universales leges, ac fidei controversias decidendi. Hujusmodi tamen Conciliorum Generalium decisiones, ac decreta, ut robur, & auctoritatem habeant, omnino necesse est, ut à summo Pontifice fuerint approbata, & confirmata: uti

ex communi docet Cæter. in opusculo de auctoritate Papæ, & Concilii, cap. 6. Alia sunt Nationalia, quæ convocatis ejusdem nationis Episcopis, & Archiepiscopis à Primate, seu Patriarcha indicuntur. Alia Provincialia, quæ ob Archiepiscopo, seu Metropolitano convocatis ejusdem Provinciæ Episcopis, olim semel in anno, secundum Tridentini verò constitutionem sess. 24. cap. 2. de reform. quolibet saltem triennio celebrantur, vel celebrari deberent. Alia denique Diocesana, quæ auctoritate Episcopi, convocatis ejusdem Diocesis Prælati, & parochis, quot annis celebrantur, vel certè celebranda essent, ex eodem Trident. decreto.

2 Cæterum in nostro casu agitur dumtaxat de Conciliis Provincialibus, Mediolani diversis temporibus celebratis, quibus Mediolanensis Provinciæ Episcopi interfuerunt: Quorum Amplissimum concessum Brixienfis Episcopi, Duces, Marchiones, Comites, &c. (totenim titulorum gemmis corruscat Brixienfis Insulæ Corona) peruenisse decorant. Hæc autem Mediolanensis Provinciæ Concilia septem usque ad præsens numerantur; in quibus permultæ, tam ad animarum medelam, quàm ad disciplinam Christianam retinendam, late sunt censuræ.

3 Reservantur itaque in hac secundæ primi casus parte censuræ omnes, hoc est omnes excommunicationes, suspensiones & interdicta, quæ in septem prædictis Conciliis continentur. Terminus enim indefinitus indefinitè sumi debet. Quod intelligendum est, dummodò hujusmodi censuræ adhuc vigeant, & in desuetudinem non abierint.

# ANNOTATIO II.

4 Quod ut clariùs intelligatur, notandum est, pluribus de causis cessare legum Ecclesiasticarum obligationem, & consequenter annexam censurarum penam: quas causas supra recensuimus annotatione 8. præcedentis primi casus partis: In quarum numerum consuetudinem con-

tra legem reposuimus , quę consistit in actibus frequentatis contra legem, & vim habet abrogandi legem , concurrentibus duabus conditionibus, quarum prima est ut iusta & rationabilis sit, altera , ut sit legitime prescripta .

5 Tunc autem consuetudo censetur iusta & rationabilis, quando ex una parte prodest bono communi, & ex altera non adversatur naturali, aut Divinę legi. Nam contra eas nulla potest fieri prescriptio . Tunc verò censetur legitime prescripta , quando contra legem Ecclesiasticam invaluit contrarius usus , per temporis lege definiti decursus, hoc est, per spatium quadraginta annorum. Nam quamvis nullo iure determinatum sit tempus pro prescriptione consuetudinis, vim legis obtinentis , sicuti aliarum rerum : Nihilominus communis ferè sententia recepta est, ut idem tempus, quod requiritur ad prescriptionem aliarum rerum, requiratur etiam ad prescriptionem consuetudinis .

6 Unde fit, ut consuetudo contra legem civilem requirat decem annorum spatium, contra Ecclesiasticam quadraginta : quo elapso, non censetur amplius vigere lex, sed firmari contraria consuetudo . Vide Layman lib. 1. tract. 4. c. 24. num. 4. & 6. & Filluc. tr. 2. numer. 431. Quod verum est, etsi leges illę Ecclesiasticę censuras late sententię adjunctas habeant: Nam adhuc abrogari possunt, vel simpli citer, vel secundum quid, hoc est, quoad culpam. Sicuti docent Abb. in cap. 1. de *irregula, & pace*, Navar. comm. 3. de Reg. num. 52. Suar. lib. 7. de legib. c. 19. num. 1.

7 Neque ad tollendam vel legis obligationem, vel censurę pœnam videtur requiri expressus Legislatoris consensus, sed sufficit tacitus, in eo consistens, quòd sciat contrarium populi morem, & cùm possit prohibere, longo tempore taceat. Layman loc. cit. num. 2. Sed neque requiritur bona fides, cùm ex malis, & illicitis actibus convallescere consuetudo, legemque abrogare possit : saltem quando Superior id non ignorat, & tacet : sicut ex communi docet Sanch. lib. 7. de matrim. c. 1. p. 4. n. 14.

8 Litera itaque reservationis intelligenda est de censuris late sententię in Conciliis Provincialibus contentis, quę impresentiarum in hac Brixienſi Diocesi vigent: non verò de iis, contra quas invaluit rationabilis, & legitime prescripta consuetudo : Ideòque in desuetudinem abierunt . Quę doctrina accommodari potest censuris, quę in precedenti, ac sequenti parte recensentur . Quęnam autem ex predictis censuris in desuetudinem abierint : non est facile definire : peritorum Confessoriorum praxis consulenda est.

### ANNO TATIO III.

Alię complures causę, ab incurrenda censura excusantes, enumerantur à Doctoribus, quas ego tum ut consulam brevitati, tum quia supra *annotatione 8. precedentis partis* relatę sunt, hic rursus recensere abs re duxi . Vide singulas loco citato, quę universis primi casus, censuris applicari, ex iisque multi casus resolui possunt . Verùm antequam ad casus practicos procedamus censuras in predictis Conciliis contentas, ex ipsiſque à me collectas, & selectas recenseamus.

### EXCOMMUNICATIONES

*In Concilijs Provincialibus contentę, ac reservatę.*

1 Prima est contra eos, qui negligunt sistere infantes in Ecclesia ad Baptismum ante nonum ab ortu diem : habetur in Prov. 1. tit. de iis, quę pertinent ad Baptismi administrationem.

2 Est contra eos, qui tenent infantes in lecto sine prescripta cautione: habetur in Prov. 4. tit. de iis, quę ad extremam unctionem, & reliqua, erga morientes officia, &c. Et in Prov. 6. tit. de Baptismo . Ubi censura hæc extenditur ad alias plures personas, nempe Matrem, Nutritem, Maritum etiam, & alios quoscunque cogentes ad hanc detentionem, vel impediētes ne debita cautio adhibeatur.

3 Contra eos, qui cogunt Sacerdotes Missam anticipare, aut differre : habetur

in Prov. 1. tit. de iis, quæ ad celebrationem Missæ pertinent.

4 Contra eos, qui hæreticos, seu hæresis suspectos non denunciant habetur in Prov. 2. tit. Quæ ad fidem tuendam pertinent, &c. Quæ denunciatio in Brixienſi Diœceſi fieri debet intra terminum quadraginta dierum. Ex Ediſto contra hæretic. ad præſcriptum prædicti Prov. 2. decreti 1.

5 Contra eos, qui edunt, euulgant, aut conſcribunt libellos ſamoſos: habetur in Prov. 5. tit. de iis, quæ ad fidei tuendæ ſtudium pertinent.

6 Contra Medicos, qui ad egrotos inconfeſſos poſt quadriduum accedunt: habetur in Prov. 1. tit. de iis, quæ ad Sacram. Pœnit. adminiſtrationem pertinent.

7 Contra eos, qui inſuadunt bona Clerici mortui: habetur in Prov. 2. tit. de iis, quæ ad bona, & jura Eccleſiarum, piorumque locorum attinent.

8 Item contra eos, qui ſine inſaſione aliquid ejuſdem Clerici mortui traſportant: Provinc. 3. tit. de iis, quæ ad bona Eccleſiaſtica tuenda pertinent.

9 Contra Sacerdotes, qui audiunt confeſſiones ſine Episcopii approbatione: habetur in Prov. 1. tit. de iis, quæ pertinent ad Sacram. pœnit. adminiſtrationem.

10 Contra eos, qui contrahunt matrimonium in gradu prohibito: habetur in Prov. 5. tit. de iis, quæ ad Sacram. matrim. pertinent.

11 Contra eos, qui adhibent ſcinationes, & veneficia, ad ditimendum matrimonium, aut ſolvendis veneficiis utuntur verbis improbat, & ſuperſtitioſis: habetur in Prov. 3. de iis, quæ ad Sacramentum Matrimonii pertinent.

12 Contra Notarios, qui intra tres meſes à die habitæ de morte teſtatoris notiſiæ, non denunciant legata ad pias cauſas: habetur in Prov. 2. tit. 3. dec. 17. & Prov. 1. tit. de locor. pior. adminiſtratione.

13 Contra Præfeſtos Hoſpitalium, qui conſenſerint pecuniam mutuò dari: habetur in Pro. 2. tit. de iis, quæ ad bona, & jura Eccleſiarum, piorumque locorum attinent.

14 Contra Confeſſarios cujuſvis Or-

dinis, qui à caſibus Episcopo reſervatis ſine ipſius licentia, aliquem abſolvere attemptaverint: habetur in Prov. 3. tit. de iis, quæ ad Sacram. pœnit. pertinent.

15 Contra eos, qui ingrediuntur Monasteria Monialium, ſine Episcopii, aut ejus Vicarii licentia. Prov. 1. tit. de Clauiſura, & Prov. 7. tit. de Monial. inherendo Triden. decreto, & ſummorum Pontificum Pii V. & Gregorii XIII. conſtitutionibus.

16 Contra eos, qui dederint licentiam accedendi ad monasteria Monialium, aut illa ingrediendi, ſine auctoritate Episcopii: habetur in Prov. 6. tit. de iis, quæ ad Moniales pertinent.

17 Eadem excommunicatio propoſita eſt Monialibus, quæ aliquem ingredi in earum monasteria permittunt, ſine licentia, vel auctoritate ejuſdem Episcopii, ibidem.

18 Contra eos, qui pernoſtant in iis monasteriis, aut id permittunt: habetur in Prov. 1. tit. de Clauiſura.

19 Contra eos, qui barbara immanitate vendunt filios Cingar. Prov. 7. tit. de vend. fil. Cinga.

20 Contra eos, qui Parochos inuitos, & repugnantes matrimonio aſſiſtere cogunt: habetur in Prov. 7. tit. de Sacram. matrim. quæ excommunicatio ad opem & conſilium præſtantes extenditur.

21 Contra Conſratreſ, qui expreſſè, vel tacitè invitant, vel perſuadent alicui ex Conſratribus, ut ſepulcrum ſibi deligant in ſuis Eccleſiis: habetur in Prov. 7. tit. de ſocietatibus, & ſcholis.

## SUSPENSIONES

In Conciliis Provincialibus lætæ.

Prima eſt contra eos, qui celebrant in Eccleſia Monialium ſine Episcopii facultate: habetur in Provinc. 2. tit. de iis, quæ ad Miſſam, Divina officia, Eccleſie cultum, & ad Eccleſiaſticos homines ſpectant.

2 Contra Confeſſarios quoruſcumque, etiam Regulares, qui criminis alicujus, culpæve mortalis ſocios, aut quoquo modo participes, abſolunt: habetur

betur in Prov. 7. tit. *de Sacramento pœnitentie.*

3 Contra Confessarios cujusque Ordinis , qui absolunt à casibus Episcopo reservatis vi privilegiorum , aut facultatum abrogatarum : habetur in Prov. 5. tit. *de iis , quæ ad Sacramentum Pœnitentie pertinent , aut indulgent.* Prov. 6. tit. *quæ ad Sacram. pœnitent. pertinent.*

4 Est contra Clericos , qui illegitimè promoventur Sacris Ordinibus : habetur in Prov. 3. tit. *de iis , quæ pertinent ad Ordinis Sacramentum*

5 Contra Confessarios , qui mulierum confessiones alibi , quàm ad fenestrellam Confessionalis , eamque crate ferrea fultam , audiunt : habetur in Prov. 7. tit. *de iis , quæ ad Sacram. pœnit. pertinent.*

6 Contra eosdem Confessarios , qui in ministerio , & occasione ministrandi Sacram. Pœnitent. aliquid etiam à spontè dantibus recipiunt : habetur in Prov. 7. *eodem titulo.*

7 Contra Parochos , & Sacerdotes , qui aliquid recipiunt , etiam à spontè dantibus , pro ministerio exhibendi Sacramentum Eucharistiæ , vel inseriendi exhibentibus : habetur in Prov. 7. tit. *de Sacram. pœnit.*

8 Contra Parochos , qui ante Festum Ascensionis nomina eorum , qui in Paschate communionem non sumpserint ad Episcopum non deserunt : habetur in Prov. 7. tit. *de Sacram. Eucha. in Paschate.*

9 Contra eos , qui ab Episcopo non deputati colligunt eleemosinas occasione indulgentiarum , in utilitatemque eius Ecclesiæ eas non extendunt : Prov. 7. tit. *de Indulgentiis.*

10 Contra Parochos , qui instituunt , vel institui permittunt societates sine Episcopi censensu : habetur in Prov. 7. tit. *de Societatibus.*

11 Contra Sacerdotes , qui in Confratrum Oratorii , Ecclesiæ celebrant feria quinta , & Sabbato majoris hebdomadæ , & in solemnitatibus Eucharistiæ ministrant , vel benedictiones faciunt : habetur in Prov. 7. tit. *de Societatibus.*

## INTERDICTA

*In Conciliis Provincialibus lata.*

Primum est contra eos , qui non sumunt Sacramenta Pœnitentiæ , & Eucharistiæ post trinam mōitionem tempore Paschatis : habetur in Prov. 2. tit. *Quæ ad fidem , Sacram. administranda ; & alia Pastoralia munera pertinent , capit. 13.*

2 Contra eos , qui larvatas vexationes , & spectacula edunt in Quadragesima : habetur in Prov. 5. tit. *de iis , quæ ad matrim. pertinent.*

3 Contra eos , qui traducunt sponsam , aut celebrant nuptialia convivia , tempore interdicti nuptiarum : habetur in Prov. 5. tit. *de iis , quæ ad matrim. pertinent.*

4 Contra caupones , & tabernarios , qui meretrices ad turpem quæstum alunt : habetur in Prov. 5. *eodem titulo.*

5 Contra eos , qui post exactam mediam noctem , que primum Quadragesimæ diem antecedit , vel choreas ducere , vel larvati incedere aut fuerint : habetur in Prov. 7. tit. *de festis diebus.* Hoc tamen non est latè sententiæ , sed Episcopi arbitrio ferendæ.

## RESOLUTIVA PRAXIS

*Pro incidentibus.*

1 Ex prenotatis in hac , & præcedenti primi casus parte , resolvitur , illos omnes in reservationem incidere , qui aliquam , vel excommunicationis , vel suspensionis vel interdicti in Conciliis Provincialibus contentam contraxit censuram , concurrente vigore , & firmitate ex parte censure scientia , & contumacia ex parte contrahentis.

2 Idem deciditur de illo , qui ex ignorantia crassa , vel supina latam in iisdem Conciliis incurrit censuram : Quia ignorantia crassa , aut supina non excusat censuram , præterquam si in scientes , & temerè peccantes fuerit imposita . Vide annotat. 8. præcedentis partis.

3 Sub

3 Subiacet reservationi, qui scienter in decretis Provincialibus contentam incurrit censuram, quamvis ex dispositione eorumdem Conciliorum non esset Episcopo reservata. Quia in hac Brixienti Diocesi censuræ omnes in Provincialibus contentæ Episcopo reservantur: patet ex littera reservationis.

4 Innodatur casu Diocesanus Brixienfis, qui in aliena Diocesi, intra Provinciam Mediolanensem existente, incurrit censuram in prædictis Conciliis expressam; sed ibi non reservatam. Unde reuersus in patriam, si voluerit confiteri, non poterit, nisi ab habente facultatem absolui: Quia quilibet iudicandus est iuxta leges loci, in quo fit iudicium: In hac autem Brixienti Diocesi censuræ omnes Provincialium sunt reservatæ.

5 Afficitur censura, qui, antequam consuetudo tendens ad abolendam legem ita inualeat, ut eam etiam viri probi sequantur, violat Conciliorum Provincialium legem, cui annexa est censura: Nam eo casu tam in foro interno, quam externo possessio stat pro obligatione legis. Lessius lib. 2. cap. 22. dub. 13. Bonac. de legib. disp. 1. q. 1. punct. 4. n. 44. Excipe, nisi lex videatur abrogata quoad censuræ penam, mapente adhuc obligatione quoad culpam: quod usu venire posse, docet Laym. lib. 1. tract. 4. cap. 24. num. 12.

Reservationi videtur obnoxius, qui ex ignorantia affectata contraxit censuram in decretis Provincialibus latam, quamvis in audentes, & præsumentes sit imposita: Quia ignorantia affectata æquiparatur ausui, & presumptioni, cum affectetur ad liberius peccandum. Vide supra annotat. 10. sub divisione 7.

de ignorantia, & Doctores ibi citatos.

## RESOLUTIVA PRAXIS

*Pro non incidentibus.*

Pro generali regula fit resolutio prima ut incurritur in Conciliis Provincialibus reservata censura, requiritur effectus completus, quem Concilium intendit prohibere sub censuræ pœna. Unde quantumvis perfecta sit actio ex parte delinquentis, si effectus impediatur etiam culpabiliter, non incurritur censura. Quod verum est, nisi sub censura comprehendatur etiam conatus ad actionem Ugol. de cens. tab. 1. c. 9. §. 13. Diana par. 2. tr. 3. resol. 63.

2 Non subiacet censuræ pœnæ, qui violando Provincialia decreta sub censura, non committit lethalem culpam. Quia censura, cum sit pœna gravis, ut sit commensurata, requirit gravem culpam. Layman lib. 1. tract. 5. par. 1. c. 5. nu. 1. ex communi.

3 Non afficitur censura, qui transgreditur legem in prædictis Conciliis sub pœna censuræ latam, postquam contrarius usus ita inolevit, ut etiam viri probi, & docti sine remorsu conscientie eam legem non obseruent. Sanchez de matrim. lib. 7. disp. 4. n. 14.

4 Non incurrit, qui violat legem aliquam in Provincialibus sub eadem censuræ pœna latam, concurrente aliqua ex causis ab incurrenda censura excusantibus, quæ enumeratæ sunt in priori hujus casus parte annot. 8. n. 20.

5 Impuberes ante decimum ætatis annum, violando legem Ecclesiasticam, etsi delinquant, nulla tamen censura præsertim excommunicationis, vel interdicti ligantur. Quia non censentur contumaces, hoc est, clavium Ecclesiæ contemptores. Ita Emanuel Sà. Sotus, Vasqu. Ugol. quos citat, & sequitur Layman lib. 1. tractat. 4. capit. 10. num. 5. & 6.

6 Diocesanus Brixienfis non innodatur censura per statutum Conciliorum Provincialium lata, si contra illud agat extra Provinciam, vel in loco exempto, quia statuta Provincialia per se, & directe

At respiciunt locum, eique sunt affixa, atque idcirco non afficiunt nisi existentes intra Provinciam. Locus autem exemptus æquiparatur loco sito extra territorium Provincie. Ita Navar. Sanchez, Lessius, Suar. Ugol. quos citat. & sequitur Dian. par. 3. tr. 5. resol. 74.

Adverte tamen, quod per locum exemptum hic non videntur intelligi Monasteria à jurisdictione Episcopi exempta: Quia exemptio Monasteriorum est in ordine ad Religiosos, ibi degentes, non verò respectu Diocesano- rum ad ea accedendum, qui propterea non desinunt esse Episcopo subiecti; alioquin delicta ibi à Diocesanis patra- ta manerent impunita: quod non est di- cendum. Vide, quæ fusiùs dixi in prima Elucidarii parte resol. 23. & Doctores ibi citatos.

7 Idem resolvitur de illo, qui in alie- na Diocesi, intra Provinciam Mediola- nensis ambitum existente, violat censu- ram in decretis Provincialibus conten- tam, sed ibi contraria consuetudine le- gitimè præscripta abrogatam: Tum quia non obligatur abiens ad leges patriæ: Tum quia in aliena Diocesi ad summum contraxit culpam, non poenam, quæ supponitur sublata: In hac autem Diœ- cesi reservatur pœna, scilicet censura: non culpa.

In Tertiam Primi Casus Reservati Par- tem, in Edicto sub hac litera propositam.

*Censuræ omnes, quæ in nostris con-  
stitutionibus, & Edictis  
seruntur.*

## ANNOTATIONES.

- 1 Quæ, & quos sint constitutiones, de qui-  
bus loquitur litera casus.
- 2 Quodnam Edictorum genus comprehen-  
dant Edicti verba.
- 3 Constitutiones. Synodales afficiunt Diœ-  
cesim.
- 4 An afficiant etiam Diocesanos, extra  
Diocesim existentes.
- 5 Quid sit Edictum.

- 6 Edicta sunt præcepta, non personalia,  
sed localia.
- 7 Censura in Edictis contenta, an liget  
subditos extra Diocesim commoran-  
tes.
- 8 Censuræ omnes in Edictis Episcopalibus  
latæ reservationi sunt obnoxie.
- 9 Sententia Superioris censuram ferentis  
an afficiat personas extra Diocesim  
existentes. Refertur duplex sen-  
tentia.
- 10 Verior opinio, cui adhaeret Auctor.
- 11 An comprehendatur sub litera casus  
censura per sententiam generalem  
latæ.
- 12 Quid de censura per sententiam particu-  
larem inflicta.
- 13 Differentia inter constitutiones Synoda-  
les, & Edicta Episcopalia.

## ANNOTATIO I.

1 Suppositis iis, quæ in priori, & pos-  
teriori hujus casus parte de cen-  
surarum ratione dicta sunt, restat tertia  
pars discutienda. Pro qua notandum  
multas, & varias à multis, & variis Epis-  
copis, quæ Ecclesiæ Brixien. præfuerunt,  
conditæ esse constitutiones, quæ in li-  
bello, inscripto. *Constitutiones ad usum  
Cleri Brixiani, veteres simul; & novæ,  
justi Illustrissimi, ac Reverendissimi Ma-  
rini Georgii tunc Brixie Episcopi, feli-  
cis recordationis, in unum collectæ, &c.  
continentur.* In quibus complures latæ  
sunt censuræ. Quas constitutiones post-  
modum Successores Brixie Episcopi in  
Synodis à se celebratis renovarunt, sub  
iisdemque censurarum poenis confirma-  
runt, nonnullis pro conditione tempo-  
rum adiectis, quas seorsim typis exeuissas  
cernere licet.

2 Varia postremò ab Illustrissimo, &  
Reverendissimo D. Marino Joanne  
Georgio, nunc Sanctæ Brixien. Eccle-  
siæ Episcopo, pro summa ejus solici-  
tudine, & sapientia, tum à Generali ejus  
Vicario, ad mores corrigendos, vel Ec-  
clesiasticam disciplinam retinendam,  
condita sunt Edicta; quibus permulta  
adnexæ sunt censurarum poenæ. De his  
om.



omnibus itaque loquitur litera reservationis. Reservantur igitur omnes, quæ in predictis constitutionibus, & præfatis Edictis continentur, censuræ. Quænam verò, quotuè sint, vide, ac lege libellum, qui inscribitur censurarum Sylloge, nuper impressum Brixie.

## ANNOTATIO II.

3 Cæterum notandum est, constitutionem, quoad significationem, quam hic habet, idem esse quod statutum, seu legem, singulasque legis proprietates constitutionibus convenire. Inter quas hæc potissima numeratur, quod statutum, sive lex, cum stabilem, ac perpetuam obligationem habere debeat, inmediate censuræ afficere locum, sive territorium, atque hinc in subditos, ibi existentes transire; sicut ex communi docet Laym. lib. 1. tr. 4. cap. 11. n. 1.

4 Quapropter cum Episcopus extra propriam Diocesim jurisdictionem extendere non possit, sequitur, quod ejus Synodaliibus constitutionibus subditi, extra Diocesim existentes, non comprehendantur. Quod constat ex cap. 2. de const. in 6. ff. de jurisdictione omnium judicum: ubi dicitur. *Extra Territorium jus dicenti impunè non paretur; idemque est, si supra jurisdictionem suam velit jus dicere.* Ex quo inferitur, si quis delictum statuto Episcopali sub censura prohibitum extra Diocesim committat, vel inchoet intra diocesim, consumet verò extra, non incurrere censuram tali delicto annexam. Ita Suar. de cens. disp. 5. sect. 5. n. 9. & Layman lib. 1. tr. 5. cap. 4. n. 6.

## ANNOTATIO III.

5 Eadem ferè ratio est de Episcopaliibus Edictis, quæ idem valent perinde ac præceptum, sicuti notat Lexicon juris, v. *Edictum*. Edicta verò sunt inducenda, ut facillior gubernatio sit Episcopo, dum vivit, ut tradit Ugol. de cens. tab. 1. c. 9. §. 4. d. 1. & 2. Sed notandum est præcepta esse duplicia, alia personalia, quæ propte-

rea ita dicuntur, quia tendunt ad personas; alia localia, quæ respiciunt locum seu territorium.

6 Edicta itaque sunt præcepta, non personalia, sed localia, seu diocesalia, quæ per se, & directè respiciunt Diocesim, eique sunt affixa: atque ideò non obligant, nisi existentes intra illam: sicuti docent Coninck Avila, Sayr. quos citat, & sequitur Dian. p. 3. tr. 5. resol. 74. Unde quoad extensionem obligationis. Edictum non differt à constitutione, seu statuto, quod obligat tantum subditos in Diocesi commorantes.

7 Hinc si Episcopus edicto suo prohibeat Clericis sub censuræ pœna, ne arma deferant, vel aleis ludant Clerici deferentes arma, vel ludentes aleis extra Diocesim, non ligantur censura: sicuti docet Layman lib. 1. tract. 4. c. 11. n. 5. Bonac. de legib. loc. cit. punct. 6.

8 Reservantur itaque sub litera casus censuræ omnes in edictis Episcopaliibus contentæ, quas Providissimus Antistes, vel ejus Generalis Vicarius in contumaces decrevere: sicuti clarè constat ex termini casus.

## ANNOTATIO IV.

9 Major difficultas est de censura per sententiam lata, an scilicet ea ligentur subditi extra territorium existente. Negant expressè Coninck disput. 13. dub. 7. concl. 6. Avila par. 2. cap. 3. disp. 2. dub. 2. concl. 1. Sayr. tib. 11. thesauri cap. 6. n. 4. Dian. par. 3. tract. 5. resol. 74. asserentes, subditum, qui contra licentiam Superioris, puta Episcopi sui sub excommunicationis, vel suspensionis pœna aliquid præcipientis, vel prohibentis, agit extra Diocesim, vel in loco exempto, censuram non incurrere. Fundamentum est, quia extra territorium jus dicenti impunè non paretur: si autem Episcopus aliquid sub censura prohibeat, vel præcipiat, agendum extra Diocesim suam jus dicit extra Diocesim: Ergo ipsi impunè non paretur.

Contrarium sustinent Ugol tab. 1. c. 9. §. 3. num. 4. Sà v. *ludex* num. 8. Bonac. de censur. disp. 1. q. 1. punct. 11. num. 14. Fill. tract.

tractat. 12. cap. 5. num. 152. & 153. Quorum ratio est, quia sententia tendit in personas, semperque illas respicit, ut subditas, & in ordine ad actum talis subiectionis: Ideoque censetur ligare subditos etiam extra Diocesim commorantes.

10 Sed mihi cum Suarez, & Layman infra citandis videtur distinguendum: Nam vel censura lata est per sententiam generalem contra omnes subditos, qui tale crimen commiserint, vel per sententiam particularem contra aliquam, vel aliquas personas particulares, ut si Episcopo Clerico, vel quibusdam Clericis peregrinaturis sub pena suspensionis præcipiat ne aleis ludant, vel arma prohibita ferant, vel ut singulis septimanis sacrificent. Si censura lata est priori modo, videlicet per sententiam generalem, prima sententia videtur magis accedere ad naturam statuti, vel potius edicti localis, quam præcepti personalis. Quare valde probabilis est sententia Commenciat. disput. 13. dub. 7. conclus. 4. ejusmodi sententia generali non tantum obligari eos, qui tempore promulgationis subditi sunt, sed etiam eos, qui postea subditi fiunt; propterea quod ita generatim lata pertinere videatur ad omnes quocumque tempore inhabitantes: atque in eo tantum differre à lege, sive statuto, quod talis sententia mortis latoris expiret; statutum verò semper duret, donec revocetur, vel contraria consuetudine, legitime præscripta, tollatur.

Si verò censura lata est per sententiam sive præceptum personæ impositum, vera omnino est posterior opinio: Quia tale præceptum, & sententia immediatè afficit personam subjectam, ejusque offibus coheret, undecumque discesserit: Ideoque obligat eam, etiam extra Diocesim existentem, ut in exemplo superius allato. Nam eo casu Episcopus non fert sententiam extra, sed intra Diocesim suam. Et licet censura, commisso crimine incuratur extra territorium, id tamen fit sine cognitione causæ, & strepitu judicario. Vide Suarez de cens. disputat. 5. in fine. Layman libro 1. tractat. 5.

cap. 4. numer. 7. & Sylv. v. excommun. 2. num. 8.

## ANNO TATIO V.

11 Sed quæres, an censura per sententiam lata sub litera casus sit comprehensa?

Respondeo primò, censuram per sententiam generalem contra omnes subditos à Superiore latam, quoad rein non differre à censura in Edictis Episcopalis contenta; Ideoque implicite, & reductivè sub genere censuræ ab homine per Edicta impositæ contineri, & consequenter tali censuræ innodatum non posse à non habente facultatem absolvi. Cum enim sit ab homine, & expiret morte ferentis, videtur recedere à natura censuræ per statutum impositæ. Et cum non liget subditos extra Diocesim, non potest dici censura per præceptum personale inflicta. Remanet ergo, ut sit per edictum, sive præceptum locale imposita. Ita Doctores primæ sententiæ supra citati *annot. 4. n. 9.*

12 Respondeo secundò, censuram per sententiam particularem à Superiore latam, nec expressè, nec implicite sub dispositione casus contineri. Non enim reducitur ad genus censuræ per constitutiones latæ, quia hæc non extinguitur morte, vel depositione ferentis, nec ad genus censuræ per edictum impositæ, quia ista non ligat subditos extra Diocesim commorantes. Oppositum accidit censuræ per sententiam particularem personæ impositæ; ut constat ex supra dictis *annotatione 4. n. 10.*

Neque propterea inferas hujusmodi censuram, cum non sit sub litera reservationis comprehensa, nec seorsim reservata, & quocumque Confessario auferri posse. Nam à censura per sententiam particularem lata, is solum absolvere potest, qui eam tulit, vel ejus superior, aut successor, aut delegatus. Sicuti constat *ex cap. Pastoralis, §. Præterea, & docet Abb. ibid. n. 1. Bon. de cens. disp. 1. q. 3. punct. 1. prop. 2. n. 5. Laym. lib. 1. tr. 5. p. 1. c. 7. n. 2. Finell. de cas. refer. casu 1. n. 1.*

Di-

Dices. Censura per sententiam particularem est illa, quæ fertur à Iudice in subditum contumacem ob peccatum præteritum, præcedente monitione, servataque forma iudicii, non autem illa, quæ imponitur à Superiore adnexa, præcepto, quo aliquid ipse personæ particulari prohibetur, vel præcipitur sub censura ipso facto incurrenda: hæc enim non videtur distingui à censura per sententiam generalem imposita.

Resp. Duplex est censura per sententiam particularem, altera, quæ alicui ob contumaciam nominatim infligitur, præcedente monitione, servataque forma iudicii; altera, quæ fertur à Superiore, adnexa præcepto personæ particulari imposito, quo aliquid ei præcipitur, vel prohibetur sub censura ipso facto incurrenda: quæ censura profecto distinguitur à censura per sententiam generaliter latam, quod ex eo constat, quia illa non excedit personam, cui præceptum impositum est: Ergo distinguitur à censura per generalem sententiam lata, quæ afficit omnes subditos: Tum quia censura per sententiam generalem non incurritur, si subditi præceptum, cui adnectitur, violent extra Diocesim, vel in loco exempto, sicuti docent Conin. Avi. Sayr. Dian. supra citati *annotatione* 4. n. 9. Quia in hac parte accedit ad naturam censuræ per statutum impositæ, quod non ligat extra territorium existentes, ut dictum est supra *annotatione* 4. num. 10. & notat Layman cit. l. 1. tract. 5. p. 1. c. 2. num. 2. Censura verò per sententiam particularem, adnexa præcepto, ut supra incurritur etiam si subditi præceptum, sub tali censura impositum, violet extra Diocesim, vel in loco exempto, ut resolutum fuit supra cum Layman cit. tr. 5. c. 4. num. 7.

Propterea sicut à censura per sententiam particularem priori modo inflicta is solum in foro externo potest absolvi, qui eam tulit, vel Superior, aut successor, aut Delegatus; ita etiam à censura lata per sententiam posteriori modo quæ commissio crimine, trahit secum executionem, is solum in foro interno videtur posse absolvere, qui eam tu-

lit, Superior, Successor, aut Delegatus: Vide Layman Finell. & Bonacina ll. cc.

## ANNOTATIO VI

13. Verum hoc loco prætereunda non est alia differentia, quæ inter censuram per constitutiones synodales, & Edicta Episcopalia intercedit. Nam censura per constitutiones perpetuò durat: sicut & ipsæ constitutiones, nisi vel à successore revocentur, vel contraria consuetudine legitime præscripta abrogentur: sicut dictum est in præcedenti hujus primi casus parte *annotatione* 2. numer. 4. & 5. Censura verò per Edictum lata, cum non sit à jure, sed ab homine per temporale, & locale præceptum, extinguitur, extincto, vel ab officio amoto Episcopo, nisi à Successore renovetur, & confirmetur, ita, ut nemo eam deinceps incurrere possit, quamvis si antea incurreret, ligatus maneat, donec absolvatur. Ita Ugol. de cens. tab. 1. cap. 2. §. 2. num. 3. Suar. 3. p. to. 5. disp. 4. sect. 3. numer. 7. Sayr. de cens. l. 1. c. 7. num. 11. & 12. Layman lib. 1. tr. 5. cap. 2. num. 2.

## CENSURÆ,

Quæ in Constitutionibus Ecclesiæ Brixiensis, & Edictis Episcopali-  
bus continentur.

## EXCOMMUNICATIONES

*Quæ habentur in Constitutionibus:*

Prima est in eos, qui in curam baptizandi infantem incumbere debent, si differatur illis ultra octavum diem Baptisma: habetur in libello const. tit. de Baptismo pagina mibi 93.

Secunda est in eos, qui defuncto Ecclesiæ Parochialis Rectore, supellectilem scriptâ, refue ad Ecclesiam Parochialem pertinentes, rapiunt, aut aliò asportant: habetur in eodem libel. tit. de Ecclesiis pagina mibi 45.

Tertia est in piorum locorum Confratres, mutuum dantes, vel recipientes: ha-

habetur in libello constit. tit. *de cura piorum locorum* pag. mibi 20.

Quarta est in Sacerdotes sine legitima facultate vel confessionem audientes, vel à casibus Episcopo reservatis absolventes: habetur in eodem libel. tit. *de penitentia* pagina mibi 116. inhærendo concil. Prov. 4. par. 2. de iis, quæ pertinent ad penitent. Sacramentum.

Quinta est in Virgines, vel mulieres, quæ in sodalitatem Sanctæ Ursulæ non cooptatæ, aut ab eadem ejectæ, proprium illius sodalitatis habitum deferre audent habetur in libello constitutionum tit. *de cura piorum operum*.

Sexta est in eos qui infantes tenent in lecto, sine debita cautione, à Parochis præsumenda, ante expletum octavum mentem: habetur in Edicto casuum reservatorum, quod est in libello constit. *post varia edicta* pagina mibi 83. & in eod. libello tit. *de Baptismo in fine ejusdem tit.* inhærendo decretis concilii Prov. Mediolanen. IV. tit. *de Baptismo*, & concil. Prov. VI. eodem titulo: de qua excommunicatione vide in fine hujus secundæ partis primi casus: ubi variè, & fusè instituantur, ac resolvuntur difficultates.

## EXCOMMUNICATIO

*Contenta in Edicto condito ab Illustriss. & Rever. D. Marino Ioanne Georgio, nunc Episcopo Brixie Vigilantissimo, promulgato die 7. Septemb. 1667.*

Est in Sacerdotes, & Clericos, qui deserunt tam scopolos, vulgò *accialini*, quàm illos cum ignito fume, qui vulgò nuncupantur scopolis *da fuoco*. Quæ prohibitio sub excommunicationis latæ sententiæ pœna inhæret decreto decimo Illustriss. & Reverend. D. Marini Georgii, Brixie Episcopi, felicis recordationis, quod Ecclesiasticis prohibet delationem armorum sub pœnis in ipso contentis.

Hæc tamen prohibitio non comprehendit Ecclesiasticos, qui supra dictos scopolos deserunt in campis, aliisque locis à communi hominum frequentia

remotis ad usum aucupandi tantum: si cuti constat ex ejusdem pœnalis decreti exceptione.

## SUSPENSIONES

*In Libello constitutionum propositæ.*

Prima est in Confessarios, qui mulierum confessiones excipiunt ante solis ortum, vel post occasum, aut extra sedem confessionalem publicè expositam, cratè ferrea, aut saltem lignea munitam: habetur in libello constitutionum tit. *de Penitentia*.

Secunda est in Sacerdotes, qui in libro pro missis notandis exposito scribere audent, missa non celebrata: habetur in eodem tit. *de celebratione missarum*, pagina mibi 108.

Tertia est in Clericos ab ordine sacro recepto, qui vestibus clericalibus Ordini, dignitatique suæ convenientibus non utuntur: habetur in eodem tit. *de vita, & honestate Clericorum* pagina mibi 141.

## SUSPENSIONES,

*Quæ habentur in Edicto promulgato in prima Synodo sub Eminentiss. ac Reverendiss. D. D. Petro Ottobono, Cardinali Amplissimo, tunc Brixie Episcopo.*

Prima est in Parochos, qui Clericis suæ Parochiæ, quos noverint deferre tormenta pulveraria, *Accialini*, nuncupata, testimonialia faciunt literas; dum ad ordinationes sunt accessuri.

Secunda est in Sacerdotes, & Clericos, qui hyberno tempore commorantur in stabulis, in quibus sæculares utriusque sexus commorari solent. Hæc tamen suspensio videtur limitata ad Sacerdotes tantum, & ad casum, quo commorentur in stabulis sine necessitatis causa, quam causam quisque prius suo Vicario Foraneo exponere debet, isque facultatem ab Episcopo obtinere: constat ex declaratione decreti de eodem facto, in Episcopali Edicto die 7. Septembris 1667. n. 3. contenti: de quo Edicto infra.

Tertia

Tertia est in eisdem Sacerdotes, & Clericos, qui in choreis quocunque in loco, etiam privato instrumenta musicalia pulsant.

Quarta est in Sacerdotes alienigenas, qui in Civitate, vel Diocesi Brixienſi celebrant sine licentia Episcopi, vel Generalis Vicarii.

Quinta est in Parochos, & Sacristas, qui Sacerdotes alienigenas sine prædicta licentia in suis Ecclesiis celebrare permittunt.

Sexta est in Parochos, qui Sacerdotes, & Clericos suæ Parochiæ transgressores decreti, in supra relato Edicto contenti de vita, & honestate Clericorum, ad Episcopum non deferunt cum nomine, cognomine, & conditione transgressorum.

Septima est in eisdem Parochos, qui Sacerdotibus prædictum decretum de vita, & honestate Cleric. contemnentibus permittunt, ut celebrent in aliqua Ecclesia intra fines suæ Parochiæ sita. Quæ suspensionis pœna tunc solum habet locum, cum Parochi, Rectores, & Sacristæ huic decreto sine magno incommodo parere possunt: Quod constat ex declaratione, decreti de eodem facto, in Edicto die Septemb. 1667. n.3. contenti.

### S U S P E N S I O N E S

*Adnexæ decretis contentis in Edicto condito ab Illustr. & Reverendis. D.D. Marino Ioanne Georgio, Brixienſi Episcopo Vigilantissimo. die 7. Septemb. 1667. Quæ decreta postea in Synodo Brixie celebrata 20. Aprilis 1668. confirmata fuerunt cum adjecta moderatione.*

Prima est in Sacerdotes, qui intersunt comediis aut theatralibus operibus (exceptis sacris, & spiritualibus) iis scilicet, quæ ab histrionibus exhibentur.

Item in Sacerdotes, qui in ipsis comediis seu theatralibus operibus recitant, pulsantve cujuscumque generis instrumentum, aut cantant.

Item in eisdem Sacerdotes, qui indulgent cantionibus vel pulsationibus sive nocturnis, sive diurnis, quæ vulgò dicuntur *serenate*, aut *matinate*.

Item in Sacerdotes, qui saltant, aut

*Pars II.*

pulsant in choreis, iisque intersunt sive publicæ, sive privatæ sint: Intellige tamen si huiusmodi choreis intersint in aliena domo: in propria verò tunc solum cum ipsi chorearum fuerint procuratores.

Item in eisdem Sacerdotes, qui in publicis laicorum conviviis, vel eorum occasione pulsant, aut cantant.

Item in eisdem: qui adeunt circulatores, ac mimos ludrica exhibentes.

Item in Sacerdotes, qui sine necessitatis causa adeunt stabula, ubi scæmque commorantur. Huiusmodi tamen necessitatis causa prius Vicariis Foraneis exponenda est, ac per eisdem facultas ab Episcopo obtinenda. Quæ suspensionis pœna extenditur etiam ad Sacerdotes, qui adeunt loca, ubi linum seminae conficiunt, vulgò à *spadalonæ*.

Eadem suspensio à Divinis inflicta est in Sacerdotes, qui pila, vel folle, vel taxillis, aut aleis publicè ludunt.

Et hæc enumeratæ suspensionis pœnæ ipso facto incurrendæ, habent locum tantum in Sacerdotibus. Clerici verò supra dicta decreta transgredientes, committunt mortalem culpam: cujus delicti, sicut etiam à suspensionibus prædictis absolutio specialiter reservatur Episcopo latori, iisque tantum, qui ab eodem Episcopo specialem obtinent facultatem: itaut generalis absolvendi à reservatis facultas minimè sufficiat: sicuti constat ex tenore ejusdem pœnalis decreti num.3.

Secunda suspensio à Divinis ipso facto incurrenda, est in Sacerdotes, & Clericos, qui comam nutriunt, capillosque ita oblongos deferunt, ut ad tempora nimis promineant aures obducant, ac in occipite debite longitudinis limites excedant.

Item in Sacerdotes, & Clericos, qui etiam extra Ecclesiam deferunt vestes breviores, quæ non demittuntur à genu, vel utuntur illis alii, quæ vulgò vocantur *giustaciori*. In Ecclesia verò, & functionibus Ecclesiasticis non deferunt vestes talares, scilicet quæ saltem ad media crura extendantur, iuxta declarationem 20. Aprilis 1668.

M

Ter-

Tertia est in Parochos, Rectores, & Sacristas, qui in Ecclesiis sibi commissis eum Sacerdotem celebrare, vel Clericum inservire permittunt, qui decreto de vita, & honestate Clericorum contento in Episcopali Edicto nu. 5. in singulis ibi expressis debitam obedientiam non præstant. Quæ tamen suspensionis pœna non contrahitur, quoties huic decreto Parochi, Rectores, & Sacristæ prædicti sine incommodo parere non possunt: sicuti constat ex moderatione, seu potius declaratione ejusdem decreti quinti emanata die 20 Aprilis 1668.

Quarta est in Sacerdotes, vel Clericos, qui in laicorum ædibus inserviunt in aliquo famulatu, vel docendis pueris, puellis, aut mulieribus: idquæ sine Episcopi facultate præstant.

Quinta est in eosdem Sacerdotes, ac Clericos, qui alias mulieres quovis prætextu, quàm matres & sorores, quibus adde Fratrum uxores, ac filias secum in quibuscumque ædibus, sive Ecclesiasticis, siue propriis, non obtemperanti Episcopi licentia, detinent.

Hæc tamen suspensio non videtur latæ sententiæ, sed ferendæ quod colligitur ex eo, quod in hoc decreto septimo, non item in præcedentibus jam recensitis, illæ particulæ, *eo ipso, ipso facto, ipso jure*, vel alia verba, quæ latam sententiam indicant, desiderentur. Vide, quæ supra diximus in priori hujus primi casus parte annot. 4. nu. 8. & 9. & Doctores ibi citatos.

## I N T E R D I C T A

*In Constitutionibus contenta.*

Primum est in eos, qui in quibuscumque festis de præcepto choreas ducunt, publicos ludos exercent, vel etiam spectacula publica & torneamenta exhibent tempore divinorum officiorum habetur in *constitutionibus tit. de prædicatione*.

Secundum est in eos, qui die festo Sanctorum Faustini & Jovite Tutelarium Civitatis, & Diocesis Brixienfis, aut Patronorum cujuscumque Parochiæ de Diebus, choreis, ludis, aut spectaculis, ut

supra, indulgent quacunque hora illius diei: habetur eodem tit. *pagina mihi 26.*

Quæ interdicti pœna in decretis postea promulgatis in Synodo Brixie celebrata die 13. Maii 1621. sub Illustriss. & Reuerendiss. D. Marino Georgio, decreto nono, extensa fuit ad eos etiam, qui hujusmodi constitutionem violari fecerint, mandando, vel auxilium præbendo. Insuper eodem decreto statutum est, ut in casu inobedientiæ omnes Ecclesiæ illius loci, & vicinæ interdictæ existant. Verba decreti sunt ista.

*Ad tollendam ambiguitatem, quæ aliquando oriri solet, à quo tempore scilicet incipiat, & finiat fœstum, quodam prohibitionem tripudiorum & saltationum in festis Sanctorum Faustini & Jovite Tutelarium Civitatis, & Diocesis Brixienfis, & aliorum Patronorum cujuscumque Parochiæ de Diocesi, declaramus, ut ab ortu solis diei festi Tutelaris usque ad median noctem sequentem, intelligantur prohibita tripudia & saltationes sub pœna Ecclesiastici interdicti ipso facto incurrendi ab omnibus, qui hoc decretum nostrum violaverint, vel violari fecerint, mandando, auxiliumque aliquo modo præbendo. Et præterea in casu inobedientiæ volumus, ut omnes Ecclesiæ illius loci, & vicinæ tandiù subiaceant interdicto, quandiù per nos, cognita emendatione, hæc censura relaxetur. Hoc idem observari sub iisdem pœnis volumus in aliis festis, dum celebrantur divina officia in Parochiali Ecclesia, vel sit exercitium Doctrinæ Christianæ.*

Tertium est in eos, qui post trinam monitionem vel vnicam pro trina deseruientem, præcepto Ecclesiæ de Sacra Eucharistia in Paschate fumenda, non satisfaciunt, inhærendo Concilio Prov. VII. tit. de Sacra Eucharistia: habetur in *constitutionibus tit. de Sacra Eucharistia pag. mihi 101.*

Eadem pœna afficiuntur qui extra Parochialem Ecclesiam absque proprii Parochi licentia, & sine legitima causa communionem Paschalem sumunt, *ibidem pagina 103.*

## RESOLVTIUA PRAXIS

*Pro incidentibus.*

1 Ex prenotatis tūm in hac, tūm præcedentibus primi casus partibus, resoluitur, illos omnes censura ligari, qui scienter & contumaciter agunt contra Eccl. Brixien. constitutiones, quibus annexa est censura: dummodò transgressores intra Diocesim Brixien. existant.

2 Innodatur censura qui ex ignorantia culpabili & crassa transgreditur prædictas constitutiones, vel Episcopalia edicta lata sub censura: Quia ignorantia crassa à censuris Ordinariorum non excusat: patet ex cap. de consil. Vt animarum, &c. Excipe, nisi in temerario ausu peccantes sit inflicta. Sanch. lib. 9. de matrim. disp. 32. n. 31.

3 Idem deciditur de illo, qui ex ignorantia affectata siue directè volita, violat huiusmodi constitutiones, vel edicta condita sub censuræ pænæ: tiam si in audentes & præsumentes fuerit imposita: quia ignorantia affectata æquiparatur præsumptioni, cum dolum formalem includat. Sanch. l. c. n. 40. Laym. lib. 1. tr. 4. c. 5. n. 8. *verf. multò verò minus.*

4 Famuli, Scholares, artifices, qui Brixiam, vel in Brixien. Diocesim se conferunt animo ibi manendi majori anni parte, si scienter & contumaciter agant contra constitutiones, vel edicta Episcopalia, innodantur censura tali delicto adnexa: Quia per huiusmodi longam moram censentur acquirere domicilium, & fortiri forum. Sanch. l. 3. de matr. d. 18. & l. 1. mor. c. 12. n. 37. ex communi.

5 Qui contra præceptum sibi ab Ordinario sub censuræ pænâ impositum agit extra Diocesim, incurrit censuram tali delicto adnexam: Quia præceptum, & sententia afficit personam, ejusque offibus coheret etiam extra Diocesim. Vide supra annotationem 4. n. 10. & licet talis censura non sit in casu contenta, est tamen reservata. Vide annotationem 5. n. 12. *in tertiam primi casus partem.*

6 Subjacet censuræ, & reservationis pænos, qui prevaricatur constitutiones,

vel edicta Episcopalia, de quibus post legitimam promulgationem & acceptationem dubium subest, an deinde moribus populorum firmata sint, vel infirmata: Quia in dubio possessio stat pro obligatione legis, & adiectæ pænæ. Less. lib. 2. cap. 22. dub. 13. Bonac. de legib. d. 1. q. 1. p. 4. nu. 44. Laym. lib. 1. tr. 4. c. 4. num. 6. Nam factum in dubio præsumitur, si de jure faciendum erat. Gloss. in l. 2. ff. de probat.

7 Videtur reservatè obnoxius censuræ Civis Brixien. si, v. g. Bergomi existens ibi violet constitutiones & leges, quæ tam Brixie, quàm Bergomi obligant sub eadem censuræ pænâ: Quia hæc est praxis & vsus communis vnanimi fidelium & Superiorum consensu receptus. Ita Sanchez l. 1. mor. c. 12. n. 38. Suarez de relig. cap. 14. n. 15.

Contrarium tamen non improbabili-ter tenet Fagund. 2. præcep. Eccles. lib. 8. c. 7. nu. 11. cujus sententiæ subscribit Sanchius in select. disp. 54. n. 31. Dian. p. 1. tr. 9. resol. 18. Januar. de cas. res. resol. 10. nu. 6. asserentes talem Civem eo casu ad neutras constitutiones, & leges obligari, non ad leges loci quia non est subditus legislatori illius loci, neque ad leges Patriæ, quia hæ non ligant existentem extra territorium.

## RESOLVTIUA PRAXIS

*Pro non incidentibus.*

1 Non ligatur censura, constitutionibus vel edictis Episcopalibus adnexa, qui delictum sub censura prohibitum incepit, sed non perfecit: vel quia noluit, vel quia non potuit: Nam lex pænalis requirit actum completum & consumatum: quod verum est, nisi verba legis comprehendant etiam conatum ad delictum. Vg. tab. 1. c. 9. §. 13. Dian. p. 2. tr. 3. resol. 63.

2 Idem resolvitur de eo, qui huiusmodi constitutiones, vel Edicta transgreditur in re parva, ita ut actus quoad effectum externum non excedat culpâ venialem, licet pertingat ad mortalem quoad effectum internum: Quia gravis pænâ, qualis est censura, prærequirit gravè culpam.

pam. ConincK. disp. 13. dub. 8. n. 66. Nav. in man. cap. 27. n. 9.

3 Idem deciditur, quamvis illarum legum transgressio mortalem culpam involvat: dummodo inobedientiam, & contemptum contra Superioris auctoritatem excludat: Quia talis inobedientia, sive contumacia est materia censuræ proxima, quæ tunc tantum intervenire censetur, cum quis Legislatori obedire recusat, eò quod auctoritatem ejus negat, vel contemnit. Fill. tr. 11. c. 6. num. 158. Laym. li. 1. tr. 5. c. 5. num. 1. Vide quæ dixi supra in priori hujus casus parte resol. 5. *pro non incidentibus*.

4 Non afficitur censura qui non observat decreta Episcopalia, quæ constat non esse recepta, & in usum deducta, sciente & tacente conditore. Facit doctrina, quam tradit Laym. lib. 1. tr. 4. c. 43. num. 3.

5 Idem probabiliter dicitur de impubere infantie proximo, hoc est, ante decimum ætatis annum, si constitutiones Episcopales violet, quibus annexa est censura: Quia ante decennium, etsi mortaliter delinquere possit, si doli sit capax, tamen censuram non incurrit: propterea, quod non censetur contumax, hoc est, tam gravis pœnæ cognitor, & clavium Ecclesiæ contemptor. Quod verum est tam de censuris à jure, quam ab homine. Ita Sà. v. *censura* num. 2. Sotus, Vasq. Vgol. quos citat, & sequitur Laym. lib. 1. tr. 4. cap. 10. n. 5. & 6. Imò multi Doctores apud Henricq. lib. 8. c. 42. in fin. quibus ipse adheret, existimant impuberes non ligari censura ab homine, nimirum ante decimum quartum annum. Vide Ugol. tab. 1. de cens. c. 17. §. 3. n. 5. & Suar. de cens. disp. 5. sec. 1. n. 19.

6 Immunis est à reservata censura qui ex ignorantia tam juris, quam facti non observat Episcopalia statuta, vel edicta sub censura latæ sententiæ condita: modò talis ignorantia crassa non sit aut supina: Quia hujusmodi ignorantia excludit contumaciam, quæ est materia censuræ proxima. Filliuc. & Layman superius citati *resoluit*.

7 Quod si censura inflicta sit scienter & temerè peccantibus, etiam crassa igno-

rantia transgressiorem ab ea incurrenda excusat. Nam ignorantia crassa non equiparatur scientiæ, & præsumptioni, vt clarum est apud omnes. Secùs resolvendum de affectata. Vide quæ de excusatione ob ignorantiam diximus in priori hujus primi casus parte in *resolutiva praxi pro non incidentibus casu* 7. & 8.

8 Extendenda est immunitas, ut etiam locum habeat in oblivione, inconsideratione, incogitantia censuræ in constitutionibus & edictis contentæ: Quia hæc in jure æquiparantur ignorantia: siquidem fieri non potest, vt contumax existat, qui ad impostam censuræ pœnam non attendit. Suar. de legib. disp. 4. sect. 8. num. 17. Laym. l. c. cap. 5. n. 7.

9 Non incidit qui Episcopalia statuta, & Edicta sub censuræ pœna non observat, eò quod ex observatione timet sibi notabile detrimentum vel in bonis corporis, vel honoris, vel etiam fortunæ. Quia Superior Ecclesiasticus non censetur velle obligare subditos cum tali rigore, qui ipsorum fragilitatem excedat. Nav. man. c. 23. n. 43. Fill. tr. 11. cap. 6. q. 4. num. 171.

10 Idem deciditur, etiam si quod prohibetur lege humana sub censura, prohibitum esset etiam lege naturali Divina. Nam tum etiam licet non excusaretur a mortali culpa, eximeretur tamen à censuræ pœna. Fill. cit. tr. 11. cap. 8. n. 269.

11 Idem inferitur de illo, qui per contumeliam, & vexationem cogitur facere, vel omittere id, quod præcipitur, vel prohibetur in Diocesanis constitutionibus, & edictis sub censuræ pœna: Tum quia tali casu censetur deficere contumacia: Tum quia lex, vel Legislator Ecclesiasticus non censetur obligare cum tanto rigore. Fill. & Navar. l. c.

12 Subditus Episcopo Brixien. non innodatur censura in Episcopalibus constitutionibus, & Edictis decreta, si contra eas leges agat extra Diocesim. Layman l. c. tr. 5. p. 1. c. 4. n. 5. Dian. p. 3. tr. 5. reso. 74. Vide supra *annot. 2. & 3. num. 4. 5. & 6.*

13 Advenæ, peregrini, mercatores, qui Brixiam, vel in Brixiensem Diocesim se recipiunt absque intentione ibi con-

sti-



Retiendi domicilium, vel ibi manendi majori anni parte si transgrediantur Episcopalia statuta, vel Edicta, non incurrunct censuras illis adnexas: Quia constitutiones & Edicta Episcopalia obligant tantum subditos Episcopo Brixien. Advenæ autem, & peregrini non sunt subditi, ut supponitur: Ubi autem non est subjectio, neque jurisdictionis, quæ sunt correlativa. Ita Sanch. Sayr. Conineck. quos citat, & sequitur Laym. loc. cit. & tr. 4. cap. 12. affer. 3. Ad evitandum tamen scandalum certum est, supradictos teneri ad leges locorum saltem sub mortali culpa. Sanch. lib. 1. mor. cap. 12. num. 25.

Dices cum Abb. in cap. a nobis de sentent. excomm. nu. 7. Vgol. tab. 1. c. 9. §. 2. nu. 4. advenas delinquentes contra statutum, vel edictum continens censuram, fieri subditos ratione delicti, ideoque censuram incurrrere posse.

Respondet Layman, falsum esse advenam, secluso scandalo, delinquere contra statutum continens censuram: Quia prius requiritur, ut aliquis sit subditus, quam ut statuto obligetur, & contra illud delinquant: sicuti rectè docet idem Laym. li. 1. tr. 5. par. 1. c. 4. nu. 5. Bonac. disp. 1. de legib. q. 1. p. 11. n. 20. & 21. Fill. tr. 11. c. 5. nu. 154. Si tamen advena delinquant contra legem communem omnibus gentibus, vel ipsius naturæ, ratione hujus delicti sit subditus: Ideoque citari potest, atque Ecclesiasticis censuris compelli ad satisfaciendum. Vide citatos Doctores ll. cc.

14 Contrafaciens edictis Episcopi post ejus mortem, vel amotionem non innodatur censura in illis contenta: Quia Edicta sunt leges ab homine, quæ expirant, mortuo, vel amoto Conditor, præterquam si renoventur & confirmantur sub iisdem pœnis à Successore, vel Capitulo, quod, sede vacante, in locum Episcopi, quoad ea, quæ sunt jurisdictionis, non dignitatis Episcopalis, succedit. Vgol. de cens. tab. 1. c. 47. §. 4. d. 1. & 2. & de Offic. & potest. Episc. par. 2. c. 47. §. 2. nu. 1. & 2. Franc. Leo in thes. foro Eccles. par. 2. c. 10. n. 8. qui rectè notat, Capitulum sede vacante, succedere tantum in jurisdictionibus Episcopo de jure communi spectantibus, non autem competentibus de jure

gratioso & speciali ut sunt causæ delegatæ: quod etiam docet Abbas in cap. verum num. 9. de foro competens. & constat ex iis, quæ diximus in priori parte ref. 118.

15 Juxta sententiam Fagundez, & Sancio, quos citat, & sequitur Dian. par. 1. tr. 9. resol. 18. & subscribit Januarius de cas. refer. resol. 20. n. 6. Extra censuræ telum existit incola Brixien. Diœcesis, qui hospitandi, non habitandi gratia, existens Bergomi constitutiones non servat sui Episcopi, dato, quod eadem & sub eadem censuræ pœna etiam Bergomi obligent: Quorum ratio est, tum quia is Episcopo Bergomen. non est subditus; Ideoque ipsum ad observationem suarum legum obligare non potest: Tum quia non tenetur abens servare leges patriæ. Oppositum tamen cum Sanch. & Suar. sustinimus supra in resolutiva præxi pro incidentibus casu 7.

16 Præterea, si contra patratores aliqujus delicti lata sit censura, & quis post datam delicto causam, ante illius effectum per confessionem resipiscat, secuto postmodum effectu, non incurrit censuram, neque tenetur rursus peccatum confiteri. Prior pars constat, quia eo casu cessavit omnis contumacia, quam vel actualem, vel in habitu saltem durante[m] supponit censura. Posterior probatur, quia nullus tenetur sua peccata semel rectè confessâ iterum confiteri: sicuti docet Bonac. to. 1. disp. 5. q. 7. pun. 5. §. 3. n. 4. Dian. p. 3. tr. 4. ref. 74. Bass. in florib. v. casus ref. n. 22. Januarius de cas. refer. resol. 23. n. 1.

17 Excusatur tandem generaliter ab incurrenda censura qui Synodales constitutiones, Episcopaliaque Edicta non observat, eo quod existimant se justam & rationabilem habere causam, legitimamque excusationem ea non servandi. Tum quia tali casu bona fides censetur excludere pravum voluntatis affectum, transgressoreque non potest reputari contumax. Tum quia eo casu rationabiliter præsumi potest de legislatoris voluntate, qui si adest, subditum ab obligatione legis excusaret. Ita D. Th. 2. 2. q. 147. art. 3. Cajet. in summ. v. Fest. prohi. Nav. in man. c. 23. n. 43. Sal. de leg.

M 3 disp.

disp. 11. sect. 4. n. 63. Januar. de cas. refer. resol. 36. n. 6. Director Confr. i. de iurisd. c. 4. de cens. 9. i. exc. 5.

Supra dictationes, sive excusationes vitandi, vel incurrendi censuras applicari possunt censuris primæ & secundæ huius primi casus partis, & è converso:

Quoniam verò non vulgares, quæ sæpè Confessarius implicat, occurrere solent difficultates circa excommunicationis censuram, latam contra detinentes in lecto infantes ante præscriptum ætatis terminum. Idcirco hic eam fusius, & ex professo expendere, ac exponere non abs re duxi.

## IN EXCOMMUNICATIONEM

Latam contra detinentes in lecto infantes sine præscripta cautione, nondum octavo ætatis mense completo.

## ANNOTATIONES.

- 1 Excommunicatio contra detinentes infantes in lecto sine præfinita cautione lata fuit in Concil. Prov. Mediolan. IV. quæ comprehendebat tantum mulieres.
- 2 Eadem excommunicationis censura in Concilio Prov. VI. ad Patrem etiam, sive Maritum, & ad quoscumque cogentes ad hanc detentionem, vel impediētes, quominus præscripta cautio adhiberetur, fuit extensa.
- 3 Huiusmodi Concilij Prov. VI. extensio in constitutionibus Ecclesiæ Brixienfis fuit restricta.
- 4 Tempus tenendi infantis in lecto cum præscripta cautione in Diocesi Brixien. se extendit tantum ad octavum ætatis mensem.
- 5 Impediētes, vel cogentes detinere infantes in lecto sine præfinita cautione in Episcopatu Brixien. excommunicatione hac non ligantur.
- 6 Quinam veniant nomine tenentium infantes in lecto.
- 7 Parochis omnibus in hac Brixien. Diocesi, circa detentionem infantium in lecto, integrum est cum miserabilibus personis

dispensare.

8. Quinam intelligendi sint nomine miserabilium personarum.
- 9 Facultas Parochis concessa dispensandi cum miserabilibus personis se extendit tantum ad tollendam obligationem legis Episcopalis, non juris naturalis.
- 10 Pauperas, vel ægritudo an excusent detinentes infantes in lecto sine præscripta cautione.
- 11 Dispenratio in lege an differat à declaratione ejusdem legis secundum Episcopiam.
- 12 Dispenratio sine justa causa per Parochum Diocesis Brixien. collata circa detentionem.
- 13 An qui sine justa causa obtinuit dispensationem à Parocho detinendi infantem in lecto sine præscripta cautione, peccet mortaliter, ea viendo.
- 14 Si justa dispensandi causa subfit, quamvis ea ritè per Parochum non fuerit cognita, utrum talis dispensatio sit valida.
- 15 An defectus justæ causæ supleatur probabili opinione Parochi dispensantis.
- 16 An bona fides dispensationem petentis in conscientia reddat ipsum securum, licet re ipsa iustitiæ causa deficiat.
17. An liceat detinere infantem in lecto sine debita cautione, vel dispensatione, quando nullum subest periculum suffocationis.
- 18 Refertur sententia negativa.
- 19 Opinio contraria non damnatur.
- 20 Auctoritatis placitum.
- 21 Quædam prohibita sunt, quia mala, quædam verò mala sunt, quia prohibita.
- 22 Cessante causa finali, legis, an cesset ejusdem obligatio.
- 23 Detinentes infantes in lecto sine præscripta cautione, vel dispensatione, an duplex peccatum committant.
- 24 Quidam affirmant.
- 25 Auctor negat.

## ANNOTATIO I.

- 1 Circa hanc excommunicationis censuram, cum ex diuturno Confessarii munere probè didicerim, quam ea sit

fit frequens, quamvè Parochis, cæterisque Confessariis ejusdem cognitio non tam utilis, quam necessaria sit: Idcirco eam fusiùs exponere, casusque praticos asserre, ac resolvere operæ pretium censui. Pro quo notandum in Concilio Provinciali Mediolan. IV. tit. *de iis, quæ ad Sacram. pœnit. pertinent*, latam fuisse excommunicationem ipso facto incurrendam, quæ comprehendebat tantùm mulieres detinentes infantes in lecto sine præscripta cunarum cautione, ante completum ætatis annum.

1. Postea in Concilio Provinciali Mediolanen. VI. tit. *eodem* hujusmodi excommunicationis pœna fuit extenta tùm ad Patrem infantis, cubantẽ in lecto cum propria prole, anno ætatis non expleto, si ne præscripta cunarum cautione; tum etiam ad quoscumque alios, qui cogent vel impedirent eos, qui curam infantis suscepissent, quominus præscriptam cunarum cautionem adhiberent, quod clarè constat ex verbis ipsius decreti.

3. Ceterùm extensio hæc Concil. Provinc. VI. quoad cogentes, vel impediētes in hac Brixien. Diœcesi non fuit usu recepta, ut constat tum ex praxi interni fori Ecclesiæ Brixien. & Confessariorum usu; tum ex libello constitutionum ejusdem Ecclesiæ tit. *de Baptismo in fine, pagina m ligo. in veteri editione*: ubi circa hanc infantium detentionem statutum est.

4. Primò, ut anni tempus, quod à Provinciali Concilio IV. & VI. præfinitum erat, tenendi infantem cum præscripta cautione, ad octo menses restrictum intelligatur.

5. Secundò, ut excommunicationis pœna comprehendat tantùm tenentes in lecto infantes, ante octavum ætatis mensem; non autem cogentes, vel impediētes eos, qui tenent, quominus præscriptam cautionem adhibeant, ut suprà dictum est. tum quia de his nulla fit mentio in præcætatæ constitutionibus: In lege autem pœnali non est faciendi extensio ultra personarum expressas, vel quas ob identitatem rationis adequatè credibile est, legislatorem comprehendere voluisse, si euti rectè notant Suarez lib. 6. de legib.

cap. 3. Layman lib. 1. tract. 4. cap. 18. nu. 9. Tùm quia ita servat consuetudo (saltem in hac Brixien. Diœcesi) quæ est optima legum interpret, sicut mihi testatus est Reverendissimus Dominus meus Carolus Antonius Lucciagus, Curie Episcopalis Brixien. Generalis Vicarius iamdiu in hac materia versatissimus.

6. Nomine autem tenantium infantes in lecto cenfeo venire eos omnes, ad quos cura infantium pertinet, puta Matrem, Nutricem; item Aviam, & Ancillam, si ipsi infantis cura demandata sit: Imò etiam Patrem, siquidem & ad ipsum pertinet propriæ prolis consulerè salutem. Quod tamen intelligendum est, dummodo in eodem lecto dormiat, & in eam detentionem consentiat: quia si in eodem lecto non dormiat, vel in eam detentionem non consentiat, non dicitur propriè infantem in lecto tenere: cùmque eo casu vel non sit particeps culpæ, vel inobediens Ecclesiæ, neque obnoxius esse debet censuræ pœnæ. Faciunt, quæ habet Layman loc. cit. num. 9.

Tertiò, intermissa cautione cunarum, relinquit Parochis præfinitam eam cautionis formam, quæ Parochiæ suæ incolis ad arcendum suffocationis periculum, opportuna visa fuerit: qua in re jubetur adhibere in consilium obstetrices, aliasque probas mulieres, quæ matres extiterunt.

7. Septimò, facultatem concedit cuilibet Parocho, ut cum miserabilibus personis suæ Parochiæ dispensare possit circa detentionem infantium in lecto, abiq; alia cautione. Quas restrictiones, & facultates clarè cernere licet in præcætatæ constitutione.

8. Miserabiles autem personæ hic censeri debent, quæ egestate, vel egritudine, aut alia necessitate gravi laborant, v. g. qui ob carentiam, vel angustiam cubiculis, vel egestatem in pannis, quibus ab infante frigoris asperitatem depellant, aut ob egritudinis solacem non possunt uti præscripta à Parochis cautionis forma. Privilegia enim paupertatis multa sunt. Tenentur tamen etiam pauperes; cum quibus dispensatum fuit, omnem adhi-

M 4 bere

bere diligentiam pro suffocatione infantium impedienda. Quocirca.

## ANNOTATIO II.

9 Notandum, quòd concessa Parochis facultas in hac Brixienfi Diœcesi dispensandi cum miserabilibus personis circa detentionem infantium, se extendit tantum ad tollendam obligationem præterit Ecclesiasticis sub censuræ pœna impositi, integra interim & firma manente juris naturalis obligatione, nisi aliunde cesset talis obligatio. Siquidem in lege naturali, si excipias votum, & juramentum, concurrente iusta causa, non cadit dispensatio; sed tantum obligationis cessatio ob mutationem alicujus circumstantiæ, qua constante durat, & qua mutata, tollitur naturalis juris obligatio, sicuti doctè explicat Valen. 2. 2. disput. 7. quæst. 4. punc. 6. Sanchez lib. 8. de matr. disp. 6. & disp. 17. quæst. 1. nu. 3. & 4. Vasquez in 1. 2. disp. 278. cap. 2. Becanus in Sum. Theol. schol. 12. trac. 3. cap. 3. qu. 1. n. 5. & 9. Quamobrem, si quis obtenta à Parocho dispensatione ante octavum gratissimum mensis detineat infantem in lecto cum suffocationis periculo, licet eo casu beneficio dispensationis non incurrat excommunicationis censuram, committit tamen mortale peccatum ob transgressionem juris naturalis, quod dicat impediendam esse quantum fieri potest, suffocationem infantis. Quod est valdè advertendum.

10 Si verò Mater, vel Nutrix post obtentam à Parocho dispensationem, paupertate, vel egritudine cogatur detinere infantem in lecto sine præscripta cautione, adhibeat tamen, quam potest, diligentiam, pro infantis suffocatione vitanda, immunis censenda est ab omni culpa & pœna. Nō enim peccat contra legem Ecclesiæ, tūm quia per dispensationem eximitur ab ejus obligatione: tūm quia leges humane, quales sunt etiam censure, non obligant cum tanta severitate, teste Laym. lib. 1. tr. 4. c. 14. nu. 5. & tr. 5. p. 1. c. 5. nu. 9. Neque contra jus naturale, quia hujusmodi detentio est involuntaria, vel saltem non libera, & consequenter inculpabilis. Ita

Gambar. de cas. refer. cap. 14. Belloch. de cas. ref. p. 2. q. 1. n. 411. & 413. Vide etiam Comitoli. in suis respons. mor. lib. 4. quæst. 12.

## ANNOTATIO III.

His addendum, quòd perdurante misericordie vel necessitatis causa, neque opus est dispensatione, sed sufficit legis declaratio. Pro quo notandum, dispensationem legis differre ab irritatione, abrogatione, derogatione, declaratione, seu interpretatione. Nam irritatio est, cum lex aboletur, antequam perfectè obliget; quod tunc fit, quando plena & perfectà legis obligatio pendet ex voluntate alterius, qui illam non vult approbare. Abrogatio est, quando lex, quæ jam perfectè obligabat, simpliciter tollitur seu aboletur. Derogatio, quando ex parte tollitur, & ex parte manet. Dispensatio, quando in aliquo casu, quo revera viget, & obligat lex, tollitur ejus obligatio ab aliquo homine in particulari, reliquis manentibus dispositioni legis subiectis. Declaratio verò quando declaratur, legem in aliquo casu particulari non obligare. Aliqui vocant interpretationem legis secundum Epikëjam: qua de re Covar. in 4. decret. par. 2. cap. 6. §. 9. n. 2. Suarez lib. 6. de voto cap. 9. n. 2. Laym. lib. 1. tract. 4. cap. 22. num. 1.

11 Quamvis autem nonnulli pro eodem accipiant dispensationem, & declarationem, valdè tamen inter se differunt. Primò quia dispensatio non potest fieri, nisi à Superiore: declaratio sæpè fit à subdito, præsertim quando res clara & liquida est. Nam in re dubia potest Superior sibi ipsi reservare legis interpretationem. Igitur ad dispensandum, opus est potestate, & jurisdictione: ad declarandum doctrina, & prudentia. Secundò tunc locum habet dispensatio, quando lex viget, & obligat; tunc declaratio, quando putatur non obligare. Tertiò, dispensatio requirit, ut maneant circumstantiæ, sub quibus antea lex obligabat: declaratio, ut mutati sint: de qua re vide

Va-

Valen. & Vasqu. ll. cc. Azor. lib. 6. instit. moral. cap. 1. qu. 3. Becan. 1. 2. trac. 3. cap. 3. num. 4.

Cum igitur in casu paupertatis, & egritudinis mutetur circumstantia possibilitatis, sub qua lex obligabat, nam lex debet esse possibilis, (quod autem valde difficile est, moraliter impossibile censetur, teste Layman lib. 1. trac. 4. cap. 14. n. 5 ex communi) propterea obligatio legis videtur per seipsam cessare, quando evidens est paupertatis excusatio. Verum quoniam non raro ea in re subest aliquid dubii: Idcirco præstat tutiorem dispensationis viam sequi.

#### ANNOTATIO IV.

12 Verum circa hanc dispensandi potestatem oritur dubium, si Parochus Brixien. Diocesis fretus facultate Diocesano statuto sibi concessa, dispenseret sine justa causa circa detentionem infantis in lecto ante octavum ætatis mensem, utrum talis dispensatio sit valida & firma.

Responsio est negativa. Et ratio est, quia delegatus, si excedat limites commissæ potestatis, nihil efficit: Parochus autem in hac dispensandi functione est delegatus Episcopi, & dispensando sine justa causa, excedit limites commissæ potestatis: Ergo nihil efficit. Quod verò in tali casu excedat limites commissæ potestatis: patet quia facultas Parochis concessa dispensandi circa detentionem infantium in lecto limitata est ad miserabiles personas, ut clarè constet ex citato libello constitutionum tit. de Baptismo in fine: ubi sic habet. *Cum miserabilibus autem personis eas (scilicet Parochos) dispensare posse volumus, prout in Concilio Provinciali indultum est.* Ergo si eam extendant ad personas alterius conditionis, vel ea utantur extra misericordiæ, vel necessitatis casum, planum est, eos excedere limites commissæ potestatis: ideoque dispensationem irritam existere. Ita Sanch. li. 8. de matr. dif. 17. q. 1. n. 4. Suar. de leg. li. 5. c. 31. n. 9. & lib. 6. cap. 19. n. 1. Layman lib. 1. trac. 4. cap. 16. num. 7. & cap. 22. num. 11. in simili de eo, qui sine justa causa

dispensat in lege Superioris.

13 Hinc inferitur, tum Parochum qui, iuxta non intercedente causa, sed temere in ea lege modo explicato dispensat, tum eos, qui talem dispensationem petunt, eave utuntur, mortaliter peccare. Ita præter Doctores citatos Cajetan. in sum. v. dispensatio. Navar. in man. prælu. 6. num. 13.

14 Ceterum ne assertio hæc anxietatem ingerat, limitationes aliquæ sunt adhibendæ. Prima etsi Parochus iuxtam dispensandi causam non cognoscat, ideoque temerè & non sine culpa dispenseret, si tamen revera causa iuxta suberat, valida est dispensatio: sicuti docet Sanchez, & Layman ll. cc. Salas disp. 20. sect. 1. n. 81. Dian. par. 8. trac. 3. resol. 16.

15 Secunda, si Parochus probabiliter arbitretur, iuxtam adesse dispensandi causam, quamvis eum errare contingat, valet tamen dispensatio ob præsumptam voluntatem Superioris, puta Episcopi, in cujus lege dispensatur; sicuti rectè advertit Sanchez cit. disp. 17. quæst. 1. num. 8. ubi probat id procedere, etiamsi dispensatio fiat in jure Dei, puta si Papa rationabiliter existimet, iuxtam subesse causam dispensandi in votis, & juramentis.

16 Tertia, si Parochianus bona fide dispensationem tenendi puerulum in lecto petat, allatis rationibus quas committit Paracho examinandas, impetrata dispensatione, securus esse potest, & præsumere legitime collatam fuisse (saltem in conscientie foro) donec contraria veritas appareat, teste Soto in 4. dist. 21. quæst. 2. art. 2. Lopez par. 1. instruc. cap. 4. Navar. cit. prælu. 9. num. 13. Suarez cit. quos sequitur Layman cit. cap. 22. n. 12.

17 Major difficultas est, an liceat, nulla obtenta dispensatione, detinere infantem in lecto sine præscripta cautione, quando probabiliter creditur, nullum subesse suffocationis periculum.

18 Negative sententiæ videtur adherere Belloch. de cas. reser. par. 2. qu. 1. nu. 41. & latè eam tuetur Mazuch. in append. ad trac. de cas. reser. q. 1. n. 7. ubi docet Matres, Nutrices, vel alios quoscunque ad quos spectat cura infantis, vel ea

spe-

specialiter fuerit commissa , incidere in excommunicationem , quoties non obtemperata dispensatione , infantem detinent in lecto sine præscripta cautione , etiamsi nullum adsit suffocationis periculum . Ratio ejus est , quia excommunicatio non est lata contra suffocantes , sed contra detinentes infantes in lecto sine præscripta cautione . Ergo qui sic detinet , censetur inobediens , & consequenter in reservationem incidere .

19 Contrarium videtur docere Graff. in *praxi lib. 2. cap. 38. n. 33.* & indicat Finellius. de *cas. refer. cas. 4. de suffocante proprios filios. n. 3.* & expressè tenet Gambar. de *casibus reservatis. cap. 14. pagina mihi 108.* Vbi sic habet. *Crederem ego excusari ab hac censura , qui sine peccato mortali , hoc est , sine verosimili periculo suffocandi infantem in eodem lecto secum retinet nondum expleto anno , ut si cubile est amplum , & ponit infantem longè à se , neque dormiens solet locum mutare , sed ubi semel se collocat , ibidem persistere solet .* Idem docet. inferius *casu 23. in fine* , ubi ait , in detentione infantium attendendum esse , non ad corticem verborum , sed Legislatoris mentem , quæ est , ut suffocationes infantium arceantur .

20 Inter has Doctorem , sibi adversantes sententias , & in hac difficultate , quæ nihil frequenter ntius Parochis , & Confessariis accidere solet , mihi dicendum videtur , si posterioris sententiæ sensus sit , quod liceat , nulla obtemperata dispensatione , detinere infantem in lecto sine præscripta cautione , quoties videtur , abesse evidens , & proximum suffocandi infantem periculum : etiamsi subit aliquod periculum non omnino remotum ; tunc veram esse , & in praxi sequendam priorem Bellochii , & Mazuchelli sententiam : Tum ob rationes , quibus ea nititur opinio : Tum quia Ecclesia ea prænali constitutione censetur velle prospicere omni tutiori via tenellorum salutis ; atque ideo prohibere eas omnes detentiones , ex quibus suffocationes infantium probabiliter possunt provenire . Proinde matres , & nutrices , quamvis sibi abesse videatur proximum suffocationis periculum à Parochis , & Confessariis urgeri debent , ut , ad tollenda etiam : pericula non omnino

remota , præscriptam ab Ecclesia cautionem adhibeant .

Si verò sensus sit , quod , seclusa omni dispensatione , detinere liceat infantem in lecto , sine præscripta cautione , quoties ex hujusmodi detentione certò ( morali saltem certitudine ) constat , nullum subesse suffocationis periculum . v.g. si detineatur infans in lecto , dum mater , aut nutrix evigilat ; secluso periculo , ne somno corripitur , vel si , ommissa præscripta cautione , adhibeatur alia , quæ prudenter æquè apta putetur ad arcendum suffocationis periculum ; vel denique si præter cubilis latitudinem , mater ex diuturno detinendi usu experta est , nunquam se exposuisse periculo infantem suffocandi , puerque sit implacabilis ( quod est exemplum Finellii loc. cit. ) fateor satis probabilem , & tutam in praxi mihi videri posteriorem sententiam . Tum quia negari non potest , mentem Legislatoris in detentione infantium eam esse , ut suffocationes infantium arceantur , cuius intentioni potius , quàm verbis adharendum est , teste Navar. lib. 5. *consil. consil. 6. n. 9. de hered. edit. 2. Syl. v. lex quæst. 16. & 17.*

21 Tum quia prohibitio Ecclesiæ in hoc casu videtur superaddita prohibitioni juris naturalis detinendi infantem in lecto cum suffocationis periculo ; quandoquidem talis detentio non est mala , quia lege Ecclesiastica sit prohibita , sed est prohibita , quia suapte natura est mala . Sicut igitur quando nullum omnino subest infantis suffocandi periculum , hujusmodi detentio non est mala , ita neque lege Ecclesiastica prohibita .

22 Secus dicendum esset , si detentio infantis in lecto sine debita cautione foret tantum mala , quia lege Ecclesiastica esset prohibita : tunc enim , etsi causa finalis legis , hoc est , probabile periculum suffocandi infantis cessaret in casu particulari , non propterea cessaret dispositio præcepti Ecclesiastici sub censura pœna impositi ( nisi ex fine ferendi præcepti aliter colligatur de Legislatoris mente , cui potius , quàm verbis in interpretatione legum aadharendum esse , præter Navar. & Syl. supra citatos docet etiam Azor. to. 1. lib. 3. c. 16. q. 6. Laym. lib. 1. trat. 4. c. 18. num.

num. 4.) Nam obligatio legis humanæ, quando juri naturali ac divino non est adnexa, eodemque fine, ac motivo lata, non cessat, nisi per revocationem, derogationem, dispensationem, vel cessationem causæ dispensationis, teste Suar. l. 1. de legib. c. 8. n. 1. Laym. lib. 2. trac. 4. c. 2. n. 3. ex communi.

Et in hoc casu vera omnino esset Doctrina Bellochii, & Mazuchelli II. cc. Nam prohibitio legis Episcopalis non cessaret, etsi in casu particulari prorsus deficeret ejusdem legis causa finalis. Quamvis oppositum sentiat Dian. in suo tract. de legib. resol. 28. & par. 5. tr. 14. resol. 96. & part. 7. tract. 10. resol. 23. citans Navar. Henriq. Angel. non satis intelligens, quomodo obligatio legis cesset, quando finis ejus adæquatus cessat in generali, non autem quando cessat in particulari: Quia lex (ait Diana) non solum obligat omnes in generali, sed singulos in speciali. Ergo, sicut deficiente causa motiva, seu finali apud omnes, manent omnes deobligati, ita deficiente apud unum, manebit ille deobligatus. Quæ sententia, licet sit contra communem, non est tamen improbabilis.

Cæterum res aliter se habet in proposito casu: nam detentio pueruli in lecto cum aliquo suffocationis periculo est de se mala, & naturali lege prohibita. Proindeque sicut cessante omnino, moraliter loquendo, suffocationis periculo, cessat prohibitio, & obligatio legis naturalis, ita etiam cessare censetur prohibitio, & obligatio legis Episcopalis. Siquidem Episcopi ea penali constitutione matres, & nutrices promptiores, & cautiores reddere voluerunt in observanda lege naturæ, hoc est, in arcenda infantum suffocatione: Cujus metus si absit, timor etiam incurrendæ excommunicationis abesse censendus est.

His addendum, quod, quando moraliter certitudine constat, nullum subesse suffocationis periculum, tunc constitutio, live prohibitio Ecclesiæ redditur inutilis; & consequenter nullam vim obligandi obtinet. Siquidem ratio legis exigit, ut ea communitati utilis existat. Ita etiam de hac re à me consultus respondit Doctissi-

mus, ac amicissimus P. Andreas Cadzuz, Oratorii Brixien. Sacerdos, vir ad antiquorum Patrum imaginem factus, qui omnium virtutum decora universæ doctrinæ insignibus cumulavit.

23 Hinc patet minus verum esse, quod infert Mazuch. cit. qu. 1. n. 14. nimirum, si Mater, vel Nutrix, aut quicunque alius detineat infantem in lecto sine præscripta cautione, & absque dispensatione, duplex peccatum committere, alterum contra jus naturale, alterum contra legem Ecclesiæ.

24 Fateor, priorem illationem veram esse, videlicet detinentes puerulum in lecto cum suffocationis periculo mortaliter delinquere contra jus naturale, ratione periculi, cui voluntarie se committunt, infantem suffocandi, & præterea in censuram (seclusa dispensatione) ab Ecclesia latam incidere.

25 Negandum tamen est, aliud peccatum vel specie, vel numero distinctum committere. Siquidem peccata non multiplicantur ex multiplicatione præceptorum eodem finelatorum, sed ex multiplicatione virtutum, quibus actio, vel omissio, saltem secundum diversam rationem formalem, adversatur. Sicuti recte docent S. Tho. 1. 2. q. 72. Sanch. lib. 1. mor. c. 14. n. 10. Sayr. in clavi regia l. 1. c. 5. n. 14. & 15. Sancius in selectis disp. 1. 1. num. 17. Dian. par. 1. resol. 22. Bassæus. in florib. the. præc. v. præceptum n. 20.

Licet igitur in proposito casu duplex præceptum, naturale, & Ecclesiasticum eandem pueri detentionem in lecto cum suffocationis periculo prohibeat; utrumque tamen est de eadem materia, eodemque fine ac motivo virtutis impositum, ut supra dictum est: ideoque eorum transgressio unum mortale peccatum constituit. Ita Layman cit. lib. 1. tr. 3. cap. 2. nu. 1. ubi sic habet. Si blasphemia in aliqua Diocesi prohibita esset sub excommunicationis pena, transgressor præcepti unum simplex peccatum commisit contra religionis iuramentum: quandoquidem illud non alia ratione, seu motivo ab Ecclesia prohibitum est, quam jure naturali, ac divino ante prohibitum erat. Hucusque Layman. Idem omnino dicendum est in hac difficultate circa de-

ten.

tionem infantis cum periculo in lecto ob paritatem rationis.

Ad rationem pro priori sententia, cum dicitur excommunicationem latam esse contra detinentes, non contra suffocantes.

Responderi potest, in interpretatione legum potius adhaerendum esse menti quam verbis Legislatoris: mens autem Legislatoris potissimum intelligenda est ex fine, & causa ferendæ legis, quæ in casu proposito profecto ea esse censetur, ut suffocationes infantium impediuntur. Vide, quæ diximus sup. n. 22. & Doctores ibi cit.

Dices. Lex fundata in præsumptione solius periculi non cessat, etsi in aliquo particulari casu cesset periculum, ut probat Mazuch. multis allatis exemplis: hujusmodi est lex Ecclesiastica, prohibens detentionem infantium in lecto sine præscripta cautione: fundatur enim in præsumptione solius periculi, ne scilicet infantes suffocentur. Ergo non censetur cessare, etsi in particulari infans detentione cesset suffocationis periculum.

Resp. lex fundata in præsumptione solius periculi, & simul prohibens rem tantum malam, quia lege humana est prohibita, non cessat, etsi in casu particulari cesset periculum, & sic major procedit; sed tunc negari potest minor: Quia lex Episcopalis, vetans detentionem infantium in lecto sine præscripta cautione, licet fundetur in præsumptione solius periculi; non prohibet tamen rem tantum malam, quia Episcopali lege sit prohibita, sed rem per se & suapte natura malam, ideoque Episcopali etiam lege prohibita. Sicut ergo, secus suffocationis periculo, deficit juris naturalis obligatio, ut supra explicatum est; sic etiam cessare censetur obligatio legis Episcopalis: Vide, quæ docet Layman l. i. tr. 3. c. 2. num. 1. *versic. sin vero.*

Exempla verò à Mazuchello allata non convincunt: pleraque enim sunt de re tantum mala, quia legibus humanis est prohibita; quarum obligatio non cessat ob cessationem causæ finalis in casu particulari. Quæ doctrina potest admitti, licet eam non admittat Diana cit. Ar de-

tentio infantis in lecto cum aliquo suffocationis periculo suapte natura est mala, ideoque præcepto etiam Ecclesiastico prohibita; cujus obligatio cessare censetur, quoties morali certitudine cessat suffocationis periculum. Favet Finell. de cas. res. cas. 4. de suffocantē proprios filios num. 3.

## RESOLUTIVA PRAXIS

*Pro incidentibus.*

1 Ex prænotata doctrina resolvitur primo, excommunicationis censura ligari Matrem, & Nutricem, si detineant infantem in lecto sine præscripta cautione ante octavum ætatis mensem, non ob obtemperantia dispensatione, modo paupertate, vel egritudine non excusentur. Siquidem de his expressè loquitur tunc decretum Conciliorum Prov. Mediolanen. IV. & VI. supra citatum: tunc constitutio Ecclesiæ Brixien. præallegata; praxique Confessariorum confirmat.

2 Idem ob identitatem rationis adequate resolvitur de marito sive Patre, si in eodem lecto cum aliquo periculo, saltem remoto, suffocandi puerulum, dormiat, communique consilio id præstet: quia ad Patrem etiam pertinet curam habere propriæ proles, impedireque, ne parvulus tenellus suffocetur: constat tunc ex præallegato Conc. Prov. IV. decreto: tunc ex usu, & praxi Confessariorum hujus Diœcesis. Vide supra annot. 1. n. 3.

Dixi, si Pater in eodem lecto dormiat, communique consilio id agat; quia si in eodem lecto non cubet, vel communi consilio id non præstet, non dicitur tenere infantem in lecto: cumque eo casu non sit particeps culpe, neque obnoxius esse debet excommunicationis pœnæ.

3 Eadem censuræ pœna extenditur etiam ad Aviam, & Ancillam, si nondum effluxo octavo ætatis mense, infantem in lecto teneant sine debita cautione: quod intellige, si ipsi demandata sit cura tenellæ infantis; iustaque causa non excusentur, vel legitima dispensatione ab excommunicationis pœna non eximantur. Vide supra annot. 1. num. 3. & annot. 4. num. 15. & 16.



4. Non excusatur à mortali culpa, & censuræ pœna Mater, & Nutrix, quæ etiam evigilans infantem è cunis extractum in lecto sine debita cautione detinet, si sepius experta sit, se deinde somno corripì cum periculo infantem suffocandi Quia ob periculum, cui advertenter & spontè se committit infantis suffocandi, contra jus naturale mortaliter peccat; ob interpretativum verò legis Ecclesiasticæ contemptum, excommunicationis telo fauciat. Mazuch. cit. q. 2. n. 16. post Beliochium.

5. Innodantur censuræ vinculo Mater, & Nutrix, si ne infantem audiant ad aures plorantis, vel ne frigeant ad cunas assurgendo, illum è cunis extractum secum in lecto cum periculo suffocationis collocent. Hæ enim non censentur causæ sufficientes, ut possint infantem in lecto detinere cum suffocationis discrimine. Secus resolvendum, si ob egritudinem, vel aliam corporis molestiam, puerulus in cunis nullo modo placari posset, vel ad somnum incitari; non enim teneretur Mater, aut Nutrix singulis momentis è lecto ad cunas assurgere, vagantique ubera admove, præsertim hyemali tempore: Nam lex humana humano modo est intelligenda. Posset igitur eo casu infantulum è cunis extractum in lecto detinere, placatumque rursus cunis restituere.

## RESOLUTIVA PRAXIS

*Pro non incidentibus.*

1. Ex prænotatis resolvitur non ligari hac censura filios, fratres, sorores, nepotes, si dormiant simul cum Patre, & Matre non incidentibus infantem in lecto sine debita, præfinitaque cautione, vel legitima excusatione: Tum quia hi non dicuntur detinere infantem in lecto, cum ad ipsos non pertineat, nec ipsis ex speciali commissione infantis cura demandata sit: Tum quia ipsis non est integrum adhibere præscriptam cautionem contra voluntatem parentum.

2. Idem ob eamdem rationem resolvitur de Avia, vel Ancilla, si dormiant una cum Matre, vel Nutrice absque præ-

finita cautione: quia ad Matrem, aut Nutricem, non ad Aviam & Ancillam pertinet eo casu, demandataque est, ut supponitur, infantis cura. Delinquant tamen, & hæc mortaliter contra jus naturale, si cum Matre, vel Nutrice ita cubando in lecto adstant, & non caveant suffocationis periculum. Vide supra annot. 2. nu. 9. & DD. ibi citatos.

3. Excusatur Pater, si ve Maritus, si, vel cum vxore detinente puerulum, sine præscripto obice non dormiat in eodem lecto, vel si dormit, in eadem detentionem saltem tacite non consentiat: Quia in priori casu Pater non dicitur infantem detinere, vt per se patet: in posteriori verò non censetur contumax, vel clavium contemptor: deficiente autem contumacia, consequenter deficit Ecclesiæ pœna; non tamen deficit mortalis culpa: quia Patri tum ex charitate, tum ex officio, & quasi iustitia incumbit onus propriam prolem ab interitu vindicandi. Faciunt, quæ habet Layman lib. 3. tract. 3. par. 2. cap. 4. num. 8.

4. Non sunt obnoxii censuræ pœnæ in hac Brixien. Diœcesi detinentes impuerulos in lecto absque debita cautione, postquam illi excesserunt octavum ætatis mensem: sicuti constat ex libello constitutionis tit. *de Baptismo in fine*. Quod adeò verum est, ut si mensis octavus spiraret die 28. Februarii, eoque anno contingeret Februarius bissextilis, non incideret detinens infantem ultima die prædicti mensis: Quia licet in favorabilibus illi duo dies pro uno cedant, nõ tamen in odiosis. Faciunt, quæ habet Sanch. lib. 2. de matr. disp. 24. n. 18. cui subscribit Mazuch. in *ap-pen. ad trac. de cas. refer. q. 2. n. 17*.

5. Excommunicationis laqueum effugiunt, qui tenent infantes in lecto cum ea cautione, quæ tanquam opportuna sibi à Parocho fuit præscripta: quod verum est, etiamsi ea non videretur sufficiens ad arcendum suffocationis periculum: Quia conditio, & qualitas cautionis in Brixien. Diœcesi relicta est prudentiæ & iudicio Parochorum præfinita. Peccaret tamen graviter Parochus contra proprium officium, si temerè & non maturo consilio inopportunam incolis suæ Pa-

ro-

rochię cautionem, ad arcendas suffocationes infantium, præscriberet. Sic mortaliter delinqueret etiam contra conscientiam siue dictamen rationis Parochianus ille, qui teneret infantem in lecto cum ea cautione, quam certò sciret insufficientem. Faciunt, quę communiter tradunt Doctores de operante contra iudicium practicum moraliter certum proprię conscientię. S. Thom. quodli. 8. art. 13. Suarez tom. 5. disp. 40. sect. 5. nu. 14. & sect. 6. nu. 6. Less. lib. 1. cap. 1. dub. 1. Layman lib. 1. tr. 1. cap. 5. §. 1.

6 Eadem immunitas ab excommunicationis pœna extenditur ad eos, qui, ob tentam dispensationem, cubant in lecto cum infante absque alia cautione: quę resolutio procedit, quamvis sine iusta causâ (non tamen mala fide) petita, & collata fuisset huiusmodi dispensatio: quia eo casu cum cesset inobedientia & contumacia, consequenter cessat etiam censura pœna. Faciunt quę habet Sayrus de cens. lib. 1. cap. 9. nu. 23. Bonac. de censu. disp. 1. quest. 1. punc. 4. num. 19. ex communi.

Parochus tamen, qui iusta non intercedente causa, sed temerè in hac materia dispensat, tum eos, qui talem dispensationem petunt, eavè utuntur, mortaliter peccare, docent Cajer. in sum. v. *dispensatio*. Navar. in man. prelud. 9. n. 13. Laym. lib. 1. trac. 4. cap. 22. nu. 12. Uide supra *annotat.* 4. n. 12. & sequen.

7 Non innodatur hac censura mulier, quę laborat ignorantia non crassa aut supinampositę censurę: Quia ad incurrendam censuram requiritur scientia, & contumacia, vt pluries dictum est: qui autem præceptum Ecclesię sub censurę pœna impositum ignorat, is contumax vel claviu contempтор censeri non potest. Sayrus cit. Suarez de censu. disp. 4. sec. 8. num. 11. Laym. lib. 1. tr. 8. p. 1. cap. 3. num. 7.

8 Eadem excusationis ratio ab incurrenda censura extenditur ad Matrem, Nutricem, Aviam, Ancillam, &c. quę ex inconsideratione, oblivione, vel inadvertentia non crassa aut supina violant præceptum Ecclesię de tenendo infantem in

lecto cum præscripta cautione: siquidem fieri etiam non potest, ut quis adversus legem Ecclesię contumax, aut contempтор existat, qui ad illam non advertit. Sayr. Suar. Layman. ll. cc.

9 Non incidunt in excommunicationem Mater & Pater, qui paupertate compulsi detinent infantem in lecto absque debito obice; vt si ob carentiam lectuli, vel lodiculę pellicę, seu lineę, qua ab infante frigus depellat, cogatur Mater detinere puerulum ad pectus admotum: privilegia enim paupertatis multa sunt. Ita Gambar. de cas. cap. 14. Finellius casu 4. de suffocac. *prop. filios*.

10 Mater, vel Nutrix, Avia, vel Ancilla si detineant infantem in lecto sine præfinita cautione, nullam committunt culpam, vel incurrunt censuram, quoties certò (moralitertitudine) ipsis constat, nullum omninò subesse suffocationis periculum: Tùm quia eo casu sicut cessat prohibitio juris naturalis, sic etiam cessare censetur prohibitio juris positivi: Tùm quia lex Ecclesię tali casu redditur inutilis, & consequenter deficit ejus obligatio. Nam mens Ecclesię, siue Legislatoris Ecclesiastici eò tendit tantum, vt impediatur infantium suffocationes. Uide supra *annotat.* 4. n. 26. & sequen. & Doctores ibi citatos.

11 Parentes & Nutrices, aut illi, quibus infantis cura demandata est, si quo tempore somnum capere non possunt, diù, imò diutissimè puerulos in lecto teneant, absque ulla cautione, seclusoque periculo, ne somno corripiantur, neque peccant, neque innodantur censura. Ratio est jam allata, quia rota ratio prohibitionis tam juris naturalis, quam Episcopalis eò spectat, vt impediatur infantium suffocationes. Uide cit. *annot.* 4. num. 21.

12 Mater, aut Nutrix, quę gravi metu compulsa detinent infantem in lecto cum suffocationis discrimine, excusantur quidem ab excommunicationis censura, non tamen à lethali culpa. Prior pars patet, tùm quia leges humanę, quales sunt etiam censurę non obligant cum tanta severitate, teste Filliuc. trac. 11. c. 6. quæst. 4. num. 171. Layman lib. 1. trac. 3. par.

par. 1. cap. 5. num. 9. excepto, si metus fuisset incussus in contemptum legislatricis Ecclesiasticæ potestatis. Tùm quia ad incurrendam censuram requiritur contumacia, qui autem ex gravi metu aliquid agit, alioquin non acturus, is non censetur contumax: Ego, &c. Posterior pars probatur, quia detinere infantem in lecto cum periculo suffocationis est intrinsecè malum: quæ autem sunt intrinsecè mala, ob metum etiam gravissimi mali non sunt licita. Rationem assignat S. Tho. in 4. dist. 29. quæst. vni. art. 2. ab omnibus receptus: Quia, ut metus factum alioquin illicitum, cuius causa existit, à culpa excuset, necesse est, ut sit majoris mali, quàm sit illud, quod metus causa suscipitur: cum autem peccatum omnibus aliis malis majus sit, teste S. Augustino lib. 1. de civit. Dei cap. 18. Idcirco metus nunquam excusat factum, quod de se est malum & peccatum, cuiusmodi est etiam detentio infantis in lecto cum probabili suffocationis periculo. Ita Sylvest. v. metus, quæst. 1. Navar. in man. cap. 27. num. 63. Suarez de censu. li. 3. disp. 4. sect. 3. num. 14. Layman lib. 1. trac. 2. cap. 6. num. 7. & trac. 5. par. 1. cap. 5. num. 9.

# A L I Æ C E N S V R Æ ,

*Præter in Edicto contentas,  
reservatæ :*

Quamvis tria tantum censurarum genera, quæ iam discussimus, reserventur hocce primo casu; ne arbitrentur propterea Confessarii à cæteris omnibus censuris, quæcunque illæ sint, & à quocumque Superiore latæ, sibi licere pœnitentes absolvere. Nam præter censuras in Edicto reservatorum contentas, aliæ præmultæ reperiuntur; reservationi subjicte.

Primò quæ in Bulla Cenzæ Domini clare, vel dubiè continentur, quarum vincula nullus Confessarius tam Regularis, quàm secularis extra mortis articulum relaxare valet, cum Summo Pontifici privatè reservetur, præterquam si legitimum, & perpetuum superveniat im-

pedimentum; quo casu censuras Papales ad Episcopum devolvi, resolutum fuit in priori Elucidarii parte resol. 99. & 100. & docet Sylvest. v. *absolutio* 4. num. 3. ex communi.

Secundò censuræ, quæ eidem Summo Pontifici sed extra Bullam sunt reservatæ, à quibus Confessarii non privilegiati absolvere nequeunt, secluso mortis articulo.

Tertiò censuræ, quæ jure communi, tum in Conciliis generalibus Episcopo reservantur, à quibus quilibet Confessarius secularis cavere debet, ne quem hujusmodi censuris innodatum absolvat, nisi generalis absolvendi ab omnibus censuris Episcopo reservatis sibi delegata sit facultas. Nam in Edicto reservatorum continentur tantum censuræ, quæ statuto Provinciali, vel Diocesani, non quæ jure communi Ecclesiastico, vel ex privilegio Tridentini (quales sunt censuræ omnes, & irregularitates occultæ, excepta ea, quæ oritur ex homicidio voluntario) Episcopo sunt reservatæ. Quarum licet in casu nulla fiat, mentio, non propterea desinunt esse reservatæ, cum altiori potestate reserventur. Ut igitur censuræ hujusmodi omnibus Confessariis innotescant, laboreque levetur eas apud alios Auctores requirendi; hic seorsim apponere non absre duxi.

## EX COMMUNICATIONES

*Papæ reservatæ, in Bulla Cenzæ  
Domini contentæ :*

1 In hæreticos, Apostatas à fide, credentes, receptatores, fautores, defensores hæreticorum, legentes eorum libros de religione transactantes, retinentes, imprimentes, defendentes. Item in Schismaticos.

2 In appellantes ad futurum Concilium ab ordinationibus, sententiis Summi Pontificis, & ad hoc dantes consilium.

3 In pyratas, cursarios, latrunculos maritimos discurrantes mare Ecclesiæ.

4 In surripientes Christianorum naufragantium bona:

quotannis ex Ordinariorum mandato in singulis Parochiis populo prælegendam esse: singulosque Parochos, ac Confessarios debere hanc Bullam penes se habere, frequenter legere, & diligenter examinare. Ita colligitur ex literis, processus eiusdem Bullæ, teste Nauar. in man. c. 27. à nu. 36. usque ad 74. & Tolet. l. c.

An autem Episcopo vigore Concilii Trident. sess. 24. cap. 6. integrum sit absolvere à supradictis casibus, & censuris, quando occultæ sunt, & non deductæ ad forum contentiosum, vide in priori parte resol. 117.

## EXCOMMUNICATIONES

*Extra Bullam Cœnæ Domini,  
Papæ reservatæ.*

1 In percussores Clericorum, cap. *fi quis suadente* 17. quæst. 4. quæ extenditur etiam ad mandantem, consulentem, &c. requiritur tamen, ut percussio sit gravis.

2 In perseverantes, seu ut jura loquuntur, InforDESCENTES per annum in excommunicatione lata à Delegato Papæ, cap. *querenti de offic. deleg.*

3 In falsarios literarum Pontificalium. cap. *ad falsarios*.

4 In habentes literas Apostolicas falsas, & eas non destruentes intra viginti dies, cap. *dura de crimine falsi*.

5 In incendiarios ab homine excommunicatos, & denunciatos, cap. *Tua nos dñs sent. excomm. in 6.*

6 In Sacrilegos Ecclesias effringentes, cap. *Conquesti eodem 6.*

7 In communicantes in crimine cum excommunicatis à Papa, capit. *nuper eodem*.

8 In eligentes insignem potentia in Senatorem Romanum, cap. *fundamenta de Electione in 6.*

9 In vexantes eos, qui censuram in aliquos tulerunt, cap. *quicumque de sentent. excomm. in 6.*

10 In absolutos ab excommunicatione Papali sub conditione, & non impleta, *Part II.*

*cap. eos qui de sent. excomm. in 6.*

11 In offendentes Cardinales, cap. *scilicet de penit. in 6.*

12 In exigentes tributa à personis Ecclesiasticis, cap. *Clericis de immunitate Ecclesiarum in 6.*

13 In violantes interdictum modis prohibitis. In *Clem. gravis de sententia excomm.*

14 In falsificantes monetam Regis Franciæ, *extr. prodians de crimine*.

15 In exenterrantes corpora defunctorum. *Extrav. 1. de sepul.*

16 In violantes interdictum Sedis Apostolicæ *extr. etsi de pen. 9. remiss.*

17 In conspirantes in personam Romani Pontificis *extr. ead.*

18 In dantes, & recipientes ob ingressum Religionis, *extr. 1. de simonia*.

19 In Simoniacos in ordine, & beneficio. *extr. 2. de simonia*.

20 In taxantes opiniones de Conceptione Beatæ Mariæ Virginis. *extr. grave nimis de vener. Sanctorum*.

21 In dantes, & recipientes pro gratia, aut iustitia apud Sedem Apostolicam. Greg. XIII. *Ab ipso Pontifice 24.*

22 In offendentes Magistratus Provinciæ Marchiæ Anconitanæ. *extr. dierum de penit.*

23 In dantes nunciatis provisiones beneficiorum vacantium in curia. Greg. XIII. *Sollicitè 4.*

24 In occupantes bona Cardinalium in Conclavi existentium. Concil. Constant. sess. 41. *decret. Omnis ætas*.

25 In fingentes se Nepotes Cardinalium, ut expediant literas Apostolicas. Lee E. *Inherendo 27.*

26 In impediennes executionem literarum sacræ Pœnitentiariæ. Julius III. *Rationi congruit 1.*

27 In supponentes se in examine, ut beneficia impetrent pro alio Paul. IV. *Iuter cætera 12.*

28 In ambientes Papatum, ejusque causa simoniam committentes. Paul. IV. *Cum secundum Apost. 16.*

29 In committentes duellum, consules, concedentes locum, &c. Pius IV. *ea quæ 21.*

30 In deferentes alumina ex partibus inf.

59 In Superiores Regularium, non denunciantes suos, qui sollicitant mulieres in confessione. Paulus V. *anno 1606.*

60 In Minores recipientes fratres Ordinis Predicatorum sine licentia Papæ. D. Antoninus 3. *part. titul. 24. cap. 70.*

61 In Minores de observantia subornantes in electionibus, vel procurantes favorem extra ad officium obtinendum in Religione. Pius V. *Pastoralis 128.*

62 In claustrales recipientes minimos sine licentia Papæ. Julius II. *Virtute conspicuus. Leo X. licet alias.*

63 In Tertiarios Eremitas, &c. portantes habitum Minimorum. Leo X. *Cum sicut.*

64 In Minimos subtrahentes se ab observantia correctorum. Paulus V. *Cum sicut.*

65 In Minores tempore interdicti, admittentes fratres tertii Ordinis ad divina. Clem. *Cum ex eo, de sentent. excomm.*

66 In recipientes aliquem à Societate Iesu, exceptis Cartusianis sine licentia sui superioris, & contra ipsos de Societate ingredientes Religionem aliam à Cartusiana: & contra dantes auxilium. Pius V. *equum reputavimus.*

## IN PERSONAS.

### Publicas.

67 In Episcopos, aliosque Ordinarios, qui vexant per censuras eos, qui pro suis negotiis, vel pro servitio Papæ, & Curie Romæ commorantur: *extra 3. de privi.*

68 In Cardinales, non servantes statuta à Julio II. ut scilicet sine simonia eligatur Papa. Julius II. *cum tam diu 103.*

69 In Cardinales revelantes gesta in secreto consistorio, præcepta sub silentio reservari. Leo X. *Superne 7.*

70 In Episcopos, qui in suspensione conferunt beneficia. Pius V. *Quanta 58.*

71 In Cardinales ambientes Papatum,

eiusque causa simoniam committentes. Paul. IV. *cum secundum.*

72 In Cardinales simoniacos in ordine, & beneficio. Pius V. *Intolerab. 85.*

73 In Prelatos, qui personam Ecclesiasticam, Collegium, vel conventum, traxerint ad forum laicale, pro causis, quæ spectant ad forum Ecclesiasticum. Martinus V. *Ad reprimenda 10.*

74 In Dominos temporales, cogentes aliquem tempore interdicti. Clem. *gravis de sent. excomm.*

75 In prohibentes subditis, ne quidquam vendant Ecclesiasticis, neque ab eis emanet. C. *fin. de immuni. Eccles. in 6.*

76 In bannientes regulares, aut proscriptores personas Ecclesiasticas. Urbanus VI. *Quia sicut 3.*

77 In concedentes, vel permittentes duellum in terris suis. Concil. Trid. *sess. 21. cap. 19. Clem. VIII. Illius vices 11.*

78 In Inquiltores inferiores Episcopis, & malè procedentes, contra hæreticos. Clem. *Multorum.*

79 In officiales sacre Pœnitentiariæ expedites, aut concedentes sibi interdicta. Pius V. *In omnibus rebus 83.*

80 In officiales non redentes integrè computa Cameræ Apostolicæ. Paul. III. *Cum sicut 40.*

81 In officiales quoscumque Papæ (præter Cardinales) recipientes munera, præter comestibilia biduo consumptibilia, dantes, & recipientes. Paul. III. *Munera 3.*

82 In Legatos, & Gubernatores faventes, vel defendentes bannitos, & homicidas. Pius V. *Ex superne 10.*

Circa quas excommunicationes notandum est, licet olim Regulares vigore forum privilegiorum, à supradictis casibus, & excommunicationibus extra bullam Cœnæ laris, absolvere possent; nunc ipsis amplissimè derogatum esse per decretum supra relatum Clem. VIII. quoad nonnullos casus, à quibus, ut ibi etiam notatum fuit, prohibentur absolvere sub penis in illo contentis: sunt autem sequentes.

1 Violantes immunitatem Ecclesiasticam in terminis constituit. Gregor. XIV.

bentes: habetur *sess. 24. cap. 6. de reform.* Et hæc similiter non est reservata, teste Tolet. lib. 1. cap. 41. n. 4.

Quarta contra illos, qui quovis modo subditos suos, vel quoscunque alios cogunt minus liberè matrimonia contrahere. *sess. 24. cap. 9.* Non est reservata, teste eodem Tolet. *loc. cit.*

Quinta contra Magistratus seculares, qui non præbent auxilium invocatum ab Episcopis ad restituendam, vel conservandam clausuram Monialium. *sess. 25. c. 5. de regul.* Sed nec ista est reservata, teste eodem Doctorem cit. n. 5.

Sexta contra ingredientes septa monasterii Monialium cujuscunque generis, aut conditionis sexus, vel ætatis fuerint, sine licentia Episcopi, vel Superioris in scriptis obtenta. *ibidem.* Hæc excommunicatio hodie per Gregor. XIII. & Pium V. est Papæ reservata; ut supra dictum est.

Septima contra eos, qui cogunt aliquam feminam, præterquam in calibus juris expressis ad ingrediendum monasterium, vel ad suscipiendum habitum religionis, vel ad emitendam professionem; quivè consilium, vel favorem in id dederint, vel scienter ejusmodi actui præsentem fuerint, *sess. 25. cap. 18.* hæc excommunicatio nemini est reservata. Tolet. n. 6. Bassæus cit. n. 7.

Octava contra eos, qui sanctam Virginum, vel aliarum mulierum voluntatem veli accipiendi, vel veli profitendi quomodo sine justa causa impederint. *Ibidem.* Hæc etiam non est reservata, teste Tolet. & Bassæo *ll. cc.*

Nona est contra Imperatores, Reges, Duces, Principes, Marchiones, Comites, aliosque Dominos temporales, concedentes locum in terris suis ad duellum contra duellum committentes, & eorum. Patrinos, & extenditur ad consilium dantes, & duelli spectatores, dummodo scienter, & ex industria illud spectent *sess. 25. cap. 19.* Sed hæc excommunicatio hodie per Clem. VIII. est Papæ reservata.

## S V S P E N S I O N E S

*In Sacrorum Canonum Episcopo reservata.*

Prima est in conferentes, vel recipientes beneficia eorum, qui ad Romanam Curiam se contulerunt, vel in eadem officia sustinent. *Extravag. 3. de privil.*

Secunda in Clericos recipientes Ordines sacros post matrimonium, tam ratum, quàm consummatum. *Extrav. antiq. de voto.*

Tertia in simoniacos in ordine. *Extr. Pauli II. de simon.*

Quarta in iurantes de tenendo schismate. *cap. 1. de schismate.*

Quinta est in alienis debitis gravantes Ecclesias sibi commissas, *cap. 2. de solutionib.*

Hæ suspensiones licèt in corpore iuris notam reservationis Episcopo non afferant, usus tamen obtinuit, ut Episcopo reserventur, teste Ignatio Lupo de calib. *refer. par. 2. cas. 1. de suspens. pagin. 358. n. 19.*

## S V S P E N S I O N E S,

*Iure Concilij Tridentini Episcopo reservata.*

Suspensiones, quæ in Concilio Tridentino habentur, & Episcopo reservantur, sunt sequentes.

Prima est in eos, qui recipiunt Ordines cum literis Capituli, Sede vacante, infra annum: præterquam si fuerint archiati. Concil. Trident. *sess. 7. cap. 10. de reform.*

Secunda est in recipientes eosdem Ordines sine testimonio proprii Ordinarii de sua probitate. Trident. *sess. 23. cap. 8. de ref.*

Tertia est contra Parochos, vel Sacerdotes tam regulares, quàm seculares, qui alterius Parochiæ sponfos, sine ipsorum Parochi licentia, matrimonio conjungere, vel benedicere ausi fuerint. Trid. *sess. 24. cap. 1. de reform. matrim. Quæ suspensio*

N 3 sio

sio permanet, donec ab Ordinario Parochi, qui matrimonio assistere debebat, tollatur.

Quarta in recipientes ordines, seu promotos per saltum. Tridentin. sess. 23. cap. 14.

Quinta in occupantes bona, census, &c. Ecclesiæ, beneficij, vel pij loci. Trid. sess. 22. cap. 11. de reform.

Sexta in Ecclesiasticos raptores, vel præbentes auxilium, &c. raptori. Trident. sess. 24. cap. 6. de reform.

## S U S P E N S I O N E S.

*Quæ à Summo Pontifice reservantur Episcopo.*

Prima est in recipientes ordinem sacrum ab alieno Antistite sine licentia proprii. Pius I. *cum ex sacrorum* 6.

Secunda in recipientes ordines sacros ante legitimam ætatem. Et est suspensio ab ordine suscepto; quæ non tollitur, adepta legitima ætate, sed per legitimam absolutionem. Pius II. *cum ex sacrorum* 6.

Tertia est in recipientes eosdem sacros ordines extra tempora à jure statuta, sine dispensatione. Pius II. *ibidem*.

Quarta est in disputantes de conceptione Beatæ Virginis. Pius V. *super specula*. Paulus V. *regis pacifici*. Gregorius XV. apud Bonac. *de suspens. dub.* 3. punct. 5. §. 1. num. 37.

Pœnitentiarii tamen adveſtant, integrum sibi non esse supra dictarum suspensionum vinculo innodatum absolvere, nisi generalis absolventi ab omnibus censuris Episcopo reservatis sibi delegata sit facultas. Nam in edicto reservatorum, & eorum concessione non continentur censuræ jure communi, vel Conciliorum generalium Episcopo reservatæ. Insuper in re tam ardua, & gravi facile non debere quarumcumque suspensionum vincula relaxare, nisi prius consulto Episcopo: ut communiter monent Doctores.

## INTERDICTA IURE COMMUNI

*Vel consuetudine Episcopo reservata.*

Censuræ interdictorum latæ sententiæ, quæ tùm iure communi, tùm consuetudine Episcopo reservantur, sunt sequentes.

Primum interdictum est in universitatem, concedentem domos manifestè usurarijs, ad sœnus exercendum, cap. 1. *de usuris* in 6.

Secundum in universitatem, concedentem repræſalias, seu pignorationes contra personas Ecclesiasticas, vel earum bona cap. *Clericis de imm. Eccl. in 6.* & cap. *unico de iniurijs* in 6.

Eadem pœna extenditur ad universitates imponentes, vel exigentes decimas, talias ab Ecclesiasticis, *eod. cap.*

Tertium in locum, vel Civitatem, quæ injuriosè, vel temerè percutit, capit, seu bannit, occidit, &c. suum Episcopum. *Clem. 1. de pœnit.* Et hæc interdicta sunt generalia. Specialia verò sequentia.

Quartum est in recipiendum Episcopatum, Abbatiam, vel aliam dignitatem de manu laici. cap. *si quis deinceps* 16. quest. 7.

Quintum in Ecclesiasticos, qui violant interdictum locale, sive ab homine, sive à jure latum. cap. *Episcoporum de privileg.* in 6.

Sextum in Sacerdotem, qui admittit nominatim interdictum, vel excommunicationem ad divina officia. cap. *significavit de sent. excomm.*

Septimum in judicem, qui in ferenda excommunicationis, vel alterius censuræ sententia, non servat juris ordinem, habetur in cap. *cum medicinalis de sent. excomm.* in 6.

# INTERDICTVM

*In Concilio Tridentino Episcopo  
reservatum.*

Est est contra Capitulum, Sede vacante intra annum à die vacationis concedens dimissorias, ad ordines suscipiendos, non arctato. Concil. Trident. sess. 7. de reform.

Hic admonuerim, absolutionem ab interdictis generalibus supra enumeratis, quando non sunt occulta, ab Episcopo concedendam non esse, nisi sapientissimo consilio, re bene expensa, & discussa; ne videatur ponere falcem in messem alienam, contra cap. *Venerabilem de electio.*

## DE ABSOLUTIONE

A Censuris.

- 1 *Censura tollitur tantum per absolutionem.*
- 2 *Quotplex sit forum.*
- 3 *Absolutio à censura an præcedere debeat satisfactio.*
- 4 *Forma in foro Penitentiae servanda, cum absolutio datur à censura.*
- 5 *Absolutio à censura in foro conscientiae an in confessione sit impendenda.*
- 6 *Quid profit absolutio in foro conscientiae.*
- 7 *An absolutio in foro conscientiae sit danda, quando censura est notoria.*
- 8 *Quid quando ad forum externum fuit deducta, sed non probata censura.*
- 9 *An Parochianus possit absolvi à proprio Parocho extra Parochiam.*
- 10 *Absolutus in articulo à censura, quando reincidat, si Superiori se non sistat.*
- 11 *Violans censuram quando irregularitatem contrahat.*
- 12 *Quis absolvas à censura per sententiam particularem lata.*
- 13 *Forma in absolutione à censura in foro externo servanda.*

1 **C**um censura non tollatur per mortem, aut depositionem sententis, eo quod sit pena, per legitimam auctoritatem inflicta, & transeat in rem iudicatam, semelque contracta per seipsam non cesset, si absolute, & indefinite lata sit: Ideo nullo alio modo tolli potest, quam legitimi iudicis absolutione.

2. Circa quam notandum est, triplex esse forum: quoddam contentiosum, quoddam penitentiae, aliud verò medium inter utrumque, quod est forum conscientiae; sicut ex communi docet Sanchez lib. 8. de matrim. disp. 34. nu. 39. Forum contentiosum dicitur forum externum publicum, in quo quis absolvitur à censuris, servata forma iudicii, & solemnitate ab Ecclesia praescripta, de qua infra. Forum penitentiae est, in quo quis, audita peccatorum confessione, à peccatis simul, & censuris absolvitur. Forum verò conscientiae est, in quo auctoritatem habens ordinariam, vel delegatam extra sacramentalem confessionem censuris innodatum absolvit, sed tamen in foro secreto, hoc est, sine testibus, & forma iudicii. Sicut ergo triplex, & varium est forum, ita triplex, & varius est modus, qui servari debet in relaxanda censura. Vide in priori parte resol. 51. ubi fusius de hac re agitur.

3 Primo igitur Penitentiarius, vel Delegatus absolutionem à censura etiam in foro interno conferre non debet, nisi prius lesi parti satisfactum sit. Nomine patris intelligitur persona, quae lesa fuit: Nomine verò satisfactionis intelligitur restitutio honoris, fame, vel bonorum fortune. Quod si absolvendus satisfactionem realem tunc exhibere non possit, cautionem juratoriam prestare debet de satisfaciendo, cum poterit. Quod sufficit, etiam si facultas absolvendi delegata sit cum conditione satisfactionis: Quia ad impossibile nemo tenetur. Ita Navarr. c. 27. nu. 279. Fill. l. c. nu. 29. Dian. p. 1. & par. 5. tract. 9. resol. 13. Vide, quae fusius dicta sunt in priori Elucidarii parte resolut. 90. v. *secunda conditio.*

4 Secundò, quamvis ad absolutionem censuræ in foro penitentiae, vel conscientiae



tiq non sit necessaria certa, & determinata forma, sed sufficientia hæc verba. *Ab-solve te à vinculo excommunicationis, vel suspensionis*, &c. imò secundum Navar. de pœnit. dist. 6. cap. 1. Henriqu. lib. 4. cap. 11. numer. 3. litera X. Filliuc. trac. 11. num. 328. satis sit, si Sacerdos utatur his verbis: *Ab-solve te*: Modò iisdem verbis intendat absolvere à censuris, & à peccatis: quo casu absolutio à censura censetur prior ordine, quàm absolutio à peccatis.

Consuetum tamen est, ut absolutio, quæ presentibus confertur, talibus verbis fiat: *Ab-solve te à vinculo excommunicationis, suspensionis, &c. quam incurristi propter tale crimen, vel talem causam, & (si sit excommunicatus) restituo te Sacramentis Ecclesie, communioni fidelium: aut (si sit suspensus) executioni tuorum Ordinum, vel Officiorum in Nomine Patris, &c.*

5 Tertiò si facultas absolvendi à censuris concessa sit in foro conscientie, vt regulariter concedi solet Confessariis delegatis: quod colligitur ex verbis præfationis, in deleganda facultate, quæ sic habet, *in foro conscientie*, potest delegatus uti ea facultate etiam extra sacramentalem Confessionem, quoties absolutio cadit super materiam, ad quam per se non requiritur sacramentalis absolutio: Tùm quia aliud est forum conscientie, aliud pœnitentie: Tùm quia censura, v.g. excommunicatio, etsi culpam supponat, in se tamen culpa non est, sed pœna, & ut pœna ex natura sua non petit auferri in Sacramento pœnitentie. Ita docet Sanchez l. 8. de matr. disp. 15. nu. 25. Laym lib. 5. trac. 6. ca. 10. nu. 21. Diana par. 4. trac. 4. resol. 8. Joseph. de Janua. de casib. reserv. resol. 23. nu. 3.

Hinc inferitur validam esse absolutio-nem à censuris collatam à Pœnitentiaro in confessione invalida. Nam actus agentium si non valent eo modo, quo fiunt, valent eo modo, quo fieri possunt. Vnde talis absolutio si non valet ut sacramentalis, ut collata in foro conscientie, Regulariter tamen absolutio à censuris impertiri debet, audita confessione, sicuti rectè monet Navar. in man. c. 26. n. 7.

Quartò præmonendus est pœnitens absolutionem in foro conscientie nihil ei prodesse pro foro externo, cùm remaneat semper saluum jus apud Superiorem cognoscendi de illo delicto in foro exteriori, & pro eo pœnam, & satisfactionem imponendi, neque tollatur ut tertii. Sed ei prodesse tantum coram Deo; operarique, ut absolutus in foro conscientie validè, & licite ministrare, & recipere Sacramenta, nullamque irregularitatem incurrere possit. Sicuti docent Navar. lib. 5. confil. de sent. excomm. confil. 15. Filliuc. trac. 11. cap. 9. quæst. 7. num. 292. Rodriguez tomo primo quæstion. Regular. quæst. 61. art. 16.

Quintò si censura ad forum judiciale deducta, vel deducenda est, nullo modo delegatus ab ea debet absolvere. Idemque dicitur si notoria sit in ratione contracte censuræ, non quoad actum externum tantum: propterea quod reus, postquam absolutionem in foro conscientie à censuris obtinuit, non ita efficaciter ad prestandam satisfactionem urgeri possit. In hoc tamen secundo casu in rigore valida esset. Sanchez lib. 8. de matrim. disput. 34. num. 56. Navar. in man. capit. 27. numer. 241 & 253. Henriquez lib. 13. cap. 28. num. 1. Conine K disput. 14. dub. 16. numer. 206. Vide in priori parte Resolut. 111. Dicitur autem censura deducta, secundum Avilam, Henriquez, quos sequitur Sanchez lib. 2. moral. capit. 11. num. 22. cùm denunciatio, seu accusatio de illa coram legitimo Iudice facta est. Alii tamen placet requiri litis contestationem, per citationem, & responsum. Dian. septima parte, trac. 2. resolut. 27. Barbosa de Offic. Episc. alleg. 39. numer. 31. Vide supra in priori parte Resol. 103.

8 Sextò, si reus, cujus contracta v.g. excommunicationis censura ad forum contentiosum fuit deducta, in iudicio non est convictus, sed potius se purgavit & falsis testibus, aut via iniqua se defendit, ab Ordinarioque fuit absolutus definitivè, vel ab instantia, censi; debet excommunicatio adhuc occulta: Ideoque ab illa poterit generaliter delegatus in foro conscientie absolvere; cùm non

non fuerit deducta ad forum contentiosum cum affectu, neque probata. Ita Clavis Regia lib.6. cap.11. num.83. Rodriguez primo tomo quæstion. Regular. quæst.61. artic.9. Henriquez lib.8. cap.16. contra Toletum lib.1. cap.83. Quæ doctrina accomodari potest casibus, & censuris Papæ reservatis, & ad forum contentiosum deductis, à quibus reus non convictus potest deinde ab Episcopo in foro conscientie absolvi juxta concessionem Trid. sess.24. cap.6. Vide, quæ diximus in priori Elucidarii parte resol. 105.

9 Septimò Parochus, vel Confessarius facultatem absolvendi à censuris Episcopo reservatis delegatam habens in aliquas personas, potest Parochianos, & subditos ubique etiam extra Parochiam, & Diocesim absolvere: Quia jurisdictio, quæ absque strepitu judicii exercetur, potest extra propriam Paræciam, & Diocesim exerceri: Et cum isti jurisditionem habeant in personas pœnitentium, non attenditur territorium, vel præsentia localis, sed tantum persona. Ita Sanch. de matrim. lib.3. disp.19. nu.3. & lib.2. moral. cap.11. num.16. & 17. Regin. lib.1. n.93. Dian. par.3. resol.144. & par.7. tract.2. resol.8. & 9.

10 Octavò Confessarius, qui in mortis articulo, vel ob legitimum impedimentum, aliquem à censura reservata absolvit, monere desiet pœnitentem, ut si convalescit, vel cessante impedimento, cum primùm commodè poterit, se præsentet Superiori, cui censura reservata erat, ut obediat ejus mandatis: alioquin reincidit in eandem specie censuram: Qui casus expressè habetur in *cap. eos, qui de sentent. excomm. in 6.* Vide, quæ diximus in priori Elucidarii parte resol.90.

11 Nonò observabit, si Clericus violavit censuram, exercendo actum proprii ordinis, quòd irregularitatem contraxit, à qua, si est notoria, solum Summus Pontifex dispensare potest, si verò occulta, quæ talis censetur, quamvis nonnullis in vicinia, Collegio, Monasterio innotescat, etiam Episcopus dispensare cum sibi subditus sit in foro conscientie non prohibetur. Trid. sess.24. cap.6. Vide Sanch. l.2.

mor. cap.11. & lib.8. de matrim. disp.34. Qui lib.1. moral. cap.12. rectè notat cum Navar. in man. cap.27. n.239. talem irregularitatem non incurri, si Clericus censuram violet, exercendo actum ordinis, ad vitandam infamiam, vel vitæ periculum: Quia lex naturalis, & divina, inquit Navar. de defendenda propria vita, & fama, præstat legi humanæ de abstinendo à sacro in censura. Imò ratione etiam vitandi scandali, vel ob ignorantiam, inadvertentiam, aut oblivionem. Vide etiam Molinam tract.3. disp.79. & Dian. par.4. tract.2. resol.90.

12 Decimò delegatus ignorare non debet per facultatem sibi collatam absolvendi ab omnibus censuris, in primo casu expressis, non propterea integrum sibi esse absolvere à censura per sententiam particularem ab Ordinario lata, quamvis esset occulta: Quia talis censura non comprehenditur sub genere censurarum, quæ continentur in casu. Quare ab hujusmodi censura is tantum potest absolvere, qui eam tulit, vel Superior eius, vel successor in officio, vel ab ipsis specialiter delegatus. Secus dicendum, si censura per sententiam generalem lata sit: nam hæc non distinguitur à censuris Edicto Episcopali decretis, quorum vincula ab habente facultatem generaliter delegatam in foro conscientie possunt relaxati. Vide supra *annor.4. n.10. & seq.* & Bonac. de censur. disp.1. quæst.3. punct.1. nu.1. Tolet. lib.1. cap.16.

An autem, qui delegatam absolvendi à censuris in primo casu expressi facultatem habet, eam aliquando alteri Sacerdoti subdelegare possit, vide in priori Elucidarii parte resol.36.

## DE FORMA IN ABSOLUTIONE

### *A censura in Foro externo servanda.*

13 Quamvis absolvendi à censuris potestas respectu Confessarii delegati limitetur ad forum conscientie tantum, ut constat ex supradictis: quia tamen non raro Parochus, ceterisque Cōfessariis etiam in foro externo relaxandi censuras solet

ab

ab Ordinario delegari facultas: Ideò formam in tali foro in absolutione cussuscunque censurę servandam hęc addicere non alienum ab instituto duxi.

In absolutione itaque, quę in foro externo impenditur, is ritus servari debet.

Primò petitio absolutionis p̄cedere debet, non ex necessitate absolutionis, sed ex congruitate.

Secundò, jubente Pœnitentiario, debet pœnitens juramento promittere se, pariturn mandatis Ecclesię, & p̄cipuè deinceps non transgressurum decretum, ob cujus violationem censura innodatus fuit.

Tertiò, si censura cum alterius damno contracta sit, satisfactio realis p̄mittenda est, si fieri possit: sin minùs cautionem saltem juratoriam quamprimùm parti lēsę satisfaciendi absolvendus p̄stare debet Bonac. de cens. disp. 1. qu. 3. punc. 9. ex communi.

Quartò Pœnitentiarius sedens cooperato capite pœnitentem censura irretitum, coram se genuflexum virga, vel funiculo, aut flagello super humeros denudatos leviter percutit, recitando totum Psalmum miserere. Hujusmodi verò cęremonia denudationis, & percussionis interdum omitti potest, & interdum debet, ut in fœminis.

Quintò, dicto Psalmo *Miserere*. Pœnitentiarius surgat, & aperto capite, recitet preces in Rit. Rom. p̄scriptas, deinde rursus sedeat, & operto capite in absolutione ab excommunicatione dicat.

*Dominus noster Iesus Christus te absolvat, & ego auctoritate ipsius, & Beatorum Apostolorum Petri, & Pauli, & Illustrissimi, & Reverendissimi Episcopi nostri Marini Ioannis Georgii tibi commissa, & concessa, absolvo te à vinculo excommunicationis, quod incurristi propter talem casum, (& si excommunicatus fuit denunciatus, addat) & restituo te Sacramentis, & communioni fidelium in nomine Patris, &c.*

In absolutione verò à suspensione in eodem foro externo, servata prorsus eadem forma, & cęremonia, dicat.

*Dominus noster Iesus Christus te absolvat,*

*& ego auctoritate ipsius, & Beatorum Apostolorum Petri, & Pauli, & Illustrissimi, & Reverendissimi Episcopi nostri Marini Ioannis Georgii tibi commissa, absolvo te à vinculo suspensionis, quod incurristi ob talem causam, & restituo te pristinę executioni tuorum Ordinum in nomine Patris, &c.*

In absolutione demùm ab interdicto foro externo, delato priùs interdictis juramento, & p̄stita cautione faciendi id, quod Ecclesia, seu Superior intendit, dicat.

*Dominus noster Iesus Christus te absolvat, & ego auctoritate, &c. ut supra, relaxo Interdictum Ecclesiasticum, quod incurristi ob tale crimen, vel causam, & restituo te ingressui Ecclesię, Divinis officiis, & Ecclesiasticę sepulture in nomine Patris, &c.*

Imposita demùm pro gravitate delicti salutari pœnitentia, si à Superiore delegante non fuit p̄scripta, publicanda est absolutio, si delictum erat publicum, & censura denunciata, ne fidelibus cum eo participantibus scandali, & ruine occasio p̄beatur. De cujus absolutionis ritu vide, quę adamussim p̄scribit Rituale Romanum, de forma servanda in absolutione ab excommunicationis censura. In absolutione autem à censuris pro solo foro conscientię, non est opus has cęremonias servare: Consule Navar. in man. cap. 26. num. 8. & 13.

Sayrus de censu. lib. 18.

Filliucius trac. 11.

nu. 333.

(.)

IN SECVNDVM CASVM

In Edicto, seu Tabella Reservationis sub his terminis Propositum.

*Homicidium voluntarium, mandatum, seu consilium.*

ANNOTATIONES.

Quamvis latissimum hunc strictis, & paucis condiderit casum, sibi que reservaverit Sapientissimus Legislator, non tamen strictas, & paucas, sed plures, & graves in se continet difficultates. Si quidem non unicum, sed tres, easque iniustas, in hominis necem efficaciter influentes, complectitur actiones. In quarum numerum venit. Primò homicidium voluntarium. Secundò mandatum Famulo, vel sicario impositum hominem occidendi. Tertiò consilium alteri hominem enecandi datum. Cum igitur hæc iniquæ, ac immanes, jureque naturali, Divino, ac humano damnatæ actiones sint tres, & distinctæ, ternoque, ac distincto influxu in necem hominis concurrant: Idcirco casum hunc in tres etiam distinguere partes, singulasque distinctis expendere, ac exponere tractatibus, ut facilius, clariorque Confessariis fiat earumdem cognitio, eodem servato ordine, quo proponuntur in casu, opere pretium censui.

IN PRIOREM SECVNDI GASVS

Reservati Partem in Edicto reservationis sub hac litera Expressam.

*Homicidium voluntarium.*

ANNOTATIONES.

- 1 Homicidium propriè dicitur iniusta hominis decissio.
- 2 Mortuum hominem qui vulnerat, vel abscecidit cum intentione etiam occidendi vinum repertum non committit bo-

cidium.

- 3 Homicidii reus non est, qui corpus adhuc rationali animæ non informatum disperdit.
- 4 Homicidium aliud casuale, aliud voluntarium.
- 5 Homicidium casuale duplex, aliud casuale merum, aliud casuale mixtum.
- 6 Homicidium voluntarium quid sit.
- 7 Homicidium tantum voluntarium reservationi est obnoxium.
- 8 Homicidium quadrupliciter potest esse voluntarium.
- 9 Ad incidendum in casum opus est, ut homicidium vel in se, vel in causa proxima sit voluntarium.
- 10 Qui in se, vel in causa propinqua procurat fœtus animati abortum, secuto effectu, verè, & propriè homicida est.
- 11 Nunquam Fœminis, ad vitandam infamiam, licet procurare abortum.
- 12 Matri gravidæ, alioquin morituræ, ad sanitatem ipsi conferendam, non est illicitum præbere pharmacum, licet exinde timeatur fœtus occiso.
- 13 Si cum morte secutura matris spes adest vitæ, & baptismi prolis, medicinis abstinendum esset.
- 14 Homicidium voluntarium, aliud quod publica, aliud, quod priuata auctoritate committitur.
- 15 Privato extra casum necessarie defensionis non licet occidere malefactoris.
- 16 Malefactoris occiso etiam ad ejusdem punitionem, privato jure facta, reservantis legis dispositioni est subiecta.
- 17 Cuiusvis è populo licet bannium, seu proscriptum occidere, postis quibusdam conditionibus.
- 18 An etiam proditoriè fas sit proscriptum interficere.
- 19 Proscriptus intra territorium Proscribentis si aggressorem occidat, committit homicidium reservationi obnoxium.
- 20 Reus publicos justitiæ ministros, à quibus ad carcerem, vel supplicium ducitur, occidens à mortali culpa, & reservationis pena non excusatur.
- 21 Interficiens bannium extra territorium proscribentis homicidii voluntarii est

- est damnandus.
- 22 Injustum invasorem quilibet prævenire, & occidere potest. Si quatuor concurrant conditiones.
- 23 Recensentur requisitæ conditiones.
- 24 In quo consistat moderamen inculpatæ tutele.
- 25 Invasus non tenetur omnimodam invasionem expectare.
- 26 Vir nobilis, & militaris in actuali aggressionem non tenetur, etiamsi possit, cum dedecore fugere.
- 27 Clericorum, & Religiosorum honor non in usu armorum, sed in humilitatis, ac patientiæ virtute consistit.
- 28 Invasus, quem oportet fugere, si non fugiat, sed aggressori resistat, eundemque occidat, homicidii crimen reservationi obnoxium non committit.
- 29 In ipsa aggressionem an liceat mortem aggressoris intendere.
- 30 Aggressorem propriæ vitæ non licet prævenire, antequam actum aggressionis mortaliter incipiat.
- 31 Referuntur aliqui casus, in quibus mortaliter censetur inchoata aggressio.
- 32 An etiam insidiatorem propriæ vitæ fas sit prævenire, & occidere.
- 33 Provocato ad duellum an licitum sit illud acceptare.
- 34 Sententia affirmans, quod vir equestris acceptare possit duellum, ne timidis notam incurrat, hodie manet damnata sub pœna excommunicatio. nis Papæ reservatæ.
- 35 Invasus etsi aliquando, invasorem occidendo, mortaliter delinquat, reservationem tamen non incurrit.
- 36 Sententia asserens licitum esse pro tuenda vita, quæ in iudicio impugnatur, occidere calumniatorem, falsos testes, iniquum iudicem olim speculative visum est probabilis.
- 37 Hodie verò tanquam falsa, & scandalo. sa remanet damnata per decretum Alex. VII.
- 38 Tam Clericis, quàm laicis licitum est occidere invasorem suorum facultatum, si illæ non sint modici momenti.
- 29 Quænam res in hoc casu censendæ sint modici momenti.
- 40 Raptor fugiens cum re modici momenti non potest occidi.
- 41 Si dominus rem suam per indicem possit recuperare, non potest domum furis ingredi.
- 42 Si dominus, re propria in specie non exstante apud furem, æquivalens ab ipso propria auctoritate auferat, anfurti crimen committat.
- 43 Homicidium in de fensionem facultatum quomodocumque commissum reservationi non est obnoxium.
- 44 Pro defensione honoris, & pudicitie, licitum est, quilibet invasorem occidere, si aliud remedium non suppetat.
- 45 Viro honorato licitum est occidere invasorem, qui fuisse, vel alapa conatur sibi inferre ignominiam.
- 46 Si, illata ignominia, statim invasor veniam petat, vel fugiat, non potest occidi.
- 47 Qui fuisse, vel alapa invaditur, ex præcepto charitatis tenetur fugere, si fuga non sit illi ignominiosa.
- 48 Pro defensione vitæ proximi licitum est aliquando invasorem occidere.
- 49 Homo non est dominus suæ vitæ, sed custos.
- 50 Non solum vitam, sed etiam honorem, & fortunam Proximi fas est nobis defendere.
- 51 Pro salvanda vita Proximi, nemo tenetur exponere periculo vitam propriam, sed neque fortune bona.
- 52 Privatus non tenetur vitam alterius privati defendere, si eam tueri non possit, nisi cum morte invasoris.
- 53 Qui Proximi necem, cum facile possit, impedire negligit, an homicidii reus sit censendus.
- 54 Quinam teneantur ex officio alterius vitam defendere.
- 55 Sub dispositione juris reservantis comprehenditur homicidium, dolo, & malo animo per actum positivum commissum, non verò per actum negativum permixtum.

## A N N O T A T I O I.

- 1 Q Vanvis homicidium, si ipsa nominis Etymologia spectetur, quæ-

quamlibet homines occisionem comprehendere videatur; simpliciter tamen, & propriè loquendo homicidium pro injusta hominis occisione sumitur, teste Tolet. lib. 5. cap. 6. n. 1. Finell. de cas. refer. cas. 4. num. 1. quæ scilicet quinto decalogi præcepto prohibetur, semperque adjunctam habet mortalem culpam. Et proinde quotiescumque apud Scriptores nominatur homicidium, accipitur pro prædicta occisione injusta.

2 Cum verò homo constet ex anima, & corpore, solius humani corporis animati erit occisio. Quare si quis corpus humanum jam mortuum perfodiat, abscindat, & quomodocumque obruncet, etiam eum intentione illud occidendi, si repertum esset viuum, homicidium non committit, neque statutis homicidia pœnis multatur, etsi puniri possit pro injuria mortuo illata. Sylves. v. *homicidium* 3, nu. 1. Couarr. super Clem. *si furiosus de homicidio*. Tolet. Finell. ll. cc.

3 Idemque dicitur de eo, qui corpus adhuc rationali anima non informatum disperdit, illum scilicet verè homicidium non committere, mortaliter tamen delinquere: quia etsi non eripiat animam, disturbat tamen nascentem: quod nullo bono fine potest honestari, teste Sanc. l. 9. de matrim. disp. 20. num. 10. Vide etiam Layman lib. 3. sect. 5. trac. 3. par. 3. cap. 4. n. 3.

## ANNOTATIO II.

4 Ceterum pro clariori casus notitia notandum est, quòd homicidium aliud voluntarium aliud. Casuale dicitur, quod casu, & per accidens evenit.

5 Quod rursus duplex est, aliud casuale merum, & inculpatum, aliud casuale mixtum, & aliquo modo culpabile. Casuale merum illud est, quod nullo modo neque in se, neque in causa fuit intentum, ac prævisum, sed omnino casu accidit. Casuale mixtum dicitur illud, quod partim est casuale, & partim voluntarium, casuale quidem in se, sed voluntarium in causa non omnino remota: idèquè aliquo modo culpabile.

6 Homicidium verò voluntarium illud

dicitur, quod ex advertentia rationis, & consensu voluntatis, idèquè deliberato, & malo animo committitur. Couarr. super Clem. *si furiosus par. 1*. num. 1. Navar. in man. cap. 15. n. 6. & cap. 27. n. 240. Graff. in praxi lib. 1. cap. 14. num. 5. Chapeavilla cap. 3. de homic. volunt. 2. Finell. loco cit. num. 4. Layman cit. capite 4. num. 1.

7 Igitur in homicidio ante omnia Confessarius attendere debet, casum an culpa, an dolo, sive voluntariè factum sit: Siquidem in casu non qualibet hominis occisio, etiam si culpabilis esset, sed homicidium tantum voluntarium reservationi subiicitur. Quod clarè constat ex litera reservationis, in qua ad excludendum tùm homicidium casuale, tùm illud, quod fit ex calore iracundiæ, & non rarò culpabile est, additur ea particula, *voluntarium*, Graff. Finell. ll. cc.

## ANNOTATIO III.

8 Verùm circa hunc terminum, *voluntarium*, diligenter advertendum est, quòd quadrupliciter homicidium potest esse voluntarium.

Primò directè, & in se, & est illud, in quod voluntas directè fertur, seu quod studiosè, & malo animo committitur; diciturque homicidium ex proposito, ac plenè voluntarium.

Secundò dicitur voluntarium indirectè, & est illud, quod voluntas intendit, non in se, sed in causa admodum propinqua, ex qua mors suapte natura consequi solet, vel ledere guttur, ferire punctum circa præcordia, vel cæsum circa caput, quamvis sine directo occidendi proposito. Cum enim ex tali vulnere regulariter soleat consequi mors; idcirco qui tale vulnus intendit, consequenter etiam homicidium in ea causa proxima intendere censetur.

Tertiò dicitur voluntarium in causa remota, vti si quis in ebrietate sciat se rixari solitum, & sibi occurrentes graviter percutere: si iste postea voluntariè se inebriet, & in ebrietate hominem occidat, hoc homicidium hujusmodi dicitur in causa

re-

remota voluntarium. Siquidem ex ebrietate suapte natura non solet consequi hominis occisio.

Quartò dicitur voluntarium mixtum, ut si quis ex metu gravi cogeretur alteri necem inferre: esset enim tale homicidium simpliciter voluntarium; involuntarium verò conditionatè, si videlicet metus intentati mali abesset: Ideoque mixtum ex voluntario, & involuntario. Vide Graff. Finell. Layman. ll. cc. Barbof. de potest. Episc. par. 3. alleg. 51. n. 3. Mazuch. dif. 2. cap. 7. quæst. 2. num. 97.

9 Modò et si ille terminus, *voluntarium*, latitudinem habeat; in materia tamen reservationis, utpote otiosa strictè sumendus est: & sic in nostro casu pro certo statuendum est, ad incidendum in reservationem non sufficere homicidium, quod tantum in causa remota sit voluntarium, & multò minùs voluntarium mixtum; sed requiri homicidium, quod sit voluntarium vel in se, hoc est, dolo, & malo animo commissum, vel saltem voluntarium in causa proxima, quod æquiparatur homicidio studiosè, & ex proposito patrato. Ita Graff. Finell. ll. cc. Mazuchell. cit. quæst. 2. num. 98. ex Barbof. cit. alleg. 51. n. 3.

10 Hinc deducitur, eum, qui malitiosè in se quocumque modo, vel in causa propinqua (ut si mulierem prægnantem calce percutiat) procurat fœtus animati abortum, effectu secuto, verè, & propriè homicidam esse, statutisque homicidæ pœnis subiectum. Layman. cit. cap. 4. num. 3. *ex comuni*.

11 Quod verum est, etiamsi fœmina procurasset abortum ad vitandam infamiam: Siquidem non sunt facienda mala, ut eveniant bona, innocentemque per se, & directè occidere, semper nefas est. Proinde procurator abortus eo casu, secuto effectu, in reservationem incidit, & quidem duplicem: alteram ob homicidium voluntarium, alteram ob procuracionem abortus, quæ incurritur etiam effectu non secuto, ut patebit ex infra dicendis casu 7.

12 Secùs tamen dicendum, quoties fœtus animati abortus proveniret ex sumptione medicinæ, quæ directè ordi-

nata esset ad expellendum morbum, & sanitatem matri conferendam alioquin morituræ, nisi eam sumeret. Quia tunc innocens per accidens, & præter intentionem, in necessitatique casu occiditur, quod à recta ratione alienum non est, teste Sanchez lib. 9. de matrim. disp. 20. n. 10. & Layman cit. cap. 4. nu. 4. Tum quia vita corporalis propria secundum ordinem charitatis præferenda est vitæ corporali proximi.

13 Si tamen cum morte secutura matris affligeret spes vitæ, & baptismi proles, teneretur mater etiam cum discrimine vitæ ab omni remedio destructivo proles abstinere. Sanchez, & Layman ll. cc. Finell. cas. 4. de abortu n. 7. Less. lib. 2. cap. 9. dub. 10.

#### ANNOTATIO IV.

14 Verùm ulteriùs notandum est, quod homicidium voluntarium ad huc duplex esse potest, aliud, quod publica: aliud, quod privata auctoritate committitur. Nam cum Princeps, sive Magistratus noxios Reipublicæ, sive graviter delinquentes jus puniendi habeat: Siquidem Dei est minister, in eumque finem gladium portat; propterea in eos etià mortem mutandi potestatem habet, si eorum delicta mortis pœnam mereantur, & Reipublicæ bonum efflagitet: sicuti rectè docet S. Tho. 2. 2. quæst. 64. art. 2.

15 Non ita verò cuiusvis è populo licitum est occidere Reipublicæ noxios, ac maleficos etiam ad punitionem, extra casum necessariæ defensionis, teste S. Thoma loc. cit. & Cajet. ibidem, qui notant quanto illo naturali, ac Divino decalogi præcepto, *non occides*, nō solū prohiberi occisionem hominis innocentis, sed etiam nocentis propria auctoritate, extra casum necessariæ defensionis.

16 Dispositio itaque juris reservantis comprehendit tantum homicidium, seu necem, quæ homini malefico etiam morte digno privata auctoritate infertur, non verò publica: quod verum est, etiamsi fiat ad punitionem delinquentis, & ob bonum publicum. Nam procuratio boni publici spectat ad publicam potestatem.

statem, puta Principem, vel Magistratum.

Neque obstat, quod aliquando proscripti, seu banniti licite possint ab homine privato occidi. Nam eorum occisio non fit privata, sed publica auctoritate.

### ANNOTATIO V.

17 Ut autem hæc doctrina fiat clarior, prænotandum est, quod etsi occisio proscripti, seu banniti cuius est populo in conscientia foro permissa sit, teste Julio Claro §. homicid. num. 54. & Finell. casu refer. 4. num. 41. non tamen absolute, sed si hæc conditiones adsint. Prima est, ut per publicam mortis sententiam data sit omnibus facultas bannitum occidendi. Secunda, ut banniti existant intra territorium Principis proscriptentis. Tertia, ut id fiat publicæ justitiæ zelo, non ex odio, aut private vindictæ causa. Quarta, ut excipiantur parentes, liberi, vxor, &c. qui proscriptum alere tenentur, tævum abest, ut occidere possint. Quod verum est, nisi is actualis Reipub. hostis existeret. Ita Clarus loc. cit. num. 59. Sà v. *Bannitus*. Beia par. 1. cas. 43. Finell. cit. num. 41. Layman cit. trac. 3. par. 3. cap. 2. nu. 2.

Neque longe petenda est ratio. Nam cum Reipub. interfit de malefactoribus, vel hostibus suis pœnam mortis sumere, id autem efficere non possit, postquam reus aufugit, nisi publicam facultatem omnibus tribuat malefactorem occidendi: propterea iuste potest, si res exigat, facultatem cuilibet dare reum, seu proscriptum occidendi: & consequenter quivis est populo eam accipere, & exercere. Quia in re etsi non raro proscriptorum interfectores delinquant: Tum quia plerumque non zelo justitiæ, sed odio, aut private vindictæ causa id agant: Tum quia banniti ferme sacramentis destituti in peccatis mortalibus decedunt, nullam tamen reservationem incurrunt, cum id præstent publica auctoritate justitiæ, cuius quilibet potest esse minister. Secus dicendum, si contra hos nondum fuisset lata capitis sententia. Ita præter Doctores supracitados Molin. de just. trac. 3. disp. 7.

num. 1. Filliuc. par. 2. trac. 29. n. 3. Graff. par. 1. decis. aur. lib. 2. c. 62. num. 53. Dian. par. 3. trac. 4. resol. 25.

18 Addunt præcitati Doctores, proscriptos posse seipsos invicem proditorie, & per insidias occidere, tum quando propositum est sibi premium à Principe, tum quando promissa est sibi libertas, eo quod id agant publica auctoritate, & ob commune bonum Reipublicæ. Contrarium tamen sentit Bonac. de contract. disput. 2. quæst. ult. sect. 1. punc. 2. Bassæus v. *bannitus* num. 1. Mazuch. disp. 2. ca. 7. quæst. 1. diff. 3. nu. 12. Quorum opinio mihi magis placet, propter periculum damnationis animæ, cui frequenter exponitur bannitus, si in eo statu proditorie occidatur.

Hinc tamen oritur dubium, si bannitus eo casu se defendat, aggressorem occidendo, an homicidium voluntarium reservationi obnoxium committere censetur? Negare videtur Julius Clar. §. homicid. num. 68. quia bannitus (ait) jus se defendendi non amittit.

19 Sed communis, & vera sententia affirmat. Et ratio est, quia si aggressor velut publicæ justitiæ minister jus habet proscriptum occidendi (ut supponitur, & in confesso est apud omnes) omnino sequitur, quod proscriptus ei iniuriam inferat, publicæ que potestati resistat, si se defendendo, aggressorem occidat: alioquin fateri cogemur dari posse bellum ex utraque parte per se, & formaliter justum, seclusa ignorantia, quod omnes negant. Ita Azor. par. 3. lib. 2. c. 1. quæst. 11. Sà v. *bannitus*. Layman lib. 3. sect. 5. tr. 3. p. 3. cap. 2. num. 3. Bassæus in *florib.* v. *Bannit.* num. 2.

20 Quod dicitur de proscripto, multo magis locum habet in reo, si publicos lictores, vel carnificem, à quibus ad carcerem, vel supplicium ducitur, occidat. Proinde & iste homicidii voluntarii crimen, reservationis pœnæ subiectum committit, non obstant, quod propriæ vitæ salvandæ causa id agat. Ita communiter Doctores apud Layman cit. n. 3.

21 Supra dicta tamen doctrina, quod proscriptus non possit contra invasorem se tueri, eum occidendo, intelligenda est, si



si bannitus intra territorium proscriptibentis existat. Secus si extra fines territorij commoretur: Nam eo casu fas non est proscriptum occidere, & qui illum è medio tolleret, tanquam homicidii reus iuste puniretur, & per Confessarium simplicem à reservata homicidii culpa absolvi non posset, præterquam si expresse, vel rationabiliter præsumpta licentia haberetur ejus Principis, intra cujus dominium existeret. Sylvest. v. homicidium, quæst. 3. n. 7. Tolet. lib. 5. cap. 6. nu. 18. Layman. cit. n. 3. Bonac. de contractib. disp. 2. quæst. ult. sect. 1. punc. 2. n. 2. Dian. par. 5. tract. 4. resol. 24.

### ANNOTATIO VI.

22. Cum autem supra dixerim, nemini citra violationem justitiæ licere alterum occidere etiam malefactorem, nisi publica auctoritas id permittat; talis assertio intelligenda est extra casum necessitatis defensionis. Pro quo notandum, quod cum secundum ordinem charitatis quisque propriam vitam prætere possit alienæ, dummodò agatur de bono privato, non autem publico: propterea aggressorem interficere violentem invasum quilibet prævenire, & occidere potest, si quatuor concurrant conditiones.

23. Prima est, ut vis ab altero inferatur, & invasor injustè inuadat: Nam vim vi repellere leges, omniaque jura permittunt, ait Alexander III. in cap. si verò de sensu excomm. Quare si alteri vis non inferatur, neque is alteri poterit vim inferre. Hinc est, quod non licet interficere eum, de quo tantum suspicio habetur, quod parerit mortem, nisi monitus nolit desistere ab iis, quæ violentam mortis suspicionem ingerunt; sicuti rectè docet Nav. c. 15. n. 3. Lessius lib. 2. cap. 9. dub. 8. n. 41.

Secunda est, ut occisio non fiat post factum, hoc est, postquam aggressor desistit à percussione: Quia tunc esset ultio, non defensio, nisi forte id necessarium foret ad defensionem honoris.

Tertia, ut invasus probabiliter credat se graviter lædendum, vel occidendum, nisi vim vi repellat, vel invasorem occidat.

Quarta, ut servetur moderamen inculpatæ tutelæ. His conditionibus positis, fas est, ob defensionem propriæ vitæ, & integritatem membrorum, injustum invasorem occidere. Ita Navar. cit. Sylu. v. bellum 2. n. 1. Molin. de just. trac. 3. disp. 11. nu. 2. Lessius cit. cap. 9. n. 41. Bonac. de restitut. disp. 2. q. ult. sect. 1. punc. 7. nu. 1. Dian. p. 5. tract. 4. resol. 1. & 2.

24. Sed quæres, quid sit, & in quo consistat moderamen inculpatæ tutelæ?

Respondeo consistere in hoc, quod invasus, consideratis circumstantiis loci, temporis, armorum, & personarum, rationabiliter existimet contra injustum aggressorem, vel insidiatorem faciliore modo se defendere non posse, nisi ita ipsi resistendo, præveniando, vulnerando, occidendo. Vnde, qui contra injustum invasorem adhibet maiorem vim, quam necessarium sit ad arcendam injuriam, & tuendam vitam; quia v.g. cum sufficeret, ad iniustam vim repellendam, alapam infligere, brachium amputavit, vel cum sufficeret brachium amputare, omnino occidit; is dicitur non servare moderamen inculpatæ tutelæ. Lessius cit. cap. 9. dub. 8. n. 43. Laym. cit. c. 3. n. 1. Dian. par. 5. tract. 4. resol. 9.

25. Verum tamen est, quod in tali rerum statu plerumque non suppetit tempus singula perpendendi. Vnde invasus sæpè excusatur, si in tali eventu statim percutiat, non expectata omnimoda invasione, vel percussione, etsi postea deprehendat, se moderamen excessisse, eo quod ob perturbatam subito vel iræ, vel timoris motu rationem, ad omnia non adverterit, sed tantum ne nimis sera esset defensio: cum præsertim nobis non innotescat, quo animo adversarius, occidendi ne, an solum percutiendi, nos invaserit.

26. Hinc inferitur, si aggressus potest sine periculo, vel infamia fugere, quia homo plebejus sit, vel infimæ fortis ad id teneri ex charitate, ut grave damnum in se, vel in proximo caueat. Alia ratio est de viro nobili, vel militari, quibus fuga plerumque ignominiosa est: hi enim non tenentur fugere, excepto, si singa ipsis non cederet in dedecus, vel ob præstati in-

ua-

uasoris, vel quia ebrius, aut amens sit. Lessius, Laym. Dian. II. cc.

27 Clericamen, & Religiosi, quorum laus non in usu armorum, & audacia, sed in humilitate, ac patientia consistit, eorumque fuga illis non vertitur probro, sed honori, omnino fugere tenentur, sicuti ex communi docent Covarr. Abbas, Julius Clarus apud Less. n. 44.

28 Illud verò certius est, tam Ecclesiasticum, quam secularem, quem fugere oporteret, si non fugiat, sed aggressori resistat, sui que defendendi causa eumdem occidat, non delinquere contra iustitiam, neque ad damni refectionem obligari: Siquidem aggressori propriè iniuriam non infert, cum is ultro in tale periculum se coniciat, & quantum in ipso est, potestatem fecisse censetur inferendi sibi damnum. Lessius cit. dub. 8. n. 44. & dub. 12. ass. 1. Laym. cit. c. 3. nu. 2. & c. 6. n. 5. Seclusa autem iniuria, seclusa erit læsio iustitiæ (si iustæ defensionis servata sit moderatio, iuxta supradicta,) & consequenter ratio homicidii voluntarii, reservationi obnoxii: Siquidem homicidii peccati virtuti iustitiæ adversatur.

Neque obstat, quod secundum ordinem charitatis teneamur salutem spiritualem proximi præferre vitæ nostræ corporali, & consequenter pro conservanda vita nostra corporali non liceat occidere proximum, cuius salus spiritualis eo casu periculo exponitur.

Respondetur enim, id verum esse, nisi proximus sua sponte, & propria malitia in discrimen vitæ spiritualis se coniciat, sicuti contingit in casu iniustæ aggressionis. Proinde iniquus aggressor propriæ salutis iacturam sibi debet imputare.

29 Quod autem S. Th. 2. 2. qu. 64. ar. 7. Cajet. ibid. & alii existimant in ipsa aggressionem non licere intendere mortem aggressoris, in hoc sensu intelligendi sunt, quod privatus intendere non potest hominis occisionem per se (quia hoc ad publicam potestatem pertinet) sed tantum per accidens, quatenus id necessarium est ad propriæ vitæ defensionem, quæ naturali jure cuilibet competit, quatenus est custos vitæ suæ, à quo etiam habet, ut vim vi repellere possit. Vide P.

Pars II.

Navar. lib. 2. cap. 4. num. 339. Laym. cit. cap. 3. nu. 1.

## ANNO TATIO VII.

30 Ceterum ex dictis emergit dubium, an non tantum actualem aggressorem, sed etiam inimicum, quem scio se parare ad me occidendum, mihi fas sit occidere ipsum præveniendò.

Respondent communiter Doctores, nemini licere prævenire aggressorem propriæ vitæ, antequam is inceperit saltem moraliter actum aggressionis. Et ratio est, quia ante actum aggressionis saltem moraliter inceptum nulla vis inferitur, quæ sit re pellenda: ac proinde non esset defensio, sed privata auctoritate facta occisio. Debet igitur saltem moraliter esse inchoatus aggressionis actus. Tunc verò aggressionis actus censeri debet moraliter inchoatus, cum iniquus aggressor habet omnia prompta ad necem alteri inferendam, vel sistit se in loco quasi in insidijs, ad alterum occidendum. Ita Lessius l. 2. cap. 9. dub. 8. nu. 45. Molin. tom. 4. tract. 3. disp. 12. Bon. de resist. disp. 2. quæst. ult. sect. 1. punct. 9. Dian. par. 3. tr. 5. resol. 90. & par. 5. tr. 4. resol. 5. Bassæus v. homicidium 1. n. 16.

31 Ex qua doctrina resolves, licitum esse uxori adulterem occidere maritum, quem certò scit paratum esse ad ipsam occidendam; nisi fuga, vel alio modo se possit tutam præstare. Non ita verò si tantum mortem timeat ex eo, quod ipsius adulterii maritus conficius esset, si ad eam interficiendam nondum se parasset.

Similiter fas esse ei, qui novit venenum sibi paratum esse, illud in auctorem convertere, si alia spes evadendi non adsit.

Item licitum esse uxori prævenire maritum, quem scit collocasse sub cervicali pugionem ad eam enecandam, si aliud remedium non suppetat: Quod est exemplum Navarri. Nam in his casibus actus aggressionis censetur moraliter inchoatus, teste ipso Navar. in man. cap. 15. num. 3.

Præterea malefica, quæ magicis artibus assidue per Dæmonem nocet, potest cogi

O

cogi verbis ad desistendum : Imò potest occidi, si certò constet eam suis ueneficiis mihi mortem machinari: aliaque via evadendi mortem non appareat . Si quidem nihil interest, an malefica per se, an per Dæmonem, tanquam per ministrum torquendo, mihi mortem parer. Navar.cit. Lessius loc.cit. nu.48. Bassæus cit. num.16.

Neque diversa est ratio de eo, qui per famulum, vel sicarium actu me aggreditur, vel actu mandat, aut suadet famulo, ut me invadens occidat. Bassæus cit.n.16. Lessius cit. dub.8. n.46.

32 Vtrum autem, quod de actuali aggressionem dictum est, idem sentiendum sit etiam de injusto vitæ insidiatore .

Affirmativè respondet Ban. 2. 2. qu.46. art.7. dub.4. Molin. trac.3. disp.12. Nav. in man.cap.15. n.3. Laym.cit. cap.3. nu.1. v.His adde primò: saltem eo casu, cum insidiator aliquoties monitus nolit desistere, ejusque insidiæ alia ratione vitari non possint. Nemo enim tenetur perpetuò intra domum se concludere, vel in alias regiones demigrare, ut vitæ suæ consulat. Hic tamen modus defensionis in praxi non probatur Lessi cit. dub.8. n.46. tum ob periculum abusus: Tum quia rarò accidit (ait Lessius) ut non suppetat alia ratio mortem vitandi .

33 Porro & ad duellum hic, & nunc provocatus potest illud acceptare, si aliud remedium evadendi mortem non adsit, eò quòd inimicus armatus alterum sit occisurus, concedat tamen arma, (imò inermis potest arma exposcere) vt sic fortunam experiatur: Quia hæc est vera vitæ defensio. Navar. cit. cap.15. num.9. Lessius num.48.

Dixi ad duellum provocatus posse illud acceptare, quoties alia ratio mortem evadendi non adsit: Quia duellum acceptare; ne ignavia, aut timiditatis notam apud alios provocatus incurrat, nullo modo licet: Nam apud bonos, & prudentes honorem non perdit, imò nec apud alios, si neque fugiat, neque duellum acceptet, sed provocanti dicat, se contra leges Divinas, & humanas nolle cum eo congredi, interim se esse parum contra quemcumque aggressorem ad seipsum

tuum. Vide, quæ dicam infra in resolutiva praxi pro incidentibus casu 21.

34 Quæ assertio procedit etiam de vico Equestri ad duellum provocato, scilicet non posse illud acceptare, ne ignavia, aut timiditatis notam incurrat: Et contrarium docentes, defendentes, edentes, aut disputantes, nisi impugnativè, per decretum Alexandri VII. emanatum die 2. Octobr. 1665. damnantur excommunicationis pœna ipso facto incurrenda, cujus absolutionem sibi, Successoribusque suis reservavit.

35 In hoc tamen, & superioribus casibus et si, qui aggressorem, vel insidiatorem preveniendo occidit, vel in duello congreditur, mortaliter peccare possit, vel contra charitatem, si tuendi vitam aderat alia ratio, vel etiam contra justitiam, si ante moraliter incaptum aggressionis actum, aggressorem preveniendo occidat, aut si in ipsa aggressionem, vel duelli congressione moderamen inculpatae tutelæ excedat, legeque Divinas, & humanas, duellum acceptare vetantes, transgrediatur; nullam tamen reservationis pœnam incurrit, eò quòd occisiones hujusmodi longè recedunt à ratione homicidii voluntarii in jure reservante expressi, quod requirit, ut homicidium dolo, malo animo, studiosè, & ex proposito fuerit commissum, ut constat ex supra dictis annotatione 3.

## ANNO TATIO VIII.

36 Quid autem dicendum de eo, qui falsis criminationibus, vel testibus subornatis vitam tuam oppugnat in judicio, utrum liceat ipsum preveniendo occidere. Affirmant Bannes 2. 2. q.64. art.7. dub. 4. cujus sententiam probabilem putant P.Navar. lib.2. cap.3. n.36. Rodriq. in sum. tom.1. cap.73. nu.1. Sanchez lib.2. moral. cap.39. nu.7. asserentes, licitum esse occidere falsum accusatorem, falsosque testes, à quorum falsa accusatione, & testimonio apud judicem tibi imminet vitæ, vel famæ jactura. Item ipsum judicem, à quo iniquam tibi metuis capitis sententiam, si alius modus te defendendi non sup-

suppetat. Quia hæc (ajunt) non est in-  
vasio, sed iusta defensio.

37 Cæterum hæc sententia, etsi olim  
speculatiue visa est probabilis; in praxi  
tamen non fuit admittenda, teste Lessius ci-  
tat. dub. 8. n. 47. ob multa incômoda, quæ  
ex ea sequi poterant. Hodie verò tâquam  
falsa, & scandalosa remanet damnata per  
supra dictum Alex. VII. decretum die 2.  
Ostobr. 1665. sub pœna excommunicatio-  
nis ipso facto imposita ijs, qui deinceps  
eam docuerint, defenderint, ediderint,  
vel de ea etiam disputatiue publicè, aut  
priuatim, nisi impugnando, tractauerint.

# ANNO TATIO IX.

38 Amplificanda est assertio, ut non  
tantum pro defensione vitæ, sicuti ex su-  
pradictis constat, sed etiam facultatum,  
quæ non modici momenti sunt, & alia ra-  
tione liberari, aut recuperari non pos-  
sunt, licitum sit aggressorem, vel rap-  
torem interficere. Quia bona tempora-  
lia sunt necessaria ad conservationem vi-  
tæ: Atqui licitum est omnibus jure natu-  
ræ vitam tueri, etiam cum morte inuasor-  
is, ut supra probatum est: Ergo, & bo-  
na temporalia: alioquin improbi; & su-  
res audientiores redderentur ad rapienda  
aliena. Ita Caiet. 2. 2. q. 64. art. 7. ad 2. Na-  
uar. cap. 15. nu. 2. Valent. tom. 3. disp. 5. q. 8.  
punct. 4. Molin. de just. tract. 3. disp. 16.  
Lessius cap. 9. dub. 11. num. 66. Dian. par. 5.  
tract. 4. refo. 17. & 18.

Quod jus defensionis facultatum com-  
petere etiam Clericis, & Religiosis, con-  
stat ex cap. Olim, & cap. Dilecto, & docet  
ex communi Lessius cit. dub. 11. n. 72. Si-  
quide universis, quibus concessa est de-  
fensio vitæ, concessa est etiam defensio  
rerum suarum. Jura verò in contrarium  
asserri solita intelligenda sunt, quando  
non servatur moderamen inculpatæ tute-  
læ. Lessius n. 72.

39 Dixi, si facultates non sint modici  
momenti: Nam pro re minima non vide-  
tur concessum jus defensionis cum tanto  
alterius damno. Res autem modici mo-  
menti in hoc casu pensanda est ex quali-  
tate, & circumstantijs personæ, cui aufer-  
tur: communiter tamen loquendo, res

exigui momenti censenda est, quæ non  
excedit ualore trium, quatuor, uel  
quinque aureorum. Bonac. Dian. par. 5.  
tract. 4. refo. 18. Vnde pro uno, uel altero  
auro seruando, uitam alteri auferre; ini-  
quum esset. Siquidem proximi uita non  
tam parui est facienda. Si tamen rem exi-  
gui ualoris præripiat latro, uidente, ac re-  
sistente domino, uel custode, aut uini  
huic inferat, uel rem suam repetentem  
raptor ferro inuadat, tunc raptorem licite  
posse interfici, censent Lessius, Bonaci-  
na. Diana ll. cc. Quam potestatem exten-  
dunt etiam ad casum, quo rem paruum  
à fure non repetere, cederet in dedecus  
domini: tuncque non tam esset rei, quàm  
honoris defensio.

Addidi in assertione, si alia ratione res  
liberari, aut recuperari non possint. Nam  
si spes sit eas recuperandi vel per judi-  
cem, vel alia uia, non potest fur inter-  
fici. Lessius, & Layman cit.

Neque obstat, si dicatur vitæ proximi  
tùm spirituali, tum corporali secundum  
ordinem charitatis post habenda esse ex-  
terna fortunæ bona.

Respondetur enim, id uerum esse, quo-  
ties proximus in mortali necessitate est  
constitutus; non uerò quando spontè, &  
ex propria malitia in talem se miseriam  
coniiciat. Layman cit.

40 Hinc resolues, fas non esse occide-  
re furem, cum re modici momenti fugi-  
entem: secus uerò si furtum sit notabi-  
lis ualoris, v. gr. si fugiat cum equo tuo:  
Nam tunc posses insequi, & si opus esset,  
eminus telo petere, quia inuasio adhuc  
durat.

41 Etsi uerò postquam raptor in tu-  
tum se recepit, remque pacificè posside-  
re incepit, occidere non liceat: si tamen  
per judicem non possis recuperare rem  
tuam, potes ingredi locum, ubi illa deti-  
netur, eamque tibi uendicare, & si alter  
ui impedias, uim ui repellere. Lessius  
Mald. quos citat, & sequitur Dian. par. 5.  
tract. 4. refo. 37. Bassæus in floribus v. bo-  
micidium 1. n. 20.

Hæc tamen resolutio intelligenda est,  
si res tua apud furem extaret in indiui-  
duo, ut idem equus, bos, pallium: Siqui-  
dem tandiu censetur durare inuasio, in-  
juriz-

Jurisque irrogatio, quandiu durat injuria rei alienę detentio. Secus si non extaret in individuo. Nam talis actio diceretur potius agressio, quàm defensio.

Quęres hic obiter: si dominus, re propria non extante in individuo apud furem, in compensationem, vel retentionem rei sibi debite à debitore ex furto, vel rapina, propria auctoritate æquivalens auferat, num furti reus sit censendus, & ad restitutionem obligandus.

Respondeo, etsi aliquando id possit esse illicitum, ob periculum scandali, vel proprię infamie, ne tanquam rei alienę injustus inuasor habeatur, ac puniatur, eo vel maxime, si officium judicis implorando rem propriam recuperare poterat, furti tamen non esse dampnandum, neque ad restitutionem obligandum: Quia accepit, quod sibi ex justitia in pretio debitum erat. Ita S. Tho. 2. 2. q. 66. art. 3. ad 3. Navar. in man. cap. 17. nu. 112. Lessius lib. 2. cap. 12. dub. 10.

43 Ceterum quidquid sit in supradictis casibus de violatione justitię ex homicidio in defensione facultatum commissio, certum esse debet, nullam reservationis penam incurri; eo quod cędes hujusmodi non veniant nomine homicidii voluntarii, hoc est, dolo, malo animo, appensate, & ex industria commissi: sicuti constat ex annot. 3. & docent Doctores ibi citati.

## ANNOTATIO X.

44 Quod dictum est supra de jure, quod omnibus competit, tuendi fortunę bona, etiam cum morte inuasoris, multo magis locum habet in defensione honoris, & pudicitię, si ita necesse sit ad eorum defensionem: quandoquidem honor pluris valet, quàm fortunę bona, & injuria personę major est, quàm fortunarum dānum, teste Navar. in man. cap. 15. nu. 3. Lessius cit. cap. 9. dub. 12. n. 77. Vnde licitum est tum Virgini, alterique mulieri, tūm Adolefcēti occidere inuasorem suę pudicitię, quoties eam, uel fugiendo, uel uociferando, aut alio modo tueri nō possunt. Siquidem decus pudicitię majus bonum est, quàm opes, & non raro equi-

parantur bono uite. Pręterquam quod in amissione pudicitię periculum peccati subest. Potest tamen quiuis condonare uitam suę pudicitię inuasori, uim insuperabilem inferenti, patiēdo violationem sui, si periculum consensus abfit. Ita Nauar. cit. Lessius citato dubio 12. Mol. de just. trac. 3. disp. 17. num. 10. Dian. par. 5. trac. 4. resol. 36.

45 Etsi uerō etiam uiro nobili, uel honesto liceat occidere inuasorem, qui fustem, uel alapam sibi conatur impingere, ut grauamen ignominiam inferat: Neque eo casu teneatur fugere, etiam si possit, si fuga illi sit ignominiosa: quinimodō si illata alapa uiro honesto, statim inuasor cesset, uel fugiat, possit inuasus adhuc repercutere, uel fugientem insequi ad recuperandum honorem, quoties aliter honor nequit recuperari: Sicuti docent Nauar. Lessius, & Diana locis citatis: Nihilominus hæc doctrina non est admittenda. Primò in hominibus plebeis, uel infimę sortis, qui ex alapis, & uerberibus non magnam sustinent ignominiam. Secundo si contumelia in solis uerbis, uel signis consisteret: Quia raro, uel nunquam cędes hujusmodi censeri possunt medium necessariū ad repellendā contumeliā in uerbis consistentem: siquidē per sola uerba possunt propulsari.

Addo, neque in priori casu fas esse inuasorem occidere, si is post illatam ignominiam ueniam petat, ac satisfactionem offerat, uel si non ad sit spes contra injustum inuasorem preualendi. Lessius cit. cap. 9. dub. 12. n. 79. & 82 Bonac. de restit. disp. 2. quęst. ult. punc. 10. n. 7. Layman lib. 3. sect. 5. tract. 3. part. 3. cap. 3. n. 3. qui recte monet, oppositam sententiam, etsi speculatiuē uideatur esse probabilis, in praxi tamen non esse suadendam: tūm ut uitetur occasio cędium: tūm ut excessus odii, uindictęque periculum arceatur. Quare etiam in externo foro puniri solent (licet mitius) qui ob illatam sibi contumeliā percutiunt, uel occidunt, teste Molin. tr. 3. disp. 17. n. 10. & Layman cit. cap. 3. n. 4.

47 Addo ex præcitatis Doctoribus, etsi qui fustem, uel alapa inuaditur, regulariter non teneatur fugere, si fuga sit illi igno-

ignominiosa, quoties tamen non cederet in dedecus, teneri saltem ex præcepto charitatis fugere, vel contumeliam sustinere, ut tantum mali proximi impediat. Quod potissimum habet locum in Clericis, & Religiosis, qui ad vitandam ignominiam non possunt se tueri cum morte alterius, sed tenentur fugam arripere, si possunt: Siquidem ipsis fuga non est ignominiosa. Lessius loc. c. num. 85.

Quam doctrinam hic expendere opere pretium censui, ut Confessariis innotescat, ad quos casus jus defensionis se extendat, & quando in ea re sola charitas, quoadque etiam iustitia legatur. Nam quoad juris referentis dispositionem, certum est in prædictis casibus longè abesse periculum incurrendæ reservationis: siquidem longè etiam abest ratio homicidii voluntarii. Vide supra annotat. 3. & Doctores ibi citatos.

# ANNOTATIO XI.

48 Cœterùm antequam ad casus prædictos deveniamus, remanet dubium resolvendum. Utrùm non tantùm pro defensione nostra, ut supra dictum est, sed etiam pro defensione Proximi licitum sit inuasorem occidere.

Responsio est affirmatiua, scilicet in iis casibus, in quibus quis potest propriam vitam tueri posse etiam defendere vitam Proximi, quæ ab alio privata auctoritate inuaditur etiam cum morte inuasoris, si aliter non possit defendi. Quia licitum est cooperari ad bonum, & suscipere partes innocentis, qualis est Proximus, qui iniuste inuaditur: Quin etiam sæpè tenemur ex lege charitatis auxilium ferre innocentem contra nocentem, si absque nostro magno incommodo possumus. Ita Lessius lib. 2. c. 9. dub. 13. n. 87. Molin. de just. disp. 18. Bonac. l. c. punct. 11. Sæ v. homicidium. Layman cit. cap. 3. nu. 5. Diana par. 3. tr. 4. resol. 19.

49 Quæ responsio procedit, etiam si inuasus fuerit auctor inuasoris, sed postquam ab ea cessauit, ipse inuasus fuerit: quo casu dicitur innocens, quia nemi jam nocet, ipsi autem ab altero nocetur.

Pars II.

tur. Neque hoc jure defendendi Proximum iniuste inuasum privatur quisquam etiam si Proximus inuasus defendi nollet sed mortem oppetere mallet. Nam cum vitæ suæ nemo sit dominus, sed tantùm custos, nequit aliis prædictum jus defensionis adimere. Lessius nu. 88. Bassæus in florib. v. homicidium 1. n. 27.

50 Amplianda est assertio, ut non solum vitam, sed etiam pudicitiam, honorem, & fortunas Proximi fas sit nobis defendere, quando Proximus opem nostram efflagitat, vel id suadet charitas. Quæ doctrina potissimum vera est, si injuriam patiens sit nobis sanguine junctus: Quia injuria, quæ sit personæ nobis conjunctæ, in nos redundat. Vide Lessium loc. cit. n. 92. Bonac. cit. punct. 11. Bassæum cit. n. 27.

Aduerte tamen, quòd non semper tenemur defendere vitam, honorem, fortunas Proximi innocentis, sed tunc solum, cum id præstare possumus sine nostro gravi incommodo. Quia quilibet debet magis diligere vitam propriam, quàm vitam alterius, nisi fortè inuasus esset persona publica, cujus salus caderet in bonum publicum, quod constat præferendum esse privato.

51 Unde pro saluanda vita Proximi nemo tenetur exponere periculo bona fortunarum, quæ sibi ad vitam conseruandam sunt necessaria: & multò minùs vitam propriam, teste Lessio n. 90. & Molin. disp. 18. nu. 1. Quod certius dicitur de defensione bonorum externorum Proximi: siquidem charitas non obligat cum tanto incommodo.

52 His addendum, quòd privatus etsi aliquando possit, non tamen tenetur defendere vitam alterius priuati, quoties illam non potest tueri absque morte inuasoris. Quia ubi mala sunt paria, nullus tenetur alterum alteri præferre. Lessius cit. n. 92. Dian. cit. resol. 19. & 28.

53 Major difficultas est, an qui hominis necem, cum facillè impedire possit, negligit, homicidii reus sit censendus. Resolutio hujus dubii pendet ex ea celebri distinctione, an ille ex lege solum charitatis impedire obligatus sit, an verò ex officio, atque ideo ex iustitia. Nam in

O 3

prio-

priori casu homicidii peccatum non committitur: siquidem homicidium virtuti iustitiæ propriè adversatur: Ergo qui peccat tantum contra charitatem, homicida censendus non est; & consequenter neque irregularis, teste Navar. in man. c. 27. num. 231. & Layman cit. c. 4. num. 7.

Si verò ex iustitia obligatus sit, & cum facile possit innocentis necem impedire, culpabiliter intermittit, homicidii reus profectò, ac irregularis est habendus. Ita Nav. cit. c. 27. num. 231. Mol. d. 33. memb. 5. Laym. l. c. n. 7.

54 Sed quæres, quinam ex iustitia obligentur alterius vitam privata auctoritate oppugnatam defendere.

Resp. Obligantur Principes, Magistratus, Prætores juxta modum regiminis sibi præscriptum. Item qui ad aliorum gubernationem auctoritate Principis, vel Magistratus sunt specialiter constituti, ut Tutores, Curatores. Præterea milites, uti etiam Famuli ad pugnandum conducti. Dico ad pugnandum conducti, qui scilicet eo tacito pacto conducuntur, ut dominum contra ipsius hostes, vel iniquos aggressores defendere teneantur. Secus dicendum de famulis ad alia obsequia conductis: hi enim propriè non peccant adversus iustitiam, sed adversus charitatem, si negligant dominum suum defendere, vel ab homine liberare. Less. n. 94.

Demum Medici, & Chirurgi, si infirmum ex morbo decedere permittant, eum facile impedire possent, contra iustitiam delinquere, homicidii què rei, ac irregulares censendi sunt. Navar. in man. c. 24. num. 18. Molin. cit. disput. 33. memb. 5.

Idem sentiendum est de liberis respectu parentum, & è converso, cum inter eos non merum vinculum charitatis, sed quasi naturalis iustitiæ obligatio intercedat. Layman cit. cap. 4. n. 7. ubi resolvit, si mulier aperiat fornicario propositum faciendi abortum, prole jam animata, & pater non impedit, cum facile possit, homicidii reum, ac irregularem habendum esse. Oppositum tamen videtur sentire Lessius c. 9. dub. 13. n. 94.

55 Verùm in hoc, & præcedentibus casibus quidquid sit de læsione iustitiæ, vel solius charitatis, mens Confessarium haud anceps hæere debet de reservatione contra committentes homicidium voluntarium imposita. Si quidem dispositis, juris reservantis intelligenda est de homicidio, dolo, & malo animo, per verumque, ac positivum influxum commissio; non autem de homicidio per actum negativum tantum, quamvis interueniente culpa, & dolo, permissio. Ut benè Graff. in praxi l. 1. cap. 14. num. 66. Imò Mazuch. cit. quæst. 3. diff. 1. num. 145. contendit eos tantum sub homicidii voluntarii reservatione comprehendendi, qui hominem cædendo occidunt, sumpta stricta vocis interpretatione à cædendo, vel cæde. Sed de hoc infra casu 23.

## RESOLUTIVA P R A X I S

### *Pro incidentibus .*

Ex prænotatis statuitur regula generalis: incidit in casum quicumque malo, & præmeditato animo committit homicidium in se, vel in causa proxima voluntarium. Unde .

1 Resolvitur, eum ligari casu, qui per dolum, & insidias aliquem occidit, quod dicitur dolosum, & proditorium. Graff. in praxi libr. 1. cap. 14. de homic. num. 50.

2 Idem asseritur de illo, qui malo animo, data opera, & privata auctoritate aliquem interimit extra casum necessariæ defensionis: Nam etiam huiusmodi homicidium dicitur propriè, & in se voluntarium. Beloch. de cas. referu. par. 2. q. 6. num. 6.

3 Ampliatur reservatio, ut etiam comprehendat eum, qui inimicum suum, quamvis malefactorem, & morte dignum occidit. Quia occidere ad punitionem solum ad Principem, vel Magistratum spectat .

4 Afficitur reservatione, qui alterum ferit punctum circa præcordia, vel casum circa caput, sciens ex tali vulnere regulariter sequi mortem, etiamsi eam non inten-

tenderet, vel expressè excluderet, effectum tamen secuto. Quia illa exclusio videtur impertinens, cum impossibile sit velle antecedentia, hoc est, lethalem vulnerationem, & nolle consequentia, videlicet homicidium. Unde homicidium postea securum dicitur in causa proxima voluntarium. Ita Layman lib. 3. tract. 5. tit. 3. par. 3. c. 4. num. 1.

5 Incidunt Satellites, qui, suscepto à Magistratu capiendi malefactorem mandato, illum occidunt, cum capere non possent: Tùm quia malefactori publicè non condemnato competit jus fugiendi: Tùm quia satellites, excedendo limites publicæ potestatis, perinde est, ac si priuata auctoritate interficerent.

6 Secundùm communiter receptam Theologorum sententiam, homicidium reservationi obnoxium committit, qui proscriptum extra territorium proferibentis interficit, absque expressa, vel præsumpta licentia Principis, intra cuius dominium bannitus existit. Vide supra præm. §. n. 21.

Contrarium tamen tenent nonnulli Jurisperiti, asserentes, bannitum per sententiam iustam, ubique etiam extra territorium proferibentis posse occidi. Tùm quia sententia (ajunt isti) afficit personas etiam extra territorium existentes: & in factis privatorum non attenditur territorium, sed an actus sit permissus, vel prohibitus: tum quia Reipublicæ interest, ut banniti, ubicumque sint, è medio tollantur, ne revertentes cædibus, ac rapinis provincias infestent. Ita Bald. in leg. *cunctos populos* num. 9. Clar. l. 5. sent. v. *homicid.* n. 60. Megal. to. 1. var. resol. 60. n. 5. Graff. par. 1. lib. 2. cap. 62. num. 57. Quæ sententia cum non sit omnino improbabilis, confessarii simplices possunt se illi conformare in praxi.

7 Idem resolvitur, de illo, qui bannitum non capitalis pœnæ occidit ex industria etiam intra territorium Principis proferibentis.

8 Delinquit, & reservationem incurrit reus ille, qui publicos iustitiæ ministros, ipsum capere, & in carcerem detrudere, vel ad supplicium trahere niten-

tes, studiosè occidit: quia ex officio, & publica auctoritate id agunt.

9 Idem deciditur de illo, qui violentem, & consentientem occidit: Quia nemo dominus est vitæ suæ, sed custos. Vnde sicut nullus potest seipsum occidere, ita nec alteri, ut sibi necem inferat, potestatem facere. Lupus de cas. res. p. 2. cas. 8. §. 5. n. 5. & Mazuch. de cas. res. disp. 2. c. 7. q. 2. num. 100.

10 Eadem reservationis dispositio extenditur ad eum, qui reum in carcere detentum privato jure, quoquo modo studiosè, & appensatè interficit, etiam si non ignoraret per iudicis sententiam illum esse morte plectendum. Graff. l. c. num. 50. Belloch. loc. cit. n. 13.

11 Verè homicida est, & reservationi subiectus, qui cum sciat ex veneno propinato regulariter sequi mortem, illud alteri præbet, etiam mortem ejus non intendat. Rationem assignavi supra resolut. 4. Nam qui vult antecedens, ex quo scit regulariter sequi consequens, censetur etiam velle consequens: sicque homicidium illud erit voluntarium in causa propinqua. Graff. & Belloch. ll. cc.

12 Reservationem afficiuntur milites, qui in bello manifestè injusto innocentes vel adversarios, justè se tuentes, occidunt modò spontè sua, non verò coacti à suo Principe depugnent. Chapeau. de cas. res. c. 3. de homic. q. 1. diff. 18.

13 Si plures, prævio consilio, adversarium impetant, & occidant, si ignoretur ex cuius, vel quorum percussione ille occisus fuerit, tunc singuli sicuti presumuntur homicidæ voluntarii, homicidiumque studiosè, & appensatè commississe, ita singuli reservationis jaculo sauciati censi debent. Floron. de cas. res. p. 2. cas. 4 §. 1. num. 42.

14 Si plures adversarium impugnent, sed unus tantùm vulnus lethale infixerit is solum sicuti de homicidio tenetur, ut docet Molin. de just. tr. 3. disp. 33. memb. 7. sic etiam reservationem incurrit, dummodò ex proposito illum occiderit.

15 Major difficultas est, si unus cœliorum lethaliter adversarium vulneravit, qui deinde à confociis fuit occisus,



quinam ex iis reservationi obnoxius censendus sit?

Resp. non qui vulneravit, sed qui occidit animo occidendi, reservatione ligari: Quia reservatio requirit actum consummatum, homicidium autem in hoc casu consummatum fuit ab occidere, ut supponitur, non à vulnerare. Ergo, &c. Graff. in praxi l. 1. cap. 14. de homic. n. 38. Belloc. cit. par. 2. q. 6. n. 19.

16 Idem resolvitur, etsi constaret ex priori vulnere certò mortem secuturam: Quia reservatio intelligitur de actibus exterioribus à se, & non ab alio consummatis. Belloch. loc. cit. n. 20. Mazuch. sup. cit. num. 112. Qui tamen excipiunt, nisi prior vulnerans tale vulnus infixisset, ut vulneratus jam esset penè mortuus: Tunc enim censent priorem, non posteriorem vulnerantem in reservationem incidere: eò quòd effectus mortis tunc diceretur à priori, non à posteriori vulnerante manare.

17 Sed hæc exceptio mihi non placet. Nam, vel occisus eo casu mortuus est ex vi vulneris accepti à priore vulnerante, vel accepti à posteriore, vel accepti ab utroque. Si mortuus est ex vi utriusque vulnerationis, uterque vulnerans censendus est homicida, & consequenter uterque in reservationem incidisse, ut constat ex supradictis. Si mortuus est ex vi vulneris à posteriore vulnerante accepti, etiamsi ex vi prioris vulneris properaret ad mortem, per hoc non tollitur, quin effectus exterior mortis consummatus sit ex vi posterioris vulnerationis, & consequenter posterior vulnerans dicendus sit homicida, & hic solus in reservationem incidisse. Licet enim ex primo vulnere prope mortuus esset, effectus tamen non fuit secutus de facto præveniente mortem vulnere posteriore, ex cuius vi supponitur fauciatum raptum fuisse ad mortem. Si verò mortuus est ex vulnere à priore vulnerante accepto, nemini dubium esse potest, quin ipse solus in reservationem incidit, cum ipse solus, ut supponitur, fuerit occisor.

Neque ratio à Bellochio, & Mazuchello adducta convinquit. Quæro enim, cur

eo casu effectus mortis censendus sit à priori, & non à posteriori vulnerante manare? Si dicatur, quia prior ita vulneravit, ut penè mortuus esset, quando posterior fauciauit, quid tum? numquid idem est penè mortuum esse, ac absolute mortuum esse? sanè idem non est. At non incidit in reservationem, qui hominem eò tantum adducit, ut penè moriatur; sed qui eò adducit, ut absolute, & defacto moriatur. Non ergo incidit, quia ita vulneravit, ut penè mortuus esset. Quod si quis dixerit posteriorem vulneratorem amputasse tantum auriculam hominis, & statim mortuum esse: amputare autem auriculam, non potuisse homini mortem afferre: Igitur illi obuenisse propter vulnus prioris vulnerantis.

Respondeo, data hypotesi, jam apparere manifestè causam incidentiæ non esse illam, quòd penè mortuus esset, sed quia ex vi vulneris ab eo inflicti præcisè vulneratus de facto, & absolute sit mortuus. Sic exemplum. Petrus, & Joannes adoriuntur Franciscum eorum inimicum: Petrus prius vulnus lethale infixit Francisco, transigendo illi guttur, tum accedit Joannes, & eidem corruenti in terram corensis suo transfuerberat, statimque illi necem inferant. Quæro, quinam dicendus sit occisor, & in casum incidisse? Secundum sententiam Belloch. & Mazuch. dicendum est Petrum incidisse, quia eò adduxit Franciscum, ut cum vulneratus esset à Joanne, jam penè mortuus esset. At si valet doctrina tradita ab ipsomet Belloc. cit. n. 19. & 20. & Mazuch. n. 112. quòd scilicet reservatio intelligatur de actibus externis à se, & non ab alio consummatis, dicendum est incidisse Joannem, quia vulnus ab eo inflictum statim abstulit vitam; & licet non fuisset à Petro vulneratus Franciscus, hoc solo vulnere Joannis eodem modo periisset.

18 Eadem resolutio statuenda est in dubio de qualitate vulneris, quòd scilicet non prior, sed posterior, vulnerans præsumi debet occidisse, reservationeque innodari; consentit Mazuch. cit. n. 112.

19 Incidit quicumque potionibus, vel percussionibus studiosè procuravit fetus ani-

animati abortum, & enecationem, effectu secuto: quia est verum homicidium, vel etiam patricidium, si Pater, vel Mater animati fœtus interitum causet. Imò in duplicem incidit reservationem, alteram, quia procurauerit abortum, alteram, quia commiserit homicidium: & quidem priori esset adnexa excommunicationi Episcopo reservata; de qua infra *casu* 7.

20 Idem resolvitur de illo, qui procuravit fœtus animati abortum ob vitandam vitæ, vel infamiae periculum. Nam directa fœtus animati enecatio adeo est intrinsecè mala, ut ob nullum bonum assequendum, vel malum vitandum, licita fieri possit. Non enim facienda sunt mala, ut eveniant bona. Sanch. lib. 9. de matrim. dif. 20. n. 10. Floron. de cas. refer. par. 2. cas. 5. §. 1. & cas. 6. n. 28. Mazuch. disp. 2 cap. 3. q. 1. diff. 4. n. 24. & q. 2. nu. 32. Dian. par. 7. tr. 5. resol. 32.

Obiicit licitum est aliquando procurare abortum, v. g. ad tuendam vitam matris ægrotantis: Ergo etiam ad vitandam mortem, semina prægnanti à consanguineis inferendam.

Respondeo, antecedens procedere de procuratione indirecta abortus fœtus inanimati, non autem de directa, & animati. At nos loquimur de procuratione directa abortus fœtus animati.

Addo in hoc casu neque licere, etiam si fœtus esset inanimatus: Nam ideo permittitur abortus fœtus inanimati ad tuendam vitam matris ægrotantis, quia tunc fœtus est quasi aggressor matris, & causa proxima materni obitus: At in proposito casu fœtus non est aggressor Matris, nec periculum vitæ manat ab ipso fœtu, sed aliunde, & est causa valde remota. Ita Sanchez, cit. Dian. p. 7. trac. 5. resol. 32.

21 Innodatur reservatio, qui in duello extra casum necessariæ defensionis suscepto adversarium occidit, supposito, quod culposus, & doloso animo occiderit. Quo casu incurrit etiam excommunicationem Summo Pontifici reservatam ex Bulla Clementis VII. quam licet videre apud Sayr. de cens. l. 3. cap. 13. nu. 21. Quæ similiter decernit, ut in duello decedentes etiam cum signis penitentiae, in detesta-

tionem delicti. priventur Ecclesiastica sepultura. Ab hac tamen excommunicationis censura absolvi posse Episcopum ex privilegio Tridentini recte notat Sanchez lib. 2. mor. capit. 9. numer. 27.

Non displicet tamen, quod docet Escobar exam. 7. cap. 8. videlicet eum, qui moritur ex vulnere in duelli congressu sibi inflicto, si vivus è loco duelli discesserit, non esse privandum Ecclesiastica sepultura, modò impetritens non decesserit: quod etiam tradit Medulla the. mor. lib. 3. trac. 4. cap. 1. dub. 1. in fine.

22 Eadem resolutio statuitur de Marito, Patre, Fratre, qui, studiosè data Vxor, filia, sorori, anfa, & opportunitate turpiter agendi, eas deinde in flagranti deprehensas occidunt. Nam tale homicidium est verè voluntarium, & ex industria commissum. Secus resolvendum, si vel casualiter, vel coram testibus inventis, justo dolore compulsi eas incunctanter interficiant. Ita Graff. in praxi l. c. n. 42. cui assipulatur Mazuch. loc. cit. num. 132. contra Chapeau. & Belloch.

23 Pior difficultas est, an casus iniustæ mortis, v. gr. si testis falsus dolosè fuit causa, ut innocens damnaretur ad mortem, si Medicus, vel famulus mercede conducti, ille ægroti, hic domini necem doloso animo non impediant. Item si quis ex industria in alterum concitet equum, ut in flumen deiectus submergatur: an hi, & similes casus, secuto effectus, sub homicidii casu comprehendantur.

Negat Mazuchellus loco citat. nu. 145. ubi sustinet, eos tantum comprehendere sub homicidii voluntarii reservatione, qui hominem cecidendo occidunt, sumpta stricta vocis interpretatione à cecidendo, vel cecide: Proinde cum prædicti non occidant, cecidendo physicè, sed morali modo: Idcirco in reservationem incidere diffitetur.

Sed hæc Mazuchelli expositio, ac restrictio mihi non placet, nec videtur consona menti Sapiētissimi Reservantis nostri, qui censetur hunc sibi reservasse casum in odium, ac detestationem ejuslibet injuste necis, & ut deterreat sibi commif-

missum gregem à tam pernicioso, & immani flagitio, siue occisionis actio sit physica, & immediata, siue moralistan- tum, & mediata, dummodò talis actio positiuè, & efficaciter (non verò negatiuè tantum) in necem influat.

Confirmatur, quia propinatio veneni, vel pharmaci, secuto mortis effectu, vel fœtus animati abortu, venit nomine homicidii voluntarii, & comprehenditur sub casu homicidii, ut expressè fatetur ipsemet Mazuch. q. 2. nu. 102. & 106. & tamen propinatio veneni, vel pharmaci, secundum propriam, & strictam vocis interpretationem, non sunt homicidia, sed causæ tantum propinquæ injustæ occisio- nis: Ergo similiter supradictæ actiones cum sint causæ propinquæ, & positiuæ iniustæ mortis, venire debent nomine homicidii voluntarii; sicque sub reser- uantis juris dispositione comprehen- di.

24. Dixi, dummodò talis actio positiuè, & efficaciter in necem influat. Quia causas negativè tantum concurrentes, uti sunt, quæ alterius mortem dolofo ani- mo non impediunt, quando ex officio, vel præcedente pacto tenentur impedire, libenter fateor cum Mazuchello sub ca- su non comprehendi. Siquidem reserua- tio hujus casus intelligenda est de vero, & positivo in homicidium influxu: con- cursus autem causæ negatiuæ non est ve- rus influxus, neque positiuus actus, sed negatiuus tantum, siue permissivus, ut de se patet. Ita in contingentia facti cen- sui, meumque iudicium probavit, ut priuatus Doctor Reuerendissimus Do- minus meus Carolus Antonius Luccia- gus, in Basilica Brixien. Archidiaconatus insignibus decoratus, ac in Curia Epi- scopali ejusdem Urbis Generalis Vica- rius, à me sæpè, ob eius doctrinæ præ- stantiam, & in jure reseruante longam praxim, consultus, & allegatus.

## RESOLUTIVA P R A X I S

### *Pro non incidentibus.*

1. Non ligatur reseruante, qui præ- meditato, & dolofo animo machinatus

est alteri mortem, sed machinatio non habuit effectum: Et ratio est clara, quia reseruatio requirit actum externum con- summatum, nisi aliter decernatur in jure reseruante, uel constet de mente Supe- rioris reseruantis. Coram Deo tamen eandem habet malitiam, eandemque meretur penam, ac si opere completus esset. Nam *voluntas apud Deum pro facto reputatur*, ait S. Bernardus *epistola* 77. ad Hugon. de S. ViHore.

2. Idem deciditur de illo, qui intendens aliquem occidere, illum tantum muti- lauit, deformauit, morti ferè percussit, morte non secuta: quia reseruatur tan- tum homicidium uoluntarium actu ex- terno consummatum.

3. Idem resoluitur de eo, qui in ebrie- tate etiam uoluntaria homicidium com- misit, non præuisum, quo casu dicitur merè casuale, uel etiam præuisum, sed non directè intentum, quo casu dicitur homicidium mixtum. Graff. in praxi lib. 1. cap. 14. de homic. num. 4.

4. Major difficultas est, si ebrius non solum homicidium præuidisset, sed etiam eo animo se inebriasset, ut alterum occideret, an eo casu reseruatio- nem incurreret. Affirmat Floron. cas. 4. §. 7. num. 8. quia tale homicidium dicitur uoluntarium, ac deliberatum. Ego uerò cum Mazuch. loc. cit. numer. 137. existimo non incidere: quia hujusmodi homicidium, cum sit in ebrietate com- missum, non est in se uoluntarium, sed neque in causa proxima: quia homici- dium suapte natura non est ebrietati ad- nexum, & ab ea inseparabile. Licet ergo mortaliter peccet, & ad restitutionem teneatur, reseruationem tamen non in- currit.

5. Non afficitur hac reseruante sœ- mina, quæ studiosè procurauit abortum fœtus inanimati: quia uerè non commit- tit homicidium. Incidit tamen in aliam reseruationem ob procuratorem abor- tus: de quo infra cas. 7.

6. Idem resoluitur de illo, qui præbet, & de semina, quæ sumit potionem, per se tendentem ad sanitatem mulieri con- ferendam; etsi deinde fœtus animati oc- ciso contingat: Quia hujusmodi homi- cidium

cidium requisito voluntario caret. Vide supra annotationem 3. num. 10. & Doctores ibi citatos.

6 Ampliatur excusatio ad eum, qui subita ira prægnantem calce, vel aliter in utero percuteret, si ex illa percussione abortus fortis animati sequeretur: quod verum est, etsi percussus periculum præviderit, dummodò directè non intenderit: Ratio est illa sæpè repetita, quia illud homicidium studiosè non est commissum.

7 Non innodatur casu, qui existimans occidere Paulum, interficit Antonium: Quia in ordine ad Antonium homicidium illud potius casuale, quàm voluntarium reputari debet. Secus dicendum coram Deo, apud quem *voluntas profectio reputatur*, teste S. Bernardo cit. *Epist. 78. ad Hugon. Graff. lib. 1. cap. 14. nu. 64.*

8 Non subjacet reservationi, qui alteri tantum voluit vulnus infligere, credens ex tali vulnere mortem non secuturam: Ideoque expressè mortem exclusit, etiamsi postea mors secuta sit: Quia tale homicidium non potest dici studiosè, appensatè, & ex proposito commissum. Mazuchell. loc. cit. num. 108. contra Belloch. & Lupum apud ipsum Mazuch.

9 Id ipsum resolvitur de illo, qui adversario, quem occidere intendebat, vulnus inflixit non lethale, licèt postea sic vulneratus intereat, accedente alia causa, quæ vim nocendi acceperit à vulnere. Nam huiusmodi homicidium non est in se, nec in causa propinqua voluntarium. Injustè tamen vulnerans irregularis efficitur, & ad damnum refectionem obligatur. Layman lib. 3. tract. 3. par. 3. cap. 10. num. 5.

10 Eadem decisio ob eandem rationem statuitur de eo, qui alterum faucibus vulnerare non lethali; vulneratus tamen mortuus est Medici, aut Chirurgi in peritia, seu negligentia, vel propria incuria quo casu vulnerans tenetur tantum de vulnere, non item de homicidio, quod attinet ad pœnam, & obligationem refarciendi damni irregularitatem tamen non effugit Lessius libr. 2. cap. 9. dub. 15.

11 Excusantur milites, qui ad imperium sui Principis in bello, de cuius iustitia dubitatur, hostes occidunt: Quia in dubio præsumptio stat pro Principe, cui obedire tenentur.

12 Secundum probabilem Belloch. & Mazuch. sententiam non incidit, qui hominem ex inflicto prius tibi vulnere pœnè mortuum superveniens occidit, v. gr. illi caput abscindit. Contraria tamen sententia magis placet, & est conformior doctrinæ, ac regulæ communiter à DD. traditæ, quòd reservatio intelligatur de actibus externis à se, & non ab alio consummatis. Vide supra casu decimoseptimo pro incidentibus.

13 Non incidit, qui ab inimico inuafus in defensionem propriæ vitæ inuaforem interficit: quod verum est, quamvis inuafus omnimodam inuafionem non expectaverit, ne nimis sera esset defensio. Capeau. de homicid. diff. 5. Defensio enim propriæ vitæ est nobis à natura infusa.

Nec refert, quòd iniquus aggressor sit in peccato, & statu damnationis: quia licèt inuafus possit ex charitate ei parcere, ad id tamen non tenetur Layman. libr. 3. tractat. 3. par. 3. cap. 2. Lessius libr. 2. cap. 9. Dian. par. 5. tract. 4. resol. 34.

Neque obstat, quòd quis alteri causam se aggrediendi dederit, dummodò iniusta sit aggressio. Unde excusatur ab homicidii culpa, qui maledictis, & opprobriis alterum ad se aggrediendum pro vocavit, si interim aggressus aggressorem cum moderamine occidat. Nam quamvis inuafus peccaverit, alterum maledictis laceffen. do, non ideò tamen amisit jus defensionis. Vasq. in oper. moral. tit. de restit. cap. 2. §. 1. dub. 10. n. 43. Januar. de casu refer. resol. 47. num. 30.

14 Idem est de adultero, qui licèt fuerit causa, ut ipsum maritus adulterè invadat, nihilominus potest inuaforem cū moderamine occidere: quia ex eo, quòd causam invasionis marito præbuit, jus naturale defendendi suam vitam non amisit. Imò potest adulteram ipsam tueri, virum occidendo; si aliud remedium non suppetat: iucumbit enim cuique obligatio succurrendi proximo in extremam misere-

miseriam sua culpa redacto; Ergo à fortiori seipsum, & adulteram in extremo vitæ discrimine constitutam. Dian. par. 3. tract. 4. resol. 10. Januarius de cas. refer. resol. 67. num. 31. ex Bannes.

15 Idem resolvitur de occidente injustum insidiatorem propriæ vitæ, eum preveniendo, si facilius insidias devitandi remedium non occurrat. Hunc enim non delinquere, & consequenter in reservationem non incidere, docet Lessius lib. 2. cap. 9. n. 45. & 46. Vide supra annot. 8. nu. 30. & Doctores ibi citatos.

16 Eadem assertio verificatur etiam de illo, qui ab altero in vasum in vasum interficit, non servato moderamine inculpate tutele. Nam tale homicidium non potest dici deliberato, ac premeditato animo commissum. Mazuch. l. cit. num. 125. Deliqueret tamen mortaliter, & illarum damnorum refarcire teneretur, saltem secundum proportionem injusti excessus. Lessius libr. 2. cap. 9. dub. 21. numer. 135.

16 Non incurrit qui euaginat gladium animo ledendi, non occidendi; postea vero necessitate compulsus in vasum occidit, ne ipsemet ab inuasore occideretur: peccaret tamen, & iste moraliter, & teneretur ad restitutionem. Grassi. loc. cit. n. 45. & Belloch. nu. 43. quibus subscribit Mazuch. cit. n. 125.

17 Idem resolvitur de femina, quæ, ut suam pudicitiam servet integram, & periculum deuitet consensus virum, à quo inuaditur, interimit, si alia faciliore ratione, saltem vociferando, ab eius violentia se tueri non possit. Grassi. loc. cit. n. 39. Finell. casu 4. n. 46. ex Cajet.

18 Idipsum infertur, si masculus occidat perdirum, ac nefarium illum uirum, à quo ad nefandum cogitur flagitium, si alia sibi non pateat euadendi via. Lessius loc. cit. dub. 12. n. 76. Finell. cit. nu. 46. Floren. casu 4. §. 1. n. 31.

19 Supradicti, sicut etiam homines plebei, si fuga, vel clamore sibi consulere possint, eoque remedio intermisso, aggressorem occidant, reservationem non incurrunt: & licet fortasse contra charitatem, non tamen contra iustitiam delinquunt, nec tale homicidium dicitur ma-

lo animo, & ex proposito patratum. Vide supra annot. 6. n. 26. & 28.

21 Excusatur à reservatione, qui, orta repente rixa, vel subito concepta irarationis usum perturbante, aduersarium occidit: Tum quia huiusmodi homicidium recedit à ratione necis deliberato, & preuius consilio illate: Tum quia sicut dispensare potest Episcopus in irregularitate orta ex homicidio occulto in subita ira commissio, sicuti docent Perez, Henricus. Rodriguez, Auila, ConincK, contra Molin. & Suarez apud Mazuchell. loc. cit. num. 130. eo quod tale homicidium in ordine ad Episcopalem dispensationem, casuale potius, quam voluntarium censeridebeat; ita etiam in ordine ad reservationem. Ita Mazuchell. loc. cit. nu. 131. quidquid in contrarium sentiat Gambar. de cas. refer. pag. mihi 208. n. 9.

22 Non est obnoxius Medicus mercede conductus, si infirmum ex morbo decedere etiam dolo animo permittat: Quia reservatio huius casus intelligenda est de homicidio dolo, & malo animo, sed non per verum, ac positivum influxum commissio: Concurrit autem Medici in mortem infirmi non est verus influxus, neque actus positivus, sed negatiuus, siue permissivus. Deliquit tamen mortaliter contra iustitiam, & tenetur ad damnorum restitutionem. Lessi. lib. 2. cap. 13. dub. 10. num. 69. Bonac. de restit. disp. 1. q. 2. punct. 11. nu. 1. Vide supra annot. 11. nu. 54. & 55. & resol. 24. pro incidentibus.

22 Idem obeamdem rationem resolvitur de famulo ad defendendum dominum conducto, si domini necem etiam dolo animo non impediatur. Peccat tamen & ipse grauiter contra iustitiam, & in defectu causæ principalis restituendi obligationem contrahit, sicut & irregularitatem, teste Nau. c. 24. n. 17. Vide annot. 11. n. 54.

23 Licet diues, si propterea quod pauperem fame morientem pascere intermisit, pauper mortuus sit, non solum aduersus charitatem, sed etiam contra iustitiam deliquerit: Ideoque homicidium ipsi tanquam causæ morali imputetur, iuxta illud D. Ambrosii apud Grat. cap. pascæ d. 86. & Thom. 2.2. quæst. 32. artic. 5. -

Pasce

*Pasce fame morientem, si non parvisti, occidisti;* sicut docet Layman libr. 1. tract. 2. cap. 3. n. 8. & lib. 3. tract. 3. par. 1. cap. 1. n. 7. in fine: nullam tamen reservationem incurrit: Quia hæc prærequirit præmeditatum occidendi animum.

Utrum autem dives eo casu ad compensationem damni teneatur? Affirmat Layman cit. lib. 3. trac. 3. cap. 1. num. 7. quia pauper in tali casu habet jus petendi panem, quem dives possidet, & miser ille, vel expressè, vel virtualiter peti, & consequenter illi injuria infertur cum obligatione damni refarciendi. Contrarium tamen videtur sentire Suarez de charitate disp. 7. sect. 6. n. 2.

24. Non innodatur, qui occidit furem, quem sibi constat venisse domum non occidendi, sed furandi gratia, etiam si furum impedire valuit sine furis occisione. Quia non quodlibet homicidium illicitum est reservationi obnoxium, sed quod per verum, & positivum influxum, culpa quoque, ac dolo animo committitur Graff. in praxi lib. 1. cap. 14. de homicid. n. 4. Vide supra annot. 9. n. 38. & 43. quidquid in contrarium dicat Lupus de cas. refer. p. 2. ca. 8. §. 5.

25. Idem resolvitur de illo, qui proximo vini in donis vitæ, samæ, ac fortunatæ patienti, assistit, ejusque injustum aggressorem interficit: Quia quilibet ex charitatis lege obligatus est auxilium ferre innocentem contra nocentem, si absque magno suo incommodo possit. Less. cap. 9. dub. 13. n. 88. Vide supra annot. 11. n. 48. & Doctores ibi citatos.

26. Eximitur mater, vel nutrix, quæ cubans in eodem lecto cum periculo tennellum puerum suffocandi, illum tandem suffocavit. Nam tale homicidium censetur voluntarium tantum in causa remota, non proxima, ideòque casuale mixtum, Belloch. loc. cit. num. 40. Mazuch. loc. cit. n. 122. & 123. Deliquit tamen mortaliter, & innodatur excommunicatione lata in Concilio Prouinc. Mediolanen. VI. tit. de Baptismo, contra tenentes infantem in lecto, anno non exploro, cum oppressio- nis periculo. Quod tempus in hac Bri- xien. Diœcesi, quæ subiicitur eidem Con- cil. Provincial. VI. ad octo menses restri-

ctum fuit, ut constat ex libello constitutionum Ecclesiæ Brixien. tit. de Baptism. pagina mihi 96. Ubi Parochis etiam conceditur facultas dispensandi cum misera- bilibus personis circa detentionem in lecto sine præscripta cautionis forma: de quo vide supra in 2. parte primi casus ubi latè hæc materia impenditur.

27. Non incidunt Maritus, Pater, Fra- ter, qui uxorem, filiam, sororem in actu carnali casualiter inuenias, justo dolore compulsi incunctanter occidunt: Quia, licet delinquant mortaliter, & verè sint homicidæ; homicidium tamen hujusmodi non dicitur appenlatè, & ex industria commissum: sicuti ex Graff. docet Ma- zuch. loc. cit. n. 132. contra Chapeau. Bel- loch. Floron. apud ipsum Doctorem. Se- cùs resolvendum, si, exhibita occasione, eas inuenirent, ut studiosè perimerent; ut supra dictum est resol. 22. pro incidenti- bus.

28. Qui sibi vulnus lethale inflixit, po- test à quocumque Confessario absolvi, quia nondum secutus est effectus homici- dii: si autem seipsum occidat, & in instan- ti moriatur, tale crimen soli Deo reser- vatur, non ut absolvat, sed ut in æternum puniat. ait Chapeauilla de homicid. ca. 3. quæst. 2.

## NON NULLA

### Pro non Incidentibus Corollaria.

1. Qui aliquem lethaliter vulneravit animo occidendi, si interim resipiscat per confessionem, secuto postea homici- dii effectu, non incidit in reservationem, neque teneretur rursus confiteri peccatum homicidii: tum quia effectus homicidii in voluntatis arbitrio non erat, sicuti benè docet Layman libro primo, tractatu se- cundo, capite tertio, numero quinto, ver- siculo *Que doctrina*. Tum quia peccatum causæ fuit ritè clavibus submissum, & per confessionem remissum: remisso au- tem peccato causæ, non manet obligatio confitendi peccatum effectus, qui natu- raliter sequitur ex causâ quidem liberè applicata, sed postea per pœnitentiam re- tra-

tractata ; reservatio autem supponit peccatum, quod non perdurat, cum jam fuerit per confessionem delegatum. Ita Henriquez, & Fagundez, quos citat, & sequitur Mazuchell. loc. cit. num. 147. & 148. Vide etiam Azor. primo tomo, libro primo, capite septimo ad finem. Bonacin. & Franc. Lugo, quos refert, & sequitur Januar. de casibus reservatis, resolut. 66. numero sexto.

2 Pari modo, si quis post procuratorem abortus fetus animati, delictum confiteatur, & adhibeat omnem diligentiam, ad abortum impediendum, illo nihilominus postea secuto, non incidit in excommunicationem: quia excommunicatio est pena medicinalis, quæ prærequirit culpam, & contumaciam. Ita præter Doctores citatos Alphonsus de Leone, & Auilam, quos citat, & sequitur Januar. resolutione 23. numero septimo, & tertio decimo.

Quàm verò perniciosum, ac immane sit homicidii delictum, & ad quid teneatur iniquus homicida, quidve demum agere debeat Penitentiarius, antequam hocce innodatum casu absolvat, vide in fine tertiz partis hujus secundi casus.

## I N S E C U N D A M

Secundi Casus Reservati Partem,  
in Edicto Reservationis sub  
hac litera expressam.

*Mandatum ( adde ) homicidii voluntarii  
committendi datum.*

## A N N O T A T I O N E S.

- 1 *Mandatum quid sit, & quomodo summatur in casu.*
- 2 *Mandatum homicidii tantum comprehendit dispositio casus.*
- 3 *Quid de mandato homicidij prævisi, sed non intenti.*
- 4 *Mandatum homicidii, aliud justum, aliud injustum.*
- 5 *Dispositio casus intelligitur de mandato iniuste necis.*

6 *Mandatum homicidii voluntarii quadruplex.*

7 *Quodnam mandatum comprehendat litera reservationis.*

8 *Mandatum homicidii voluntarii, aliud expressum, aliud implicitum.*

9 *Ad mandatum homicidii solum expressum extenditur reservatio.*

10 *Revocans mandatum, re integra, extratelum reservationis existit.*

11 *Discrimen inter mandatum, & consilium valde notandum.*

## A N N O T A T I O I.

1 Quamvis propriè loquendo, mandatum distinguatur à jussione, & præcepto, quia hæc auctoritatem supponunt injubente, & est actio propria eorum, qui cum auctoritate præcipiunt, qualis est dominus, pater, judex: Mandatum verò definiatur, quod sit officium liberè susceptum in alterius gratiam præstandum. lib. 2. ff. Mandati. Molin. de just. & jure tract. 2. disp. 548. Nihilominus in isto casu nomen mandati promiscuè sumitur tam pro jussione, & præcepto, quàm pro simplici mandato: sive illud gratis, sive pacto pretio, suscipiatur, & in executionem deducatur. Et licet tali casu mandatum in contractum innominatum transeat, *do, ut facias*. Tamen, & iniquam hujusmodi pactionem venire sub nomine mandati, testatur praxis interni fori Ecclesiæ Brixienfis, & Confessoriorum usus confirmat.

## A N N O T A T I O I I.

2 Ceterum notandum est, quod duplici modo dari potest mandatum: primo homicidii committendi, altero verberandi, seu ledendi tantum: & id dupliciter, vel cum prævisio necis periculo, ideoque cum expressa prohibitione, ne adversarius occidatur; vel sine tali prævisione, & consequenter sine expressa impositione, ut omissio caveretur. Sub casu igitur comprehenditur solum mandatum mandatorio à mandante homicidij committendi datum, non autem verberandi, seu ledendi

dendi tantum. Quod clarè constat ex litera reservationis.

3 Et hoc verum est, siue mandans verberare, vel percutere, periculum necis non præviderit; ideòque præmonere mandatarium intermiserit: siue de homicidii periculo suspicatus fuerit; ideòque mandatario expressè imposuerit, ne mandati fines excederet. Nam licèt hoc posteriori casu homicidium ab aliquo fortasse diceretur in causa proxima voluntarium; tamen non adest illud voluntarium, quod in præcedenti parte diximus requiri ad incurrendam reservationem. Cum tale homicidium in mandato prævisum, sed non intentum, non dicatur deliberato, & præmeditato animo mandatum, & simpliciter voluntarium.

### ANNOTATIO III.

4 Verùm ulteriùs mandatum est, mandatum homicidii committendi rursus duplex esse: alterum auctoritate publica datum, ut cum iudex lictori mandat, ut malefactorem ultimo supplicio afficiat; alterum auctoritate priuata, ut cum quis sine legitima potestate alteri mandat, ut aliquem occidat.

Utrumque mandatum potest esse justum, vel injustum. Prius mandatum censetur justum, si essentialis juris ordo seruetur; injustum verò, si illud contra juris ordinem imponatur. Posterius autem mandatum censetur justum, si detur in casu necessariè defensionis, de quo infra: injustum uerò, si odio, ira inuidia, uel uindicta instigante patranda necis mandatum imponatur.

5 Dispositio igitur literè reservatio nis intelligitur de mandato necem inferendi mandatario à mandante iniuste, & contra iustitiam dato; siue illud ex publica, siue priuata auctoritate proveniat.

### ANNOTATIO IV.

6 Ceterùm non segniter notandum est, quòd sicut homicidium voluntarium est quadruplex, ut capite præcedenti annotatione 3. dictum est; ita etiam qua-

druplex esse mandatum. Primò homicidii in se, & simpliciter voluntarii: ut si quis præiudicio consilio, & præmeditato animo alteri mandat, ut aliquem occidat. Secundò homicidii in causa proxima voluntarii, ut si quis alteri actionem aliquam committat, cui suapte natura adnexum sit homicidium, & ab ea inseparabile, v.g. si alteri mandat, ut venenum alicui propinet, vel punctum aliquem circa præcordia feriat. Tertiò homicidii in causa remota voluntarii, ut si quis alteri mandat actionem, cui rarò adjunctum sit homicidium, v.g. si detur mandatum, aliquem verberandi, ex quo præter intentionem mandantis, mors verberati sequatur. Quartò homicidii casualis mixti, siue secundum quid voluntarii; ut si quis alteri mandat actionem, ex qua voluntarium quidem, sed non præmeditatum sequatur homicidium, v.g. si, orta repente rixa, herus sine præmeditato, & deliberato animo mandat famulo, ut aduersarium occidat.

7 Modò, ut ex mandato incurratur reservatio, non sufficit quodlibet mandatum, ex quo tanquam causa secutum sit homicidium: sed requiritur mandatum homicidii in se, vel in causa proxima voluntarii: sicut in simili supradictum est de homicidio. Eadem enim est ratio mandati, & homicidii, quoad conditionem voluntarii ad reservationem requisiti: & lege, vel Doctore casum aliquem non decidente, resolutio à simili debet desumi. Vide Barbof. de offic. & potest. Episc. par. 3. alleg. 51. nu. 3. & Mazuch. loc. cit. n. 128. & 131.

### ANNOTATIO V.

8 Præterea rursus dividitur mandatum in expressum, quod expressis verbis imponitur; & intacitum, quod tacitè datur, videlicet factò, vel dictò, ex quo, v.g. famulus facillè colligere potest gratum fore hero, si quem occidat. Et idem est, si famulus sciat malignum suum propositum alteri necem inferendi hero cognitum, & perspectum esse, & non contradicere, aut impedire. Nam tali casu taci-



terveniente culpa, & dolo; secus si dolus absuit. Lupus de cas. refer. par. 2. cas. 8. §. 5. n. 2 ex Comitolo.

4 Idem resolvitur de Iudice inferiore, qui contra juris dispositionem, & necessarium ordinem aliquem ad mortem adjudicavit, occidique mandavit, quamvis privatum sciret, illum esse reum mortis: Quia cum Iudex sustineat personam publicam; idcirco secundum publicam, non secundum privatam notitiam procedere debet. S. Th. 2. 2. q. 67. ar. 2. Lessius lib. 2. cap. 29. dub. 11. n. 92.

Dixi Iudex inferior, quia supremo Principi licere aliquando è medio tollere criminofum, cujus crimen sibi cognitum est, licet non possit probari, docent idem Less. cit. dub. 11. n. 100. Laym. lib. 3. tr. 4. c. 2. nu. 7. Card. de Lugo de just. disp. 37. sect. 5.

5 Reservationi subjacet, qui mandavit occidi proscriptum non capitalis pœnæ, vel extra jurisdictionem proscribentis, secuto mortis eventu: excipe, nisi insidiator is esset propriæ vitæ, faciliorque evadendi via non pateret. Contrarium tamen, quoad occisionem proscripti capitali pœna extra dominium Proscribentis, tenent nonnulli Jurisperiti. Vide in priori hujus casus parte casu 6. pro incidentibus.

6 Idem resolvitur de illo, qui alteri mandavit, ut aliquem occideret, si mandatarium mandatum acceptavit, nomineque mandantis executus est: non obstante, quod si iste non mandasset, adhuc mandatarium hominem occidisset: Constat ex annot. 7. n. 11.

7 Non eximitur à reservatione, qui homicidium injustum committi mandavit, si fictè postea mandatum revocavit: Quod verum est, si fictio innotescat mandatario. Quia ficta revocatio perinde est, ac si non esset facta: secus si fictio non appareat.

8 Idem deciditur de illo, qui homicidium injustum committendi dedit mandatum, sed mandatarium non per se, sed per alium mandatum executus fuit: Quia causa causæ censetur causa causati.

9 Idipsum statuitur de eo, qui dedit mandatum homicidii injusti, quod exe-

cutioni suscipiens mandavit quoad essentialia, licet non quoad accidentalialia loci, temporis, vel modi occidendi. Nam reservatio non attendit modum, sed effectum, hoc est, homicidium.

10 Innodatur casu, qui jubet, vel cogit Puellam sumere potionem ad abortum fœtus animati efficiendum: Quia est mandatum homicidii in causa proxima voluntarii: supposito quod hujusmodi potionis suapte natura adnexus sit abortionis effectus, & ab ea inseparabilis. Quo casu incidit etiam in aliam reservationem ex eo, quod procuravit abortum, de quo in infra casu 7.

## RESOLUTIVA PRAXIS

### Pro non Incidentibus.

1 Non ligatur reservatione, qui dedit mandatum tantum verberandi adversarium, sed mandatarium mandati fines excedens illum occidit, vel adeo graviter percussit, ut paulo post è viuis excesserit. Ratio est clara, quia non est mandatum homicidii in se, vel in causa proxima voluntarii.

2 Eadem resolutio statuitur de illo, qui mandavit alteri, ut aliquem injuste occideret; sed executor illum tantum citra casum mortis vulneravit. Quia mandatum non reservatur, nisi effectu secuto. Constat ex prænotatis.

3 Non incurrit, qui auctoritate publica iussit, malefactorem occidi; licet motus sit non zelo justitiæ, sed odio vindictæ. Peccat tamen contra charitatis præceptum interno pravo affectu.

4 Idem deciditur de illo, qui famulo, vel alteri mandavit, ut interficeret actuale aggressorem, vel insidiatorem propriæ vitæ: Quia mandatum non est injustum. Lederet tamen charitatem, si alia sibi occurrebat via tuendi sui.

5 Non subjacet reservationi, qui dedit alteri mandatum, ut honoris pudicitieque suæ aggressorem occideret. Delinquit tamen, & iste adversus charitatem, si alio modo honori suo consulere poterat. Constat ex annotatione 9. præcedentis capitis nu. 24. & 25. Eadem enim

P est

Pars II.

est ratio homicidij, & mandati occidendi, quoad reservati nem.

6 Idem asseritur de illo, qui mandavit, aggressorem interficere pro defensione facultatum: quod verum est, quamvis hæc modici essent momenti, vel alia ratione recuperari possent: & licet delinqueret mortaliter in genere homicidii, in reservationem tamen non incideret: Quia non esset mandatum homicidii appensatè, & ex proposito voluntarii. Patet ex annot.9. prioris partis nu.14. & annot.4. hujus secundæ partis n.7.

7 Non innodatur Dux, qui in bello iusto, vel saltem non manifestè injusto mandavit suis militibus, ut hostes occiderent, si quem de facto interfecerunt: Quia mandatum non adversatur virtuti iustitiæ.

8 Eadem resolutio datur de illo, qui mandatum injustè necis ante ejus executionem expressè revocavit, dummodò revocatio ante mortis eventum ad notitiam mandatarij pervenerit. Quod verum est, etiamsi postea mandatarius adhuc homicidium committat, quia mandatum suapte natura revocatione extinguitur, re adhuc integra. Ita Doctores supra citati annot.6. n.10.

9 Quod asseritur de expressa mandati, idem statuitur etiam de tacita reuocatione, v.g. si mandans contraxisset matrimonium cum adversarii filia, vel inter eos pax inita fuisset: idquæ mandatarium non lateret. Tolet.lib.1. cap.85. n.4. & 5. Lupus par.2. cas.8. secundæ partis, §.4. annot.1.

10 Non irretitur casu isto, qui mandavit Titium occidi, si deinde mandatarius, non mandantis nomine, sed proprio Titium interficiat, eò quod & ipse Titium odio prosequeretur: Tùm quia mandatum eo casu non fuit efficax: Tùm quia mandatum naturam mandati amittit, si executioni non mandetur in gratiam, & nomine mandantis. Secus si nomine utriusque executus sit. Ita Toletus loc. cit. §.4. annotat.3.

11 Non subjacet, qui homicidium injustum patrari iussit intra prefixum temporis terminum, cum expressa conditione, ut in termino effluxo, & ho-

micidio non commissio, à nece absteret. Nam, elapso termino, apposita conditio perinde est, ac expressa mandati revocatio.

12 Qui, dato injustè cædis mandato, respiscit ante secutum effectum, potest absolvi per simplicem Confessarium: Quia mandati reservatio requirit actum consummatum. Sed neque postea secuta morte, per se loquendo, tenetur rursus delictum confiteri: Quia nullus tenetur sua peccata semel ritè confessa iterum confiteri: quod verum est, dummodò adhibuerit omnem diligentiam pro revocando mandato. Layman lib.1. trac.2. cap.3. num.5. *versic. quæ doctrina*. Dian. par.3. trac.4. resol.74. quibus subscribit Januar. de cas. refer. resol.23. num.7. in simili de mandante fieri veneficium. Lupus de cas. refer. cas.8. §.4. num.14. & 15.

Per accidens tamen, ratione contractæ obligationis compensandi damni, vel Ecclesiasticæ censuræ, potest contingere, ut teneatur rursus effectum injusti mandati, hoc est, homicidium confiteri.

13 Qui injustè mandatum dedit hominem occidendi, sed nunc dubitat, an mandatum à mandatario sit opere completum, potest absolvi à quocumque Confessario inferiori. Quia ex eo, quod Ordinarius non reservavit homicidium dubium, censetur omnibus Confessariis ab eo absolvendi facultatem concedere. Card. de Lugo disp.20. de pœnit. sect.2. n.18. Dian. par.3. trac.3. resol.4. Vide in priori Elucidarii parte resol.10.

14 Non est obnoxius, qui mandat domi suæ aliquem concludi, vel illi mortem intentari, nisi quidpiam inivit agat, si ille nimio timore correptus, deinde mortuus sit. Nam tali causæ suapte natura non est conjunctus mortis effectus.

15 Non incurrit, qui affirmanti in sui gratiam se hominem necaturum, credit, id ab ipso præstandum, neque tamen contradicit, vel impedit: Quia ad reservationem non sufficit mandatum tacitum, & interpretatum, sed requiritur expressum, & verum. Incurrit tamen culpā mor-

mortalem, ceterasquè homicidij pœnas, & obligationes. Molin. trac. 2. disp. 330. & tr. 3. disp. 33. vide supra annot. §. n. 9.

16 Idem ob eamdem rationem soluitur de illo, ad quem rixantem cum Titio cum confluxissent amici, ab eoque non prohibiti aut repulsi; Titium in sui gratiam interfecerunt. Subiacet tamen reliquis homicidij pœnis. Nauar. in man. cap. 27. num. 231.

17 Maior difficultas est; si quis mandatum alteri dededit occidendi Titii, sed mandatarius illud tunc recusaverit, an si postea, mutato animo Titium occidat, in reservationem incidat qui mandavit. Affirmat Lupus de cas. refer. par. 3. casu octavo partis secundæ, §. 3. nu. 16. si tunc mandans in negationem mandati nihil addiderit: rationem assignat, quia tale mandatum est contra iustitiam.

Sed mihi probabilius videtur non incidere: Et ratio est, quia sicut non potest intelligi mandans sine mandatario, ita neque perfectum mandatum sine susceptione saltem tacita mandati: In hoc autem casu tantum abest, vt intervenit mandati suscepcio, ut potius intervenierit expressa mandati reiectio.

Ad rationem Lupi respondeo, ad incurrendam reservationem ratione iniusti mandati non sufficere, quod datum sit contra iustitiam, nisi etiam fuerit susceptum, & executioni mandatum contra iustitiam. Cum ergo in hoc casu deficiat omnis suscepcio, censetur deficere etiam omne mandatum: Ideoque mandans in hoc casu perinde est, ac si non mandasset.

Neque intellecta postea Titii nece, dato, quod eam approbet tamquam suo nomine patratam, gravius delinquit, neque graviores incurrit pœnas, & obligationes, quàm qui ratum habet homicidium suo nomine commissum, de quo mox.

18 Non afficitur reservatione, qui necem suo nomine patratam postea ratam habet: Quia per rati habitationem causa non existit homicidij; cum ad præteritum non sit potentia.

Obiectio. Videtur ratum habens homicidium suo nomine patratum reservationem incurrrere. Quia rati habitio retro-

trahitur, & mandato æquiparatur; sicuti dicitur in regula iuris 10. in 6. & in caput. Cum quis de sent. excomm. in 6. habetur, illum incurrrere excommunicationis censuram, qui ratam habet Clerici necem suo nomine patratam.

Respondeo rati habitationem, quoad culpam æquiparari mandato, non tamen quoad reservationis pœnam, quæ ad mandatum verum, non uerò fictum est extendenda: rati habitio autem est mandatum fictum, non verum. Graff. de cas. referuat. lib. 2. cap. 23. num. 5. Ad cap. cum quis de sent. excomm. allegatum. Respondeo, quod ratum habens Clerici necem suo nomine patratam incurrit excommunicationem, perinde ac mandans, quia ita jure cautum, & decretum est. Non incurrit tamen ceteras juris pœnas, sicuti neque restituenti obligationem, ut docet Couarr. in Clem. par. 2. §. 1. num. 4. Suarez tomo 5. disp. 44. sect. 3. num. 24. Auila par. 7. disput. 6. sect. 2. dub. 6. Ianuarius de casibus referu. resol. 22. num. 10. Contra Nauarr. in man. cap. 27. num. 233. & Gypium de cas. referu. cap. 5. in 3. casum.

Porrò cum in casu homicidij principalis damnificans censeatur mandans, qui proinde primo loco, etiam ante ipsum damni executorem ad damni compensationem tenetur, sicuti ex communi docet Lessius lib. 2. cap. 13. dub. 45. nu. 42. Nam actio magis tribuitur agenti principali, quàm instrumentali; quando autem Dominus mandat, ut hominem occidat, & is exequatur, famulus est quasi agens instrumentale, quo dominus sicut instrumento utitur. Propterea prudens Confessarius non incumbat totus in eam cogitationem, an scilicet mandatus reservatione innodatus existat. Sed in primis a mandante exquirat conditionem personæ interfectæ; an fortasse fuerit Clericus: deinde an parti læsæ satisfecerit, damnaque heredibus compensaverit. Quod si mandantem ea non præstitisseprehenderit, ante debitam satisfactionem, vel sufficientem cautionem beneficium absolutionis ei impendere non debet; nisi constet impedimento impotentie detineri.

Quæ damna in casu iniustæ necis, & quibus personis, quæ ratione sint com-

## ANNOTATIO IV.

4 Pro quo notandum, consilium homicidii patrandi duplici ratione dari posse, scilicet, iuste, & iniuste. Tunc iuste consilium datur, cum homicidium committendum iustum, & licitum reputatur. Proinde cum occisio, quæ fit vel auctoritate publica, servato essentiali juris ordine, vel pro necessaria vitæ defensione, imò etiam pro tuendo honorem, vel facultates non modici momenti, vel ad conservationem vitæ necessarias, quæ alia ratione defendi, vel recuperari non possunt, licita, & iusta censetur; sicut dictum est supra in priori hujus secundi casus parte annot. 9. nu 38. & sequent. fit etiam, ut consilium intuitu illius permixtæ occisionis datum reputari debeat licitum, & iustum. Ex adverso cum homicidium, quod fit auctoritate priuata, etiam ad malefactoris punitionem, vel extra causam necessariæ defensionis, habeatur iniustum; ita etiam consilium de illo patrandi, iniquum, & illicitum sit existimandum. Siquidem actus morales bonitatis, vel malitiæ speciem accipiunt ab objecto suo: Sicut docet S. Tho. 1. 2. quæst. 18. art. 2. 4. & 8.

De consilio igitur homicidii patrandi iniusto, ac illicito, & contra iustitiam dato intelligenda est litera reservationis. Nam reservatio culpam mortalem supponit, quæ in consilio prioris generis non admittitur.

## ANNOTATIO V.

5 Ceterum notandum est, sicut homicidium voluntarium in quadruplici differentia existit, ut supra notatum fuit; sic quadruplex esse iniusti homicidii consilium. Primo homicidii in se, & simpliciter voluntarii, ut si quis, interveniente culpa, & dolo, alteri consilium præbeat homicidii. Secundo homicidii in causa proxima voluntarii. ut si quis alteri suadeat propinationem veneni, vel tale vulnus, cui tanquam causæ suapte natura conjunctum sit homicidium. Tertiò homicidii in causa remota, voluntarii, ut si

quis alteri det consilium verberandi, ex qua læsione postea verberati mors accidat: Neque desinit esse causa remota, etsi mors in ea fuerit præiusta, modo suapte natura illi non sit adnexa. Quartò homicidii voluntarii mixti, seu secundum quid voluntarii, ut si quis in rixa inopinato casu contingente, sine prævio consilio, & præmeditato animo rixantem urgeat, moveat, incitet, ut aduersarium occidat.

6 Ut igitur consequenter loquamur ad dicta in priori, & posteriori hujus casus parte, statuendum est, licet singula supra dicta consilia sint noxia, & culpæ mortalis damnanda; reservationi tamen subiacere tantum consilium, seu incitamentum primo, & secundo modo, hoc est committendi homicidium in se, vel in causa proxima voluntarium, deliberato, & præmeditato animo datum; supposito, quod etiam sit iniustum. Sicut in simili supra dictum est de homicidio, & mandato. Eadem enim est consilii, & homicidii ratio, quoad conditionem voluntarii ad reservationem incurrendam requisiti. De quo consule Finellium de cas. reserv. casu 4. n. 5.

## ANNOTATIO VI.

7 Ceterum non segniter est advertendū, quod consiliū homicidii voluntarii, & iniusti rursus dividitur in consiliū efficax, & inefficax: efficax cõsetur, quod fuit causa homicidii: quia, eo posito, alter motus est ad aliquē occidendum, & eo secluso, à nece abstinuisset. Inefficax est, quod causa non existit homicidii, eod quod, illo secluso, adhuc cædes patrata fuisset.

8 Modò de consilio tantum efficaci intelligenda est litera reservationis, de eo scilicet, quod homicidii causa extitit, efficaciterque in illud influxit. Nam quamvis suadens homicidium alicui iam parato ad occidendum mortaliter peccet, rati ne pravi affectus, & intentionis homicidii, nullam tamen incurrit reservationem; sed neque irregularitatem, & multo minùs restituendi obligationem: Quia verè non fuit causa homicidii, nec damni. Ita Sayr. lib. 7. cap. 3. nu. 1. Petrus

Navar. lib. 3. cap. 4. num. 48. Tolet. lib. 1. cap. 79. Lessius lib. 2. cap. 13. dub. 2. nu. 5. Lupus de cas. refer. par. 2. cas. 8. in 3. par. §. 4. n. 12.

### ANNOTATIO VII.

9 Major difficultas est, si quis consilium suum sive verum, sive falsum serio, & quatenus potuit, retractavit, & nihil intermisit, quo impedire posset homicidium; utrum, eo nihilominus secuto, tam reservationis, quam irregularitatis penam, compensandique damni obligationem incurrat.

Affirmant Nav. in man. cap. 27. nu. 333. Molin. tom. 3. tract. 2. disput. 73. Tolet. lib. 1. cap. 85. Lessius lib. 2. capit. 13. dub. 3. n. 17. fundamentum est; quia suasor verè causa, vel potius concausa homicidij existit, si executor motus rationibus, quas suasor ipsi proposuit, homicidium commiserit: Et confirmatur ex discrimine, quod est inter mandatum, & consilium, quod nos superius annot. præcedentis partis tetigimus. Nam mandatum nomine, & gratia mandantis fit, consilium verò datur in gratiam accipientis.

Negant verò Petrus Navar. lib. 3. cap. 4. n. 27. Salon. 2. 2. qu. 620. art. 7. contr. 6. Sà verb. restit. 11. Dian. par. 7. tract. 5. resol. 83. & quoad excommunicationem, Avila par. 2. ca. 5. disp. 3. dub. 7. concl. 3. Henriquez lib. 14. cap. 16. num. 5. & quoad irregularitatem, Innocen. in cap. ad audiendam n. 11. Sylvest. v. homic. 1. n. 11. §. 3. & n. 12. S. Anton. in 3. part. tit. 28. capit. 2. §. 2. quoad reservationem verò, Lupus par. 2. cas. 8. tertie partis §. 4. num. 16. Quorum sententiam probabilem fatetur Lessius citat. c. 13. n. 18. Quia persuasus contrariis rationibus à sententia potest, & debet dimoveri: Quare si non dinoveatur, homicidium postea secutum non suasoris consilio, sed executoris malitiæ imputari debet.

10 Hinc Layman lib. 1. trac. 5. par. 2. cap. 5. n. 7. in gratiam Confessariorum, ad tollendos scrupulos resoluit. Quòd qui, propostis rationibus, homicidium iniu-

stum persuasit, si eas postea serio, & quatenus potuit, efficaciter retractavit, secuto nihilominus homicidio, nec in excommunicationem, aut irregularitatem incurrit, nec etiam probabiliter restituendi obligationem contrahit. Quod certius est de reservane, eò quòd per retractionem consilij tollatur ratio prærequisiti voluntarii.

### RESOLUTIVA PRAxis

#### *Pro Incidentibus.*

1 Ex prænotatis statuitur regula generalis: Incidit in casum quicumque deliberato animo dat consilium homicidij in se, vel in causa propinqua voluntarij, & injusti, secuto mortis eventu: modò consilium fuerit efficax, & sufficienter non retractatum. Quod verum est, tam de viro, quam femina doli capace. Nam ubi lex non distinguit nec nos distinguere debemus, nisi specialis implicantiz, ratio distinctionem ponere cogat.

2 Idem resolvitur de illo, qui interveniente culpa, & dolo, alterum efficaciter mover, inducit, hortatur, & incitat ad aliquem injustè occidendum; vel etiam instruit de faciliore, & securiore occidendi modo; si facinus patratum fuit: Nam omnes isti modi veniunt sub nomine consilij. Constat ex annot. 2. & 3. hujus tertie partis n. 2. & 3.

3 Incurrit reservationem, qui, post à se datum consilium, & patratam necem dubitat quidem, sed magis in affirmativam partem inclinat, ideòque est quasi mortaliter certus, quod causa, vel potius concausa fuerit efficax homicidij: Quia in tali dubio possessio stat pro lege reservante. Sanchez lib. 1. moral. capit. 10. numer. 74.

Dices. Reservatio nihil operatur circa penitentem, sed tantum circa Confessarium, cui absolvendi facultatem admittit: Ergo licet penitens dubitet de efficacia sui consilij. Confessarius tamen favorabilem de sua jurisdictione opinionem concipere potest.

Resp.

Resp. In hoc, & similibus casibus bona fides Confessarij dependet ex bona fide pœnitentis: unde sicut bona fides pœnitentis favet, sic mala fides jurisdictioni Confessarij nocet.

4 Subjacet reservationi, qui dedit consilium faciendi abortum fœtus prædicti anima rationali, secuto effectu; nec ab irregularitatis nota valet liberari. Filliucius tract. 20. n. 19. Regin. lib. 30. n. 96. quo casu incidit etiam in reservationem ex eo, quod procuraverit abortum suo consilio, cui præterea adnexa est excommunicatio reservata, de qua infra in casu 7. num. 1. & 2.

5 Incidit, qui alterum suo consilio simpliciter confirmavit in maligno occidendi proposito; dummodo postea secutus sit mortis eventus: Quia hujusmodi confirmatio censetur efficax in homicidium influxus: Secus dicendum, si tantum magis confirmavit, ut infra clarius dicetur.

6 Incidit, qui in bello manifestè injusto efficaciter militi suavit, ut ignitam glandem exploderet in hostem, ex qua hostis remansit extinctus quia est verum consilium homicidii voluntarii injusti.

7 Idem deciditur de illo, qui suavit, permovit, instigavit, induxit Judicem ad injustam capitis condemnationem, ut scilicet adjudicaret ad mortem non reum mortis: modo fuerit causa efficax, interveniente culpa, & dolo: constat ex prænotatis.

8 Quod supra resolutum fuit de studioso occidente, vel occi mandante prescriptum non capitalis pœnæ, aut extra territorium proscribentis, eum scilicet reservatione ligari, idem prorsus asseritur de consiliente, concurrentibus aliis conditionibus.

9 Reservationi videtur obnoxius, qui datum homicidii consilium, vel non tempestivè, vel nimis remissè revocavit, si eo consilio motus executor homicidium patravit patet ex annot. 7.

10 Eadem resolutio datur de illo, qui efficaciter alteri homicidium injustum suavit: et si suavis longum post tempus necem patrare distulerit: Quia sola mora temporis inefficax consilium efficere

non censetur, nisi probabiles coniecturæ in concitarium existant.

11 Reservationem denique afficitur, qui homicidium voluntarium, & iniustum alteri consuluit; sed ita reserat comparata, ut si iste non consuluisse, alter in ejus defectum idem consilium dedisset, sicque homicidium adhuc patratum fuisset. Nam sicut ille, alter qui prius consuluisse, in casum incidisset, ita incidit iste, qui maligno suo consilio alterum prævenit.

## RESOLUTIVA PRAXIS

### *Pro non Incidentibus.*

1 Non incidit, qui efficacibus rationibus homicidium injustum alteri persuasit, sed cædes postea non fuit patrata, vel quia suavis noluit, vel quia non potuit. Si quidem non reservatur consilium dolosum, nisi sequatur homicidium injustum.

2 Idem resolvitur de illo, qui alteri consuluit, ut adversarium verberaret; sed executor adeo gra iter percussit, ut tandem mortuus sit: quod verum est, etiam si mors prævisa fuisset, non tamen intenta. Et ratio est, quia consilium non fuit homicidii in se, vel in causa proxima voluntarii: Nam simplici verberationi suapte natura non est adnexum homicidium, & ab ea inseparabile; quod requiritur ad rationem voluntarii in causa; sicut dictum est supra annot. 5. n. 5.

3 Non ligatur, qui suadet amico, ut sibi consulat, & instruit de modo cavendi insidias inimici, vel vitandi mortis periculum, aut etiam Judicis multam. Quia instructio hujusmodi diversa est à consilio; à diversis autem non fit illatio. Constat ex annot. 2.

4 Idem deciditur de illo, cui Amasia impius detexit animum faciendi abortum fœtus prædicti anima rationali, si ille, cum sit Pater, non dissuadeat, sed taceat: Quia litera reservationis accipienda est de vero, & expresso consilio, non de tacito, & interpretativo. Delinquit tamen mortaliter contra justitiam, & sit irregularis. Nam cum sit Pater, tenetur propriam prolem

ab interitu vindicare. Navar. in man. cap. 24. num. 22.

5 Non afficitur reservatione, qui suavit, rogavit, & induxit Judicem, ut malefactorem non injustè damnaret ad mortem, quem tamen non damnaasset, nisi eo consilio impulsus fuisset: Quia sicut suspensum non fuit injustum, ut supponitur, ita nec si spendii consilium.

6 Idem resolvitur de eo, qui alteri efficaciter consuluit, ut capitali pœna proscriptum occideret intra territorium proferibentis: Quia eo casu homicidium non est injustum, etsi possit esse illicitum, si non zelo justitiæ, sed odio privata vindictæ tam suavor, quam occisor ad id moveatur.

7 Reservatoni non est obnoxius qui, cui parantur capitales insidiæ, dedit consilium insidiatorem preveniendi, & occidendi: Quia cum occisio tali casu non sit contra justitiam, ut docet Lessius lib. 2. c. 9. nu. 45. & 46. reservatoni non est locus. Quod si alia vitandi insidias patebat via, læderet quidem consulens charitatem, nō tamen justitiam: Ideoque nec reservationem incurreret. Lessius loc. cit. Bonac. de restit. disp. 2. quest. ult. sect. 1. punct. 9. Dian. par. 3. tract. 5. resol. 90.

8 Non ligatur casu, qui injustum alteri suavit homicidium, ad quod patrandum alter per seipsum dispositus erat: Quia consilium non fuit efficax: deliquit tamen mortaliter interno pravo affectu: Vide supra annotat. 6. n. 8. & Doctores ibi citatos.

9 Utrum verò incidat, qui suo consilio alterum magis tantum in occidendi proposito confirmavit, vel fuit causa, ut aliquanto citius, ac libentius homicidium patraretur. Affermat Lupus de casu refer. par. 2. cas. 8. in 3. par. §. 4. n. 12. v. addo, contra quosdam Doctores.

Cœterum mihi cum iisdem Doctoribus negandum videtur: Quia consilium in hisce casibus non censetur efficax, neque secundum partem, cum ex hypothese, eo consilio secluso, homicidium adhuc committendum erat. Unde corrui fundamentum Lupi. Utrum autem eo casu incurrat irregularitas. Affermant Molin. tract. 3. disp. 33. memb. 6. n. 6. quia ad irregulari-

tatem sufficit quilibet influxus, non ita verò ad reservationem, ad quam incurrendam requiritur, ut influxus sit efficax.

10 Qui alteri, propositis rationibus, homicidium injustum persuasit, si eas postea seriò, & efficaciter reuocavit, secuto nihilominus necis eventui, tam à reservatione, quam cœteris homicidii pœnis, & obligationibus immunis cœteri debet: constat ex annot. 7.

11 Suavor, ex cuius maligno consilio alter lethaliter vulneratus est, si antequam vulnerat mors sequatur, ritè confessione instituat, à Confessario simplici potest absolvi. Quia etsi delictum grave commiserit, illud tamen reservationi non est obnoxium: Siquidem reservatio in hoc casu requirit actum consummatum, hoc est, vulnerati interitum Layman libr. 1. tractat. 2. cap. 3. n. 5. vers. *Quæ doctrina*. Dian. part. 3. tract. 4. resol. 74. quibus subscribit Januar. de cas. refer. resol. 23. n. 7. Lupus de cas. refer. cas. 8. §. 4. n. 14. & 15.

12 An autem postea, vulnerati morte secuta, iniqui: suavor reservationem incurrat, teneaturque; Superiorem, seu Pœnitentiarium adire: difficultas resoluta manet ex supradictis de executore, & mandante: ubi negativam sustinimus, rationemque assignavimus: quia pœnitens jam dolosi consilii delictum ritè clavibus subiecit, ejusdemque directam absolutiōnem obtinuit. Ita precipit Doctores II. cc. Fateor tamen plerumque necessarium esse, ut sacerdoti postea explicetur, an homicidium secutum sit, tum ob obligationem compensandi damni in defectum principalis, tum ob Ecclesiasticam censuram, vel irregularitatem.

13 Utrum verò, qui homicidium suavit, sed probabiliter dubitat, num suavit motus sit odio vindictæ, an dato sibi consilio, censendus sit incidisse. Affermat Lupus loc. cit. §. 7. annotat. 2. citans Lessium, & Naldum. Cujus ratio est, quia nemo præsumi debet malus, & quod sit patraturus delictum, nisi impulsus sit efficaci consilio.

Cœterum probabilius mihi videtur nō incidisse: Tum quia reservatio, cum sit odiosa, non est extendenda ad casus propriè

præ dubios: Tùm quia in dubio propriè dicto melior est conditio pœnitentis, & Confessarii suam jurisdictionem possidentis. Quæ regulæ militant tam in dubio contradictionis, quàm contrarietatis actus. Ita Henric. l. 14. n. 3. qui licet ibi agat de irregularitate, tamen ejus opinio, & rationes multò magis fauent reservationi, quæ majorem, certiorèque influxum requirit, quàm irregularitas; & expressè tenet Merolla in disp. theol. tom. 1. disp. 3. cap. 3. coroll. 23. num. 270. Sà Verò restit. num. 34. Nec ratio Lupi conuincit. Nam præsumptio sumi debet ab eo, quod frequentius, non quod rariùs contingit. Szpiùs autem contingit, homicidam moueri propriæ vindictæ odio, rariùs alterius consilio.

14 Non afficitur reservatione, qui aliqui leuiter offenso iudicio, jocofoque modo suasil, vt offensorem occideret, si idcirco jocosè suasil offensorem occidat: qui casus non ita pridem contingit Brizæ. Tùm quia jocosè consulens coram Deo non delinquit mortaliter, maxime si de periculo necis nihil suspicatus fuerit; Tùm quia homicidium eo casu non jocofo consilio, sed brutali executoris genio, vel infano furori imputari, & adscribi debet.

15 Eximitur à reservatione, sed non à peccato, qui dictum, vel factum alterius prouocatum ad iram retulit, ex quo alter commotus illius dicti, vel facti auctorem interfecit. Tùm quia talis relatio non est expressa homicidii suasio, vel instigatio; & licet æquipolleret, adhuc tamen non incideret: Quia in materia reservationis non valet argumentum ab æquipollenti, teste Naldo v. casus num. 3. Coriolan. Lezan. in sum. tom. 3. v. casus reservati, n. 13. Tum quia non est suasio homicidii in se, vel in causa propinqua voluntarii: Nam tali causæ suapte natura non est conjunctus occisionis effectus, & ab ea inseparabilis, quod requiritur ad voluntarium in causa propinqua; ut pluries memini, me dixisse.

## DE GRAVITATE HUIUS Delicti, & Obligatione Confessarii.

Flagitium tam immanè est homicidium, tamque illud Deus detestatur, ut vel à bestiis cædis hominum pœnam se repetiturum minetur. Sunt enim homicidæ humani generis hostes accerrimi, qui, quantum in ipsis est, vniuersum Dei opus evertūt, cum hominem interimunt, cujus gratia Cunctipotens omnia creauit. Cujus sceleris grauitatem ostendit Ecclesia, quæ sanguinarios homines ab altaris ministerio perpetuò arcendos decreuit. Hinc Ordinarii ferè omnes delictum hocce, utpotè perniciosum, horrendum, & immanè jure merito sibi reseruarunt.

Quod verò spectat ad absolutionem, aduertat prudens Confessarius, ne in eam cogitationem conferat omnem conatum, ut cognoscat, num reservationis vinculo ex voluntaria hominis cæde pœnitens sit obstrictus. Sed præ cæteris damnorum compensationem ob oculos habeat. Propterea meminerit.

Primò, quòd mandans homicidium injustum committi, primo loco etiam ante ipsum homicidii executores ad damnorum restitutionem obligatur. Sicut ex communi docet Lessius l. 2. cap. 13. dub. 5. n. 42.

Secundò si nullus homicidium fieri mandauit, quòd tunc homicida, siue executor ante cæteras concausas restituere tenetur; ut habet Lessius loc. cit.

Tertiò, quòd in defectum mandantis executor, & in defectum utriusque, si neque restituerunt, neque putantur restituendi, vel quia nolunt, vel quia nequeunt inductor, seu suasor præstare damna cogitur, Lessius loc. cit. Quod si suasor, vel alia ex secundariis causis hereditibus occisi damna compensauit, non propterea liberatur mandans, vel executor, sed cogitur restituere, quod hæredibus occisi consulens dedit, atque illi dare debuerant.

Quoad damna verò ex injusto homicidio sarcienda. Primò injustus occisor tenetur ad expensas in curatione occisi factas.



Jaſtas. Leſſius lib. 1. cap. 9. dub. 19. numer. 124.

Secundo, ſi occiſus ſolitus erat aliquo officio, vel arte quaerſtum facere, reſtituere tenetur homicida non totum lucrum, ſed ſpem lucri. Quia minùs valet res in ſpe, quàm in re. Quæ aſſiſti matio non eſt deſumenda ex ætate ſexa ginta annorum, ſicuti ſpectatur in alimētis; ut aliqui volunt; ſed facienda eſt viri prudentis judicio, ſine ulla detractio- ne laboris. Leſſius cit. lib. 2. cap. 9. du b. 20. nu. 128. ex communi.

Tertiò præciſè pro damno vitæ (idem eſt de mutilatione, ſeu cicatrice) nulla reſtitutio facienda eſt ante judicis ſenten- tiam: Quia ſunt bona diverſi generis, & altioris ordinis, quæ aſſimari non poſ- ſunt. Solùm igitur damnum pecunia- rium ex homicidio ſecutum penſari de- bet: eſt communis DD. ſententia apud Leſſium cit. cap. 9. dub. 23. numer. 145. & Laym. lib. 3. tract. 3. contra Sorum, & Syl- veſt.

Quartò ſi læſus ante mortem omnia remiſit, mandans, occidens, conſulens &c. ad nihil tenentur. Quia filijs non fit injuria per homicidam, niſi quatenus læduntur in patre contra ipſius volun- tatem. Leſſius citat. cap. 9. dub. 26. num. 258.

Quod ſi homicida pœnam talionis ſu- ſtinuit, hoc eſt, eadem mortis pœna plo- xus fuit; verius eſt adhuc ad damna te- neri, ſi hæredes occiſi exigant: Secùs ſi non exigant: nam eo caſu pœnæ talionis cenſentur acquieſcere: ſicut habet uſus, & docet Leſſ. dub. 23. num. 139. Diana par. 5. tract. 4. reſol. 60.

Quintò pro expenſis funeris nihil or- dinarie reſtituendum eſt: excepto, ſi oc- caſione illatæ necis, v. gr. extra patriam, majores fieri oportuit.

Sextò homicida, ex juſtitia non tenetur ad eleemoſynas, vel Miſſas pro ſalute occiſi. Saluberrimum tamen eſt conſilium, ut Confeſſarius eas in ſacra- mentali confeſſione injungat. Dian. l. c. reſol. 55.

Septimò, hæc damnorum compenſa- tio facienda eſt tantùm parentibus inter- ſecti, filiis, & uxori: Quia hi ſoli morali-

ter cenſentur una perſona cum occiſor. Ideòque hoſce ſolos læſit injuſtus occiſor. Leſſius dub. 26. num. 155.

Octavò etſi probabile ſit damnum creditoribus occiſi illatum ab homici- da ſarciendum eſſe, ſicuti docet Molina tractat. 3. diſput. 83. numer. 8. Layman. lib. 3. tractat. 3. part. 3. cap. 6. numer. 4. Quia ar- ctiore obligatione tenebatur occiſus er- ga creditores, quàm erga uxorem, & filios. Contrarium tamen videtur pro- babilius; eo quod occiſio per acci- dens ſit illius damni cauſativa; quod Confeſſariorum praxis confirmat; ſicu- ti teſtatur ipſemet Layman loc. citat. in fine. Conſule Leſſium loc. citat. dub. 26. num. 151.

Nonò multò minùs tenetur compen- ſare damnum, quod provenit alicui ter- tio, cui per errorem, vel malitiam accu- ſatorum homicidii crimen imputatum fuit. Quod verum eſt, quamvis homi- cida id præiderit, dummodò per ſe non intenderit (imò ſecundùm Leſ- ſium citat. cap. 9. dub. 16. numer. 113. etiam ſi intenderit, dummodo actio illa talis non fuerit, ex qua homicidium al- teri imputandum eſſet) Quia eventus il-

le valde casualis eſt, & damnum per accidens ſequitur: proindeque

homicidæ imputari non debet. Ita Molin. loc.

cit. diſput. 86.

numer. 3.

Layman. citat. cap. 6. numer. 3.

Bonacin. de reſtitut. diſp.

2. quæſt. ultim. ſect.

2. punct. 2.

( : )



I N

# TERTIVM

## Casum Reservatum,

### I N E D I C T O

Sub hac litera expressum.

Periurium testis in iudicio.

#### AN NOT A T I O N E S.

- 1 Sub quibus terminis olim fuerit in Diœcesi Brixienſi inducta huius casus reservatio.
- 2 Perjurium dupliciter accipitur lato, & stricto modo.
- 3 Quid propriè sit periurium, & quomodo sumatur in casu.
- 4 Triplex datur periurium (quemadmodum triplex constituitur iuramentum) assertorium, promissorium, & comminatorium.
- 5 Periurium tantum assertorium cadit sub dispositione propositi casus.
- 6 Periurium aliud verbale, aliud reale, aliud mixtum.
- 7 An unumquodque reservatione Episcopali sit comprehensum.
- 8 Periurium aliud tale materialiter tantum, aliud formaliter solum, aliud materialiter, & formaliter simul.
- 9 Quodnam ex istis reservantis juris dispositioni sit subiectum.
- 10 Periurium assertorium aliud actoris, aliud rei, aliud testis.
- 11 Litena reservationis loquitur tantum de periurio testis in iudicio.
- 12 Triplex datur iudicium, aliud publicum, aliud privatum, aliud à partibus constitutum.
- 13 Reservatio huius casus extenditur tantum ad iudicium publicum.
- 14 Iudicium publicum duplex, iuridicum, si ve legitimum, & non legitimum.
- 15 Enumerantur casus, in quibus Iudex censetur legitime procedere.

- 16 In quibus casibus Iudex non putetur servare juris ordinem.
- 17 Quoties Iudex legitime interrogat, testis veritatem aperire tenetur: secus si legitime non procedat.
- 18 Testis, cum non servatur juris ordo, etsi amphibologica locutione uti possit, nunquam tamen mentiri licet.
- 19 Quoties testis non tenetur aliquid revelare iniuriatus, neque cogitur iuratus.
- 20 Si Iudici legitime interroganti testis amphibologico sermone respondeat, an periurium reservationi obnoxium committat.
- 21 Refertur sententia affirmans.
- 22 Negantem probabiliorē putat Author.
- 23 Discrimen inter depositionem falsam, & periurium testis in iudicio, valde notandum.
- 24 Ad incidendum in reservationem an requiratur tertij præiudicium. Refertur duplex sententia.
- 25 Periurium testis in iudicio in Brixienſi Diœcesi, si ve in præiudicium, si e in tertij favorem vergat, reservationi est obnoxium.
- 26 Nomine tertij venire nequit iustitia legalis.

#### AN NOT A T I O I.

1 Olim in Brixienſi Diœcesi huius casus reservatio inducta fuit sub his terminis. Qui falsum in iudicio testimonium si ve in gratiam, si ve in alterius damnum deposuerit. Ut videtur licet apud Lælium Zecum casu 12.

Nunc verò variata est casus dispositio, & aliqua ex parte extensa reservatio: ut patet ex ipsa litera reservationis, & ex dicendis clariùs patebit.

#### AN NOT A T I O II.

2 Pro quo notandum est, quod periurium potest sumi dupliciter, scilicet latè, & strictè. Periurium latè significat omne iuramentum illicitum, seu perversum, id est, aliquo trium comitum destitu-

tutum, qui sunt veritas, judicium, & justitia. Strictè verò, ac propriè acceptum significat mendacium juramento confirmatum: sicuti definivit S. Thom. 21. q. 98. artic. 1. & S. Hieronymus super caput 4. Hjerem. relatus in cap. 2. causa 22. quæst. 2. *Mentiendo jurare nihil aliud est, quam peccare.*

3 Perjurium contrariè opponitur juramento vero, ac religioso. Juramentum autem (verum, & Religiosum) est invocatio Divini testimonii in confirmationem alicujus veritatis. Igitur perjurium est invocatio Divini testimonii in confirmationem falsitatis, & mendacii.

Cæterum nomen periurii in proposito casu sumi debet strictè, ac propriè, nimirum pro juramento veritate destituito. Nam verba legis quæ habet quamdam rationem pœnæ, cujusmodi est reservatio, fumenda sunt secundum propriam significationem, retenta proprietate vocabuli, & non per extensionem: cum reservatio sit odiosa, ideoque strictè interpretanda. Ita Naldus, v. *casus*, num. 3. Coriolan. de cas. referu. par. 1. sect. 1. artic. 5. Meroll. tom. 1. disput. 3. cap. 3. dist. 2. coroll. 23. numer. 370. Lezana in summi. tom. 3. v. *cas. reserv.* num. 13.

### ANNOTATIO III.

4 Verùm notandum est, quemadmodum triplex datur juramentum, scilicet assertorium, promissorium, & comminatorium, quæ singula deinde subdividuntur in illud, quod fit per simplicem Divini nominis contestationem, & illud, quod fit per execrationem, cum jurans sibi ipsi, vel alteri dilecto mali quidpiam à Deo falsitatis vindice imprecatur, nisi verum sit, quod asserit, vel promittit. Ita triplex dari perjurium, si nimirum prædictis tribus juramenti generibus veritas desit. Perjurium assertorium committitur, cum, interposito Divini nominis testimonio, asserit mendacium de dicto, vel facto rem præteritam, vel præsentem respiciente. Perjurium promissorium cum quiescat eadem Divina auctoritate confirmat mendacium, seu mendacem promissionem circa rem futuram. Comminatorium ve-

rò, cum, invocato eodem Divino nomine, confirmatur mendacium seu mendaciminatio alicujus mali, vel pœnæ alteri comminata, v. gr. si quis dicat, per Deum ego te cædam, sine cædendi animo, quod referri potest ad genus periurii promissorii.

5 Cæterum reservantis juris dispositio censetur comprehendere tantum periurium assertorium. Nam juramentum tantum assertorium deseruit ad eruendam alicujus rei veritatem in judicio, cujus intuitu Episcopali reservationi fuit subiecta judicialis ejusdem violatio.

### ANNOTATIO IV.

6 Præterea observandum est, quod periurium assertorium, sicuti & juramentum, aliud est verbale, aliud reale, aliud mixtum ex utroque. Periurium verbale est mendacium divini nominis invocatione explicite, v. g. per Deum ita est, vel implicite, v. gr. per Crucem sacram, aut per sancta Evangelia, confirmatum. Periurium merè reale fit, cum Evangeliorum liber, aut alia scriptura loco Evangelij, ommissa omni verborum forma ab eo, qui jurare jubetur, manu tangitur. Periurium verò mixtum fit, cum jurans utrumque præstat, nempe, & verba proferat, & tactum interponit, juramentum significando.

7 In edicto igitur reservationis comprehenditur omne periurium assertorium, tam verbale, aut reale tantum, quam mixtum, concurrentibus aliis conditionibus, de quibus infra.

### ANNOTATIO V.

8 Verùm non segniter notandum est, quod periurium assertorium aliud est tale materialiter tantum, aliud formaliter solum, aliud materialiter, & formaliter simul. Tunc periurium est tale materialiter tantum, cum quis existimans jurare verum, ex errore, & præter intentionem jurat falsum: tunc tale formaliter, cum quis intendens iniqua mente jurare falsum, præter intentionem jurat verum: tunc verò materialiter, & formaliter simul

nul, cum quis & intendit jurare falsum, & reipsa jurat falsum. Modò certum est, periurium, quod est tale solum materialiter, sicut eximitur à culpa, sic eximitur etiam à reservationis pœna.

9 Difficilis est de periurio testis in judicio, quod est tale formaliter tantum, cò quòd existimans deponere, seu jurare falsum in judicio ex errore juravit verum. Et fortè aliquis hujusmodi periurium existimavit reservationi obnoxium: quia verè iste mentitur, mendaciumque juramento coram iudice confirmat; Ideòque reipsa periurii crimen committit.

Ceterum contrarium est sustinendum, videlicet si testis intendens iniqua mente jurare falsum in judicio, per errorem, & ignorantiam juramento deponat verum, & si ob pravam affectum moraliter delinquat contra præceptum naturale Divinum, & teneatur etiam ad damnorum refectionem; cum delictum, v.g. in causa accusationis, quod est ita occultum, ut nullo modo probari possit in judicio, perinde sit, in ordine ad forum externum, ac si non esset commissum: quo casu accusator dicitur calumniator, & testes dicuntur falsi, & iniqui; Ideòque damna inde provenientia sint rescicienda: Nullam tamen incurrit reservationem ob defectum conditionis, ac circumstantiæ, quam jus reservans requirit, nempe falsitatis seu mendacii tam materialis, quam formalis in judicio. Neque refert, quòd in hoc casu testis verè periurii crimen committat: nam verum est affectivè, & ex intentione pejerantis, non verò effectivè, & ex natura periurii. Si quidem hujusmodi assertio jurata reipsa non innititur falsitati, sed veritati: & licet jurans formaliter, & affectivè dicatur juramento confirmasse falsum in judicio; non tamen materialiter, & effectivè quorum utrùmque requiritur ad incidendum in casum. Ita Januarius de cas. refer. resol. 57. n. 2. in fine. Lupus par. 2. cas. 7. §. 4. in simili de testimonio falso. Mazuch. de cas. refer. disp. 2. cap. 19. difficult. 2. q. 3. numer. 50. & 53. in simili de depositione falsi. Qui rectè monent, quòd perjurus in hoc casu teneretur nihilominus pro absolutione Superiorem ratione

conscientiæ erroneæ: Nam conscientia erronea quandiu non deponitur, obligationem inducit. Cæterum, cognita veritate, à Confessario simplici posset absolvi.

## ANNOTATIO VI

10 Præterea valdè notandum est, aliud esse loqui de periurio testis in judicio, aliud de periurio habentis interesse in judicio. Nam etiam alia persona præter testes possunt pejorare, & sæpè numero pejerant in judicio, ut acculator, & reus in criminalibus, & similiter actor, & debitor in causis civilibus, si Juxta ab ipsis juramentum exigat.

Cæterum cum isti in propria causa interesse habeant, non veniunt nomine testis, præsertim in materia odiosa, qualis est reservatio.

11 Unde perjuriū testis tantum, non autem actoris, vel rei, aut alterius habentis interesse in aliquo judicio reservationi obnoxium censi debet. Peccant tamen, & isti quàm graviter ob interpositionem veracissimi Dei nominis, vel in negationem veritatis, vel confirmationem falsitatis.

## ANNOTATIO VII.

2 Sed ulterius notandum est, nomen judicii tripliciter sumi. Primò pro judicio privato, & extrajudiciali, quod fit pro eruenda aliqua veritate, adhibito testium juramento. Secundò pro judicio privato, quod fit à iudice privatim electo, & à partibus contendentibus, ad dirimendam inter eos aliquam controversiam, constituto. Sicut solet fieri in compromissis privatis, si testes in iis assumantur. Tertiò pro judicio publico ordinario, vel delegata potestate incepto, & constituto, quod cum auctoritate per sententiam profertur causa discussa, tribusque constat personis, scilicet actore, reo, & Iudice, quarum una dempta, resolvitur judicium.

13 De hoc igitur tertio genere judicii tam civilis, quàm criminalis, tam coram Ecclesiastico, quàm seculari Iudice, intelligendam censeo reservationis litera, si vi-

si videlicet in ejusmodi iudicio testium probationes fumantur, in ejusque actis publicis mendacium juramento confirmetur: Nam primum, & secundum non sunt vera iudicia: in materia autem reservationis verba debent sumi secundum strictam, & propriam verborum significationem, omissa impropria: Sicut docet Coriolanus cit. p. 1. sect. 1. art. 5. Bon. disp. 5. de sac. q. 7. punct. 5. §. 4. Ian. de cas. res. resol. 18. n. 6.

Unde uniuersim loquendo, si testis coram quacumque persona, pro quacumque re, & in quocumque officio, praterquam in iudicio, quod constet actore (vel iudiciali officio, gerente vicem actoris, seu accusatoris, ut in inquisitionibus criminalibus, & delictis semiplenè probatis) reo, & iudice falso præstet iuramentum, licet periurii damnandus sit, à reservatione tamen immunis censeri debet.

#### ANNOTATIO VIII.

24 Insuper notandum est, iudicium publicum, quod tribus diximus constare personis, aliquando esse iudicum, & legitimum, aliquando non. Tunc iudicum habetur, cum iudex iudico ordine procedit; non iudicum, cum juris ordinem non servat.

15 Et quidem in his casibus censetur Iudex iudicè procedere. Primò si auctor laboret criminis infamia. Secundo si damnum imminet communitati, nec possit nisi per iudicem averti. Tertiò si damnum alicui privato impendat, nec possit aliter impediri. Quarto si crimen jam sit semiplenè probatum. Quintò si procedatur via accusationis, & crimen plenè probari possit, saltem per duos testes, qui sint contestes. In his igitur casibus, sicut Iudex iudicè interrogat; sic testis iudicè interrogatus aperire tenetur veritatem. Vide D. Thom. 2. 2. quæst. 70. art. 1. Less. lib. 2. c. 30. dub. 6. nu. 43. Laym. lib. 3. tract. 6. c. 4. num. 8.

16 Casus verò, in quibus Iudex non censetur iudicè procedere, enumerantur à Lessio cit. dub. 6. n. 45. Card. de Lugo de iust. disp. 39. num. 10. & sunt sequentes.

Primò si res innotescat ex sacramentali confessione. Secundo si sub secreti naturali sigillo alter crimen accepit, ut consultor, adiutor, Advocatus, Medicus, obstetrix, & similes; dummodo tamen testificatio ad avertendum damnum publicum, vel privatum non sit necessaria. Tertiò si auctor laboret infamia, nec timeatur damnum in futurum. Quarto quando proceditur via accusationis, & delictum plenè probari non possit, v. gr. quia desunt duo testes, qui sint contestes, hoc est, qui conveniant in loco, & tempore commissi delicti, vel contracti debiti in causa civili. Quintò si ex testificatione notabile damnum ipsi testi, vel ejus consanguineis imminet; praterquam si alterius damnum publicum, vel privatum præponderet: unde nemo regulariter contra consanguineos testari tenetur, ut notat Cardin. de Lugo loc. cit. Sextò si alter probabiliter in facto non peccavit, vel ob ignorantiam, vel quia rem accepit in occultam compensationem debiti, ex quo tanquam de furto inquiritur. Nam mens iudicis est inquirere de delicto. Seprimò si accipit à personis non admodum fide dignis. Imò qui solum quidpiam audivit, potest deponere; nescire secundum probabilem doctrinam Emanuel Sà Vers. iudicialis actus de testibus num. 8. Medullæ Theolog. Moral. lib. 5. cap. 3. artic. 4. dub. 6. resp. 2. Bassæi in floribus Vers. testis num. 7. quando delictum, de quo inquiritur, consistit in facto, & non in voce. Octavò denique si Iudex sit incompetent.

17 In istis igitur casibus sicut Iudex non legitime interrogat; sic nec testis veritatem fateri tenetur. Ita Navarr. cap. 25. num. 42. & 50. Lessius loco citato dub. 6. num. 46. Bonacin. de test. punct. 3. num. 6. 7. & 8. Layman; loc. citat. cap. 4. n. 9. Dian. par. 2. tract. 1. resolut. 63. par. 3. tract. 5. resolut. 100. & 101. Bassæus citat. num. 6. & 7.

18 Adverte tamen, quòd licet testis interrogatus à non suo Iudice, vel juris ordine non servato, respondere non teneatur, si tamen coactus respondere velit, mentiri non potest; etsi possit æquivocare; S. Th. 2. 2. q. 69. art. 1.

19 His addendum, quòd quando testis non tenetur fateri veritatem, sine juramento, quia legitime non interrogatur, neque tenetur cum juramento; modo verbis ambiguis mendacium effugiat. Lessius cit. dub. 6. n. 51.

Quòd si illud juramento confirmet, adhuc à reservationis pœna immunis censeri debet; cum legitimi iudicii ratio deficiat. Graffius de cas. refer. lib. 1. cap. 17. num. 31.

### ANNOTATIO IX.

20 Vtrum verò perjurium committat, & consequenter in reservationem incidat testis ille, qui iudici legitime interroganti respondet, vtendo amphibologica locutione, quæ secundum mentem iudicis interrogantis falsa quidem est, vera autem secundum mentem testis respondentis.

21 Affirmant quoad periurium Cajet. Sot. Azor. Henriq. ConincK, quos citat, & sequitur Laym. lib. 4. tract. 3. cap. 13. num. 5. 6. & 7. & quoad reservationem, loquendo de depositione falsi, tenet Graff. loc. cit. n. 33. cui sucritur Lupus de cas. refer. par. 2. cas. 7. §. 6. in fine, nec dissentit Mazuch. disp. 2. cap. 4. quæst. 3. num. 46.

22 Cœterum probabilius negant Syluest. Nau. Sà, Philiar. Valen. Tolet. Suarez, Rodriq. Regin. quos sequitur Less. lib. 2. cap. 40. dub. 5. num. 35. & subscribit Dian. par. 2. tract. 1. resol. 25. & par. 3. tr. 6. resol. 30. quibus addo Sanch. lib. 3. mor. cap. 6. num. 15. Et quoad reservationem aduerfatur Jan. de cas. refer. ref. §. 1. n. 2. Et ratio est, quia mentiri est contra mentem loqui; atqui in proposito casu testis non loquitur contra id, quod in ejus mente falsum est, sed quod verum: propterea enim retinet partem responsionis in mente, cum qua responsio externa verum sensum habet, quem etiam jurare intendit. Ergo non mentitur, & consequenter non est periurus, cum periurii propriè dicti vnica sedes sit mendacium. Est igitur testis graviter peccet, vtendo sine iusta causa responsione æquiuoca, propriè tamen non mentitur, neque peierat; &

consequenter neque reservationem incurrit. Nam reservatio in casu nostro inducta non est sub terminis depositionis falsi, sicut habet. Graff. Lup. & Mazuch. sed sub termino periurii, quod hic abesse euidenter constat.

### ANNOTATIO X.

23 Pro cuius rei intellectu notandum est, magnum discrimen intercedere inter depositionem falsam testis in iudicio & periurium testis in iudicio. Nam quoties testis legitime interrogatus affirmat aliquem articulum falsum, vel negat verum in iudicio, toties quidem deponit falsum, & committit mendacium; non tamen committit periurium, nisi mendacium huiusmodi juramento confirmet. Et quamvis necessariò testes debeant esse iurati, vt patet ex cap. Nuper. n. 51. de testib. alioquin eorum testimonio in alterius præjudicium fides non præstatur in iudicio, teste Layman lib. 3. tract. 6. cap. 4. n. 5. Tamen si testibus, vel ex incuria, aut inaduerfentia iudicis, vel Tabellionis, nullum deferatur iuramentum, vel ex partium consensu remittatur; erit quidem depositio falsa in iudicio, si veritate non nitatur, non tamen periurium testis in iudicio, & consequenter neque casus reservatus; tùm defectu periurii, quia periurium non subsistit sine mendacio iuramenti religione firmato. Tùm defectu veri testis, quia iuramentum est de essentia testis, & testimonium sine juramento non est verè testimonium: sicut constat ex supra relato cap. Nuper. & docet Laym. l. 3. tr. 6. cap. 4. n. 6. Graff. loc. cit. num. 27. Januar.

de cas. refer. quorum sententia, tanquam probabiliori adhaeret Ma-

zuch. l. c. cap. 19. q. 2. n. 26.

& 27. contra Gyptium

cas. 7. & Lupum

eodem cas. 7.

num. 27.

vers. tertio idem

sequitur.

(..)

## ANNOTATIO X.

24 Vtrum verò ad reservationem hujusce casus incurrendam requiritur etiam damnum tertii, affirmat Graff. lib. 1. de falsis testib. cap. 17. num. 12. cui subscribit Belloch. de cas. refer. par. 2. quæst. 9. nu. 98. nec dissentit Lupus cas. 7. n. 27. illation. 6. Fundamentum est, quia falsum testimonium seu falsa depositio tria necessario includit: nempe immutationem veritatis, dolum deponentis, & damnum tertii: unde altero ex his deficiente, v. gr. damno proximi, testimonium falsum propriè non potest dici, eo quòd falsitas necessario tertii damnum includat: Idque verum esse ajunt non tantum in iis locis, ubi in litera reservationis additur hæc particula, *in tertii præjudicium*, sed etiam in iis, in quibus non additur, eo quòd, licet expressè non sit addita, implicite tamen intelligatur.

Contrarium probabilius sustinet Mazuch. de cas. reserv. disp. 2. cap. 19. q. 2. n. 19. quod probat ex Metropolitana Ecclesiæ Mediolanensis praxi, & auctoritate doctissimorum virorum, quos de hac re se conluisse fatetur, confirmat.

Verum quidquid sit de hac difficultate, certè doctrina, & opinio, Grassii, Belloch. & Lupi ll. cc. non habet locum in casu nostro, cujus reservatio lata est non sub terminis testimonii falsi seu falsæ depositionis, sed sub terminis perjurii testis in judicio. Vnde quoties quis mentitur in judicio, mendaciumq; suum juramento confirmat, sive id in favorem, sive in tertii præjudicium cedat: toties periurium committere, & consequenter in reservationem incidere, procul dubio censeri debet. Nam laxior est casus periurii testis in judicio, quàm testimonii falsi sive falsæ depositionis in eodem judicio: Quia ad rationem perjurii sufficit dolosa veritatis immutatio, addito juramento; ad falsitatem verò secundum Graff. loco citato præter dolum requiritur etiam damnum tertii.

Præterea veritatis occultatio cum juramento in judicio, restrictione mentis seclusa, est perjurium reservationi subie-

ctum, & tamen à ratione falsæ depositionis recedit. Quia hæc dicit positivam assertionem, illa meram non manifestationem veritatis. Siue ergo in gratiam, siue in alterius damnum testis scienter, & malitiosè pejeret coram Judice, semper delinquit mortaliter, & reservationem incurrit. Et hanc esse communem hujus casus intelligentiam, testes mihi fuere grauissimi, ac doctissimi viri, hac de re à me consulti. Inter quos P. Andreas Cadarus, Oratorii Brixien. Sacerdos, spectatissimus in sacra canonum, ac universa morali doctrina præstantissimus: idque praxis inter ni fori Ecclesiæ Brixientis confirmat. Nam qualibet juris dispositio interpretationem recipit à consuetudine, teste Franc. de Leone in thes. fori Eccl. par. 1. c. 24. n. 23.

Addo, cum reservatio pendeat ex mente Reservantis, præsumendum non esse de contraria mente Sapientiss. mi Legislatoris, noluisse scilicet reservationi subiacere perjurium testis in judicio, nisi cederet in præjudicium tertii: sed censendum est, reservantis juris ad miniculo potius voluisse tum Sanctissimi Dei nominis honori consulere, cui insignis irrogatur injuria judiciali perjurio: Tum etiam ire obuiam eorum testium improbitati, qui ementia iusiurando religione publica pervertunt judicia cum maximo Reipublicæ damno, & præjudicio. Esto igitur perjurium testis in judicio in nullius vergeret nocumentum, adhuc nihilominus esset reservationi obnoxium. In quo tamen multi testes, & non pauci Confessarii etiam decipiuntur: illi existimantes citrà graue peccatum eo casu mentiri posse in judicio; isti integrum sibi esse absoluerè pejerantes coram Judice absq; alia facultate; quando nullus læditur, & alter iuuatur. Sed, ut dixi, eorum opinio est erronea: Ideòque prorsus deponenda.

25 Quòd uero aliqui, ut Belloch. loc. cit. n. 93. nomine tertii intelligunt etiam iustitiam legalem, cui juramento falso inferitur præjudicium, id uidetur recedere à communi, & proprio loquendi more. Siquidem præjudicium iustitiæ legalis reperitur in omni judiciali perjurio, etià si nullum asseratur Parti nocumentum.

Et

Et propterea supervacaneum videtur introducere præjudicium hujusmodi ad incurrendam reservationem contra deponentes falsum in iudicio, sub conditione præjudicii tertii impositam.

## RESOLVTIUA P R A X I S

### *Pro Incidentibus.*

Ex prænotatis resolvitur, reservatione ligari eum testem, qui scienter, & malitiosè perjurium præstat assertorium, tam reale, quàm verbale coram Iudice competente, vel Notario mandatum Iudicis habente: Quia concurrunt omnia ad hanc reservationem requisita.

2 Subjacet lethali culpæ, & reservationis poenæ testis ille, qui scienter, & malitiosè pejerat, ut supra, tam si perjurium in gratiam, quàm in alterius damnum præstetur in iudicio; constat ex annot. 10. num. 25. Hoc interest, quòd scienter pejerans apud Iudicem in alterius damnum, in defectum principalis tenetur etiam ad damnorum refectionem.

3 Idem resolvitur de illo, qui cum sit testis tantum de auditu, eòquòd audierit, Seium interfectum esse à Cajo, cum juramento testatur in iudicio tanquam testis de visu, & certus de facto. Nam mendacium perniciosum Divini nominis contestatione confirmat circa specialem circumstantiam, & conditionem, quam jura in testibus requirunt. Mazuch. loc. cit. quæst. 2. n. 23.

4 Neque propterea reservationem effugit, licet homicidium verè fuerit à Cajo commissum ex suppositione: Nam adhuc testis committit perjurium in iudicio non tantum formaliter, sed etiam materialiter; cum reipsa non fuerit testis de visu, & certus de facto.

Addo perjurium in hoc casu vergere in maximum præjudicium Caji: Nam testis fide dignus, omnique exceptione major facit semiplenam probationem; testis verò de auditu solum iudicium generat levissimum.

5 Et si testis examinatus tertius, vel quartus, postquam innocens per duos, vel tres testes reus sive debitor fuit con-

ventus, non teneatur ad restitutionem, si & ipse falsum malitiosè deposuit in iudicio, sicuti docent Vasquez de relict. cap. 2. §. 1. dub. 4. num. 11. Dian. par. 3. trac. 3. resol. 105. quia tanta causa damni jam erat data per priores testes; committit tamen perjurii crimen in iudicio, quia veritas constitit in indivisibili, & consequenter innodatur reservatione. Secus si reservatio lata esset contra deponentem falsum contra innocentem, vel in damnum tertii. Graff. de cas. refer. l. 1. c. 17. n. 2. & 28. Januar. de cas. refer. resol. 48. n. r.

6 Reservationem incurrit testis ille, qui dubiam, & incertam veritatem juramento confirmat coram Iudice tanquam certam, & exploratam. Quia adfunt omnia ad incidendum necessaria, nempe perjurium assertorium, malitia, testis, & circumstantia iudicii. Graff. loc. cit. nu. 35. Nam qui jurat rem dubiam, propriè contrahere perjurii malitiam, docet Cajet. Sylv. Navar. Valen. Suarez, quos citat, & sequitur Sanchez lib. 3. moral. cap. 4. numero 13. & 14.

Contrarium tamen, quoad perjurium, & consequenter etiam quoad reservationem sustinent Vasquez 1. 2. disput. 127. cap. 3. Turrian. 2. 2. disp. 58. dub. 2. Quibus subscribit Layman lib. 4. tr. 3. cap. 14. nu. 4. Quorum probabili Doctorum opinionem possunt Confessarii se conformari in praxi.

7 Sed, & ille testis reservatione afficitur, qui in re parvi momenti, accepto juramento, mentitur scienter in iudicio. Quia in perjurio, præsertim judiciali non datur parvitas materiæ, & in qualibet falsa, & jurata assertione, vel negatione etiam rei minimæ reperitur perfecta, & integra perjurii malitia. Sanchez l. c. c. 4. n. 6. ex communi.

8 Idem resolvitur de teste, qui, delato sibi juramento, subicit veritatem, quanti Iudici iussu ac juridicè requirenti, revelare teneretur: Quia concurrunt conditiones ad inducendum necessariæ, videlicet verum perjurium, malitia testis, & legitimum iudicium. Secus statuendum esset cum Graff. l. c. n. 10. & Mazuch. l. c. nu. 31. si reservatio lata fuisset sub terminis depositionis falsi; quia valde differunt falsum



sum deponere, & verum subdicere, illud dicit positivam assertionem, hoc verò meram non manifestationem veritatis; perjurium autem utrumque comprehendit. Januar. de cas. refer. resol. 32. n. 1. & 6.

9 Et si innocens ad infirmendam calumniatoris accusationem, vel iniqui testis depositionem, non peccet contra iustitiam, si ipsis crimen aliis falsis testibus obiciat, quia huiusmodi actio censetur compensatio, seu potius iusta defensio; delinquit tamen mortaliter contra virtutem religionis, ob inductionem testium ad deponendum falsum cum iuramento in iudicio: ipsique testes judicialis perjurii sunt damnandi, & consequenter reservationis pœnæ obnoxii reputandi. Summa Dian. v. reus, n. 9. & Januar. de cas. refer. resol. 47. n. 32. ex Eodem. to. 2. tr. 8. cap. 31. concl. 21.

10 Reservationi subjacet, qui perjurium præstat in iudicio, cum Iudex ad noticiam, & vindictam delicti procedit tam via inquisitionis, quam accusationis: si delinquens publica labore infamia, vel delictum sit semiplenè probatum; vel plenè videatur probari posse. Nam in utroque casu Iudex iuste, & legitime veritatem inquirat; & propterea testis inique, & contumaciter veritatem perjurio celat. Vide annot. 8. n. 13.

11 Sed, & ille reservatione afficitur qui non legitime interrogatus à Iudice, mendacium tamen positivum jurat in iudicio: quia licet huiusmodi iudicium licitè non possit fieri, si tamen fiat, et si illicite tamen valide instituitur: Nam vnus testis omni exceptione maior, semiplenè probationem facit: Ideoque est verum perjurium. malitiosi testis in valido iudicio.

12 Non excusantur à reservatione testes, qui iurati scienter mentiuntur, fallendi gratia in iudicio, quamvis iure reiciantur à testimonio ferendo, uti sunt servi, mulieres, minores viginti anni in criminalibus, in civilibus autem impuberes, inimici, sanguine juncti, & domestici, infames, perjurii, socii criminis, inopes, & viles (in causis tamen fidei omnes admittuntur, præterquam inimicus capitalis) Nam cum jus reservans non distinguat, nec nos distinguere debemus juxta regu-

lam, lex generaliter loquens, generaliter est intelligenda. Januar. resol. 47. nu. 27. Lupus l. c. n. 27. verò. *idem assertur.*

13 Vtrum verò incidat, qui per metum gravem cogitur falsum jurare in iudicio. Affirmat Floron. cas. 6. nu. 28. & 31. in simili de incestu, cui favet Mazuch. disp. 2. cap. 4. quæst. 3. nu. 65. Quorum ratio est, tum quia metus, cum non excuset à culpa, neque excusabit à reservationis pœna: Tum quia reservatio propriè non est pœna, sed ablatio jurisdictionis, cujus defectu Confessarius non potest absolvere testem, qui scienter pejeravit in iudicio.

Oppositum docet Graff. in praxi lib. 1. cap. 13. nu. 28. cui subscribit Januarius de cas. reserv. resol. 47. num. 15. Quod probat ex cap. *Sacri, de his, quæ vi metusque causa sunt.* Hæc posterior sententia videtur probabilior, quia metus gravis, etsi non excuset à mortali culpa ob transgressionem juris naturalis Divini; censetur tamen excusare à reservatione, quæ inducitur jure humano, quod regulariter non obligat cum tanta severitate, & detrimento: Sicuti docent Suarez de legib. lib. 3. c. 30. num. 4. Layman lib. 1. tract. 4. cap. 14. nu. 5. Bonac. de legib. disp. 2. quæst. 8. punct. 2. num. 6. Dian. par. 5. tract. 3. resolut. 39. Vide quæ diximus supra in priori parte: resol. 122.

## RESOLVTIVA P R A X I S

### *Pro non Incidentibus.*

1 Non incidit testis ille, qui mentitur quidem in iudicio, sed mendacium nullo aut verbali, aut reali confirmavit iuramento: Tum quia in isto casu deficit ratio perjurii: nam mendacium sine iuramento non est perjurium: Tum etiam ratio veri testis, quia iuramentum est de essentia judicialis testimonii. Vide annotationem 9. n. 16. & Graff. l. c. n. 27.

2 Idem resolvitur de illo, qui existimans coram Iudice jurare verum, ex errore iuravit falsum: Quia cum nihil affirmaverit contra suam mentem, non committit mendacium, & consequenter neque perjurium, nisi materialiter: constat ex annot. 5. n. 7.

3 Sed:

3 Sed neque testis ille reservatione ligatur, qui intendens judicialiter jurare falsum, reperit deinde se præter intentionem jurasse verum: Nam ad hujus casus reservationem requiritur perjurium, quod sit tale formaliter, & materialiter simul; licet & jurans diceretur affectuè jurasse falsum, non tamen effectiue: comperta igitur veritate à Confessario simplici posset absolvi: vide sup. annot. 5. n. 7.

4 Eadem resolutio statuitur de illo, qui ne cogereetur testificari apud Judicem, mendacium dixit coram Judice, ob quod dimissus fuit à testimonio ferendo in judicio: ut si dixit, reum sibi esse inimicum. Quia non reservatur simplex mendacium, sed mendacium testis juramento confirmatum coram Judice, quod dicitur judiciale perjurium.

5 Sed hic obiter quæres. Num eo casu testis, qui in judicium vocatus coram Judice tergiversatione, vel fraude aliqua testificandi actum declinat, vel eludit, peccet contra justitiam, & teneatur ad restitutionem damni, quod ex tali tergiversatione, vel mendacio alteri innocentibus evenit. Affirmant Sotus lib. 5. de just. q. 7. art. 1. Navar. in man. c. 25. n. 41. Reginal. lib. 24. nu. 46. Quia hoc ipso, quod testis citatus comparuit in judicio, ipsique impositum est præceptum à Judice, tenetur ex justitia testimonium dicere.

Sed rectius negant Molin. to. 1. de just. trac. 1. disp. 83. de test. Lessius lib. 2. cap. 30. dub. 8. n. 59. Layman lib. 3. sect. 5. trac. 2. cap. 4. n. 7. versic. *sed neque*. Quia testis ad veritatem quam novit aperiendam non tenetur ex justitia, sed solum ex charitate erga innocentem; ex obedientia verò erga Judicem præcipientem, vel denique ex fidelitatis, aut religionis virtute, si etiam juravit fateri veritatem. Proinde cum non peccet contra justitiam, neque tenetur ad restitutionem.

6 Dices. Si ad aperiendam veritatem pro succurrendo innocenti, non obligatur testis ex justitia, sed ex charitatis, vel obedientie, aut religionis virtute. Ergo posset pretium accipere pro dicenda veritate, cum sola opera justitiæ non possint fieri venalia: quod tamen communi Doctorum sententiæ adversatur.

Respondeo, causam, cui pro dicenda veritate non possit testis, pretium accipere, non esse ex eo, quod ad aperiendam veritatem obligetur ex justitia, sed quia veritas, secluso alio titulo, non est pretio estimabilis.

Dixi, secluso alio titulo: quia pro labore itineris, pro expensis, pro lucro cessante: item pro damno, vel periculo, quod ex testificatione veritatis metuitur, integrum est testis pretium accipere: ut docet Lessius lib. 2. cap. 14. dub. 9. n. 65. Dian. 3. par. trac. 6. resol. 4.

7 Pro falso verò testimonio ferendo, ante factum nihil testis accipere potest: patrato autem opere, quod tanquam pretium sibi datum est potest retinere, teste Lessio cit. lib. 2. cap. 18. dub. 3. nu. 18. Sà v. *restit.* n. 9. & 18. Navar. man. cap. 17. n. 31. quia periculum ab eo in alterius gratiam susceptum pretio estimabile est.

8 Non est obnoxius reservationi, qui cum probè sciat Titium in extrema indigentia, vel in justa compensationem rem alienam surripuisse, de hoc facto citatus à Judice ad testandum, juratus negat, seu non manifestat furtum commissum esse à Titio: cum non ignoret Judicem procedere ex presumptione, quod futurum fuerit injustè, iniuriòseque commissum.

9 Idem resoluatur de illo, qui non ignorans alterum in incendio, vulneratione, homicidio non peccasse, vel ob inculpabilem ebrietatem, ignorantiam, inconsiderationem, vel necessariam sui defensionem, requisitus à Judice asserit cum juramento, alterum innocentem esse: Et ratio est, quia ut vitetur perjurium, satis est, si responsio testis intentioni Judicis conformetur: Intentio autem Judicis est inquirendi de delicto, quod cum in prædictis casibus absit, id circò ejus intentioni satisfacit, sic respondendo. Less. lib. 2. c. 31. dub. 3. n. 14. Laym. lib. 4. tr. 4. cap. 14. Bonac. in 8. præcep. disp. 10. q. 3. punc. 3. Januar. de cas. refer. resol. 54. n. 12.

10 Qui solum audiuit delictum aliquod commissum esse à Titio, si rogatus à Judice respondeat se nescire, non peccat, & cõsequenter nec in reservationem incidit. Quia jus Judicis inquirentis de fa-

sto aliquo, & non de voce videtur tantum se extendere ad rogandum testem de scientia, deserviente suapte natura ad illius facti, vel delicti probationem, qualis non est scientia de auditu; eo vel maxime si à personis non fide dignis accepit. Vide supra annot. 8. n. 14. & Doctores ibi citatos.

11 Non afficitur reservatione testis ille, qui juratus subicit veritatem coram Judice incompetente, v.g. quando in foro laicali proceditur contra clericum, vel quando clericus interrogatur à Judice seculari absque licentia Episcopi: Quia quando quis non tenetur fateri veritatem sine juramento, neque tenetur cum juramento, modò verbis ambiguis declinamentum: Quòd si illud juramento confirmet, adhuc non incidit: Quia perinde est, ac si extra judicium perjurium committat: patet ex annot. 8. numer. 75.

12 Testis, qui judici legitime interroganti respondet, utendo sine iusta causa amphibologica locutione, etsi graviter delinquat, propriè tamen non mentitur, neque pejerat, & consequenter nec in reservationem incidit, Lessius lib. 2. cap. 40. dub. 5. n. 33. Januar. de cas. ref. resol. 51. n. 2. Vide supra annot. 9. nu. 22. & Doctores ibi citatos.

13 Non incidit, qui cum occultè sit reus vel complex delicti, citatus ut testis à Judice, ne se prodatur, juratus utitur æquivocatione, vel mendacio in judicio: Tum quia licet interrogetur ut testis à Judice, ipse tamen censetur respondere, ac mentiri non ut testis, sed tanquam reus ac complex delicti: Tum quia nemo tenetur se prodere in judicio. Belloch. de cas. refer. par. 2. q. 1. n. 344.

14 Non incidit deponens falsum cum juramento coram Superiore, interrogante non tanquam iudice ad criminis punitionem, sed tanquam patre ad criminis emendationem: Quia deficit vera ratio, & conditio iudicii. Januar. de cas. refer. resol. 47. num. 21.

15 Reservationem non subiacet, qui coram quocumque Superiore, vel in quocumque officio civitatis, communitalis, scholarum, loci pii, &c. falsum præstat

juramentum: Quia Edictum, seu litera reservationis intelligitur de testibus pejerantibus coram legitimo Magistratu, & in judicio constante à reo, reo, & Judice, patet ex annot. 7. nu. 11.

16 Idem deciditur de reo, debitore; actore, vel accusatore, pejerantibus in judicio. Nam casus præcisè loquitur de perjurio testis, non verò de personis habentibus interesse in judicio. Peccant tamen omnes quàm graviter contra virtutem religionis, & aliquando etiam justitiæ, quando ipsis aperiendi veritatem incumbit obligatio. Quod dico, quia reus aliquando non tenetur verum fateri, sed æquivocatione uti potest; de quo vide Lessium lib. 2. c. 31. dub. 3. n. 17.

17 Reservantis juris dispositioni non est subiectus testis ille, qui mentitur, mendaciumque juramento confirmat coram officialibus publicis, v. gr. coram gabellariis, seu vectigalium exactoribus: Nam is non dicitur pejerare in judicio, sed extra judicium.

18 Idè ob eandem rationem resolvitur de teste, qui falsum præstat juramentum coram simplici causidico, vel notario, nã datum iudicis suscipiendi testes non habente. Ita etiam Zeccus de cas. ref. cas. 12.

19 Excusatur demum, qui falsum jurat in judicio privato, & coram Judice à partibus contententibus privatim constituto: Quia non censetur reservatum perjurium testis, nisi in publico judicio. Constat ex annot. 7. n. 10. & 11.

Testem hic tandem monendum censeo, ut quando sibi competit jus tacendi veritatem, restringat juramentum ad verum mente retentum, æquivoca locutione utendo.

## DE GRAUITATE HVJVS

*Delicti, & obligatione Confessarii.*

Quàm detestabili scelere se obstringat, & quot malorum origo existat, qui prece, vel pretio corruptus veracissimum Numen in testem falsitatis adducere, nefarii que sceleris adminiculo recta detorque judicia non veretur, ex eo licet coniecere; quod cum Ecclesiastica, tū

juris civilia, præter infamie notam, quæ perjuris homines incurunt, adeo atroces ab ipsis expetunt pœnas, ut sæpe numero exilii, verberum, triremis, nec non etiam mortis decernant supplicia. Nam præterquamquod facinororum hominum delicta, falsis testibus testæ, impunita manent, & delinquentes ipsi ad ulteriora, grauioraq; spe impunitatis properant flagitia; sacrosancta etiam pervertuntur iudicia; cùm Judices, interposita e mentiti testis iurandi religione, contra jus statuere, ac decernere cogantur. Et quod deterius est, non rarò facultates, fama, vita, animæque salus innocentium in discrimen coniiciantur.

Quare cùm Providissimi, æquè ac Ze-  
lantissimi Episcopi nostri vigilantia ani-  
maduerterit tot in vno catenari flagitia,  
innumeraq; ex eo promanare mala; vt  
tam virulentam, hæc tempestate dire  
grassantem, à concredito sibi prege ar-  
ceret pestem, hocce detestabile scelus  
optimo iure statuit severiori suo reserva-  
re iudicio.

Quod spectat ad Confessarium, memi-  
nerit, ne ea tantum cogitatio infideat ip-  
sius animo, ut cognoscat, num reserva-  
tionis vinculo pœnitens innodatus exi-  
stat; ideoque cœteras falsi testis obliga-  
tiones peruestigare negligat. Cùm enim  
ex iudiciali testimonio perjurio grauius da-  
ma provenire soleant: idcirco à pœniten-  
te probè exquirat. Primo in quo genere  
iudicii, quamvis iuramento falsitatem co-  
ram Iudice confirmarit. Secundò an in  
damnum, & præiudicium, vel in alterius  
gratiam, ac fauorem, mendacium iuratus  
dixerit in iudicio. Tertiò an sciens,  
& dolosè, vel ex errore, ignorantia, vel  
inadvertentia mortaliter non culpabili  
falsum contra alterum protulerit testi-  
monium. Quartò an damnum alteri jam  
proveniret, vel adhuc impendat.

Nam si sciens, aut ex crassa ignorantia  
falsum afferret in iudicio, ratione cuius  
alter injustè damnum acceperit; Confes-  
sarius pœnitentem obligare debet ad  
damnorum refectionem in integrum: Nā  
per injuriam mortalem alteri fuit causa  
efficax totius damni. Lessius l. 2. c. 30. dub.  
7. num. 12. ex communi. Si verò nullum

adhuc adversè Parti damnum provenie-  
rit, sed tamen periculum vel vitæ, vel fa-  
mæ, vel fortunarum impendat; monen-  
dus erit pœnitens, sibi obligationem in-  
cumbere retractandi dictum suum, etiam  
cum æquali suo damno, & periculo;  
quoties retractionem speret proliuam;  
sicuti communiter docent Doctores:  
Quia in pari damno, & periculo potior  
est ratio, & melior innocentis conditio.  
Lessius cit. cap. 30. dub. 7. num. 53. Bonac.  
in oct. præ. disp. 10. q. 3. punc. 3. num. 16.  
Tolet. lib. 5. cap. 59. Basilus in flor. 2. testis,  
num. 10.

Quod si falsum testimonium iuratus  
dixit ex errore, ignorantia, vel inadverten-  
tia mortaliter non culpabili, obligatur  
quidem testis impedire damnum, si po-  
test, non tamen cum gravi suo incommo-  
do, & periculo; sicut neque tenetur ad  
restitutionem. Quia neque tenetur rati-  
one rei acceptæ, cùm nihil possideat  
alienum, neque ratione injustæ damni-  
ficationis, eo quod non peccaverit saltem  
mortaliter, ut supponitur; ex damno au-  
tem dato citra culpam mortalem, seclusa  
obligati. ne contractus, vel officii, non in-  
ducitur obligatio restituendi sub culpa  
mortalis: sicuti docent Sanc. l. 2. mor. c. 22.  
n. 160. Azor. 3. p. l. 4. c. 8. Fill. tr. 32. n. 31. &  
32. Less. cit. l. 2. c. 7. nu. 24. & 27. Laym. 4.  
lec. 5. tr. 3. p. 1. cap. 6. nu. 2. Dian. par. 3. tr.  
5. resol. 105. & alii plures.

Aduertendum tamen est, ad inducen-  
dam obligationem restitutionis, vel re-  
tractionis ex falso testimonio opus esse,  
ut illud fuerit causa efficax damni: Nam  
si à parte rei iurata falsi testis assertio  
nihil in damnum influxerit, vgr. quia  
per falsa aliorum testimonia jam tota da-  
mi causa erat data, ita, ut Iudex ex hoc te-  
stimonio nihil fuerit motus, ad nihil te-  
nebitur perjuris testis, sicuti docet Less. l.  
2. cap. 30. dub. 7. n. 52. Laym. lib. 3. tr. 5. c.  
8. Dian. p. 3. tr. 5. resol. 105. Vide supra in  
resolutiva praxi pro incidentibus cas. 5.

Et quoniam non rarò testes, ad depo-  
nendam etiam veritatem in iudicio, so-  
lēt pecunia induci; propterea si confessa-  
rius deprehenderit, testē aliquē præiū ac-  
cepisse, pro dicēda veritate, debet illū ad-  
monere de obligatione pretii accepti re-

situendi. Nam etsi testis non teneatur ex iustitia deponere in iudicio, ut supradictum est; tamen si testificari velit, tenetur ex iustitia verum gratis deponere, lib. 3. §. *lex Julia*, ff. de testi. siquidem opera iustitiæ non possunt fieri venalia, lib. 4. §. *si tibi*, ff. de condit. Secus verò si testi pecunia detur ratione laboris, itineris, molestiæ, periculi, damni, &c. Lessl. & Dian. II. cc. Idem dicendum, si pecunia testi data sit, ad animum ipsius alligandum, ut liberius deponat, aut dans ex mera liberalitate donet; tunc enim ad restitutionem non obligatur testis, sicut nec tenetur, si quid accipiat post testificationem, dummodo non præcesserit pactum, vel promissio. Menoc. de arbit. lib. 2. cent. 4. cas. 310. nu. 5. Vide sup. cas. 6. in resolut. praxi pro non incidentibus, & Doctores ibi citatos.

## I N

## Q V A R T V M

## Casum Reservatum.

In Edicto Episcopali sub his terminis  
Expressum.

*Iniectio manuum violenta in  
Parentes.*

## A N N O T A T I O N E S.

- 1 Sub quibus terminis olim fuerit hic casus in Diocesi Brixien. reservatus.
- 2 Quid intelligatur per iniectionem manuum violentam in Parentes.
- 3 Longè extensior est casus iniectionis, quam percussio.
- 4 De iniectione manuum propriè dicta intelligitur litera reservationis.
- 5 Qualis iniectio requiratur ad incurrendam huius casus reservationem.
- 6 An sufficiat iniectio, &c. pravo animo facta, si ex parte operis iniectio sit levis, vel parva.
- 7 Quenam excusent ab hac reservatione

*incurrenda.*

8 Parentum appellatione quinam veniant in proposito casu.

9 Verior sententia, cui adhaeret Author.

## A N N O T A T I O I.

1 **R**eservatio huiusce casus olim in hac Brixien. Diocesi in hæc verba lata fuerat: *Qui Parentes percusserint: uti constat ex Lelio Zecco cas. 14.* Nunc verò variatio literæ reservationis varium omnino reddidit casum. Nam non amplius sub terminis percussio, sed iniectionis manuum in parentes jus reservans casum exprimit, ac proponit: valde autem differunt inter se iniectio manuum, & percussio; ut infra clariùs patebit.

## A N N O T A T I O II.

2 Per iniectionem igitur manuum intelligitur actio exterior contumeliosa in parentes, in facto, vel opere consistens. Sed notandum, quòd iniectio manuum dupliciter sumi potest, videlicet propriè, & minùs propriè: minùs propriè significat realem percussio, seu veram lesionem circa personam parentum, factam manibus, sive immediatè, sive mediatè, nempe ligno, gladio, sclopo, &c. propriè verò significat quamvis contumeliosam actionem externam, pravo animo factam sive manibus, sive pedibus, sive mediatè, sive immediatè in parentum personam, sive in res parentibus adherentes. In personam, illos vulnerando, percutiendo, furiosè persequendo, ita ut cogantur aliquod malum pati; conspergendo aqua fæta, pulvere, luto, evellendo crines, &c. In res uerò adherentes, eas eripiendo per vim, & injuriam ex eorum manibus, aut violentè detinendo per vestem, eas lacerando, injuriosè sistendo equum, aut equi, cui parentes insident, frenum frangendo, & cetera huiusmodi, quæ omnia propriè veniunt sub iniectione violenta manuum in parentes. Ita hæc iniectio, ac reservatio ad eisdem casus sit extendenda, ad

ad quos extenditur iniectio manuum uiolenta in Clericum, & excommunicatio ob eandem iniectionem, *cap. si quis suadente*: excepto, quod excommunicatio comprehendit etiam mandantes, consulentes, auxiliantes: reservatio uero non excedat personam filiorum, seu filiarum, uolentas manus in parentes iniicientium. Ita Chapeau. *cap. 4. q. 1.*

3 Hinc liquido apparet, latius patere casum iniectionis uolentem manuum, quam percussione: Nam datur uera iniectio manuum, seclusa omni percussione: Illud autem dicitur latius patere, à quo non sit conversio secundum subsistendi consequentiam, ut docent Philosophi.

4 De iniectioe igitur uolenta manuum in parentes proprie dicta intelligenda est reservationis litera; sub qua comprehenduntur singule actiones reales, iniuriose, supra enumeratę, in parentes commissę.

### ANNOTATIO III.

5 Ceterum notandum est, quod non quelibet iniectio manuum in parentes reservationi subiecta censeri debet; sed ea tantum, quę culpam mortalem involuit: uidelicet iniectio nolutaria, malitiosa, pravo, & deliberato animo ledendi, seu iniuriandi parentes commissa: Nam reservatio lethalem culpam supponit. Graffius in praxi lib. 1. cap. 2. num. 2. & cap. 7. n. 24. in append. Laym. lib. 5. trac. 6. c. 12. num. 3.

6 Neque sufficit, si animus quidem, siue prauus ledendi, uel iniuriandi uoluntatis affectus sit moralis, si lesio, siue iniuria exterior culpam ueniale non excedat. Nam huiusce casus reservatio requirit culpam mortalem, non solum per relationem ad actum uoluntatis internum, sed etiam secundum injuriam, & lesionem externam. Graff. par. 1. decis. aur. cap. 13. n. 71. Card. de Lugo disp. 20. de penitent. sect. 2. n. 15.

7 Vnde ab hac reservatione incurrenda eximitur iniectio in parentes indeliberata, uel subita, iocosa, uel casualis; si non fiat animo injurandi parentes, sed

seipsum defendendi. Item si fiat ex ignorantia, inadwertentia, inconsideratione mortaliter non damnabili. Quod si animus ledendi parentem sit quidem mortaliter malus, sed lesio exterior, in ratione iniurię parentibus irrogatę sit tantum uenialis; licet iniiciens manus lethale crimen committat, nulla tamen reservatione ligatur. Quia reservatio requirit culpam mortalem non tantum secundum maliciam internam, sed etiam externam. Ita præter DD. citatos Suar. tom. 4. disp. 29. de pœn. sect. 3. n. 3.

Recte tamen notat Finell. *cas. 7. n. 3.* quod lesio parentum externa etiam levis, & ex pravo animo procedens, raro à mortali potest excusari.

8 Major difficultas est, quanam in hoc casu veniant nomine parentum, in quos uolentas iniiciens manus reservationem incurrat. Huic difficultati respondet Zecus de cas. refer. *cas. 14. num. 2.* dicens parentum nomine non solum venire Patrem, & Matrem, sed consanguineos etiam omnes, ac alios Superiores, puta Socerum, Patruum, Amitam, Vitricum, & Novercam. Vnde consequenter asserit in reservationem casus incidere omnes, qui percutiunt Superiores suos usque in infinitum, & eos, qui tenent illorum locum, ut sunt Vitricus, & Noverca: item Socer, Patruus, & Amita. Hanc eandem sententiam tenet Chapeau. *cas. 4. quest. 1.* & adheret Belloch. *par. 2. questio 2. num. 53.*

9 Verum contraria sententia longè probabilior est, & omnino in praxi sustinenda, quam tradit Graff. in prax. lib. 2. cap. 40. num. 22. Finell. de cas. refer. *cas. 7. n. 2.* Gambar. *casu 8.* quibus subscribit Mazue disp. 2. c. 8. diff. 1. n. 2. & 3. qui omnes concorditer docent parentum appellatione venire tantum superiores ascendentes, à quibus naturaliter descendimus, puta Patrem, Auiam, Auam, aliosque usque ad Tritauum, seu Atauum patrem. Nam in materia reservationis, ut potè odiosa, uerba sumenda sunt secundum propriam, & naturalem eorum significationem, & non per extensionem ad improprium. Cum ergo Patruus, & Socer, Vitricus, & Noverca; item Pater adoptans, proprie non

sint parentes, neque naturaliter ab ipsis descendamus, sed improprie, & per fictionem juris ita nuncupentur: Idcirco, licet illos quoque obsequium, & obedientia deceat, sub proprio tamen parentum vocabulo venire non debent: & consequenter nec eos, qui violentas in ipsos iniiciunt manus, sub reservantis juris dispositione comprehendere.

Nec quidquam officit huic assertioni Jasonis doctrina in lege *Prætor. §. de in jus vocando*, qua Zeccus, & Chapeau. inniti videntur. Quod sicut honestatis causa non licet filiis in jus vocare Patrem, neque aliquem ex ascendentibus in infinitum; ita nec liceat sub lethali culpa, & reservationis pœna eisdem Superiores suos, vel qui tenent eorum locum, percutere. Nam ibi agitur de honore parentibus exhibendo, qui cum sit fauor, latam interpretationem recipit. Hic verò agitur de reservatione, quæ cum habeat quamdam rationem pœnæ, eam non ampliari, sed restringi convenit.

## RESOLVTIUA PRAEPRAXIS

### *Pro Incidentibus.*

1. Ex prænotatis statuitur regula generalis: Incidunt omnes in casum, qui scienter, & iniuriôsè manus iniiciunt in Patrem vel Matrem, Auum vel Auiam, aliosquè ascendentes usque ad Tritauum, aliquo ex modis supra relatis annotat. 2. siue id fiat manibus, siue pedibus, siue immediatè, siue mediatè.

2. Eadem resolutio extenditur ad filios, aliosque descendentes tam naturales ac ipsos, quam legitimos, tam sœminas quam masculos, qui iniuriôsè manus iniiciunt in eos, qui veniunt nomine parentum, iuxta supra dicta annotatione 4. n. 9. & modò in superiori casu expresso. Graff. in praxi cap. 40. n. 39. Mazuch. loc. cit. diff. 3. n. 9.

3. Reservationem incurrit qui violentas iniicit manus in parentem, etiam si injectio ejusmodi videretur levis in ratione nocuenti; dummodo sit gravis & mortalis in ratione injuriæ externo actu in parentes irrogata: faciunt, quæ tradit

Card. de Lugo disp. 20. de pœnit. sect. 2. num. 15.

4. Idem à fortiori resolvetur de percussibus parentes, si percussio hujusmodi quoad actum externum fuit deliberatò & malo animo facta. Quia percussio parentum deliberatò, & prauo animo facta, suapte natura grauem continet injuriam; ideòque censenda est reservationi obnoxia. Finellius de cas. refer. cas. 7. n. 3.

5. Reservationi subiacet, qui violententer concludit, aut detinet parentem in aliquo loco, tanquam in carcere: dummodo id injustè ac injuriôsè præstet: Quia hujusmodi actio comprehenditur sub injectione manuum violenta, ut patet in simili de concludente, vel detinente Clericum: lege enim, vel Doctore casum aliquem non decedente, decisio à simili sumenda est.

6. Non eximitur à reservatione, qui verberatus à parente, non vindictæ, sed correctionis aut disciplinæ causa in sui defensionem, vel potius vindictam, audent parentem repercutere. Nam parentes ferendi sunt, si verberent, ipsisque cedendum est in omnibus. Finellius cit. cas. 7. n. 4. Excusandus esset, si ex subita passione non plene advertens quid ageret, parentem repercuteret. Lupus de cas. refer. cas. 14. §. 6. annot. 1.

7. Reservationi tandem censendus est obnoxius, qui indignatione motus baculo, vel ensè parentis personam tangeret, adiciens, te *caderem, nisi parens esses*. Nam sicut hujusmodi injuriôsà actio sufficeret ad incurrendam excommunicationem cap. si quis suadente, si fieret in Clericum, teste Mazuch. loc. cit. quaest. 2. num. 13. ita etiam sufficit ad hanc reservationem. Eadem enim est ratio utriusque injectionis. Secùs dicendum, si reservatio lata esset sub terminis percussionis: Nam talis signatio ictus non comprehenditur sub nomine percussionis: Graff. loc. cit. n. 26. Mazuch. cit. n. 13.

RESOLVTIU A PRAXIS

*Pro Non Incidentibus.*

**N**on innodatur reservatione, qui in parentes maledicta conicit, verbisque verbera minatur: Nam verba contumeliosa differunt ab injectione matrum: à diversis autem non fit illatio: Delinquit tamen mortaliter contra reuerentiam Parentibus debitam.

2 Idem resolves de illo, qui habuit animum iniiciendi manus violentas in parentes, sed ad injectionis actum non peruenit: Quia verba reservationis intelligenda sunt cum effectu: & ubi effectu opus est, non sufficit affectus. Grassi in praxi lib. 2. cap. 49. n. 23.

3 Non incidit, qui sine prauo animi affectu violentas injicit manus in parentes aliquo ex modis supra annotatione 3. n. 7. relatis: Quia ad reservationem prærequiritur culpa mortalis, quæ iis casibus abesse supponitur.

4 Extra telum reservationis existit, qui animo mortaliter malo cepit quidem injicere manus in parentem, sed actualis injectio in ratione injuriæ, & læsionis externæ fuit levis, culpam venialem non excedens: Quia præsens reservatio requirit culpam mortalem, tam quoad injuriam, & mortaliæ externam, quàm internam: constat ex annot. 3. n. 6. cap. 7.

5 Non ligatur casu, qui Patrem, vel Matrem per vestes, aut per brachium strictè apprehensum violententer detinet, vel sistit ob bonum finem, v.g. ne se, vel alterum cædat: Tùm quia hujusmodi detentio non est violenta manuum injectio: cui autem non conueniunt verba legis, neque ejusdem dispositio conuenire debet: Tùm quia non censetur mortaliter injuriosa.

6 Idem resolves de illo, qui metu, vel minis cogit parentem, ut aliquid sibi concedat, dummodo absit injuriosa actio circa personam, vel rem personæ parentis adjacentem. Belloch. de cas. refer. par. 2. quæst. 2. lethalius tamen delinquit contra reuerentiam parentibus exhibendam.

7 Non subjacet reservationi, qui violentas in parentem manus immittit, ob vitandam mortem, mutilationem, vel vulnerationem, seruato moderamine inculpatae tutelæ, non tamen ob justam, & moderatam correptionem. Finellius de cas. refer. cas. 7. num. 4. Lupus casu 14. §. 3. n. 11.

8 Eadem à reservatione immunitas extenditur ad eum, qui ut parentem liberet, vel ipse liberetur aliquo impendente malo, exercet aliquam actionem circa parentem, quæ aliàs esset mortalis, v.g. deiiciendo ad terram, sistendo, vel rapiendo per vim intra domum parentis personam: Quia abest injuria, & consequenter culpa mortalis, quæ ad reservationem requiritur.

9 Idem videtur resolvendum de eo, qui dolo, vel malo animo venenum in occulto propinauit parenti in cibo, uel potu: quod dicitur, retenta sententia Auil. parte secunda, capite quinto de censuris, cui subscribit Mazuchell. dispositione secunda, capite septimo, differentia secunda, numero centesimo quinquagesimo secundo, quod propinatio veneni sit injuriosa soli naturæ, non statui, hoc est conditioni paternæ.

10 Excusatur à reservatione, qui violentas immittit manus in Fratrem, Sororem, Socerum, Patrum, imò & in Vitricum, & Novercam, Patremque adoptantem. Quia hi non veniunt nomine parentum: patet ex annotatione quarta, numero nono: crimen tamen mortale committunt. Mazuchellus loco citato, numero vigesimo secundo.

11 Eadem excusatio extenditur ad illum, qui mandat, consulit, auxilium præbet, operamve præstat ad violentam injectionem manuum in parentem: Quia litera reservationis non loquitur de mandante, consulente, auxiliante, &c. casus autem non expressus habetur, pro omisso; & casus omissus relinquitur dispositioni juris communis, teste Coriolano de casibus reservatis, prima parte, sectione prima, articulo quinto.



## DE GRAVITATE HUIUS

## I N

*Peccati, & Obligatione Confessarii.*

**Q**VAM detestabili cum ingratitude, cum impietatis puteant vicio, qui eos, à quibus lucis, & vitæ usuram habuerunt, quos e omni honore prosequi deberent, contumeliosos verbis, & quod tertius est, verberibus etiam afficere audent, plura ostendunt sacrarum literarum monumenta. Scriptum est enim Exodus 21. *Qui percusserit Patrem, vel Matrem, morte moriatur.* Verum præ cæteris horrida sunt, & horrificum minantur exitium, quæ habentur Proverb. 30. 17. *culum, qui subsanat patrem, & despiciat matrem, effodiant corvi de torrentibus, & comedant eum filij Aquilæ.* Quibus verbis aperte innuitur, filios contemptores, ac percussores parentum, plerumque morte violenta affici. Et quemadmodum iis qui grati in parentes sunt officii merces à Deo proposita est, quod scilicet longæva fruuntur vita super terram; sic ingrati, impiique filii gravissimis reservantur pœnis. Et quotidie divinæ ultionis in eos, qui parentibus injuriam inferunt, exempla cernere licet, in quibus ulciscendis, Dei iracundia exardescit, inultosque parentes non relinquit. Gravitas huius delicti ex eo etiam potest coniici, quod propter idem scelus licet Patri exheredare filium; sicuti docet Gloss. super cap. *Quintuali extra de iureiur.* Finellius citat. casu 7. n. 6.

Quod attinet ad Confessarium, ipsius partes erunt injuriosum in parentes filium, vel filiam de gravitate huiusce delicti in primis commonere: eumque deinceps à tantæ impietatis flagitio detertere. Deinde eundem, ad debitam præstandam parentibus satisfactionem, vel veniam petendo, vel alio congruentiori modo inducere.

## QVINTVM

## Casum Reservatum.

In Edicto Episcopali sub his terminis Propositum.

*Incestus in primo, & secundo Consanguinitatis, vel affinitatis gradu, quoad mares.*

## ANNOTATIONES.

**I**NCESTVS est concubitus cum persona consanguinea, vel affine in gradibus prohibitis. Verum cum multiplex sit cognatio, alia carnalis, quæ contrahitur ex carnali propagatione: alia spiritualis, quæ oritur ex collatione Sacramenti Baptismi, & Confirmationis: alia legalis, quæ provenit ex adoptione: alia demum affinitatis, quæ confurgit vel ex copula licita matrimonii, vel illicita, verbi gratia fornicationis: Idcirco multiplex etiam datur incestus, alius ex concubitu cum persona sibi consanguinea, qui dicitur incestus consanguinitatis: alius ex congressu cum persona sibi affine, qui dicitur incestus affinitatis: alius ex copula cum persona sibi juncta per adoptionem legalem, qui dicitur incestus legalis: alius denique ex coitu cum persona sibi propinqua per cognationem spirituales, qui dicitur incestus spiritualis.

Cæterum non quilibet incestus reservationi Episcopali est obnoxius, sed tantum incestus consanguinitatis, & affinitatis: & hic non in quolibet gradu, sed solum in primo, & secundo: Tum quia incestus spiritualis, & legalis improprie, & metaphoricè tantum ita vocantur: Tum quia incestus spiritualis, & legalis non admittit huiusmodi graduum distinctionem. De primo igitur, & altero incestu intelligenda est dispositio casus, ut express-

pressè constat ex littera reservationis. Proinde cum duplex, & distinctum sit incestus reservati genus, scilicet consanguinitatis, & affinitatis, in duas etiam casum distinguere partes, clarioris intelligentiæ gratia, distinctisque expendere, ac exponere tractatibus, non alienum ab instituto duxi.

## IN PRIOREM QVINTI

### CASVS PARTEM.

In Edicto reservationis sub hac littera Expressam.

*Incestus in primo, & secundo Consanguinitatis gradu, quoad mares.*

## ANNOTATIONES.

- 1 Quid sit consanguinitas, & quomodo distinguatur per lineas, & gradus.
- 2 Quotuplex sit linea.
- 3 Ad cognoscendos consanguinitatis gradus, triplex assignatur regula.
- 4 Prima regula pro linea recta ascendentiũ & descendentiũ.
- 5 Secunda regula pro linea transversa equali.
- 6 Tertia regula pro linea transversa inæquali.
- 7 Ad quot gradus extendatur incestus consanguinitatis, quoad culpam.
- 8 Incestus consanguinitatis extenditur tantum ad primum, & secundum gradum, quoad reservationis pœnam.
- 9 An quilibet concubitus cum consanguinea in primo, & secundo gradu Episcopali reservationi sit subiectus.
- 10 Duplex datur copula incestuosa, perfecta, & imperfecta.
- 11 Ad incidendum in casum requiritur copula incestuosa completa, & perfecta.
- 12 An actus cum consanguineis præpostera libidine commissus reservationi sit obnoxius.
- 13 Quid de concubitu, in quo pars seminis intra claustra seminei pudoris distillet.
- 15 Ad hanc reservationem an opus sit tam

*viri, quàm semine feminario.*

- 15 In Brixienſi Diœceſi ſemine absolute eximuntur ab huius casus reservatione.
- 16 An omnes incestus sint eiusdem speciei. Referuntur variae sententiæ.
- 17 Probabilior sententia, cui subscribit auctor.
- 18 Virum aliquando reservatio inducat necessitatem explicandi gradum.
- 19 An qui cognovit consanguineam in primo, vel secundo gradu, ignorans probabiliter circumstantiam consanguinitatis, immunis sit à reservatione peccato incestus adnexa.
- 20 Doctrina in peccatis luxuriæ Confessarijs valdè notanda.

## ANNOTATIO I.

Consanguinitas est vinculum personarum, ab eodem propinquiore stipite descendentium, carnali propagatione contractum. Sanch. l. 7. de matr. dif. 50. Laym. lib. 5. tr. 10. p. 4. c. 4. n. 1. Consanguinitas distinguitur per lineas, & gradus. Linea dicitur ordinata collectio personarum ab uno stipite descendentium, diversos continens gradus. Gradus est mensura personarum, qua cognoscitur, quanta sit propinquitas, vel distantia consanguinitatis inter personas, quæ in linea includuntur.

2 Sed notandum, lineam duplicem esse, alia dicitur recta, alia transversa, seu collateralis. Recta est illa, in qua una persona directè originem ducit ab altera, siue immediatè, ut filius à patre, siue mediatè ut nepos ab Avo. Recta linea alia est ascendentiũ, quæ respicit personas, à quibus trahitur origo, nempe Patrem, Avum, Proavum, Abavum, aliosque ascendentes. Alia est descendentiũ, quæ respicit personas, quæ ab aliis originem ducunt, nimirum filium, nepotem, pronepotem.

Linea transversa est illa, in qua multe personæ stant ad latus alterius, una tamen non trahit originem ab alia, ut sunt fratres, & eorum filii. Stipes est illa persona, à qua personæ, de quarum coniunctione tractatur, originem ducunt. Ut in schemate

mate consanguinitatis Pater est stipēs, Filius constituit primum gradum in linea recta, secundum nepos, & sic de ceteris. In linea verò laterali primum gradum constituunt frater, & soror: secundum constituunt filii, & filiae fratris, & Sororis. Nam stipēs non facit gradum, sed est principium arboris consanguinitatis, vel affinitatis, connumerando gradus secundum jus canonicum. Vide Sanch. loc. cit. & Laym. cit. capit. 4. numer. 2. & 3.

### ANNO TATIO II.

3 Verum pro clariori hujusce casus intelligentia videndum est, quo gradu unus existat consanguineus cum alio: pro quo notandum, triplicem à Doctoribus assignari regulam, ut cernere licet apud Sanch. & Laym. l. loc.

4 Prima. In linea recta tam ascendenti, quam descendenti, quot sunt personae, tot sunt gradus, una dempta, scilicet patre: v.g. Pater, & filius sunt consanguinei in primo gradu, eò quòd dempto stipite, id est patre, remanet tantum una persona, scilicet filius. Pater, & nepos sunt in secundo, quia dempto patre, remanent duae personae, nimirum filius, & nepos, & sic deinceps.

5 Secunda regula. In linea, transuersa aequali (quae est inter personas à communi stipite aequaliter distantes) quoto gradu personae singulae distant à communi stipite, eodem distant inter se, v.g. frater, & soror sunt in primo gradu lineae rectae transuersae, quia uno gradu tantum distant à patre. Patruus, & consobrini sunt in secundo, quia in eodem distant ab Avo, eorum stipite, & sic de ceteris. Sanch. loc. cit.

6 Tertia regula. In linea transuersa inaequali, inter personas inaequaliter distantes à communi stipite, quo gradu remotior persona distat à communi stipite, eodem distant inter se, v.g. Patruus, & filius ex fratre distant inaequaliter ab Avo: ille in primo gradu, hic in secundo; distabunt igitur inter se in secundo consanguinitatis gradu. Sanch. l. c. num. 5. & 6. In dispensationibus tamen obtinendis

explicari debet in primo, & secundo gradu.

7 Omnes igitur, qui copulam habent cum persona sibi consanguinea vel in linea recta, uel transuersa equali, uel inaequali, usque ad quartum gradum, committunt incestum consanguinitatis.

8 Veruntamen ea est Vigilantissimi Pastoris, ac Legislatoris nostri severa lenitas, & lenis severitas, ut licet concubitus inter personas consanguinitatis vinculo junctas usque ad quartum gradum verè sit incestus; noluerit tamen mortiferam cujuslibet incestus culpam reservationis virga multare: sed eam extenderit tantum ad secundum consanguinitatis gradum in qualibet ex triplici praecedenti linea: ut clarè constet ex reservationis litera.

### ANNO TATIO III.

9 Aduertendum tamen est, quòd non quilibet incestuosus congressus inter personas secundo consanguinitatis gradu sibi junctas censeri debet reservationi obnoxius; sed istantum, qui sit completus, perfectus, & consumatus per quo.

10 Notandum, quòd duplex datur incestus: alter perfectus, completus, & consumatus, ad quem requiritur perfecta, & completa copula cum feminis emissionem, ex parte tum masculi, tum foeminae, vel saltem ex parte masculi, iuxta communioem, & probabiliorem sententiam apud Sanch. lib. 7. de matr. disput. 64. numer. 21. Alter est incestus imperfectus, & incompletus, in quo non accidit feminis emissio intra claustra pudoris foeminae, sive id proueniat ex defectu aetatis, sive voluntatis.

11 Igitur ad hujus casus reservationem non sufficit, si quis cum consanguinea in primo, vel secundo gradu tactus impudicos, vel amplexus libidinosos habeat, etiam cum feminis emissionem, sed extra vas naturale. Nam hujusmodi turpitudines non veniunt propriè nomine incestus teste Finell. de cas. res. cas. 10. num. 9.

12 Idem statuitur de copula sodomitica

tica in gradibus expressis, sive cum femina consanguinea, sive cum masculo habita Neque audiendus est Zeccus de cas. ref. cas. 14. n. 1. qui hujusmodi nefariam turpitudinem inter reservari incestus flagitia enumerat. Nam non quilibet consanguineorum abusus videtur reservationis subjectus, sed qui est verè incestus. Quamvis igitur talis nefandus actus, verè sit consanguineorum abusus, non tamen est verè incestus. Ideoque nec reservantis juris dispositioni obnoxius. Ita Chapeau. c. 14. q. 2. Finell. loc. cit. nu. 10. Floron. par. 2. de cas. refer. cas. 6. nu. 31. Lupus de cas. refer. cas. 2. §. 3. n. 21.

13 His addendum non sufficere, etiãsi masculus copulam habens cum consanguinea seminaret infra, vel circa semine pudenda, ita ut aliqua feminis pars casu deflueret intra secreta ejusdem genitalia: Quia ad perfectum, & reservatum incestum requiritur perfectæ, & consummata copula intra pudoris feminei claustra sicuti rectè docent Graffius in praxi lib. 1. cap. 12. n. 27. & 30. Belloc. par. 2. q. 1. n. 111. Mazuch. cit. q. 3. nu. 43. Quidquid in contrarium dicat Lupus loc. cit. §. 4. n. 26. citans Floronum.

14 Quod si copula incestuosa ex parte viri esset perfecta, & consummata incidere in casum etiam femina, quamvis ipsa non seminasset: Siquidem copula censetur consumari per solam seminationem viri intra claustra pudoris feminei, ut supra annot. 3. n. 10. resolutum fuit ex communi sententia apud Sanch. loc. ibi cit. Contrariæ tamen sententiæ subscribit Mazuchell. loc. cit. nu. 48. sed minùs probabiliter.

#### ANNOTATIO IV.

15 Quamvis autem, ceteris paribus, æquali culpæ seditate maculentur vir, & mulier incestuosi, æqualemque apud Deum mereantur penam; tamen discrimen est in hac Brixien. Dicepsi inter mares, & feminas, quoad reservationem. Nam cum reservatio sit absolvendi ab aliquo delicto facultatis negatio, eaque pendeat ex voluntate reservantis, potest aliquando reservans, si id expedire judicaverit, sibi

reservare aliquod delictum respectu unius sexus, & non respectu alterius. Quod in hoc incestus casu prælato consilio præstitit Sapientissimus Legislator, qui reservantis juris dispositioni subiecit mares, & consequenter exemit feminas, juxta regulam juris, *inclusio unius (sexus) est exclusio alterius*. Fortasse imbecillitati infirmi sexus parcere, seminarumque conditioni, ac saluti consulere voluit Providissimus Pastor, quæ non tam pleno voluntatis consensu, uti mares, tantum committunt nefas; neque tam facile, & absque gravi sceleris suspitione, pro absolventis beneficio Pœnitentiariorum possunt adire.

#### ANNOTATIO V.

16 Supereff diffcultas resolvenda, quæ non tam ad reservationis cognitionem, quam penitentis obligationem videtur necessariã. An omnes incestus differant specie; & consequenter gradus incestus sit necessariò in confessione exprimendus. Affirmant Nav. in man. c. 16. n. 3. Valent. tom. 3. disp. 9. q. 3. punct. 3. Fagund. 2. præcep. lib. 4. cap. 3. n. 25. Card. de Lugo disp. 16. nu. 312. Clavis Regia lib. 8. cap. 4. nu. 3. Bonac. de Sacram. disp. 5. q. 5. sect. 2. punct. 2. diffc. 3. n. 9. afferentes, gradus consanguinitatis non solum differre specie à gradibus affinitatis, cognitionis legalis, & spiritualis, sed etiam inter se: & consequenter omnes incestus differre specie. Vnde secundum hanc sententiam, qui copulam haberet cum propria filia, vel sorore, non satisfaceret dicendo, se commisisse incestum, sed teneretur exprimere personam, gradum, & lineam. Huic sententiæ adherent Lessius lib. 4. c. 3. dub. 11. n. 70. Azor. 3. p. l. 3. c. 9. q. 1. Filiuc. tr. 30. c. 15. nu. 96. quatenus docent, gradus consanguinitatis differre specie à gradibus affinitatis, cognitionis legalis, & spiritualis: recedunt verò ab ea, quatenus asserunt gradus consanguinitatis, & affinitatis non differre specie inter se: quæ opinio probabilior videtur.

Contrariam sententiam sustinent S. Th. qu. 154. art. 9. Cajet. ibid. Bartho. à S. Fausto de sacram. penit. tom. 1. l. 4. qu. 96. Dian.

Dian. par. 1. tr. 7. resol. 31. Gyptius de casu refer. cap. 8. n. 5. scilicet pœnitentem non teneri, per se loquendo explicare circumstantiam consanguinitatis, vel affinitatis, neque diversitatem graduum. Quorum ratio est, quia licet immanior sit incestus cum consanguinea, quàm cum affine in eodem gradu, verbi gratia cum matre, quàm cum noverca, cum sorore propria, quàm cum sorore uxoris, & similiter grauior sit cum affine, quàm cum cognata spiritali, aut legali; tamen hæc circumstantia non mutat incestus speciem in genere moris, sed tantùm aggrauat intra eandem speciem; sicut maior, vel minor quantitas rei ablatæ in furto. Secundùm quam sententiam qui concubitus incestuosum haberet cum Matre, filia, sorore propria, vel sorore vxoris, satisfaceret, dicendo bis, vel ter incestum se commississe, non exprimendo personam, gradum, aut lineam.

17 Ceterùm quamuis hæc posterior opinio sit satis probabilis, nihilominus probabilior est, & in praxi consulenda sententia, quæ asserit gradum incestus exprimendum esse in sacramentali confessione: Quia licet circumstantia aggrauans non sit necessariò exprimenda in confessione; tamen qualitas personæ, cum qua commissæ est copula, non videtur circumstantia actus seu peccati, sed potiùs quid pertinet ad substantiam actus, seu ad integritatem malitiæ substantialis actus, in individuo considerati, sicuti rectè docent Laym. lib. 1. tr. 2. cap. 10. num. 3. ConincK de pœnit. d. 7. dub. 3. n. 13. & 21. Rodr. to. 1. sum. c. 208. n. 3.

18 Adde, contrariam sententiam non posse sustineri, quando pœnitens ob iustam causam confitetur Sacerdoti, facultatem absoluedi à reservatis non habenti: Nam eo casu necessariò exprimendus est gradus, ut innotescat Confessario, num talis incestus sit in primo, vel secundo gradu; ideòque reservationi subiaceat: ut bene Mazuch. cap. 4. diff. 5. n. 29. Ceterùm si Confessarius prædictus esset facultate absoluedi à reservatis iuxta probabilem sententiam supra relatam, pœnitens satisfaceret dicendo commissi incestum, non explicando gra-

du. Quia casus incestus respectu Confessarii facultate prædicti non dicitur amplius reservatus.

## ANNO TATIO VI.

19 Porro antequam deueniamus ad casus practicos, diligenter est aduertendum, quòd licet ignorantia non excuset delinquentem à mortali culpa, quoties versatur circa ea, quæ suapte natura sunt mala, iuriquè naturali ac Divino prohibita, ut homicidium, perjurium, blasphemia; quia tali casu ignorantia est affectata, vel crassa: Nihilominus si delinquens contra naturalia Divinaque præcepta ignoret inculpabiliter aliquam circumstantiam, quæ actioni retinenti propriam malitiæ speciem, quam habet ex objecto, nouam grauioris malitiæ adferat speciem, ad quam arcendam lata sit Episcopalis reservatio; tunc delinquens sicut excusatur ab illa grauiori malitia specialique deformitate, quæ eo casu non potest imputari ad culpam, utpotè incognita, adeòque inuoluntaria, sic etiam eximitur; à reservatione, si qua illi speciali malitiæ sit adnexa. Ita Doctores infra citandi.

Ex hac doctrina planè infertur, si Titius carnaliter cognoscat consanguineam in primo, vel secundo gradu, ignorans inculpabiliter circumstantiam huiusmodi consanguinitatis, etsi non excusetur à malitia fornicationis, si putet esse solutam, excusari tamen à malitia incestus, quæ eo casu Titio non potest imputari ad culpam, utpotè incognita, adeòque inuoluntaria, & consequenter etiam à reservatione, quæ adnexa est speciali malitiæ incestus, non simplicis fornicationis.

Neque obstat, quòd concubitus iustiusmodi ex natura operis sit incestuosus: quia ad incurrendam reservationem peccato incestus adnexam, requiritur, ut sit talis tam ex natura operis, quàm ex intentione operantis, ex qua actus humani speciem accipiunt. Ita colligitur ex Sanchez lib. 1. moral. capitul. 16. nu. 10. Layman. lib. 1. trac. 2. cap. 4. Card. de Lugo. disp. 20. de pœnit. sect. 1. num. 9. Dian. par. 6.

par. 6. trañ. 6. resol. 42. Bassæo in floribus v. *circumstantia*, num. 1. & expresse docent Floron. de cas. refer. par. 2. caf. 6. §. 1. nu. 31. Graff. de cas. refer. lib. 2. cap. 34. Januar. de cas. refer. resol. 57. num. 2. in fine.

Oppositum tamen sentit Homob. quæ citat, & sequitur Lupus de cas. refer. par. 2. caf. 2. §. 4. nu. 23. ea dixi ratione, quod peccantes contra præcepta naturalia Diuina non excusantur à reservatione ob ignorantiam. Sed Lupus in hac re coherenter non loquitur: Nam par. 2. caf. 7. §. 1. docet, ad incurrendam reservationem depositionis falsæ in iudicio, opus esse, ut depositio huiusmodi sit falsa formaliter, & materialiter simul, & §. 4. eximit à reservatione testem, qui intendens deponere falsum in iudicio, præter intentionem deposuit verum; & tamen iste delinquit contra præceptum naturale Diuinum ex ignorantia: Ergo recedit à veritate etiam secundum doctrinam Lupi: quod delinquentes contra præcepta naturalia Diuina non excusantur à reservatione ob ignorantiam.

Ad rationem. Homob. & Lupi respondeo, eam procedere, nisi delinquens contra naturale Diuinumquæ præceptum ignoret circumstantiam aliquam, quæ actioni retinenti propriam malitiæ rationem, adferat nouam grauioris malitiæ speciem, ad quam præcisè arcendam, inducta sit illius criminis reservatio, sicut fit in casu incestus: Nam concubitus habens cum consanguinea, existimans esse extraneam, & solutam, etsi non excusetur à peccato fornicationis contra præceptum Diuinum; quia tamen ignorat circumstantiam, quæ actioni luxuriose retinenti propriam fornicationis malitiam, superaddit nouam speciem malitiæ ac deformitatis, nimirum incestus, ad quod delictum præcisè impediendum, iplius absolutionem Episcopi sibi reseruant: Idcirco eo casu delinquens sicut excusatur à malitia incestus (persistente interim malitia fornicationis) quæ tunc imputari non potest ad culpam, utpotè incognita, adeoque involuntaria; ita etiam à reservatione quæ adnexa est delicto incestus, non fornicationis. Vi-

de Doctores supra citatos, & quæ dixi in priori Elucidarii parte resolutione 31. ubi ex professo expenditur, & resoluitur hæc difficultas.

Et hæc doctrina bene notanda est à Confessariis, tamquam favorabilis rudioribus penitentibus. Cum enim hi ex ruditate ingenii, aut defectu scientiæ, vel etiam advertentiæ in peccatis luxuriæ, plerumque apprehendant solum rationem generalem peccati contra castitatem, nullo modo advertendo malitiam incestus, sacrilegii, &c. non tenentur postea confiteri has tales malitias (etsi post factum illas advertant) sed sufficit, eos confiteri se peccasse contra castitatem, seu peccato luxuriæ. Sanchez cit. cap. 16. num. 10. cui subscribit Pell. z. in trac. de monial. cap. 4. sect. 2. n. 82.

## RESOLVTUIA PRAXIS

### Pro Incidentibus.

**E**X prænotatis pro regula generali statuitur illi incidere, qui scienter copulam habet cum consanguinea in primo, & secundo gradu. tam in linea collateralis, quam recta: dummodo copulam consummarit per emissionem seminis intra claustra semineci pudoris.

2 Idem resolvitur de eo, qui carnaliter se commiscet cum sorore ex parte folii patris, ut habet Graff. loc. cit. cap. 13. num. 8. Quidni & ex parte folii Matris, cum ipsa etiam habeat rationem proximi stipitis in arbore consanguinitatis: Ideoque verè fit incestus, supposita consummatione actus.

3 Innodatur casu, qui non ignorat se committere incestus flagitium in primo, vel secundo gradu, quamvis ignoret adnexam reservationem: Quia ignorantia juris non excusat. Lupus de cas. reserv. caf. 2. §. 4. Secus si existimaret, commisceri cum consanguinea, vel affine in tertio gradu, quam postea deprehenderet sibi conjunctam in secundo: ut infra dicam.

4 Idem deciditur de eo, qui copulam habet incestuosam in gradibus expressis, quamvis solum masculus actum consummet.

seu affinium per actum sodomiticum usque ad quartum gradum contineat specialem deformitatem, necessario in confessione exprimendam. Negat Dian. p. 3. tr. 4. ref. 101. & p. 1. tr. 7. ref. 31. & p. 7. tr. 12. resol. 18. Affirmant verò Azor. p. 3. lib. 3. c. 18. q. 5. de arbit. confess. lib. 2. c. 34. nu. 3. Hęc posterior sententia, quoad primum, & secundum gradum, communiter recipitur in praxi: prior verò quoad tertium, & quartum: teste Bassęo in flor. the. pract. V. incestus, n. 1.

6 Non incidit impubes carnaliter se commiscens cum consanguinea, vel affine si ob defectum ætatis impotens seminandi, copulam non consumavit: Quia reservatio hujus casus requirit incestum consummatum per seminum commixtionem, saltē ex parte viri: patet ex annot. 3. n. 14.

6 Idem resolvitur de illo, qui in ebrietate, somno, amentia incestum consumavit cum consanguinea: Quia sicut effugit culpam mortalem ob defectum voluntarii, ita etiam reservationem: Nam reservatio habet pro materia, & fundamento peccatum mortale.

7 Eadem immunitas extenditur ad illum, qui ratur commiseri cum uxore propria, ignoranter concubuit cum consanguinea, vel affine: Tūm quia abest culpa mortalis: Tūm quia ignorantia facti excusat.

8 Pręterea licet femina in gradibus expressis masculino juncta, si copiam sui corporis illi faciat, veri incestus culpa se commaculet, nulla tamen; reservatione ligatur, sed solum vir si copulam consumavit: Quia sub litera reservationis includuntur tantum mares; & consequenter excluduntur femine: Siquidem in correlativis inclusio unius infert exclusionem alterius.

9 Non incidunt feminae consanguineę, etsi damnandę sint gravissime culpe, si una ad instar masculi supergrediente alteram, ita se polluant, ut etiam fiat aliqua feminis commixtio. Nam talis fœditas inter personas ejusdem sexus verius sodomia, quàm incestus est dicenda. Graff. & Finell. quibus subscribit Mazuchell. loc. cit. n. 49.

10 Reservatio non subjacet, qui li-

bidinosis amplexibus indulget cum consanguinea in primo, vel secundo gradu, etiam si ex iis sequatur seminis emissio. Quod verum est, licet ex seminatione circa semine pudenda, distillaret pars seminis intra seminei pudoris claustra: Vide supra annot. 3. n. 11. 12. & 13.

11 Reservationem non afficitur, qui in primo consanguinitatis gradu incestuosum habet congressum cum semina, in tertio gradu sibi conjuncta: Quia in linea transversa in distantia inæquali, gradus computatur à remotiore. Unde frater, qui est in primo gradu, si habeat rem cum filia neporis, quę est in tertio, committit quidem incestum, non tamen reservantis legis dispositioni subiectum: quia incestus denominationem sumit à gradu remotiore, qui cum sit tertius, reservationi non est obnoxius. Sanch. lib. 7. de matrimonio, disputatione 50. numero 5. Floronus de casibus reservatis, parte secunda, casu sexto, §. primo, numero primo.

12 Non incurrit reservationem, qui existimans se coire cum consanguinea in secundo gradu, reperit deindē eam sibi tantum conjunctam in tertio: Tum quia ad hanc reservationem requiritur incestus, qui & materialiter, & formaliter, sive affectivē, & effectivē sit in primo, aut secundo gradu, in hoc autem casu incestus formaliter quidem, & affectivē esset in secundo gradu, sed materialiter, & effectivē in tertio: sique extra telum reservationis existeret.

13 Idem obeandem rationem resolvitur de eo, qui viceversa putans se commiscere cum consanguinea in tertio gradu, postmodum reperit eam esse sibi junctam in secundo: Quia talis incestus esset quidem materialiter, & effectivē in secundo, sed formaliter, & affectivē in tertio, & consequenter extra expressos gradus. Januarius de casibus reservatis, resolutione quinquagesima septima, numero secundo. Mazuchellus citato cap. 4. questione 3. numero quinquagesimo primo.

Nec officit, quod incestus in tertio gradu non distinguatur specie ab incestu in secundo juxta probabilem sententiam:

R

Quia

Pars II.

Quia licet non sit specie diversus, est tamen levior reatus, & talis ignorantia operatur, ut non dicatur reus incestus in secundo gradu, sed in tertio.

14 Excusatur demum à reservatione, qui ex ignorantia non crassa habet rem cum consanguinea, cui se non misceret, si circumstantiam consanguinitatis nosceret, ad malitiamque incestus adverteret. Tum quia concubitus hujusmodi, etsi materialiter seu ex natura operis sit incestuosus, non tamen formaliter & ex intentione operantis, ex qua actus humani speciem accipiunt: Reservatio autem criminis incestus requirit, ut concubitus tam formaliter, quam materialiter, tam ex intentione operantis, quam ex natura operis sit incestuosus. Tum quia si à reservatione eximitur, qui committit incestum materialiter tantum quoad diversitatem graduum, ut in casu præcedenti resolutum fuit; multo magis excusandus est, qui committit incestum materialiter solum, quoad specificam malitiam actus. Vide supra annotat. 6. & Doctores ibi cit.

tur affinitas, & incestus simul.

- 8 Ad contrahendam affinitatem an aliquando sufficiat seminis distillatio intra pudoris seminei claustra.
- 9 Sententiam negativam sustinent aliqui.
- 10 Communior Doctorum persuasio in affirmativam deflectit.
- 12 Distillatio seminis intra secreta seminegenitalia, etsi sufficiat ad contrahendam affinitatem, non tamen ad hujus casus reservationem, si talis distillatio in affine muliere contingat.
- 12 Ad contrahendam affinitatem an necessaria sit tam viri, quam semine seminario.
- 13 Proponitur sententia negativa.
- 14 Affirmativam probabiliorē putat Author.
- 15 Quoties inter consanguineum & affinem in gradibus expressis, sive ex parte utriusque, sive saltem viri, intercedit copulæ consummatio, talis copula erit incestuosa, reservationique obnoxia.

## ANNOTATIO I.

### IN SECUNDAM QUINTI CASVS PARTEM,

In Edicto reservationis sub hac littera Expressam.

*Incestus in primo, & secundo Affinitatis gradu, quoad mares.*

### ANNOTATIONES.

- 1 Quid sit affinitas, & quomodo numerentur gradus affinitatis.
- 2 Affinitatis linea duplex, ascendentium, & descendentium.
- 3 Quoruplex sit affinitas.
- 4 An quolibet copula cum affinibus in primo, vel secundo gradu sit reservationi obnoxia.
- 5 Quid requiratur ad contrahendam affinitatem.
- 6 Referuntur quidam casus, quibus non contrahitur affinitas.
- 7 Ad hujus casus reservationem requiri-

1 Affinitas est propinquitas personarum proveniens ex carnali copula licita, vel illicita, ita dicta, quod alter accedat ad finem consanguinitatis alterius, propter copulam cum aliquo de illa consanguinitate habitam. Affinitatis gradus numerantur sicut in consanguinitate. Nam quoto gradu quis est consanguineus viro, vel semine cognitz, eodem est affinis semine, vel viro cognoscenti. Mensurantur gradus inter affines iuxta gradus consanguinitatis unde stipites in affinitate dicitur duplex illa persona, quæ per carnalem copulam commiscetur, cum utraque sit origo, & radix hujus affinitatis.

2 Affinitatis linea est duplex, sicut & consanguinitatis: alia recta ascendentium, & descendentium; alia transversa collateralium. Ascendentes in linea recta sunt socer, socrus, vitricus, & noverca: descendentes sunt genera, nurus, privignus, & pri vigna. In linea verò transversa sunt consanguinei uxori, & marito, vel personæ cognoscenti, & cognita; qui in eodem gradu vni sunt affines, in quo sunt alteri con-



consanguinei. Sanch. l. 7. de matr. disp. 64.  
ex communi.

# ANNO TATIO II.

3 Cœterum notandum est, affinitatem esse duplicem: alteram, quæ oritur ex copula licita, v.g. matrimonii, quæ extenditur usque ad quartum gradum inclusivè: alteram, quæ nascitur ex copula illicita, verbi gratia fornicatione, quæ non excedit secundum gradum. Sicut ergo duplex est affinitas; ita duplex est affinitatis incestus, alter, qui committitur ex carnali copula cum consanguineis alterius conjugis, propter affinitatem ex licito matrimonii concubitu ortam, quæ copula incestuosa extenditur usque ad 4. gradum, sicut etiam affinitas. Alter, qui committitur ex turpi congressu cum consanguineis ejus viri, vel femine, quæ cum actus carnalis fuit consummatus, propter affinitatem ex illicita copula natam: qui incestus extenditur tantum usque ad secundum gradum, sicut & prohibitio matrimonii, ut probabilius docet Sanch. l. c. disp. 67. n. 8.

4 Modò litera reservationis utrumque incestum comprehendit: Nam cum jus reservans non distinguat, nec nos distinguere debemus; & cui conveniunt verba legis, & ejus dispositio convenire debet. Unde incestus etiam cum affine ex illicita copula à casu non est exclusus.

Cœterum quamvis incestus quoad specialem malitiam extendatur usque ad quartum gradum, quando affinitas contracta est ex copula legitima; tamen quoad reservationem non excedit secundum gradum tam respectu copulæ licitæ, quam illicitæ: sicuti clarè constat ex litera reservationis.

# ANNO TATIO III.

5 Advertendum tamen est, quòd non quilibet copula sufficiens est ad contrahendam affinitatem, sed requiritur, ut sit perfecta, & intras vas femine naturale consummata: Quia tota ratio, ob quam ex copula nascitur affinitas, est, quia per eam vir & femina fiunt una caro: at non effi-

ciuntur una caro, nisi per copulam intra vas femine consummatam, quæ simul ad prolis generationem sufficiat: Ergo, &c. Ita Nav. in man. cap. 22. n. 42. Tolet. lib. 7. cap. 21. num. 3. Sanchez lib. 7. de matr. disp. 64. num. 8. Filliuc. tract. 10. 2. parte n. 208.

6 Unde non oritur affinitas ex copula, in qua sola femina seminat: quia ea sola non sufficit ad prolis generationem: neque ex quacumque pollutione extravas fœmineum: neque ex congressu spadonum: quia semen prolificum non emittunt: neque ex copula sodomitica: quia ex ea non potest sequi generatio; Navar. cit. cap. 22. num. 42. Sanchez lib. 7. de matr. disp. 64. n. 8. Graff. p. 1. decis. lib. 2. c. 80. n. 7. & 8.

7 In hisce igitur casibus sicuti nulla resultat affinitas, ita copula cum consanguineis alterius complicitis subsecuta, licet sit mortifera, non tamen incestuosa ob affinitatis defectum, & consequenter neque reservationi obnoxia. Quòd si contracta sit quidem affinitas, sed tamen inter consanguineum, & affinem non intercesserit copulæ consummatio, erit quidem reatus mortalis, non tamen reservationi subiectus, ob defectum perfecti incestus.

# ANNO TATIO IV.

8 Supereft tamen difficultas, an ad contrahendam affinitatem aliquando sufficiat pollutio infra, vel circa femine pudenda, si qua seminis pars intra secreta ejusdem genitalia casu illa batur: itemque si virile semen forinsecus à matrice feminea intus attrahatur.

9 Negativam sustinet Basilii Pontius lib. 3. de matr. cap. 33. n. 6. cui subscribit Mazuch. disp. 2. c. 4. q. 1. diff. 4. num. 20. Quorum ratio est, quia ad affinitatem contrahendam requiritur copula intra naturale vas femine consummata: Quod confirmat ex textu Urbani II. ubi ait, quòd pollutio debet esse in naturalibus admixta: idque superius adnotavimus num. 5.

mant aliqui, ut *Grass. p.1. decis. aur. lib.2. c.81. nu.4.* Sed probabilior est sententia contraria, videlicet copulam habitam cum consanguineis alterius conjugis ultra secundum gradum, nequaquam impedire matrimonii usum. *Nav. l.4. consil. de consang. consil.6. n.4. Emman. Sà in sum. v. debitum linea. Qui conjugis.*

4 Subjacet reservantis juris dispositioni, qui cum affine carnaliter concubuit, licet vir solus intra claustra feminei pudoris copulam consumaverit: patet ex *annot. 4. nu.8.* quia hujusmodi copula existimatur perfecta, & incestuosa.

5 Porro nec maritus ille à reservatione excusatur qui post copulam incestuosam cum uxoris consanguinea in gradibus expressis, deinde rem habet cum uxore propria. Nam eo casu uxor efficitur viro affinis in eo gradu, quo femina à marito cognita existit uxori consanguinea; hæc autem, ut supponitur, existit uxori consanguinea in primo, vel secundo consanguinitatis gradu: Ergo in eodem gradu existit affinis uxori marito; sique reservatione innodatur. *Grass. loc. cit. n.26.* debet igitur ab Episcopo prius dispensationem petere, si affinitas cum uxore sit intra secundum gradum contracta, ut supradictum est *resol.4.*

Reliquæ resolutiones pro incidentibus videri possunt in priore hujus casus parte, quarum pleræq; huic posteriori queunt accomodari.

## RESOLVTIUA P R A X I S

### *Pro non Incidentibus.*

1 **N**on ligatur reservatione, qui carnaliter commiscetur cum uxore fratris uxoris propriæ: quia femina cognita, non cognoscentis, sed suæ ipsius uxoris est affinis: affinitas autem non parit affinitatem.

2 Idem resolvitur de eo qui, celebrato matrimonio, ante illius consumationem rem habet cum uxoris consanguinea intra secundum gradum: quia ex matrimonio rato, sed non consumato, saltem ex parte viri, nulla nascitur affinitas, sed solum publica honestas. Ceterum hoc casu

eum vir fiat uxori affinis intra secundum gradum, si postmodum copulam consumet cum uxore, ligabitur reservatione, sicuti dictum est supra in resolutiva praxi pro incidentibus *cas.6.*

3 Non incidit in casum, qui postquam fornicariam habuit copulam cum Berta, deinde carnaliter cognovit Cajam in tertio gradu Berta consanguineam: Quia hujusmodi copula non est incestuosa, sicut diximus supra *annot. 2. ex Sanc. & Sà;* vel ad summum est in tertio gradu, & consequenter reservantis juris dispositioni non subiecta.

4 Idem deciditur de viro illo, qui postquam carnaliter se commiscuit cum consanguinea uxoris suæ in tertio gradu, deinde copulam habet cum uxore propria: Tum quia copula subsecuta cum uxore non est incestuosa, cum affinitas ex copula illicita non excedat secundum gradum: Tum quia si esset incestus, esset in tertio gradu, & proinde extra telum reservationis.

5 Vtrum autem incidat, qui copulam consumavit cum duabus sororibus, quem incestum non commisisset, si affinitatem circumstantiam perfectam habuisset. Affirmant Homob. de *cas. refer. par.1. de caus. effic. cas. refer. asser.2. quem citat, & sequitur Lup. de cas. refer. par.2. cas.2. §.4. num.23.* Sed probabilius negat *Grass. loc. cit. num.36. Floron. loc. cit. num.31. Mazuch. l.c. num.56.* Tum quia ad hanc reservationem requiritur, ut incestus crimen sit tale materialiter, & formaliter simul in hoc autem casu licet sit tale materialiter, non tamen formaliter. Tum quia ignorantia affinitatis tollit incestus malitiam, quæ eo casu non potest imputari ad culpam, ut potest incognita, adeoque involuntaria, & consequenter tollit etiam reservationem. Vide in priore hujus casus parte *annotat.6. & casum 14. pro non incidentibus.*

6 Idem ob eamdem rationem resolvitur de illo, qui ratus se commiscere cum affine in secundo gradu, reperit postea, eam esse in tertio: vel e converso, existimans rem habere cum femina in tertio, intelligit postea existere in secundo. Vide supra in priore hujus casus parte *cas.12.*

R 3 & 13.

& 13. pro non incidentibus, in simili de consanguinitate.

7 Non incidit, qui ex metu gravi, cadente in constantem, &c. cogitur concubitus habere in expressis gradibus cum affine. Quia metus gravis, etsi non excuset eo casu à mortali culpa ob transgressionem juris Divini, quæ est intrinsecè mala; censetur tamen excusare à reservatione, quæ provenit ex jure humano, quod regulariter non obligat cum tanta severitate, & detrimento. Vide supra in priore hujus casus parte casum 6. pro incidentibus, & Doctores ibi citatos.

8 Excusatur demum à reservatione, qui aliquo ex modis enumeratis supra annot. 3. n. 6. & annot. 4. nu. 8. turpem habet congressum cum affine in primo, vel secundo gradu.

9 Fœminæ verò quocumque modo, & in quolibet gradu affinibus copiam sui corporis faciant, numquam reservationem incurrunt: Quia litera reservationis non comprehendit seminas, sed solum mares: patet ex dispositione ac tenore legis reservantis.

## DE GRAUITATE

### *Hujus Delicti, & Obligatione Confessarii.*

**C**um ex gravitate pœnæ in delinquentem inflictæ gravitatem delicti liceat colligere; certè hoc incestus crimen gravissimum esse, præter alia testimonia, illud nobis est argumento, quod omnes leges Divinæ, canonicæ, civiles gravissimas in incestuosos Diuine, canonicæ, civiles licet apud Chapeau. casu 14. & Mazuch. loc. cit. difficul. 5.

Quod attinet ad Confessarium, etsi diligentia; & prudentia sibi semper utendum est; in isto tamen casu non ordinariam sibi adhibendam esse, ignorare non debet. Nam cum ad validitatem confessionis requiratur propositum vitandi peccata in futurum, inde est, ut si in excipienda alicujus filii familias, vel cognati

confessione, cognoverit eos cum consanguinea turpiter commisceri solitos, prius de proxima peccati occasione convellenda, recidivique periculo ablegando, quàm de absolutione impertienda, cogitare debeat.

Generaliter itaque loquendo de hac materia, advertat Confessarius regulariter dandam non esse absolutionem penitenti, qui persistit in proxima peccandi occasione: Quia talis non censetur sufficientem habere dolorem, & propositum præcavendi peccata in futurum. Sayrus lib. 8. c. 2. n. 9. Nav. in man. c. 2. n. 15. Dian. par. 4. tr. 4. resol. 165.

Nihilominus secundum communiter receptam Navarri regulam loc. cit. nu. 19. potest absolvi penitens, quamvis propinquam peccati occasionem non amoveat, quoties hæc quatuor concurrunt conditiones. Prima est dolor de peccatis præteritis. Secunda firmum propositum non peccandi in futurum. Tertia est credulitas, qua credit se cum Dei auxilio non peccaturum, cum se in ea occasione invenerit. Quarta, quando adest rationalis causa non separandi se à tali occasione. Navar. loc. cit. Layman lib. 5. trac. 6. c. 4. n. 9. Dian. par. 2. trac. 2. resol. 45.

Hinc deductur, Confessarium posse aliquando absolvere concubinarium verè penitentem, si concubinam is dimittere non possit sine gravi infamia, vel scandalo, aut alio gravi incommodo. Tunc enim occasio peccandi non fit proxima, & proinde involuntaria.

Similiter absolvi posse concubinarium, qui in articulo mortis existens non potest tunc concubinam eiicere, sed habet firmum propositum illam eiicendi, quamprimum poterit. Filliucius tr. 30. n. 56. Bassæus v. absol. n. 7.

Imò Graff. l. 1. decif. c. 20. n. 9. Sancius in select. disp. 10. n. 11. & 12. Navar. l. c. n. 14. docent, posse absolvi penitentem, cum concubina, cum reincidendi periculum cessat, v. g. quia deformis facta est; aut quia fornicator uxorem duxit: Ideoque simul cum periculo etià scandalum cessat.

Præterea qui domum, officium, vel negotium, in quo propinquum subest peccandi periculum, deferere nolunt, eo quod

quòd sine maxima difficultate non possint, parati interim adhibere mediat, & remedia præscribenda à Confessario, non debent repelli; Quia occasio etiam proxima non necessitat ad peccatum: Ideoque stare potest cum proposito vitandi peccatum. Nec refert, quòd quis putet, vel timeat se unum, vel plura peccata non vitaturum: Quia propositum est actus voluntatis; exstimatio autem illa, vel suspicio est actus intellectus, qui ex illo proposito ob humanæ voluntatis mutabilitatem non necessariò dependet. Layman lib. 5. trac. 6. cap. 4. n. 8. Card. de Lugo disput. 14. de pœnit. sect. 8. nu. 152.

Quemadmodum igitur prædicti penitentes in prædictis casibus possunt absolvi: ita dicendum est de filiofamilias, vel cognato, qui cohabitans cum consanguinea solitus est peccare cum ea. Nam concurrentibus quatuor conditionibus enumeratis, nempe vera pœnitentia, firmum propositum non peccandi, fiducia auxilio Dei nixa non relabendi, & rationalis causa non recedendi à tali occasione, absolutionis beneficium poterit obtinere. Secus si certus sit, impossibile sibi esse in tali occasione, utpote proxima, incestus flagitium devitare: Nam eam deferere debet, nisi perire velit.

Sed petes, quænam dicenda sit occasio proxima, & quænam remota?

Resp: Occasio proxima est illa, quæ & in se peccatum mortale est, & qua posita, homo nunquam, vel rarò peccatum vitare solet. Remota verò illa, quæ suapte natura non est peccatum, vel saltem non est mortale; & qua posita non frequenter, sed rarò verbigratia bis, vel ter, aut quater per integrum anni curriculum delinquere solet. Graff. l. r. dec. c. 20 num. 13.

Adverte tamen, cum supra dixerim occasionem proximam esse illam, quæ in se mortale peccatum est, & tamen aliquando pœnitentem posse absolvi, quamvis propinquam peccati occasionem non deferat, id intelligendum non esse, quòd absolvi possit pœnitens, etsi in peccato mortali persistat, hoc enim falsum esset, sed quòd occasio proxima,

accidentibus quatuor illis conditionibus cesset esse proxima, & consequenter cesset esse mortalis culpa.

An autem filiofamilias, vel cognato, qui solitus est peccare cum consanguinea, & generaliter loquendo de omnibus recidivis, an toties quoties ad Confessarium accedunt, impertienda sit absolutio, etiamsi nullam de antea vita emendationem Confessarius videat, nullusque appareat profectus. Negant Suarez 3. par. to. 4. disp. 32. sect. 2. Graff. p. 1. l. 1. cap. 28. num. 23. Reginald. lib. 8. num. 19. Navar. cit. c. 3. n. 21. quia tali casu fictitium præsumitur penitentis propositum.

Contrariam tamen sententiam sustinet Uivaldus tit. de absolut. n. 43. Joannes Sâcius in select. disp. 9. & 10. nempe, propter recidivum numquam denegandam esse absolutionem, si pœnitens habeat dolorem de præterito, & propositum de futuro: Quia impossibile mortaliter non est, pœnitentem modò verè dolere de peccato, & proponere cavere, statim verò oborta occasione, mutare propositum. Etsi (ajunt isti) respectu venialium reperiri potest verum propositum, & dolor absque aliquo profectu, vel emendatione, quare respectu mortalium idem non poterit admitti? Etsi ideo neganda est absolutio respectu mortalium, quia propositum præsumitur fictitium; quare non est deneganda etiam respectu venialium ob eandem præsumptionem, saltem quando veniale, quod subiicitur clavis, est totalis materia confessionis? Proinde quoties pœnitens vero dolore ac proposito censetur affectus, absolutionis beneficio putant non esse privandum, etiamsi nulla appareat in ipso vitæ emendatio. Vide Cardinalem de Lugo citata disputatione decimaquarta de pœnitent. num. 151. & 156. qui hanc Uivald. & Sancii sententiam refert, & tuetur. Sed rectè movet num. 160. hujusmodi doctrinam, licet per se loquendo procedat, per accidens tamen posse contingere, oppositam sententiam in praxi esse servandam: si videlicet pœnitens ex indicis argui possit in præsentia carere verò dolore, ac proposito requisito: qui enim efficaciter, & seriò proponit rem aliquam,

R 4 quam

quam aliunde mortaliter implere potest, non adeo facile obliuiscitur statim sui propositi, sed saltem per aliquod tempus perseverat, & difficilius, vel rarius cadit : Quare ex hoc capite potest negari, aut saltem differri absolutio.

## I N

## S E X T V M

## Casum Reservatum.

In Edicto Episcopali sub hac littera Expressum.

*Copula post sponsalia, etiamsi sint clandestina, matrimonio nondum celebrato quoad mares tantum.*

## A N N O T A T I O N E S.

- 1 *Sponsalia unde dicta.*
- 2 *Tripliciter sumuntur sponsalia.*
- 3 *De quo genere sponsalium loquatur littera reservationis.*
- 4 *Quenam conditiones requirantur ad valorem sponsalium.*
- 5 *De prima conditione, quæ est promissio.*
- 6 *De secunda conditione, quæ est promissio voluntaria.*
- 7 *An qui fidei, & simulato animo matrimonium promissit, obligetur ad nuptias contrahendas. Refertur duplex sententia.*
- 8 *Copula post fidei sponsalia reservationi non est obnoxia.*
- 9 *An qui Virgini matrimonium fidei promissit, & sub ea spe eam defloravit, teneatur eam ducere.*
- 10 *In quibus casibus fidei promissor non teneatur defloratam ducere.*
- 11 *De tertia conditione, quæ est, ut promissio sit acceptata.*
- 12 *An requiratur, ut sit etiam mutua. Refertur duplex sententia.*
- 13 *Verum aliquando sufficiant mutue promissionis signa.*
- 14 *Copula post huiusmodi repromissionis*

*signa an censenda sit reservata.*

- 15 *An causæ sufficientes ad dissolvenda sponsalia, quando illa consequuntur, sufficiant etiam si præcesserint, licet fuerint ignoratæ.*
- 16 *Copula post sponsalia invalida ex præcedenti causa sed ignorata, an censenda sit reservationi obnoxia.*
- 17 *Si notabilis mutatio superveniat sponsalibus, & post mutationem habeatur copula, an ea sit reservata.*
- 18 *Sponsalia alia publica, alia clandestina.*
- 19 *An clandestina sponsalia sint valida.*
- 20 *Copula post sponsalia clandestinè celebrata reservationi est obnoxia.*
- 21 *Solius sponsi, non item sponsæ fornicaria copula in hac Brixienfis Diocesi reservationi est obnoxia.*
- 22 *Ex sponsalibus clandestinis an oriatur impedimentum publicæ honestatis.*
- 23 *Quid faciendum, quando matrimonium celebratum fuit cum impedimento publicæ honestatis, ex sponsalibus clandestinis abortu.*

## A N N O T A T I O I.

1 **S**ponsalia dicta sunt à spondendo: Mos enim olim erat, ut puella nuptura promitteretur viro à Patre, Tutore, vel amicis, ideòque dicti sunt sponsi, quasi alteri promissi: is verò, qui promittit sponsor.

2 Sed notandum est, quòd tripliciter sumuntur sponsalia. Primò promissione futuri matrimonij. Secundò pro matrimonio nondum consumato: Tertiò prodonis, quæ dabantur sponsæ à Sponso. Sed prima acceptio est maximè propria; unde in jure quoties de sponsis fit mentio, intelliguntur ii, inter quos interfuit promissio futuri matrimonij. In materia tamen favorabili nomine uxoris venit etiam sponsa de futuro. Ita Sanchez libro primo de matrimonio, disputatione prima, numero primo Layman libro quinto, tractatu decimo, parte prima, capite primo.

3 Littera igitur reservationis loquitur tantum de sponsalibus priori modo sumptis, hoc est, de iis qui sponsalia contraxerunt; sed ante celebrationem matrimo-

nii

nii misceretur copula carnali. Complures enim, & maxime rudiores putant, statim ac inter eos promissio nuptiarum intercesserit, sibi fas esse carnaliter se cognoscere: qui perniciosus abusus multorum radix malorum, ut conuelleretur, Providimus Ordinarius noster casum hunc severiori suo iudicio reservare decrevit.

### ANNO TATIO II.

4 Sed notandum est, quòd ad validitatem sponsalium, & consequenter ad incidendum in reservationem, non sufficit quælibet matrimonii promissio, sed requiritur, ut huiusmodi promissio sit voluntaria, deliberata, acceptata, & mutua, & præterea signo aliquo externo sufficienter expressa. Sanchez libro primo de matrimonio, disputatione octava, & nona. Bonacina de matrimonio questione prima, puncto tertio, numero quinto.

5 Prima itaque conditio est, ut intercedat promissio: Non enim sufficit propositum, cum propositum nullam inducat obligationem. Vnde qui diceret, *volo te accipere, vel ducere in uxorem*, non contraheret sponsalia: quia hæc verba non promissione, sed propositum promissionis tantum significant; nisi tamen aliud ex circumstantiis colligatur. Valen. como quarto, disputatione decima, questione secunda, puncto primo, Filliucius tractato decimo, prima parte, capitulo septimo, numero vigesimo tertio.

Qui igitur post prolationem huiusmodi verborum, propositum non promissionem significantium, copulam cum puella haberet, licet graviter delinqueret, nullam tamen reservationis pœnam incurreret: Quia litera reservationis non reservat quamcumque copulam, sed solum eam, quæ habetur post sponsalia, matrimonio nondum celebrato: ut constat ex verbis reservationis.

### ANNO TATIO III.

6 Secunda conditio est, ut promissio matrimonii sit voluntaria: Nam vis obligandi nascitur ex voluntate. Vnde si ante copulam non intercessit vera promissio, sed promissionis fictio, invalida erunt sponsalia; Siquidem ficta promissio deceptio potius, quam promissio debet dici. Ficta autem promissio est, quæ fit sine animo promittendi, aut cum animo non se obligandi. Ita Sanch. l. i. de matrim. disp. 11. num. 5. ConincK disp. 22. n. 7. Fill. trac. 10. par. 1. cap. 7. n. 251. Lessius lib. 2. cap. 18. num. 5.

7 Vtrum verò qui ficto, & simulato animo matrimonium promittit, obligetur ad nuptias contrahendas. Negative respondet Sanch. de matrim. lib. 1. disp. 11. nu. 5. ConincK. de sacram. disp. 22. num. 7. Filliuc. tract. 10. cap. 7. num. 51. Lessius lib. 2. cap. 18. num. 5. Quorum ratio est, quia promissioni desuit consensus, licet enim peccaverit fictus sponsor promittendo, & decipiendo alterum, qui non facile poterat cognoscere rem joco agi; non tamen tenetur stare promissioni, aut complere sponsalia: ratione verò gravis damni, quod alter pateretur, aut ratione scandalizandi, si aliter evitari non potest, teneretur stare promissioni. Ficta autem promissio est, quæ fit sine animo promittendi, aut cum animo non se obligandi, ut supradictum est.

Verum hanc sententiam refellit Pontius lib. 2. de matrim. cap. 5. num. 5. sustinens, fictæ contrahentem iterum teneri verè, & ex animo contrahere: quod quidem ita certum existimat, ut iudicet oppositum probabilitate carere: Tum quia si opinio Sanchez, & aliorum eum sequentium admitteretur, latissima aperiretur via hominibus sceleratis ad decipiendas sæpè feminas, si semel sibi persuaserint non teneri ad verè contrahendum, quod etiam putavit Reginald. lib. 31. n. 250. Tum quia semper sequitur alteri gravissimū damnum: Cum enim in foro Ecclesiastico probare nequeat fictum alterius consensum, non permetteretur aliud inire matrimonium, cogereturque continenter vivere.

Et

Et pro hac sententia citantur D. Thom. Scot. Adrian. Soc. Nav. Henriq. Nihilominus sententiam Sanch. ut valdè probabilem admittit Dian.cit.part.3. tract.4. res. 147.

8 Verùm quidquid sit de obligatione standi fidei promissioni, vel complendi sponsalia, certum est, nullam eo casu incurri reservationem: Nam deficiente vera promissione, deficiunt vera sponsalia; deficientibus autem sponsalibus, deficit reservatio, ut patet ex verbis legis reservantis.

9 An autem qui virgini conjugium promisit, & sub ea spe seu conditione eam deflorat, teneatur eam ducere, etiam si fidei promississet. Resp. Qui per promissionem veram, vel fideam matrimonii, virginem ad copulam flexit, tenetur eam ducere. Ita communiter DD. ex Less. loc. infra cit. & quidem si promissio fuerit vera, certius est, stupratorem teneri ad contrahendum, quia promissio acceptata obligat, & quidem ex iustitia, teste Mol. & Less. infra cit. Quando autem promissio fuit fidei, adhuc stuprator tenetur ad matrimonium contrahendum, nec satisfaciit, si puella deflorata dotet, aut damnum refarciat: Quia promissio hæc facta est per modum contractus; in omni autem contractu, ubi alter ex parte sua implevit, tenetur & alter implere. Cum ergo puella ex parte sua illum impleverit concedendo copiam sui corporis, tenetur, & fideus promissor implere eam in uxorem ducendo. Ita docent Angel. *v. stuprum* n.1. Syl. *v. luxuria* q.5. Nav. in man. c.16. n.18. Henriq. lib.11. c.11. n.2. Molin. tr.3. disp.106. n.4. Laym. l.5. tr.10. par.1. cap.1. nu.11. idque verum esse etiam si stuprator religionem novisset, docet Less. lib.2. c.10. dub.3. & 4. Trulench. l.7. c.9. d.3.

10 Excipiuntur tamen nonnulli casus, quibus non tenetur fideus promissor defloratam ducere. Primo si vir sit longè eminentioris conditionis quàm femina deflorata vel quoad divitias, vel quoad nobilitatem. Secundo, si deflorator jam sacris sit initiatus, aut alteri matrimonio junctus. Tertiò si ex tali matrimonio grave damnum, aut scandalum timeatur. Quartò si post promissionem puella cum

alio fornicetur. Quintò si requisita puella de sua virginitate responderit, se esse virginem, quam postea deprehendat corruptam. His enim casibus satisfaceret, dotando defloratam, vel augendo dotem, ita ut æquè benè nubere posset. Imò quinto casu vir ad nullam restitutionem tenetur, quia prius ab ipsa fuisset deceptus. Vide quæ de hac difficultate fusiùs dicam in additione ad hanc secundam partem *casu* 3.

Rectè tamen advertit Laym. l.5. tr.10. par.1. c.1. n.11. in fine, si fideus promissor sciebat puellam esse corruptam, & nihilominus ei fidei matrimonium promisit sub conditione copulæ, ea impleta obligari ad eam ducendam.

#### ANNO TATIO IV.

11 Tertia conditio ad sponsalium valorem est, ut promissio sit acceptata, hæc enim regulariter non obligat, antequam acceptetur. Usq. de matrim. disp.3. cap.2. nu.21. & disp.4. cap.3. Laym. lib.5. tr.10. par.1. nu.2. Nav. in man. cap.22. num.25. Dian. par.3. tr.4. res. 244.

12 Major difficultas est, an requiratur etiam, ut sit mutua, v.g. ut ex parte viri intercedat promissio, ex parte verò puellæ repromissio, ut valida sint sponsalia, & consequenter copula tali occasione exorta sit reservata. Affirmativa pars videtur suaderi ratione, quia inter conditiones, quæ requiruntur ad validitatem sponsalium, annumeratur etiam mutua promissio, ut videre licet apud Dianam loc. sup. cit.

13 Contrarium tamen sustinet Sanch. l.1. de matr. disp.22. videlicet ad valorem sponsalium non requiri expressam repromissionem, sed sufficere alia signa, quæ mutue repromissionis vicem suppleant. Vnde sicut habitot tractatu inter amicos de matrimonio, si à viro puella arras accipiat, vel immissionem annuli, vel viro det manum ad fidem recipiendam sine alia repromissione, talia signa suppleant vicem repromissionis, & operantur sponsalia: sicuti docent Henriq. l.1. de matr. c.13. n.6. Rosel. *v. sponsalia*. Ita dicendum videtur in casu, quo vir matri-

mo-

monium puellæ promittat, puella verò illi copiam sui corporis tradat: Nam hujusmodi corporis traditio censetur signum sufficientissimum repromissionis, & sic operatur sponsalia. Ita Sanch. lib. 1. de matrim. disp. 22. n. 6.

16 Verùm quidquid sit de validitate sponsalium, existimo hujusmodi copulam non censi reservatam. Nam in casu reservatur copula, quæ subsequitur, non quæ antecedit sponsalia: in hoc autem casu copula non est posterior, sed prior sponsalibus, utpote quæ per eam constituuntur: Ideoque censi non debet reservata. Quæ assertio procedit, nisi aliud signum mutæ promissionis ipsam copulam præcefferit: idque certius est, si promissio facta sit sub conditione copulæ: Nam sponsalia non perficiunt, nisi impleta conditione, hoc est, post secutam copulam. Mazuch. disp. 2. c. 12. difficult. 11. num. 42.

## ANNOTATIO V.

16 Ex supradictis constat, quando sponsalia ex defectu prærequisitæ conditionis fuerint invalida, copulam deinde inter sponsos secutam reservationi non esse obnoxiam. Difficultas est, an causæ quæ sufficiunt ad dissolvenda sponsalia, quando post illa eveniunt, sufficiant etiam pro illis dissolvendis, si præcefferint, & probabiliter fuerint ignoratæ. Nam ex hujus difficultatis resolutione pendet alia, vtrum scilicet copula habita post hujusmodi sponsalia reservationi Episcopali sit obnoxia.

Ante responsum supponendum ex Sanch. lib. 1. de matr. disp. 64. si error, vel dolus fuerit causa contrahendi sponsalia, & insuper proveniret ab altero contrahente, hujusmodi sponsalia esse invalida, & consequenter copulam post illa habitam reservationi non esse subiectam.

Nunc ad difficultatem respondeo, & dico, defectus, & causas, quæ sufficiunt ad dissolvenda sponsalia, quando superveniunt, sufficere etiam, si præcefferint. Cum enim sponsalium tempore non apparerent, perinde est, ac si non essent:

Cum verò postea apparere incipiunt, perinde est, ac si de novo existant.

Hinc si fornicatio commissæ post sponsalia sufficientem causam præbet resiliendi à sponsalibus, ut docet Henric. l. 1. de matr. c. 14. nu. 6. Laym. lib. 5. tr. 10. par. 1. c. 2. n. 18. & 19.

Item notabilis morum asperitas, & sævitia, quæ denuò innoteſcat; vt concedit Sanc. l. c. disp. 58. Fill. tr. 10. par. 1. nu. 390. Tolet. lib. 7. c. 21. n. 6.

Item si alteruter incidat in lepram, paralyſin, morbum gallicum, ut habet idem Sanch. l. c. disp. 57. Nav. in man. c. 22. n. 27. versic. octav. Dian. par. 3. de sacram. resol. 285.

Similiter paupertas superveniens, etiam si nulla dotis promissio præceſſet; ut tradit idem Sanch. l. c. disp. 63. Fill. l. c. n. 290. Similiter tactus impudici habitus à sponsa cum alio, ut docet Dian. par. 2. tr. 4. resol. 283.

Istæ inquam aliquæ similiter causæ si sufficientem causam præbent dissolvendi sponsalia, quando superveniunt sponsalibus, sufficiunt etiam, si præceſſerint, & probabiliter fuerint ignoratæ. Navar. in man. c. 22. n. 27. Henr. l. 1. de matr. c. 14. n. 6. Sanch. l. c. disp. 63. Laym. lib. 5. tr. 10. par. 1. c. 2. n. 19.

Quoties igitur sponsalia sunt contracta ex errore, vel dolo, dante causam contrahendi, sicut eo casu retenta sententia Sanch. loc. cit. redduntur invalida; ita etiam copula post hujusmodi sponsalia censi non debet reservationi obnoxia. Rursus sicut sponsalia contracta ex aliis causis præter errorem, vel dolum dantem causam contrahendi, non sunt invalida, sed tantum solubilia; ita etiam copula post sponsalia in causa sive antecedente, sive superveniente solubilia, quandiu de facto non solvuntur, haud dubie Superiori erit reservata.

Hinc deducitur resolutio etiam alterius casus, videlicet si sponsus conscius sufficientis causæ dissolvendi sponsalia, nihilominus sponſam carnaliter cognoscat, censetur implicite juri suo renunciare, sponsaliaque tacite ratificare teste Laym. lib. 5. tr. 10. c. 2. n. 20. Ideoque verum esse, etiam si expressam habeat intentionem



nem non renunciandi suo juri, docet Sanc. loc. cit. n.3. Vnde ulterius sequitur, si nondum dissolutis sponsalibus, vel illis expressè ratificatis, copula inter sponfos habeatur, quòd illa verè dicenda sit copula post sponsalia: Idòque reservationi obnoxia; consentit Mazuch. disp. a. c. 12. diff. 4. n. 69.

## ANNOTATIO VI

19 Ceterum cum sponsalia dicantur voluntaria, & mutua futuri matrimonii promissio, notare oportet, quòd hæc promissio dupliciter fieri potest, vel publice, vel clandestinè: publicè, si fiat cum præsentia testium; clandestinè, si vir, & femina clam sibi spondeant, nullo præse, vel advertente.

20 Quamvis autem in foro externo sponsalia valida non habeantur, nisi probètur per testes, aut in defectum testium iuramento; tamen in foro conscientie sponsalia etiam clandestina robur, & firmitatem habent, sicuti docet Sanch. lib. 1. de matrim. disp. 12. & 13. & alij plures apud ipsum. Et licet Concilium Tridentinum, *sessione vigesimaquarta*, cap. 1. matrimonia clandestina irritaverit, non tamen irritavit sponsalia clandestina. Nam cum lex Tridentini irritans matrimonium clandestinum sit correctoria juris communis, non est extendenda ultra casum expressum: Proinde cum irritet tantum matrimonium clandestinum, non debet extendi ad sponsalia, sed tanquam casus ommissus relinquendus est dispositioni juris communis. Nav. in man. c. 25. n. 44. Franc. Leo. in *thes. fori Eccles.* p. 2. c. 21. n. 36. Sanch. de matr. lib. 1. disp. 12. & 13. Filliuc. p. 1. tr. 10. c. 7. q. 8. Bassæus in *forib. v. sponsalia* n. 6.

21 Licet igitur sponsalia clam non debeant celebrari, si tamen contrahantur, valida firmæque manent, saltem in foro conscientie. Et consequenter quoties sponsus, & sponsa carnaliter se cognoscunt, uterque mortaliter delinquere, & in reservationem incidere censendus est: dummodò perfecta inter eos copula intercesserit cum feminis emissionem intra pudoris sceminei claustra. Graff. in praxi

1.2. cap. 38. n. 8. Belloch. q. 4. nu. 270. Mazuch. cap. 10. q. 1. n. 10.

22 Adverte tamen, quòd licet eo casu tam sponsa quàm sponsus mortale fornicationis peccatum committant, solius tamen maris seu sponsi, non item sponsæ carnalis copula reservationi erit obnoxia: Idque verum est, etiam si sponsalia sint clandestina: quod clarè constet ex reservationis littera, ubi reservantis juris dispositio cum limitetur ad mares, consequenter eximuntur feminae, juxta juris regulam: Inclusio vnius (sexus) est exclusio alterius. Quod præalto consilio in hac Brixiensis Diocesi novissimè factum esse, unicuique proculdubio existimare fas est. Et fortasse imbecillitati ac fragilitati sexus parcere voluit Sapientissimus Legislator: Tùm quia ipsum non latet, quòd sæpè numero sponsi vel per violentiam, vel metum resiliendi à sponsalibus (maximè si clandestina sint) compellunt sponfas ante matrimonii celebrationem ad sibi concedendam sui corporis copiam: Idòque sponse eo casu sicut minorem contrahunt culpam, sic mitiùs multari consentaneum fuit.

Quæres hic obiter, an ex sponsalibus clandestinis oriatur impedimentum publicæ honestatis, impediens matrimonii celebrationem cum consanguineis alterius in primo gradu.

23 Resp. primò, ex sponsalibus clandestinis, quandiu manent clandestina, non oriri impedimentum publicæ honestatis in foro externo, & coram Ecclesia: Quia tale impedimentum inductum est ab Ecclesia ob publicam honestatem, & ad vitandum scandalum: at quando sponsalia sunt clandestina, tunc cessat ratio publicæ honestatis, & scandalum coram Ecclesia: Ergo, &c. Sanch. lib. 7. de matrim. disp. 68. n. 16. & 17.

Respondeo secundò, ex sponsalibus clandestinis in foro conscientie, & coram Deo consurgere impedimentum publicæ honestatis. Et ratio est, quia sponsalia clandestina in foro conscientie sunt firma, & valida, ut constat ex supra dictis n. 19. Atqui ex spòsalibus validis consurgit impedimentum publicæ honestatis, ut patet ex Trident. sess. 24. cap. 3. quod impe-

impedimentum licet non obstat in foro Ecclesiastico ob clandestinitatem, obstat tamen in foro conscientiae: Nam tale impedimentum obligat in utroque foro, teste Sanchez cit. n. 15. ex communi. Ergo &c. Non enim forum internum, & externum sunt unum & idem; neque unum ab altero dependet. Nam iudicium fori conscientiae heret veritati, iudicium vero fori externi nititur praesumptionibus, quae saepenumero sunt falsae. Quod autem huiusmodi impedimentum non oriatur in foro Ecclesiastico, id est per accidens ratione clandestinitatis, & ex praesumptione, qua cessante, hoc est, probatis sponsalibus saltem iuramento, etiam in foro externo Ecclesiastico statim oriatur. Ita suadeor, meque suasioni favent Doctissimi viri hac de re à me consulti: licet aliter innuat Sanchez cit. disp. 68. n. 17. in fine.

Pro convalidando igitur matrimonio invalidè in foro conscientiae celebrato, ob impedimentum ex clandestinitis sponsalibus obortum, ad sacrum Pœnitentiarum Romanam oporteret recurrere; ab eaque dispensationem in eodem conscientiae foro obtinere: Vide Pyrrum Corrad. in praxi dispens. Apostol. lib. 7. c. 7. n. 49.

## RESOLUTIVA PRAXIS

### *Pro Incidentibus.*

**E**X prenotatis resolvitur, reservatio-  
ne ligari sponsum, non item sponsam, qui, contractis sponsalibus validis, ante celebrationem matrimonii miscetur copula carnali, dummodò copula fornicaria fuerit consummata per feminis emissionem intra secreta sponsae genitalia: patet ex terminis casus, & docet Graffius in praxi lib. 2. c. 38. n. 8. Gambar. casu 14. pag. mihi 223.

2 Idem deciditur de illo, qui validè contractis sponsalibus, invalidè deinde ob defectum consensus proprii, vel alterius inivit matrimonium: Nam quoties id innotescit, matrimoniumque non revalidatus per novum consensum expressum, vel tacitum, concubitus inde mala

fide secutus est verè copula post sponsalia, nondum matrimonio celebrato: cui autem conveniunt verba legis, & ejus dispositio convenire debet.

3 Reservacionem incurrit sponsus, qui copula miscetur carnali post sponsalia clam contracta, ante celebratum matrimonium: quia sponsalia clandestina in foro conscientiae sunt valida & firma, teste Sanchez lib. 1. de matrim. disp. 12. & 13. & Graff. loc. cit. n. 18 Tum quia ita disponit lex reservans, ut constet ex litera reservacionis.

4 Eadem resolutio datur de sponso, qui cognito suo jure resiliendi à sponsalibus, carnalem deinde habet copulam cum sponsa: Nam per subsequentem copulam censetur renunciare juri suo: Ideoque illa copula verè dicitur post sponsalia, nondum inito matrimonio. Mazuch. disp. 2. c. 12. diff. 4. n. 69.

5 Subjacet reservacioni, qui post sponsalia invalida quidem, sed per copulam subsequutam ratificata, rursus habet copulam cum sponsa. Quia concubitus posterior est verè copula post sponsalia, matrimonio nondum celebrato. Sanchez lib. 1. de matrim. disp. 66. num. 3. Mazuch. cit. num. 69.

6 Præterea si ex parte sponsi præcesserint verba, & ex parte sponsae receptio annuli cum prolacione verbi recipio, & postmodum inter eos sequatur copula, illa erit reservata respectu sponsi: Quia in hoc casu immisio annuli, & verbum recipio operantur sponsalia: constat ex annotat. 4. n. 14. & docet Sanchez lib. 1. de matrimonio disputatione vigesima sexta num. 6.

7 An autem in locis, ubi tam sponsae, quam sponsi copula fornicaria reservacioni est obnoxia, incidat femina, quae contractis sponsalibus, antequam matrimonium celebretur, vel per violentiam, vel etiam per metum in constantem firminam cadentem, compellitur à sponso ad sibi concedendam sui corporis copiam.

Affirmat Floron. de casibus reservatis parte secunda, casu sexto, numero trigésimo primo, cui videtur adherere Mazuchell. de casibus reservatis, disputatione

sc-

secunda, capite quarto, questione tertia, numero sexagesimo quinto, & sexagesimo septimo. Tùm quia voluntas non potest cogi: Tùm quia metus etiam gravis, cùm non excuset eo casu à fornicationis culpa, neque excusabit à reservationis pœna. Demum quia reservatio (ajunt) propriè non est pœna, sed ablatio jurisdictionis, cujus defectu Confessarius simplex non potest absolvere sponfos, qui fornicario concubitu expleant libidinem, antequam ineatur matrimonium.

Oppositum sentit Graff. in praxi lib. 1. cap. 12. nu. 23. & cap. 13. n. 33. cui subscribit Januar. de casibus reservat. resol. 47. num. 15. in simili de deponente falsum in judicio. Quorum sententiam tanquam probabiliorẽ supra secuti sumus casu tertio, numero duodecimo, in resolutiva praxi pro incidentibus, & casu quinto, num. 6. in eadem resolutiva praxi, ob rationem ibi adductam: Quia metus gravis etsi non excuset à fornicaria copula, utpotè intrinsecè mala; censetur tamen excusare à reservatione, quæ provenit ex jure humano; quandoquidem Superior reservans non presumitur, eo casu velle seminam privare absolutio- nis obtinendæ beneficio, eamque obligare cum tanta severitate. Ita colligitur ex Sanchez lib. 1. moral. cap. 15. num. 4. Bonacina tom. 2. disput. 2. quest. 8. par. 2. num. 3.

Imò si semine inferatur vis, & coactio propriè dicta, excusabitur etiam à mortali culpa, si duo præstet. Primò si violentè copulæ non consentiat, sed merè passivè se habeat. Secundò, si quantum in se est, clamore, conatu, & nisu corporis resistat. Filliucius tomo secundo, tract. 21. cap. 2. num. 67. Layman lib. 1. tract. 4. cap. 6. num. 2. Vide quæ suprà dixi in priori Elucidarii parte, resol. 122. & Doctores ibi citatos.

## RESOLVTIUA PRAXIS

*Pro non Incidentibus.*

**N**on incidit sponsus, qui post sponsalia, nondum inito matrimonio, se polluit cum sponsa tactibus impudicis, citra copulæ consumationem. Quia litera reservationis expressè loquitur de copula, non de tactibus impudicis: in odiosis autem non est facienda extensio, nisi necessitas, vel evidens ratio id facere cogat. Graff. in praxi lib. 2. cap. 37. num. 21.

2 Idem resolvitur de sponso, qui in terminis casus carnaliter cognovit sponsam præpostera libidine: Quia hujusmodi nefanda seditas non venit nomine copulæ, sed nefariore inuritur nota.

3 Immunis est à reservatione sponsus, qui in iisdem terminis casus copulam incepit, sed non perfecit cum seminis emissionem intra vas naturale sponsæ: Quia reservatio hæc intelligenda est eum effectu. Graff. in praxi lib. 2. cap. & nu. cit. 22. Culpam tamen mortalem committit.

4 Eadem immunitas extenditur ad sponsum impuberem, qui post sponsalia concubitum habuit cum sponsa. Nam reservatio requirit actum completum, & consummatum: præterquam si comprehendat etiam attentionem & conatum: impuberes autem non emittunt semen. Ergo &c.

Quid autem, si in raro casu malitia suppleret etatem, ideòque alter eorum copulam consumaret: in hoc casu illum tantum incidere qui copulam consumaret, sentit Lupus de casibus reservatis par. 2. cas. 2. §. 3. num. 20. & in simili de copula incestuosa, cui subscribit Homob. de casib. reserv. par. 1. cas. 3. fol. 60. Ego verò censeo, si femina tantum seminet, nec ipsam, nec masculum impuberem incidere: tum quia foemine in quocumque casu excluduntur à reservatione in hac Brixienfi Diœcesi. Tum quia ex antea dictis copula consumatur tantum per semen viri: Si verò masculus solus semen emittat,

emittat, utrumque reservatione ligari, si uterque comprehendatur in lege reservante. Quia copula per solam viri seminationem intra pudoris feminei claustra censetur consummata. Vide quæ diximus in prima Elucidarij parte resol. 27.

5 Excusatur à reservatione sponsus, qui cœptam copulam, non ex industria, sed ex superveniente impedimento, & contra ipsius voluntatem, abruptit: Quia defectus consummatæ copulæ non suppletur per consummatum voluntatis consensum, & malitiam. Secus coram Deo, apud quem voluntas pro facto reputatur, ait S. Bernardus epist. 77. ad Ugonem Victorinum.

6 Non comprehenditur casu, qui patrefacto ineundi cum fœmina matrimonii proposito, carnaliter deinde eam cognoscit, v. gr. si vir dicat puellæ, *velo te accipere in uxorem*: Quia copula in tali casu non intercedit post sponsalia, sed ante, cum propositum non sufficiat ad valorem sponsalium. Sanchez lib. 1. de matrimonio disp. 16. n. r. Filliuc. 1. p. tract. 10. c. 7. n. 23.

7 Non ligatur reservatione, qui ante nuptiarum promissionem vel cum solemnitate, vel privatim factam, carnali copula se commiscet cum fœmina, non obstante, quod inter parentes, vel amicos præcesserit matrimonii ineundi tractatus: Quia amicorum tractatus, seclusa viri, & fœminæ promissione, vel alio sufficiente promissionis signo, non operatur sponsalia. Sanch. lib. 1. de matrimonio disp. 22. num. 5.

8 Non subiacet reservationi, qui contractis sponsalibus cum Maria celebrat posteriora cum Antonia, cum qua & copulam habet: Nam posteriora sponsalia sunt invalida, sicuti docet Sanchez lib. 1. de matrimonio disput. 50. num. 2. Quod verum est, etiamsi posteriora fuerint iurata: Siquidem iuramentum est de re iniqua, & in præjudicium tertii, quo casu non obligat: Ideoque talis copula mortalis est culpa, sed reservationi non obnoxia.

9 Idem asseritur, etiamsi postea vir ille matrimonium celebret cum Antonia. Nam matrimonium eo casu est validum,

licet illicitum: Bonacina de sponsal. puncto 5. & 7. num. 3. Layman lib. 5. tract. 10. part. 1. cap. 1. num. 1. Ratio resolutionis est, quia licet copula intercedat ante matrimonium, non tamen post sponsalia, quippe quæ fuerunt invalida, ut habet Sanchez cit. disp. 50. num. 2. reservatio autem afficit tantum copulam post sponsalia. Unde non est extendenda ad copulam ante matrimonium, omissis sponsalibus.

10 Non innodatur casu, qui postquam ficto, & illusorio animo contraxit sponsalia, copulam extorquet à fœmina: quia ad hanc reservationem requiritur consummatio copulæ post sponsalia firma, & valida: quoties autem promissio est ficta, invalida profecto sunt sponsalia: Delinquit tamen mortaliter, & tenetur deceptam ducere. Vide supra annotatione 6. num. 9.

11 Non subiacet reservantis juris dispositioni, qui sponsalibus dissolutis, deinde copulam cum eadem fœmina fornicariam habet. Mazuch. disp. 2. c. 12. q. 2. num. 12.

Porrò sponsalia dissolvuntur in sequentibus casibus. Primò per mutuum consensum. Nam quælibet res per quas causas nascitur, per easdem & dissolvitur. Layman lib. 5. tract. 10. c. 2. num. 8. Secundò si superveniat impedimentum dirimens matrimonium. Bonacina de sponsal. punct. 8. num. 5. Tertiò per matrimonium cum alia contractum. Sanchez lib. de matrimonio. disp. 48. num. 3. qui vult sponsalia omnino dissolvi: ita ut nulla eorum remaneat obligatio contra Dianam p. 3. tract. 4. resol. 286. Quarto per ingressum in Religionem, etiam professione non secuta Sanchez lib. 1. de matrimonio disputat. 4. num. 2. Quintò per votum simplex religionis: præterquam si sponsam dehorasset, nec aliter quàm per matrimonium damnum refarcire posset. Nam eo casu non potest religionem ingredi: quia licet virtus religionis præstantior sit ex obiecto virtute iustitiæ, in hoc tamen casu vinculum religionis cedit vinculo iustitiæ ob injuriam, & damnum puellæ illatum. Vide Dian. part. 3. tract. 4. resol. 2. 7. Bonac. de sponsal. disp. 1. punct. 7. Medull.

dull. Theol. moral. lib. 6. tract. 6. cap. 1. dub. 3. resol. 9. Sexto per votum simplex castitatis, superveniens sponsalibus: Nam contractui sponsalium hæc inest tacita conditio, nisi melior status eligatur. Ita S. Thom. in 4. sentent. dist. 38. quest. 1. artic. 3. Cajet. in sum. V. *perjur.* ad finem cap. 7. Eademque sententiam probabilissimam existimat Sanchez lib. 1. de matrimonio disp. 46. num. 7. licet ipse contrariæ sententiæ adhareat. Septimo sponsalia dissolvuntur omnibus illis modis, qui recensentur supra annotatione 5. numero 16. dummodo error, vel dolus fuerit causa contrahendi, & provenierit ab altero contrahente. Vide prædictam annot. 5. n. 17. & Sanchez lib. 1. de matrim. disp. 63. per totam. Adverte tamen, quod error in substantia dirimit sponsalia, etiam si contrahendi non extiterit causa, hoc est, et si contrahens libenter contraxisset, cognito errore.

12. Quoties igitur aliquo ex dictis modis accidit sponsalia dissolvi, si iis dissolutis, copula postmodum habeatur, ea non debet censi reservata, cum amplius non sit copula post sponsalia. Mazuch. disp. 2. c. 12. q. 2. n. 21.

13. Sed & illi reservationi non sunt obnoxii, quorum unus nuptias alteri promittit, sed alter nec verbis, sed signis re promittit, vel solum repromittit tradendo promissori copiam sui corporis: Nam in priore casu deficit repromissio, & proinde sponsalium etiam validitas: in posteriore vero copula præcedit, non subsequitur sponsalia: siquidem sponsalia constitui ac perfici censentur per talem copulam. Vide supra annot. 4. n. 15.

14. Eadem resolutio datur de illis, quorum matrimonium bona fide contractum, ob impedimentum dirimens postea detectum, dissolutum fuit, ipsique coniuges, quoad thorum, vel etiam habitationem, separati, si interim, dum expeditur dispensatio, rem inter se habeant. Et ratio est, quia dissoluto inter aliquos matrimonio, dissoluta manent etiam sponsalia, teste Bonacina de sponsa. punct. octavo 5. Quare concubitus tunc temporis inter eos est quidem fornicarius, sed non post sponsalia: Ideo-

quæ reservationi non subiectus.

5. Demum qui post sponsalia, celebrato bona fide matrimonio, copulam habent, quamvis occultum subest impedimentum, ratione cuius nullum ab initio extiterit matrimonium, nequaquam reservatione innodantur: Tum ob rationem superius allatam: Tum quia bona fides sicut eo casu coniuges excusat à fornicationis culpa, ita etiam à reservationis pœna. Huic resolutioni affinis remanet discutienda sequens questio.

*Vtrum Confessarius teneatur monere Pœnitentem, quem ob impedimentum latens, novit invalidè contraxisse matrimonium.*

**R** Esp. si pœnitens laboret ignorantia vincibili, & mortali culpabili circa matrimonii valorem, vel jus exigendi debitum, tenetur Confessarius illum monere, etiam si ex admonitione nullus speretur fructus, vel etiam scandalii periculum subest: Quia si dissimularet, nec pœnitente, nec Sacramento confunderet; cum pœnitens versetur in pravo statu, sacramentalique absolutione sit indignus.

Si vero laboret ignorantia invincibili, tunc distinguendum est: vel ex admonitione speratur fructus & bonus exitus, & tunc pœnitentem monere debet: quia Confessarius ex officio pœnitentem instruere & monere tenetur: vel nulla speratur utilitas, sed potius scandala, graviaque incommoda timentur, verbi gratia coniugis incontinentia, parentum vel liberorum infamia, familiæ querimonia, &c. & tunc Confessarius nequaquam pœnitentem monere, sed eum in bona fide relinquere debet; aliter ei laqueum iniiciet; & qui antea non peccabat ratione inculpatæ ignorantie, peccabit postea ratione malæ conscientie. Ita Sanch. lib. 2. de matrim. disp. 38. n. 2. Coninck de pœnit. disp. 8. art. 5. q. 7. Suarez tom. 4. disp. 32. sect. 4. Filliuc. tr. 7. c. 12. q. 4. Reginal. lib. 2. n. 45. Laym. lib. 5. tract. 6. c. 13. n. 6. Bonac. de matr. q. 3. punct. ult. Dian. par. 3. tract. 4. resol. 80. Card. de Lugo de pœnit. disp. 22. num. 24.

Ex-

DE GRAUITATE

*Hujus Delicti, & Obligatione  
Confessarii.*

Excipe cum Card. de Lugo loc. cit. nisi in posteriori casu dissimulatio Confessarii, ignorantiaque penitentis officiat bono communi; ut si populus hujusmodi impedimentum sciat, scandalumque sumat, tunc enim debet penitentem mone- re, quamvis admonitio non sit profutura, quia bonum commune privato est ante- ferendum.

Sed rogabit, quomodo Confessarius in- notescere potest, an penitens laboreat ignorantia vincibili, ideòque sit monen- dus, vel detineatur errore vincibili, ideòque præstet instructionem omitte- re.

Respond. Confessarius potest id co- gnoscere curando detegere, an penitens existimet se versari in bono statu, an verò scrupulis agitetur: prudenter tamen & cum magna cautione, ne ex interroga- tione, vel interrogandi circumstantiis, penitens detineri dubia fide incipiat. Si enim penitentem nullis agitari sti- mulis deprehendat eum detineri errore invincibili; si secus culpata laborare ignorantia judicare poterit. Quod si pe- nitens ipse de matrimonii valore, jure- que petendi debitum dubius sit, ideò- que ex Confessario quærat veritatem tenetur eam illi aperire, etiamsi nullus speretur fructus: Nam eo casu peni- tens censetur detineri errore culpabili, & Confessarius dissimulans, vel tacens præsumeretur errorem approbare. Ita Layman libro quinto, tractat. 6. cap. 13. num. 6. Suarez de penitent. disp. 32.

sect. 4. n. 2. Cardin. de Lugo, de

penit. disp. 22. n. 24. qui

rectè monet Con-

fessarium in

tali ca-

su

non debere plus di-

cere, quam à pe-

nitente ro-

getur.

Quàm sit grave hoc peccatum, præ- ter sacrarum litterarum, Docto- rumque virorum testimonia, illud nobis est argumento, quòd fere Ordinarii om- nes illud, vel reservantis juris dispositio- ni, vel censuræ pœnæ subiiciant. Nam hujus sceleris reatum suapte natura gra- vem circumstantiæ tum scandali, tum fornicationis periculi reddunt gravio- rem. Quandoquidem non raro sponsi, fornicario concubitu expleta libidine, vel sponsam defloratam deferere, vel ementiti criminis eam insimulare; ut re- siliendi à sponsalibus, ad aliaque prope- randi viam sibi struant, non verentur, non sine magno populi scandalo, vel pro- stitutionibus deceptarum puellarum pe- riculo. Quæ scandali offendicula, ut à concredito sibi grege, quoad fieri potest arceret, tantamque sponforum, vel potiùs deceptorum Virginum salacitatem, ac improbitatem compesceret, Sapientissi- mus Legislator, ac Pastor solertissimus meritò tantum nefas severiori suo judi- cio reservare decrevit.

Quod ad Confessarium attinet, ejus in primis munus erit delicti hujusce gra- vitatem penitenti ostendere eumque ad standum promissis inducere: Quia in re ignorare non debet integrum sibi non esse, extra mortis articulum, hoc inno- datum casu absolvere, nisi recepto priùs juramento, de celebrando statim ma- trimonio; præterquam si sponsalium vinculum legitimè relaxatum esset; ut patet ex contra tabella concessionis fa- cultatis cum limitatione. Quod acci- piendum est dummodò per ipsum ster, quominus promissionem nuptiarum a- dimpleat. Quod si ex alterius tantum culpa talis defectus proveniat, is dumtaxat absolutionis beneficio carere debet.

Neque fatiserit eo casu, si promissor infidus puellæ, sub conjugii promissione defloratæ dotem offerat ipsa reluctante;

S sed

*tum, seu procurationem abortus, non verò inductionem sterilitatis, vel conceptionis impedimentum.*

- 14 *Abortus duplex, alter animati, inanimati fetus alter.*
- 15 *Litera reservationis utrumque abortum, imò solam procurationem comprehendit.*
- 16 *Quando humano fœtui infundatur anima. Refertur duplex sententia.*
- 17 *In dubio de fœtus conceptione, seu an fœtus fuerit mas, vel femina quomodo præsumendus.*
- 18 *Quid in dubio de fœtus animatione.*
- 19 *Concepti fœtus abortus subdiviso in voluntarium, & casualem.*
- 20 *Abortus fœtus animati procuratio directè voluntaria nullo casu licita.*
- 21 *An liceat directè procurare abortum fœtus inanimati pro tuenda salute Matris ex morbo periclitantis. Refertur duplex sententia.*
- 22 *Viramque sententiam æquè probabilem putat Author.*
- 23 *Quæ medicinæ possint applicari ægrotanti fœminæ gravidæ, quando proles est animata.*
- 24 *Quid in dubio de remedij auxilio.*
- 25 *Numquam licet procurare abortum ad vitandum vitæ, vel infantiæ periculum.*
- 26 *Procuratio abortus mortaliter mala est etiam reservata si voluntariè, & studiosè, non verò per metum gravem sit attentata.*

# ANNOTATIO I.

1 **R**eservatio hujus casus olim in Brilien. Diœcesi proposita fuit in hæc verba. *Abortus fœtus animati.* Cujus reservationis litera in tabella Episcopali usque ad hunc annum M. DC. LXVIII quo Elucidarium hocce prodixit, perduravit. Hinc multoties à Parochiis & Confessariis ejusdem Diœcesis dubitatum fuit, num sub illis terminis comprehenderetur simplex abortus procuratio, nullo secuto ex tali procuratione effectu.

2 Pars negativa suadebatur his argumentis. Primò Edictum Episcopale proponit casum sub terminis abortus, non

procuracionis: Ergo non comprehendit procuracionem, sed abortum re ipsa secutum.

Secundò verba legis penalis intelligenda sunt cum effectu: Ergo hujus casus reservatio, quæ habet quamdam rationem pœnæ, requirit actum externum, hoc est, abortum cum effectu.

Tertiò in materia odiosa, qualis est reservatio, non est facienda extensio: Ergo reservatio abortus extendenda non est ad ejusdem procuracionem.

Huic sententiæ favere videtur Clapeavil. cas. 9. q. 2. illat. 9. & Homob. de cas. ref. part. 3. cap. 7. sect. 2. except. 6. ubi ait, quando in tabella Episcopali conceditur facultas cum limitatione, *non secuto effectu*, tunc qui procuravit abortum, si antequam effectu sequatur, confessionem instituat, posse per Confessarium simplicem absolvi.

3 Histamen non obstantibus, oppositum ego de hac re consultus semper tenui, & sustinui, nempe sub terminis abortus, &c. ejusdem etiam procuracionem comprehendendi. Quia in re notare oportet, quòd aliud est procurare potiones, venena, &c. ad abortum efficiendum, aliud actualiter applicare, & propinare procuratas potiones, venena, &c. ad eundem effectum. Hic non est sermo de priore procuracione, sed de posteriore, scilicet de actuali attentione, seu applicatione rei procuratæ ad abortum causandum. Dicimus itaque hæc verba, *Abortus fœtus animati*, ex identitate, & implicitè includere procuracionem, seu attentionem abortus ejusdem fœtus. Tùm quia in casu dubio potiùs attendi debet Legislatoris mens, quam cortex verborum: mens autem Sapientissimi Legislatoris præsumebatur ea esse, ut vellet reservationis fræno impedire tam applicationem proximæ causæ tantè immanitatis, quàm effectum immanissimæ applicationis. Ergo præsumenda erat reservationi obnoxia tam applicatio proximæ causæ, scilicet procuratio abortus, quàm effectus re ipsa secutus.

Tùm quia eo casu si fœtus, sumpto poculo expelleretur, sed non necaretur, adhuc censendus esset casus reservatus:

S 2 quia

quia etsi ferè semper accidat, non tamen videtur necessaria sctus oppugnaretur. Ergo etiam si tantum sctus oppugnaretur, sed non eiiceretur. Nam sufficere debet efficax, seu proxima attentatio, quæ ex identitate includitur in litera reservationis.

Et quòd talis esset dispositio tam legis reservantis, quàm mentis Legislatoris, clarè deducebatur ex contraria concessionis facultatis absolviendi à reservationis limitationibus, quæ sic habebat. *Conceditur non secuto effectu.* Ergo si Penitentiariis minoribus concedebatur facultas absolviendi à casu abortus, quoties secutus non erat effectus, omninò consequens erat, ut etiam applicatio causæ, seu rei procuratæ ad efficiendum abortum, reservationi esset obnoxia, secluso abortus effectu: alioquin nihil ipsi concessum fuisset, cum facultatem absolviendi à non reservatis à iure habeant: sicque ejusmodi concessio fuisset illusoria, & limitatio gratis addita, quod non est dicendum.

Præterea illa concessio erat facultatis limitatio super reservata: Ergo usus illius limitatæ facultatis supponebat materiam reservatam citra abortus effectum.

Demùm si procuratio ipsa, secluso effectu, non fuisset reservata, casus abortus sctus animati non fuisset distinctus à casu homicidii voluntarii, cum vix accidat, ut sctus tam præmaturè ejectus supervivere possit.

Neque obstant argumenta superiùs allata. Ad primum enim respondeo, quòd Edictum reservationis comprehendebat abortum expressè, & procurationem ejusdem implicitè, & ex identitate, ut supra dictum est.

Ad secundum Resp. reservationem hujus casu intelligendam esse cum effectu vel abortus, vel attentatæ abortionis, cui responsioni favebant verba contratabellæ concessionis cum limitatione supra relata, ex quibus clarè deducebatur reservari etiam procurationem.

Ad tertium Resp. reservationem procurationis non esse extensionem, sed inclusionem, tum ex verbis contratabellæ, tum ex mente Reservantis deductam.

4 His addendum, quòd quando agitur de salute animarum, & de præcavendo atroci crimine, potest fieri extensio etiam juris penalis, sicuti rectè notat Quarantus. Bullar. v. *casus reservatus* num. 3. Quamvis igitur reservatio fortè sit odiosa quantum ad penitentium, & Confessoriorum sensualitatem, ut ita dicam, est tamen medicinalis, & saluti animarum favorabilis; quod maximè spectatur in reservatione: Ideoque aliquando extendi, & dilari potest. Vide Finellium de casu refer. cas. 4. n. 23. & Abbatem apud ipsum citatum.

Quoad sententiam Chapeav. & Homob. supra relata, dico eam reprobari à Zecco cas. 9. de abortu pagina 183. Belloch. de casu refer. par. 2. quæst. 8. n. 71. Gambar. pag. 191. nu. 2. Bonac. disp. 2. de rest. quæst. ultim. punc. 7. nu. 6. Præterea obstant verba contratabellæ concessionis supra relata.

5 Hodie verò ex variatione literæ reservationis circa hunc casum, præalto consilio facta, profligata manet contraria sententia, & sublata omnis dubitatio. Siquidem Illustrissimus, ac Reverendissimus D. Marinus Ioannes Georgius, nunc, dextero Numine, Brixiz Episcopus pro summa ejus sapientia, & vigilantia, ad deterrendum à tam atroci crimine sibi commissum gregem, hunc casum in Edicto reservationis propositum voluit non ampliùs sub terminis *Abortus sctus animati*; sed sub hac litera. *Procuratio abortus, etiam effectu non secuto.*

6 Quam reservationem non minùs providè, sapienter, opportunè ad mandantes etiam, consulentes, aut auxilium ad id dantes, extendere decrevit: sicuti constat ex mutatione, ac extensione literæ casus septimi in Edicto reservationis noviter propositi.

## ANNOTATIO II.

7 Circa cujus casus ampliationem id venit notandum, sub litera extensæ reservationis comprehendendi eos omnes, cujuscumque conditionis, & sexus sint, qui jubent, suadèt, hortantur, vel qui favorem, con-



consensum, operam præstant, opemvè ferunt, aut aliquo modo cooperantur, ut fœtus immaturus abigatur. Unde incidunt primò adulter, aut stuprator, qui imperant Mater, quæ suadet; amici qui rogant; propinqui, qui consulunt; lena, quæ instruit; domestici, qui curant, ut puella gravida poculum sumat; vel uterum sibi percutiat, aut corpus oneribus premat, ut abortiatur. Item ancilla ad hunc finem Medicum vocans; Medicus pharmacum ordinans; aromatarius ad eundem finem illud præparans: famulus facti conficiens poculum deferens: Mater, vel famula illud puelle porrigens, barbitonisor venam in pede prægnantis secans, ac demum, qui aliquo modo ad abortum efficiendum cooperantur, concursumve studiosè præstant, ii omnes reservationem incurrunt: Quia omnes comprehenduntur sub litera reservationis, teste Finellio de abortu n. 4. & Bellochio p. 2. q. 8. n. 74. & 79.

Hæc tamen assertio intelligenda est, dummodo mandatum consilium, auxilium fuerit studiosè datum, & efficax, efficaciterque in procuracionem abortus influxit; quamvis conatum, opem, concursum, effectus eluserit. Quod si fœtus sit animatus, præter hanc reservationem incurrit etiam in aliam homicidio voluntario annexam. Nam qui fœtum animatum enecat, vel enecandi efficax consilium, aut auxilium præbet, secuto effectu, verè, & propriè homicida est, decretisque homicidæ pœnis subiectus, sicuti constat ex cap. *si aliquis*, & capite *sicut ex litteris de homicidio*: & notat ibi Abbas n. 3. Nav. in man. c. 16. n. 33. Covarr. 2. par. resol. c. 20. n. 10. Quin & parricida est, si parens animatæ proli abortum procuret, mortemque inferat: sicuti notat Laym. lib. 3. tract. 3. part. 3. cap. 4. n. 3. Præterea si fœtus sit animatus, incurrit etiam excommunicatio in Bullis Pontificiis contenta.

## A N N O T A T I O III.

9 Pro quo notandum contra procurantes abortum per se, vel per alios potionibus, medicamentis, percussionibus, venenis, aut laboribus, seu oneribus mulieri prægnanti impositis, extare Bullam Sixti editam anno millesimo quingentesimo octogesimo octavo, quæ incipit: *Effrenatam*, & decernit.

Primò, ut procurantes abortum fœtus tam inanimati, quam animati, incurrant omnes pœnas canonico, & civili jure in homicidas decretas.

Secundò, ut si sint Clerici, privati existant omni officio, Beneficio, & dignitate, & inhabiles ad ea obtinenda redendantur.

Tertiò easdem pœnas extendit ad omnes procurantes, vel consulentes, aut quovis modo adjuvantes, ut fœminæ propinetur potio non solum ad abortum faciendum, sed etiam ad sterilitatem inducendam, vel non concipiendum.

Quartò, omnibus prædictis imponit pœnam excommunicationis Summo Pontifici reservatæ. Quam Bullam videre licet apud Quarantam in Summa Bullar. V. *Abortus*.

10 Verùm quia ista Sixti constitutio perniciosè potius, quam remedium, aut utilitatem animabus parabat: siquidem multi ex difficultate obtinendæ veniæ in tali scelere absque pœnitentia versabantur. Idcirco Gregor. XIV. eam constitutionem in duobus restrinxit, & moderavit.

Primò, ut quilibet Sacerdos ab Ordinario approbatus, & ad hoc specialiter deputatus à delicto abortus, & annexa excommunicationis pœna possit absolvere.

Secundò, ut si fœtus non sit animatus, vel si solum potiones ad non concipiendum, sterilitatemque causandas datæ sint, tunc non incurrantur pœnæ à Sixto constitutæ: Sed tunc delictum reguletur juxta dispositionem juris communis. Quoad abortum verò fœtus animati respectu auxiliorum, consulentium, &c. tunc quoad alia in

Bulla contenta relinquit eam in suo robore, & firmitate . Videatur moderatio apud Quarantam loco cit. Sayrus lib. 3. cap. 35. numero vigesimo quinto, & vigesimo sexto . Diana par. 7. tract. 5. resolutione 5. Finellius casu 4. de abortu numero 1.

#### ANNOTATIO IV.

11 Utrum autem excommunicationis pœna à Sixto V. inflicta supra relata, incurrat non solum in casu , quo quis alterius sœminę procurat abortum , sed etiam si fœmina ipsa pręgnans proprium attendet abortum .

Negativę respondent Avila de censuris parte 2. cap. 5. disp. 3. dubio 12. concl. 1. Naldus V. *abortus*, num. 1. Trulench. lib. 5. in decal. cap. 1. dubio 1. numero tertio : sustinentes excommunicationem latam à Sixto Quinto juxta moderationem Gregorij Decimi quarti comprehendere eos tantum , qui abortum alienum procurant , non verò qui procurant proprium . Quod inde probant, quia in Bulla Sixti in ea parte , in qua fertur ista excommunicatio; nulla fit mentio de fœminis proprium abortum procurantibus, dum agitur de excommunicatione , sed tantum dum agitur de penis temporalibus: in materia autem odiosa , & pœnali stricta fieri debet interpretatio . Ergo, &c.

Affirmativam verò tenent Henriquez lib. 3. de pœnitentia cap. 10. Filliuc. tract. 14. cap. 6. num. 4. Bonacina de censuris in particulis disp. 2. qu. 2. puncto vigesimo , num. 12. & 13. Diana parte 7. tractatu 5. resolut. 7. & alii : quia in Bulla Sixti , in qua parte fertur ista excommunicatio, præcedunt illa verba . *Sive ut principalis, sive ut socia* : per illam vocem *principalis*, debet intelligi fœmina sumens : per particulam autem *socia*, persona poculum præbens ad abortum faciendum. Ergo, &c.

Hęc posterior sententia , & verior videtur, & mihi magis placet. Verum quidquid sit de procurante proprium abortum in ordine ad excommunicationem , certum esse debet ab Episcopali reserva-

tione non excusari, quæ tam proprium, quàm alienum procurantes abortum comprehendit. Quod constat tum ex verbis reservationis , tum ex praxi interni fori Ecclesię Brixienfis, & Confessariorum consuetudine , quæ est optima legum interpres.

#### ANNOTATIO V.

12 Ceterum pro clariori casus explanatione advertendum est , hæc tria valde inter se differre, nimirum potionibus, & venenis procurare sterilitatem, impedire fœtus humani conceptionem, & expellere jam conceptum fœtum . Nam sterilitatis procuratio non est abortus , quia abortus supponit conceptionem, non ita verò sterilitas. Opus similiter obstandi, ne fœtus concipiatur , quamvis culpam mortalem involvat, cum nullo bono fine honestari possit, à ratione tamen abortus longè recedit. Altera verò actio, hoc est, expulsio jam concepti fœtus dicitur abortus . Unde abortus proprię est studiosa expulsio fœtus ex utero matris violenter facta ante tempus à natura præfinitum . Ita Chapeavilla par. 2. casu 9. pagina mihi 228. Bellochius de casibus reservatis p. 2. qu. 8. Mazuchellus disputatione secunda, capite 2. differentia prima, numero tertio.

13 Constitutio igitur Gregorii Decimi quarti quemadmodum & Episcopalis reservatio non se extendunt ad sterilitatis inductionem, vel conceptionis impedimentum, sed tantum ad studiosam, & malitiosam concepti fœtus ex utero matris expulsionem. Nam licet constitutio Sixti excommunicationis pœnam ad eos etiam qui sterilitatis potiones, ac venena mulieribus propinarent, vel sumerent, aut quovis modo prolis conceptionem impedirent, extenderit; nihilominus Gregorius Decimus quartus eam moderavit, ut supra annotatum fuit ex Quaranta, Sayro, Finellio, & Diana locis citatis.

Hoc interest, quod ad incurrendam excommunicationem in Pontificiis Bullis contentam, requiritur, ut animati fœtus sequatur abortus; ad incidendum ve-

ro

rò in reservationem in tabella Episcopali expressam, sufficit sola procuratio abortus etiam effectu non secuto.

ANNOTATIO VI.

14 Pro quo non segniter notandum, quò duplex datur abortus: alter scetus inanimati, animati alter. Abortus scetus inanimati est ejectio scetus, vel informis, vel immaturi ex utero matris, antequam illi anima rationalis sit infusa. Abortus verò scetus animati est expulsio ejusdem scetus, postquam animam rationalem recepit.

15 Littera igitur reservationis utrumque abortum comprehendit, imò solam procurationem seu conatum ad abortum efficiendum, tam si scetus sit animatus, quàm inanimatus: Quia in utroque casu dicitur procuratio abortus: ubi autem lex non distinguit, nec nos distinguere debemus. Gambar. de cas. abortus, folio 191. nu. 3. Non ita verò constitutio Gregor. XIV. cujus penalis dispositio afficit tantum procurantes abortum, quando scetus existimatur anima rationali informatus, & reipsa procurata: abortionis sequitur effectus, ut supra adnotatum fuit.

16 Quando verò humano scetui infundatur anima, Medicorum persuasio est, scetum tam masculi, quàm femellæ animari, statimque formatum est; quam formationem ex Hipocrate lib. de natura scetus, ajunt absolvi aliquando die 30. aliquando 40. vel 45. aliquando verò 50. idque provenire ex majore, vel minore caliditate, vel frigiditate matris. Idem sentire videtur Azor. 3.p. lib.2. c.4. & probabilius existimat Mazuch. de cas. refer. disp.2.c.3.diff.1. num.5.

Cæterum à communi Doctorum sententia non est recedendum, quæ sustinet masculum recipere rationalem animam quadragesimo die à conceptione, femellam verò octuagesimo, sumpto argumento ex cap. 12. Levitic. Ita Navar. in man. cap.15. n.14. Sylvest. V. homicidium 1.3. Finell. de cas. refer. cas.4. n.5. de abortu. Graff. p.1. decis. aure. lib.2. cap.63. num.31. Fran. Leo in thes. fori Eccl. p.3. num.28.

Layman. lib.3. tract.3.par.3.cap.4. num.3. Et hanc sententiam confirmat stylus Sacre Penitentiariæ Romanæ, teste Nav. lib.5. conf.26. de homicidio in nova editione.

17 In dubio autem de scetus conceptione, v.g. si Mater dubiam faciat partus conceptionem, dico eo casu mulierem præsumendam esse gravidam; proindeque judicandum in favorem legis contra penitentem, quem constat abortum procurasse. Floron. loc. cit. n.5. Mazuch. cit. cap.4. difficul.4.q.3.n.36. Idemque dicendum, si dubitetur, an scetus fuerit mas, vel femella: Nam præsumendum esse marè, docent Dian. p.7. tract.5. resol.6. Barb. de offic. & potest. Episc. alleg.51. nu.137. Sà v. homicidium.

18 Sed quid, ubi dubitatur de scetus animatione? Etiam eo casu Doctores communiter affirmant præsumendum esse animatum. Nav. in man. c.15. n.14. Finell. loc. cit. n.5. de abortu, & consequenter excommunicatum, & irregularem, qui procuravit abortum, effectu secuto. Nam dubius homicida tam in foro externo, quàm interno censendus est irregularis, sicuti habetur in cap. ad audientiam, & cap. significasti. Estque communis DD. sententia apud Sayr. lib.6. cap.15. n.9. Sanch. lib.1. mor. c.10. n.43. Avil. part.7. disp.2. dub.5. conc.1. Laym. lib.1. tract.1.c.5. §.4. nu.39. contra Præposit. 3. par. q.5. de irreg. dub.8. n.58. cui adheret Dian. p.4. tract.2. resol.16.

ANNOTATIO VII.

19 Verùm ulteriùs notandum est, quòd abortus scetus humani rursus dividitur in abortum voluntarium, & casualem. Casualis est, qui omnino casu fit, & præter operantis intentionem accidit. Voluntarius verò dupliciter evenit, vel directè, & in se, ut si quis scienter, ex industria, & malitia abortum affectet, & procuret: vel indirectè, & in causa volitus est, ut si quis liberè exerceat actionem, vel portionem sumat, ex qua regulariter sequi solet abortus, quamvis sumens illum non intendat.

20 Modò certissimum apud omnes  
S 4 Do-

ad casum dubium de auxilio remedii; eo quod in tali eventu melius sit anceps remedium experiri, quam omni spe destitutam sinere infirmam perire Dian. l.c. si tamen cum morte secutura matris affligeret spes vite, & baptismi proles, teneretur mater sub mortali abstinere ab omni remedio destructivo animati fetus: Quia ordo charitatis postulat, ut vita spiritualis animati fetus preferatur vitæ corporali ipsius matris. Lessius lib.2.c.31. dub.6. n.33. La yman lib.3. tract.3. part.3. cap.4. num.4.

25 Illud verò certius est apud omnes, non licere procurare abortum fetus etiã inanimati ad vitandum vitæ, fameque discrimen, quod imminet prægnanti puellæ, si vel gravida reperiatur, vel fetum agnominiosum pariat: Quia in his casibus fetus non est aggressor, neque periculum mortis, vel infamie provenit ab ipso fetu, sed ab extrinseco, illudque semina sibi imputare debet: insuper discrimen præsentaneum non est, sed remotum. Ita Sanch. loc.cit. disp.26.n.10. Filliuc. tract.29.c.6.n.103. Dian.p.7.tract.5.resol.32. Alphonsus de Leone de censur. recoll.7.n.18. quibus subscribit Mazuch. disp.2.c.3. diff.4. n.24. contra Torreblancam, Zambellum, Bordon. Lezzan. Trulench. quorum sententiam in generali Congregatione Sancti Officii Romæ fuisse reprobam, testatur idem Dian. p.6.tract.8.resol.37.

26 In casibus igitur supradictis, quando scienter procurans abortum, non excusatur à gravissima mortali culpa, ita nec à reservatione: dummodo procuratio voluntariè, & studiosè, non verò per metum gravem fuerit attentata. Siquidem de tali procuratione, expressè loquitur littera reservationis, imò de sola procuratione, studiosoque conatu ad abortum faciendum, secluso etiã abortus effectu: sicuti constat ex verbis propositi casus.

## RESOLUTIVA PRAXIS

### Pro Incidentibus.

1 EX prænotatis pro regula generali statuitur in excommunicatione, & reservationem incidere eos omnes cuiuscumque conditionis, ac sexus, qui potionibus, medicamentis, percussionibus, venenis, laboribus, oneribus foemine prægnanti impositis, aut alio quocumque modo scienter, & studiosè causa existunt ut fetus animatus præmaturè abigatur. Patet tum ex Bullis supra relatis, tum ex littera reservationis. Si verò fetus nondum anima rationali præditus sit, procuratorem abortus adhuc in reservationem incidere, constat ex verbis propositi casus.

2 In specie autem resolves incidere puellam gravidam, quæ vel poculum sumit, vel uterum sibi percutit, vel corpus suum nimis oneribus premit, vel seipsam immoderatis laboribus vexat ea intentione, ut concepti fetus abortum patiat. Nam huiusmodi studiosæ actiones verè, & propriè dicuntur procuratio abortus. Chapeav. de cas. reser. cas.9. q.2. illat.8.

3 In reservationem incidunt omnes, qui procurant abortum, sive fetus sit animatus, sive inanimatus: Quia in utroque casu dicitur procuratio abortus: ubi autem lex non distinguit, nec nos distinguere debemus. Verum tamen est, quod gravius delinquit, qui animati fetus abortum procurat, secuto effectu, quam qui inanimati. Siquidem ille homicidium committit, non item iste. Constat ex annot.6.n.15.

4 Resolves illum incurere, qui consultit, instruit, movet, favet, suadet feminam gravidam, ut abortum procuret, dummodo sit causa efficax huiusmodi procurationis; patet ex annot.2.n.7.&8.

5 Nec prædictam excommunicationis, & reservationis penam effugit Medicus pharmacum præscribens, Pharmacopola illud conficiens, famulus deferens, Mater, vel ancilla puellæ prægnanti porrigens, modo singuli scienter, & ex intentione.

tione caufandi concepti fœtus abortum, operam præſtent. Hoc intereſt, quòd ad incurrandam excommunicationem requiritur, ut fœtus fuerit animatus, & ſecutus ſit abortionis effectus: Ad reſervationem verò ſufficit ſola procuratio, ſeu nefaria attentatio, & conatus ad abortum efficiendum. Vide ſupra annot. 1. & 3. & Doctores ibi cit.

6 Non excuſatur ab eadem excommunicationis cenſura, qui per ſe, vel per alium procuravit fœtus animati abortum, etſi non ſtatim poſt applicationem cauſæ, ſed effluxis duobus, vel tribus menſibus, ſecutus ſit abortionis effectus. Nameo caſu perdurare præſumitur procuratio abortus. Quod verum eſt, dummodo ex alia ſuperveniente cauſa non conſtet proceſſiſſe abortionis effectum. Mazuchel. de caſ. reſ. diſp. 2. c. 3. q. 2. num. 26. Ad reſervationem verò, ut ſepè dixi, ſufficit ſimplex abortus procuratio, ſecluſo procuratæ abortionis effectu.

7 Non eximitur ab impoſita pœna procurator abortus ex eo, quod fœtus ſtudioſè ejectus poſtea ſupervivat, & baptizetur: Nam ad incurrandam excommunicationem ſufficit præmatura animati fœtus ejectio; ad reſervationem verò ſola procuratio, & omnino per accidens eſt, quòd fœtus ſupervivat, & baptizetur, teſte Chapeav. de caſ. reſer. caſ. 9. qu. 2. il. lat. 9.

8 Incidunt ſupradicti omnes abortum ſtudioſè procurantes, etiamſi id agant ob vitandum ſcandalum, vel tuendum honorem puellæ nobilis exturpi concubitu prægnantis, tegendamque familiæ infamiam. Quia non ſunt facienda mala, ut eveniant bona. Chapea. Belloch. Floron. quibus ſubſcribit Lup. de caſ. reſer. caſ. 9. nu. 27. Imò neque ad vitandam mortem à conſanguineis Puellæ gravidæ inferendam, licet directè abortum procurare. Conſtat ex annot. 8. n. 25.

Neque obſtat regula juris, quòd ex duobus malis minus ſit eligendum, & cōſequenter deſtruendus ſit ſætus, nondum rationali anima informatus, quod videtur minus malum, ut vitetur tùm periculum mortis imminens Puellæ nobili, tùm etiam infamia, & ſcandalum, quod

cenſetur majus malum.

Reſpondeo enim eam regulam habere locum in iis tantùm, quæ mala ſunt, quia prohibita, non verò in iis, quæ intrinſecè ſunt mala, & ideò prohibita, cujuſmodi eſt directæ abortus procuratio: ut conſtat ex ſupradictis. Vel ſi contendas procedere etiam in iis, quæ intrinſecè ſunt mala. Reſpondeo cum Layman lib. 2. tract. 3. c. 13. num. 7. id admittendum eſſe, quoties minus malum eſt pars formaliter, vel virtualiter contenta in majori malo, & peccato, quod alter committere decreverat. De quo vide, quæ ſuſius dicam infra poſt reſolutivam praxim pro non incidentibus.

9 Ligatur reſervatione maritus, qui ita graviter uxorem cædit, vel tanta corporis agitatione eam cognoscit, ut concepti fœtus ſequatur abortus. Quod verum eſt, dummodo abortum huiusmodi vir non tantum præviderit, ſed etiam ſtudioſè, & ex induſtria procuraverit. Secùs verò ſi abortum non intenderit, ſed tantùm iram, aut libidinem explere. Mazuch. diſp. 2. c. 3. q. 2. n. 30. & 31.

10 Excommunicationis, ac reſervationiſ telum non effugit, qui ſcienter, & data opera ordinat, conficit, porrigit, vel jubet, ſuader, auxilium præbet, operam præſtat, aut aliquo modo cooperatur, ut ægra mulier prægnans ſumat medicamentum directè tendens ad fœtus animati expulſionem, quamvis id præſtat ad ſalutem matri ex morbo, vel partu periclitanti conferendam: Quia hi omnes dicuntur directè, & per ſe fœtus animati abortum procurare, quod nullo modo licet; cum nullo modo ſas ſit directè, & per ſe hominem innocentem occidere. Conſtat ex annot. 8. n. 23.

11 Idem omnino reſolves in dubio, an fœtus fuerit animatus: Nam exiſtente tali dubio, fœtus præſumitur animatus; Ideòque judicandum eſt contra penitentem in favorem legis, pro qua ſtat poſſeſſio, quando conſtat abortum ſtudioſè fuiſſe procuratum. Vide ſupra annot. 6. n. 28. & Doctores ibi cit.

12 Eadem reſolutio, quoad reſervationem, extenditur etiam ad caſum dubium de ſætus conceptione, ſi videlicet

mu-

mulier dubiam faceret partus conceptionem. Nam etiam in tali dubio præsumendum est, mulierem fuisse gravidam: Ideoque iudicium fieri debet in favorem legis reservantis contra penitentem, quem constat abortum malitiosè procurasse. Floron. de cas. res. p. 2. cas. 5. num. 9. quem sequitur Mazuch. disp. 2. diffic. 4. q. 2. num. 36.

13 Incidisse stuprator, vel fornicarius ille censetur, qui semine, cum qua rem habuit, dixit valde angor ex eo, quod partum conceperis, quia suspicor gravia mala, & tibi, & mihi eventura: Si exinde illis verbis perterrita mulier, ac permota abortum procuravit: tum quia talis locutio perinde est, ac efficax consilium: tum quia eo casu diceretur per alium procurare abortum. Floron. loc. cit. n. 9. Belloch. de cas. res. p. 2. q. 8. n. 81. Mazuch. loc. cit. nu. 27. Hec tamen resolutio intelligenda est, si stuprator, ita loquendo, adverterit futurum, ut perdita mulier conceptum partum disperderet, in eumque finem illa verba protulerit.

14 Demum resolves, quid quò studiofa rei applicatione abortui causam dederunt, si interim dum expectatur eventus, velint immanissimum scelus confiteri à confessario simplici non possunt absolvi. Quia attentatio ipsa tantè immanitatis ante effectum, & secluso etiam effectu, reservationi est obnoxia: ut clarè constat ex litera reservationis.

## RESOLUTIVA P R A X I S

### *Pro non Incidentibus.*

1 **N**Vlli subiacet excommunicationi, vel reservationi, qui portio- nibus venenis, &c. sterilitatem femine procuravit: Quia inductio sterilitatis non est abortus. Censura verò excommunicationis lata per constitutionem Sixti V. contra sterilitatem inducentes sublata est per moderationem Gregor. XIV. culpam tamen mortalem non effugit. Vide supra annot. 3. n. 10.

2 Idem ob eandem rationem resolves de illo, qui propinatione, vel sumptione

poculi, aut alio quocumque modo malitiosè impedit, ne fœtus humanus concipiatur. Delinquit tamen graviter, cum nullo bono fine huiusmodi poculi sumptio possit honestari. Sanch. lib. 9. de matr. disp. 20. n. 10.

3 Non incidit in casum, qui statuit procurare abortum fœtus etiam animati, sed id non præstitit, vel quia noluit, vel quia non potuit: Quia imposita reservatio non afficit proponentes, sed abortum re ipsa procurantes. Delinquit tamen toties mortaliter, quoties proposuit, ratione pravi affectus. Chapeav. cas. 9. quest. 2.

4 Non ligatur excommunicatione in Pontificia constitutione contenta, qui medicinis, percussionibus, venenis, &c. mulieri prægnanti procurat abortum fœtus inanimati, etiam effectu secuto: Quia Bulla requirit, ut fœtus sit animatus: gravissimum tamen scelus committit. Ad incidendum tamen in reservationem sufficit sola abortus procuratio, si fœtus sit animatus, sive non; ut constat ex supradictis.

5 Non incurrit maritus, qui ira inflatus, uxori prægnanti calce incusso, vel indidicere percussione, aut ponderis impositione, causa extitit, ut abortum illa concepti fœtus pateretur: quod verum est, etiam si maritus periculum abortus præviderit, modo illum non intenderit. Non enim in casum incidunt, quicumque causa sunt abortus, sed qui illum studiose, & ea industria procurant: patet ex prænotatis, & docet Finel. cas. 4. de abor. n. 2. Lup. cas. 9. §. 3. illat. 2.

6 Eximuntur à reservatione vir, & uxor, qui nimia libidini indulgentes, jungunt se copula carnali tanta corporis agitatione, ut sequatur concepti fœtus abortus, nihil obstante, quod periculum huiusmodi ab ipsis fuerit prævisum, dummodo non affectatum, neque intentum. Floron. cas. 5. n. 9. Mazuch. disp. 2. cap. 3. diffic. 4. q. 2. n. 30. In hoc tamen, & præcedenti casu non adest culpa mortalis, quoties aliquo modo prævidetur periculum abortus.

7 Episcopali reservationi non est obnoxia mulier illa, quæ ignoranter portio- nem

Contrariam sententiã sustinent Cajet. 2.2. quest. 78. art. 4. notab. 3. Azor. tomo 2. lib. 12. cap. 16. q. 18. Covarr. in 4. decret. par. 1. cap. 4. num. ult. Valent. tom. 3. disp. 5. quest. 21. punct. 4. Sã V. *peccatum*, num. 8. Quorum ratio est, quia inducere aliquem ad peccatum jussu, vel suasionem per se malum est, & nullo casu licitum. Neque verum est (inquiunt) si homo commissurus sit majus peccatum, bonum ipsi esse committere minus: Nam minus peccatum non amittit rationem peccati, & adhuc malum quoddam est, & consequenter illicitum illud suadere. Illud verò quod ex duobus malis minus sit eligendum, ajunt locum habere tantum in iis quorum alterum necessario est eligendum non verò in iis, quæ liberè acceptantur.

Sed in hac difficultate mihi placet sequi sententiam Laym. lib. 2. tract. 3. c. 13. versic. *Verum posteriori sententia*, & lib. 3. sect. 4. n. 6. qui asserit licitum esse suadere minus peccatum, si id sit pars formaliter, vel virtualiter inclusa in majore peccato, quod alter committere certò decrevit. Nam tunc suadens non inducit hominem ad malum sed abducit à parte mali, cum à toto avertere non possit. Unde habenti certum propositum committendi adulterium suaderi potest, ut potiùs cum soluta fornicetur, nulla designata persona; quia malitia fornicationi formaliter in adulterio continentur, tanquam pars in toto. Simili ratione volenti me, vel alium interficere suadere possum, ut fuste cædat, quia malitia ejusmodi lesionis virtualiter continetur in hominis occisione. Præterea habenti firmum propositum suadendi centum suadere licitum est, ut futureretur tantum quinquaginta, nullam nominando personam, quia malitia furti minoris formaliter continetur in majori. Secus dicendum, si minus malum non sit pars formaliter, vel virtualiter contenta in majori. Nam tunc est vera inductio ad peccatum, & scandalum activum per se intrinsecè malum, quippè repugnans naturali præcepto negativo: *Ne inducas alterum in peccatum*. Ex hac doctrina patet solutio ad casum in principio propositum. Nam quoties pater esset animo firmatus

occidere filiam ex turpi concubitu gravidam repertam, vel ipsamet filia esset parata sibi necem inferre, ad avertendam infamiam, nec alia pateret via abducendi eos à concepto proposito; tali casu liceret alteri suo consilio eos inducere ad procurandum fetus inanimati abortum: Quia abortus malitia virtualiter continetur in peccato injuste occisionis matris. Nam impedire per studiosum abortum, ne fetus humanus animetur, est quasi homicidium, teste Tertulliano in apolog. cap. 3. apud Layman lib. 3. tract. 3. p. 3. c. 4. n. 2. in fine: *cujus verba sunt ista: Homicidii festinatio est prohibere nasci. Nec refert utrum quis eripiat animam, an disturbet nascentem: Homo est, qui futurus est. Nant fructus in semine est*. Si verò fetus esset animatus, tunc abortus malitia formaliter contineretur in matris occisione: cum matris enecatio regulariter secum trahat animati fetus enecationem: teste Sanchez lib. 9. de matrim. disp. 20. num. 17. Igitur eo casu nequaquam esset illicitum suadere abortum. Vide Mazuchellum disp. 2. cap. 3. diff. 1. n. 63. qui hanc eandem assertionem sustinet, sed minùs firma ratione.

Obiicies. Si posset quis in proposito casu abortum filie prægnanti suadere, posset & ipsamet filia, ad vitandam sui ipsius occisionem seclusa omni suasionem, abortum eligere, quod negavimus superius annot. 4. num. 11. ex Lessio lib. 2. cap. 9. dub. 10. Layman lib. 3. tract. 3. part. 3. cap. 4. n. 4.

Resp. Quòd licet alter in casu proposito possit Puellæ gravidæ abortum suadere, non tamen ipsa eligere: Quia Puella dominium suæ voluntatis habet: unde potest, & tenetur suam voluntatem à toto malo culpæ abducere: Qui verò abortum suadet, dominium voluntatis Puellæ non habet: unde si non potest eam à toto malo avertere, rectè agit, si saltem à mali parte in toto formaliter, vel virtualiter contenta removeat.

cap. 12. n. 1. Unde hac irregularitate innodati recurrere debent, vel ad Sacram Pœnitentiarum Romanam, si casus sit occultus, vel ad Summum Pontificem, si delictum sit publicum. Vide Navar. loco citato. Conrad. de dispensation. Apostolic. libro 5. capite 1. numero 3. & 13.

Quoad reliquos verò Pœnitentiarum, limitatam super reservata facultatem habentes, uti communiter sunt Vicarii (ut vocant) Foranei, extra controversiam est integrum sibi non esse hoc irretitum casu absolvere effectu secuto; ut clarè constat ex illis verbis contra tabellæ concessionis. *Conceditur effectus non secuto.*

I N

OCTAVUM

Casum Reservatum.

In Edicto, seu Tabella Episcopali sub his terminis Propositum.

*Sortilegia, Maleficia, Incantationes ubi est abusus rerum sacrarum Sacramentalium, vel Sacramentorum.*

**T**Ria superstitionis delicta, ut intuenti patet, enumerantur, & reservantur in proposito casu, videlicet Sortilegia, Maleficia, Incantationes: quæ cum sint tres, & distincte superstitionis species, in tres quoque distinguere partes, singulasque distinctis annotationibus, ac resolutionibus expendere ac exponere, majoris claritatis, vel clarioris notitiæ gratia operæ pretium duxi. Pro quo notandum, quod superstitio communiter accepta est falsa religio, seu cultus vitiosus veri, vel falsi Numinis, quo vel Deus colitur sed modo indebito, vel colitur creatura, v. g. Dæmon cultu Deo debito. Nec recedit à definitione S. Thom. 2. 2. questione 92. articul. 1. quod sit vitium Religioni oppositum se-

cundum excessum. Et dicitur per excessum, non quod Deus nimium coli possit, aut excellentiori cultu, quam dignus sit; sed quia exhibet cultum, vel quem non debet, vel eo modo, quo non debet, vel cui non debet.

Superstitionis autem quatuor sunt species, videlicet cultus indebitus, idolatria, divinatio, & vana observantia. Cultus indebitus duplex est alter cultus falsus, ut si quis Deum coleret cœremoniis veteris legis; alter cultus superfluus, ique vel secundum se, ut si quis afficeretur devotione audiendi Missam ante solis ortum, cum certo numero, situ ordine cereorum; vel si quis attenta Ecclesiæ ordinatione, jejunaret die Dominico, neglectis aliis diebus: item in Missa contra Ecclesiæ rubricas plures formare cruces, pluries diceret Allel. adderet Gloria, vel Credo, &c. Lessius lib. 2. c. 43. dub. 1. n. 6.

Idolatria est cum honor, qui Deo debetur, defertur creature, cum scilicet Dæmon adoratur, tanquam Numen. Lessius loc. cit.

Divinatio est conatus perveniendi ope Dæmonis ad occultorum cognitionem, vel ad futurorum, quæ pender à causa libera præcognitionem. Sanch. lib. 2. mor. cap. 38.

Vana denique observantia est, cum quis mediis inutilibus effectum aliquem, ver. gr. sanitatem, scientiam, &c. quam à Deo requirere, & implorare deberet, à Dæmone expressè, vel tacitè procurat.

Hiscæ quatuor superstitionis speciebus addi possunt aliæ duæ: Altera Magiæ, quæ est potestas operandi, quæ sunt supra naturam concurrente ope Dæmonis; quæ licet reduci possit ad vanam observantiamque tamen tanquam aliquid deterius potest distinctam speciem constituere. Altera maleficii, quod est ars nocendi aliis ope, & potestate Dæmonis; Ideoquæ species quædam est deterior etiam magiæ. Lessius loc. cit. n. 6. Tolet. lib. 4. c. 14. n. 5.

Modò cum jus reservans proponat casum sub his terminis. *Sortilegia, Maleficia, Incantationes*, videndum est, an singulæ enumeratæ superstitionis species, vel ex his



his aliquo tantum comprehendantur sub  
litera reservationis. Et primò de forti-  
legiis.

## IN PRIOREM OCTAVI

## CASVS PARTEM,

In Edicto sub hac littera  
Expressam.

*Sortilegia*, &c. ubi est rerum sacrarum,  
Sacramentalium, vel Sacra-  
mentorum abusus.

## ANNOTATIONES.

- 1 *Sortilegia* unde dicta.
- 2 Sortium tres sunt species, divisiœ, con-  
sultoriœ, divinatoriœ.
- 3 Sortes divisiœ quando sint licitæ.
- 4 Sortes divisiœ quando damnandæ.
- 5 Divinati per sortes semper est mala, &  
superstitiosa.
- 6 Dæmon est propter superbiam à Cælo  
Empyreo fuerit dejectus, non tamen ejus  
elatio mansit depressa: Idedque magica-  
rum artium fuit inventor.
- 7 Dæmones multis modis possunt plura de  
futuris prænosse, quam homines.
- 8 Omnis usus sortium, quarum directioni  
præest Diabolus, sub littera reservationis  
comprehenditur.
- 9 An quolibet divinato, in qua intervenit  
Dæmonis invocatio, sortilegii nomine  
veniat. Aliqui negant.
- 10 Affirmativam sententiam tuetur Au-  
thor.
- 11 Astrologia judiciaria an sortilegii nomine  
sit comprehensa.
- 12 Omnis divinatorio superstitiosa cum abusu  
rerum sacrarum, &c. reservationi est  
obnoxia.
- 13 Divinatio superstitiosa duplex, alia cum  
expressa, alia cum tacita Dæmonis in-  
vocatione.
- 14 Invocatio Dæmonis non solum sit voce, &  
verbo, sed etiam facto.
- 15 Divinatio cum expressa Dæmonis in-  
vocatione novem sunt species.
- 16 Præsigium quid sit.
- 17 Quid somniorum divinatio.

- 18 Necromantiæ ratio explicatur.
- 19 Quid sit Pythonia.
- 20 Geomantiæ definitio.
- 21 Hydromantiæ quiditas.
- 22 Aeromantiæ expositio.
- 23 Constitutiva Pyromantiæ ratio.
- 24 Aruspicium quid sit.
- 25 Sortilegia cum expressa Dæmonis invo-  
catione sunt hæreticalia.
- 26 Sortilegia hæreticalia quomodo, & quan-  
do sint Episcopo reservata.
- 27 Hæresis quid sit.
- 28 In foro externo qui sortilegiis hæretica-  
litus nefarie se immiscere deprehen-  
ditur hæreticus, & excommunicatus  
præsumitur.
- 29 Sortilegia, quæ sunt cum implicita Dæ-  
monis invocatione in sex species divi-  
duntur.
- 30 Astrologia circa quæ versatur.
- 31 Astrologia duplex naturalis, & judicia-  
ria.
- 32 Astrologiæ naturalis usus nec est malus,  
neque prohibitus.
- 33 Astrologia judiciaria triplex electionis,  
revolutionis, & nativitatis.
- 34 Astrologia judiciaria electionis, & revo-  
lutionis ementitæ vanitatis à pluribus  
damnatur.
- 35 Astrologia judiciaria nativitatis an  
mortali culpæ, & excommunicationis  
pœne sit obnoxia.
- 36 Sententiam negativam nonnulli susti-  
nent.
- 37 Affirmativam omnino esse sequendam  
putat Autor.
- 38 Augurium (secunda divinationis species  
ex pacto implicito) quid sit.
- 39 Auspicii definitio.
- 40 Omen quid sit.
- 41 Chiromantiæ dilucida expositio.
- 42 Spatulamantia quid sit.
- 43 Sortilegia cum implicita Dæmonis invo-  
catione seclusa ignorantia, vel simpli-  
citate animi sunt peccata mortalia,  
sed non reservata, nisi etiam adjun-  
ctum habeant rerum sacrarum, &c.  
abusum.
- 44 Quot sint genera rerum sacrarum.
- 45 Quenam dicantur res sacræ.
- 46 Sacramentalia quid sint.
- 47 Ad hanc reservationem incurrendam

ne-

*necessariè requiritur vel rerum sacramentum, vel sacramentalium, aut sacramentorum abusus.*

# ANNOTATIO I.

**S**ortilegia ita dicuntur à fortibus: Sortes autem propriè sunt, cum aliquid sit, ut ejus eventus considerato, aliquid occultum innotescat cujusmodi sunt traxillorum emissio, descriptio cartularum, figuræ resurgentes in plumboli-quesfacto in aquam projecto, signa, seu verba, quæ primò occurrunt aperienti librum, & alia id genus sexcenta, quibus ope Dæmonis rerum naturaliter inconoscibilium acquiritur cognitio. S. Tho. 2. 2. q. 95. art. 2. & seq. Azor. lib. 9. cap. 22. Finell. de cas. ref. cas. 2. n. 22.

2 Sortes dividuntur à Doctoribus in tres species, scilicet in divisorias, consultorias, & divinatorias. Nam si res aliqua inter plures sit dividenda, dignitas conferenda, pœna irroganda; idque sortium beneficio fiat, dicuntur sortes divisorie. Si in dubio, arduoque negotio desideretur scire, quid sit agendum, eaque cognitio sortibus indagetur, vocantur sortes consultorie. Si verò occultorum, vel futurorum queratur præcognitio, idque sortium adminiculo attentetur, nuncupantur sortes divinatorie. Sanch. l. 2. mor. c. 43. n. 56. Less. lib. 2. c. 43. dub. 9. n. 57.

3 Inter hæc sortium genera, notandum est ex S. Thom. 2. 2. qu. 95. art. 2. Lessio cit. dub. 9. num. 58. quòd sortes divisorie licet multis in rebus sint licite, si eventus non expectetur à Dæmone; vel à fortuna, velut ab aliquo Numine, sed à solo Deo, atque caveatur, ne ulli fiat injuria, nec adhibeantur in electione ad dignitates, & officia Ecclesiastica: tamen aliquando, & harum sortium usus potest esse illicitus, si earum directioni præsit Diabolus, intercedente pacto expresso, vel tacito inter Diabolum, & mittentem sortes. Sicuti docent Sanchez lib. 2. mor. cap. 38. nu. 88. & 89. Fagund. præcep. 2. lib. 8. c. 4. num. 12. Graff. de cas. ref. lib. 3. cap. 1.

4 Sortes similiter consultorie, quamvis non raro possint esse licite, si necessitas, ac honestas id suadeat, aptiorque mo-

*Pars II.*

us consilium capiendi non appareat, fiantque cum debita reverentia; ut docet Lessius cit. dub. 9. nu. 58. Nihilominus, regulariter loquendo, sunt illicitæ, cum non fortibus, sed Ecclesiæ precibus, Scriptorum doctrina, piorumque consilio Divina scrutanda sit voluntas. Imò, & harum usus malitiam superstitionis continere possunt, si interveniat expressa, vel implicita dæmonis invocatio: Ideoque earum eventus non à Deo, sed à Dæmone expectetur. Ita Sanch. Fagund. Graff. l. cc. Bonac. to. 2. disp. 3. q. 5. punct. 3. n. 15.

5 Sortes porro divinatorie omnino sunt illicitæ, & superstitionis; cum ejusmodi sortes neque ex natura rei, neque ex Dei, aut Ecclesiæ institutione occultis rebus cognoscendis possint deservire: Ideoque pactum aliquod sive expressè, sive tacite cum Dæmone ineatur, ut ab eo mittens sortes rebus occultis instruat. Ita DD. superius citati l. cc.

# ANNOTATIO II.

6 Pro quo notandum, quòd licet propter superbiam Dæmon defectus fuerit à Cælo Empyreo, non ideo depressa est illaniet superbia, sed potius elata: Quare, & in Psal. 73. dicitur *superbia eorum, qui te oderunt, a seclis dis semper*. Unde nunquam destitit Satã novas artes ad invenire, quibus in hac vita præesse hominibus, ac veluti mundi princeps eminere videretur: & ideo magicarum artium fuit inventor, ut homines futurorum præcognoscendorum desiderio alliceret, sibi que devoveret, ut per deceptos homines alios deciperet, ac suæ perditionis, quos posset, faceret consortes. S. Thom. 2. 2. qu. 95. art. 8. Suarez de relig. tom. 1. tract. 3. lib. 2. cap. 12. Bonac. loc. cit.

7 Et quamvis Dæmones non possint certò cognoscere futura, quæ à libero arbitrio alterius pendent, ut docet S. Aug. lib. de divinat. Dæmon. cap. 5. & 6. tamen possunt longè plura de rebus futuris, aliisque occultis nosse, quàm homines, idque quinque modis.

Primò, quia cognoscunt exactè omnes causas naturales, & vim earum, ut Solis,

T Lu-

Lunæ, syderum, elementorum, animalium, &c. Unde faciliè colligere possunt, qui effectus ex iis secuturi sint, vel absolute, vel si certo modo applicentur. Sic faciliè possunt prædicere ventos, tempestates, naufragia, mortes.

Secundo, quia sciunt, quid ipsi, & alij Dæmones malorum focii, Deo permitte, facturi sint: sic poterant prædicere eversionem familiæ Iob, & ipsius calamitates.

Tertio, quia summam habent experientiam; milites enim observarunt, quid ex quo in causis liberis sequi soleat; quibus rebus voluntas humana huc, vel illuc impelli: unde sæpè fit, ut de futuris liberis verè coniectent.

Quarto, quia vident in longinquis locis causas jam positas, vel effectus inchoatos: Ideoque possunt celeritate naturæ illos prævertere, & alibi prænunciare.

Quinto, possunt interdum aliquid de rebus futuris cognoscere ab Angelis, Deo permitte, vel ex scripturis, quas melius intelligunt, quàm homines. Vide S. Thom. par. 1. quæst. 64. art. 1. ad 2. Lessium lib. 2. cap. 43. dub. 5. n. 23. Finellium de cas. refer. cas. 2. num. 5.

8 Litera igitur reservationis, nomine sortilegii censetur comprehendere omnem usum sortium, quarum directioni præest Diabolus, intercedente pacto, sive illæ sint divinatoriæ, sive consultoriæ, siue divinatoriæ. Nam lex generaliter loquens generaliter est intelligenda: & cum ipsa non distinguat, nec nos distinguere debemus. Quod verum est, dummodo in hoc sortium usu simul interveniat rerum sacrarum, Sacramentalium, vel Sacramentorum abusus de quo fusiùs infra annota. 12. Ita S. Thom. loc. cit. art. 5. Sanchez, Fagund. Graff. ll. c. Valen. 2. 2. disp. 6. quæst. 12. punc. 2. Filiuc. tract. 24. cap. 3. quæst. 3. 4. & 8. Portel. de dub. regu. V. veneficia num. 21. 24. & 25. Dian. par. 4. tract. 8. resol. 14. & novissimè in propriis terminis Bassæus in florib. V. casus reservatus num. 40. §. *Verhæculo per sortilegia*.

### ANNO TATIO III.

9 Quamvis autem nomine sortilegii intelligatur propriè usus sortium, quæ adhibentur ad cognoscendum res occultas, ideoque sortilegia sub genere superstitionis divinationis videantur subalternam speciem constituere: quod sentire videtur Zeccus cas. 6. num. 5. Mazuchellus disp. 2. cap. 10. num. 58. & expressè tenet Bordon. in conf. regul. resol. 40. nu. 1. & sequenti.

10 Nihilominus communior, & probabilior est sententia Suarez de Relig. tom. 1. tract. 3. lib. 2. cap. 12. Sanchez lib. 2. mor. cap. 38. num. 88. & 89. Fagund. præcept. 2. lib. 8. cap. 4. num. 12. Coriolani de casib. refer. par. 2. in primo casu. Graff. de cas. refer. lib. 3. cap. 1. Finell. de cas. refer. cas. 2. n. 1. Bassæi in floribus V. casus reservat. num. 40. §. 1. & aliorum, asserentium per sortilegia non solum intelligi tres illas sortium species, quas supra retulimus, sed omnem insuper divinationem, in qua intervenit expressa, vel tacita Dæmonis invocatio.

11 Præterea Astrologiam judiciariam, quæ ex astrorum aspectu futura contingentia, & à libero arbitrio pendencia divinare præsumit; ideoque prorsus superstitionis, omnique jure prohibita est, sub litera sortilegii cõprehendi, docent Suar. Fagund. Sanch. Graff. ll. cc. Quarant. sum. Bullar. v. casus reserv. nu. 3. Marcant. c. 7. reg. minor. tit. 2. qu. 1. d. 1. Bassæus loc. cit. Idquæ probant ex identitate, vel majoritate rationis: Quia supradictæ divinationis species sunt ejusdem generis, & potius dicitur inclusio similium peccatorum, quàm extensio.

Neque obstat, quod objicit Bordon. in conf. regul. resol. 40. num. 1. quod in odiois non debeat fieri extensio ad ea, quæ termini formaliter accepti non significant: Nam rectè responder Quaranta loc. cit. Belloch. de cas. refer. par. 2. quæst. 9. n. 9. Finellius de cas. refer. cas. 4. num. 25. Lupus de cas. refer. par. 2. cas. 12. §. 1. num. 11. quod quando agitur de animarum salute, & de peccato vitando, potest fieri extensio etiam juris pænalis; & potius

tius dicenda est inclusio similium delictorum, quam extensio.

Addo, quod casuum reservatio licet forte sit odiosa quantum ad poenitentium, & Confessariorum sensualitatem, ut ita dicam; est tamen medicinalis, & favorabilis animarum salutis: Ideo aliquando, extendi, & dilatarı potest. Quod notavit Finellius citato ex Abbate, & tenet Quaranta summa Bullar. v. *casus reserv.* num. 3.

12. Hac igitur ratione attendita, retentaque sententia dicendum est, literam reservationis, nomine sortilegij non solum comprehendere sortes, quarum directioni preest Diabolus, intercedente expresso, vel tacito Diaboli pacto; sed etiam omnem divinationem, in qua similiter intervenit expressa, vel tacita Dæmonis invocatio: dummodo ex advertentia, & deliberatione sufficiente fiat: simulque adsit rerum sacrarum, Sacramentalium, vel Sacramentorum abusus.

#### ANNO TATIO IV.

13. Ceterum pro majori huiusce casus dilucidatione, notandum est, divinationem superstitiosam duplicem esse; alia quæ fit cum expressa Dæmonis invocatione; alia cum tacita. Divinatio cum expressa Dæmonis invocatione, seu cum pacto tunc fieri censetur, cum divinator intendit invocare Dæmonem, & cum eo inire pactum: quod multis modis contingere potest, prout Dæmon multis modis consulitur, aut consultus variis modis respondet: quæ Dæmonis invocatio ad sciendum futura, heresim sapit: de quo inferius. Divinatio verò, in qua Dæmon tacite invocatur tunc est, cum quis ad hauriendam futurorum notitiam, utitur mediis, quæ nec virtute sua naturali, nec Divina vim habent indicandi res futuras: Ideoque tacite in eis Dæmonis auxilium imploratur, ut operetur aliquid, quod huiusmodi media per se operari non possunt: ut si quis, pro inveniendō furto, vel fure, verba quædam adhibeat ad movendum cribrum; cum huiusmodi motus ex pacto explicitè inito cum primis Sortilegis fiat à Dæmone, qui per eadem

verba tacite invocatur. S. Thomas 2. 2. quæst. 95. art. 3. Valencia 2. 2. disput. 6. quæst. 12. punct. 2. Toletus lib. 4. cap. 4. Clavis Regia lib. 4. cap. 5. num. 5. & 6. Layman lib. 4. tract. 10. cap. 3. num. 2. Finellius de casibus reservatis casu 2. numero 2.

14. Invocatio autem Dæmonis non solum fit voce vel sermone, cum per verba imperativa invocatur, ut si dicatur, jubeo, præcipio, constringo, & similia: vel cum per verba deprecativa, cum dicitur, oro, obsecro, obtestor, & huiusmodi: sed etiam fit facto, ut adoratione, vel cultu eidem exhibito. Imò invocatio potius fit facto, quam verbo: Siquidem invocare est per affectum cordis, & cultum in se alterum vocare: Unde Glossa super illud Genes. cap. 4. *capit invocare*, idest, colere, & deprecari. Proinde magis invocare Dæmonem dicitur, qui eundem cultu aliquo veneratur, quam qui vocibus etiam repetitis illum obsecrat, & implorat. Et licet verba imperantis majorem vim videantur habere, quam obsecrantis; hic tamen censetur magis invocare, quam ille, quia hic venerationem aliquam, vel adorationem præferret, non ille; & consequenter gravius delinquit, & vehementer de heresi fit suspectus, invocatio igitur Dæmonis magis fit per cultum eidem exhibitum, quam per quæcumque verba, absque ullo cultu. Vide Finellium casu 2. num. 4. & 5.

#### ANNO TATIO V.

15. Porro divinatio, quæ fit cum expressa Dæmonis invocatione, dividitur in novem species.

16. Prima dicitur Prestigium; & est Dæmonis invocatio sub ficta, apparentique figura: ut cum homo speciem Lupi, vel Alini refert, quæ species licet sit falsa, ab inquantibus tamen judicatur vera. Quia ipsis oculorum acies perstringitur: unde dictum est Prestigium: Tales autem prestigiosæ species formantur à Dæmone ex condensato aere, quæ ex alteratione imaginative vera, naturaliaque apparent.

17. Secunda appellatur somniorum

T 2

observatio, cum scilicet homo somnium observat, ut in cognitionem veniat earum rerum, ad quas præciendas, Sortilegus in vigilia Dæmonem invocavit, quarum cognitio nullo modo per somnia haberi potest, quod est omnino superstitiosum: ut si quis, invocato Dæmone in vigilia, ab eodem responsum expectet in somno, v. gr. utrū talem feminam sit habiturus in uxorem, & similia, de quibus licet videre, quæ fusiùs tradit S. Thom. 2. 2. quæst. 55. artic. 6. Finellius casu 2. nu. 13. Lessius lib. 2. cap. 43. dub. 8. num. 1. ubi notat, quod somnia possunt provenire ex quinque causis. Primò, ex Dei providentia. Secundò, ex mutatione Cæli. Tertiò, ex affectione corporis humani. Quartò, ex prævis cogitationibus. Quintò ex invocatione Dæmonis, de quo hic est sermo, & est omnino superstitiosum, jurisque reservantis dispositioni obnoxium.

18 Tertia nuncupatur Necromantia; cum scilicet per expressam Dæmonis invocationem videtur excitari mortuus, qui interrogata respondeat; at revera non excitatur: Siquidem Dæmon nequit resuscitare mortuos, cum id soli omnipotentis Dei reservetur, sed à Dæmone corpus mortuum assumitur, in quo apparet, & colloquitur. Et dicitur Necromantia à voce græca *Necros*, quod est mortuus, & *Mantia*, quod est divinatio.

19 Quarta species inscribitur Pytonia, cum nimirdum, Dæmone invocato, occultorum queritur cognitio per homines arreptitios, sicuti cernitur, dum ab Exorcistis de futuris interrogantur: quod nullo modo faciendum est, etiam absque pacto: cum mendax sit Dæmon, & pater mendacii: neque veritatem dicat, nisi ad decipiendum, & diffamandum. Sine prece tamen, & aliquo societatis pacto, arreptitios interrogare ob aliquam utilitatem, vel etiam ob solam curiositatem, non excedere culpam venialem, docet Navarr. in man. cap. 11. num. 28.

20 Quinta vocatur Geomantia, cum divinatio fit per figuras, vel signa in corpore aliquo terrestri, ut in statua, ligno lapide apparentia, quæ cognitio, cum

non sit naturalis, Dæmonis arte comparatur.

21 Sexta Hydromantia nominatur, cum occultorum cognitio habetur per imagines in aquis apparentes: ut si ad furem, vel furtum detegendum, adhibeatur vasculum aquæ plenum, quod puer aspiciens dicat, *Angelo bianco*, &c.

22 Septima Aeromantia vocatur, cum Dæmon invocatus respondet, occultaque, aut futura per quasdam aereas figuras, quas assuñsit, prænuñciat.

23 Octava Pyromantie nomen assumit, cum divinatio, seu occultorum cognitio per ignem, vel per crepitans lignum in ignem immissum comparatur.

24 Nona denique dicitur Aruspicium, cum habetur cognitio, seu præcognitio per signa in visceribus animalium in Dæmonum aris immolatorum, apparentia.

Quicumque igitur se immiscet alicui ex divinationibus suprà dictis, dicitur uti sortilegiis cum expressa Dæmonis invocatione, & consequenter gravissimum scelus reservatorum obnoxium committere. Vide S. Thomam ubi suprà artic. 3. Azorium tomo 1. lib. 9. à cap. 9. usque ad vigesimum secundum. Lessium libro 2. capite 45 dub. 5. Finell. cas. 2. num. 11. & seq.

## ANNOTATIO VI.

25 Sed petes, utrū sortilegia suprà relata sint hæreticalia, iisque utentes de hæresi sint suspecti.

Respondeo, sortilegia, quæ sunt cum expressa Dæmonis invocatione, seu ab habentibus pactum expressum cum Dæmone, qualia sunt novem suprà dicta, esse hæreticalia, quoties in iis exercendis, latratrix cultus Dæmoni exhibetur, eidem thura adolendo, sacrificia offerendo, candelas accendendo, genua flectendo, prostrationes faciendo, preces effundendo, se illi devovendo, obedientiam promittendo, per certum Dæmonem jurando, laudes Dæmonum cantando, certis vestibus se induendo, per characteres, signa, & ignota nomina obsecrando, Aves, aliaque similia animalia immolando,

do, sanguinem ex se emittendo, in quibus omnibus, aliisque similibus, & eorum singulis expressè Dæmon invocatur.

Item si dulię cultus illimet exhibeatur, ut si Dæmonum nomina, Beatorum Spirituum, aut Sanctorum nominibus misceatur in nefariis orationibus, mediatores illos faciundo ad impetrandum aliquid à Deo, ipsūmet Deum exhorando per illorum merita, vel nomina. Quoties igitur invocatur Dæmon, interveniente aliqua ex supradictis nefariis actionibus, latrię, vel dulię cultum significantibus, sortilegia huiusmodi censi debent hereticalia, iisque utentes tanquam heretici possunt condemnari. Ita Director Inquisit. par. 2. quęst. 43. Finellius de cas. refer. cas. 2. num. 6. Belloch. de cas. refer. par. 2. quęst. 1. num. 73. Delrius disquis. magic. lib. 5. lect. 15. nu. 2. Carena in tract. S. Inquisit. par. 2. tit. 12. §. 4. num. 28.

# ANNOTATIO VII.

26 Verum rursus instabis, quomodo possit Episcopus sibi reservare sortilegia supra relata, si talia sunt hereticalia, iisque nefarię se immiscentes tanquam heretici possunt puniri: siquidem casus hęresis est Papę reservatus, in Bullaque Cęnæ Domini contentus?

27 Difficultas quidem videtur gravis, & evidens, sed resolutio non erit difficilis, si prius, quid sit hęresis, explicetur. Hęresis igitur est error, siue assensus falsus intellectus circa veritatem orthodoxę fidei cum pertinacia iunctus. Vnde sine tali falso intellectu assensu, etsi factum aliquod possit esse peccatum, nunquam tamen erit hęresis. Illustro rem exemplis. Qui fornicatur, etsi fornicationem jure Divino prohibitam esse non ignoret, nunquam tamen dicendus est hereticus, nisi etiam pertinaciter credat, quod absque peccato fornicari liceat, nõ obstante Divinę legis prohibitione, quod esset dogma falsum, fidei orthodoxę repugnans. Similiter qui studiosę rem spiritualem vendit, pacto pretio, etsi peccatum simonię committat tum ob Divinę, tum Ecclesiasticę legis prohibitionem; hęresis tamen non est damnandus, nisi

Pars II.

pertinaci errore credat, spiritualia esse venalia. Solum igitur opus quantumvis nefarium, & prohibitum absque pertinaci intellectu errore, contra orthodoxę fidei veritatem operantem, hereticum non facit, teste Nav. in man. cap. 11. nu. 27. Sanch. lib. 2. mor. cap. 2. n. 20.

Ex hac doctrina resolvitur difficultas superius allata. Nam si sortilegiis supra relatis nefarię se immiscens habeat errorem in intellectu, eo quod credat ita esse, v. g. si latrię, vel dulię cultum Dæmoni tribuat, quia credat huiusmodi cultum eidem deberi: vel si magnetem baptizet, quia credat illum Sacramenti esse capacem, is verè hereticus est, excommunicatione Papę reservata innodatus, ceterisque hereticorum pœnis subiectus, dummodò pertinax sit, quia cum non ignoret opinionem suam Catholicę fidei adversari, atque ideo ab Ecclesia tanquam hereticam fuisse damnatam; eam nihilominus retinere, defendere, ac in usum deducere audet.

Si verò nefariis huiusmodi superstitionibus utens nullum habeat errorem in intellectu, sed illis se immisceat motus cupiditate obtinendi aliquid à Dæmone, ut sic Dæmoni obsequendo, sacrorum abusum imperanti, ipsum in sua vota perducatur, non est hereticus, sed perditissimus peccator; cuius nefaria scelera sunt illamet, quę Episcopus sibi reservat in casu.

28 In foro tamen externo, qui prędictis sortilegiis nefarię se immiscereprehenditur, hereticus, & excommunicatus pręsumitur. Nam factum suapte natura malum, pręsumitur mala intentione factum, si non conviciis. cap. de injur. & cap. extra de pręsump. & Glossa ibid. Exhibere autem latrię, vel dulię cultum Dæmoni manifestam hęresim sapit in foro exteriori: Quia id agens credere pręsumitur Dæmoni talę cultū deberi. Juris ergo pręsumptione sortilegiis huiusmodi addicti pręsumuntur heretici, sanctię Officii Inquisitoribus sunt denunciandi, teste Carena cit. par. 2. tit. 12. §. 10. num. 56. rei tamen veritate non sunt heretici: Quia ex suppositione errorem non habent in intellectu cū pertinacia iunctum, sed ne-

IT 3 fariis

fariis illis divinationibus incumbunt nō infidelitate, sed cupiditate moti, aliquid à Dæmone assequendi. Ita Sylvest. *v. heresis* 1. quæst. 5. & *heresis* 2. quæst. 3. nu. 5. Navar. in man. cap. 11. num. 27. Finellius de cas. refer. cas. 2. num. 10. Sanchez citat. cap. 7. num. 10. & sic in hoc casu fortilegia non ad primum casum Bullæ Cœnæ, neque absolutio ad Papam, sed ad Episcopum spectaret in foro sacramentali Pœnitentiæ, quod non nititur præsumptionibus, sed veritate: Et sunt ea, quæ reservantur in casu.

### ANNO TATIO VIII.

29 Altera verò divinatio, quæ fit cum tacita Dæmonis invocatione, complectitur sex species: Quarum prima est Astrologia.

30 Istæ autem Astrologia, seu divinatio per astra versatur circa considerationem situs, & motus Astrorum.

31 Sed ut ordinatim procedamus, advertendum est, quod Astrologia est duplex; alia naturalis, alia judiciaria. Naturalis est illa, quæ ex astrorum situ, motu, conjunctione, oppositione prædicat effectus, qui à necessariis causis proveniunt, ut Eclipses, nives, pluvias, grandines, siccitates, ventos, salubritatem, morbos, &c. Item quæ ex puncto nativitatis pueri alicujus coniecat illius temperamenta, naturalesque propensiones. Si quidem astra directè agunt in corpora, teste S. Thom. contra gent. cap. 54. & 85. Judiciaria verò est illa, quæ ex astrorum aspectu prædicat eventus, qui à liberis causis dependent, vel præteritos, aut præsentis occultos investigat. S. Th. 2. 2. q. 95. art. 5. Sanch. l. 2. mor. c. 38. n. 28.

32 Hæc Astrologia judiciaria triplex est: Alia dicitur electionis, qua divinatores ex astrorum aspectu prædicunt pericula cuique impendentia, quidvè facere quisque debeat, ut ea declinet. Altera vocatur revolutionis, qua præmonstrant rerum vicissitudines, ut bella, pacem, Principum mortem, &c. Tertia nuncupatur nativitatis, qua eventus vitæ, conditionem nuptiarum, dignitates, opes, tempus, genusque mortis divinare contendunt.

Delrius disquisit. magic. libro quarto. cap. 3. quæst. 1. Less. lib. 2. cap. 43. dub. 8. num. 35.

33 Nunc dico Astrologiam naturalem, quæ ex astrorum situ, ac motu coniecat, quæ naturaliter contingunt, nec esse malam, neque prohibitam: Imò ipsius usum Agriculturæ, Medicinæ, & Navigationi plurimum conducere, dum prævidentur eclipses, pluvie, siccitates, venti, & hujusmodi, quorum præcognitio absque Dæmonis auxilio, sed ex necessaria positione, ac influxu causarum habetur, cum à virtute cælesti fiant. S. Th. cit. q. 95. art. 5. Less. cit. dub. 6. n. 34. Laym. lib. 4. tract. 10. cap. 5. num. 5.

34 Astrologia verò judiciaria tum electionis, tum revolutionis quamvis non mortiferè superstitionis, per se loquendo; at certè magnè temeritatis damnanda est, teste Regin. lib. 17. n. 172. & P. Alexandro de Angelis in suo eruditissimo tract. contra Astrolog. lib. 4. cap. 47. Siquidem cognitio per astra circa res contingentes est incertissima, ne dicam prorsus inanis, & ementia. Consule etiam Sanch. lib. 2. mor. cap. 39. num. 29. Delrium citat. cap. 3. quæst. 1. Layman. cit. cap. 3. num. 5. Carenam. citat. titut. 12. §. 11. & 12. num. 72. & 73.

35 Ceterum Astrologia judiciaria tertii generis nimirum nativitatis, quæ ex situ, ac figura Cæli tempore nativitatis efformata, in domosque duodecim distributa, prædicat res futuras, à libero arbitrio pendentes, ut hominis mores, evetus vitæ, opes, magisteria, amicos, carceres, dignitates, cōditionem nuptiarum, tempus, genusque mortis. Item quæ ex astris res præteritas, aut præsentis investgat, verbi gratia occultum furtum, thesaurum, virginitatem, &c. omnino supersticiosa est, Christianæ Reipublicæ noxia, Divino, Canonico, ac civili jure prohibita: demumque per constitutionem Sixti Quinto, & postmodum per Bullam Urbani Octavi sub gravissimis pœnis damnata, ea præsertim, quæ de statu Sanctæ Ecclesiæ, seu de assumptione, vita ac morte Summi Pontificis aliqua ex astris prædicare audet; quasi hæc non à sola Dei providentia, sed ex astrorum etiā virtute, ac molimine

ne depēdeant. Et meritò quidem, ac jure damnata est. Quia ejusmodi cognitio nec ex astris tanquam causis potest haberi, quia tolleretur libertas; nec ex astris tanquam signis, quia vel essent signa naturalia, vel ad placitum: non naturalia, quia hæc præsignare non possunt effectus liberos; neque ad placitum, quia nulla de hoc habetur à Deo revelatio. Relinquitur ergo, quòd hujusmodi divinatio ex pacto implicito habeatur à Diabolo; fundamentumque magiæ, necnon omnis superstitionis divinationis existat. Ita S. Thom. 2.2. quæst. 95. art. 5. Valen. 2.2. disp. 6. q. 12. punct. 3. Lessius lib. 2. c. 43. dub. 6. n. 35 Sanchez lib. 2. mor. cap. 38. num. 33. Martinus Delrius disquis. magic. lib. 4. c. 3. quæst. 1. Clavis Reg. lib. 4. cap. 5. nu. 3. Bonac. tom. 2. disp. 3. quæst. 5. punct. 3. n. 11. Finell. de cas. refer. cas. 2. n. 19. Carena citat. §. 12. num. 90. P. Alex. de Angelis contra Astrologos, lib. 4. cap. 19. vbi latissimè id probat.

# ANNOTATIO IX.

36 Planum est igitur, facientes judicia, & natiuitates, & mortalem culpam committere, & excommunicationis censuræ subjacere, si effectus à libero arbitrio pendentes affirmet certò eventuros. Difficultas est, si non certò, sed sub dubio, eaque tenui conjectura, quæ ex astris haberi potest, pendencia à libero arbitrio prænuncient futura; an tunc superstitionis mortalis sint damnandi.

Negant Valent. 2.2. disp. 6. q. 2. punct. 3. Martinus Delrius disquis. magic. lib. 4. cap. 3. quæst. 1. concl. 2. Dian. par. 2. tract. 1. resolut. §. 8. Raphael à Turre 2.2. tom. 2. q. 95. art. 5. disp. 2. affer. 3. *vers. pro decisione*. Neque obstat ajunt Bullam Sixti V. contra Astrologos judicarios latam, quia eam in foro tantum externo, non item in foro interno obligare putant.

37 Hæc sententia forsitan probabilis videretur, nisi obstaret approbatio, confirmatio, & innovatio cõstitutionis Sixti Quinti per supradictam Bullam Urbani Octavi, 1. April. 1623. quæ incipit. *Inscrutabilis*. ubi contra Astrologos judicarios excommunicationis penam ipso facto in-

currendam, aliasque pœnas infligit. Vnde, stante hac Pontificia constitutione, subsistit sententia affirmativa, & corrumpit contraria: & sic transgressores hujus constitutionis denunciari debent Inquisitoribus contra hæreticam pravitatem, si tales sint pertinaces, hoc est, si pertinaci animo sententiam suam, damnatamque futurorum eventuum præficiam retineant, ac defendant: cùm eam ab Ecclesia fuisse reprobam, non ignorent. Si tamen adesse spes emendationis, præmittenda esset correctio fraterna: siquidem præceptum correctionis, quando affulget spes emendationis, semper obligat, excepto casu hæresis formalis, ac folicitationis in sacramentali confessione: de quo fufius in priore Elucidarii parte resol. 42. Ita Sanch. l. 2. mor. c. 38. n. 34. Salas 1. 2. quæst. 9. art. 5. tract. 5. disp. 2. sect. 3. nu. 36. Bonac. tom. 2. disp. 3. quæst. 5. punct. 3. n. 12. Farinac. de hæresi quæst. 181. §. 1. num. 59. Bassæus in florib. v. *Astrologia* nu. 4. in fin. Carens cit. p. 2. tit. 12. §. 12. n. 90. P. Alex. de Angelis in suo doctissimo tract. contra Astrol. lib. 4. cap. 19. Finell. de cas. ref. cas. 2. n. 19. & alii plures.

# ANNOTATIO X.

38 Secunda divinationis species ex pacto implicito est Augurium, hoc est, divinatio futurorum ex garritu avium, vel vocibus animalium, ad quæ suapte natura nullam præsignificationem habent; ut ex erocatione Corvi, offensione Canis, obvia funeris, occurfu Crucis, effusione falis super mensam: Item ex scissione vestis, fractione corrigiæ, ruptione calcei, impactione pedis in limen ostii, uel sternutatione, cùm primùm domo egreditur. Nam ex his, & similibus fortuito contingentibus aliquid fœliciter, vel infœliciter eo die sibi eventurum credere, vel cogitare, augurium supersticiosum est, cùm hæc omnia, & singula casualiter eveniant. Ideoque ex se absque Dæmonis auxilio futura prænunciare non possint. Consult. S. Thom. 2.2. quæst. 95. art. 5. Valent. 2.2. disp. 6. quæst. 22. punct. 2. Lessius l. 2. c. 43. dub. 2. Sanchez l. 2. mor. c. 38. vsque ad 43. Finell. de cas. refer. cas. 2. n. 19.

T 4 Non



Non videtur tamen negandum cantu, vel voce animalium quædam futura prænunciari: ut pluviam ex corvina voce, ferentem ex Uespertilionum procul à domibus volatu, &c. quorum conjectatio non superstitiosa, sed naturalis debet censeretur, ex naturali instinctu, seu ex motu aliquo in eis causato, aut ab humiditate, vel siccitate ambientis aeris, ut à celestium corporum influxu.

39 Tertia est Aruspicium; cum ex avium volatu, vel quorundam animalium motu, cursu, &c. futurorum sumitur præcognitio; ut si uxor ex visione Accipitris in imam vallem devolantis conjectet emorientis mariti animam ad infernum defensuram.

40 Quarta est Omen: cum ex verbis casu ab aliquo prolatis alter futurorum conjecturam sumit.

41 Quinta est Chyromantia: cum ex manuum lineamentis inquiritur rerum futurarum notitia, v.g. periculorum vitæ, conditionis nuptiarum, prosperæ, vel adverse fortune, &c. Quæ divinatio profecto superstitiosa est, ac mortale peccatum, si cum credulitate fiat; cum ex his talis notitia haberi non possit. Secus si ex curiositate, ut communiter fit, manuum lineamenta inspiciantur.

Hinc deducitur, quid dicendum de iis, qui à Cingaris de prospera, vel adversa forte præmoneri quærunt. Nam si ex curiositate, vel joco id faciant, venialiter tantum; si animo credendi, vel cum aliorum scandalo, mortaliter delinquere, sentit Lessi. lib. 2. cap. 43. dub. num. 48. Navar. in man. cap. 11. num. 31. Carena tit. 12. §. 17. num. 164. Vbi notat vix aliquem, quamvis simplicem istis partibus reperi, qui Cingaris, hoc est, earum prædictioni, vulgò, *buona fortuna*, fidem præstet.

42 Sexta tandem est Spatulamantia: cum divinatio fit per signa in spatula aliqujus animalis apparentia.

43 Omnes igitur, & singule divinationes supradictæ tam cum expressa, quam tacita Dæmonis invocatione comprehenduntur sub litera reservationis. Nam tacita invocatio, si plena consideratio adfit, est ejusdem rationis ac expressa. Et ubi lex non distinguit, nec nos distinguere

debemus, nisi evidens ratio, vel necessitas distinctionem ponere cogat. Et quamvis fortilegia cum expressa invocatione longè atrociora sint, quam cum tacita; nihilominus, & ista in casu includuntur, si à mortali culpa non excludantur, simulque rerum sacrarum abusum adjunctum habeant. Nam etsi ex communi Doctorem sententia omnis divinatio mortalis culpæ sit damnanda, neque ex parvitate materiæ venialis fieri possit, si divinatio serio fiat, ut docet Delrius l. 4. disquisit. magic. c. 2. quæst. 4. Sanch. l. 2. moral. c. 38. Ex ignorantia tamen, vel inadvertentia, aut simplicitate animi à mortali potest excusari, si quis ignoret, vel saltem non dubitet, Dæmonem in talibus concurrere, paratque esset ab illis abstinere, si existimaret, vel dubitaret, Dæmonem in hujusmodi intervenire. Quo casu Sortilegus sicut excusaretur à mortali culpa; ita etiam à reservatione; præterquam si ignorantia esset crassa, vel affectata, quæ sunt culpabiles. Ita Cajetanus secunda secundæ, quæst. 95. art. 2. *vers. ad evidentiam*. Sanchez loc. cit. Suar. lib. 3. de superstit. c. 10. num. 6. Reginal. lib. 17. num. 170. Delrius cit. Finelli de cas. refer. cas. 2. num. 22. in fine. Graffius part. 1. lib. 1. capit. 3. numer. 71.

Dixi, si divinatio à mortali culpa non excludatur, simulque adjunctum habeat rerum sacrarum abusum. Nam ad incidendum in casum præter fortilegium, seu divinationem mortalem, requiritur etiam, ut intercedat rerum sacrarum, Sacramentalium, seu Sacramentorum abusus, ut patet ex litera reservationis.

## ANNO TATIO XI.

44 Pro cuius rei clariore notitia notandum est, quod tres rerum sacrarum sunt species. In prima reponuntur Sacramenta. Vnde si quis baptizaret magnetem, vel imaginem, vel rebaptizaret puerum, aut (quod est horribile dictu) abuteretur Hostia consecrata; talis nefaria sacrilegaque actio diceretur Sacramentorum abusus.

45 In secunda reponuntur res sacræ, ut

ut Sacramentorum vasa, Sanctorum reliquie, imagines sacre, candelę, palmęque benedictę, sal exorcizatum, aqua lustralis seu benedicta, Agni cerci benedicti, paramenta sacerdotalia, brevia sacra ad collum appensa, aliaque multa, quorum abusus sacrilegium constituit.

46 In tertia veniunt Sacramentalia, quę sunt actiones sacre, quibus in Sacramentorum administratione, vel Missę celebratione utitur Ecclesia: ut oratio Dominica, exorcismi, preces, benedictiones, variorum rerum consecrationes, signum Sanctę Crucis, invocatio Sanctę Trinitatis, Sanctissimi Nominis Jesu, vel Deiparę Virginis, Symbolum Apostolorum, Evangelium Sancti Joannis, verba sacre Scripturę, versiculi Psalmorum, &c. Vide Finellium de cas. refer. cas. 2. num. 23. & 24. Dianam part. 4. tract. 8. resol. 14.

47 Edictum igitur, seu litera reservationis non comprehendit nuda sortilegia, ceterasque divinationis species, nisi simul cum sortilegiorum usu coniungatur rerum sacrarum, Sacramentalium, vel Sacramentorum abusus, hoc est, malus rei contra suam institutionem usus; ut supra dictum est, & constat ex verbis legis reservantis.

## RESOLUTIVA PRAXIS

### *Pro Incidentibus.*

1 **E**X prenotatis statuitur pro regula generali, eos omnes reservatione ligari, qui seriõ, & scienter utuntur sortilegiis, cuiuscumque generis illa sint, dummodõ eventus à Dæmone expectetur, interveniente expresso, vel tacito ejusdem pacto, unã cum abusu rerum sacrarum, &c. Constat ex annotatione 1. & 2.

2 In specie incidit ille, qui in fortibus consultoris directionem, in divinatoriis auxilium implorat, & expectat à Dæmone, qui extrahentium fortes moveat manus, interveniente pacto saltem tacito, cum abusu vel rerum sacrarum, vel verborum sacre Scripturę. Vide supe-

rius annot. 2. num. 8. & Doctores ibid. citatos.

3 Idem resolves de illo, qui ex advertentia, & deliberat one sufficiente ad mortale utitur aliqua ex divinationum speciebus supra enumeratis annotatione 3. num. 10. 11. & 12. modõ cum harum divinationum usu rerum sacrarum, Sacramentalium, vel Sacramentorum coniunctus sit abusus. Quia sunt peccata ejusdem generis, & potius dicitur inclusio similium delictorum, quàm extensio. Quaranta in summ. Bullar. V. casus reservatus, num. 3. Belloch. parte 2. quęst. 9. num. 9.

4 Reservationi subjacet, qui, ut divinet adventum Sponsi Adulterę, utitur verbis Psalmi, ad movendum annulum super filum. Quia est divinatio cum abusu sacramentalium: Siquidem versiculi Psalmorum inter sacramentalia numerantur. Dian. loc. cit. resol. 14. Januar. de cas. refer. resol. 14. n. 8. sibi contrarius resol. 18. n. 38. Secus resolvendum, si reservatio lata esset contra abutentes rebus consecratis: Nam Psalmi sunt quidem res sacre, sed non consecratę.

5 Subjacet non solum reservationis, sed etiam excommunicationis pene ex cens seriõ, & scienter Astrologiam judiciariam tertii generis, sive nativitatıs, res futuras, & à libero arbitrio pendentes divinando intercedente rerum sacrarum, &c. abusu, ut in terminis casus. Vide supra annot. 3. num. 11. & 35. & Doctores ibid. cit.

6 Eadem resolutio extenditur ad eũ, qui res occultas, sive pręsentes, sive pręteritas, v.g. furtum, thesaurum, virginitatem per astra investigat: Quę talis divinatio sine tacito cum Dæmone pacto vix fieri potest: quę resolutio vera est, si illi misceatur rerum sacrarum, &c. abusus, ut supra. Ita pręter Doctores cit. Tolet. lib. 4. sum. c. 15. n. 16. Mazuch. disp. 2. c. 10. diff. 4. n. 48.

7 Ligatur reservatione, qui utitur aliquo ex supradictis divinandi modis cum abusu, ut in terminis casus, etiam si res occulta, cujus cognitionem quęrit, parvi sit momenti: Quia in divinatione seriõ facta ope Dæmonis, non datur parvitas

vitas materiz. Delrius l. 4. disquis. magic. cap. 2. q. 4. Sanchez lib. 2. moral. cap. 38. num. 18.

8 Prætereà incidunt omnes supradicti, qui sortilegiis, vel aliis vanis signis utuntur cum abusu, ut supra, quamvis expresse protestentur se non intendere Dæmonem invocare. Nam protestatio est contraria facto, quia dum seriò media illa inutilia usurpant ad rerum occultarum cognitionem, ad quam sunt improporcionata, tacitè ad Dæmonem recurrere censentur. Suarez tomo 1. de relig. lib. 2. de superst. cap. 9. n. 27. Sanchez lib. 2. mor. cap. 38. n. 8. Mazuch. loc. cit. diff. 2. n. 26.

9 Innodatur casu, qui per alterius ministerium, tanquam per cooperationem, utitur superstitionis divinationibus cum abusu rerum sacrarum, &c. Quia moraliter rem æstimando, censetur iste sortilegiis se immiscere, quamvis per alterius ministerium. Neque dubito mentem Superioris reservantis esse, ut is etiam casu comprehendatur. Nam aliquin cuilibet in fraudem legis reservantis agere, reservationisq; telum effugere perquam facilè esset. Neque ad strictam juris pœnalis interpretationem confugiendum est, quando de mente Legislatoris dubitari non potest. Faciunt quæ habet Azor. lib. 8. cap. 16. q. 4. Sayr. lib. 3. cap. 5. num. 14. Layman lib. 2. tract. 1. ca. 1. n. 6. qui licet ibi agant de excommunicatione lata in eos, qui legunt librum hæretici, quam excommunicationis pœnam extendunt etiam ad eum, qui ab alio audit, vel per alium legit huiusmodi librum; idem tamen dicere debent etiam de reservatione, quam is incurrit, qui per alterius ministerium utitur sortilegiis, cum utriusque sit par ratio: nec minùs agat contra legem, qui per manum, & os alterius utitur sortibus divinatoriis, quam qui per alium legit librum damnatum: & expresse docet Bassæus in florib. V. *casus reservatus*, n. 40. §. 1. vers. *per sortilegia*, & tenet Finellius cas. 4. n. 21. citans Felinum.

Contrarium videtur sentire Mazuch. de cas. refer. disp. 2. c. 10. q. 8. n. 132. cui subscribit Januarius de cas. refer. resol. 22. n. 6. ea ratione nixi, quòd lex pœnalis la-

ta contra facientes non comprehendat mandantes, vel auxilium, aut favorem præstantes, nisi exprimantur. Sed responderi potest, quòd qui per alterius ministerium, tanquam per instrumentum, seu cooperationem utitur sortilegiis, non incurrit reservationem tanquam mandans, sed tanquam utens, moraliter rem æstimando, ut dictum est.

## RESOLUTIVA PRAxis

### *Pro non Incidentibus*

**N**on subjacet reservantis juris dispositioni, qui utitur superstitione cultus superflui, v. gr. qui non celebrat, vel audit Missam, nisi ante ortum Solis, vel cum tot candelarum numero situ, vel à Sacerdote talis nominis, & sexcenta similia: Tùm quia supersticio cultus superflui regulariter culpam venialem non excedit, cum fiat bona intentione, & in materia levi. Navar. in man. cap. 11. n. 23. Lessius lib. 2. cap. 43. dub. 1. n. 5. Layman lib. 4. tract. 10. cap. 1. Tùm quia non venit nomine sortilegii: ut patet ex annot. 1. à n. 1. usque ad 6.

In sacro tamen faciendo addere, vel demere cæremonias cum notabili earumdem perversione etiam ex sola devotione, quæ corrigenda est: Item turpia verba in templo canere ore, vel organo esset supersticio mortalis, nisi forte circumstantia aliqua excusaret. Less. cit. dub. 1. n. 5. Sanchez lib. 2. mor. c. 37. n. 10.

2 Non ligatur casu, qui utitur superstitione cultus falsi, v. gr. qui colit Deum cæremoniis veteris legis, quæ significant Christum nondum venisse; vel falsas reliquias proponit, vel miraculum aliquod fingit, &c. Quia licet hæc supersticio sit mortale peccatum, sicuti docet Lessius loc. cit. n. 4. Suarez tom. 1. de relig. lib. 2. de superst. c. 2. n. 18. nisi excuset ignorantia, vel simplicitas: tamen non comprehenditur sub terminis sortilegii, maleficii, vel incantationis: ut patet ex dictis, & constat ex infra dicendis.

3 Eximitur à reservatione, qui adhibet sortilegia tantum divinatoria, seu consul-

sultoria, dummodo nulla vel expressa, vel tacita intercedat Dæmonis invocatio, cum rerum sacrarum, &c. abusu: vide annot. 1. n. 3. 4. & 8.

4 Eadem immunitatem à reservatione extēdes ad illum, qui utitur Astrologia naturali: Quia sicut non est illicitum spectare causas, ita nec prædicere illarum effectus Constat ex annot. 9. n. 32. Consule etiam Lessium, Layman, & Carenam ibid. cit.

5 Eadem excoꝛdatio ampliatur ad usum Astrologiæ judicariæ primi, & secundi generis, videlicet electionis, vel revolutionis: Quia licet à viris doctissimis arguatur temeritatis, & mendacii; non tamen damnatur mortalis superstitionis: vide supra annot. 9. n. 33. & Doctores ibid. allegatos.

6 Extra telum reservationis existit, qui cœpit uti sortilegiis, aliisque divinandi modis cum rerum sacrarum, &c. abusu, sed actum non complevit. Ratio est, quia dispositio juris reservantis non afficit abusum rei sacræ ad finem sortilegii, sed sortilegia cum abusu rei sacræ: Ideoque requiritur actus completus in materia sortilegii Grass. in praxi lib. 2. c. 12. n. 38. & 45. Mazuch. disp. 2. c. 10. q. 8. n. 129. Non est tamen gravissimum sacrilegii peccatum.

Secus resolvendum, si reservatio lata esset contra rebus sacris abutentes ad finem sortilegii, uti disponebat jus reservans antiquum in Diœcesi Brixienſi apud Zecum cas. 8. Quia tunc ad incidendum sufficeret abusus tantum rei sacræ, etiam si imperfectus maneret inceptus sortilegii actus.

7 Non afficitur reservatione, qui deſperam sortilegiis, cæterisque divinandi modis superius annot. 6. & 9. relatis, si nullus rerum sacrarum, Sacramentalium, vel Sacramentorum interceſſerit abusus: Clara sunt verba reservationis: que talem requirunt abusum.

8 Hinc resolves reservatione non ligari, qui inspicit manus, vel frontis lineamentis, divinarum inclinationes naturales, vel etiam prosperos, vel adversos humanæ vitæ eventus: modò absit rerum sacrarum, &c. abusus. Et ratio est jam alla-

ta, quia non quilibet superstitionis divinationis reservationi est obnoxia, sed ea tantum quæ cum abusu, ut exprimit casus, sit conjuncta. Committit tamen Chyromanticus ille si advertere, & serio id agat mortale peccatum, ob pactum implicitum cum Dæmone: Siquidem ex hujusmodi lineamentis talis prænotiū haberi non potest. Secus si ex curiositate tantum talia lineamenta inspiciantur. Delrius disquis. magic. lib. 4. c. 2. q. 4. Less. lib. 2. c. 43. dub. 6. n. 45. Vide supra annot. 9. n. 41.

9 Reservationi non est obnoxius, qui se immiscet sortilegiis, cæterisque divinandi modis intercedente etiam rerum sacrarum abusu, si ex ignorantia non crassa, vel inadvertentia, aut simplicitate animi id agat: Quia ignorantia, inadvertentia, vel simplicitas sicut excusant à malitia mortali sic etiam à reservatione; quæ necessariò lethalem culpam prærequirit. Consule Doctores superius allegatos annot. 11. n. 42.

10 Idem resolves de illo, qui non serio, & ex animo, sed ex joco, vel curiositate utitur sortilegiis etiam cum abusu, ut in terminis casus: Quia licet in hoc casu peccet mortaliter peccato sacrilegii, non tamen delinquit mortaliter peccato superstitionis divinationis, cujus usus non est malitiosus, sed jocosus: Reservatio enim semper intelligitur de delicto vero non ficto. Suarez tomo primo de relig. lib. 2. de superſt. cap. 9. & 10. Delrius lib. 4. cap. 2. q. 4. Bassus in florib. V. divinatio, num. 4.

11 Non incidit, qui absque ullo sortilegio, maleficio, vel incantatione, rebus sacris abutitur, v. gr. ebibit, vel ungit se oleo sacro, aut ad collum deſert sanctam Eucharistiam, &c. Quia non quilibet rerum sacrarum abusus reservationi est obnoxius, sed qui cum sortilegiis, maleficiis vel incantationibus conjungitur. Grass. lib. 2. c. 13. n. 3. Mazuch. disp. 2. c. 10. q. 8. nu. 128. Committit tamen iste gravissimum sacrilegii peccatum.

12 Eadem à reservatione immunitas extenditur ad eum, qui mandat consentit, vel alteri consulit, ut sortilegiis, aliisque superstitionis divinationibus nefarie

ſe

se immisceat etiam cum abusu rerum sacrarum, &c. Et tunc habet locum doctrina Januarii, & Mazuchelli supra relata, quod poena lata contra facientes non comprehendat manentes, vel consulentes, nisi exprimantur. Alia tamen est ratio de illo, qui per alterius ministerium, tanquam per instrumentum, seu cooperationem, superstitiosis divinationibus utitur: Obstringitur tamen & iste gravi scandali delicto. Vide supra resol. 8. pro incidentibus.

13 Idem resolves de illo, qui alterum instruit de modo exercendi fortilegia, aliasque superstitiosas divinationes, modo instructio consistat in solis verbis, non in facto, seu practico opere. Quia à diversis non fit illatio, & aliud est exercere, aliud instruere. Delinquit tamen nefarius quam graviter; & si commonitus ac correptus non resipiscat, denunciari debet Inquisitoribus contra hereticam pravitatem. Quia vehementer fit suspectus de hæresi. Azor. part. 1. lib. 9. cap. 29. quæsit. 4. Januar. de casib. refer. resol. 22. n. 1. Carena in tract. S. Inquisit. p. 2. tit. 12. §. 15.

Quid verò Confessarii cum huiusmodi facili legis hominibus, seu verius Diaboli membris agere debeant, vide infra in fine tertij partis hujus Octavi casus, quæ est de incantationibus.

## I N

## SECUNDAM OCTAVI

## CASVS PARTEM,

In Edicto sub hac littera  
Expressam.

*Maleficia, &c. ubi est abusus rerum Sacrarum, Sacramentalium, vel Sacramentorum.*

## A N N O T A T I O N E S.

- 1 Quid sit maleficium & quotplex.
- 2 Quodnam sit maleficium amatorium.
- 3 Quodnam veneficium.

4 Littera reservationis utrumque maleficium comprehendit.

5 Ex quinque causis fieri solent maleficia.

6 Ex ignorantia, vel inadvertentia aliqui magis actus possunt fieri veniales, & consequenter à reservatione excusari: non tamen ex parvitate materie.

7 An omnia, & singula maleficia reservantis juris dispositioni sint obnoxia.

8 Quomodo maleficus possit cognosci.

9 Cur suadeat Dæmon abuti rebus sacris.

10 Ad hanc reservationem requiritur, ut cum maleficiorum usu conjunctus sit rerum sacrarum, Sacramentalium, vel Sacramentorum abusus.

11 Quomodo, & quando maleficia, quoad absolutionem, ad Episcopum spectent.

12 Maleficium maleficio dissolvere nullo casu licet.

13 Si maleficium à malefico licito modo tolli possit, an liceat ab eo petere, ut illud tollat.

14 Signum fœderis inter Dæmonem, & Maleficum fas est cuique dissolvere, etiam opera ipsius Malefici.

15 Reservantis juris dispositio comprehendit omnem magicam actionem, tam maleficii constitutivam, quam ejusdem dissolutivam.

16 Petitio, seu inductio ad maleficium dissolvendum, etsi possit esse mortaliter mala, à casu tamen est exclusa.

17 Dissolutio maleficii actione non diabolica, sed humana non est illicita, neque in casu comprehensa.

## A N N O T A T I O I.

1 **M**aleficium est ars nocendi ex pacto, & auxilio Dæmonis. Ita Tolet. lib. 4. cap. 10. Lessius lib. 2. c. 44. dub. 1. n. 3. Fillius tract. 24. cap. 8. n. 182. Maleficium duplex est; aliud dicitur amatorium, aliud veneficium. Lessius, & Fillius supra cit.

2 Amatorium illud est, quo Malefici utun-

utuntur ad excitandos animos, vel ad turpem amorem, vel odium Dæmone phantasiam hominis commouente, manente tamen omnino libera voluntate; quo fit, ut maleficio affecti non excusentur à peccato; cum ad illud alliciantur, non cogantur Tolet. citat. lib. 4. capite 16. num. 4.

3 Veneficium verò est aliquid arte Dæmonis fabricatum, quo Malefici ejusdem Dæmonis auxilio, per occultam veneni applicationem alteri nocent, vel in bonis corporis, sterilitatem, morbos dolores, mortem, &c. inferendo; vel in bonis fortunæ, vineas, segetes, domos per ventos, pluias, grandines à Dæmone excitas destruendo. Ita Finell. de cast. ref. cas. 2. n. 2. Lessius cit. n. 3. Azor. tomo 1. lib. 9. cap. 26. Estque species subalterna superstitutionis, & species specialissima maleficii.

4 Littera igitur reservationis utrumque maleficium, tam amatorium, quam veneficium proculdubio comprehendit: cum utrumque peccatum gravissimum sit, & in tribunali Sanctæ Inquisitionis, quoties eò deducitur graviter puniendum.

## ANNOTATIO II.

5 Cum verò pluribus de causis fieri possit, ac soleat maleficium. Primò, ad cognoscenda occulta consilia, & actiones personarum, quæ longè absunt. Secundò ad morbos, dolores, homicidia inferenda, vel animalia, domos, vineas ledendas. Tertiò ad inducendam sanitatem. Quartò, ut falsæ ac prestigiosæ apparitiones verè appareant. Quintò, ad efficiendas mirabiles mutationes, &c. & effectus humanæ potentie vires excedentes.

6 Nos dicimus quocumque fine, ac causa, modò ex advertentia, & deliberatione sufficiente ad mortale, maleficia fiant, nedum reservationi Episcopali subjacere, sed præterea tum judicium, tum supplicium extra Sacramentalis confessionis actum, ad Sancti Officii tribunal pertinere. Vide Sylvest. V. maleficium q. 5. Bonac. tom. 2. disp. 3. punc. 5. n. 3. Carenam

in tract. Sanctæ Inquisit. p. 2. tit. 12. §. 19. num. 170.

7 Dixi in assertione, modò ex advertentia maleficia fiant. Quia fieri potest, ut aliqui actus magici excusentur à peccato mortali ratione ignorantie non confessæ: ut si quis probabiliter ignoret, vel non advertat tacitam Dæmonis invocationem (cum sæpè sit occulta) vel se operam dare maleficiis. Nunquàm tamen maleficia sunt venialia ratione levitatis materie præcisè. Nam quòd in re parva, vel ludrica Dæmon invocetur, per se non minus crimea est, quàm si fieret in magna; & consequenter à casu non sunt exclusa. Lessius lib. 2. cap. 44. dub. 4. num. 26. Dian. part. 6. tract. 6. resol. 42. Graff. part. 1. lib. 1. cap. 3. num. 71.

## ANNOTATIO III.

8 Sed obiter inquires, quomodo extra Sacramentalem confessionem Maleficus possit cognosci?

Satisfacit tibi Clavis Regia lib. 4. c. 6. num. 24. Carena cit. tit. 12. §. 21. num. 117. & sequent. ubi tradunt Maleficium innouescere posse, vel ex confessione propria, vel ex confessione aliorum, qui ejusdem delicti sunt participes: vel si chirographum aliquod reperiatur penes aliquam personam manu ejus conscriptum, quo se Dæmoni devovisse appareat: aut si impressum gerat signum, vel stigma, quo Maleficæ solent insigniri: Item si penes aliquam inveniantur venena, hostiæ, bufones, membra humana, imagines cereæ acubus infixæ, vel si invocare Dæmonem solere convincatur: si mulier minata fuerit alteri malum, & deinde reperitur ille morbo correptus. Denique si qui asserant vidisse aliquem veneno, aut unguento aliqua linire

an-  
malia, quæ postmodum  
mortua sunt re-  
perta.

## ANNOTATIO IV.

9 Cœterum cum ad triplicia illa superstitionum genera, scilicet Sortilegia, Maleficia, Incantationes in litera reservationis contenta, addita sint hæc verba. *Vbi est abusus rerum sacrarum, Sacramentalium, vel Sacramentorum*, notare oportet, quod huiusmodi additio resolvitur in necessariam conditionem; quæ proinde conditio distributivè fumenda est, ut scilicet referatur ad singula superstitionum membra in casu expressa. Quare maleficia omnia quocumq; motivo, ac sine adhibeantur, etsi ex genere suo sint mortalia, quia continent expressam, vel tacitam Dæmonis invocationem, ac proinde societatem & benevolentiam erga illum, neque ex parvitate materiæ, sed interdum ex ignorantia, quæ non ita crassa, venialia fieri possint, ut supra dictum est; reservationi tamen Episcopali non sunt obnoxia, nisi cum maleficiorum voluntario usu, rerum sacrarum, Sacramentalium, vel Sacramentorum conjunctus sit abusus ea prorsus ratione ac modo, sicuti supra de sortilegiis resolutum fuit, annot. 12. num. 44. & seq.

10 Suadet autem Dæmon abuti rebus sacris, &c. Tum ut maleficiorum peccata reddat graviora: Siquidem hoc pacto non tantum sunt Malefici, sed etiam sacrilegi: Tum etiam ut facilius decipiat, persuadendo tales effectus non fieri à Dæmone, sed à Deo, utpotè per res sacras productos.

## ANNOTATIO V.

11 Quo pacto autem maleficiorum delicta ad Episcopalem jurisdictionem spectent, si maleficiis nefariè se immiscentes, tum quoad iudicium, tum supplicium subdantur Inquisitoribus contra hæreticam pravitatem.

Resolutio istius dubii pendet ex doctrina adducta in priori hujus casus parte annotat. 8. num. 27. & 28. ubi diximus, sortilegia spectare ad Episcopum, quo-

ties talia exercentes nullum habent errorem in intellectu circa veritatem orthodoxæ Fidei. Quæ doctrina procedit etiam in proposita difficultate. Nam si maleficiis addictus detineatur errore repugnante veritati orthodoxæ Fidei, illumque pertinaciter retineat, ac defendat; is verè hæreticus est, & excommunicatione Papæ reservata innodatus, ac proinde Inquisitoribus Sancti Officii, si extra sacramentalem confessionem innotescat, debet denunciari. Secus resolvendum, si constet nullo detineri errore adversante catholicæ Fidei; Nam tunc Maleficus non est hæreticus, nec excommunicatus in Bulla Cœnæ (saltem in foro interno, quod nititur veritate, non presumptione,) sed perditissimus peccator, cujus atrocita scelera illamet sunt, quæ Episcopo reservantur in casu. Vide prædictam annotationem 8. num. 27. & 28. ubi latius expenditur, & resolvitur hæc difficultas.

## ANNOTATIO VI.

12 Cœterum antequam ad casus practicos deveniamus, superest adhuc dubium resolvendum. Utrum liceat à Malefico petere, ut maleficium, v.gr. ligaturas, nodos, volumina capillorum, involucra plumarum, aliaque signa magica dissolvat. Pro cuius difficultatis resolutione.

Dico primò, nullo modò fas esse à Malefico petere, ut maleficium tollat, si huiusmodi maleficium tolli non possit sine alio maleficio, non obstante, quòd Maleficus ad id esset paratus. Et ratio est, quia illa Malefica operatio est intrinsecè mala, cum sit usus artis magicæ, in quo intervenit tacita, vel expressa Dæmonis invocatio, quæ nullo modo licitè fieri potest: Ergo nec petere, vel consentire quis potest, ut ea fiat; juxta illud ad Roman. 1. *Qui talia agunt digni sunt morte, non solum qui faciunt, sed etiam qui facientibus consentiunt.* Ita Finell. de cas. res. cas. 2. n. 8. de Maleficiis. Lessli. 2. c. 44. dub. 6. n. 35. Laym. lib. 4. tr. 10. c. 4. n. 9. Bonac. tom. 2. disp. 3. q. 5. punct. 5. n. 3.

Di-

Dices. Licitum est ex causa petere ad usuram ab usurario parato dare: Item exigere juramentum ab eo, qui paratus est per falsos Deos jurare, ut docent Lessi. & Laym. II. cc. ex communi: Ergo etiam licitum erit à Malefico petere, ut maleficium maleficio tollat, quando ad id Maleficus se se offert paratum.

Resp. quòd non est pars ratio, quia petere mutuum ab eo, qui solet exigere usuras: Item juramentum ab eo, qui putatur per falsos Deos juraturus, non est intrinsecè malum, cum utrumq; prestari possit sine peccato, si velit, is à quo petitur: Siquidem ille potest dare mutuum sine usura, & hic jurare per veracissimi Numinis testimonium. At dissolvere maleficium alio maleficio est intrinsecè malum, & nullo casu licitum: Ergo etiam ad id Maleficium inducere non obstante, quòd is esset paratus. Secus dicendum, si maleficium tolli posset absque alio maleficio. Pro cuius exceptionis probatione.

13 Dico secundò, licere à Malefico petere, imò etiam pecunia Maleficium inducere, vel verberibus cogere, ut maleficium à se positum tollat, si Maleficus licito modo possit Maleficium tollere, etiamsi constaret petenti, quòd Maleficus non sit illud dissoluturus, nisi per novum maleficium. Quia eo casu petitur à Malefico, quod ab ipso licitè prestari potest: sicuti licet etiam ex causa petere ab usurario mutuum ad usuram, ut rectè probat præcedens objectio. Ita Sanchez lib. 7. de matrim. disp. 95. n. 12. & lib. 2. moral. c. 41. num. 12. Lessius cit. cap. 44. dub. 6. n. 36. Finellius cit. num. 8. Filliuc. tract. 24. cap. 8. q. 1. num. 192. Dian. parte 5. tract. 7. resol. 15.

14 Dico tertio, fas esse cuique tollere signum fœderis inter Dæmonem, & Maleficium, videlicet destruere magica signa v.g. imagines, nodos, ligaturas, involucria plumarum, volumina capillorum, & lujusmodi, ubi inventa fuerint eo fine, ut Diabolus iis sublatiis, & combustis desinat nocere. Est communis Doctorum sententia apud Lessium cit. dub. 6. n. 36. quam latissimè probat & sustinet tanquàm indubitatam. Siquidem eo casu non in-

tervenit actio diabolica, sed humana, quam quilibet potest adhibere etiam meritorie, ut ait Scotus in 4. dist. 34. q. unic. Verfic. *Et ex hoc patet.*

15 Juris igitur reservantis dispositio comprehendit omnem magicam actionem, tam quæ sit cum expressa, quàm cum tacita Dæmonis invocatione; tam ad nocendum alteri in bonis corporis, vel fortunæ, quàm ad inducendum aliquem ad amorem, vel odium; tam quæ sit maleficii effectiva, quàm ejusdem dissolutiva. Nam hæc omnes actiones superstitiosæ, ac Diabolice veniunt nomine maleficii: ut constat ex prænotatis.

16 Non tamen comprehendit actionem inductivam, quæ scilicet Maleficus, vel prece, vel precio, vel minis, aut verberibus, ad maleficium ab eo positum dissolvendum inducitur: quo casu etsi inductor delinquit mortaliter, quoties sibi constat maleficium tolli non posse sine alio maleficio, eo quòd Maleficium inducat ad actum intrinsecè malum; non ligatur tamen reservatione, quæ non afficit inducentes, sed maleficiis utentes.

17 Quemadmodum neque incidit, qui magica signa à Malefico posita tollit actione non diabolica, sed humana eo fine, ut Diabolus iis sublatiis, desinat nocere: quæ actio tantum abest, ut sit mala reservationique obnoxia, ut etiam cum merito fieri possit: ut cum Scoto supra cit. docent etiam Finellius, Lessius, Bonacina supracitati.

## RESOLUTIVA PRAXIS

### *Pro Incidentibus.*

1 **E**X præ notatis pro regula generali statuitur eos omnes reservatione ligari, qui scienter maleficiis se immiscet tam cum expressa, quàm cum tacita Dæmonis invocatione, tam ad ledendum alterum in bonis corporis, vel fortunæ, quàm ad excitandum ad amorem, vel odium, tam maleficium conficiendo, quàm idem destruendo. Si cum horum maleficiorum usu conjunctus sit abusus, vel Sa-

cræ



eræ Eucharistiæ, vel Olei sacri, aut Sanctorum reliquiarum, seu candelarum benedictarum, Agni cerei benedicti, vestitiu sacrarum, signi S. Crucis, invocationis Deiparæ Virginis, verborum sacræ scripture, &c. de quibus superius annotat. 12. de *fortileg.* Confule Chapeav. de *cas. refer.* cap. 21. q. 2. & Dianam part. 4. tract. 8. res. fol. 14.

2 In specie resolves illum incidere, qui eduliis, vel poculis amatoris, seu veneficiis ad aliquam noxam alteri inferendam, quomodolibet rebus sacris abutitur. Mazuch. disp. 2. c. 10. q. 7. difficul. 3. num. 123.

3 Episcopali reservationi subjacet, qui maleficiis nefariè se immiscet cum abusu, & advertentia, ut supra, quocumque fine, & causa id agat. Nam cum maleficia suapte natura sint mala ob expressam, vel tacitam Dæmonis invocationem, ac societatem; nullo casu possunt fieri licita. Constat ex annot. 6. n. 12. & doctores ibid. cit.

4 Idem resolves de illo, qui utitur maleficiis ad morbos, vel homicidia inferenda, aut ad jumenta, domos, vineas, &c. lædendas cum abusu, ut in terminis casus. Quod verum est, quamvis maleficii delicto ignoret quis, esse adnexam reservationem. Quia ignorantia juris non excusat. Num verò idem statuendum sit etiam de ignorantia facti, seu specialis circumstantiæ, vide inferius in resolutiva praxi pro non incidentibus cas. 3.

5 Gravissimi sacrilegii culpæ, reservationisque virgæ obnoxius est impius ille, qui in specie abutitur (quod est horrendum distu) Sanctæ Eucharistiæ, partem ipse sumens, partem tradens sumendam ei, quem ad turpem amorem allicere cupit additis quibusdam precibus, maleficium involventibus. Chapeav. villa cap. 21. q. 2.

6 Eandem resolutionem extends ad illum, qui dat operam maleficiis cum ossibus, vel cineribus mortuorum, sub mappa altaris prius repositis: Quia concurrat maleficium cum abusu, ut in terminis casus. Mazuch. de *cas. refer.* disp. 2. capit. 10. qu. 7. difficultat. 3. numero 122.

7 Reservantis juris dispositioni subjacet, qui maleficium maleficio destruit, quamvis illud ipse non consecrerit: V. g. qui maleficium ingruentis grandinis dissolvit, figendo clavum ferreum in arbore cum quadam sacrorum verborum prolatione: quod olim in excipienda cuiusdam pœnitentis confessione ab eo factitatum audiui, & deterrui. Name est verè maleficium cum tacita saltem Dæmonis invocatione, interveniente sacrorum verborum abusu. Grassi. 1. p. decif. aure. lib. 6. cap. 6. n. 10. Layman lib. 4. tract. 10. cap. 4. n. 9.

8 Reservationis telum non effugit, qui maleficio se immiscet, vel maleficium maleficio destruit abutendo rebus sacris, ob bonum finem, v. g. ob consequendum aliquod bonum, vel devitandum malum. Tùm quia non sunt facienda mala, ut eveniant bona: Tùm quia maleficia nullo casu possunt fieri licita. Patet ex annot. 6. n. 12. & docent Sanchez lib. 2. mor. cap. 41. n. 5. Finellius de *cas. refer.* cas. 2. n. 8. de malefic.

9 Idem resolves de illo, qui à Malefico maleficiis uti didicit, si simul cum eo, vel seorsim iis serio, & scienter usus fuit cum rerum sacrarum, &c. abusu. Quia concurrunt omnia ad incidendum requisita.

10 Neque à reservatione is est eximendus, qui Malefico positivè cooperatur per manum ipsius, tanquam per instrumentum, maleficiis se immiscendo modò ex advertentia, & deliberatione id præstet, & cum abusu, ut supra. Quia moraliter rem æstimando, censetur talis conficere maleficia. Vide in priori hujus casus parte resol. 9. pro incidentibus, & Doctores ibid. cit.

Neque contrarium sentit Mazuchell. cit. c. 10. q. 8. n. 132. citans Grassium: Quia reservatio hujus casus apud hos Doctores lata est sub his terminis. *Qui abutuntur Eucharistiæ, rebusvè sacris*: abutens autem propriè dicitur ille, qui per alium abutitur. At maleficium verè dicitur tale, etiam si alter per manum alterius positivè illi cooperando illud conficiat: confule Bassum in florib. V. *cas. refer.* n. 40. §. 1. Vers. per fortilegia.

RESOLUTIVA PRAEPRAXIS

*Pro Non Incidentibus.*

**N**on incidit, qui habuit firmum propositum utendi maleficio cum abusu rerum sacrarum, sed illo minime usus fuit. Quia reservatio est de actibus externis, ut sæpe dictum fuit.

2 Idem resolves de illo, qui attentavit uti maleficiis cum abusu, &c. sed actum non complevit. E ratio est, quia litera reservationis non afficit abusum rei sacræ ad finem maleficii, sed maleficium, accedente abusu rerum sacrarum, &c. Ideoque requiritur actus completus. Graff. in praxi lib.2. cap.13. num.38. & 43. Gravissimi tamen sacrilegii est dammandus.

3 Non ligatur hac reservatione, qui utitur aliquo maleficio ex simplicitate, vel ignorantia non crassa, quia. si non constat in eo concurrere tacitam Dæmonis invocationem, cum hæc sæpe sit occulta. Nam ignorantia, & simplicitas eo casu sicut excusant à speciali malitia, & deformitate invocationis Dæmonis, quæ tunc non potest imputari ad culpam, utpotè incognita, atque ideò involuntaria, sicutiam à reservatione, quæ huiusmodi magicæ invocationi est adnexa. Vide supra annot.2. nu.7. & Doctores ibid. cit.

4 Reservationi non est obnoxius, qui maleficiis sciēter se immiscet, sed absque illo rerum sacrarum, &c. abusu. Quod in in praxi vix locum habet, cum sine aliquo rerum sacrarum, sacramentalium, vel Sacramentorum abusu maleficia rarissime exercentur, teste Delrio lib.5. disquis. magic. sect. 16. concl.1. probat.3.

5 Eandem à reservatione immunitatem extendes ad illum, qui abutitur quidem rebus sacris, &c. sed extra usum maleficii: Quia, ad incidendum in casum, utrumque copulativè requiritur, usus scilicet maleficiorum, & abusus rerum sacrarum, &c. patet ex litera. Non effugit tamen iste gravissimum sacrilegii peccatum.

6 Idem resolves de illo, qui tantum

*Pars II.*

permittit, consentit, vel alteri consulit, ut maleficiis cum abusu, &c. se immisceat: Quia consentientes, consulentes, &c. non comprehenduntur, nisi exprimantur. Alia ratio est de mandante, & simul cooperante, vel maleficia per alterius manum, tanquam per instrumentum, seu cooperationem exercente: ut resolutum fuit supra cas.10. pro incidentibus.

7 Extra telum reservationis existit, qui alterum instituit de modo, & ratione utendi maleficiis, secluso maleficiorum usu: Quia aliud est docere, aliud practicè maleficiis se immiscere. Verumtamen, & iste graviter delinquit, & denunciandus est Orthodoxæ fidei Censoribus. Sylvest. V. correctio quæst.10. Lupus de cas. refer. par.2. cas.12. §. illatione 12.

8 Eximitur à reservatione, sed non à mortali culpa, qui à Malefico maleficiis uti didicit, sed iis minime usus fuit. Quia in casu reservatur maleficiorum usus, non maleficiis utendi cognitio. Vtrum is incurrat excommunicationem latam à Gregorio XIII. vide infra de incantationibus.

9 Eadem exemptio à reservatione extenditur ad illum, qui Maleficium vel prece, vel pretio, vel minis, aut verberibus inducit ad maleficium ab eo positum dissolvendum. Quia reservantis juris dispositio non afficit ad maleficium inducentes, sed maleficiis utentes, aut iis practicè cooperantes patet ex annot.6. num.16.

10 Denique nec illum incidere resolves, qui signum sœderis inter Dæmonem, & maleficium, v.g. nodos, ligaturas, involucria plumarum, volumina capillorum, &c. tollit, eo fine, ut Dæmon, iis sublati definat nocere. Quia in huiusmodi maleficii dissolutione non intervenit actio diabolica, sed humana. Constat ex annot.6. num.14. & 17.

*Quæ inquirenda sint à Confessario, in audienda Malefici, vel Maleficæ confessione.*

10 **C**onfessarius, qui aliquem ex confessione maleficii additum esse cognoverit, hæc potissimum ex eo inquirere curabit.

Primò, qua occasione maleficii se immiscuerit. Secundò, quo tempore ejusmodi nefarissimæ arti se addixerit. Tertiò, quo sine Dæmoni se devovere motus fuerit. Quartò, an apostasie hæresis, vel idolatriæ flagitia commiserit. Solent enim malefici, ac maleficæ sæpenumero abnegare Christum Dominum, renunciare baptismo, ac fidei, credere Sacramentis nullam virtutem inesse, Diabolum non esse miserum, & damnatum, ipsumque adorare pro Deo. Quintò, an ad conficienda maleficia abusus sit rebus sacris, ut aqua benedicta, Oleo sacro, cera benedicta, Sancta Eucharistia, &c. Quia tunc præter maleficii delictum, gravissimi sacrilegii debet damari. Et quia hisce quinque flagitiis alia tria regulariter solent esse adnexa. Primò damnum proximo in personam, vel rem familiarem illatum, ratione cujus Maleficus restituendi onere gravetur. Secundò, verba blasphæma in Deum, vel Sanctos prolata. Tertiò, carnalis cum Dæmone commixtio. Idcirco de his etiam Maleficus à Confessario interrogandus erit. Sanchez lib. 2. moral. cap. 40. Lessius lib. 2. cap. 44. num. 27.

Quamvis autem difficile sit Maleficos, ac Maleficas è potestate Diaboli eripere, non tamen est impossibile. Propterea Confessarius curabit. Primò, ut pactum, si quod habet cum Dæmone Maleficus dissolvat perfringendo, vel comburendo, clirographum, si penes se habet; si verò Dæmon solus illud habeat non necessariò cogendus est, ut reddat. Quia pactum quodcumque cum Dæmone initum sufficienter dissolvitur per pœnitentiam: sicuti docent Suarez tomo primo de relig. libro 2. capite 17. Medulla Theologiæ moralis libro 3. tractatu 1. de primo præ-

cepto decalogi dubio 5. quæsit. 2. respons. 2.

Secundò, ut abjurato Dæmone, fidem, ac spem in Deum ponat, qui peccatores omnes ad pœnitentiam invitat, & reverti volentes recipit; ostendendo falsam esse persuasionem, quam sagæ habent plerique scilicet propter initum pactum à Dæmone liberari non posse.

Tertiò, ut libros, schedulas, ligaturas, aliaque artis instrumenta comburat.

Quartò, ut litanias Sanctorum, aliasque preces frequenter, deuotèque recitet.

Quintò, ut Crucis signo, sacris imaginibus, reliquiis Sanctorum, aqua benedicta, & similibus utatur.

Sextò, ut Sacramentum Confessionis frequenter apud eundem Confessarium.

Septimò, ut Orthodoxæ fidei professionem repetat, Apostolorumque symbolum sæpius recitet. Vide Suarez loco citato. Sanchez libro secundo moralium, cap. 40. Layman lib. 4. tract. 10. capite 4. num. 9. Lessius lib. 2. cap. 44. dubio sexto, num. 45.

## I N

### TERTIAM OCTAVI

#### CASUS PARTEM,

In Edicto Reservationis sub hac littera Expressam.

*Incantationes, &c. ubi est abusus rerum Sacrarum, Sacramentalium, vel Sacramentorum.*

### A N N O T A T I O N E S.

- 1 Quid sit incantatio.
- 2 Incantationis terminus quemodo sumendus in casu.
- 3 Incantationis nomine potissimum venis vana observantia.
- 4 Quid sit vana observantia.

5 Vana

- 5 *Vane observantiæ superstitio duplex ; alia cum expressa, alia cum tacita Dæmonis invocatione.*
- 6 *Vane observantiæ tres sunt species ; ars notoria observantiæ sanitatum, & observantiæ eventuum.*
- 7 *Ars notoria quid sit.*
- 8 *Quid sit observantiæ sanitatum.*
- 9 *Effectus in dubio potius præsumendus est naturalis, quam superstitiosus.*
- 10 *Quid observantiæ eventuum.*
- 11 *Aliqui addunt quartam speciem, observantiæ scilicet reliquiarum.*
- 12 *Rudes homines, quoties superstitiosæ observantiæ culpam mortalem redoient, si moniti nolint ab iis desistere, non sunt absolvendi.*
- 13 *Vana observantia quando reservationi sit obnoxia.*
- 14 *Animagia ad vane observantiæ speciem sit referenda.*
- 15 *Magia duplex ; naturalis, & diabolica : quid utraque sit.*
- 16 *An Magia possit esse peccatum veniale ex parvitate materiæ.*
- 17 *Sub dispositione juris reservantis comprehenditur tantum magia diabolica, quæ sit peccatum mortale.*
- 18 *Quot modis possit cognoscitur, an aliqua operatio ad magiam pertineat.*
- 19 *Quid efficere possint Magi ope, & auxilio Dæmonis.*
- 20 *Incantationibus utentes, si pertinaci errore laborent etiam in fide, habendi sunt hæretici, & excommunicatione Bullæ Cæne innodati : Idedque ab Episcopis non possunt absolvi.*
- 21 *Delicta incantationem seclusa hæresi, in sacramentali foro Penitentiae spectant ad Episcopum : & illantes sunt, quæ ipsi reservantur in casu.*

#### ANNOTATIO I.

**I**ncantatio significat practicam illam rationem, sive modum, quod incantatores in exercenda incantandi arte, utuntur. Cajet. V. *incantatio*. Chapeavill. cas. 8. q. 1.

2 Ceterum in edicto Episcopali per *incantationes* intelliguntur ea verba, vel Dæmonis arte adinventata, vel ad ejus placitum instituta ; quibus utuntur Magi,

aliisque vanis observantiis additi in superstitioso illius artis exercitio ; sive illud tendat ad conciliandum amorem, sive odium, sive introducendam sanitatem, vel morbum, sive circa rem seriam versetur, sive ludicram, sive ad Dæmonem invocandum, cogendum, aut aliud quidpiam faciendum, ope Dæmonis expressè, vel tacitè invocata. Quinimò fortilegia ipsa, & maleficia, sicut etiam idololatria, seu Dæmonis adoratio, quæ exercentur cum certa verborum forma, à Dæmone expressè, vel tacitè præscripta, sub hoc termino, *incantationes*, comprehenduntur, & ipsa ratio convincit, & docent Cajetan. V. *incantatio*. Finellius de casibus refer. cas. 2. n. 1. de Incantator. Fagund. præcept. 2. lib. 8. cap. 4. n. 10.

#### ANNOTATIO II.

3 Verum quamvis sub hoc termino *incantationes*, veniant omnes illæ superstitionum species, quæ non exercentur sine quibusdam verbis à Dæmone inventis vel institutis ; tamen sub reservationis litera potissimum comprehenditur quarta superstitionis species, vana observantia nuncupata : sicut docet S. Thom. 2. 2. q. 96. art. 1. Sanch. lib. 2. nior. cap. 40. n. 41. & seq. Less. lib. 2. c. 43. dub. 10. n. 62. Filliuc. tract. 24. c. 6. q. 8.

4 Superstitio autem vane observantiæ in eo consistit, quod quis mediis inutilibus, nec à Deo institutis, nec à natura ullam vim habentibus, procuret obtinere aliquem effectum, V. g. sanitatem, scientiam, conjugium, &c. Unde in hoc à superstitione divinatione differt, quod divinatio referatur tota ad rerum occultarum cognitionem ; vana verò observantia ad aliquem effectum obtinendum, vel vitandum. Lessius loc. cit.

5 Hæc autem vana observationis superstitio dividitur, sicut divinatio in eam quæ fit cum expressa, & in eam quæ fit cum tacita Dæmonis invocatione ; utraque ex suo genere mortalitæ malitiæ damanda : cum honorem, qui soli Deo debetur, Dæmoni tribuat, expectando ab eo eventus, qui à Divina providentia sunt expectandi. Sanch. & Lessius ll. cc. Bonac.

sum. Huc spectant omnia periammata, amuleta, brevia, involucra, verba sacra, orationes descriptæ, quæ gestantur à quibusdam, ne possint lædi, ne effluat sanguis, aut certum genus mortis effugiant, si contineant signa inutilia, vana, & superstitionis tanquam necessaria. Ita Suarez lib. 2. de relig. c. 15. n. 11. de superst. Delrius lib. 3. p. 2. q. 4. sect. 7. Sanchez lib. 2. mor. cap. 40. n. 20. Secus si quis gestaret verba sacra, vel orationes ad Dei tantum honorem, aut reliquias Sanctorum, sperans fore, ut eorum intercessione à malis liberetur, omisiss inutilibus vanisque signis. Delrius, & Sanchez ll. cc. Lessius lib. 2. cap. 43. dub. 10. n. 63.

Huc etiam pertinent nolle die Veneris præscindere ungues, circa templum alicujus certi Sancti ter jumentum circumducere, die certi Sancti equis venam secare, nocte S. Ioannis Baptistæ quasdam herbas colligere, & alia id genus permulta: quæ omnia vel planè superstitionis sunt, vel superstitionem sapiunt, teste Sanchez libro secundo mor. cap. 40. num. 31. Navar. in man. cap. 11. num. 3. Finellius de cas. refer. cas. 2. n. 3. de incantatoribus.

Aliud tamen esset, si hæc fierent, ut major devotio excitaretur, & effectus Sanctorum meritis adscriberetur. Layman lib. 4. tract. 10. cap. 4. Qui notat, si homines rudes bona fide, & ex devotione ritum aliquem ab Ecclesia non receptum observent, aliquando in sua simplicitate reliquendos: cum difficulter abducantur ab eo, quod bona fide à suis majoribus acceperunt.

13 Hæc tamen doctrina limitari debet, nisi talis superstitio mortalem culpam redeat. Nameo casu rudes homines de superstitione mortali debent admoneari si speretur fore, ut ab ea desistant. Postquam verò à Parocho, vel aliis moniti fuerint si crediderint, vel dubitaverint Dæmonem in hujusmodi concurrere ad talem causandum effectum, & nihilominus ab iis non abstinuerint, nullo modo erunt absolvendi sine licentia Episcopi: Siquidem inter expressè invocantes Dæmonem opere, & facto sunt adnumerandi, ut dictum est superius de sortile-

Pars II.

giis annotatione 4. num. 14.

Quod si admonitionibus factis non paruerint, eò quod Dæmonem invocari non credant: Ideoque iisdem vanis, ac superstitionis observantiis, vel alicujus lucri aviditate, vel respectu alio incumbant, adhuc non erunt absolvendi, nisi certò statuatur in posterum desistere, quantumvis idiotæ, & simplices sint homines hujusmodi. Vide Less. lib. 2. c. 43. dub. 10. n. 64. Navar. in man. c. 11. n. 31. Finell. de cas. ref. cas. 2. n. 5. de incantatoribus.

14 Hinc infertur hominem vanis observantiis addictum per accidenstanturum à peccato mortali posse excusari, ob ignorantiam non crassam, vel etiam bonam fidem, quia credunt se dare operam rei licitæ. Nam vana observantia ex genere suo superstitionem mortalem involuit: Tum quia tribuit divinum honorem creature expectando ab ea, quod à solo Deo expectari debet: Tum quia nititur pacto cum Dæmone. Hinc vanam observantiam ex parvitate materiz veniale fieri non posse, docent Delrius lib. 4. cap. 2. q. 4. Reginal. lib. 17. n. 170. Quia regulariter, & in omni materia usurpatur cognitio, vel virtus Dei propria. Propterea si harum superstitionum usus seriò, & scienter rerum sacrarum adjunctum habeat abusum, Episcopali reservationi proculdubio erit obnoxius. Vide Lessium lib. 2. cap. 33. dub. 8. num. 53. & dub. 10. n. 66. Sanchez lib. 2. moral. cap. 40. num. 11.

#### ANNO TATIO IV.

15 Utrum verò magia ad hanc vanarum observationum speciem referatur, vel potius tanquam aliquid deterius diversam superstitionis speciem constituat res est in disceptatione. Posteriori parti adheret Bassæus in florib. V. *superstitionis*, n. 3. Sed priorem tanquam probabiliorē sustinet Lessius lib. 2. c. 44. dub. 1.

16 Unde notandum, duplicem esse magiam, naturalem, & superstitionis, quæ à quibusdam diabolica nominatur. Magia naturalis est potestas operandi

V 3 mi-

mira per causas naturales , seclusa omni Dæmonis ope. Magia verò superstitiosa, siue diabolica est potestas faciendi , quæ sunt supra naturam per signa, concurrente ope Dæmonis . Lessius citato cap. 44. dubio primo . Bonacina tomo 2. disp. 3. q. 5. punct. 5. n. 4. Layman lib. 4. tract. 10. cap. 5. n. 1.

17 Magia naturalis per se non est mala, quamvis sit periculosa: Quia sæpè numero sub specie occultæ operationis naturalis Diabolus facilè se admiscet . Magia verò diabolica ex genere suo peccatum est mortale: Quia continet expressam , vel tacitam Dæmonis invocationem , ac proinde studiosum cum eo consortium . Aliquando tamen magicis actibus se immiscens excusari potest à mortali ratione ignorantiz , cum Dæmonis invocatio sæpè sit valde occulta . Ratione autem levitatis materiæ nunquam est veniale . Nam quod in re parva, vel ludrica Dæmon invocetur, per se levius peccatum non est, quàm si fieret in re gravi, & feria. Ita Less. loc. cit. dub. 4. n. 26. Sanch. lib. 2. mor. cap. 38. n. 18. Tolle. lib. 4. cap. 14. n. 12. Dian. par. 5. tract. 5. resol. 29. Contra Valent. 2. 2. disp. 6. q. 13. punct. 13.

Addo ex Delrio lib. 1. disp. mag. cap. 2. Cùm Magi semper cultum aliquem Dæmoni, ut Deo, & benefactori munifico exhibeant : Idcirco magiam implicitè continere idolatriam, ac proinde gravissimæ culpe esse damnandam .

18 Sub littera igitur reservationis, nomine Incantationis proculdubio comprehenduntur opera magiæ, non naturalis, sed superstitiosæ: quæ adjunctum habeant rerum sacrarum abusu. Constat enim ex supradictis, quoties superstitiosis cognitè intercedit usus cum rerum sacrarum abusu, toties reservationem incurri .

## ANNOTATIO V.

19 Tribus autem modis cognosci potest, an aliqua operatio ad magiam superstitiosam pertineat. Primò ex conditione causarum, puta si expresse invocetur Dæ-

mon, si nomina adhibeantur ignota, characteres, imagines, sigilla, si verba falsa, & apocrypha, v. g. Christum habuisse febres, vel spasimum, &c. quæ nec naturalem vim habent efficiendi talem effectum , nec à Deo, aut ab Ecclesia, quæ spiritu Dei regitur sunt instituta: imò ab ipsa Ecclesia reprobandur . Secundò, ex conditione actionis, ut cùm repentè sanatur Equus, vel homo. Siquidem naturali virtute introduci sanitas ea non potest , nisi cum tempore: Ideòque si statim introducatur, id fit per Dæmonem, qui naturalium rerum peritissimus invisibiliter applicat efficacissima remedia, etiam de longinquis partibus aliorum Dæmonum ministerio brevissimo tempore exportata, vel expellit humores adjacentes, unde talis causatur infirmitas. Tertiò, ex conditione effectus, si humanam virtutem, & industriam superet . Quæ autem à Magis possunt fieri ope Dæmonum, possunt reduci ad tria genera . Vel enim fiunt circa elementa; vel circa alia corpora præsertim hominum, vel animalium; vel circa animas, & spiritus . Vide Finellium casu 2. n. 4. de incantatoribus, & Lessium citato capit. 44. dubio tertio, numero 13. & 14.

## ANNOTATIO VI.

20 Sed curiosè petes, quid efficere possint Magi per Dæmonis auxilium?

Resp. Quæcumque Dæmon revera potest efficere, ea omnia per Dæmonem exacto possunt Magi. Quia Magi opera vi pacti à Dæmone perficiuntur . Delrius lib. 2. q. 6. in fine, & q. 7. in principio. Unde possunt Deo permittente, & Dæmone adjuvante, multa, & varia circa orbis cælestes, sydera, & elementa præstare .

In specie autem . Primò, possunt ignem ex suo elemento demittere, & applicare ad comburendum domos, & templa .

Secundò, possunt excitare tempestates, grandines, tonitrua, fulmina ventos, iisq; lædere, ac evertere arbores, segetes, animalia, ædificia, &c. Non enim difficile est

est Dæmonibus nubes alibi collectas, & ventos spirantes huc, vel illuc, quò Deus permiserit, impellere ibique sistere, stare, collidere. Similiter excitare motum terræ, agitando exhalationes terræ visceribus inclusas.

Tertiò, possunt quælibet corpora citissimò motu ex uno in alium transferre locum, eademque transformare, non quidem intrinsecè immutando, sed alia apparenter circumponendo. Item res præsentibus subitò è conspectu nostro subtrahere, absentes verò facere.

Quartò, possunt in humano corpore efficere varios morbos, & cruciatus. Cum enim Dæmon sit substantia spiritalis, quæ instrumentis corporeis non impeditur, ex sua insita vi in corpora insinuare se potest eorum turbando humores, vel sanguinem inflammando, aut etiam per ignoti veneni instillationem. Quæ agitudines nulla arte medica valeant curari. Similiter curare possunt morbos omnes, qui naturaliter sunt sanabiles, applicando naturales herbas, & medicinas, quarum vim Dæmones optimè perspetam habent. Item impedire sanguinis fluxum, immò omnes laciones, quæ gladio, igne, aliisque instrumentis irrogari possunt, si Deus permittat: facillè enim est ipsis scitum juxta corpus hominis excipere, impetumque frangere.

Quintò, possunt Magi eruere thesauros occultos, opesque maris abditas.

Sextò, possunt aliquando se efficere invisibiles, vel repente se alio transferendo, vel corpus aliquod instar veli interjiciendo, vel facultatem visivam impedire.

Septimò, integrum est Magis Dæmonem mittere in hominem, si Deus permittat, ut ab eo obsideatur, & vexetur.

Octavò, possunt Magi ope Dæmonum ea omnia, quæ ex corporis dispositione, & imaginatione pendent, V. gr. inferre amentiam, incitare ad amorem, odium, libidinem, &c.

Nondò, tandem Magi possunt efficere, ut spiritus tenebrarum corpora defunctorum non per informationem, sed per accidentalem unionem assumant, vel

ea sibi ex aere, aliisque elementis, ad carnis similitudinem palpabilia, efformant, in iisque appareant, ambulent, comedant loquantur. Eorum tamen locutio, comestio, ambulatio diversæ sunt rationis è nostra locutione, ambulatione, & comestione. Nam nos vitaliter hæc facimus, non ita Dæmones. Ita S. Thom. 2. 2. q. 114. art. 3. ad 2. Valent. 2. 2. disp. 6. q. 12. punct. 2. Delrius lib. 2. q. 8. Beccan. tract. 3. q. 16. num. 3. & 4. Lessius lib. 2. cap. 44. dub. 3. n. 23. Carena de offic. sancti. Inquis. par. 2. tit. 12. §. 2. Fran. Leo in thesa. fori Eccles. parte 3. cap. 36. num. 12. & seq.

Non possunt tamen Magi ope Dæmonis facere vera miracula, suscitare mortuos, vel animas à corpore separatas ab inferis excitare, viviisque representare: Quia hæc soli reservantur infinitæ Dei potentie. Delrius loc. cit. q. 6. 7. & 26. Carena cit. n. 16.

Neque obstat factum Pytonissæ, quæ jussu Saulis videtur excitasse Samuelem, ipsumque Sauli apparuisse, atque interitum eidem Regi prædixisse, sicuti constat ex 1. Reg. c. 28.

Respondeo enim Samuelem, non virtute magica, sed divina excitatum in cœnam iniqui Regis prodixisse. Cujus rei signum fuit, tum quòd adventus Prophetæ magicam incantationem prævenerit: Tum quòd Samuel rectus capite sursum elato, è terra emerferit contra morem magicarum umbrarum, quæ pedibus sursum vertis, & capite deorsum prodire dicuntur. Vide S. Tho. 2. 2. q. 95. art. 4. ad 2. Lessium cit. c. 44. dub. 3. n. 23. Carenam cit. n. 16. in fine.

## ANNOTATIO VII.

21 Utrum verò qui incantationibus nefariè utuntur cum abusu rerum sacrarum, &c. præter reservationem excommunicatione etiam ipso facto lata innodati existant: Hæc difficultas resoluta fuit in priori hujus 8. casus parte annot. 7. n. 27. ubi diximus, si nefariis hujusmodi superstitionibus utentes laborent etià pertinaci errore contra veritatem Catholicæ fidei, eos verè hereticos esse ex-

obstetrices, quæ circa mulieres laborantes in partu, vel ex matrice vanam, & superstitiosam adhibent observantiam cum abusu, ut in terminis casus: quod maxime procedit, si à Confessario monitæ fuerint: Nam deinceps ignorantia, vel simplicitas eas non excusat. Bonac. Filliuc. Mazuch. ll. cc.

9 Incidunt mulierum illæ, quæ ad dolorem laterum, vel dentium depellendum, adhibent rem naturalem cum tot numero Crucibus, vel orationibus, itaut si plures, vel pauciores adhibeantur, dolor non tollatur: Quia tunc signum est, effectum non pendere à causa naturali, sed à Dæmone per exhibitionem signi ab eo instituti. Navar. in man. ca. 11. n. 36. Delrius lib. 3. quæst. 3. sect. 1. Mazuchell. disp. 2. cap. 10. quæst. 5. diff. 2. num. 82.

10 Idem resolves de Chirurgis, qui curant vulnera, applicando remedia gladio, vel pannis lineis sanguine vulneratorum infectis: dummodo simul concurrat rerum sacrarum, &c. abusus. Quia cum talis effectus non possit ullo modo dependere à causa naturali, quæ non operatur in tanta distantia, ut ex vera philosophia notum est, & docet Delrius qu. 4. sect. 1. Lupus casu 12. §. 7. annot. 5. omnino sequitur illum ex pacto cum Dæmone saltem tacite inito provenire. Vide supra annot. 2. num. 6.

11 Hinc inferre licet, quod utentes hac superstitiosa medendi arte denuntiandi sunt Sancti Officii Inquisitoribus: Quia ita præcipit Edictum Sanctæ Inquisitionis, cui tam in dubio punitionis, quam emendationis parendum est, cum possessio stet pro præcepto. Prius tamen præmittenda videtur correctio fraterna, juxta præceptum Christi; modò subest spes, quod sit profutura. Bonac. disp. 3. circa primum decalogi præceptum quæst. 5. punct. 4. num. 19.

12 Quod attinet ad tertiam superstitionis speciem, futurorum scilicet eventuum, sub incantationis termino comprehensam, ligantur reservatione, qui colligunt herbas observatis quibusdam diebus, horis, vel aliis circumstantiis superstitionis; dummodo pertinaciter adhæreant hujusmodi superstitionibus,

interveniente simul rerum sacrarum abusu. Mazuch. disp. 2. cap. 10. quæst. 7. diff. 3. num. 123.

13 Idem statuitur de illis, qui festo v. gr. S. Ioannis, recitatis quibusdam orationibus, vana quædam observant, vel festo S. Mathiæ hederæ folia aquis imponunt, ut sciant, cui nubere debeant; modò id scienter, seriò, & mala fide observent, pertinaciterque eventuro effectui fidem habeant. Quia hæc mortalis est superstitio cum abusu, &c. sub termino incantationis comprehensa. Vide Delrium lib. 3. disquisit. magicar. par. 2. quæst. 4. sect. 7. Lessium lib. 2. ca. 44. dub. 3. Filliuc. tr. 24. cap. 6. n. 50. Medullam theol. mor. lib. 3. dub. 4. resol. 9.

14 Quod verò spectat ad quartam superstitionis speciem, observantiam videlicet Reliquiarum, incidunt, qui pertinaciter Reliquias, periammata, amuleta, brevia, involucra, verba sacra, aliasque orationes, ignotis characteribus, figuris, imaginibus, aut tot crucibus conscriptas gestant, si certam fidem iis habeant, vel infallibilem vim tribuant evadendi ab hoste, vitandi vulnera, declinandi subitam mortem, expellendi morbos, sistendi sanguinem, &c. Quia omnes istæ superstitiones sunt mortales, & cum rerum sacrarum abusu, sub incantationis litera comprehensæ. Ita præter Doctores supra cit. ll. cc. Graff. par. 1. decif. aure. cap. 5. n. 6. Suarez lib. 2. de relig. ca. 15. num. 11. Sanchez lib. 2. mor. cap. 40. num. 20.

15 Circa demum magiæ artem, quæ similiter sub incantationis termino comprehenditur, resolvitur Sacerdotem illum incidere, qui indutus paramentis nigri coloris, Missas defunctorum celebrat pro vivis, ut ii citius moriantur: Quia intercedit usus magiæ cum abusu Sanctæ Eucharistiæ. Chapeavilla de cas. refer. c. 21. quæst. 2.

16 Eadem resolutio datur de illo, qui projicit imaginem alicujus Sancti in flumen, ut pluat, cum invocatione Dei, vel ejusdem Sancti, aut verborum sacrarum prolatione. Nam talis adus est magiæ superstitiosæ damnandus, teste Layman lib. 4. tract. 10. cap. 4. numer. 7.

M e-



Medulla the. mor. l. 3. dub. 4. resol. 6. Quod verum est, nisi ex ignorantia, vel simplicitate excusetur. Navar. in man. cap. 11. num. 38.

17 Idem infertur de illo, qui ad curanda vulnera, ferrum, quo alter latus est, in porcinum ungem infigit, aut certum genus arboris cadit: Item si, loco circumligandi vulneris, arboris ramum, aut scamni pedem perliget, & alia id genus complura: quod procedit, dummodo cum hujusce superstitiosæ magiz usu, rerum sacrarum simul concurrat abusus. Laym. cit. cap. 4. n. 7.

18 Vtrum verò incidunt, qui Incantatores adeunt, eorumque opera utuntur. Negare videtur Lupus par. 2. cas. 12. §. 5. illatione 12. Mazuch. disp. 2. cap. 10. q. 8. num. 132. Quorum sententia probabilis videtur attentis terminis usus, vel abusus, sub quibus apud istos Auctores reservatio est inducta. Verum attento hocce termino *incantationes*, sub quo in hac Brixiensi Diœcesi reservatio lata fuit, resolvendum est eos incidere. Ita præter DD. citatos in prima hujus casus parte ref. 7. pro incidentibus; Cajet. Fagundez, Portel. quos citat, & sequitur novissimè Bafæus V. casus referu. num. 40. §. 1. Uersic. *Per incantationes*. Finellius de cas. refer. casu 4. num. 21.

19 Neque à reservatione excusatur in supradictis casibus, qui cum sit certus, vel quasi certus, rem, quam adhibet, secundum se inutilem, & superstitiosam esse, ea tamen serio utitur; etiam si protestetur se non intendere, vel nolle effectum consequi, si qua Diaboli virtus, vel pactum subest. Quia talis protestatio, cum sit contraria facto, non excusat protestantem. Ita Layman loco citato.

Excusaretur tamen, si vel abesset abusus rerum sacrarum, vel id ageret, non ad experientiam, sed convincendam diabolicam institutionem: ut docet Cajetan. V. *incantatio*.

## RESOLUTIVA PRAXIS

*Pro Non Incidentibus.*

1 **N**ON ligatur hac reservatione, qui adorat non Dæmonem, sed statuum falsi numinis, aut aliam à Dæmone creaturam: Quia non quælibet idolatria, sed ea, qua colitur Dæmon tanquam Numen, ut dirigat in operando, comprehenditur nomine incantationis. Cajetanus V. *incantatio*. Fagun. præcep. 2. lib. 8. cap. 4. nu. 10. Delinquit tamen iste peccato infidelitatis, & puniri potest in in Officio Sanctæ Inquisitionis.

2 Non est obnoxius reservationi, qui utitur simplicibus superstitionibus, absq; rerum sacrarum abusu: Quia licet quælibet superstitio comprehendatur sub termino incantationis; non tamen quælibet reservatur, nisi cum abusu rerum sacrarum, &c. sit conjuncta: ut pluries dictum est.

3 Idem resolves de illo, qui ex ignorantia, vel simplicitate, quæ à mortali culpa excuset, se immiscet incantationibus, vel vanarum observationum superstitionibus: Quia reservatio culpam mortalem supponit. Navar. in man. c. 11. nu. 36.

4 Non incidit, qui procuravit addiscere, vel didicit uti incantationibus, aliisque superstitionis observationibus, si interea iis minimè usus fuit. Quia non reservatur incantationis notitia, vel procuratio, sed operatio. Innodatur tamen iste, secundum Doctores superius allegatos, annotat. 8. num. 22. excommunicationis censura, *cap. si quis Ariolos*, sed nemini est reservata, teste Toletio lib. 4. cap. 14. num. 7.

5 Idem resolves de illo, qui alterum imbuat nefaria utendi incantationibus arte: Quia aliud est docere, aliud praticæ, & formaliter incantationibus se immiscere. Graviter tamen, & ille delinquit. Unde, præmissa correctione (si subest spes emendationis) nisi resipiscat, ad Sanctum Tribunal deferri debet. Sylvest. V. *correctio*, quæst. 10. Sanch. lib. 3. de matrim. disp. 13. Lupus de cas. refer. par. 2. cas. 12. §. 5. illat. 13.

6 Re-

6 Reservatione non afficitur, qui utitur virtute rei naturalis, quæ per superstitionem cognita est, dummodò cognitio, vel usus illius rei à Dæmone non pendeat: Quia licet huiusmodi cognitio malè parita sit, peccatum tamen transit, virtusque naturalis ex eo nihil mali contrahit. Sanchez lib.2. mor. cap.38. Bonac. disp.3. circa primum decalogi præceptum, quæst.5. punct.4. Layman lib.4. tract.10. cap.4.nu.9. Januar. de casu refer. resol.28. num.2.

7 Idem statuitur de eo, qui certo credit quibusdam orationibus, Psalmis, crucibus, &c. inesse virtutem præservandi à malis, si interim iis Psalmis, vel orationibus superstitiosè non est usus: Quia jus reservans non invehit in talia vana opinantes, sed in operantes. Lupus de casu refer. par.2.cas.12. §.1.n.10.

8 Excusatur à superstitionis culpa, & reservatione, qui verba sacræ scripturæ, Evangelium Sancti Ioannis, orationes, vel Reliquias gestat, sine superstitioso usu, aliisque vanis circumstantiis, sed ad Dei cultum, Sanctorum quæ honorem. Lessius lib.2. cap.43.dub.10. nu.63. Sanch. lib.2. mor. c.40. nu.20. Medulla the.mor. lib.3. tra.1.dub.4. *V. superstitiosum non est*, resol.2.

9 Idem resolves de illis, qui sacra luce alicujus Sancti, v.g. Sancti Joannis Baptiste colligunt herbas, vel circa templum certi Sancti ter jumentum circumducunt; si id agant, ob majorem devotionem in illum Sanctum; vel effectum ab ipsis intentum Sanctorum meritis ascribant: vel huiusmodi ritum à suis majoribus acceptum bona fide observent. Navarra in man. cap.11. num.36. Layman lib.4. tract.10. cap.4. Lessius cit. cap.43. n.64. & 65.

10 Non subjacet reservantis juris dispositioni, qui ex fortuito aliquo eventu conicit, illum diem, vel rei exitum fore sibi prosperum, vel adversum: Quia hujus generis superstitiones regulariter venialem culpam non excedunt, præterquam si quis constanter illis adhæreat. Sanchez lib.2. moral. cap.40. Lessius cit. dub.10. n.65. Mazuch. disp.2. cap.10. q.5. diff.3. n.86.

11 Eadem resolutio datur de illo, qui certum Missarum numerum, vel eas certa hora, aut cum certo candelarum numero, vel ordine celebrat; si hæc, & similia in memoriam alicujus mysterij fiant: scilicet, si credat, non prodesse in majore, vel minore numero. Sanchez, & Layman ll. cc.

12 Hinc obiter nota, non esse superstitiosum, sed laudabilem usum celebrandi triginta Missas Sancti Gregorij, nisi vanæ circumstantiæ admisceantur. Ita præter DD. supra cit. Medul.the. mor. l.3. trac.1. dub.4. ref.2. n.4. Bonac. de sacr. disp.4. qu. ult. punct.7. n.6. Fraxinel de oblig. sacerdot. sect.4. conc.6. §.5. n.1. & 2.

Qui rectè docent contra Gavan. comment. in Rub. Missalis tom.1. par.1. tit.5. *listera D.* posse Sacerdotem, eas celebrare cum interruptione, nec teneri dicere omnes de *Requiem*: propterea quod obligationes Missarum intelligendæ sunt, salva honestate, & devotione Sacerdotis: honestas autem, & devotio Sacerdotis sepe numero suadet, ut aliquando Missæ intermittantur. Qua de re extat hodie decretum Sacre Congregationis, quod expressè, districteque prohibet, ne in festis duplicibus dicatur Missæ de *Requiem*, neque pro implenda defunctorum voluntate.

13 Non censetur reservationi obnoxius, qui operatur mirum aliquem effectum, de quo æquale dubium subest, an proveniat à causa naturali, vel superstitiosa: Tum quia dubium interpretandum est in mitiorem partem: Tum quia casus dubius non censetur reservatus. Vide superius annot.3. num.9. & Doctores ibid. citatos.

14 Non ligantur reservatione, neque statim damandæ sunt superstitionis illæ personæ, vel familiæ, quæ dant operam sanandis quibusdam morbis, v.g. moribus à rabido cane: Quia nulla sufficenti ratione convincitur horum officium esse superstitiosum. Imò multi Doctores nominatim Nav. in man. cit. cap.11. n.36. Sanch. cit. c.40. num.47. Delrius lib.4. c.3. q.4. putant, istos ad hoc habere gratiam gratis datam.

Diligenter tamen inspiciendum est, an id faciant remediis naturalibus, vel ex gratia gratis data, an verò ex pacto cum Dæ-

Demone. Ea propter Confessariis magna cautio adhibenda est in absolvendis iis, quos noverint, ad sanandos morbos uti remediis virtutem naturalem non habentibus. Neque satis habere debent, quod ab Ecclesia tolerantur. Uide Doctores supra citatos, quibus adheret Mazuchellus disp. 2. c. 10. q. 5. difficult. 1. n. 4.

## DE GRATIA

*Hujus Delicti, & Obligatione  
Confessarii.*

**A** Trocissimum profectò est hoc flagitium, atrociorumque scelerum radix, & origo, ita ut veriùs teterrimam Christi gregis hac tempestate grassantem ubique pestem, inscribere possimus: hominesque hac stygia colluvie infecti, non Sortilegi, non Malefici, non Incantatores, sed Diaboli satellites, naturę humane carnifices, ac iterum Judę, Christi JESU proditores, debeant appellari. Quod flagitium quàm sit horrificum, horrificę patefaciunt pœnę trirēmis, ignis, cruciatus, ac mortis, quibus hæc Diaboli mancipia torqueri, multarique solent. Cuncta leviora tam gravi scelere supplicia.

Quod ad Pœnitentiarii munus attinet, in primis pœnitentem examinabit de variis superstitionibus, ac magicis artibus, quibus addictus est: An scilicet bona, vel mala fide iis usus fuerit. Num damna proximo intulerit, ad quorum compensationem obligetur. An alios hac nefaria incantationum arte instruxerit, quos ab ipsamet avocare teneatur. An libros, brevia, imagines, sigilla, aliaque magica symbola apud se habeat, quę sint comburenda.

Alia præterea superstitionibus, ac magicis artibus sæpenumero conjunguntur crimina, ut hæresis, blasphemia, sacrilegia. Abutuntur enim in suis incantationibus rebus sacris, & interdum Sanctissima Eucharistia; de quibus benè Confessario excutienda est istorum conscientia.

Circa verò crimen hæresis, siquidem Pœnitentiarius eo infectum repererit, ca-

veat sub pœna excommunicationis Pape reservatę, ne illum citra mortis articulum absolvat, cum sit casus in Bulla Cœnæ contentus, cujus absolutio Summo Pontifici reservatur, ut superius dictum est: adeò ut neque Inquisitores contra hæreticam pravitatem valeant ab hæresi in foro interno absolvere, aut alteri facultatem delegare, sed tantum in foro externo, & mediante foro externo, hoc est, in Sanctę Inquisitionis officio. Sicuti resolvit Carena in tractatu de officio Sanctę Inquisitionis, par. 2. tit. 1. §. 26. nu. 196. Barbosa de potest. Episc. par. 2. alleg. 40. num. 26.

Potissimum verò in detegendis superstitionis observationibus, Confessarii examinare debent opiliones, qui variis utuntur superstitionibus, gratia tuendi gregem à Lupis, aliisque incommodis. Item Rusticos, qui, ut sanitatem pecoribus restituant, superstitionosa adhibent remedia cum signo Crucis, vel recitata oratione domnica. Nec hoc vitio carent Fabri ferrarii, qui ad sanandos equos, non raro abutuntur verbis sacris ex Psalmis desumptis. Præterea obstetrices, quę circa mulieres laborantes in partu, vel ex matrice utuntur orationibus cum superstitionis circumstantiis. Prę ceteris verò addicti sunt superstitionibus Milites, qui brevia, amuleta, sacra nomina certis characteribus, variis Crucibus, ac signis conscripta gestare solent, ne in bello, vel duello ledi, nevè aqua, vel inopinata morte perire possint.

Predicti igitur omnes de superstitionis cujusmodi observationibus à Confessariis debent admone-  
ri, & omninò deterreri.



I N

## N O N U M

## Casum Reservatum.

In Edicto seu Tabella Episcopali sub  
his terminis Propositu-  
tum.

*Legatorum piorum solutio ab iis, qui po-  
tuerunt satisfacere, neglecta: Necnon  
negligentia eorum, qui suorum Aucto-  
rum tabulas testamentarias, transactis  
sex mensibus, aperiri non curaverint.*

**Q**uamvis hujus noni casus unicus sit  
periodi ambitus, non unicum  
tamen, sed duos inter se di-  
stinctos complectitur casus: quorum  
alter damnat, & reservat neglectam le-  
gatorum piorum solutionem: Alter cul-  
pabilem negligentiam eorum, qui nul-  
lam curam adhibent, ut clausæ Testato-  
rum tabulæ intra sex mensium spatium  
aperiantur, in iisque relicta, & dispo-  
sita innotescant: cum ad id ex justitia te-  
neantur. Et quidem prioris casus refer-  
vatio iamdiu in Diœcesi Brixienti vi-  
guit, & viget. Posterioris verò nuper  
in eandem Diœcesim provide ac sa-  
pienter inducta est. Siquidem nefariis  
hujusmodi testamentorum suppressioni-  
bus constat tum constitutos heredes, tum  
Ecclesias ac loca pia, ipsosque Testato-  
res defunctos defraudari: atque ideo  
gravissimum scelus admitti.

Vtrumque igitur casum seu delictum  
seorsim de more, distinctisque annota-  
tionibus, ac resolventibus maioris cla-  
ritatis, vel clarioris notitiæ gratia, expen-  
dere, ac exponere operæ pretium cen-  
sui. Et primò de neglecta legatorum pio-  
rum solutione agendum.

I N P R I O R E M N O N I  
C A S V S P A R T E M,

In Edicto reservationis sub hac litera  
expressam.

*Legatorum piorum solutio ab iis, qui po-  
tuerunt satisfacere, ne-  
glecta.*

## A N N O T A T I O N E S.

- 1 Quid sit legatum, & quod simplex.
- 2 Quodnam censendum sit legatum pium.
- 3 Litera reservationis loquitur præcisè de  
legatum piorum neglectu.
- 4 Quænam conditiones requirantur ad con-  
stituendum legatum pium.
- 5 Legata ad causas pias nullam requirunt  
juris solemnitatem.
- 6 Legata pia nunquam sunt caduca.
- 7 Legatum in communi pauperibus reli-  
ctum quibus sit dandum: & quinam  
propriè habendi sint pauperes.
- 8 Cui debeatur legatum Ecclesiæ in genere  
relictum, vel Altari alicuius Sancti,  
cùm ibi altare non reperitur.
- 9 Summo Pontifici reservatur legatorum  
piorum commutatio.
- 10 Legata pia, an aliquando ad alium  
usum applicari possint etiam ab Episco-  
po.
- 11 An paupertas excuset ab incurrenda re-  
servatione.
- 12 Paupertas duplex, vicius, & status.
- 13 Paupertas vicius videtur excusare hæ-  
redem à totali legati solutione, sed non  
à partiali.
- 14 An aliquando excuset etiam paupertas  
status.
- 15 Necessitas debitorum posthabenda est  
necessitati Animarum in Purgatorio  
existentium, quæ extrema censi de-  
bet.
- 16 Debitor legati pii duplex, vel hæres, &  
debitor simul, vel debitor, seu execu-  
tor, sed non hæres.
- 17 Reservantis juris dispositio videtur as-  
sicere tantum hæredes negligentes.

18 Ter-

- 18 *Terminus ad solvenda legata pia concessus quando censeatur incipere .*  
 19 *Ignorantia obligationis solvendi legatum pium an excuset à reservatone .*  
 20 *Si nullus solvendis legatis præfixus sit terminus, tenetur hæres quamprimum ea solvere .*  
 21 *Terminus Quamprimum, quantum temporis spatium importet .*  
 22 *Hæres in Brixienfi Diœcesi si intra sex menses legata pia solvat, videtur immunis à reservatone, & probabiliter etiam à mortali culpa .*  
 23 *Quæ pæne in hæredes legata ad pias causas solvere negligentes, jure communi sint constitutæ .*  
 24 *Si hæres, transactis sex mensibus legatis piis satisfaciatur, an, tali satisfactione facta, liber maneat à reservatone .*  
 25 *Quodnam damnum patiatur Defunctus ex dilatore, vel fraudatione legatæ elemosynæ, vel suffragii .*  
 26 *Moriturus malè sibi consulunt, quoribus restitutionem hæredibus committunt .*

## ANNO TATIO I.

1 **L**egatum est donatio quædam à defuncto relicta, & ab hærede post aditam hereditatem præstanda . Sed notandum, quòd legatum, sicuti etiam testamentum, est duplex : Alterum pium, seu ad pias causas : Alterum prophanum . Molina de just. tom.1. tract.2. disp.134.

2 Legatum pium, seu ad pias causas illud censetur, quod ob Dei, aut Sanctorum honorem, vel animæ salutem, Ecclesiæ, Capellæ, monasterio, Hospitali, Confraternitati, vel Monti pietatis, &c. aut in Religiosorum, Pupillorum, Viduarum, peregrinorum, aliarumque miserabilium personarum sustentationem, in puellarum conjugium, captivorum redemptionem, in restitutionem incertorum, maleque ablatorum, vel demum in satisfactionem pro peccatis,

Animarumque Purgatorij suffragia, &c. relictum fuit . Ita Molina loc.cit. Sylves. V. legatum 4 quæst.1. & 2. Graff. in praxi lib.2. cap. 26. n.10. & cap.22.n. Layman l. 3. tract.4. cap.2. num.1.

3 Modò litera reservationis expressè & præcisè loquitur de neglecta solutione legatorum piorum, non verò alterius generis, hoc est, ad prophanas causas: ut clarè constat ex ipsamet litera .

## ANNO TATIO II.

4 Ceterùm advertendum est, quòd ad constituendum legatum pium non sufficit vel solius personæ, vel solius causæ pietas; sed opus est, ut tam in legante, quàm legatario ratio pietatis concurrat . Sanchez lib.1. de matrim. disp.4. num.9. Graff. in praxi lib.2. capit.26. numer. 30.

5 Est autem proprium legati pii, sicuti, & testamenti, ut nullam ad sui valorem requirat juris civilis solemnitatem: sed solo naturali; Divino, ac gentium jure subsistat: sicuti docent communiter Doctores nominatim Abbas in cap. relatum. 1. de testam. num.6. Covarru. eodem cap. num.2. Molina tom.1. tract.2. disp.134. Layman lib.3. & 9. Quia jura civilia causis ecclesiasticis, sive ad spiritualem salutem spectantibus nullum præjudicium afferre possunt, nisi à Summo Pontifice approbata, & recepta sint: juxta cap. *Ecclesia de constit.* Constat autem ex cit. capit. *relatum*, solemnitates legis civilis circa pias, & Ecclesiasticas causas ab Ecclesia non esse receptas, ut communiter fatentur Doctores. Imò solà voce, & nutu legata pia valere in foro conscientię, docent Lessius lib.2. cap. 19. dub.2.

Layman cit. cap. 2.  
num. 3.

ANNOTATIO III.

6 Quamvis autem, spectato jure civili legata incerta fiant caduca, sicuti constat ex l. fuerit, & l. si quis, de reb. dub. tamen id fallit in legatis ad pias causas, quæ ob incertitudinem personæ non corruunt: sicuti habetur in *Auth. de Ecclesiasticis, titulus cap. 6.* & tractat Molina cit. tract. 2. disput. 157. Layman cit. tract. 4. cap. 11. num. 8.

7 Vnde legatum relictum pauperibus in communi, executioni mandandum est in loco, ubi testator domicilium habet; nisi sit extraneus: Nam tum impleri debet in loco, ubi mortuus est, arbitrio Episcopi, præterquam si heredi relicta sit facultas eligendi; eo enim casu tenetur distribuere pauperibus, qui verè pauperes sunt, scilicet qui victum incertum habent ex eleemosinis fidelium. Molina cit. disp. 157. & Layman loc. cit. num. 8.

8 Idem dicendum de legato relicto Ecclesie sine expressione loci, illud enim debetur Ecclesie Parochiali illius loci, in quo testator habitabat. Quemadmodum etiam legatum relictum alicui Sancto alicujus loci, si in eo loco non existat Oratorium, aut Altare talis Sancti, non propterea corrumpitur legatum, sed solvendum erit Ecclesie Parochiali, in qua testator domicilium habet. Præterea si legata pia ad eum usum, quem testator voluit, nequeant applicari, non ideo fiunt caduca: Quia intentio legantis præsumitur fuisse in Animæ salutem, & honorem Dei relinquere: quare ad aliam piam causam applicari debent; ita tamen, ut quatenus fieri potest defuncti voluntas impleatur. Habetur in cap. nos quidem de testam. & notat ibi, Covarr. num. 1. & Abbas num. 4. & 6. ubi docet, si cuiuspiam pauperi, vel religioso aliquid relictum fuerit, non in favorem ejus personæ, sed in salutem Animæ (quod in dubio præsumitur) si illi dari non possit, in alium pium usum convertendum esse.

9 Cujus autem auctoritate id fieri de-

beat, constat ex cap. contingit de religiosis domibus: & ex Trident. sess. 22. cap. 6. de reform. Vbi ejusmodi ultimarum voluntatum commutationes Summo Pontifici videntur reservari, concurrente justa, & necessaria causa. Molina cit. tract. 2. disp. 149. col. 3. Layman lib. 3. tract. 6. cap. 11. num. 11.

10 Nihilominus ab Episcopo etiam legata pia in alium usum commutari posse, docent gravissimi Doctores, consentiente tamen hærede, & ex justa causa, vel de novo incidente, vel à Testatore ignorata, quam si testator prævidisset, aliter disposuisset; & nunc quoque si viveret contentus esset, hujusmodi dispositiones in alium usum converti; quod secundum Episcopiam ad Episcopum, & hæredem spectat interpretari. Molina loc. cit. Sylvest. V. *legatum* 4. num. 11. Covarru. cap. tua de testam. num. 7. & 9. Emmanuel Sà. V. testam. num. 33. Naldus. V. testam. num. 12. Bonac. disp. 3. de contract. quaest. ultim. punct. ultim. num. 33. Layman lib. 3. tract. 5. capit. 11. num. 11. Versic. *Excipiendum.* Qui rectè notat, Episcopum tali casu propriè non dispensare (Nam id Summo Pontifici tantum reservatur) sed benignè interpretari, non esse contra voluntatem Defuncti rem legatam ad alium usum commutare.

ANNOTATIO IV.

11 Cæterum observandum est, quòd sicut in aliis obligationibus debitorem non solventem excusat paupertas, ac necessitas, sic etiam in legatis ad pias causas usu venire potest; ita ut debitor interim excusetur à culpa, & consequenter etiam à reservatione. Ita Lessius lib. 2. cap. 16. dub. 1. n. 19.

12 Verùm plurimum scire interest, quòd duplex datur paupertas; nempe vilis, & status. Si enim hæres habeat tantum necessaria ad suam, suorumque vitam sustentandam, dicitur laborare paupertate victus: (nomine autem victus veniunt nedum cibaria, sed etiam vestitus, & habitatio) si verò habeat superflua

flua ad victum, sed necessaria ad statum iustè acquisitum, dicitur detineri paupertate status. Zeccus de casu refer. cas. 6. n. 9. Lupus cas. 3. §. 1. n. 6.

13 Prior itaque necessitas, scilicet victus, sicut eximit debitorem non solventem à mortali culpa sic etiam à reservatione, quæ præsupponit lethalem noxam: quod verum est, nisi creditor in pari necessitate existat: sicut docet Lessius lib. 2. cap. 10. dub. 1. num. 19. Petrus Navar. lib. 3. cap. 1. & constat in simili de causis restitutione excusantibus. Veruntamen licet gravis necessitas non raro excuset hæredem à totali solutione legati, non tamen à partiali, si eam facere possit, materiaque legati sit dividua.

14 Non ita verò posterior necessitas, nimirum status, nisi esset tam gravis, ut prudentis Confessarii iudicio, debitor pro tunc non possint dici culpabiliter negligere, (quod videtur requirere jus reservant) sed rationabiliter legatorum piorum solutionem in commodius tempus differre. Ita Navar. in man. cap. 17. num. 5. Lessius cit. cap. 16. dub. 1. num. 19. Layman. lib. 3. tract. 2. c. 12. num. 3. Qui notant maiorem, vel minorem pauperiorem non defumi ex maioribus, vel minoribus divitiis, sed ex maiore, vel minore indigentia, juxta cuiusque statum, ac conditionem.

15 Verum, ut suprà monui, probè considerandum est, ne creditor æquali, vel serè æquali prematur necessitate. Cùmque ut plurimum necessitas Hospitalium, pauperum, vel Animarum in Purgatorio eodem igne, quo damnati, cremantium, ut S. Augustinus ait, sit extrema (etsi aliqui id negent de Animabus Purgatorii, eo quod habeant alia Ecclesiæ suffragia.) Idcirco pœnitens, qui dilationem legatorum piorum in gravem victus, vel status necessitatem reiiciunt, reiiciendi, & ipsi sunt à Confessario, nisi constet eos in extrema indigentia versari. In dubio autem ad Superiorem recurrendum est, ut aliquod ad solvendum legatum concedat temporis spatium, sicuti consultit Navar. & Sylvest. apud Lupum de casu refer. casu 3. §. 6. annot. 2.

## ANNOTATIO V.

16 Præterea notandum est, quòd debitores legata pia solvere negligentes possunt esse duplicis generis, videlicet, vel defuncti hæredes, qui iam hæreditatem adiverint, vel aliæ personæ, quæ non intuitu hæreditatis, sed ratione suscepti muneris ad legatorum piorum solutionem teneantur; uti sunt Tutores, Curatores Pupillorum, Minorum, Administratores locorum piorum, Deputati Hospitalium, Rectores Collegiorum, &c. vel etiam alter, qui ex aliquo contractu obligationem solvendi aliquod legatum loco hæredis suscepit.

17 Dispositio igitur juris reservantis censetur comprehendere tantum hæredes, quos Testator ratione aditæ hæreditatis onere persolvendi legata adstrinxit: Quia hi soli sunt veri, & proprii debitores. Tutores autem, Curatores, Administratores, aliæque supra relatæ personæ, sicut, & illi, quialiqua pactione onus satisfaciendi legatis piis in se transfudere, quamvis ratione suscepti officii, vel obligationis mortaliter delinquere possint, si diù persolvere legata pia culpabiliter negligant; tamen non sunt veri, & proprii debitores, cùm non sint hæredes, & consequenter neque reservationi obnoxii Legatum enim dicitur à legante, habito respectu ad hæredem. Ita habetur in insti. de legat. §. legatum, & ff. de donat. lib. 1. & ff. de legatis 2. l. legatum; & constat ex definitione legati pii. Nam legatum definitur, quòd sit donatio quædam à Testatore relicta, ab hærede post mortem Testatoris, & aditam hæreditatem præstanda. Consentit Mazuch. disp. 2. ca. 20. quest. 2. n. 26. & 27.

Dices. In casu nulla fit mentio hæredum, sed illorum qui solutionem legatorum piorum negligunt, cùm possint iis satisfacere. Ergo Tutor, Curator, Deputatus loci pii: Item Rector, & Prior Hospitalis, Collegii, &c. censendi sunt reservatis juris dispositioni obnoxii, quoties negligunt solvere legata pia, ad quæ ratione muneris suscepti tenentur loco Pupilli, Minoris, Hospitalis, Collegii, &c.

Resp.

Resp. Et si in casu non fiat expressa mentio hæredum, eo ipso tamen, quod casus dicit, *Solutio legatorum*, &c. satis indicat reservantis juris dispositionem restringi, & limitari ad hæreses, ad quos ex antea dictis constat referri legata, ab iisdemque tanquam veris debitoribus, esse præstanda. Licet igitur ratione suscepti muneris mortaliter delinquere possint, si legata ex culpabili negligentia non persolvant, in reservationem tamen non incidunt, ut supra notatum fuit.

# ANNOTATIO VI.

18 Porro cum subvenire miserabilibus personis omni auxilio destitutis, quales sunt etiam defuncti, eorumque hæreses ad solvenda legata pia compellere ad Judicem Ecclesiasticum spectet: Idcirco Ordinarii ferè omnes, ut hæreses ad exequendas pias defunctorum voluntates acrius adurgeant, Edicto statuere solent, ut qui solutionem ex legato, pio debitam, longius præfixo ab ipsis termino distulerint, Episcopali reservatione sint obnoxii. Terminus autem ad solvenda legata pia varius constitui solet pro varietate locorum, & varia intentione Ordinariorum. Nam Mediolani, & Bergomi assignatur biennium. In hac verò Brixienfi Diœcesi nullus omnino statuitur terminus, ut constet ex litera reservationis. Utrum verò jure communi aliquis concedatur, infra patebit.

19 Quando igitur assignatur tempus, intra quod solvenda sunt legata, illud inchoatur ab eo die, quo incipit solvendi legata vigere obligatio; quæ regulariter vigere solet à die aditæ hereditatis, secundum doctrinam Andr. Fachin. lib. 6. contr. c. 82. Secundum verò sententiam Abb. cap. relatum 1. de testam. n. 6. Covar. in cap. Raynaldus §. 3. n. 23. Tirac. privil. 33. quos citat, & sequitur Layman lib. 3. tract. 5. c. 2. n. 9. incipit vigere à die habite legatorum piorum notitiæ.

Si post mortem igitur Testatoris, hæres vel non possit hereditatem adire, vel laboret inculpabili ignorantia legati, tempus, quod interim elabitur, non est

Pars II.

computandum intra terminum. Si verò in jure reservante nullus assignetur terminus, ut sit hodie in Edicto reservationis Episcopatus Brixienfis, tunc obligatio solvendi legata ad pias causas censetur incipere à die habite legati notitiæ, vel perceptæ hereditatis; nisi juris communis beneficio terminus prorogetur, de quo infra.

Quod si testator ipse aliquod hæredi præfixisset tempus, tunc sicut non incipit obligatio, nisi post effluxum terminum, ita nullam incurrit reservationem, nisi elapso eo termino.

20 Præsens igitur reservatio lata fuit, ne solutio legatorum differatur contra voluntatem, & in prejudicium defunctorum. Cum itaq; in Edicto, & casu nostro nulla, ad solvenda legata pia concedatur temporis mora, ut patet ex litera: Idcirco tenetur hæres piam Testatoris voluntatem quamprimum implere, puta juxta juris communis dispositionem. Quod si cessante legitimo impedimento, legata ad pias causas exequi negligat, mortalis culpæ reservationi obnoxæ damnari debet. Ita Lupus de cas. refer. part. 2. cas. 3. §. 5. numero 13. cui stipulatur Mazuchellus disp. 2. cap. 20. quæst. 1. numero 7. & 15.

21

# ANNOTATIO III.

21 Sed hinc emergit dubium, quantum scilicet temporis spatium ille terminus, *Quamprimum*, importare possit, intra quod hæres, si legatis piis satisfaciatur, nec culpæ, nec reservationis pœnæ subja- ceat.

Respondeo ex Mazuchello cit. cap. 20. in fine titulo de gravitate hujus peccati, Lupo cit. casu 3. num. 25. quod licet hæres non ligetur reservatione, nisi longius biennio legati pii solutionem differat, quando scilicet in Edicto reservationis hereditibus ad solvendum legata pia conceditur biennii terminus, ut fit in Mediolanensi, & Bergomenfi Edicto; delinquit tamen hæres mortaliter (ajunt Mazuch. & Lup. l. cc.) si ultra sex menses solutionem protrahat. Unde sentire videntur hi Do-

X stores



tores, heredem secluso omni impedimento, & prefixo ab Episcopo termino, à mortali inimunem esse, modò intra sex menses ab habita legati scientia, vel à percepta hereditate, legatis piis satisfaciat. Quæ sententia mihi videtur vera, & fundari potest in *cap. nos quidem*, & *cap. si heredes de testam. Auth. de Eccles. titulis*, §. *si autem legatum*. Ubi pœnæ, quæ ibi decernuntur insligendæ in hæredes, legatâ pia solvere negligentes, non habent locum, nisi heres intra medium annum à die publicationis testamenti numerandum, cessante omni impedimento, legatis piis satisfacere neglexerit: Sicuti videre licet apud Abbatem, & Covar. in cit. *cap. nos quidem. Et cap. si heredes*, & docet Sylv. *V. testam. 2. q. 6.* & 8. Molin. tom. 1. tract. 2. de just. disp. 151. Laym. lib. 3. tr. 5. c. 11. n. 13.

Quemadmodum igitur hæres multari non debet statutis à jure pœnis, nisi ultra sex menses legata pia solvere negligat; ita nec lethalis culpæ videtur damnandus, nisi ultra idem temporis spatium culpabilem moram protrahat: Sicuti notavit etiam Mazuch. disp. 2. c. 20. in fine titulo de gravitate hujus peccati.

Rursus sicut canonicæ illæ pœnæ non habent locum, præterquam si heres ultra medium annum solutionem legatorum piorum culpabiliter differat; sic etiam lata in Edicto Episcopali sine ulla temporis limitatione reservatio, quæ habet quamdam rationem pœnæ, & supponit mortalem culpam, non præsumitur ligare heredem, præterquam si ultra sex mensium spatium legatis piis culpabiliter satisfacere negligat.

22. Ad resolutionem igitur proprius accedendo, licet id definire ad Sapientissimi Legislatoris iudicium spectet, tamen cum verba legis humanæ humano modo accipi debeant, & cum Episcopi, iuxta subjectam materiam, probabilissima ratione dici potest, quod terminus, *Quamprimum*, in hac materia, spectato jure communi, medii anni spatium importet, intra quod hæres, si legatis piis satisfaciat, ab Episcopali reservatione, & probabiliter etiam à peccato mortali immunis censeri debeat. Quod tamen dicitur, salvo semper iudicio, ac omni alia Am-

plissimi Episcopi, & Legislatoris declaratione: & supposito, quod nullus hæredi per Testatorem concessus sit dilationis terminus, ut superius etiam monui

## ANNOTATIO VIII.

23. Pœnas autem in negligentes heredes, jure communi statutas legere potes apud Abbatem, & Covar. in cit. *cap. nos quidem*, & *cap. si heredes*. Sylv. *V. testam. 2. q. 6.* & 8. Molin. disp. 251. Videlicet, ut si infra medium annum à die publicationis testamenti numerandum, cessante legitimo impedimento, legatis piis satisfacere neglexerint, postea cogantur etiam per viam excommunicationis, *cap. si heredes*, & *cap. tua nobis*, ea solvere cum omnibus fructibus, & emolumentis, quæ à die mortis Testatoris percipi poterant, juxta cit. *cap. si heredes*.

Præterea si bina Episcopi monitione præmissa, hæres adhuc pervicax fuerit, privetur omnibus commodis in testamento sibi relictis, ut habetur in *Auth. de Ecclesiast. titul. §. si autem*. Sin autem heres perperam negat, legatum esse ad pias causas, & in ea negatione perseverat usque ad sententiam, condemnandus est in duplum, teste Abb. in cit. *cap. si heredes*, n. 5.

Denique si heredes intra annum post monitionem à Judice, seu Ecclesiastico, seu Seculari factam legata seu ad pias, seu ad prophanas causas solvere neglexerint, omni commodo (excepta portione legitima, si heredes necessarii sint) ex testamento ipsis proveniente priventur, juxta *Auth. hoc amplius, C. de legatis*. Hæc tamen pœna non obligat in conscientia ante condemnatoriam Judicis sententiam, teste Covar. in cit. *cap. si heredes*.

## ANNOTATIO IX.

24. Cæterum antequam ad causas prædictas deveniamus, superest difficultas resolvenda. An scilicet heres qui si soluti, nem legati pii ultra sex mensium patifio-

cessante omni impedimento distulit, si postea illud solvat, per ipsam solutionem illico tollatur reservatio, ita ut possit à quocumque simplici Confessario absolvi.

Affirmativè respondet Lup. de cas. ref. par. 2. cas. 3. §. 1. n. 16. Nam cum reservatio apud ipsum lata sit in hæc verba. *Qui pauperie non impediti solutionem ex legato pio debitam longius biennio distulerint, idque tandiù, quandiù in mora fuerint solutionis.* Hæres autem hac solutione facta, amplius non sit in mora: inde est, ut amplius non vigeat reservatio, & consequenter à simplici Confessario possit absolvi. Quæ ratio licet non assignetur à Lupo, hæc tamen est solidum ejus sententiæ fundamentum.

Ceterum Lupi sententia deservit tantum pro Confessariis Bergomensis Diocesis, cujus jus reservans ille Author, & egregiæ notæ Doctor interpretatur. At verò in hac Brixienfi Diocesi reservatio hujus casus inducta est sub istis terminis. *Legatorum piorum solutio ab iis, qui potuerunt satisfacere neglecta.* Propterea si in eam incidere Pœnitens, non videtur per subsequentem satisfactionem ab omni reservatione liberari. Nullibi enim apparet, reservationem istam in hac Diocesi solutionem tantummodo legati pii, non item neglectæ solutionis culpam spectare.

Nihilominus satis probabiliter dici potest hæredem, qui ultra sex mensium spatium distulit legati pii solutionem, si postmodum ultrò ea solvat, tali solutione facta, liberum manere à reservatione, & consequenter à Confessario simplici, si ipsum adeat, posse absolvi. Quia reservatio hujus casus cœtur tantum inducta ad urgendum heredem ad legati pii solutionem, ita ut tali solutione facta, cesset omnis reservatio. Ita præter Lupum cit. n. 16. Mazuch. de cas. ref. disp. 2. c. 20. q. 2. diff. 1. n. 43. Vide, quæ dicam in sequenti casu annot. 8. n. 20. in simili de incertorum restitutione.

Hæc tamen doctrina, & assertio intelligenda est, nisi contrarium constet, vel ex indiciis colligatur de mente Ordinarii reservantis, aut obstat consuetudo (quæ

est optima legum interpres) Confessariorum Diocesis Brixienfis, quæ in hoc casu probè perpendenda est, & omnino servanda.

## ANNOTATIO X.

25 Sed obiter petes. Utrum Defunctus, qui dum viveret, bona sua pauperibus, vel procelebrandis Missis reliquit elargienda, si hæredes, vel executores diù differant, vel defraudent, fructum legatæ elemosynæ percipiat.

Resp. Quantum ad meritum relictæ elemosynæ nullum prejudicium patitur Defunctus ex dilatione, si quantum in ipso fuit diligentiam adhibuit, ut citò elemosynæ distribuerentur: Quia meritum ex voluntate dependet: Quantum verò ad fructum, sive beneficium satisfactionis pro pœna in Purgatorio luenda, utique sentit detrimentum: Quia interim non juvatur suffragiis, dum ea differuntur & sic prorogantur ipsius cruciatus. S. Th. in 4. dist. 45.

26 Sed rursus quæres. Si moriturus maderet aliquid restitui, quod postea restitutum non sit per hæredem, an morientis culpæ sit imputandum.

Resp. Si moriturus commodè, & sine scandalo, antequam decedat, potest ipsemet restituere, malè sibi consultit, id heredi mandando, neque securus de sua salute decedet. Quia quantum in ipso est, diligentiam non adhibet, ut restitutum fiat: Ideoque nec censetur habere sincerum animum restituendi, si supervixisset.

Si verò moriturus tunc commodè restituere non possit, vel subsit scandalum, aut infamie periculum, ideoque committat heredi, qui vir probus, & fidelis habetur, & si is deinde non restituit, ipsi non defuncto imputabitur: nullaq; ex hac causa torquetur productori pœna. Ita Nav. in man. c. 17. n. 68. P. Nav. l. 4. c. 4. n. 72. Tolet. lib. 5. cap. 24. §. oportet. Sayrus in Clavi Reg. lib. 10. tract. 5. c. 3. dub. 9. Laym. lib. 3. tract. 5. cap. 10. num. 9.

## RESOLUTIVA PRAXIS

*Pro Incidentibus.*

**1** **E**X prænотatis pro regula generali statuitur, reservatione ligari omnes tam Clericos, quàm laicos, tam feminas, quàm mares, qui ultra sex menses, cessante omni impedimento, legatorum piorum solutionem negligunt: Quia reservantis juris dispositio, cum sit indefinita, æquivaleret uniwersali, & consequenter omnes hæredes comprehendit: neglecta autem solutio ultra medium annum, sicut est sufficiens ad culpam mortalem, ita etiam ad reservationem: patet ex annot. 7.

2 Idem resolves de eo, qui quodcumque legatum pium solvere negligit, licet illud factum sit in testamento minùs solemni, imò etiam sola voce, & nutu. Less. lib. 2. cap. 19. dub. 2. Laym lib. 3. tract. 5. c. 2. num. 3.

3 Subjacet reservationi, qui legatum pium incertum ex parte personæ, vel loci, intra medii anni spatium non curat executioni mandandum. Quia huiusmodi legata pia non fiunt caduca, sed ad alium usum sunt applicanda, juxta supradicta annot. 3. n. 7. 8. & 9.

4 Idem resolves de illo, qui legati pii solutionem negligit, eo quòd ex solutione majus incommodum sibi proventurum sit, quàm commodum legatario. Quia non quodlibet incommodum, sed extrema, vel saltem valde gravis necessitas, V. g. morbi, famis, nuditatis à solutione legatorum piorum pro tunc hæredem excusat. Mazuchell. disp. 2. cap. 10. qu. 1. num. 10.

5 In reservationem incidit, qui ultra medium annum in solvendo legata, protrahit moram, absque justa causa, etiamsi id agat, ut maiori pauperum utilitati consulat, vel defunctorum fructui: Quia talis dilatio videtur nimis longa & damnoxa: ac proinde à mortali culpa, & reservatione non excusans. Lupus cas. 3. §. 2. nu. 25. & 26. & Mazuchell. disp. 2. cas. 20. qu. 2. num. 10.

Neque officit, quòd S. Thom. quod 1. 6. artic. 14. dicat, justam causam differendi solutionem legati pii censerì, ut res defuncti majori pretio vendi, & ampliores elemosynæ in pauperes erogari possint. Quia S. Thom. loquitur de modica dilatione dilatio: autem ultra medium annum secluso omni impedimento, videtur nimis longa, & preponderat prorogatio prænorum, quibus tunc fortasse torquetur Testatoris anima. Consule Doctores supra cit.

6 Reservationis telum non effugit, qui soluta serè tota legati summa, partem huiusmodi, v. g. elemosinæ, vel Missarum relinquit insoluta: modò pars insoluta ad culpam mortalem sufficiat. Lupus loc. cit. n. 13. & Mazuch. loc. cit. q. 1. n. 15.

7 Reservationem ligatur, qui post Testatoris mortem, cum posset adire hereditatem, & legatis sibi notis satisfacere, ultra sex menses, illam culpabiliter percipere neglexit. Quia neglecta hæreditatis additio perinde est, ac neglecta legatorum piorum solutio, quæ reservatur in casu. Graff. in praxi, lib. 2. c. 26. n. 39. & Mazuch. loc. cit. n. 17.

8 Idem ob identitatem rationis adequatè resolves de illo, qui cum sciverit saltem in genere Testatorem reliquisse nonnulla legata pia ab herede solvenda, ex ignorantia affectata, vel incuria mortaliter culpabili, ultra sex menses ab adita hereditate cessante omni impedimento, scientiam eorumdem legatorum haurire in specie, iisque satisfacere neglexit. Quia ignorantia affectata, vel incuria mortaliter culpabilis in hoc casu censenda est legatorum piorum neglecta solutio.

9 Incidit tandem, qui solutionem legati pii, de Missis celeberrandis pro Animabus Purgatorii, omittit pretextu gravis indigentie, vel quoad statum, vel quoad victum. Quia indigentior, & longè miserior est Animarum Purgatorii, quàm hereditatis status. Quòd si heres interdum ob indigentiam excusaretur à totali legati solutione; non tamen à partiali, si legatum sit dividuum.

## RESOLUTIVA PRAXIS

*Pro Non incidentibus.*

**1** Reservatio non ligatur, qui legata non ad pias causas intra debitum tempus, hoc est, intra medium annum non persolvit: patet ex litera. Quænam autem censenda sint legata ad pias causas, vide superius annot. 1. n. 2. Debitor tamen legatorum etiam ad causas prophanas, quoties in mora culpabili ea solvendi existit, delinquit mortaliter, & ad damnorum refectionem obligatur.

**2** Non incidit, qui ultra medium annum differt personæ diuici legatum solvere, quamvis intuitu pietatis fuerit relictum. Quia ad rationem legati pii requiritur tunc pietas in legante, tunc paupertas in legatario seu recipiente, quæ deficit in divite. Graff. in praxi, lib. 2. cap. 26. n. 30. & Sanch. lib. 1. de matrim. disp. 4. n. 9. contra Sylv. & alios.

**3** Reservatiori non est obnoxius, qui ultra prædictum terminum negligit solvere reale debitum, ratione aditæ hereditatis contractum, licet illud loco pio sit persolvendum. Quia litera expressæ, & præcisæ loquitur de legatis piis, non de debitis alterius generis. Quoties tamen mora esset culpabilis, & mortale peccatum, & damni compensandi obligationem incuriosus hæres non effugeret.

**4** Idem resolvet de herede, qui intra debitum tempus non solvit legatum pauperi consanguineo, vel consanguineæ factum. Quia non habetur legatum pium, cum præsumatur relictum, non intuitu pietatis, sed affectu sanguinis, qui est naturalis, & causæ piæ censetur prævalere. Sanch. loc. cit. Verumtamen, & in hoc casu hæres lethalem culpam non vitabit, si dilatio solutionis sit injusta, & injuriosa.

**5** Immunis est à reservatone, qui loco pio, intra statutum à jure terminum, negligit persolvere, quod illi debet ex conductione, vel emptione bonorum ejusdem loci pii. Quia hujusmodi debita longè recedunt à ratione legatorum: à diversis autem non fit illatio.

*Pars II.*

**6** Eadem immunitas à reservatone extenditur ad eum, qui ratione donationis inter vivos, vel mortis causa est inculpabilis mora aliquid solvendi Ecclesiæ, vel loco pio. Nam donationes hujusmodi valde differunt à legatis ad pias causas. Supposito tamen quod talis dilatio sit culpabilis, reique notabilis, morosus debitor delinquit mortaliter.

**7** Reservatiori non est obnoxius Tutor, Curator Pupilli, Minoris, alique ultimarum voluntatum executores, si legatis piis intra sex mensium spatium satisfacere negligant. Quia reservantis juris dispositio censetur comprehendere tantum veros heredes, & debitores, non item ceteros executores: constat ex annot. 5. n. 27.

**8** Idem probabiliter resolves de illo, qui ultra medium annum protrahit solutionem legati pii per Novitium, antequam professionem emitteret relictum. Quia reservatio cum habeat quamdam rationem pœnæ, videtur restringenda tantum ad legatum relictum à defuncto morte naturali, non civili, qualis est Religiosorum mors, quæ sola juris fictione dicitur mors. Consentit Mazuch. disp. 2. c. 20. q. 3. n. 28. contra Lupum de cas. refer. p. 2. cas. 3. §. 3. annot. 3.

**9** Extra telum reservatiori existit, qui nondum mensibus sex effluxis à legatorum scientia, vel percepta hereditate numerandis, cessante etiam iusto impedimento solutionem legati pii negligit: Quia spectato jure communi, cui standum est, quando aliud non decernit lex specialis Episcopii, pœnæ (quarum quamdam rationem habet, ut supra dictum est, reservatio) in negligentem heredem non habent locum, quoties legatis piis satisfaciatur intra medium annum. Vide superius annot. 7. n. 21. & 22. & Doctores ibid. cit.

**10** Excusatur à mortali culpa, & consequenter etiam à reservatone hæres, qui si velit solvere debita à defuncto, vel intuitu defuncti contracta, non est solvendo legata pia: Ideoque executioni ea demandare intermittit. Quia legata pia semper intelliguntur, deducto ære alieno: Quod verum est, quamvis illud relique-

X 3 rit

rit insolutum. Nam adhuc non reviviscit extincta solvendi legata ad pias causas obligatio. Vniuersè enim loquendo, debita ex titulo gratuito posthabenda sunt debitis ex titulo oneroso. Navar. in man. c. 17. n. 10. Bonac. de restit. disp. 1. quæst. 8. pun. 2. num. 12. Bassæus V. restitutio IV. §. 6. num. 23.

11 Reservatoni non est obnoxius, qui legata ad pias causas non persolvit ob inopiam extremam: Tùm quia impotentia debitorum excusat: Tùm quia, premente tali necessitate, omnia fiunt communia. Lessius lib. 2. c. 16. n. 19. Layman lib. 3. sect. 5. tract. 3. par. 1. cap. 1. nu. 7. Sed neque redibit obligatio, & consequenter nec reservatio, etiamsi hæres debitor ad meliorem fortunam redierit. Tolet. de peccatis mortal. cap. 39.

Hæc tamen doctrina limitari debet, ut procedat, nisi debitor propria culpa ad extremam inopiam sit redactus: Tunc enim si ad meliorem fortunam redierit, redibit etiam solvendi legata pia obligatio. Idem dicitur, si bonis testatoris ex accidenti subtrahis, hæres egestate laboret, isdem postea recuperatis, & consequenter egestate cessante, cessabit quoque excusatio, cum suppetant bona obligatione legatorum affecta. Vide Lessium, & Layman Ilcc.

12 Eadem à reservatione excusatio extenditur etiam ad eum, qui premitur necessitate valde gravi, ratione morbi, famis, nuditatis, &c. Quod verum est, nisi legatarius sit in pari necessitate, cui necessitas heredis, (excepta extrema) sit posthabenda. Navar. loc. cit. nu. 5. Vide supra annot. 3. n. 14. & 15.

13 Immunis est à reservatione, qui ex ignorantia, vel oblivione inculpabili, ultra statutum à jure terminum protrahit legati pii solutionem: Quia eo casu sicut excusatur à culpa; sic etiam à reservatione, quæ supponit culpam, & quidem lethalem.

14 Non incurrit hæres, cui testator ipse longiorum sex mensibus, ad satisfaciendum legatis piis, concecit terminum, aut cum illi placuerit: Quia tunc dilatio non est contra voluntatem defunctorum, in quorum favorem potissimum

lata est præsens reservatio. Lupus loco citato casu 3. §. 6. n. 29.

15 Eadem immunitas extenditur ad eum, cui legatarius prorogavit solutionis terminum; talis siquidem prorogatio inculpabilem reddit moram: Quæ doctrina valet etiam in censura in alterius favorem lata, quæ suspenditur ex consensu ejus, in cujus gratiam fuit relaxata: sicuti docent Suarez de censuris disp. 3. sect. 6. n. 8. Filliuc. tract. 11. c. 4. quæsito 12. n. 80. ConinK disp. 14. num. 199. quibus attipulatur Mazuchell. disp. 2. casu 20. q. 2. n. 34.

16 Non ligatur reservatio, qui intra debitum tempus convenit cum legatario, præstando ipsi cautionem: quia hujusmodi cautio equiparatur solutioni, qua attenta, cum hæres non sit inculpabili mora, consequenter in casum non incidit. Graff. de cas. reserv. lib. 2. cap. 26. n. 7. & 8.

17 Idem resolvitur de illo, qui in legatis piis solvendis, compensatione utitur: Quia compensatio stat loco solutionis: dummodò justè compensationis regulæ servantur, quæ sunt quinque. Prima, ut debitum sit liquidum, & certum. Secunda, ut retineatur summa crediti. Tertia, ut creditum sit maturum. Quarta, ut caveatur, ne debitor illud bis solvat. Quinta, ut non possit via iudicii res recuperari. Hæc tamen conditio non admittitur ab omnibus, dummodò absit periculum scandali.

18 Ab hac reservatione eximitur ille, qui intra sex mensium spatium deponit apud alterum, quod legatario tunc absentis est persolvendum. Quia talis depositio est quædam legati pii solutio. Lupus casu 3. §. 4. n. 30.

19 Idem resolves de illo, per quem non stat, quominus congruo tempore fiat legati pii solutio: ut si legatarius solutionem acceptare noluit. Cum enim eo casu absit culpa, consequenter etiam absit reservatio.

20 Hæres tandem, qui solutionem legatorum priorum ultra sex menses culpabiliter distulit, si postmodum ultro ea solvat, tali solutione facta, liber à reservatione censetur probabiliter manere. Unde

de

de consequenter à peccato ob culpabilem moram contracto, per quemcumque Confessarium poterit absolvi. Vide supra annot. 9. num. 24. & Doctores ibidem citatos.

## DE GRATUITATE

*Hujus delicti, & Obligatione Confessarii.*

**Q**UAM gravi scelere sit obstringit, qui solutionem legatorum priorum vel denequando, vel negligendo, consanguineorum Animas debitis suffragiis non juvat, sed defraudat; patet tum ex delicti reservatione (liquidè graviora tantum delicta reservari solent) tum ex aliis pœnis, quas in negligentes heredes statuunt jura Ecclesiastica, quas legere potes apud Abbatem, & Covaruv. cap. nos quidem, & cap. heredes. Sylvest. V. testamentum 2. quæst. 6. & 8. Molin. tom. 1. tr. 2. de iustitia disp. 251. quas summam recensuimus supra annotatione 7. num. 23.

Et jure meritò has Ecclesia ex inhumanitate heredum deposcit pœnas. Si quidem ex suffragiorum prorogatione Animarum Purgatorii prorogatur cruciatus, & ex cessatione cessat liberatio. Quod quàm inhumanum ac ferum sit, liquet ex iis, quæ de atrocitate pœnarum Purgatorii ex scriptura, & Patribus congerit Bellarminus lib. 1. de Purgatorio. Quò etiam spectant illa ad ingratos heredes plena doloris, & querimoniæ verba. *Quare persequimini me sicut Deus, & carnis meis saturamini?* Nam quemadmodum Deus, ita exigente Divinæ justitiæ debito, detinet Animas in flammis veluti carcere inclusas, donec respondentem culpis fuerint pœnam: ita nefarii heredes, dum ipsis denequant, vel differunt suffragia, causâ existunt, ut productior sit earundem cruciatus, & pœna.

Accedit, quòd tali dilatione defraudantur Ecclesiæ, ac loca pia, & consequenter scelus grande committitur.

Confessarius igitur, qui in solvendis legatis piis, vel pervicacem, vel incuriosum reperit heredem, in primis ipsi ape-

riat, quia ingratitudinis, & impietatis nota se inurat, quotve mala tum spiritualia, tum temporalia ex sacrilega illa fraudatione sibi impendeant, illumque non absolvat, nisi præmissa ipsorum legatorum solutione ac satisfactione, uti præscribitur in limitatione absolvendi ab hoc casu: præterquam si Confessario innotesceret, debitorem extrema, vel penè extrema laborare inopia, vel bonum animæ ipsius Pœnitentis absolutionis dilationem non permittere.

Quid autem, si Confessarius heredem, quem, in satisfaciendo legatis piis, noverrit negligentem, absolvat, non præmissa satisfactione, num validè ipsum absolvat: controvertitur inter Doctores.

Negativè respondet Cajet. V. *absolutio*. Sayr. de censuris l. 2. c. 18. n. 10. & alii, asserentes, Confessarium tum prædictum facultate, tum carentem eo casu invalidè pœnitentem absolvere. Quorum ratio est, quia verba illa, *Conceditur, præmissa ipsorum satisfactione*, in contratabella concessi nis facultatis apposita, Confessariis facultatem limitare, conditionemque ad validitatem absolutionis omninò necessariam videntur inducere. Nam ablativus absolutus, *præmissa ipsorum satisfactione*, formam, quacum actus fieri debet, importare censetur.

Sed magis placet sententia contraria, nempe illa verba, *præmissa ipsorum satisfactione*, facultatem non limitare, sed Confessarios tantum privilegio munitos de Ordinarii mente præmonere, ne scilicet Pœnitentem absolvant, non præmissa legatorum satisfactione. Quare Confessarius facultate præditus si pœnitentem absolvat ab hoc casu, absque prævia illorum solutione, quamvis contra præceptum Episcopi agat, ideòque graviter delinquat; validè tamen absolvit. Multa enim fieri prohibentur, quæ facta tenent.

Secundò tamen resolvendum de Confessario simplici, qui privilegio absolvendi à reservatis caret, hunc enim nec validè, nec licitè absolvere resolvunt Sanchez lib. 2. mor. c. 13. nu. 34. & 35. & li. 3. de matrim. disp. 32. nu. 3. Avila de censur. par. 2. c. 7. disp. 3. dub. 6. concl. 2. Bonac. de cens.

disp. 1. q. 3. punct. 3. prop. 2. n. 3. Dian. p. 5. tract. 9. ref. 12. quibus subscribit Lupus de casu refer. p. 2. cas. 3. §. 1. n. 19. & 22. Qui notat ex Bonae. loc. cit. hæc verba, non præmissa satisfactione, importare formam, qualicite, non qua valide absolutio impendi debeat. Vide quæ dixi in priori Elucidarii parte Resol. 134.

## I N

SECUNDAM NONI  
CASVS PARTEM,

In Edicto reservationis sub hac litera expressam.

*Negligentia eorum, qui tabulas testamentarias suorum Auctorum, transactis sex mensibus aperiri non curaverint.*

## A N N O T A T I O N E S.

- 1 Quam providè, sapienter, & opportunè inducitur sit in Brixiensem Diocesim huius casus reservatio.
- 2 Quid sit negligentia, & quor res concernet.
- 3 Quinam negligentie, seu negligentis nomine veniant in proposito casu.
- 4 Negligentia est duplex, alia civilis, alia theologica.
- 5 Negligentia civilis triplex, alia lata, alia levis, alia levissima.
- 6 Quid sit negligentia theologica.
- 7 Negligentia non solum theologica, sed etiam civilis lata sub litera reservationis est comprehensa.
- 8 Duplex est testamentum aliud in scriptis, seu clausum, aliud nuncupativum, seu apertum.
- 9 Quodnam sit testamentum in scriptis, seu clausum.
- 10 Quodnam nuncupativum, seu apertum.
- 11 Litera reservationis comprehendit tan-

tum tabulas testatorum in scriptis, seu clausas.

- 11 Codicilli in scriptis, seu clausi à casu non sunt exclusi.
- 13 Codicillus fieri potest, & cum testamento, & sine testamento.
- 14 In legum interpretatione potius ad hærendum est legislatoris menti, quam verbis.
- 15 Testamentum vel est solemne, vel minus solemne: & quodnam sit utrumque.
- 16 Testamenta minus solemnia ad pias causas in utroque foro valent, & obligant.
- 17 Quenam testamenta, vel codicilli dicantur ad pias causas.
- 18 Testamentum minus solemne ad causas non pias in foro externo quando pro infecto habeatur.
- 19 Reservantis juris dispositio utrumque testamentum, tam solemne, quam minus solemne comprehendit.
- 20 Quinam teneantur curare, ut tabule testamentariae Auctorum suorum aperiantur.
- 21 Liberi legitimi parentum, & vicissim parentes liberorum in casibus concessis, si culpabiliter negligant curare, ut testamenta, vel codicilli clausi aperiantur, reservationi subjacent.
- 22 Heredes ab intestato, si in aperiendis Testatorum tabulis negligentiam mortaliter culpabilem adhibeant, reservatione ligantur.
- 23 Vxor succedens ab intestato in hæreditatem viri in casibus jure expressis, si ex negligentia lata, vel dolo intermittat curare, ut defuncti mariti tabule aperiantur, reservationi est obnoxia.
- 24 Heredes ex testamento non necessarii, qui adita hæreditate, posterius testamentum, vel codicillum clausum à Testatore conditum esse deprehendunt, si culpabiliter negligant in eam curam incumbere, ut aperiantur, in reservationem incidunt.
- 25 Ad incurrendam hanc reservationem requiritur, ut à die obitus Testatoris, vel habitæ notitiæ testamenti, vel codicilli, sex mensium spatium eluxerit.

26 Si heres, transactis sex mensibus testamentum aperiri curet, an, tali aperi-  
tione facta, liber maneat à reservatione.

# ANNO TATIO I.

1 **Q**UOT fraudes ac machinationes ab ingratissimis, vel improbis heredi-  
bus circa ultimas Defunctorum voluntates adhibeantur, in dies Parochis, & Confessariis magis innotescit. Eò enim quorundam consanguineorum, seu hæredum ab intestato improbitas excrevit, ut in curando, ut Testatorum tabulæ, secuta eorumdè morte aperiantur, in iisq; relicta, & disposita executioni mandentur, nedum incuriosos se præbeant, sed non raro, ut tabulæ ipsæ penitus occultentur, ac delitescant, & interdum pereant, omni conatu, omnique dolo utantur. Quæ deceptiones ac fraudes, multorum origo malorum, ut à concredito sibi gregge, Ovilibusque suis finibus longius, quoad fieri potest, arceantur, eò Vigilantissimi Pastoris evocata est solertia, ut tantam improbitatem provide, sapienter, opportune reservantis juris fræno compescere, tamque noxium scelus severiori suo reservare iudicio, novissimè decreverit.

# ANNO TATIO II.

2 Pro cuius casus clariori explicatione notare oportet, quòd licet Vox, *Negligentia*, secundum communem vocabuli acceptionem latius pateat, quàm culpa; nihilominus, attenta propria, & stricta ejusdem vocis significatione, secundum quàm accipi debet in proposito casu, non differt à culpa. Proindeque definiri potest, quemadmodum culpa, quòd sit discessus ab eo, quod bonum, ac debitum est; sive (quod in idem recidit) sit omisio industriæ, ac diligentia, quam quis in re aliqua præstanda, adhibere potest, & debet. Sicuti ex Bart. & Abb. notat Nav. in man. c. 17. n. 177. Layman lib. 3. sect. 5. tract. 4. cap. 7. num. 2.

Vnde negligentia, quemadmodum, & culpa, duo connotat; nempe obligationem ex iustitia ex parte ejus, qui rem de-

b itam non præstat, & omissionem, sive discesum ab ipsa re debitam. Quorum si alterum desit negligentia proprie dici non potest, sed simplex omisio.

3 Modò cum litera reservationis dicat, *Negligentia eorum*, satis indicat sub reservantis juris dispositione dumtaxat comprehendendi eos, quibus ex naturali, vel positivo jure, sive ex officio, vel pacto saltem tacito incumbit obligatio curandi, ut clausæ Testatorum tabulæ, intra præscripti temporis spatium aperiantur, in iisque disposita innotescant, si interim ex negligentia, vel culpa id præstare intermittant.

# ANNO TATIO III.

4 Verùm non segniter advertendum est, quòd duplex datur culpa, & negligentia; alia civilis, sive juridica, alia theologica. Negligentia civilis jam descripta est: quòd sit omisio solertia, ac diligentia: cum quis scilicet, secluso omni impedimento, intermitte præstare, quod sibi ex obligatione iustitiæ incumbit, sed absque prava intentione, ac dolo.

5 Hæc autem negligentia est triplex; alia lata, alia levis, alia levissima. Negligentia civilis lata, quæ etiam dicitur crassa, est omisio communis diligentia, quam scilicet omnes ejusdem ætatis, conditionis, ac muneris adhibent, vel adhibere deberent. Negligentia levis est omisio exactæ diligentia, quam solertes ejusdem ætatis, conditionis, ac muneris adhibere solent. Negligentia verò levissima est omisio exactissimæ diligentia, quam solertissimi tantum ejusdem ætatis, conditionis, ac muneris, in præstanda re aliqua adhibere consueverunt. Nav. loc. cit. Molin. tom. 2. de just. disp. 292.

6 Negligentia porro theologica est peccatum contra mores, & legem Dei, omisio scilicet studiosa, dolosa, & injuriosa rei ex iustitia debita: atq; ideo propriè dictum injustitiæ peccatum. Confule Molin. & Nav. ll. cc. Laym. lib. 2. sect. 5. tract. 4. cap. 7. n. 2.

7 Litera igitur reservationis, cum dicit, *Negligentia eorum*, intelligenda est tum de negligentia theologica, nimirum de dolosa,



lofa, & injuriosa omissione curandi, ut clausæ Testatorum tabulæ intra præscripti temporis spatium aperiantur. Tum etiam de negligentia civili, sed lata seu crassa, quæ in delictis dolo æquiparatur, & injuriam mortalem continet. Non tamen de negligentia civili levi, & multò minùs levissima, quæ cum à mortali noxa in foro conscientię (non item in foro externo) excusetur; consequenter ab hac reservatione censeri debet exclusā.

#### ANNOTATIO IV.

8 Cæterum ad magis concinnam casus expositionem, plurimum scire interest, quòd duplex est testamentū. Vnum in scriptis, seu clausum: Alterum nuncupativum, seu apertum: sicuti constat ex *l. hac consultiſſima. cod. de testam. §. sed cum paulatim, & §. per nuncupationem.*

9 Testamentum in scriptis, seu clausum dicitur, quod Testator sive sua, sive alterius manu conscriptum, septem idoneis testibus, masculis, pueribus, liberis, ad id rogatis, & vocatis, omnibus simul præsentibus, offert, profitendo id esse suum testamentum. Quod postea omnes, & singuli septem testes eodem tempore subscribunt, si possint per se ipsos, proprios; vel alieno, aut communi sigillo consignant: sicuti habetur in cit. *l. hac consultiſſima, &c.* & docent Card. de Lugo tom. 2. de just. disp. 24. Laym. li. 3. tract. 5. capitul. 1. num. 3.

10 Nuncupativum erò, seu apertum illud dicitur, quod minorem solemnitatem requirit, scilicet solum, ut septem testes conditionis supradictę simul vocati adsint, qui audiant, & intelligant Testatoris voluntatem coram eis scripto, vel voce prolata. Sicuti patet ex cit. *l. hac consultiſſima §. nuncupationem.*

Etsi erò hodiæ talis nuncupatio communiter à Notariis coram testibus in scripturam, seu instrumentum redigi soleat: id tamen non fit, ad substantiam actus servandam, sed ad meliorem ejus comprobationem, & securitatem. Quia testes interim vel decedere, vel inhabiles reddi possunt, quominus coram Iudice

defuncti voluntatem declarare queant, quorum defectus per publicum Tabellionis instrumentum abundè suppleri censetur: Sicuti docent DD. in *lib. 2. cod. quemadmodum testamenta aperiantur.*

11 Modò litera reservationis, cum dicit, *aperiri non curaverint*, fatis exprimit, & distinguit, de quo genere tabularum reservantis juris dispositio sit intelligenda, nimirum de scriptis, & clausis, non verò de nuncupativis, & apertis. Et ratio est, tum quia in materia reservationis, utpotè odiosa, verba sunt accipienda secundum strictam, & propriam eorum significationem, omiſſa impropria: Ac proinde cum verbum, *aperiri*, quod exprimitur præſens reservatio secundum propriam ejus significationem ad tabulas duntaxat clausas referri possit, non verò ad nuncupativas, quæ cum sint apertæ post Testatoris mortem, non indigent aperiri, sed solum publicari: Idcirco tabulæ seu testamenta tantum clausa sub reservantis juris dispositione censeri debent comprehensa.

Tum quia in testamentis clausis sæpiſſimè; rarissimè verò in nuncupativis interveniunt fraudes, & deceptiones circa suppressionem tum legitimorum hæredum, tum legatorum præcipuè ad pias causas, cum maximo Testatorum animæ detrimento: ad quas fraudes, & detrimenta, providè ac sapienter inducta est hujus casus reservatio: Ac proinde frustra ad nuncupativa, & aperta fuisset extensa.

#### ANNOTATIO V.

12 Cæterum etsi testamenta nuncupativa, ut numero præcedenti probatum est, à casu sint exclusa; codicilli tamen non debent censeri exclusi; dummodò sint clausi. Nam quamvis codicillus ad instituendum hæredem non fiat: (cum super hæredis institutione, vel ab intestato venientis successionem fundetur) sed ad aliquid in testamento explicandum, addendum, mutandum, detrahendum, vel ad legata instituenda: sicut constat ex leg. *hæreditatem. Cod. de codicillis.* Nihilominus codicillus etiam (ita nuncupa-

cuparus, quia parvus Codex) cum sit veluti imperfectum testamentum, & modò clausus, modò nuncupativè fieri soleat, in eoque militet eadem ratio, idemque finis Legislatoris vigeat, nimirum ut legata tùm ad pias causas, tùm etiam prophanas innotescant, ad quorum declarationem, immutationem, ac additionem codicilli fiunt. Idcirco hi etiam, quoties in scriptis, vel clausi conduntur, ob identitatem rationis adæquatè censendi sunt sub reservationis juris dispositione comprehensi.

13 Quæ assertio pro indubitata tunc sustinenda est, cùm codicillus clausus sine testamento factus est: siquidem codicillus potest fieri, & cum testamento, & sine testamento: quo casu testamenti loco est codicillus, obligans hæredem ab intestato venientem. Sicuti habetur in *l. ab intestato de jur. Codicill. in pandect.* Ac proinde sub litera reservationis censeri debet comprehensus.

Neque obstat, quòd in materia reservationis, utpotè odiosa, non sit facienda extensio ultra propriam, & naturalem verborum significationem. Ac proinde cum hæc verba: *Tabulas testamentarias*. Secundum proprium eorum significatum comprehendant tantum testamenta, non codicillos, quippè qui formaliter non sunt testamenta, sed veluti testamenta. Idcirco testamenta dumtaxat, non autem codicilli censendi sunt sub litera reservationis comprehensi.

14 Respondeo enim in legum interpretatione potius adherendum esse legislatoris menti (quæ est veluti spiritus, & anima legis, unde omnis vis obligandi per verba, tanquam instrumentalia signa provenit) quàm cortici verborum legis. Sicuti habetur in *l. 17. ff. de legibus*, & in *l. scire, §. aliud, ff. de excusationibus*: & tradunt Navar. lib. 5. consil. 6. Layman lib. 1. tract. 4. cap. 18. num. 4. Legislatoris autem mens in hujus casus reservatione eò tendit, ut circa ultimas defunctorum voluntates tollantur fraudes, & deceptiones, præcipuè circa legata ad pias causas: quæ fraudes, & deceptiones cum tam frequenter accidunt in codicillis clausis, quàm testamentis: Idcirco tam codicilli,

quàm testamenta censeri debent sub reservationis juris dispositione comprehensa: quam comprehensionem admittere evidens ratio suadet. Aliter sine suo frustraretur provida mens Legislatoris, de qua cum clarè constet, non est confugiendum ad strictam verborum legis interpretationem.

His addendum, quòd quando agitur de salute animarum, earumque redemptione à purgatorii pœnis, vel de vitando gravi crimine, uti fit in hoc casu, potest fieri extensio etiam juris pœnalis: Sicuti rectè notat Finell. de cas. refer. cas. 4. num. 25. Quaranta Summ. Bullar. *V. casus reservatus* num. 3.

## ANNO TATIO VI

15 Neque tamen prætereunda est alia notatio, quòd testamentum in scriptis, seu clausum potest esse vel solemne, vel minus solemne. Solemne dicitur illud, quod præscriptas à lege civili solemnitates habet, quas superiùs retulimus, annotatione 4. num. 9. Minus solemne illud nuncupatur, quod requisitis solemnitatibus destitutum est.

16 Circa quod posterius membrum rursus distinctio adhibenda est. Vel enim testamentum clausum minus solemne factum est ad pias causas, vel ad prophanas: si ad pias causas, illud omnino tam in foro externo, quàm interno conscientie validum, & firmum censendum est. Si quidè in eo nulla prorsus civilis legis, aut consuetudinis solemnitas requiritur, sed solo naturali, divino, ac gentium jure subsistit. Sicuti docent Bart. aliique Doctores in *cap. de Sacrosanctis Ecclesiis*. Abb. in *cap. relatum 1. de testam*. Covar. de *testam.* c. 11. n. 9. Molin. de *just.* tom. 1. tract. 2. disp. 124. Laym. lib. 3. sect. 5. tract. 5. cap. 2. n. 2. Card. de Lugo de *just.* tom. 2. disp. 22. num. 256. Dian. par. 7. tr. 6. resol. 2. Et ratio est, quia jura secularia nō possunt spiritualibus rebus sive ad supernaturalem finem, animæque salutem spectantibus præjudicium afferre, nisi à Summo Pontifice approbata sint, & recepta: juxta *c. Eccles. de conslit.* Atqui: solemnitates testamentorum jure civili introductas circa pias, & Ecclesiasti-

sticas causas receptas non esse, constat ex cit. *cap. relatum 1. de testam.* & fateantur Doctores omnes apud Card. de Lugo cit. *disposit. 22. n. 265. Dian. cit. par. 7. tr. 6. resol. 2.* Vbi ex Mazuchello notat, jus canonicum exigere duos testes non pro foro conscientie, sed pro foro externo. Nam in foro conscientie testamentum ad pias causas, valet, & obligat, quoties de mente Testatoris constat.

16 Testamenta autem ad pias causas conferri debent, quæ præcipuè, ac directè facta sunt ob Dei, aut Sanctorum honorem, vel spirituales animæ salutem: puta: in Ecclesiis, aliorumque piorum locorum erectionem, aut sustentationem; in captivorum redemptionem, in Religiosorum, vel pauperum alimenta, aut pro maritandis virginibus. Item in satisfactionem pro peccatis, in mortuorum suffragia, &c. de quibus Abbas in *rubr. de testam.* Nav. in *Apol. de reddit. Eccles. q. 1. mon. 26. Laym. cit. cap. 2. n. 1. Dian. cit. par. 7. tr. 6. ref. 29. & 30.*

17 Vel testamentum clausum factum est ad causas pias: & tunc iterum distinguendum est. Vel enim conditum est à Patre, Matre, aliove utriusque sexus ascendente inter liberos: vel à milite in bellica expeditione; aut grassantis pestilentie tempore, & tunc ob legalis solemnitatis defectum non vitiatur testamentum: Sicuti docent Molina cit. *tom. 1. disput. 129. Layman cit. cap. 2. nu. 11. 14. & 17. Diana par. 4. tract. 6. resol. 33. 34. & 42.*

Vel denique in testamento minus solemniter constituti sunt heredes extranei, vel remotiores consanguinei, & tunc testamentum huiusmodi in foro externo censetur invalidum: & ita ex communi praxi tribunalium à Iudice cessandum esse, tradunt communiter Doctores apud Barbosam de *jure Ecclesiast. lib. 3. c. 27. num. 95. Layman lib. 1. tract. 4. cap. 17. num. 7.*

18 Verùm quidquid sit de validitate, vel nullitate testamenti clausi; si ex conjecturis extrinsecis præsumi possit esse minus solemniter, statuendum est sub reservantis juris dispositione utrumque testamentum tam solemniter, quam minus so-

lemne comprehendi. Nam cum lex reservans non distinguat de qualitate testamenti, præterquam quòd sit clausum, nec nos distinguere debemus. Tùm quia testamentum tam solemniter, quam minus solemniter cum sit actus publicus, iudicium de ejus validitate, vel nullitate non ad hæreses, sed ad Iudicem spectare debet. Proindeq; si ex culpa lata, vel dolo hæres id præstare intermittat, effluxu concessi temporis spatio, præter lethalem culpam, reservatione ligatur.

## ANNOTATIO VII.

19 Cæterùm cum supra dixerim negligentiam duo connotare, scilicet omissionem culpabilem rei debitæ, & obligationem ex parte ejus qui omittit, vel negligit præstare rem debitam. Quæri hic potest? Quinam graventur obligatione curandi, ut tabulæ testamentariæ Auditorum suorum aperiantur.

20 Resp. Primò tenentur descendentes, hoc est, liberi legitimi: si verò hi deficient, vel præmortui sint, obligantur ascendentes, nempe Pater, & Mater, & in eorum defectum Avus, & Avia: si liberi præmortui bona castrensia, vel quasi possederint, de iisque testamento, vel codicillo clauso disposuerint. His siquidem tum ex naturali, tum positivo jure incumbit obligatio curandi, ut illi parentum, hi filiorum testamentariæ tabulæ aperiantur, & innotescant, in iisque relicta executioni mandentur.

21 Secundò, si deficient descendentes, & ascendentes, tunc obligantur hæreses ab intestato, servato legitimæ successione ordine: ut scilicet primò teneantur fratres, iisque deficientibus, nepotes, & sic deinceps usque ad decimum. Hi siquidem non raro adeunt hæreditatem, etiam si defunctum agnatum testamentum clausum condidisse, non ignorent: quod postmodum nedum curant, ut aperiat, sed fraudulenter, & subdole agunt, ut occultetur, & delitecat, vel etiam omnino pereat; eò quòd alterum in eo institutum heredem, vel relicta esse legata existiment, vel suspicentur.

22 Tertiò, deficientibus consanguineis

neis intra decimum gradum, obligatur superstes vxor. Quia ipsa eo casu sicuti succedit ab intestato in hereditatem viri, juxta dispositionem juris, l.c. *unde vir*, & *vxor*; ita tenetur operam dare, ut testamentum, quod ipsam non latet, vel postmodum deprehendit à viro conditum fuisse, aperiatur, in eoquē relictā executioni mandentur. Quod dicitur, attento jure communi, & nisi leges municipales, vel statutiarię circa successiōnem vxoris aliter decernant.

23 Quinto, cūm testamentum, & quęlibet ultima voluntas legitimē condita Testatoris arbitrio mutari queat, addendo, corrigendo, pēnitēd cassando: ita ut prius testamentum per posterius irritum reddi possit: Ideō si heres ex priori testamento, postquam hereditatem adiit, aliud posterius testamentum, vel codicillum clausum ab eodem Testatore factum esse deprehenderit, tenetur curam adhibere, ut aperiatur, in eoquē disposita innotescant.

Omnes igitur, & singuli supra relati, quoties ex negligentia mortaliter culpabili, vel dolo intermittunt curare, ut tabulę testamentarię Auctorum suorum intra sex menses aperiuntur, Episcopali reservationi obnoxii proculdubio censeri debent.

#### ANNOTATIO VIII.

24 Dixi superiūs intra sex mensium spatium: Pro quo notandum, quōd licet prædicti (quos asservimus gravari obligatione curandi) ut tabulę testamentarię aperiuntur) culpabiliter negligentes se præbeant; in reservationem tamen non incidunt, nisi ultra sex mēium spatium, ab obitu testatorum, vel ab habita testamentorum notitia numerandum, cessante omni impedimento, neglexerint curare, ut illa aperiuntur, & publicentur: Sicuti clarē cōstat ex litera reservationis. Quo casu, etsi fortē incuriosi, seu subdoli heredes, sicut etiam Tutores, & Curatores à mortali culpa non excusentur, si, secluso omni impedimento, tabulas testamentarias Auctorum suorum aperiri non curaverint, in hauc tamen reserva-

tionem non incidunt; quę non habet locum, nisi effluxo sex mensium spatio. Quod præter expressum in jure reservante terminum, Confessariorum in Diocesi Brixienti usus, & praxis confirmat.

#### ANNOTATIO IX.

25 Verūm, antequam ad resolutivam praxim defleamus, restat dubium dissolvendum. Vtrum heres, qui ultra sex menses culpabiliter neglexit curam adhibere, ut testamentum clausum aperiretur, si postmodum illud aperiri curet, illicō tollatur reservatio, ita ut à quocumque Confessario simplici possit absolvi.

Resolutio hujus difficultatis desumenda est ex dictis in priori hujus casus parte annot. 8. n. 23. in simili de eo, qui ex negligentia mortaliter culpabili ultra sex menses legati pii solutionem disculit. Ubi ex Lupo, & Mazuchello ibid. cit. diximus satis probabile esse, quōd, facta legati pii solutione, Pœnitens, à Confessario simplici possit absolvi. Idem ergo à pari dicendum est in proposita difficultate: Siquidem, & hæc reservatio videtur inducta ad sollicitandum heredem, ut curet, prout debet, testamenti clausi aperiitionem: ita ut, facta tali aperiitione, cesset omni reservatio: Ac proinde à quocumque Confessario heres possit absolvi. Quę tamen doctrina, & assertio intelligenda est, nisi aliud constet de mente Episcopi reservantis, vel obstat consuetudo, & praxis Confessariorum Diocesis Brixientis, quę in hoc casu inspicienda est, & omnino servanda. Vide præcitatam annot. 8. n. 23. & consule Doctores citatos.

#### RESOLUTIVA PRAXIS.

##### *Pro Incidentibus.*

1 **E**X prenotatis statuitur regula generalis, eos omnes, & singulos in reservationem incidere, qui ex negligentia, sive culpa tum theologia, tum civili lata intermittunt curare, ut clausę testatorum tabulę intra sex mensium spa-

patium à die obitus eorumdem testatorum, vel habitæ tabellarum scientiæ numerandum, aperiuntur: dummodo ex iustitia, sive ex pacto saltem tacito ad id teneantur.

2 In specie autem incidunt liberi legitimi, si cum ipsos non lateat à defunctis parentibus testamentum clausum fuisse conditum, ex dolo, vel lata culpa omittunt in eam curam incumbere, ut supra numerandum aperiatur, in eoquè relicta innotescant. Nam concurrunt omnia ad incidendum requisita.

3 Idem resolves de parentibus, si cum sciant à premortuis liberis de bonis castrensibus, vel quasi conditum esse testamentum, ex negligentia mortaliter culpabili intermittunt operam dare, ut illud intra præscripti temporis spatium aperiatur. Constat ex annotatione septima, num. 10.

4 Eidem reservationi heredes ab intestato sunt obnoxii, si cum ipsis constet à defuncto consanguineo conditum esse testamentum clausum, ex negligentia, & incuria mortaliter culpabili curare intermittunt, ut illud intra statutum tempus aperiatur: Et multò magis, si subdole agant, ut occulteretur, & dehistescat. Quo casu tenentur etiam ad restitutionem hereditatis, atque ad damnorum inde provenientium restitutionem, si hæreditas ad alium spectet, vel legatum aliquod alii sit relictum.

5 Neque ab hac reservatione immunis est vxor Defuncti, quæ deficientibus viri consanguineis usque ad gradum decimum, juxta dispositionem juris communis successit ab intestato in hereditatem mariti, si non ignorans, vel postea deprehendens conditum esse à viro testamentum clausum, ipsa ex culpa lata negligat curare, ut illud aperiatur, vel conatum adhibeat, ut occulteretur, ne excidat percepta hereditate. Quem casum vir doctissimus, ac gravissimus mihi retulit non pridem Tridenti contigisse.

6 Eadem reservatione ligantur heredes ex testamento non necessarii, qui postquam adierunt hereditatem vigore prioris testamenti, aliud posterius testa-

mentum clausum ab eodem Testatore conditum deprehendunt, si culpabiliter, vel dolose omittant in eam curam incumbere, ut illud aperiatur, & innotescat. Constat ex annot. 7. n. 23.

7 Supra dicti omnes, & singuli Episcopi reservationi sunt obnoxii, non tantum si testamenta, sed etiam si codicillos clausos ex culpa lata, vel dolo intra sex mensium spatium aperiiri non curaverint: Vide superius annot. 5. n. 12. & 13.

8 Reservationem tandem eos ligari resolves, qui ex negligentia crassa, vel dolo curam adhibere intermittunt, ut testamentum, vel codicilli clausi aperiuntur, etiam si ex conjecturis extrinsecis viderentur esse minus solemnes. Tum quia iudicium de validitate, vel nullitate testamenti non ad heredem, sed ad Iudicem spectat. Tum quia in testamentis, & codicillis regulariter reperiuntur legata pia, quæ executioni mandari debent, quamvis deficient legales solemnitates. Consule Doctores superius citatos annot. 6. n. 15.

## RESOLUTIVA PRAXIS

### *Pro Non Incidentibus.*

1 IN hanc reservationem non incidunt, qui ex relatu ipsius testatoris vel testium, aut ex noticia aliunde habita norunt, conditum esse testamentum aliquod, vel codicillum clausum, si post mortem testatoris illum aperiiri, vel denunciari non curent. Quia hi, cum non sint heredes, non tenentur ex obligatione iustitiæ in eam curam incumbere.

2 Idem obeamdem rationem resolves de ipsis testibus, qui vocati testamentum, vel codicillum in scriptis subscripserunt. Hi siquidem ad aliud non tenentur ex iustitia, quam ad fidem faciendam coram Iudice, quoties ad id vocati fuerunt. Non item ad curandum, ut huiusmodi testamentum aperiatur, in eoque contenta innotescant.

3 Reservationi non sunt obnoxii illi consanguinei, qui ab aedeunda hereditate ab intestato à proximioribus fuerunt exclusi, si testamentum, vel codicillum clausum, quem non ignorant à Defuncto

fa-

factum, aperiri non curent: Quia ipsis non incumbit obligatio talem aperi-  
tionem curandi, sed iis qui hereditatem  
re ipsa adierunt. Ideoque cum absit  
negligentia, consequenter etiam reserva-  
tio. Vide superius annot. 2. n. 2. & 3.

4. Reservantis juris dispositioni non  
subjacet, qui ex negligentia, vel culpa la-  
ta nedum curat, ut publicetur, sed subdo-  
le agit, ut occultetur testamentum, vel  
codicillus nuncupativus. Quia litera res-  
ervationis loquitur de tabulis Testato-  
rum clausis, non de nuncupativis, quæ  
cum suapte natura sint apertæ, non indi-  
geant aperiri, sed solum publicari: patet  
ex annot. 4. n. 11. Delinquit tamen morta-  
liter, & tenetur ad damnorum ex tali  
subdola occultatione provenientium re-  
sectionem.

5. Extra telum reservationis existit,  
qui ex negligentia civili levissima, & le-  
vi omittit operam dare, ut clausæ Testa-  
torum tabulæ aperiuntur. Quia talis ne-  
gligentia, ex inconsideratione, & inad-  
vertentia proveniens, sicuti eo casu à cul-  
pa mortali excusatur, ita etiam à reserva-  
tione, quæ lethalem culpam supponit.  
Constat ex annot. 3. n. 7.

6. Idem resolves de illo, qui ob legiti-  
mum impedimentum prudentis Confes-  
sarii iudicio pensandum, intermittit in-  
tra sex mensium spatium curam adhibere,  
ut ultimæ defunctorum voluntates  
aperiantur, & innotescant, etiam si ad id  
ex iusticia teneatur. Quia legitime impe-  
dito non currit tempus, & consequenter  
non est damnandus culpabilis moræ, &  
negligentiæ.

7. Excusatur ab hac reservatione, qui  
ex metu gravi transgreditur Episcopale  
præceptum de aperiendis testatorum ta-  
bulis: ut si ex hæredibus alter alteri gra-  
via mala, vel damna intencet, si atten-  
tet, ut testamentum, vel codicillus clau-  
sus aperiatur. Quia metus gravis mali,  
licet in hoc casu non excuset hæredem à  
peccato contra iustitiam ob transgressio-  
nem juris naturalis; censetur tamen ex-  
cusare à reservatione, quæ inducitur  
jure humano, quod regulariter non obli-  
gat cum tanta severitate, & detrimento.  
Neque alia ceteri debet mens Legislato-

ris, quàm ut reservantis legis obligatio  
cesset in tali casu. Grassius in praxi capi-  
te decimotertio, numero vigesimo octa-  
vo, in simili de incestu. Ponacina de le-  
gibus disputatione secunda, quæstione  
octava, puncto secundo, numero sexto.  
Layman lib. 1. tract. 4. cap. 14. numero  
quinto.

8. Ab hac reservatione, sed non à cul-  
pa mortali censendi sunt immunes, qui  
ex negligentia lata, vel dolo intermit-  
tunt in eam curam incumbere, ut clau-  
sæ testatorum tabulæ aperiuntur, & pu-  
blicentur: si nondum effluxerit sex men-  
sium spatium à die obitus testatoris, vel  
habitæ tabularum notitiæ numerandum:  
pater ex litera reservationis, & constat  
ex annotatione octava, num. vigesimo-  
quinto. Quoties tamen incuriosi hæredes  
in culpabili mora existunt, neque à Peni-  
tentiariis ipsis possunt absolvi ob mor-  
tale peccatum, in quo jugiter, & volunta-  
riè versari presumuntur: nisi prius serio  
proponant, ac spondeant quamprimum  
se curaturos, ut clausæ testatorum tabulæ  
aperiantur: in iisque disposita executio-  
ni mandentur.

9. Resolvendum non improbabili-  
ter, hæredem, qui intra sex menses negle-  
xerit curam adhibere, ut testamentum  
clausum aperiretur, si postmodum huius-  
modi aperiitionem fieri curet, tali aperi-  
tione facta, ab hac reservatione liberum  
manere, atque ideo à peccato ob culpa-  
bilem moram contracto, à quocumque  
Confessario posse absolvi. Vide superius  
annot. 9. nu. 25. & Doctores ibidem  
citos.

## DE GRATUITATE

*Hujus Delicti, & Obligatione  
Confessarii.*

1. **G**Rave profecto scelus est subdola  
testamentorum suppressio, gra-  
vius, ac perniciosius, quàm neglecta lega-  
torum solutio. Siquidem ad horum solu-  
tionem incuriosi, ac perversi hæredes  
compelli possunt, & sæpè compelluntur  
tùm à Judice Ecclesiastico, tum Seculari:  
cùm

eodem iudicium huius jurisdictionis sit mixti fori, deturque locus præventioni: sicuti notavit Abb. in *cap. si hæredes* n. 3. In dolosa verò testamentorum suppressione interclusa manet omnis via vrgendi hæredes ad exequendas ultimas voluntates, succurrendique miseris defunctis. Ideoque penitus defraudantur Ecclesie, ac loca pia; defraudantur legitimi hæredes, ipsique miseri defuncti, omni auxilio destituti, cum maximo horum spiritali, illorum verò temporali damno, & detrimento.

Hinc testamenta occultantes crimine falsi teneri, docent Bart. in *l. testam. & ff. de falsis*, & in *l. sub prætextu cod. de trans.* & Lud. Bol. in *l. 2. §. si quis dolo malo*. Quas juris constitutiones licet Doctores potissimum intelligant de Notario, & persona publica: Nihilominus de omnibus testamentis occultantibus esse intelligendas, constat ex *l. Qui testamentum*, quæ universaliter de omnibus loquitur. Quamobrem cum plura in uno catenentur delicta, pluribusque ex hac fraude, ac deceptione proveniant damna, ut ea evitentur, vigilantissimus Episcopus, & Legislator sapientissimus hunc casum reservatorum indici adiciere, ejusdemque tum iudicium, tum supplicium jure merito sibi reservare decrevit.

Confessarius igitur absolvendi à reservatis facultate munitus, qui heredem vel incuriosum, vel subdolum, in curando, ut clausæ testatorum tabulæ aperiantur, repererit, in primis ipsi aperiat, quàm grave delictum committat; illumque urgeat, ac inducat ad præstandum, quod debet, circa aperationem, & impletionem testamenti. Quod si hæres ante absolutionem id præstare nequeat, præmissa cautione saltem juratoria illud faciendi quæprimùm aperiri; item restituendi, si opus fuerit, quod ad veros hæredes, & legatarios pertinebit, cum fructibus, & emolumentis, quæ à die mortis testatoris percipere poterant, à Confessario privilegiato poterit absolvi, sicuti constat, ex illa particula. *Conceditur præmissa, &c. quoad tabulas testamentarias cautione, &c.* in concessione facultatis cum limitatione opposita.

Confessarius verò simplex si quem penitentem in hunc casum incidisse deprehenderit, gravitatem delicti, cujus iudicium, transactis sex mensibus, Episcopo reservatur, illi patefaciat. Insuper illum de obligatione curandi, ut quæprimùm testamentum aperiat, in eoque disposita executioni mandentur, certiores faciat, atque ad id faciendum inducat. Quoties verò in mora illum culpabili existere compererit, quacumque promissione, vel cautione præmissa, nullo modo absolvat. Alioquin, præter nullitatem absolutionis, incurret pœnas, in præsumentes absolvere à casibus Episcopo reservatis, sine ipsius licentia, infligtas: de quibus latè superius post Edictum casuum in Dicecesi Brixienfi reservatorum.

Vtrum autem hæres, qui in culpabili mora extitit, si postmodum testamentum aperiri curaverit, tali aperatione facta, à Confessario simplici possit absolvi, vide supra annot. 9. n. 25.

## I N

## DECIMUM

## Casum Reservatum.

In Edicto sub hac litera  
expressum.

*Omissio restitutionis incertorum ultra sex  
menses, quæ injustè retinentur: quo-  
ties viginti librarum parvarum  
summam excedunt.*

## A N N O T A T I O N E S.

- 1 Huius casus reservatio valdè differt à casu in antiqua reservatorum tabella expresso.
- 2 Bona incerta, vacantia, & derelicta sunt diversa.
- 3 Quenam sint bona vacantia.
- 4 Quenam bona derelicta.
- 5 Quenam propriè dicantur bona incerta.

- 6 *Litera reservationis non comprehendit bona vacantia, & heredita.*
- 7 *Bona incerta triplicia, alia ex delicto, alia ex contractu; alia ex inventione, vel inventa.*
- 8 *Sub dispositione juris reservantis veniunt omnia incerta, sed potissimum ex delicto acquisita.*
- 9 *Incerta ex contractu, vel inventa, alia iuste, alia iniuste comparata.*
- 10 *Reservatio intelligitur tantum de incertis ex contractu, vel inventione iniuste retentis.*
- 11 *Incerta, quorum Dominus ignoratur, an in pauperes, vel alia pia opera sint convertenda, Refertur duplex sententia.*
- 12 *Quid de incertis iusto contractu acquisitis.*
- 13 *Incerta ex contractu quandonam restitutioni sint obnoxia.*
- 14 *Omissio restitutionis, alia culpabilis, alia inculpabilis.*
- 15 *Reservatio intelligitur de omissione restitutionis mortaliter culpabili.*
- 16 *An inopia excuset a restitutione incertorum ex delicto acquisitorum.*
- 17 *Quid si debitor postea ad meliorem fortunam redeat.*
- 18 *An pauper propria auctoritate incerta sibi applicare possit.*
- 19 *Excusatur a reservationis poena, qui ob impotensiam omittit restituere incerta.*
- 20 *An pauper, cui rite applicata fuerunt incerta, si postea Dominus compareat, teneatur restituere bona sibi applicata.*
- 21 *Negativæ sententiæ adhaerens non pauci.*
- 22 *Affirmativam probabiliorum putat auctor.*
- 23 *Omissio restitutionis incertorum, quæ iniuste retinentur, reservationi non est obnoxia, nisi ultra sex menses culpabiliter fuerit dilata.*
- 24 *Reservatio huiusce culpabilis omissionis non habet locum, nisi incerta iniuste retenta viginti librarum parvarum summam excedant.*
- 25 *Debitor, qui fuit in mora culpabili restituendi incerta, si postmodum effluxis sex mensibus ea restituat, an liber maneat a reservatione.*

- 26 *Negativam sententiam nonnulli sustinent.*
- 27 *Auctor in proposito casu cum distinctione procedit.*
- 28 *Confessarius simplex neque licite, neque valide morosum incertorum debitorem valet absolvere.*
- 29 *Confessarius absolvendi a reservatis facultate munitus incertorum debitorem, si alias sit recte dispositus, potest absolvere: eorumdem tamen applicatio ab ipso fieri nequit, quoties decem aureorum summam excedunt: si tamen fieret, illicita quidem, & dosestabilis, valida nihilominus existeret applicatio.*
- 30 *Incertorum debitor, etsi valde expediat, ut in eorumdem restitutione utatur consilio Episcopi; nihilominus si ea ulterius pauperibus distribuatur, tali restitutione facta, videtur liberari a reservatione.*

# ANNOTATIO I.

- 1 **H**ic casus valde differt a casu incertorum in antiqua reservationis tabella expresso, ut licet videre tum ex Zecco cas. 7. Tum ex libello constitutionum Ecclesiæ Brixienfis, pag. mibi 8a. post varia Edicta. Nam apud Zeccum l.c. huius casus reservatio lata erat in hæc verba. Casus restitutionis rerum, quæ incertum est quibus restitui debent. In libello verò constitutionum sub istis. Qui res alienas summam duorum aureorum excedentes, quarum Dominus ignoratur, post factam diligentiam de vero Domino inveniundo, adhuc detinere persisterint. Quorum casuum reservatio conveniebat in hoc quòd utraq. comprehenderet non solum res incertas fraude acquisitas, sed etiam quæ ad manus alterius devenissent citra ipsius culpam, quales sunt res inventæ. Differebat verò ex hac parte, quòd prioris casus reservatio caderet etiam supra iudicium à Confessario, vel Penitente faciendum, quibus adimebat facultatem distribuendi res incertas, sive hæc casu inventæ, sive dolo sublatæ essent; quod jus posterius reservans non disponebat, sed reservabat tantum de-  
tentionem quorumcumque incertorum,

Y

sum-

Pars II.



summam duorum aureorum excedentiss. Longè ab utroque recedit casus incertorum à summa prudentia, & providentia Amplissimi Episcopi. Brxlensis hodie propositus, ut patet ex litera, qua damnatur, & reservatur tantum omisio restitutionis incertorum, & non omnium, sed limitatur ad ea, quæ injustè retinentur, & extenditur tantum ad summam, quæ viginti librarum parvarum valorem excedit. Quoad Confessarium verò, ipsi non admittunt facultas applicandi res incertas, nisi quoties summam decem aureorum excedant, quo casu consensum, & facultatem Ordinarii requirere debet.

### ANNOTATIO II.

2 Quocirca notandum est hæc tria, bona vacantia, bona derelicta, & bona incerta valdè inter se differre.

3 Nam bona vacantia dicuntur, quæ supersunt post mortem, non relictis hæredibus; nulloque testamento condito: quæ si sunt laicorum bona, & deficient hæredes intra decimum gradum, spectato jure civili communi, ad fiscum devolvuntur: ut constat ex leg. *Vacan. eod. de bon. vacan.*

4 Bona derelicta dicuntur, quæ à propriis Dominis deferuntur, sipe intentione ampliùs ea recuperandi. In quorum tamen numerum non veniunt ea, quæ in periculo naufragii dejiciuntur in mare: dummodò ea vel ex conjecturis, vel suapte natura pro derelictis non habeantur. *Graff 1. par. decis. aur. lib. 3. c. 8. n. 9.*

5 Bona verò incerta dicuntur, quæ vel nunquam habuerunt dominum, ut gemmarum & lapilli in maris litore: vel quæ dominum quidem habuerunt, sed nunc domino carent, ut thesauri dudum repositi, quorum domini, eorumve hæredes mortui, aut incogniti sunt: vel quæ dominum quidem habent, sed ignotum; uti sunt bona inventa: vel quæ debentur ex delicto, aut contractu, quorum tamen dominus, vel creditor ignoratur. Qua de re vide *Lestium lib. 2. cap. 14. num. 38. & cap. 5. dub. 12. Molinam tom. 3. tract. 2. disp. 54. Layman lib. 3. sect. 5. tract. 1. cap. 5. num. 21. q. 13.*

6 Litera igitur non loquitur de bonis vacantibus, derelictis, sed de bonis incertis: neque de omnibus incertis, sed de iis quæ impræsentiarum habent dominum, sed ignotum.

### ANNOTATIO III.

7 Cæterum notandum est, quòd incerta, quorum Dominus ignoratur, tribus modis possunt esse acquisita, vel ex delicto, v.g. furto, usura, rapina, &c. vel ex contractu, v.g. emptione, conductione, mutuo, deposito, &c. vel ex inventione, quia scilicet publico loco inventa sunt.

8 Modò juris reservantis dispositio intelligenda est de rebus incertis ex delicto, & injusta acceptione acquisitis, quarum Dominus ignoratur; ita tamen, ut extendatur etiam ad incerta ex inventione, aut contractu comparata, si illa pariter injustè acquisita sint; & consequenter etiam injustè retineantur. Pro quo.

### ANNOTATIO IV.

9 Notandum, quòd incerta ex contractu, & bona inventa rursus duobus modis possunt esse comparata; vel justè, vel injustè. Justè si debitor ex contractu, vel inventor sufficientem adhibuit diligentiam pro inveniendis Domino, debito, loco, & tempore, & à quibus ratio distavit, Dominum agnoscit posse iniustè verò, si vel nullam, vel non sufficientem adhibuit diligentiam pro Domino inquirendo, vel non debito loco, & tempore, judicio prudentis, pro rei qualitate: Ideoque Dominus culpabiliter nunc ignoratur.

Adverte tamen quòd si veri Domini inventio esset moraliter impossibilis, non teneretur detentor, vel inventor diligentiam adhibere, sed deberet penes se rem incertam asservere, donec debitum elapsum sit tempus prudentis judicio, pro rei qualitate, ut supradictum est: quo elapso, Dominoque non comparente, possit eam pauperibus distribuere.

10 Sub juris igitur reservantis dispositione, quod attinet ad incerta ex contractu, vel inventa, censco comprehendendum.

tum injustè retenta , nimirum illa bona incerta, ad quorum Dominum, vel hæredes inveniendos nulla per detentorem , vel inventorem adhibita est diligentia , vel non debito loco, tempore, & à quibus ratio dictavit, Dominum agnosci posse, juxta supradicta : Ideoque injustè retinentur.

11 Nam quamvis communis sit Doctorum sententia, bona inventa, quorum Dominus ignoratur, danda esse pauperibus , vel ad capiam incertorum deferenda , juxta consuetudinem locorum , vel præcepta Ordinariorum : dummodo prius adhibita fuerit sufficiens diligentia, pro Domino inveniando , & Dominus non fuerit inventus: quæ sententia in præxi est consulenda . Nihilominus plurimi etiam, & gravissimi Doctores, ut P. Nav. lib. 4. c. 2. n. 75. Sotus lib. 5. q. 3. art. 3. Arragon. q. 62. art. 5. Lessius lib. 2. c. 14. dub. 6. nu. 48. Dian. p. 2. tract. 3. resol. 5. Layman lib. 3. tract. 1. c. 5. n. 2. Escobar tract. 3. exam. 2. c. 3. probabiliter docent inventorem rei incertæ, cessante lege , & secluso Superioris præcepto, vel consuetudine vim legis obtinente, posse post sufficientem adhibitam diligentiam res inventas retinere cum onere restituendi, quando Dominus comparuerit, si res adhuc extet; non autem si consumpta sit, neque consumptor inde factus sit locupletior: Quia hujusmodi bonæ post adhibitam sufficientem diligentiam perinde se habent, ac si nullum haberent Dominum , fiuntque primi occupantis.

12 Idem docent de bonis incertis justo contractu acquisitis, V. g. deposito, commodato, mutuo, venditione . Nam etsi priorum sit persuasio, eam pia opera eroganda esse: tamen probabile etiam est, ea posse tanquam adepta , post diligentem inquisitionem retineri : Sicuti docent P. Nav. lib. 4. c. 2. n. 46. Layman lib. 3. tract. 4. capit. 9. num. 1. Lessius lib. 2. cap. 14. num. 38. maxime si in eo loco nullum extet decretum de hujusmodi bonis ad capiam incertorum deferendis. Quia incertorum bonorum restitutio facienda non est jure naturali, aut Divino, sed tantum jure positivo, sicuti fatentur Sotus, Covar. Medina, Lessius, quos citat, & sequitur

Layman loc. cit. Atqui jus Ecclesiasticum solum præcipit , ut quæ injustè acquisita sunt, puta per usuram, si propriis Dominis restitui non possint, in pauperes, vel alias pias causas erogentur, præterquam si lex particularis Episcopi, vel consuetudo loci aliud præcipiat.

13 Propterea cum in Brixienfi Diocesi nullum extet decretum, vel consuetudo vim legis obtinens, quæ obliget ad hujus generis incerta, vel pauperibus distribuenda , vel ad capiam incertorum deferenda : Idcirco eo casu si non injustè à possessore retinentur, neque juris reservantis dispositioni erunt obnoxia.

## ANNOTATIO V.

14 Sed ulterius notandum est, quod omissio restitutionis incertorum, quæ injustè retinentur, potest esse vel culpabilis, vel inculpabilis. Culpabilis si detentor, vel inventor nullo, vel physico, aut morali detineatur legitimo impedimento, quominus incerta injustè à se retenta pauperibus, vel piis locis distribuere possit: inculpabilis verò, si laboret impotentia: ut si prematur gravi necessitate, vel non possit restituere, nisi cum detrimento famæ, aut status justè acquisiti . Nam impotentia, & actualis restitutio pares sunt saltem in ordine ad excusandum à culpa, & reservatione tali culpæ adnexa. Ita Petrus Nav. lib. 4. c. 4. n. 40. Molin. tr. 2. tom. 3. post disp. 754. Layman lib. 3. tract. 2. c. 12. n. 1. & 2.

15 Litera igitur reservationis accipienda est de omissione restitutionis incertorum injusta, injuriosa, & mortaliter culpabili : Nam reservatio prærequirit culpam mortalem, ut sæpe dictum est, & communiter docent Doctores.

16 Nec refert ad excusationem ob impotentiam, etsi incerta hujusmodi ex delicto fuissent acquisita: Nam tunc etiam tam à peccato, quam reservatione excusaret impotentia ; eo quod obligatio restituendi pauperibus incerta injustè acquisita, secundum probabilem multorum Doctorum sententiam ex jure Ecclesiastico proveniat, quod magna cum severitate

## 324 Elucidatium Casuum Reservatorum :

tate non obligat, teste P. Navar. loc. cit. n. 50. & Layman loc. cit. n. 3.

17 Quare valde probabilis est sententia Lessii lib. 2. cap. 4. dub. 64. Cajetan. 2. 2. q. 62. art. 5. Vasquez de restitutione. cap. 5. dub. 1. num. 1. Petri Navar. lib. 4. cap. 2. n. 53. Molin. tract. 2. tom. 3. post disp. 747. num. 1. quos sequitur Layman. loc. cit. in tali casu obligationem restituendi pauperibus incerta non suspendi tantum, sed omnino sopiri; adeo ut tamen postea debitor ad pinguorem fortunam redeat, nihil pauperibus restituere teneatur. Quia debitor, ut supponitur, verè pauper est: Ideoque ea sibi retinendo, verè dicitur distribuere pauperibus, juxta generalem Summi Pontificis, & ignoti domini intentionem.

18 Addo, communem esse Doctorum sententiam Scoti in 4. dist. 15. quæst. 2. art. 4. Medin. cod. de restit. q. 3. causa 10. §. esto igitur. Navar. de redd. Ecclesiast. quæst. 3. monito. 25. & man. cap. 17. num. 93. P. Navar. lib. 4. cap. 2. num. 53. Molin. tract. 2. tom. 3. post disp. 747. num. 1. Lessii lib. 2. cap. 14. dub. 6. num. 41. quos sequitur Layman lib. 3. tract. 2. cap. 12. n. 3. pauperem bona incerta habentem posse ea sibi applicare, cum ipse non debeat esse peioris conditionis, quam alii pauperes. Quod verum est (ait Lessius cit.) etiamsi ea fuissent ex delicto acquisita, licet ratione delicti commissi mereatur iisdem privari.

19 Resolvendum igitur est, omittentem restituere pauperibus incerta ex impotentia, vel paupertate, nulla ligari reservatione: imò ea sibi applicare, plenoque domini jure acquirere posse.

### ANNOTATIO VI.

20 Sed hinc oritur difficultas: num pauper, qui sibi applicavit rem incertam, si post applicationem inveniatur rei dominus ad illius restitutionem teneatur?

21 Respondent Azor. 3. p. lib. 4. cap. 25. Henric. lib. 7. c. 34. num. 6. Vasq. de restit. c. 5. §. 4. d. 1. & 4. Bonac. de restit. q. 3. punct. 4. n. 18. pauperem, cui post adhibitam sufficientem diligentiam ad inveniendum

Dominum, expectatoque debito tempore applicata fuere, vel sibi met applicavit incerta, reperto postea Domino ad nihil teneri; non ratione injustæ acceptionis, quia purgata fuit culpa, per diligentiam adhibitam ad inveniendum Dominum, neque ratione rei acceptæ, quia acquisivit dominium, rei sibi applicatæ. Et hæc opinio est probabilis.

22 Cæterum probabilior videtur sententia Molin. tom. 3. disp. 747. n. 4. Filliue. tract. 32. cap. 5. num. 99. Silvii 2. 2. qu. 62. art. 5. quæsit. 5. concl. 2. Lessii lib. 2. cap. 14. dub. 6. num. 43. assertentium, teneri pauperem eo casu restituere rem incertam sibi applicatam, si adhuc extet apud ipsum in specie, vel in pretio: Ideoque factus sit ditior. Quia distributio incertorum semper fit cum tacita conditione, si non compareat Dominus, antequam illa consumpta sint. Secus dicendum; si rem incertam pauper jam consumpsisset, vel alienasset, etiamsi apud alterum, cui pauper tradidisset, extaret, neque ex alienatione, vel consumptione factus sit locupletior. Vide Layman lib. 3. sect. 5. tract. 1. c. 5. n. 24.

### ANNOTATIO VII.

23 Amplianda est assertio supra dicta, ut tamen iniustus incertorum detentor pauperie non impediatur, neque impotentia laboret, ideoque in mora culpabili existat in reservationem tamen non incidat, nisi ultra sex mensium spatium à die contractæ obligationis incertorum, quæ injuste retinet, restitutionem differat: Sicuti clarè constat ex verbis reservationis. Quo casu etsi fortè injuriosus debitor non exousaretur à mortali culpa, si cessante omni impedimento eorumdem restitutionem negligat; eximeretur tamen ab hac reservatione, quæ non habet locum, nisi effluxu sex mensium spatii. Quod præter expressum in jure reservante terminum, Confessoriorum in Diœcesi Brixienſi usus, & praxis confirmat.

24 Præterea circa istius casus reservationem Confessariis ignorandum non est, ad incidendum in casum non suffice-

re,

ne, quod injustus incertorum detentor in mora culpabili ea restituendi existat, aut eorumdem restitutionem ultra sex menses culpabiliter differat: sed insuper requiritur, ut valor incertorum, quæ injuste retinentur, viginti librarum parvarum summam excedat. Alioquin injustus detentor eo casu, si minùs mortali crimine, certè immunis erit à reservatione: quod clarè constat ex ea particula. *Quoties viginti librarum, &c.* quæ novissimè præalto consilio isti casui addita fuit. Ea enim Sapientissimi Legislatoris lenitas est, ac prudentia, ut tùm sex mensium concessione ad restituendum, tùm viginti librarum valoris exceptione hujus casus voluerit moderari rigorem. Quare si poenitens incerta injustè retenta vel tunc restituat, vel cùm commodè poterit se restitutum promittat, si aliàs sit rectè dispositus, per Confessarium simplicem poterit absolvi, quoties illorum valor viginti librarum summam non excedit.

ANNOTATIO VIII.

25 Major difficultas est: an qui fuit inculpabili mora restituendi incerta, viginti librarum parvarum summam excedentia, si ante Sacramentalem confessionem ea ultro pauperibus distribuât, an inquam, in tali casu extra telum reservationis existat.

26 Negativè respondet Bonac. de restit. disp. 1. quæst. 3. punct. 4. num. 20. cui subscribit Mazuchell. de cas. reser. disp. 2. cap. 13. diff. 8. quæst. 3. num. 54. sustinentes eo casu durare adhuc reservationem, etiamsi facta, sit incertorum restitutio. Quod probant tum ex decreto Synodi XI. Mediolanensis, tùm ex praxi in eadem Mediolanensi Diocèsi recepta.

27 Caterùm quidquid sit de allegata praxi, & decreto Synodi XI. (quibus nixus Mazuchellus Bonacinæ sententiæ subscribit) ea nullam vim habent in hac Brixienfi Diocèsi, quæ non subest Synodis Diocesanis, sed Conciliatùm Provincialibus Mediolani celebratis, quæ de hac re nihil statuunt. Quare magis placet sententia, quæ in hac incertorum distri-

butione procedit cum distinctione circa ordinem Confessariorum, & similiter circa Confessarios, & debitores ipsos: quæ distinctio distinctis assertionibus breviter est explicanda.

28 Dico igitur primò, si incerta, quæ injustè retinentur, viginti librarum parvarum summam excedant, sexque mensium spatium effluxerit, debitorem, qui est in mora restituendi præmissa quacumque promissione, seu cautione: imò licet in ipso Sacramentalis confessionis actu ea restituere velit, à Confessario simplici, non obtenta priùs facultate ab Episcopo, neque validè, neque licitè posse absolvi. Quia tum absolutio, tum restitutio, seu applicatio incertorum injustè acquisitorum in Sacramentali confessione faciendâ, quoties ea viginti librarum parvarum summam excedunt, est Episcopo reservata: sicuti constat tum ex litera reservationis, tum ex concessione facultatis absolueudi ab hoc casu cum limitatione, & tradit Navar. in man. cap. 17. nu. 92. Et in hoc casu, & sensu (ait Navarrus) defendi potest consuetudo Episcoporum, qui restitutionem incertorum sibi reservant.

29 Dico secundò, si incerta injustè retenta summam decem aureorum excedant, Confessariis absolvendi à reservationis facultate munitis integrum esse incertorum debitorem absolvere, si spondeat, vel cautionem præstet ea restituendi, aut illicò ea restituere velit: sed non posse sine gravissima culpa hujusmodi applicare bona sine speciali Episcopi licentia, quoties eorum valor summam decem aureorum excedit. Prior pars assertionis patet ex particula. *Conceditur*, in limitatione facultatis posita. Posterior est illis verbis. *Sed applicatio non fiat, &c.* Quod si tamen Confessarius privilegiatus contra Episcopi prohibitionem, ac mentem temerario ausu applicaret, gravissimè profecto delinqueret, & puniri posset: nihilominùs tã absolutio, quã applicatio valida existeret. Quia illa verba. *Sed applicatio non fiat, &c.* Confessariis privilegiatis facultatem non limitant, sed illis tantùm præceptum imponunt incerta non applicandi sine speciali licentia Epi-

Y 3 scopi:

scopi: cujus præcepti transgressio etsi actum illicitum, ac mortiferum reddat, non tamen invalidum. Nam aliud est actum prohibere, aliud irritare, teste Layman lib. 1. tract. 4. cap. 16. num. 3. Faciunt quæ habet Sanchez lib. 2. de matrim. disp. 9. & lib. 3. disp. 33. Avila 2. par. cap. 7. disp. 3. dub. 9. concl. 2. Lupus de cas. refer. par. 2. cas. 3. §. 1. num. 19. in simili de Confessariis facultate prædictis, absolventibus debitorem legatorem piorum, non præmissa satisfactione, contra præceptum Episcopi.

30 Dico tertio, etsi magnoperè expedit, ut incertorum debitor in eorum distributione utatur consilio Episcopi, vel Parochi, aut prudentis Confessarii, quia facilis amor proprius in hoc negotio decipit: si tamen debitor ea ultrò, & per se pauperibus distribuat, tali restitutione prudenter facta, ipsum ab omni reservatione liberari. Et ratio est, tum quia reservatio in hoc casu non afficit incertorum debitores, sed tantum Confessarios, ut latè probatum fuit in priori Elucidarii parte Resolutione 22. quibus, si simplices sint, admittit facultatem eos absolvendi; si privilegiati, prohibet applicationem, sine prævio Episcopi consensu: Ergo facta restitutione, sicuti eo casu nulla manet neglecta omisso restitutionis; ita neque reservatio: Tum quia si, facta restitutione, adhuc durares reservatio, nihil referret, sive restitutio jam facta sit, exonerataque conscientia, sive non: quod videtur alienum à mîste Legislatoris, qui hac reservatione censetur voluisse incuriosos debitores ad restitutionem urgere, qui finis primarius est, applicatio verò secundarius. Facta igitur prudenter restitutione, debitor ab omni reservatione immunis censi debet, & consequenter à contracta culpa per culpabiles moram, si talis fuerit, à quocumque Confessario poterit absolvi. Ita Sylvest. V. restitutio 8. quæst. 6. Navar. cit. cap. 17. n. 92. Molin. de just. disp. 747. num. 1. Henric. lib. 3. de pœnit. cap. 14. n. 5. Lupus de cas. refer. loc. cit. Lessius lib. 1. cap. 14. dub. 6. nu. 47. Qui addunt, quòd debitor incertorum, quæ injustè retinentur, non potest impediri, quin per seipsum, sine Episcopi, vel Con-

fessarii consilio ea pauperibus distribuat, suamquæ conscientiam, prout debet, exoneret: cum ad id naturali (juxta communiorè DD. sententiam) positivoquæ jure, cap. cum tu de usur. & cap. cum sis, de judiciis, teneatur, contra quod nulla consuetudo potest invalere. Vide Navar. & Lessium ll. cc.

Dices. Pœnitentiariis non licet applicare incerta, quæ injustè retinentur sine speciali facultate Episcopi, quoties decem aureorum summam excedunt, ut constat ex verbis limitativis facultatis absolvendi ab hoc casu: Ergo neque licebit detentoribus, seu debitoribus ipsis.

Respondeo, eam prohibitionem respicere tantum Confessarios for. asse, ut ea videntur mala, quæ ex quorundam Confessariorum vel avaritia, vel infortia provenire possunt, non verò respicere debitores, quin per se ipsos incerta restituere valeant. Valdè tamen expedit, ut in hujusmodi bonorum distributione utantur consilio Episcopi, vel Parochi, ut superius etiam monui.

## RESOLUTIVA PRAXIS

### Pro Incidentibus.

1. **E**X prænotatis statuitur regula generalis. In reservationem incidunt quicumque incerta injustè acquisita, & retenta restituere omittunt, quoties eorum valor viginti librarum patiarum summam excedit, sexque mensium spatium à die contractæ obligationis effluxerit.

2. In specie verò resolves, illum reservatione ligari, qui requisito, & non reposito dominii, intermitit restituere incerta injustè, hoc est, ex delicto, v.g. furto, rapina, usura, &c. acquisita: dummodo concurrant conditiones in litera expressæ, superiori casu relatæ.

3. Subjacet reservationi, qui, vendendo, vel emendo, fraude adhibita in pondere, numero, vel mensura, summam viginti librarum parvarum excedentè collegit, cujus summæ Dominus propter multitudinem ementium omnino ignoratur, si eam deinde ultra sex menses, nulla

nulla excusante impotentia, retineat. Quia huiusmodi summa tali fraude collecta venit nomine incertorum; quæ injustè retinentur.

4 Incidit, qui cum esset debitor ex contractu, & posset invenire Dominum, adhibere debitam diligentiam neglexit: Ideoque nunc Dominus omnino ignoratur: Quia culpabilis omisso, in requiring Domino efficit culpabilem detentionem rei alienæ, & detentorem possessorem malæ fidei: Ideoque modo comprehenditur sub nomine rei incertæ injustè retentæ: Quod intellige, si ceteræ conditiones ad incidendum requisitæ adsint.

5 Idem resolves de inventore, qui ab initio culpabiliter prætermisit rei inventæ requirere Dominum: Ideoque nunc factus est impotens ad inveniendum Dominum: huiusmodi enim res inventæ veniunt nomine incertorum, quæ injustè retinentur. Proindeque, si valor rei inventæ viginti librarum parvarum summam excedat, post effluxum sex mensium spatium, detentio illius rei utpote injusta reservationis erit obnoxia.

6 Reservatione afficitur hæres, cui per testatorem relictum est onus restituendi incerta, injustè ab ipso retenta; si post obitum testatoris, & aditam hæreditatem scienter, & culpabiliter omittat ultra sex mensium spatium ea restituere: dummodo eorum valor viginti librarum parvarum summam excedat. Quia hæres succedit obligationibus realibus testatoris: & nihil refert, an ipse eam contraxerit, vel suscepit obligationem ab alijs contractam restituendi incerta injustè retenta. Nam cum casus non distinguat, nec nos distinguere debemus.

7 Idem ob eamdem rationem resolves de quocunque alio, qui ex contractu sive gratuito, sive oneroso suscepisset obligationem restituendi supradicti valoris, quæ alter injustè retinebat, si culpabiliter deinde ultra sex mensium spatium eorum restitutionem differat. Nam & huic conveniunt verba legis reservantis: cui autem conveniunt verba legis, & ejus dispositio competere debet.

## RESOLUTIVA PRAxis

*Pro Non Incidentibus.*

1 **N**on innodatur casu, qui omittit restitutionem bonorum vacantium, vel quæ pro derelictis habentur: Quia litera reservationis loquitur de bonis incertis, quæ injustè retinentur. In odiosis autem non est facienda extensio.

Pro derelictis autem habentur in mare jacta, quæ suapte natura sunt peritura, ut saccharum, farina, libri, fructus, metallum, quod propter gravitatem tendit ad profundum, si mare sit ita peraltum, ut non facile hauriri possit; vel si ex verbis projicientis, aut ex circumstantiis loci, temporis, modi, quo res projectæ sunt, colligatur pro derelictis haberi. Graffius 1. par. decis. aure. lib. 4. cap. 14. num. 74.

2 Non incidit, qui omittit restituere res furtivas, vel injustè acquisitas, quarum Dominus non ignoratur: Quia huiusmodi malè ablata non sunt incerta, sed certa, quamvis injustè retenta.

3 Idem resolvitur de eo, qui res alienas, quarum Dominus ignoratur, injustè detinet, quoties probabilem reperendi Dominum spem habeat: Quia huiusmodi bona malè parta adhuc non veniunt nomine incertorum; & poenitens à quocunque Confessario absolvi potest, dummodo habeat sincerum animum requiring Dominum; ipsique, vel ejus loco pauperibus, si Dominus non innotuerit, debito tempore restitutionem faciendi. Molin. disp. 747. num. 4.

4 Non est obnoxius, qui retinet incerta ex contractu acquisita, vel inventa, ad quorum Dominum inveniendum adhibita est debita diligentia iudicio prudentis, pro rei qualitate: Quia litera loquitur de incertis, quæ injustè retinentur, incerta aut ex contractu, vel inventa in hoc casu secundum multorum Doctorum sententiam injustè non retineantur. Quod verum est, nisi Superior præcipiat, ut huiusmodi bona ad causam incertorum deferantur, quod hucusque in Brixienfi Diœ-

Y 4 cessi

ecce non est factum. Vide superius annotatione 4. n. 11.

5 Reservacioni non est obnoxius, qui ante adhibitam debitam diligentiam pro inveniendo Domino, incerta ex contractu, vel inventa proprio arbitrio in pia opera convertit. Nam licet iste non satisfaciatur suae conscientiae, sed teneatur postmodum facere competentem diligentiam pro Domino inquirendo, eique reperto de suo restituere, quae pauperibus non ritè distribuit, ut ex communi docent Lessius lib. 2. c. 14. n. 31. Molina citato disp. 747. nu. 4. tamen in hoc casu non adest omnisio restitutionis, nec vera incertorum conditio. Quia incerta ex contractu, sicut etiam inventa non dicuntur proprie incerta nisi post adhibitam sufficientem diligentiam, debito loco, & tempore pro inveniendo Domino, ipso non reperto.

6 Idem resolvitur de illo, qui incerta ex delicto, praemissa inquisitione, & non reperto Domino, auctoritate propria in pauperes, aliaque pia opera convertit. Qui debitor incertorum, quae injustè retinentur, non potest impediri, quin ea per seipsum pauperibus largiatur, suamque conscientiam, prout debet, exoneret: cum ad id teneatur tum jure naturali (juxta communionem DD. sententiam) tum Ecclesiastico, *cap. cum tu, de usur. facta* igitur restitutione, cessare censetur omnis reservatio. Vide superius annotatione octava, numero trigésimo, & Doctores citatos.

7 Non ligatur reservacione, qui rem inventam, praemissa sufficienti diligentia, debito loco, & tempore pro Domino inveniundo, & non invento, sibi retinet: eo vel maxime si sit pauper. Quia reservatio Episcopalis non cadit supra dispositionem incertorum respectu inventoris, sed supra lethalem culpam ejusdem inventoris non restituentis incerta, hoc est, inventa, injustè ab ipso retenta: inventa autem in hoc casu non injustè retineri, constat ex annot. 4. num. 11. & Doctoribus citatis.

8 Eadem à reservacione immunitas extenditur ad eum, qui omittit restituere incerta injustè, verbi gratia ex furto, rapi-

na, usura, &c. acquisita, si eorum valor viginti librarum parvarum summam non excedat: patet ex litera, quae expressè excipit, & excludit talem summam. Injustus tamen detentor in isto casu non excusabitur à mortali culpa, si nulla suffragetur causa ex iis, quae à restitutione excusant.

9 Non afficitur reservacione, qui omittit restituere incerta ex delicto acquisita ob impotentiam, v.g. si laboret paupertate tam victus, quam status, ita ut non possit restituere nisi cum detrimento fame, aut status justè acquisiti: Quia eo casu impotentia sicut excusat ab injusta rei alienae retentione; sic etiam à reservacione. Vide annot. 5. n. 16. & Layman l. 3. tract. 2. cap. 12. n. 1. & 2.

10 Idem resolvitur de illo, qui incerta detinens, non est in mora culpabilis detentionis, eo quod hic, & nunc adhibeat diligentiam ad Dominum inveniendum, sed nondum invenerit: Quia licet fortè intercesserit culpa in occupando, non tamen in retinendo. Mazuch. disp. 2. c. 13. qu. 3. n. 51.

11 A reservacione censendus est liber manens, qui fuit in culpabili mora restituendi incerta, injustè retenta, sed ante sacramentalem confessionem ea ultrò pauperibus distribuit. Quia litera præcipue loquitur, & reservat omisionem restitutionis incertorum, quae injustè retinentur, non verò eorumdem restitutionem, seu distributionem extra sacramentalem confessionem per debitorem faciendam. Facta igitur restitutione, cessare censetur reservatio. Vide supra annot. 7. num. 30. & Doctores ibidem citatos.

12 Immunis est tam à culpa, quam à reservacione pauper ille, cui, prius sufficienter requisito, & non reperto Domino, expectatoque debito tempore, applicata fuerunt incerta, si postea, reperto Domino, & re adhuc extante, ea ipsi restituere intermitat. Quod dico secundum probabilem sententiam, quam supra annot. 6. n. 20. retuli, cui tam Confessarius, quam Pœnitens possent se conformare in praxi. Opposita tamen sententia videtur probabilior, & in praxi consulenda.

Vide

Vide prædictam annot.6. & Doctores ibi citatos.

13 Eximitur à reservatione, qui ex applicatione Pœnitentiarii, vel Confessarii absolvendi à reservatis facultate præditi, erogavit in pauperes incerta, quæ injustè retinebat, decem aureorum summam excedentia. Quod verum est, quamvis applicatio hujusmodi facta sit à Confessario sine speciali facultate Episcopi. Constat ex annot.8. nu. 29. Gravissimè tamen eo casu Confessarius delinqueret, & pro temerario ausu puniri posset.

Sed quæres: Vtrum Confessarius, à quo facta est incertorum applicatio ultra decem aureos temerario ausu, hoc est, sine speciali facultate Episcopi, teneatur restituere de suo, eò quod applicaverit pauperibus, vel locis piis, quæ ex Episcopali prohibitione non poterat.

Respondeo, Confessarium, qui inconsulto Episcopo, applicavit incerta injustè retenta ultra decem aureos, peccasse; quidem quam graviter quoad modum applicandi, ut supra dixi, non tamen quoad rem, cum applicaverit illis, quibus debentur, scilicet pauperibus: & consequenter cum non deliquerit contra justitiam, sed tantum contra obedientiam Episcopo debitam, ad nullam teneri restitutionem. Bonacina disp. 1. de restit. quæst. 3. punct. 4. num. 14.

## DE GR A V I T A T E

*Hujus delicti, & Obligatione  
Confessarii.*

1 **Q**uam grave delictum admittat, qui retinet incerta injustè acquisita, cum ea sine magno incommodo, & difficultate restituere possit, ex eo licet conicere, quod hic casus plerisque locis Episcopali reservationi est obnoxius: reservarique non soleant, nisi graviora delicta.

Confessarius propterea, qui noverit penitentem gravi obligatione restituendi incerta injustè retenta, illumque in culpabili mora existere, gravitatem criminis in primis illi aperiat, patefaciatque inju-

stum rerum incertarum detentorem parti gressu cum furibus ad tartarea decurrere supplicia.

Quod verò attinet ad praxim circa absolutionem ab hoc casu, Confessarius simplex, qui penitentem repererit hoc casu irretitum, caveat, ne illum absolvat, non obtenta prius facultate ab Episcopo, vel ejus Generali Vicario; alioquin, præter nullitatem absolutionis, incurreret pœnas, in Confessarios à casibus Episcopo reservatis sine ipsius licentia absolventes inflictas; de quibus supra post Edictum casuum in Dicepsi Brixienti reservatorum. Neque injustus incertorum detentor potest absolvi, quamvis se restitutum promittat: Imò licet in ipso Sacramentalis confessionis actu incerta hujusmodi velit restituere. Quia tum absolutio, tum applicatio incertorum injustè acquisitorum in Sacramentali confessione facienda, quoties vincti librarum parvarum summam excedunt, est Episcopo reservata; ut constat ex litera, & ex prædictis annot. 8. n. 28. Si tamen Penitens ipse rem incertam, injustè acquisitam ultro, & prudenter pauperibus jam distribuit, beneficium absolutionis à Confessario simplici poterit obtinere: cum facta restitutione, probabile sit reservationem cessare: quia de re vide superius præcitata annotat. 8. n. 30. & Doctores ibid. allegatos.

Vicariis verò Foraneis, seu Pœnitentiariis minoribus licet respectu hujus casus sibi non limitetur facultas quoad absolutionem, sed tantum quoad licitam applicationem, quoties incerta injustè retenta summam decem aureorum excedunt; nihilominus nec ipsis licet absolvere penitentem culpabiliter restituere incerta omittentem. Tum quia Pœnitens non præsumitur eo casu rectè dispositus: Tum quia agerent contra præceptum Episcopi in re gravi. Si tamen cognoverint, penitentem sincerum habere restituendi animum, vel debitam cautionem præstet, poterit absolvi. Nam saltem pro his casibus deservire debet illud, *Conceditur*, in limitatione facultatis absolvendi ab hoc casu appositum, ne videatur gratis additum, quod non est dicendum. Vide prædictam annot. 8 nu. 29.

Ad-



Advertant tamen, & Pœnitentarii ipsi, ne vel res incertas applicent pauperibus, vel ipsi detentori tamquam pauperi, ante præmissam sufficientem diligentiam, pro Domino inveniando . Item ne incertorum applicatio ab ipsis fiat, quoties eorundem valor decem aureorum summam excedit, non obtenta prius facultate ab Episcopo : alioquin graviter delin-

querent contra præceptum Episcopi, & puniri possent: Sicuti etiam supra monui, annot. 8. n. 29.

Rejiciant porro Pœnitentes eos, qui spondent Confessario, se semper deprecaturus Deum pro illo cujus est res incerta. Non enim preces pro pretiis, hoc est, pro rebus dandæ sunt; sed semper fieri debet vel incertæ injuste retentæ debita restitutio.

### Finis Posterioris Elucidarii partis .



# ELVCIDARIVM

C A S U U M

RESERVATORVM

H O C E S T,

Nonnullorum Criminum graviorum , quæ plerisque  
locis Episcopo reservantur,

D I L U C I D A E X P O S I T I O.

*Eadem concinna Methodo digesta , resolutivaque  
Praxi illustrata.*

Labor, & industria, de Confessariis aliarum Dioecesium  
benemerendi gratia , ab eodem Authore  
suscepta, iisdemque non parùm  
profutura .



VENETIIS , M. DC. XCII.

---

Apud Antonium Bortolum .

*SVPERIORVM PERMISSV.*



## LECTORI BENEVOLO



*Iraberis fortassè, Lector benevole, quod bipartito Elucidario, alteri selectarum de jure reservante resolutionum, posteriori casuum in Diacesi Brixiensti reservatorum, hìc aliorum etiàm casuum expositionem adjecerim, eò vel maximè, quòd imprasentiarum hac delicta in Episcopatu Brixiensti non sunt reservata. Sed praesto est mea excusationis aequitas. Nam cum probè animadverterim, prater casus, quos sibi reservat Brixiensti Episcopus, complures alios plerisque locis, potissimum verò hos quinque, Episcopo reservari: Idcirco, ut de Confessariis etiàm aliarum Diacesium benemerer, hunc laborem suscepi. Accedit, quòd processu temporis accidere potest, ut hac eadem flagitia, utpotè graviora, in Diacesi etiàm Brixiensti Episcopali Reservationi subjiciantur: Proindeque horum explicationem adiicere, ac edicere non abs re duxi. Hunc igitur alium laborem, licet ad Cleanthis lucernam non elaboratum, ut perbenignè accipias, ac perpensè legas, te etiàm atque etiàm rogo, tibi que suadeas, me in istorum casuum dilucidatione non inhiasse laudi, vel gloria, qua stimulos scribentibus ingerit, sed Confessariorum dumtaxat studuisse commodo, ac utilitati. Vale, & frue.*

*Casus plerisque locis Episcopali Reservationi  
obnoxii , qui hîc dilucidantur , sunt  
sequentes .*

I.

Blasphemia in Deum , aut Sanctos prolata .

I I.

Nefandum Sodomiz peccatum :

I I I.


Coevntes cum Brutis .

I V.

Stuprum Virgini per vim illatum :

V.

Notarii legata Pia intra duos menses à morte Testa-  
toris non denunciantes .



Si in aliqua Diœcesi reservatio fieret his verbis.

*Blasphemia in Deum, aut Sanctos prolata.*

Quomodo intelligenda essent hæc verba.

- 1 Quid sit blasphemia.
- 2 Blasphemia duplex; alia oris, alia cordis.
- 3 Blasphemia cordis excluditur à casu.
- 4 Blasphemia oris, alia publica, alia occulta, & an utraque reservationi sit obnoxia.
- 5 Nonnulli sententiam negativam sustinent.
- 6 Affirmativam probabiliorem putat auctor.
- 7 Blasphemia verbis expressa duplex; hæreticalis, & simplex.
- 8 Quenam sit blasphemia hæreticalis.
- 9 Blasphemia hæreticalis ita nuncupatur, non quod cum hæresi necessario sit conjuncta, sed quia blasphemum de hæresi suspectum reddit.
- 10 Quenam sit blasphemia simplex.
- 11 Blasphemia simplex an sub reservantis juris dispositione sit comprehensa.
- 12 Blasphemia alia in Deum, alia in Sanctos, & an utraque sit ejusdem speciei.
- 13 Regula generalis pro dignoscendo, quando committatur peccatum blasphemie.
- 14 An in signis, vel factis Deo contumeliosis ratio blasphemie consistere possit.
- 15 Blasphemia ratione parvitatæ materic an à mortali culpa possit excusari.
- 16 An ob ignorantiam, venialis fieri possit blasphemia.
- 17 Quid de blasphemia inadvertenter prolata.
- 18 Varii modi blasphemias in Deum jactandi.
- 19 Blasphemia per jocum in Deum prolata an imputetur ad culpam reservationique sit obnoxia. Refertur duplex sententia.
- 20 Quid de blasphemia ex indignatione, vel in rixa emissæ.
- 21 In ebrietate an possit committi peccatum blasphemie. Nonnulli affirmant.
- 22 Sententia negans videtur probabilior, & sustinenda.
- 23 Blasphemia indeliberata, sed ex prava consuetudine orta, an culpæ mortalis sit damnanda. Refertur duplex sententia.
- 24 Blasphemia ex prava consuetudine proveniens, an & quando censenda sit sub dispositione casus comprehensa.
- 25 Audiens blasphemum an teneatur illum denunciare.
- 26 Quandonam quis censendus sit blasphemus consuetudinarius.
- 27 An antequam homo blasphemus denunciatur, præmittenda sit correctio fraterna. Refertur duplex sententia.
- 28 In crimine hæresi formalis, criminosus absque ulla prævia monitione est denunciandus.
- 29 Hæreticus formalis etiam si uni tantum innotescat, spesque emendationis affulgeat, denunciari debet S. Officii Inquisitoribus.
- 30 In delictis ab hæresi formali distinctis, quando non sunt publica, an præmittenda sit correctio fraterna. Nonnulli affirmant.
- 31 Opposita sententia quoad blasphemos hæreticales omnino est vera, & in praxi sequenda.
- 32 Assuetus in Deum, vel Sanctos passim jactare Blasphemiam, an sit absolvendus.
- 33 Blasphemie hæreticales quomodo, & quando, quoad absolutionem ad Episcopum spectent.

A N-

## ANNOTATIO I.

1 **B**lasphe-mia, secundum suam rationem formalem, est locutio falsa in Deum, aut Sanctos per modum convicii, seu contumeliæ. S. Thom. 2. 2. 2. quæst. 13. art. 1. Bannes ibidem. Suarez tom. 1. de relig. lib. 2. cap. 4. n. 1. Dicitur locutio, ut comprehendat blasphemiam mentalem, & vocalem. Siquidem blasphemia committi potest etiam solo corde, de qua infra.

Dicitur falsa, quia omnis blasphemia aliquid falsitatis involuit, vel in actu signato, vel in actu exercito, hoc est, vel secundum rem significatam, vel secundum modum significandi. Secundum rem significatam, ut si de Deo affirmetur, vel quod illi non convenit, vel negetur, quod ei convenit, vel tribuatur creature, quod proprium est Dei. Secundum modum vero significandi, ut si verè Deo aliquid dicatur, quod illi convenit, sed per modum convicii.

Dicitur contra Deum, vel Sanctos, quia blasphemia semper tangit Deum, vel immediate, cum quis directè blasphemat Deum, vel mediatè, cum quis blasphemat Sanctos; quatenus Sancti sunt, sive cum habitudine saltem virtuali ad Deum. Vide S. Thom. cit. Navarr. in man. cap. 12. num. 81. Sanchez lib. 2. mor. cap. 32. num. 6. Valent. 2. 2. disput. 7. q. 13. punct. 1. Tolet. lib. 4. cap. 13. Fillucius tract. 25. num. 8. Laym. lib. 4. tract. 10. cap. 6. num. 10.

## ANNOTATIO II.

2 Exinde colligitur, quod blasphemia directè, & formaliter opponitur laudi Dei. Verum notandum est, quod sicuti laus Dei est duplex, alia interna, sive mente conclusa, altera externa, sive ore prolata; ita etiam duplex est blasphemia, alia cordis, altera oris. Blasphemia cordis dicitur a, quæ mente tantum concipitur, & retinetur: oris verò, quæ verbis etiam exprimitur. S. Thomas, Sanchez,

& Layman loco citato.

3 Cæterum quamvis blasphemia cordis, sive mentalis, si addit plena advertentia rationis, & consensus voluntatis, eandem malitiam contra virtutem Religionis contineat saltem intensivè, ac si ore prolata esset, ideoque possit esse gravis, & hereticalis; Episcopali tamen reservationi non censetur obnoxia, quoties externo actu, hoc est, locutione, & verbis non fuerit expressa, & consummata. Quia, ut sepe dictum est, reservatio intelligitur de actibus exterioribus patetfactis, & consummatis, nisi aliter disponat litera reservationis, vel constet de mente Episcopi reservantis: sicuti ex communi docet Graff. p. 1. de c. i. faur. lib. 2. c. 13. n. 71. Finell. de cas. refer. cas. 3. n. 19.

## ANNOTATIO III.

4 Porro cum blasphemia verbis externis prolata possit esse duplex, vel publica, vel occulta: oritur difficultas, an non tantum publica, sed etiam occulta, hoc est, coram duobus, vel tribus prolata, sub reservantis juris dispositione, ut in terminis casus, sit comprehensa.

5 Negant Nav. in man. cap. 27. n. 262. Chapeav. de cas. refer. cap. 5. qu. 2. Vival. de absolut. sacram. nu. 53. Barbos. de officio, & potest. Episc. alleg. 15. n. 105. & alii, asserentes blasphemiam tantum publicam Episcopo reservari, ab occulta verò quemlibet Confessarium absolvere posse.

6 Sed horum Doctorum sententiam non habere locum, ubi in edicto Episcopali Blasphemia etiam hereticalis reservationi subijcitur, uti fit in casu proposito, rectè notat Lazarius de blasphemia q. 10. n. 6. post Grassium, quibus subseribit Lupus de cas. refer. p. 2. casu 11. n. 31. Tum quia lex generaliter loquens, generaliter est intelligenda: Tum quia ita servat praxis Ordinariorum (à quorum mente pendet reservatio) in concedenda facultate, & Confessariorum in impendenda absolutione à casu blasphemie, ubi talis delicti reservatio sub hujusmodi terminis generalibus est inducta, testè Lazario, Lupo, Graffeo, loc. cit.

A N-

ANNOTATIO IV.

7 Cœterum notandum, quòd blasphemia verbis expressa subdividitur in hæreticalem, & simplicem.

8 Blasphemia hæreticalis est illa, quæ continet errorem contra fidem, vel qua aliquid asseritur contra aliquem ex articulis fidei. Quod tripliciter fit. Primò, cum aliquid tribuitur Deo, quod ipsi non convenit, verbi gratia Deum esse iniustum, partialem, ignarum, improvidum. Secundò, cum aliquid negatur de Deo, quod ipsi convenit, verbi gratia nolle, vel non posse nos juvare, non curare res nostras, non omnia esse bene ordinata. Tertiò, cum tribuitur creaturæ, quod soli Deo convenit, verbi gratia Diabolum esse omnipotentem, vel si Amasium Mulier Deum suum seriò appellet. Ad hæc reducuntur, si quis abneget Deum, Crucem Christi, puritatem Sanctissimæ, immaculatæque Virginis, &c. Quæ quidem si blasphemus credat ita esse, hæreticus est, & consequenter pœnis, & censuris contra hæreticos inflictis subiectus, teste Sanchez lib. 2. moral. cap. 32. num. 11. & 36. Graffius in praxi lib. 1. cap. 10. num. 44. Bonac. de legib. disp. 3. quæst. 8. punct. 1. num. 2. Barbosa. de potest. Episc. alleg. 51. n. 87. Carena in trac. de offic. S. Inquis. par. 2. tit. 7. n. 8.

9 Advertete tamen, ad blasphemiam hæreticalis rationem necessarium non esse, ut huiusmodi blasphemiam cum infidelitate, aut heresi necessariò sint conjunctæ, cum etiam in Dæmonibus, hominibus damnatis, & malis Christianis, qui illas falsas, & nefarias esse non ignorant locum habere possint. Dicuntur tamen hæreticales, quia falsum de Deo significantes cum heresi similitudinem gerunt, & sæpè hominem Christianum de heresi suspectum reddunt: Siquidem actus de se malus habet præsumptionem malæ intentionis contra facientem; sicuti notavit Finellius de cas. refer. cas. 3. num. 28. Layman. libr. 4. tract. 10. cap. 6. num. 7. Carena loc. cit.

10 Blasphemia verò simplex dicitur  
Part II.

illa, quæ directè falsitatem contra veritatem fidei non continet, videlicet quæ non enunciative, sed modo imperativo, aut optativo profertur, verbi gratia utinam non sit Deus, dispereat Deus; vel quæ de Deo aliquid enunciat, quod verè reperitur in Deo, sed per modum contumeliæ, & irrisionis, aut in dignationis adversùs Deum, cuiusmodi sunt blasphemie per Crucem, per Sanguinem, per Sacramenta Dei. Ita Sanchez loco supra citato Azor tom. 1. libr. 9. cap. 28. quæst. 1. & 2. Suarez tom. 2. de relig. libr. 1. cap. 4. num. 9. Layman citat. Filliuc. tract. 25. num. 26. Bassus in florib. The. prac. V. blasphemia, num. 4.

11 Tametsi verò blasphemia hæreticalis sit longè gravior, quàm simplex, graviolemque mereatur pœnam; nihilominus blasphemia etiam simplex censeri debet sub reservantis juris dispositione comprehensa. Generali enim nomine blasphemiam venit etiam simplex dummodo sit gravis, & mortalis. Nam ubi lex non distinguit, nec nos distinguere debemus, nisi evidens ratio distinctionem ponere cogat. Ita Graff. in praxi citato capit. 10. Lazarius de blasphemia quæst. 7. num. 8. & 13. Gambar. de cas. res. cap. 1. num. 3. Homob. de cas. res. p. 2. cas. 1. Lupus de casibus reserv. part. 2. casu 2. num. 13.

ANNOTATIO V.

12 Blasphemia simplex rursus dividitur, quòd alia est in Deum, alia in sanctos. Quæ divisio sumitur ex S. Thom. 2. 2. q. 13. art. 1. ad 2. ubi ait: *sicut Deus in Sanctis suis laudatur, &c. Ita & blasphemia, quæ fit in Sanctos in Deum redundat*. Quare utraque blasphemia censeri debet ejusdem speciei, quia eandem rationem malitiæ continet, videlicet divini honoris imminutionem, sicuti docet Suarez cit. lib. 1. cap. 6. num. 11. Layman l. 4. tract. 10. cap. 6. n. 9. Quod tamen intelligi debet si Sanctis aliquis maledica, quatenus Sancti sunt, & cum habitudine saltem virtuali ad Deum: sicuti docet Sanchez cit. lib. 2. moral. cap. 32. num. 27.

Z

23 Qua-



23 Quare generalis regula statui potest: quoties contra Deum, aut Sanctos dicitur verbum contumeliosum, injuriosum, obscœnum, turpe, indignum, vel in contemptum, derisionem, convicium, aut injuriam Dei, vel Sanctorum, quatenus Sancti sunt, toties committitur peccatum blasphemiz, & incurritur reservatio: si, ut suppono, in illa Diœcesi blasphemia tam in Sanctos, quam in Deum sit reservata. Ita Graffius in praxi cit. cap. 10. de blasphemia, & Lazarus de blasphem. quæst. 2. num. 26. Dixi. *Sanctos quatenus Sancti sunt*: secus si contumelia in Sanctos cum Christo regnantes jactetur, non ut Sancti, sive Beati sunt, sed ut quidam homines in terris fuerunt, quibus nunc excellentia sanctitatis accidentaria est: ut si quis de SS. Crispino, & Crispiniano dicat fuisse futores, aut de SS. Ioanne, & Paulo fuisse Eunuchos, non videtur hæc esse blasphemia, cum in Deum non redundet, sed peccatum contra cultum dulciæ. Imò si non ex odio, aut indignatione contra Sanctos, sed joco proferatur, ob materiæ parvitatem non videtur culpam venialem excedere: sicuti resolvunt Sanchez. loco citato num. 42. Layman cit. num. 10. Medulla Theol. mor. lib. 3. tract. 2. cap. 1. resolut. 3.

#### ANNO TATIO VI.

14 Quamvis autem, qui externo facto, aut signo, verbi gratia, qui imaginem Dei, aut alicujus Sancti conculcat, in eam lapidem projicit, in faciem expuit, &c. gravem injuriam Deo irroget, cum non minus factis, quam verbis impius in Deum animus ostendatur, propriè tamen peccatum blasphemiz non committit, cum blasphemia, secundum suam rationem formalem, sit locutio, seu verbum in Deum, aut Sanctos contumeliosum. Vnde quemadmodum laus Dei consistit non in factis, sed verbis ore, aut scripto prolatis, ita etiam blasphemia, quæ opponitur laudi Dei: sicuti probabilius docent Sanchez cit. c. 32. n. 5. Suar. de relig. lib. 1. trat. 3. c. 4. & 5. Less. lib. 2. cap.

45. dub. 5. n. 24. Barbosa. de offic. & pot. Ep. alleg. 51. num. 88. Licet igitur qui exterioribus factis, aut signis in Deum est contumeliosus, gravissimi sceleris sit damnandus; propriè tamen blasphemiz peccatum non committit, & consequenter neque reservationem (vbi blasphemia est reservata) incurrit. Ita Homob. de cas. refer. part. 2. cas. 1. Gambar. de cas. refer. cap. 26. nu. 1. Lupus de cas. refer. par. 2. cas. 2. n. 12. Mazuch. de cas. refer. disput. 2. cap. 16. diff. 1. n. 2. contra Graff. in praxi lib. 1. cap. 10. n. 38.

#### ANNO TATIO VII.

15 Regulariter autem blasphemia est peccatum mortale, quia suapte natura gravem Deo infert injuriam, & quamvis blasphemia aliquando possit esse peccatum tantum veniale ob alias circumstantias, ut numero sequenti dicam nunquam tamen veniale efficitur, ob parvitatem materiæ. Nam in peccatis, quæ directè contra Deum committuntur, videlicet odio Dei, infidelitate, perjurio assertorio, &c. non reperitur veniale ob parvitatem materiæ. Siquidem in qualibet horum peccatorum materia licet parva, reperitur integra ratio malitiæ, & veluti tota quantitas deformitatis. Hujusce generis est etiam peccatum blasphemiz. Qualiscumque enim contumelia in Deum prolata est gravissima, gravissimaque afficit Deum injuria. Ita Sanchez cit. c. 32. n. 40. Suarez cit. Bonac. in decal. disp. 3. quæst. 8. punc. 3. num. 2. Reginal.

libr. 18. num. 198. Bassæus in florib. the. prac. V.

blasphemia n. 6.

Diana par.

5. tra-  
statu quinto resolu-  
lut. 3.

\* \*

ANNOTATIO VIII.

16 Advertendum tamen est, quod licet blasphemia non admittat venialem culpam ex parvitate materie, ut dixi; potest tamen fieri venialis ob alias causas, v. g. ex ignorantia, cum quis verba blasphemiae profert, ignorans eorum significationem. Blasphemia enim est species quædam contumeliæ: ad contumeliæ autem requiritur scientia, sicuti colligitur ex l. *si ignorans*, ff. *locati*, & docet Layman cit. lib. 4. trac. 10. cap. 6. n. 2.

17 Idem dicitur de eo, qui ex indeliberatione rationis, v. g. ex vehementia ira, vel passione perturbante usum rationis, in blasphemia verba erumpit. Proinde huiusmodi blasphemiarum, cum non sint peccata mortalia ob defectum necessarię advertentię, sed tantum venialia: imò nec venialia, si nulla prorsus addit advertentia, & deliberatio rationis, consequenter cum excusetur a lethali culpa, ita & a reservationis pœna, quę non habet locum, ubi deficit mortalis culpa. Ita Navar. in man. cap. 12. n. 84 Suarez tom. 1. de relig. trac. 3. lib. 1. cap. 6. n. 2. Sanchez cit. cap. 32. n. 40. Bonac. de leg. disp. 2. q. 8. punct. 3. n. 2. Layman lib. 4. trac. 10. cap. 6. num. 3. Filliuc. tr. 25. nu. 30. Graff. lib. 2. decis. aur. cap. 19. n. 9. & 10. Belloch. de casib. refer. pag. 2. qu. 12. nu. 270. Mazuch. de cas. refer. disp. 2. c. 16. qu. 3. num. 52.

ANNOTATIO IX.

18 Cæterum cum præter defectum ignorantie, de quo jam dictum est, multiplicitè contingere possit, ut quis in verba blasphemie erumpat, videlicet vel joco, vel ex indignatione, aut in ebrietate. Idcirco cautè notare oportet, quod blasphemia, quę serio, & ex animo conviciandi Deum, aut Sanctos profertur, quemadmodum verè, & formaliter malitiam blasphemie continet; ita verè, & formaliter reservantis juris dispositioni subjicitur.

19 Difficultas est de ceteris blasphemandi modis, & quidem blasphemiam joco prolata mortalem involvere culpam, absolute sentire videntur Navar. in man. cap. 12. n. 85. Suarez cit. trac. 3. libr. 1. cap. 6. num. 11. Sed rectius cum Sanchez c. 32. n. 40. & Valen. 2. 2. disput. 1. q. 13. punct. 1. distinguunt Bon. cit. disp. 3. q. 8. punct. 13. Dian. part. 5. trac. 5. resol. 3. Bassæus in florib. V. blasphemia n. 7. nimirum tunc solum blasphemiam irrisoriè prolata gravem habendam esse, cum gravem Deo irroget injuriam: secus si ita joco profertur, ut jocus omnem tollat contumeliæ. Quando igitur blasphemia joco prolata habetur mortalis, censeri debet etiam reservata. Non ita verò si absit mortalis culpa.

20 Intra verò, vel rixa cum aliquo, dicere ad corpus, vel sanguinem Dei, &c. intelligendo de Christo Deo, & homine, propriè non est blasphemia, sed peccatum cujusdam irreligiositatis, venialem culpam non excedens, teste Cajet. V. *blasph.* & Layman libr. 4. tra. 10. cap. 6. n. 8. dummodo indignatio non concipiatur contra Deum, sed tantum contra hominem, vel jumentum, cui aliquis irascitur: Quia licet talia verba irreverenter profertantur, non tamen per modum contumeliæ, vel convicii in Deum, neque aliquid falsi continent: ratione tamen scandali, vel periculi formaliter blasphemandi mortale fieri potest: Ideoque homines a tali irreligiositate, seu apparente blasphemia à Confessario debent deterreri. Secus statuendum, si affectus indignationis tendat in Deum, illaque verba profertantur per modum contumelię, seu indignationis in Deum: Nam eo casu committitur blasphemia reservationi obnoxia, esto ea verba ex se sint vera: Quia tunc in actu exercito, & implicite significatur Deum indignationem mereri. Ita Cajet. cit. Navar. in man. cap. 12. num. 85. Valen. tom. 3. disput. 1. q. 13. punct. 1. Sanchez libr. 2. moral. cap. 32. n. 36. Layman cit. Bassæus in florib. Valen. *blasphemiam* n. 5.

21 In ebrietate denique, qui blasphemiam una cum vino eructat, vtrum mortaliter peccet: Etsi nonnulli, vt Cajet.

Z 2 Me-

Medin. Salas 1.2. sect. 9. n. 109. ita sentiant, saltem quando homini non semel innotuit, se in ebrietate solitum esse blasphemiam verba effundere, & nihilominus se inebriavit; eò quòd blasphemiam eo casu censeatur voluntaria.

22. Nihilominus contrarium est sustinendum: Quia malitia blasphemie, sicuti & hæresis in intellectu consistit, & substantialiter perficitur, ideoque peccatum esse non potest, nisi intellectus actu, aut virtute intelligat, vel advertat ad verba, quæ ore pronuntiantur. Vide Sanch. lib. 3. moral. cap. 5. num. 33. ubi doctè probat. peccata, quæ ore committuntur, ad culpam non imputari, nisi fiant cum usu, & advertentia rationis, sicque non posse esse mala in sola causa. Cui Sanch. doctrinæ subscribunt Vasquez 1. 2. disp. 128. cap. 3. Filliuc. trac. 25. cap. 10. num. 317. Sancius in selectis disp. 20. num. 5. qui addit, etiam si quis eo animo se inebriasset, ut blasphemias in Deum, vel Sanctos jactare posset, si deinde in ebrietate eas effusiat, non committere peccatum mortale blasphemie, utpote quod usum rationis requirit, satisficere esse, si in confessione se accuset, quòd animo jactandi blasphemias se inebriaverit. Demptra igitur eo casu blasphemie malitia, consequenter etiam reservatio; de quo vide Graff. in praxi lib. 1. cap. 10. n. 52.

Dices. Qui in ebrietate hominem occidit, cum sciret se rixari, & verberare solitum, censeatur reus homicidii. Ergo etiam qui in ebrietate blasphemiat, non ignorans se, cum vino repletur, blasphemias effundere solitum esse.

Respondeo, quòd dispar est ratio: Quia homicidium in externo opere consistit, & perficitur; ideoque est verum peccatum externum homicidii; tametsi fiat ab ebrio, qui tunc nihil advertit, modò priùs adverterit, cum causam præbuit, ob quam indirectè, atque simulativè ipsi voluntarium censetur. At verò blasphemiam in intellectu consistit, & essentialiter perficitur, & consequenter prolatio blasphemie non est peccatum, nisi ab interna intellectus advertentia procedat. Hinc est, quòd homicidium, & similia peccata,

quæ externo opere consumantur, in causa possunt esse mala, non item blasphemiam, aut aliud peccatum oris. Vide Sanchez loc. cit. Suarez tom. 1. de relig. trac. 3. lib. 1. cap. 6. num. 11. Layman lib. 4. trac. 10. cap. 6. num. 2.

## ANNO TATIO X.

23. Utrum verò prædicta doctrina, quòd scilicet blasphemiam inadvertenter prolata malitiam mortalem non inuolvet, tunc etiam locum habeat, cum blasphemiam ex prava consuetudine procedit: disceptatio est inter Doctores.

Negant Navar. in man. cap. 12. num. 84. Tole. lib. 4. cap. 13. num. 6. Layman lib. 1. trac. 2. cap. 3. num. 6. & lib. 4. trac. 10. cap. 6. nu. 3. in fine. Basseus in florib. the. prac. v. blasphem. num. 6. Qui expresse docent, blasphemias ex prava consuetudine ortas imputari ad culpam, quod quies hujusmodi consuetudo efficaci proposito non fuit retractata, ac interrupta, sed adhuc perduret. Quia tales blasphemie (inquit) censentur voluntarie in causa, hoc est, in voluntaria consuetudine: secus si blasphemandi consuetudo per efficacem propositum illam extirpandi, vel corrigendi fuerit retractata: tunc enim verba blasphemie eadem consuetudine, quasi naturali & necessario impetu provenientia, ad culpam non debent imputari, cum nec in se, nec in causa sint voluntaria.

Contrarium tamen docent Sanchez lib. 2. moral. cap. 23. n. 43. Suarez cit. lib. 1. cap. 6. num. 2. Filliuc. trac. 25. c. 10. nu. 317. Bonac. de legib. disp. 3. quæst. 8. punc. 3. num. 3. Lessius lib. 2. cap. 45. dub. 5. num. 31. Dian. par. 3. trac. 5. resol. 62. Sancius in selectis disp. 20. nu. 5. sustinentes blasphemias ex prava consuetudine, sed inadvertenter prolatas non imputari ad peccatum, tam si hujusmodi consuetudo efficaci proposito interrupta fuerit, quam si adhuc perduret. Quorum ratio est, quia peccatum blasphemie in intellectu substantialiter perficitur, ut docet ipsemet Layman loc. sup. cit. Ergo committi non potest, nisi intellectus advertat ad verba, quæ ore pronuntiantur: Ergo

Ergo non erit voluntaria nec in se, nec in causa; non in se, ut clarè constat, quia voluntas non fertur in incognitum: sed neque in causa, quia peccata, quæ ore committuntur, ut blasphemia, perjurium, contumelia, &c. non imputantur ad culpam, nec mala sunt, nisi fiant cum usu rationis, quo fit, ut non possint esse mala in sola causa.

24 Verùm quidquid sit de blasphemia ex prava consuetudine orta, quoad culpam, certum esse debet, huiusmodi blasphemiam sub dispositione casus non comprehendi quoad reservationis pœnā. Quia reservatio, provt in terminis casus intelligenda est de vera, & formali blasphemia, quæ in se, & non tantum in causa sit voluntaria. Blasphemia autem, quæ ex prava consuetudine, sed inadvertenter evomitur, verè & propriè non continet malitiam blasphemie, teste ipso Navarro cit. cap. 12. n. 84. & Layman cit. Idcirco ita blasphemantem non incidere in reservationem resolvit Graff. in praxi lib. 1. c. 10. n. 52.

Secus resolvendum esset, si dispositio legis reservantis afficeret etiam blasphemantes ex consuetudine, ubi disponit edictum casuum in Diocesi Bergomensi reservatorum, quod blasphemantes tam ex consuetudine, quàm ex professio comprehendit. Quod tamen intelligendum est, dummodo talis consuetudo adjuncta habeat rationis advertentiam; vel nullus ad eam deponendam adhibitus sit conatus. Ideoque mortaliter culpabilis existat: quod etiam notavit Lupus de casibus reservatis parte 2. casu 11. §. 2. numero vigesimo primo.

## ANNOTATIO XI.

25 Blasphemi præter reservationis pœnam, qua pluribus in locis afficiuntur: ex Decreto Concilii Lateranensis, & Julii Tertii apud Judicem Ecclesiasticum, & Sæcularem sunt denunciandi. Et quidem si blasphemia sit hæreticalis, de qua supra annotat. 4. num. 5. denunciari debent Inquisitoribus contra hæreticam pravitatem: De hac enim ipsi privativè,

Part II.

hoc est, ipsi soli, & nullus alius cognoscit. Ad quem effectum quotannis promulgantur edicta, quibus præcipiunt sub excommunicationis latæ sententiæ pœna, ut huiusmodi Blasphemi ad S. Inquisitionis Tribunal deferantur. Sanchez lib. 2. moral. c. 32. num. ultim. Carena in tract. Sanctæ Inquisitionis p. 2. tit. 9. §. 2. num. 5. & 6.

Si verò blasphemia sit simplex, videtur sufficere, si denunciatio fiat Episcopo. Quod verum est, si blasphemus consuetudinem habeat blasphemandi. Quare audientes blasphemiam non hæreticæ, sæpenumero ab hoc onere denunciandi blasphemos eximuntur, si de consuetudine blasphemandi sibi non constet: Sicuti post Lazarium, & Bellochium docet Mazuchellus de cas. res. disp. 2. c. 16. q. 4. diffi. 5. num. 82.

26 Quando autem quis habere consuetudinem blasphemandi censeatur, non conveniunt Doctores. Nam aliqui censent ex duobus actibus regulariter in delictis consuetudinem induci. Graff. decif. 48. n. 3. Alii volunt requiri decem actus blasphemie in anno Zenardus to. 2. c. 64. V. ad continentum.

Cæterum probabilior videtur sententia, quæ sustinet ad inducendam consuetudinem requiri, & sufficere quinque actus. Quare in difficultate proposita, ut quis blasphemus consuetudinarius dicatur opus est, ut saltem quinques blasphemias in Deum, vel Sanctos jactaverit. Quæ assertio intelligenda est de blasphemia quinques diversis temporibus prolata. Nam si ex eodem impetu ire, eodemque tempore evomatur, neque decies blasphemia repetita sufficiet ad hoc, ut quis blasphemus consuetudinarius dici possit. Quia blasphemia eo casu non multiplex, sed unica in genere moris, unumque delictum constituere censetur. Ita Lazarus de blasphemia, q. 8. n. 5. quem citat, & sequitur Carena in suo tractatu S. Inquisitionis p. 2. tit. 7. §. 5. n. 25. & subscribunt Belloch. de cas. res. p. 2. q. 1. n. 24. & Mazuchello cit. n. 85.

## ANNOTATIO XII.

27 Utrum autem præceptum denunciandi blasphemos hæreticales excusationi mandandum sit absque ulla prævia correctione: controversitur inter Doctores.

Negant Sylv. *V. correctio* quæst. 5. Tollet. lib. 5. cap. 54. n. 3. Valent. tom. 3. disp. 3. quæst. 10. punct. 5. dub. 3. Becan. 2. 2. c. 21. dub. 4. Lazar. de blasphem. quæst. 12. num. 32. Sanctarellus de hæresi cap. 9. dub. unic. n. 16. Portel. in dub. reg. *V. correctio fraterna* n. 1. sustinentes semper præmittendam esse correctionem fraternam ante denunciationem, præsertim verò quando blasphemia est occulta, & blasphemus de le. vi suspectus. Quorum ratio est, tùm quia præceptum naturale, & Divinum tuendi famam proximi fortius obligat, quàm præceptum humanum denunciandi fratris crimen: Tùm quia denuntiatio eo casu frustratur sine suo, cùm Judex non possit procedere ad inquisitionem delinquentis occultæ.

Affirmativam verò tuentur Azorius lib. 9. instit. moral. cap. 28. quæst. 8. Henric. lib. 11. cap. 24. n. 11. Coninch. de virt. Theol. disp. 28. dub. 8. n. 151. Sancius in select. disp. 11. n. 56. Dian. part. 1. tract. 4. resol. 2. Pegna in direct. part. 2. comm. 18. asserentes absolutè blasphemos hæreticales, attentis DD. inquisitorum Edictis, denunciandos esse absque ulla prævia monitione, tùm quia in delictis, quæ tendunt contra bonum commune, non est præmittenda correctio; hujusmodi est blasphemia, ex qua oritur hæresis suspicio. Tùm quia denunciatio in Edictis præcepta contra blasphemos non est Evangelica, quæ respicit criminosi emendam, & prærequirit correctionem, sed est judicialis, tendens ad criminis vindictam, quæ non præexigit monitionem.

28 Sanchez verò lib. 2. moral. cap. 32. num. 47. Gutierrez lib. 1. quæst. canonic. cap. 11. num. 130. Pegna parte 2. direct. comm. 18. Layman lib. 3. sect. 5. tract. 3. part. 2. cap. 4. num. 3. *vers. Idem sentiendum,*

procedunt cum distinctione, ajuntque in crimine hæresis formalis denunciationem Sancti Officii Inquisitoribus, nulla præmissa correctione, esse faciendam: Quia hæresis est delictum gravissimum, quod publico fidei, ac Religionis bono adversatur, cui meritò posthabendum est privatum famæ proximi nocumentum. Quamobrem justè Domini Inquisitores præcipiunt, & præcipere possunt, ut peste hæresis infecti statim denunciarentur.

29 Addo ego hanc doctrinam procedere, etiamsi crimen hæresis uni tantum innotesceret, spesque emendationis efflueret: Imò licet de emendatione constaret: Tùm quia id exigit publicum fidei bonum: Tùm quia homini hæretico, utpotè subdolo, parum est fidendum: cùmque delictum hæresis teterrima sit pestis: idcirco ejus exterminatio etiam in casibus prædictis, omni seclusa monitione, Orthodoxæ fidei Judicibus est reliquenda. Quidquid in contrarium dicat Reginal. l. 24. c. 3. sect. 6. n. 52. Portel. in dub. reg. *V. correctio fraterna* n. 1. arbitran-tes, etiam in crimine hæresis præmittendam esse correctionem non obstante Dominorum Inquisitorum Edicto, quo præcipiunt, ut crimen hæresis statim denunciaretur, nulla præmissa monitione. Quorum opinio hodie per decretum Alex. VII. remanet omnino profligata. Quod decretum vide in priori Elucidarii parte resol. 42. §. 16.

30 In aliis verò delictis ab hæresis formalis distinctis, quamvis aliqua suspicio hæresis subsit, si occulta sint, & detur spes emendæ, censent servandum esse ordinem à Christo præscriptum, & consequenter ante denunciationem blasphemii hæreticalis præmittendam esse correctionem fraternam, ob rationem superius allatam pro prima sententia, cui subscribere tenentur. Ita Sanchez, Gutierrez, Pegna, Layman ll. cc. quibus adherent Homob. de cas. refer. parte 2. cap. 1. Mazuchell. de cas. refer. disp. 2. cap. 16. quæst. 4. diff. 6. num. 101. & alii apud Dian. par. tract. 4. resol. 2.

31 Cæterum stantibus DD. Inquisitorum Edictis, statuendum est blasphemos

mos hæreticales, tanquam de hæresi suspectos Sanctę Inquisitionis Judicibus denunciandos esse intermissa correctione fraterna : quod optimè probant rationes pro secunda sententia adductę, in communi doctrina fundatę, quod correctio fraterna in delictis contra bonum commune tendentibus, debeat omitti : hujusmodi est blasphemia ex qua oritur suspicio hæresis. Tùm quia denunciatio in Edictis præcepta est judicialis, tendens ad criminis vindictam, non criminosis emendam : sicuti benè arguit Dian. cit. part. 1. tract. 4. ref. 2. Vide quę diximus in priori Elucidarii parte cit. ref. 42. de Confessario sollicitante.

His addendum, quod judicium de hæresi, quatenus scilicet cum blasphemia sit conjuncta non spectat ad audientem, sed ad Judicem sanctę Inquisitionis : Ideoque audiens omninò denunciare debet. Pegna parte 2. in direct. comm. 18. Mol-felsius in summ. tract. 1. cap. 17. num. 14. Turrianus in select. part. 1. disp. 30. cent. 2. dub. 24. Dian. cit. Carena parte 2. tit. 9. num. 18.

Ad rationes pro prima sententia. Ad primam respondeo falsum esse, quod præceptum naturale, & Divinum tuendi famam proximi prævaleat eo casu præceptis humanis denunciandi contagio hæresis infectos. Nam leges humane, quando agitur de tuendo bono fidei, & tollendo Religionis contemptu, uti fit in casu hæresis, vel vehementis suspicionis de hæresi obligant etiam cum periculo vitę proprię : Sicuti ex communi docet Suarez lib. 3. de legibus c. 30. nu. 7. Layman lib. 2. tract. 4. cap. 14. n. 7. Dian. par. 5. tract. 3. resol. 39.

Addo, quod cum Superior edictum de denunciandis blasphemis condiderit ex motivo virtutis Religionis, idcirco subditi obligantur ad ejus observationem, non tantum ex obedientia erga Superiorem præcipientem, sed etiam ex virtute Religionis ob fidem : Deique honorem tuendum : Ideoque tenentur ad denunciationem non solum jure humano, sed etiam naturali, ac divino. Quę doctrina colligitur ex Suar. loc. sup. cit. Vasq. 1. 2. disp. 98. cap. 2.

Ad alteram dico, quod etsi delictum sit occultum, ideoque probari nequeat ; Superior tamen ex ea denunciatione magis evigilabit, & potest esse, quod contra delinquentem addint aliarum denunciationes, ex quibus fortasse de facili possit devenire ad torturam, & ad alia juris remedia : Ideoque debet denunciari. Suarez de fide, dispersione vigesima, sectio quarta. Lazarius de blasphemia qu. 12. num. 54. Carena cit. tit. 9. §. 2. num. 8.

Sed heu hodie, quàm multi sunt, qui hæreticaliter blasphemare audientes nedum improbos blasphemos denunciant, sed neque exprobant, vel monent, ut deberent : Imò potius ad risum provocantur. Si servus herum, & vicissim herus servum, imò, & canem suum ab altero lædi audiat in eum insurgit, & exscandescit. Nos audimus, & non raro Deum Redemptorem nostrum, Sanctissimum ejus Matrem, Sanctoque cum Deo regnantes atrocissimis blasphemis affici, ac lædi, & obmutescimus ? O seculum inversum ! Quàm longè à vestigiis Religionis Majorum recessimus !

### ANNOTATIO XIII.

Utrum verò assuetus in Deum, vel Sanctos passim jactare blasphemias à Confessario facultate absolvendi ab hoc casu munito sit absolvendus ?

Respondent aliqui, si pœnitens in aliis Confessionibus promissit pravam deponere consuetudinem, nec deposuit, non esse absolvendum. Quia continuo (ajunt) versatur in statu peccati. Ita videtur innuere Suarez tomo secundo de Relig. libro secundo cap. 6.

Verum cum Sanchez lib. 2. moral. cap. 32. num. 45. Azorius lib. 11. institut. moral. cap. 3. quæstion. 4. Layman lib. 1. tract. 2. cap. 3. num. 6. Diana part. 1. tract. 7. resolut. 55. Carena tit. 7. §. 9. num. 104. & §. 10 n. 105. videtur distinguendum Nam si blasphemus in aliis confessionibus numquam fuit admonitus de

illa consuetudine extirpanda, potest statim à Confessario absolvi. Quia consuetudo eo casu non est adeò culpabilis, ut pœnitens dimitti debeat sine absolutione. Si verò pœnitens aliàs à Confessario fuit correptus, ipseque propterea adhibuit debitam diligentiam, & conatum pro eradicando illo habitu, statim etiam est absolvendus: Quia consuetudo blasphemandi eo casu ob adhibitam diligentiam ad eam deponendam, non censetur voluntaria, utpotè per propositum retractata, & consequenter neque mortali-ter mala.

Cæterum, si blasphemus pluries à Confessario privilegiato admonitus nullum adhibuit conatum, pro pravo illo habitu convellendo, licet adhuc possit statim absolvi, si afficiatur vero dolore de blasphemiiis præteritis, & firmum habeat propositum eas præcavendi de futuro, credatque cum Dei auxilio se easdem vitaturum, sicuti docet Navar. in man. cap. 3. num. 15. & 17. cui subscribit. Vival. tit. de absolur. num. 43. & Sancius in select. disput. 9. & 10. Satiùs tamen erit absolutionem illi ad tempus suavi ratione differre, ut interim pravam conetur consuetudinem deponere. Verumtamen si ex tali dilatione contrarius timeatur effectus, ne scilicet pœnitens id egre ferens deterior fiat, ampliusque ad confessionem non redeat, consultius erit beneficium absolutionis ipsi conferre; præterquam si adeò grave populo suis blasphemiiis ingerat scandalum, ut ad illud tollendum, videatur prorsus

cessarium, absolutionem

illi ad aliquam vitæ  
emendationem  
suspendere.

Vide

Sanchez cit. num. 49.

Azor. Layman

Sancium lo-  
cis cita-  
tis.

## ANNO TATIO XIV.

Sed petes, quomodo blasphemias hæreticales possit sibi reservare Episcopus, si huiusmodi blasphemias evomentes præsumantur hæretici, casusque hæresis Summo Pontifici sit reservatus.

Respondeo, resolutionem huius dubii pendere ex definitione hæresis, quæ à Doctoribus communiter definitur, quòd sit error in intellectu circa veritatem Orthodoxæ fidei cum pertinacia iunctus. Unde si blasphemias hæreticales proferens detineatur errore repugnante veritati Catholicæ fidei, illumque pertinaciter retineat, ac defendat, is verè hæreticus est, & excommunicatione Papæ reservata innodatus: ac proinde Inquisitori sancti Officii, si extra sacramentalem confessionem innotescat, debet denunciari.

Secus resolvendum est, si constet blasphemum nullo detineri errore adversante veritati Catholicæ fidei. Nam tunc blasphemias hæreticales evomens neque hæreticus, neque excommunicatus in Bulla Cœnæ haberi debet, (saltem in foro pœnitentiæ, quod veritate non presumptione nititur) sed impius blasphemus, ac peccator perditissimus, cujus atrocia scelera illamet sunt, quæ plerisque locis Episcopo reservantur. Navar.

in man. cap. 11. num. 27. Lactantius  
de cas. reserv. cas. 3. num. 28.

Chapeavilla de cas. refer.

parte 2. art. 5. colum.

11. vers. Quoad  
primum.

Fi-  
nellius de cas. re-  
serv. cas. 2.  
num.

10.

RESOLUTIVA PRAXIS

*Pro Incidentibus.*

**1** **E**X prenotata doctrina resolves, in reservationem incidere, qui dicit Deum esse injustum, ignarum, partialem, crudelem, &c. Quæ blasphemia heretica est, quia tribuit Deo, quod ipsi non convenit. Vide supra annot. 4. num. 5. Sanchez lib. 2. moral. cap. 32. num. 11. & 36. Carena in tract. S. Inquisit. p. 2. tit. 9. num. 8. & 9.

Idem deciditur de illo, qui asserit Deum non posse omnia, non rectè gubernare creaturas, nescire hæc terrena, non curare nostra, non omnia bene esse ordinata, &c. quæ similiter est hereticalis, quia negat Deo, quod ipsi convenit. Sanchez cit. Layman lib. 4. tr. 10. c. 6.

3. Reservatione innodatur, qui dicit Diabolum esse omnipotentem, aut Creatorem plus posse, quam Deum; vel si Amasium mulier serio Deum suum appelleret. Et hæc pariter est hereticalis, quia tribuit Creaturis, quod est proprium Dei. Sanchez & Laym. ll. cc.

4. Idem resolvitur de illo, qui jurat tam verum, quam falsum per falsos Deos, quasi illis insit infallibilis veritas, quæ solius Dei propria est: quod insigne hereticalis blasphemie genus est, cum honor, qui soli Deo debetur, falsis Diis tribuatur. Graff. in praxi lib. 1. cap. 10. de blasphem. n. 56. Bonac. de legib. disp. 3. q. 8. punct. 2. num. 7.

5. Gravissimæ culpæ, & reservationis pæne subiacet, qui dicit. *Renego Dio, la Fede, la Croce, il Sacro Crisma, la Purità della B. V. M.* Quæ blasphemie reducuntur ad blasphemias hereticas. Suar. tom. 1. de Relig. lib. 1. cap. 5. num. 7. & 8. Sanchez cit. c. 32. num. 15. Barbof. de potest. Epif. alleg. 51. n. 88.

6. Idem resolves de illo, qui advertenter & serio dicit. Deus non vult mihi succurrere, succurrat igitur mihi Diabolus: Deus non recordatur mei; memor igitur mei sit Diabolus. Derogant enim hæc locutiones blasphemie tum iustitie

tum providentiæ Dei: Ideoque habentur hereticæ. Graff. loc. supra cit. num. 44. & 74.

7. Incidit is, qui sufficienter advertens in eam nefariam locutionem eumpit *al dispetto di Dio*. Talis enim locutio aperte tendit in Divinæ potentiæ derogationem quasi homo velit aliquid agere, etiamsi Deus nolit, quod est hereticale. Graff. cit. nu. 44. Naldus in summ. V. blasphemia n. 1. Carena cit. n. 8. Excipe nisi illa verba *al dispetto di Dio*, intelligerentur sic. Etiam si displiceat Deo, uti intelligit Suarez apud Carenam loc. cit.

8. Idem ob eandem rationem statuitur de illo, qui dicit, volo hoc facere, velit, nolit Deus: Derogant enim hæc verba infinitæ Dei potentiæ, quasi Deus non possit impedire, cum etiam causæ secundæ nihil agant, nisi dependenter à primâ. Sanchez cit. c. 32. n. 18.

9. Non eximitur, qui dicit, *al dispetto di Di. Renego Di. Maladetto Di.* omittâ vocali ò quia ex communi intelligendi modo censetur sufficienter prolata, modo intentio blasphemandi adsit. Sayrus de blasphemia qu. 3. num. 37. Floron. cas. 5. n. 5. Secus statuendum, si quis ex inconsideratione in verba blasphemata rueret, sed mox advertens, ut se corrigeret illa mutilaret.

10. In eandem hereticalem, impiamque blasphemiam incidit, qui dicit; *Putana di Dio, Potta di Dio*. Homob. de cas. refer. parte 2. cas. 1. Verf. *Contra verò*. Belloch. cit. quæst. 1. nu. 241. Carena loc. cit. num. 9. Neque blasphemans relevarur ex eo, quod mutilet vocalem, ut supra dictum est, vel addat dictionem *Bacco*, si advertens proferat hæc verba animo blasphemandi, sed postea ad occultandam impietatem, vel vitandam pœnam, addat verba *Bacco*. Secus verò, si proferat illa verba cum huiusmodi additione eo animo, & consilio, ut blasphemiam viret. Graff. in praxi lib. 1. cap. 10. n. 72. Floron. citato cas. 3. num. 3. Mazuch. quæst. 2. num. 34.

11. Hereticalis blasphemie reservationi obnoxia damnandus est, qui serio asserit, Cæli Planetis, nempe Saturno, Jovi, Mercurio, Marti, Soli, Lunæ, &c. aliquid di-



divinitatis inesse : vel qui dicit Jouem , Herculem, Bacchum, &c. homine idolatras, & facinorosos verè esse Calicolas, & Deos. Item Venerem, Junonem, &c. inhonestas fœminas, verè esse Deas: ut stultissimè putarunt etiam Gentiles.

12 Idem resolves de illo , qui injuriosè jurat per corpus, sanguinem, vulnera Dei, si nomine Dei intelligat Deum præcisè, ut Deus. Secùs si intelligat Deum, qui Corpus, & Sanguinem assumpsit, nempe Christum. Cajet. in summ. V. blasphemia. Tolet. lib. 4. cap. 13. num. 6. Sanchez lib. 2. moral. cap. 22. num. 29.

13 Idem gravissimum, reservatumque blasphemia crimen committit perditissimus ille, qui dicit, *Puttana della Vergine* appellatione enim Virginis antonomasticè, sive per excellentiam intelligitur MARIA MATER CHRISTI DOMINI SANCTISSIMA. Lazarius de blasphemia q. 7. n. 27. Belloch. loc. cit. n. 7.

14 Reservatione afficitur, qui aliquod Deo omnium bonorum fonti, imprecatur; ut si dicat pereat Deus, aut maledictus sit Deus, quæ blasphemia licèt non sit hereticalis, est tamen atrox. Graff. in praxi lib. 1. cap. 10. de blasphemia n. 27.

15 Reservationis telum non effugit, qui dicit Deus non est Deus, nisi hoc miraculum faciat, vel vindictam sumat: quæ locutio est blasphemia. Quia secluso eo miraculo, vel vindicta, Deus adhuc est Deus, Sanchez cit. cap. 32. 24. Graff. loc. cit. n. 44.

16 Idem resolves de illo, qui dicit, *disgratio Dio di quell omi fà*. Quæ blasphemia profectò est atrox, cum atrocem Deo contumeliam inferat. Graff. loc. cit. num. 29.

17 Non eximitur à reservatione, qui dicit, possim renegare fidem, vel Deum, nisi te cedam, aut nisi hoc agam. Quia hujusmodi enunciationes licèt conditionales includunt affirmativam negandi fidem, vel divinitatem, quoties non sequitur effectus. Azor. lib. 9. cap. 28. q. 5. Lazarius de blasphemia quest. 6. num. 11. Mazuch. loc. cit. num. 29. Secùs resöl-

vendum, si diceret, possim renegare fidem, si verum non est, quod narro. Quia tunc proposito resolvitur in juramentum.

18 Incidit, qui per modum contemptus dicit *al cospetazzo di Dio, al sanguazzo di Dio. Dio sacrazione*: Nam illa verba, in *azzo*, majorem continent Dei contemptum, & vilipendium, teste Ignatio de cas. ref. p. 2. cas. 2.

19 Idem resolves de illo, qui turpiter jurat per pudenda Christi, vel alterius Sancti, aut illa inhonestè nominat: Quia licèt nihil falsi enunciet, gravi tamen Christum, vel Sanctos dedecore, ac contumelia affigit: quod dedecus, ac contumelia ex verbis casus Episcopali reservationi est obnoxia. Vide supra annot. 4. n. 7. & annot. 5. n. 8. & Doctores ibid. citatos.

20 Eadem reservationis pœna extenditur ad eum, qui in rixa, vel ex indignatione rationis usum non adimittit, dicit, ad corpus, sanguinem, vulnera Dei; intelligendo quidem Deum incarnatum, sed tamen per modum convicii, & in contemptum; præterquam si per inadvertentiam excusetur. Vide sup. annot. 9. n. 20. & Doct. ibid. cit.

21 Lufiores, qui inter ludendum ex indignatione, & ira proferunt prædicta verba ad corpus, sanguinem, vulnera Dei, &c. præsumendi sunt in reservationem incidere, eo quod ea verba indignationis, iræque plenissima jactare præsumuntur non in colludentem, sed contra Deum. Eorum autem excusatio, quod adversè indigentur fortunæ, vana est, cum certò sciant non extare eam, quam ipsi appellant fortunam. Ideoque indignatio tendat in Auctorem, nempe in Deum. Mazuch. de cas. ref. disput. 2. c. 16. qu. 2. num. 43.

22 Non excusatur à mortali culpa, & reservationis pœna, qui advertenter, & ex intentione blasphemandi proferit verba blasphemia, quamvis nesciat proprium eorum significatum: Quia ad rationem blasphemie satis est, si quis non ignoret, talia verba deliberatè prolata convicium, ac contumeliam in Deum continere, Graff. loc. cit. n. 49.

23 Reservatio lata sub terminis propo-  
positi casus incurritur, etiam si semel tan-  
tū quis contra Deum, aut Sanctos de-  
liberatē jactet verbum contumeliosum,  
inhonestum, obscœnum, maledicum, vi-  
tuperosum, indignum, pudibundum, in-  
juriosum, vel in contemptum, vilipen-  
dium, derisionem, &c. Graff. cit. c. 10. nu.  
74. Lazarius de blasphem. q. 2. n. 26. Secus  
tamen resolvendum, si reservatio propo-  
sita esset in hæc verba; *Qui ex professo, vel  
consuetudine blasphemaverint*: tunc enim  
ad eam incurrendam opus esset, ut blas-  
phemia gravis, & mortalis saltem quin-  
quies advertenter, & culpabiliter, inter-  
pollatis temporibus fuisset repetita. La-  
zar. & Graff. l. cc. quoscitat, & sequitur  
Carena de officio S. Inquisitionis p. 2. tr. 7.  
§. 5. n. 25.

## RESOLUTIVA P R A X I S

### Pro Non Incidentibus.

1 **N**on incidit, qui interno tantum,  
actu, V. g. pravo cordis affectu  
blasphematur: Quia reservatio intelligitur  
de actibus externis. Delinquit tamen  
mortaliter. Constat ex annot. 2. n. 3.

2 Idem resolves de illo, qui externo  
signo, vel facto contumeliam Deo infert,  
V. g. qui lapidem in Dei, aut Sanctorum  
imaginem impia manu, & animo projicit,  
aut in faciem expuit, &c. Quia blasphem-  
ia propriè consistit in verbis non signis.  
Vide supra annot. 6. n. 10. & Doct. ibidem  
citas.

3 Non incidit, qui materialiter tantum  
profert verba blasphemie, V. g. qui repe-  
tit ea blasphema verba, quæ ipse, vel alii  
aliàs formaliter protulerunt. Quia reser-  
vatio intelligenda est de blasphemia for-  
mali, quæ sit peccatum mortale, qualis  
non est blasphemia materialiter tantum  
prolata, cum deficiente blasphemandi  
animo, deficiat etiam malitia blasphem-  
ie.

4 Reservationi non est obnoxius, qui  
verba quidem blasphemie profert, sed ex  
ignorantia, hoc est, ignorans ea verba cō-  
tinere convicium, ac contumeliam in

Deum, ideòque sine intentione blasphem-  
andi. *Reum enim non facit, nisi rea mens*,  
inquit Sanctus Augustinus. Hinc rusti-  
ci qui ignorant vim verborum blasphem-  
ie, non incidunt, si ab ipsis sine inten-  
tione blasphemandi proferantur, & con-  
sequenter à quocumque confessario pos-  
sunt absolvi. Bellochius de casibus ref.  
p. 2. q. 12. n. 268. Carena cit. tit. 7. §. 19.  
n. 98.

5 Eandem immunitatem extendes ad  
illum, qui blasphema verba profert ex  
ignorantia etiam concomitante, nimi-  
rum qui ita in animo est dispositus, ut si  
talia verba convicium, ac contumeliam  
in Deum continere non ignoraret, adhuc  
ea proferret. Quia reservatio (sicut etiam  
censura, irregularitas, & restituendi obli-  
gatio) non incurritur propter internam  
pravam operantis dispositionem, sed  
propter externam legis Ecclesiasticæ  
transgressionem. Graff. in praxi lib. 1. c. 4.  
regul. 3. n. 70. Januar. de cas. ref. ref. 32. n. 1.  
& 2.

6 A reservatione exime eum, qui sine  
ulla rationis advertentia nullus est. Quia  
sine rationis advertentia nullus est con-  
sensus: ac proinde nullum peccatum.  
Quod si advertentia sit aliqua, sufficiet  
quidem ad venialem culpam, non tamen  
ad reservationis penam.

7 Idem resolves de illo, qui dicit, *al  
cospetto di Dio*, modò absit intentio blas-  
phemandi, seu convicium inferendi Deo.  
Quia perinde est, ac si dicat coram Deo.  
Lazarius de blasphem. q. 3. n. 12. Belloch.  
cit. q. 12. n. 32.

8 Eadem immunitas à reservatione  
extenditur ad eum, qui dicit, *al Corpo di  
Dio, al sangue di Dio*, si intelligat Chri-  
stum, qui est Deus, & homo: siquidem lo-  
cutio illa tunc non continet falsum, ut  
patet, sed neque convicium, dato, quòd  
illa verba sine indignatione in Deum  
proferantur. Vide supra annot. 9. n. 20. &  
Doct. ibidem cit.

9 Non incidit, qui dicit, *può far Dio:  
possanza di Dio*. Quia hæc verba admira-  
tionem quamdam, non derogationem  
Divinæ omnipotentie important. Secus  
si intentio proferantis esset agendi ali-  
quid, velit, nolit Deus. Quia tunc dero-

garetur omnipotentiae Dei, proindeque committeretur blasphemia, & quidem hereticis, ut dictum est supra resolutione octava pro incidentibus. Floronus p. 2. cas. 3. §. 2. n. 1. Mazuchel. disp. 2. c. 16. qu. 3. n. 47.

10 Eximitur à reservatione, qui dicit, *possa rinegar Dio*, si hoc non est verum: Quia huiusmodi locutio, dummodo nixa sit veritate, continet potius iuramentum, licet irreverenter prolatum, quam blasphemiam: hicque loquendi modus valde differt ab illo, *possa rinegar Dio*, nisi te percutiam: Quia in hac conditionali includitur affirmativa negandi potius fidei, quam abstinendi à percussione, in illa vero continetur mera assertio ad confirmandam veritatem. Graff. loc. cit. n. 46. Bellochius n. 30.

11 Reservationi non est obnoxius, qui jurat per falsos Deos, dummodo illis tribuere infallibilem veritatem non intendat Mazuch. loc. cit. n. 31.

12 Idem resolves de illo, qui dicit, hoc est ita verum, sicut verum est Evangelium, vel sicut verum est Christum contineri in Eucharistia: vel tam innocens ego sum, sicut innocens est Christus. Quia huiusmodi verba accipienda sunt secundum similitudinem, non secundum æqualitatem. Secus dicendum, si proferentis intentio esset coequandi veritatem humanam Divinae veritati. Sanchez lib. 2. mor. c. 32. nu. 31. Homob. p. 2. casu 1. except. 3.

13 Non incidit, qui blasphemias in Deum, vel Sanctos ex prava consuetudine jactat, sed tamen inadvertenter. Quia reservatio juxta dispositionem casus intelligenda est de vera, & formali blasphemia, quæ in se, & non tantum in causa sit voluntaria, & mala: blasphemia autem ex prava consuetudine, sed inadvertenter emissæ, verè, & propriè rationem blasphemiae non habet, neque in se, imò secundum nostram sententiam nec in causa est voluntaria: Siquidem peccata oris non imputantur ad culpam, nisi fiant cum rationis usu, & advertentia. Patet ex annotatione 8. num. 22. & annotat. 10. numero 24.

14 Idem ob eamdem rationem resolves de illo, qui in ebrietate unà cum vi-

no blasphemias eruat. Quia blasphemia ad hoc, ut sit mala, & imputetur ad culpam, prærequirit rationis usum, & advertentiam. Vide supra annotat. 9. nu. 21. & Doctores ibidem citatos, præcipuè Graff. & Sancium, qui hanc immunitatē à reservatione ad illum etiam casum extendunt, cum quis se inebriavit animo in Deum, vel Sanctos jactandi blasphemias.

15 In Episcopatibus, ubi reservatur blasphemia tantum ex professo, vel consuetudine prolata, eximitur à reservatione, qui nedum quinques, sed decies, aut pluries eodem tempore, eodemque impetu irè blasphemavit. Quia blasphemia eo casu, licet pluries repetita, moraliter tamen unica censetur, unumque constituere peccatum: Ideoque recedit à ratione blasphemiae ex professo, vel consuetudine. Vide supra resol. 23. pro incidentibus, & Doctores ibidem citatos, quibus addo Belloch. num. 192. & Mazuchell. casu 16. num. 85.

16 In iisdem Episcopatibus, ubi reservatur blasphemia ex consuetudine prolata, non incidit, qui etiam quinques in blasphemias diversis temporibus erumpit: si alioquin abhorreat à blasphemis, sed ex pravo habitu adhuc in ipsas sinit inadvertenter, à quibus utique cupidus emendationis se retraheret, si adverteret. Quia eo casu blasphemia, nec in se, nec in causa est mala. Patet ex annotat. 10. num. 23.

## D E G R A V I T A T E

*Hujus delicti, & Obligatione  
Confessarii.*

Quam atrox, atque immane scelus committat, qui sacrosanctum Dei nomen ab omnibus benedicendum, aut etiam Sanctos cum Deo regnantes impuro, & contaminato ore blasphemare, ac execrari audent, colligi potest tum ex sacrae scripture locis 4. Regum c. 19. num. 16. & præcipuè Levit. 24. ubi præcipitur, ut blasphemii à toto populo lapidibus obruantur: Tum etiam ex divinis ultionibus: Nam ob blasphemias Senacherib Regis

Regis Assyriorum, Angelus Domini percussit centum octauaginta quinque milia hominum de ejus exercitu, ut dicitur 4. Regum c. 19. Antiochus ob blasphemiam plagâ horribili percussus fuit, ut constat Machab. cap. 15.

Hinc etiam jura tùm Ecclesiastica, tùm civilia gravissimas statuunt pœnas in blasphemos. Et quidem jure canonico cap. statuimus de maledicis, jubetur blasphemus die dominico stare flexis genibus præ foribus Ecclesiæ cum candela manu accensa, dum celebrantur Missarû solemnia. Jure autem civili olim blasphemii multabantur pœna mortis. Nunc verò variè, sed mitioribus pœnis, pro varietate Regnorum, & provinciarum, puniuntur: & regulariter triennio, vel quinquennio damnantur ad trimeses, teste Carena in tract. S. Inquis. par. 2. tit. 7. §. 8. num. 92. & 93.

Quod ad Confessarii munus attinet, is in primis animadvertere debet, an blasphemus habeat errorem in intellectu circa veritatem Catholicæ fidei cum pertinacia junctum.

Nam tunc pœnitens verè est hereticus; ac proinde excommunicatione Bullæ Censæ censi debet innodatus, à qua, extra casum mortis, absolvi non potest, nisi à Summo Pontifice, ejusve specialiter delegato, ut constat ex tenore Bullæ, & passim tradunt Doctores, nominatim Grassus, Finellius, Lazarus, Sayrus de censur. lib. 3. cap. 4. num. 10. Bonaci de censur. disp. 2. quæst. 5. punct. 1. nu. 1. Layman lib. 1. tract. 5. par. 2. cap. 5. num. 2. quibus subscribit Carena in tract. S. Inquis. tit. 7. §. 8. num. 95.

Si verò nullum habeat errorem in intellectu, tunc si Confessario constiterit blasphemiam à pœnitente prolatam suis se atrociem, vel gravem; blasphemum, absque facultate prius ab Episcopo obtemperata, secluso articulo mortis, absolvere non debet. Alioquin, præter nullitatem absolutionis, incidit in pœnas contra præsumptos absolvere à casibus Episcopo reservatis inflictas: de quibus in priori Elucidarii parte, resolut. 40.

Neque blasphemia definit esse refer-

vata, propterea quòd pœnitens reservationem ignoraverit, cum sit adnexa delicto lege naturali, ac divina prohibito de quo vide, quæ diximus in priori Elucidarii parte, resol. 31. Si tamen pœnitens ruditate laborans se vim verborum ignorasse fateatur, immunis à reservatione censendus est, ut superius resolutum fuit.

Præterea diligenter à blasphemio exquirere debet, an blasphemias jactaverit animo & intentione injurandi Deum, vel Sanctos, an verò ex inadvertentia, v. g. in subita commotione animi, iræque impetu. Nam priori casu blasphemia censenda est reservationi obnoxia, non item in posteriori, si inadvertentia sit hujusmodi, ut à mortali culpa possit excusari. Homob. in exam. Eccl. trac. 5. cap. 5. q. 22. Belloch. de cas. reserv. part. 2. quæst. 1. n. 271.

Circa blasphemum verò consuetudinarium observabit prudens Cōfessarius, quòd licet Navarrus, Vivaldus, & Sancius apud Dianam parte prima, tractatu septimo resolut. 55. doceant pœnitenti, qui afficitur vero dolore de præterito, & propositum habet præcavendi peccatum de futuro, nunquam denegandam esse absolutionem, eò quòd habeat requisita ad obtinendam sacramentalem absolutionem: Ideòque non obstante peccandi consuetudine, à Confessario possit absolvi. Nihilominus cum persuasio communis Doctorum sit contraria, & à doctis, piisque Confessariis communi usu recepta, ab ea non est recedendum. Unde blasphemio consuetudinario non statim dandam esse absolutionem, sed per aliquod tempus differendam (si ad ejus emendationem id expedire videatur) ex communi resolvit Dian. cit. resol. 55. Quod maxime procedit, si consuetudo blasphemandi efficaci proposito non fuit retractata, ut dictum est supra annotat. 13. Quia si fuit retractata, tunc blasphemus ex ea consuetudine, quasi naturali & necessario impetu provenientes, sicut non sunt peccata saltem mortalia; ita nec pœnitenti absolutionis beneficium videtur suspendendum: sicut bene notat Layman lib. 1. tract. 2. c. 3. n. 6.

Do-

Doctores verò, qui dicunt denegandam esse absolutionem habenti consuetudinem blasphemandi, intelligendi sunt de habente consuetudinem ex advertentia non verò inadvertenter. Nam blasphemiz, sicut etiam juramenta ex prava consuetudine, sed inadvertenter prolata, non sunt ita facile judicanda peccata mortalia, sicuti tradunt Nav. in man. cap. 12. num. 84. Sanchez lib. 2. moral. cap. 32. num. 43. Bonacin. de legib. disp. 3. quest. 8. punct. 3. num. 3. Diana parte 3. tract. 5. ref. 62.

Pœnitentiarius denique pœnitenti, quem noverit ad blasphemiz flagitia proclivem, tenetur respondentem gravitati sceleris pœnitentiam imponere, quæ scilicet tùm ad morbi curationem, tùm ad criminis vindictam, & castigationem deferviat: Sicuti decernit Concilium Lateran. ultim. sub Leone X. sess. 9. §. ad abolendum, & Tridentinum sess. 14. cap. 8. ubi sic ait. *Debent ergo Sacerdotes Domini, quantum spiritus, & prudentia suggererit, pro qualitate criminum, & pœnitentium faculitate, salutare, & convenientes satisfactiones injungere, ne si forte peccatis conviceant, & indulgentius, quam par est, cum pœnitentibus agant, levissima quedam opera pro gravissimis delictis injungendo alienorum peccatorum participes efficiantur.*

Certè cùm Pœnitentiarii munere perfungerer, cum pœnitentibus blasphemis ita me gerere consuevi. Primò præcipiebam illis, ut octies, vel decies lambendo terram efformarent cruces. Secundo, ut durante mense, flexis, nudisque genibus integrum rosarium recitarent. Tertiò, ut ad terram proni toties Deum laudarent, quoties eundem blasphemis affecissent. Quartò, ut jejunia, abstinentias, & disciplinas frequentarent: ut sic correpti deinceps à tam atroci flagitio detererentur.

Ex hoc tamen non est reprobandum, quod docet Card. de Lugo de pœnitentia disp. 27. sect. 2. num. 30. Confessarios scilicet tempore Jubilei, vel plenariæ indulgentiæ posse leviores imponere pœnitentiam, dummodo non sit medicinalis, seu præservativa. Item pœnitentibus sa-

tisfactionem gravem suscipere renuentibus, vel si graventur pœnitentiis implendis, injungere, ut plenariam aliquam lucentur indulgentiam. Siquidem plenaria indulgentia omnem, pro peccatis jam remissis debitam, delet pœnam. Dixi jam remissis, quia pœna pro peccatis venialibus nondum remissis, non tollitur: Nam pœna non tollitur sine culpa, ut passim docent Theologi.

## SI IN ALIQUA DIOECESI

Reservatio seret in his verbis.

*Nefandum Sodomitæ peccatum.*

Quomodo hæc verba essent intelligenda.

- 1 Quam horrendum, ac detestabile scelus sit sodomia.
- 2 Actus venereus quinque modis potest esse contra naturam.
- 3 Quid sit sodomia.
- 4 Duplex datur sodomia, alia perfecta, alia imperfecta, & improprie dicta.
- 5 Masculus cognoscens feminam præposterè venere, an incidat in casum. Nonnulli affirmant.
- 6 Contraria sententia est omnino vera, & sustinenda.
- 7 Reservantis juris dispositio concubitorum dumtaxat masculi cum masculo, vel femine cum femina comprehendere censetur.
- 8 Femine turpiter inter se polluentes an incidat in casum.
- 9 Sententiam negativam nonnulli sustinent.
- 10 Contrariam probabiliorē putat Author.
- 11 Sodomia perfecta alia activa, alia passiva, & an utraque reservationi sit obnoxia.
- 12 Non pauci Doctores negativam tenent.
- 13 Opposita sententia est omnino vera, & sequenda.
- 14 Pœnitens vitio sodomiz infectus an teneatur in confessione exprimere, fur-

rit ne agens, an patiens.

- 15 Copula sodomitica cum consanguineo, vel affine habita an sit circumstantia in confessione necessariò exprimenda.
- 16 Alii affirmant, alii negant: Sed affirmativa est probabilior, & consulenda.
- 17 Marius incipiat cognoscere uxorem in vase præpostero, sed actum deinde perficiat in naturali, an à mortali possit excusari.
- 18 Impuberes sodomiticè se cognoscentes an reservatione ligentur.
- 19 Sententiam negativam nonnulli sustinent.
- 20 Oppositam probabiliorē putat Auctor, & in praxi sequendam.
- 21 Impubes succubus, qui turpiter patitur à pubere, an ligetur reservatione.
- 22 Quæ pœnæ in sodomiam exercentes sint constitutæ.
- 23 Quandonam his pœnis afficiatur Clericus.

## ANNOTATIO I.

**S**ODOMIA horrendum adeò, ac abominabile scelus est, ut non vultum modò, sed manum etiam, & calamum de hoc nefando vitio scribere pudeat. Sed quòd magis tanti sceleris enormitatem, ac turpitudinem horret ac abhorret animus, eò magis de eo tractare cogit necessitas, quam non pauci Christianorum ingerunt, qui prærabida, ac præferina libidine acti, Dæmonibus nequiores, in tam horrendæ seditatis barathrum ruere non verentur. Paucis tamen nefandum casum perstringam, solum notando ad Confessarium institutionem, quæ prorsus ipsis in hac materia sunt scitu necessaria. Circa quod venit primo notandum, quòd sodomie peccatum dupliciter dicitur contra naturam. Primo generatim, eò quòd sit contra dictamen rationis, & hoc modo fornicatio etiam, incestus, & adulterium, dicuntur peccata contra naturam. Secundo strictè, eò quòd sit contra modum & ordinem, quem natura instituit, ex quo possit sequi generatio.

Bo nacina de matrim. quest. 4. punct. 10. num. 1.

## ANNOTATIO II.

2 Quinque autem modis actus venereus committitur contra naturam. Imò Primò, quando semen emittitur, & queritur voluptas carnalis absque conjunctione naturali per sui correptionem, quod peccatum vocatur mollities, vel pollutio. Secundo, si fiat per concubitum cum creatura non ejusdem speciei, & alterius nature, ut cum bruto, vel Dæmone, & vocatur bestialitas. Tertio, si conjunctio quidem sit naturalis, sed modus inordinatus, & indebitus, ut si aversè fiat, vel viro succumbente, ita ut non possit sequi generatio. Quarto, si in concubitu servetur quidem debitus sexus, sed non debitum vas: ut si masculus cognoscat sœminam, sed extra vas naturale. Quintò, si non servetur debitum vas, neque debitus sexus: ut si masculus concubitum habeat cum masculo, effundendo semen intra pudenda posteriora: & de hoc quinto modo peccandi contra naturam hic est agendum.

## ANNOTATIO III.

3 Sodomia igitur definitur, quòd sit concubitus cum persona ejusdem sexus in vase indebito.

4 Pro cujus definitionis clariori explanatione, rur sus notanda est distinctio, & doctrina supra tradita, quòd duplex datur sodomia, alia imperfecta qua, servato debito sexu, non servatur debitum vas, ut si masculus concubitum habeat cum sœmina, sed in vase præpostero. Alia perfecta, qua non servatur debitum vas, neque debitus sexus; ut si masculus cum masculo præpostera venere, vel sœmina cum sœmina modo indebito congregiantur.

5 Quamvis autem plures Doctores, ut Covar. sup. libr. 4. decretal. de matr. 2. p. cap. 7. §. 5. nu. 7. Eman. Sà. V. Luxuria nu. 5. Gam-

Gambar. de cas. res. cas. 2. n. 3. Belloch. de cas. res. par. 2. q. 1. nu. 180. sentiant masculinum cognoscentem feminam in vase indebito, verè peccatum sodomiz committere.

6 Nihilominus oppositum est sustinendum. Quia in sodomia propriè peccatur non solum contra debitum vas, sed etiam contra sexum: Masculus autem præposterè cognoscens feminam, licet non servet debitum vas, servat tamen sexum. Sicuti benè explicant Graff. in praxi l. 1. c. 11. num. 10. Dian. par. 2. tract. 1. res. 29. ubi ajunt, copulam masculi cum femina in vase præpostero non esse crimen sodomiz, sed peccatum non nominandum.

Litera igitur cum dicat, *nefandum sodomiz peccatum*, censetur tantum comprehendere sodomiam posterioris generis, hoc est, concubitum masculi cum masulo in vase præpostero cum seminis emissionem, vel femine cum femina in vase indebito, quod tale respectu femine dici debet etiam naturale. Siquidem vas femineum dicitur naturale, quia à natura institutum est, ut instrumentum naturaliter deserviens generationi humanæ, quæ generatio cum sequi non possit ex concubitu femine cum femina: idcirco vas femineum in ordine ad concubitum cum alia femina dici non debet naturale, sed ianaturale, & indebitum. Vterque igitur concubitus verè est peccatum sodomiz turpissimum, & abominandum, iraque Divinæ provocativum. Non item sodomia prioris generis, quæ verè & propriè non est sodomia, sed flagitium non nominandum. In odiosis autem, cujusmodi est reservatio, verba sunt accipienda secundum propriam eorum significationem, omissa impropria. Ita, præter Doctores supra citat Azor. par. 3. lib. 3. c. 19. qu. 3. Filliuc. tract. 30. c. 8. q. 9. & 10. Bonac. de matrim. qu. 4. punct. 11. n. 4. Floron. de cas. res. p. 2. cas. 7. n. 6. Mazuch. de cas. res. disp. 2. c. 22. qu. 2. n. 17. Lupus de cas. res. par. 2. cas. 10. n. 3.

## ANNO TATIO IV.

8 Utrum autem sub reservantis juris dispositione, ut in terminis casus, comprehendantur semine, quarum altera ad instar masculi supergrediente aliam, effusum ab ipsa semen, vel aliqua feminis pars intra vas naturale alterius suscipiatur.

9 Negativè respondent Dian. par. 7. tract. 12. res. 13. Bassæus in florib. V. luxuria n. 21. Mazuch. cit. quæst. 1. num. 6. Quorum ratio est, quia in illo turpissimo actu etsi non servetur sexus, servatur tamen vas; quod ajunt sufficere ad vitandam veram rationem sodomiz.

10 Verum opposita sententia est probabilior, & sequenda: Tum quia hujusmodi concubitus verè est innaturalis, & cum persona indebita. Tum quia si talis concubitus non contineret veram rationem sodomiz, casus sodomiz nunquam feminas comprehenderet, cum non possit dari casus, ut femina intra vas præpostero alterius semine modo naturali semen emittat, sicque femine ab hoc casu simpliciter, & semper essent exclusæ: ac proinde gratis in multis Diocesibus exciperentur, uti fit in Diocesi Lunensi Sarnensi apud Finellium casu nono: & in pluribus aliis Episcopatibus: quod non est concedendum. Ita Bonac. cit. punct. 11. n. 5. Belloch. citata qu. 1. n. 189. Lupus l. cit. n. 14. Graff. in praxi lib. 1. cap. 1. nu. 26. Chapea. de cas. res. cas. 11. q. 2.

Dices. Ad rationem sodomiz, præter identitatem sexus, requiritur etiam indebitum vas, quod deficit in tali casu.

Respondeo, quod debitum, vel indebitum vas in hoc casu dicitur in ordine ad generationem. Proindeque cum ex concubitu femine cum femina, quocumque vase abutatur sequi non possit generatio inde est, ut quodcumque vas, etiam naturale in ordine ad concubitum femine cum femina, censeri debeat indebitum: & consequenter concubitus hujusmodi innaturalis est sodomiticus, ut dictum est supra annotatione tertia, numero septimo.

A N.

ANNOTATIO V.

11 Ceterum cum sodomia sit duplex, activa, & passiva, oritur rursus difficultas; an non tantum activa, sed etiam passiva reservationi sit obnoxia.

12 Negativè respondent Graff. in praxi lib. 1. cap. 11. nu. 7. Peregrinus V. *sodomiticus actus*, Polleta eodem Verb. Carolus de Baucio de cas. refer. cas. 2. qu. 3. & alii: quorum ratio est, tum quia sodomia sicut definitur, quòd sit concubitus cum masculo in vase indebito, ita etiam sodomita dicitur concubitor masculi, hoc est, agens, & non patiens. Tum quia patientes, in rigo, e loquendo, non dicuntur sodomitæ, sed molles, juxta illud D. Pauli 1. Cor. c. 6. Neque adulteri, neque molles, neq; masculorum concubitores regnum Dei possidebunt.

13 His tamen non obstantibus, contrarium est tenendum, & in praxi servandum. Tum quia in correlativis dispositum de uno censetur dispositum etiam de altero, nisi aliud constet ex verbis legis, de mente Legislatoris: Ideoque tam patientes, quam agentes sub reservantis juris dispositione censeri debent, comprehensi. Quod verum arbitror, etiam si casus propositus esset sub termino, *commiserint*, qui licet actionem designet, tamen quia sumus in correlativis, & in eodem delicti, unum includitur in alio. Tum quia ita servari consuetudine, & praxi multarum Diocesum testantur Belloch. cit. quæst. 1. num. 188. Lupus cas. 10. nu. 9. Finellus cas. 9. num. 5. Mazuchell. cas. 22. quæst. 1. num. 8. Ita etiam Bonac. de matrim. quæst. 4. punct. 11. num. 2. Coriol. de cas. refer. par. 2. cas. 9. §. 10. n. 36. Clarus lib. 5. §. *sodomia* num. 2. quatenus asserit peccatum tam patientis, quam agentis verè, & propriè esse sodomian.

ANNOTATIO VI.

14 Adverte tamen, quòd licet peccatum tam patientis, quam agentis verè, & propriè sit sodomia, reservatio obnoxia, nihilominus in confessione non esse necessàrio exprimendum, an penitens fuerit agens, vel patiens. Quia talis seditas est ejusdem speciei, ut superius probatum est. Et quamvis levius sit peccatum patientis, quam agentis, mitiori- que pena puniatur, non tamen inde sequitur esse diversæ speciei, aut esse circumstantiam necessariam in confessione exprimendam. Siquidem circumstantiæ minucentes intra eandem speciem non sunt consistendæ, ut communiter tradunt Doctores apud Navar. in man. cap. 6. numero 5. & Suarez de penit. disp. 22. sect. 3. num. 16. cum hæc potiùs excusationes sint, quam accusationes. Ita Alphonsus de Leone de offic. Confess. part. 2. recoll. 9. numero 216. & 218. parte 3. tract. 4. resolut. 156. ubi resolvit, si quispiam verecundia impeditus nollet exprimere se fuisse patientem satisfacere, si dicat, toties sodomiam commisi; quod etiam docet Mazuch. cit. c. 22. n. 21. Est contrarium sentiat Card. de Lugo de sacram. disp. 16. num. 423.

ANNOTATIO VII.

15 Quid autem, si copula sodomitica habeatur cum consanguineo, vel affine, an scilicet gradus consanguinitatis, vel affinitatis in confessione sit explicandus.

15 Affirmativè respondent Clavis Regia lib. 8. cap. 5. num. 20. Lessius lib. 4. c. 3. num. 90. Bonacina de sacram. disp. 5. q. 5. punct. 2. n. 9. asserentes, si concubitus sodomiticus habeatur cum affinibus, vel consanguineis in linea transversali, explicandum esse gradum personæ usque ad secundum: Si verò cum consanguineis in linea recta, aperiendum esse in quocumque gradu. Quia talis actus continet specialem malitiam contra pie-

Aa tatem,



tatem, & reverentiam consanguineis debitam.

Contrarium docent Cajetan. Barthol. à S. Fausto, Gyprius, quos citat, & sequitur Dian. cit. par. 3. tract. 4. resol. 101. ubi ajunt, obligari quidem pœnitentem se accusare de actu sodomitico cum consanguineo, vel affine commisso, non tamen teneri explicare gradus. Quia gradus incestus, juxta eorum sententiam, non differunt specie. Unde consequenter inferunt committentem sodomitiam cum consanguineo, vel affine satisfacere, si in confessione dicat, se copulam sodomiticam habuisse cum persona cognationis vinculo sibi conjuncta.

Hæc posterior sententia, cui subscribit etiam Mazuchell. citato cap. 22. num. 23. quamvis ob Doctorum auctoritatem sit probabilis, prior tamen videtur probabilior, & in praxi sequenda.

17 Hic obiter noto mortaliter etiam peccare maritum, quoties præpostero actu incipit cognoscere suam uxorem, licet deinde actum perficiat in vase naturali: Tùm quia talis actus nec ex se, nec ex agentis intentione potest ad actum conjugalem referri, eò quod medium disproportionatum sit, & alterius ordinis luxuriæ, sicut esset mortale distinctæ speciei inter solutos vacare hujusmodi turpissimo actui, etsi haberent animum intra vas debitum consumandi. Ita Sanchez lib. 9. de matrimonio disp. 17. num. 5. Bonacina de matrimonio quæst. 4. punct. 11. num. 12. Bassus in floribus, V. luxuria, num. 22. contra Navarr. lib. 1. consil. de pœnitent. consil. 7. Angel. V. debit. num. 25.

Quod si quis dicat, quidquid efficiunt conjuges, servato vase naturali, non excedere culpam venialis, vasque servari, quoties extra illud non effunditur semen.

Respondeo, non dici vas legitimum servari, quoties usurpatur illegitimum, ad alterius luxuriæ ordinem tendens, licet intra illud non consumetur.

Addam hoc loco valdè differre sodomiticam copulam, & actum sodomiticum. Copula namque sodomitica fit inter per-

sonae ejusdem sexus, effundendo semen intra vas indebitum. Actus verò sodomiticus fit etiam polluendo seipsum cum alia persona. Vide Clavem Regiam cit. num. 56.

## ANNOTATIO VIII.

18 Superest adhuc difficultas resolvenda. Utrùm scilicet impuberes sodomiticè se recognoscentes, reservatione ligentur. Pro quo notandum, masculum, qui quartumdecimum annum, & feminam 16, quæ duodecimum non complevit annum, impuberes vocari; & consequenter præsumi inhabiles regulariter loquendo, ad generationem.

19 Ad difficultatem igitur negativè respondent Graff. in praxi lib. 1. c. 11. nu. 29. Belloch. de casib. refer. p. 2. q. 1. n. 203. Lupus de casibus reservatis part. 1. disp. 4. num. 6. Diana parte 2. tract. 1. resol. 14. asserentes impuberes ligari quidem reservatione adnexa peccatis, quæ non sunt carnalia, qualia sunt homicidium, blasphemia, &c. ea verò quæ peccatis carnalibus est adnexa, non ligari. Quod verum esse ajunt, etiam si constaret malitiam supplere aetatem, hoc est impuberem habilem esse ad seminandum.

20 Sed opposita sententia videtur probabilior, & in praxi sequenda, quoties contingat, ut impubes, malitia supplente aetatem, sit aptus ad seminandum: ac proinde nefandum compleat actum. Tùm quia litera absolute loquitur: Ergo absolute est intelligenda. Tùm quia impubes, recepta ad seminandum habilitate, perinde est in ordine ad hæc reservationem ac si esset pubes: Ideoque censendus est reservantis juris dispositioni obnoxius. Versumur enim in foro interno, in quo præsumptio cedit veritati. Ita Finellius de casibus reservatis capite 5. numero 5. Homobonus de casibus reservatis prima parte, cap. 3. Lazarius de blasphemia questione nona, numero quarto. Quibus subscribit Mazuchellus citata disputatione secunda, capite 22. numero duodecimo.

Neque obstat, quòd impubes licitè non.

non possit innodari excommunicatione ab homine inflita : Ergo neque ligari reservatione. Quia reservatio ista lata ad bonum Ecclesiæ regimen, propriè non est pœna, sicut est censura, sed est negatio, sive subtrahio jurisdictionis, quæ Confessarium potius afficit, quam pœnitentem, teste Cardinali de Lugo, disputatione vigesima de pœnitentia, sectione 1. num. 9. Ergo impubertas præcisè non excusabit à reservatione, quoties impubes per feminis emissionem actum compleat. Favet Navarrus in manuali cap. vigesimo septimo, nu. ducentesimo quadragesimo nono.

21 Et hæc assertio extendenda est etiam ad casum, quo impubes succubus turpiter patitur à pubere : dummodo ex parte puberis incubi sodomiticus actus consumetur. Quia, cum ad veram sodomiam ex parte patientis non requiratur seminatio, sed tantum ex parte agentis : Idcirco impubes succubus seditissimum actum complere, ac consummare censetur ex eo, quod incubus complet, ac consumat. Vide quæ dixi in priori Elucidarii parte resol. 28. Etsi contrariam sentire videatur Diana parte 7. tractat. 12. resol. 13.

## ANNOTATIO IX.

22 Porro circa pœnas in exercentes nefandum sodomix peccatum inflitas, sciendum est, quod jure civili hujus delicti reis pœna mortis decernitur. *Auten. ut non luxur.* Jure autem canonico laicus à cætu fidelium excluditur, & excommunicatur. Clericus verò convictus de hoc crimine jure canonico antiquo detrubatur in monasterium. At jure novo per constitutionem Pii V. quæ incipit, *horrendum illud scelus*, statuitur, ut Clericus exercens sodomiam omni privilegio clericali, officio, beneficio, & dignitate privetur : deinde per judicem Ecclesiasticum degradatus brachio seculari tradatur : quæ pœnæ intelliguntur tam de agentibus, quam patientibus, teste Claro lib. 5. §. *sodomia* numero 4. Bonacina citat quæ-

stione 4. punct. 11. numero 2.

23 Non incurrit tamen Clericus has pœnas, si bistantum, vel tertium dirum nefas committat. Quia prædictæ pœnæ inflitæ sunt in Clericos sodomiam exercentes : Atqui actum aliquem exercere non dicitur, qui bis, vel ter illum facit, sed qui frequenti usu, & quasi ex consuetudine committit. Ita Navar. in man. cap. 27. n. 249 & 250. Suarez de cens. disp. 31. sect. 4. n. 22. Graff. p. 1. decif. aur. lib. 2. c. 90. n. 11. Layman lib. 1. tract. 5. p. 3. c. 5. n. 2. Bonac. cit. num. 2.

Præterea ad incurrendas has pœnas non sufficit, si Clericus concubitum habeat cum sœmina in vase prepostero : Quia talis concubitus verè, & propriè non est sodomia, ut superius probatum est. Nec sufficit quælibet pollutio, seu immunditia cum masculo, etiam si fuerit incepta intra vas ordinarium illius delicti, si consummatio fiat extra illud. Quia lex puniens delictum requirit, ut delictum sit consummatum. Sanchez lib. 2. mor. cap. 22. n. 20. Bonac. loc. supra cit. Sayrus de cens. lib. 7. c. 12. n. 23. Dian. p. 2. tract. 3. resol. 63. & 65.

Nec item tenetur Clericus sodomiam exercens in foro conscientie cedere beneficio, officio, & dignitati, aut restituere fructus ante sententiam Judicis. Quia constitutio Pii V. cum sit prænalis non obligat ante Judicis sententiam declarationem criminis, & constitutivam pœnæ Sanchez, Layman, Bonac. l. cc. Dian. cit. tract. 3. resol. 68.

Clericus demum sodomiam exercentes, quando delictum est occultum, nullam suspensionis censuram, vel irregularitatem incurrit. Quia suspensio, & irregularitas non incurritur, nisi in casibus jure expressis. Navar. cit. cap. 27. n. 249. Tolet. lib. 1. c. 69. Bonac. cit. punct. 11. nu. 3. Dian. cit. resol. 98. Bassæus in florib. *V. luxuria*, n. 21. qui addunt cum Avila de cens. disp. 4. dub. 7. concl. 7. Graff. cit. cap. 90. num. 4. constitutionem Pii V. contra Clericos sodomitas in foro conscientie non esse usu receptam, sed procedere tantum in foro externo. Hinc inferunt Clerico sodomie seditate infecto impendi posse

absolutionem à peccatis, retento etiam beneficio, officio, & dignitate: dummodo accedat verò dolore, & efficaci emendationis proposito affectus.

## RESOLUTIVA P R A X I S

### *Pro Incidentibus.*

1 **E**X præmissa doctrina resolves reservationem ligari masculum puberem, qui cum alio masculo turpissimè congregitur: dummodo horrendum scelus intra vas præposterum prærabida libidine consumet cum seminis emissionem. Nam concubitus huiusmodi nefandus verè, & propriè est peccatum sodomiz.

2 Eidem reservationi obnoxia sunt summi, quæ inter se carnaliter pollunt, dato, quòd alia ad instar masculi supergrediente alteram, effusum ab ipsa semen vel seminis pars intra vas alterius recipiatur. Constat ex annotat. 4. numero 10.

3 Reservationistelum non effugit, qui muliebria turpiter patitur, hoc est, patiens sodomiam: dummodo actus nefandus ex parte agentis consumetur. Patet ex annotat. 5. n. 13.

4 Impuberes ab hac reservatione non sunt immunes, quoties constat, malitia supplere etatem, eos habiles esse ad seminandum, ac proinde concubitum sedissimum consumasse. Vide supra annotat. 7. num. 10.

5 Reservationem, ut in terminis casus inductam, incurrit, qui semel tantum nefandum scelus committit. Quia cuilibet consumata sodomiz flagitio, in ejus odium & obicem, distributivè imposita est reservatio. Secùs resolvendum, si reservatio hujus delicti lata esset in hæc verba. *Qui sodomiam excreverit, vel sodomiam exercentes.* Quia exercere importat frequentiam actus: proindeque non sufficeret, si quis semel, bis, ter, vel quater tantum nefas committeret. Graff. in praxi l. i. c. 11. n. 11.

6 Impubes succubus, qui turpissimè

patitur à pubere, ligatur reservatione, quoties nefandum scelus ex parte puberis incubi contingit consumari. Vide supra annotatione sexta, numero decimo quarto in fine.

7 Qui nefarium scelus commisit, antequam hujus flagitii reservatio fieret in Diocesi, si deinde, facta reservatione, cupidus absolutionis velit confiteri, à Confessario simplici non potest absolvi. Quia per superinductam reservationem Confessarius manet subtrahita jurisdictione, & adempta facultas absolvendi ab eo delicto, si illud ante reservationem fuerit commissum, sive post.

Dices. Si hodie in conficientes libellum famosum infligeretur excommunicatio, is qui heri huiusmodi libellum confecisset, liber esset ab hac censura. Ergo à pari qui nefandum crimen commisit antequam talis flagitii reservatio fieret in Diocesi, si deinde illud reservetur, immunis ab hac reservatione censendus est.

Respondeo, negando paritatem. Et ratio est, quia ad incurrendam censuram prærequiritur contumacia, tamquam proxima censuræ materia, quæ deficit in eo, qui commisit delictum, antequam prohiberetur sub censuræ pœna. Ad incidendum verò in reservationem non requiritur contumacia, sed sufficit, quòd penitens pro eo tempore, quoad confessionem accedit, sit reus delicti Episcopo reservati. Quamobrem non semel dictum est, reservationem ad bonum Ecclesiæ regimen inductam afficere etiam ignorantes, ignorantiamque reservationis nihil prodesse ad effectum, ut absolutio à reservatis à Confessario simplici ob-

tenta  
sit valida. Vide in priori  
Elucidarii parte  
resol. 31.

RESOLUTIVA PRAXIS

*Pro Non Incidentibus.*

**1** **E**X prænotatis resolves, in hunc casum non incidere illum, qui cum Brutis se commiscet, etiamsi in turpissimo eorum vase actum consumet. Quia huiusmodi detestabilis concubitus non est sodomia, sed bestialitas. Hæc tamen nefanda sceditas, ac præterina libido, cum sit flagitium gravius ipsa sodomia, ex alio capite plerisque locis est Episcopo reservata: de quo fusiùs in sequenti casu.

**2** Non ligatur reservatione masculus cognoscens scēminam in vase indebito, etiamsi actum consumet intra pudenda posteriora. Quia huiusmodi detestabilis concubitus propriè non est sodomia, sed peccatum non nominandum. Constat ex annotatione secunda, numero sexto.

**3** Eadem immunitas à reservatione extenditur ad masculos, qui per turpes congressus, vel libidinosos amplexus se invicem polluant. Quia congressus huiusmodi libidinosi non includunt malitiam sodomie, sed mollicitiei.

**4** Non incidunt scēminæ se invicem carnaliter polluentes, si vel semen in tali turpissimo concubitu non emittant, vel emissum in vase naturale alterius non recipiatur. Ideoque actus maneat incompletus. Patet ex annotatione tertia numero 7.

**5** Impuberes sodomiticè se cognoscentes hac reservatione non ligantur, si constet eos carere habilitate ad seminandum, ideoque actum non complevisse. Quia hæc reservatio requirit actum completum, & consumatum, ut constat ex supradictis.

**6** Non censetur reservationi obnoxius, qui horrendum scelus inchoavit in vase turpissimo, sed illud extra consumavit, foràs semen effundendo. Quia ad hanc reservationem requiritur consumatio actus intra vas illius delicti, nisi aliud constet de mente Superioris refer-

*Pars II.*

vantis. Lupus parte secunda, casu decimo, numero decimo septimo, cui subscribit Mazuchellus cap. vigesimo secundo, numero decimo quarto, ubi tamen restè monet pro praxi; etsi reservationis telum effugiat, qui nefandum concubitus habens, ne semen intra vas præposterum emittat, ex industria, & fraudolenter membrum extrahit, sicque semen extra effundit; pœnitentem tamen ad Superiorem esse remittendum: Quia nemini sua fraus patrocinari debet. Quinimò hunc sub casu comprehendendi censent Graffeus in praxi lib. 1. cap. 11. num. 25. & Bellochius de cas. refer. parte 2. qu. 1. num. 184.

DE GRAVITATE

*Hujus delicti, & Obligatione Confessarii.*

**E**Normitas, & turpitudine hujus flagitii est tanta, ut nefandum, & horrendum nuncupetur: propterea quòd de eo etiam mentionem facere, mens, & aures inhorrescant. Quàm verò irè divinæ sit provocativum, patet ex scripturis, Genes. 19. & ad Romanos 1. Nam inter precipuas diluvii causas recensetur hoc scelus: ob cuius etiam sceditatem, & abominationem Deus bella, fames, pestes, terremotus, & huiusmodi flagella immittere solet.

Certè etsi legatur apud Martinum Delrium, aliosque graves Auctores, Diabolum aliquando sub specie viri incubum, & sub mulieris formam succubum fuisse; nunquam tamen succubum sub specie viri: quod indicat tantam sceditatem, & turpitudinem ipsi Dæmoni, licèt nequissimo esse horro-ri.

Nefanda, & execrabilis hujus scelestis turpitudine potest etiam colligi ex gravissimis pœnis jure tum civili, tum Canonico in patratores istius flagitii statutis. Nam rei hujus nefandi criminis jure civili sunt infames, & legibus municipalibus comburi solent. Jure verò canonico laicus è cœtu fidelium excluditur,

Aa 3 &

& excommunicatur. Jure autem novo per constitutionem Pii Quinti Clericus exercens sodomiam, omni privilegio clericali, officio, beneficio, & dignitate privatur: Insuper degradatus brachio seculari traditur. Quæ de re vide superius annotatione septima numero vigesimo secundo, & Navarr. in man. capite vigesimo septimo num. 249. Diana parte secunda tractat. tert. resol. 63. & 66.

Hinc jure merito horrendum hoc scelus ferè ab Ordinariis omnibus reservatur.

Quod ad Confessarii, sive Pœnitentiarum munus attinet, is ignorare non debet, quod supradictæ pœnæ non habent locum, nisi sodomiz delictum sit notorium, & sæpius commissum; & tunc tantum in foro externo, teste Navarro in manuali capite vigesimo septimo num. 249. & sequentibus ex communi. In foro vero interno, sive pœnitentiæ, diligenter observabit, num pœnitens sit rectè dispositus, vero scilicet dolore, & efficaci emendationis proposito affectus; absitque proxima recidivi occasio. Quæ dispositiones prærequiruntur in quovis peccatore, antequam ipsi sacramentalis impendatur absolutio.

Confessarius tamen, quoties sibi constiterit de frequenti pœnitentis lapsu, absolutionem aliquando illi differre poterit, ad experimentum sumendum de firmo ejus proposito, ut postea majori cum fructu absolutionem recipiat. Quam etiam pœnitenti ad tam enorme flagitium proclivi nec tunc conferre debet, nisi prius imposita, respondente enormitati criminis, pœnitentia, quæ scilicet tum ad morbi curationem, tum ad sceleris vindictam, & castigationem deserviat, juxta Concilii Tridentini præscriptum sessione decima quarta capite octavo.

(.)

## SI IN ALIQUA DIOECESI

Reservatio fieret in his verbis.

*Coeuntes cum Brutis.*

Quomodo hæc verba essent intelligenda.

- 1 *Nomen Brutorum differt, latiusque patet, quàm animalium.*
- 2 *Quinam veniant nomine Brutorum in littera reservationis.*
- 3 *Quid propriè significet verbum coire cum Brutis.*
- 4 *Conjunctum se cum bestia absque bestialis coitus consumatione, an reservatione ligetur.*
- 5 *Affirmativam nonnulli sustinent.*
- 6 *Oppositam sententiam probabiliorē putat Author.*
- 7 *Pœna, & quod habet rationem pœnæ, ut est reservatio, requirit actum completum, & consummatum.*
- 8 *Impuberes cum bestiis se commiscentes reservatione non ligantur, præterquam si malitia suppleat ætatem.*
- 9 *Coeuntes cum Brutis tam masculis, quam feminis incidunt in casum.*
- 10 *An in confessione necesse sit exprimere concubitum habitum esse cum Bruto masculino, vel femina.*
- 11 *Femine à belluis cognitæ Episcopali reservationi sunt obnoxie.*
- 12 *An pollutio cum bestia citra concubitum, sit circumstantia in confessione exprimenda.*
- 13 *Bestialitatis vitium ex delinquentis affectu aliam deformitatem induere potest.*
- 14 *Concubitus cum Dæmone reducit ad bestialitatis flagitium.*
- 15 *Ex concubitu cum Dæmone in assumpto corpore, an possit sequi generatio.*

ANNOTATIO I.

**E**tsi non desint, qui pro eodem censent accipiendum nomen Brutorum, & Animalium; discrimen tamen non exiguum intercedit inter ea. Nam Animalium nomine veniunt tantum terrestria, Verb. gr. Equus, Ovis, Canis, &c. non item aquatilia, aut aerea, videlicet pisces, & Aves. Brutorum verò nomen non solum comprehendit Animalia, sed etiam pisces, & Aves: Unde liquet, latius patere vocabulum Brutorum, quam Animalium irrationalium.

2 Litera igitur reservationis, cum ex suppositione dicat. *Coeuntes cum Brutis*, clarè ostendit sub reservantis juris dispositione non solum comprehenditur turpissimam commissionem cum Animalibus, nempe Equo, Ove, Cane, &c. sed etiam cum Avibus, & cujusvis generis piscibus. Hi siquidem omnes, & singuli veniunt nomine Brutorum. Idemque significant hæc verba. *Coeuntes cum Brutis*, ac si diceretur. *Coeuntes cum bestiis*. Ita Graff. de cas. ref. c. 11. n. 1.

ANNOTATIO II.

3 Ceterum cum verbum *coire* multiplicem habeat significationem: nam aliquando sumitur in bonam partem, prout significat societatem inire: aliquando in malam, prout significat in in malum aliquod conspirare. In hoc casu verbum, *coeo*, cum constet ex *con*, & *leo*, significat conferre in unum, quæ ad corporum conjunctionem requiruntur, siue id fiat ad prolis generationem, ut in naturali copula maris, & faminz, siue turpissimam voluptatem, ut in sodomia, molitie, bestialitate. *Quare coire*, idem est, ac corpora conjungere cum seminis emissionem.

ANNOTATIO III.

4 Utrum verò ad coitus bestialis flagitium & consequenter ad incurrendam reservationem tali delicto adnexam sufficiat quilibet coitus intra vas naturale Animalis, etsi deinde semen extra vas emittatur. Disceptatio est inter Doctores.

5 Affirmat Gambar. de cas. ref. pagina mihi 257. num. 7. cui videtur adherere Graff. c. 12. num. 13. Quorum ratio est, quia patror hujus delicti, ut possit ad mortem adjudicari sufficit, si pervenerit ad aliquem actum: ut habetur in *C. reos*, §. *qui cojerit*. 23. qu. 5. ergo, & bestialem coitum inchoans, licet extra vas se polluat, censeri debet reservatione ligatus.

6 Sed opposita sententia est probabilior, & in praxi sequenda. Et ratio est, non quia casuum reservatio sit odiosa, odia verò semper restringi, & fauores conveniunt ampliari, ut habet *regula juris* in 6. Non enim assentior, reservationem istam esse odiosam, nisi fortè respectu Confessariorum, sed quia peccata externa reservationi obnoxia non intelliguntur reservata, nisi actum completum habeant, non inchoatum solum. Quoties enim agitur de crimine semper intelligendum est de eo, quod consummatam injuriam, non captam significat: sicuti constat ex *cap. Hec autem de penitent. dist. 1. & Gloss. ibidem super verbo cum effectu*.

7 Accedit, quòd pœna pro delicto imposita non habet locum, nisi illud fuerit consummatum, etsi quomodolibet inchoatum. Sicuti docet Abbas super caput. *Cum in cunctis*. §. *Clerici*, num. 3. de elect. & fatetur ipsemet Graff. parte. r. decis. lib. 1. cap. 13. num. 71. Cum ergo reservatio habeat quandam rationem pœnæ: Idcirco dicendum est, coeuntes cum Brutis, si actum non compleant cum emissionem seminis intra vas Animalis reservatione non ligari: nisi aliud constet ex verbis reservationis, vel de mente Episcopi reservantis, aut certè

Aa 4 con-

contraria sit praxis Confessariorum , & consuetudo Diocesis . Ita Navarr. in manual. cap. 27. num. 250. Vers. *Quinto dico*. Finellius de cas. refer. cap. 5. num. 4. & 5. & cas. 8. num. 1. Lupus part. 2. cas. 10. num. 17. in simili de actu sodomitico. Vide quæ diximus in superiori casu ref. 6. pro non incidentibus in simili de sodomitico actu inchoato , sed non completo.

Rectè tamen monet Mazuchellus de cas. refer. cas. 22. n. 17. in simili de sodomitico actu incepto , sed non consumato , etsi pœnitens eo casu reservationem effugiat, ad Superiorem tamen esse remittendum . Quia nemini sua fraus patrocinari debet.

8 Ex hac doctrina infertur impuberes , hoc est , pueros ante annum decimum quartum exactum , si cum Bestia carnaliter se commisceant , non ligari hac reservatione . Quia pueri regulariter in ea ætate semen non gestant , ut ait Aristoteles , & consequenter cum bestialem concubitum complere nequeant cum seminis emissionem, in reservationem non incidunt.

Dixi regulariter , quia si in raro casu malitia suppleret ætatem ; Ideoque in ea ætate constaret, eos actum consummare cum seminis emissionem intra vas Animalis, reservationis jaculum non effugerent. Nam impubes, malitia in eo supplente ætatem , seu recepta ad seminandum habilitate, perinde est in ordine ad reservationem, ac si esset pubes: sicuti resolvimus in priori Elucidarii parte resol. 27. cum Mazuchello de cas. refer. disput. 1. qu. 2. diff. 4. num. 15. contra Graff. & Floron. ibid. cit.

#### ANNO TATIO IV.

9 Ceterum cum bestialis coitus possit fieri tam cum Bruto masculo, quam cum femina, oritur difficultas, an non tantum coeuntes cum femina , sed etiam cum masculo, reservatione ligentur. Cui difficultati ansam prætere potest, quod verba præsertim in lege pœnali accipienda sunt secundum proprium eorum significatum :

sicuti habetur in l. 4. §. *de negot. gest.* Coire autem cum proprie significet conjunctionem maris cum femina : Idcirco de conjunctione solum cum femina , non item cum masculo reservationis litera videtur intelligenda .

Hac tamen ratione non obstante , resolutio ad partem affirmativam deflectit, videlicet sub reservantis juris dispositione comprehendere coitum , tam cum Bruto masculo, quam cum femina : nam reservatio simpliciter, & generaliter lata, simpliciter, & generaliter est intelligenda. Atqui litera in nostro casu simpliciter dicit: *coeuntes cum Bruto*, absque alia limitatione ; igitur tam ad coitum cum Bruto masculo , quam cum femina est extendenda. Imò multò magis ad concubitum cum masculo , cum is gravior, & detestabilior sit, quam cum femina.

Dubitandi verò ansa arcetur , si dicatur, verbum coire significare conjunctionem corporum, ut supra explicatum est . Unde quoties fiat conjunctio cum supposito alterius speciei, intercedente seminis emissionem intra vas, toties committitur bestialitatis delictum , & incurritur reservatio. Graff. cit. c. 13. n. 14.

10 Non est tamen necesse in confessione dicere , concubitum habitum esse cum Bruto masculo , vel cum femina : nam bestialitatis flagitium non variatur ex diversitate sexus; sed neque ex diversitate bestiarum: siquidem semper bestia est, quæ ut obiectum movet ad libidinem: cumque inepta sit humanæ generationi, siue femina sit, siue masculus; idem est specie bestialitatis vitium , cum quacunque , & in quocunque vase expleatur, quantum ex natura talis concubitus; sicuti bene explicant A-  
zor. 3. parte lib. 3. cap. 22.

Filliuc. tract. 30. n. 161.

Bonac. de matr. questione 4. pu nct.

12. Finellius casu 8 num. 5.

## ANNOTATIO V.

11 Verùm cum ex antiquis, & nostro etiam sæculo relictis monumentis constet, non desuisse fœminas adeo prærabida libidine, ac præferina falacitate in coitum præcipientes, ac concitatas, ut se belluis succubuerint (res horrenda, nefandaque dictu) suboritur difficultas; num scilicet fœminæ hujusmodi à Brutis animalibus cognitæ, Episcopali reservationi sint obnoxie. Et ratio dubitandi est, quia Verbum *coeuntes* videtur importare actionem, non passionem; & consequenter non comprehendere fœminas, quæ in hujusmodi nefando coitu merè passivè se habent.

Affertio tamen est affirmativa, & certa, fœminas impudicè à belluis cognitæ Episcopali reservationi, ut in terminis casus esse obnoxias. Et ratio est, quia in correlativis dispositum de uno censetur dispositum etiam de altero, quoties in utroque identitas rationis concurrat; sicuti constat ex *l. final. Cod. de indic. viduit. l. final. ff. de accept. l. 1. de cupr. lib. 11.* Cum ergo simus in eodem genere delicti, eademque ratio militet tam in fœmina patiente, quam in masculo agente: Idcirco fœminæ à belluis cognitæ proculdubio censerì debet sub casu comprehensæ: Imò multò magis fœminæ, cum major in ipsis deformitas reperiatur. *Grat. cit. cap. 13. n. 18.*

Ad objectionem, cum dicitur, verbum *coeuntes* importare actionem, non passionem, dico, illud verbum accipendum esse tam activè, quam passivè; cum etiam jura pœnas infligentia tam de concurrentibus activè, quam passivè ad hoc delictum eodem modo disponant.

## ANNOTATIO VI.

12 Rogabit hic aliquis: num pollutio cum bestia citra concubitus sit circumstantia in confessione exprimenda.

Respondeo cum distinctione. Nam vel pollutio habetur cum bestia ex desiderio se commiscendi cum eadem bestia: vel habetur absque affectu ad bestiam, sed solum adminiculo bestię. Si priori modo, dico, talem circumstantiam esse necessariò in confessione exprimendam. Quia quemadmodum qui se polluit cum desiderio uxoris aliene, vel consanguineę, aut Deo sacrę tenetur in confessione exprimere circumstantiam adulterii, vel incestus, vel sacrilegii; ita etiam qui se polluit cum bestia tenetur hanc circumstantiam aperire, si desiderium habuit se commiscendi cum bestia: Nam præter malitiam pollutionis contrahit etiam malitiam bestialitatis, quam constat in confessione necessariò esse aperendam.

Si verò pollutio habeatur posteriori modo, nimirum sine desiderio ad bestiam, sed solum adminiculo bestię, tunc dico, talem circumstantiam non esse necessariò in confessione exprimendam. Quia circumstantiæ tantum aggravantes non sunt necessariò in confessione explicandę, ut communiter tradunt Doctores apud Lessium lib. 4. c. 3. dub. 12. nu. 8. Bonacinam de sacram. disp. 5. qu. 5. sect. 2. punct. 2. §. 3. num. 5. Cardinalis de Lugo de pœnit. disput. 16. sect. 3. num. 107. Aliqui se polluerent adminiculo bestię citra concubitus, & sine desiderio ad bestiam est circumstantia tantum aggravans, ut tenere debent Cajetan. 2. 2. q. 154. artic. 1. r. Azor. 3. p. lib. 3. cap. 23. q. 2. punct. 10. num. 15. Navarr. in man. cap. 16. num. 6. quorum sententiam probabilem putat Diana part. 7. tract. 1. resol. 15. in fine. Siquidem nullam aliam deformitatem habet, præterquam quòd sit contra rectam rationem. Ergo in confessione non est necessariò explicanda.

13 Adverte tamen, quòd bestialitatis virium ex delinquentis affectu potest ulterius aliam deformitatem inducere. Unde si quis



si quis abuteretur bestia ex affectu sodomitico, tunc tale scelus præter bestialitatis vitium indueret etiam deformitatem sodomique, quæ deformitas, ac circumstantia esset necessariò in confessione aperienda.

### ANNOTATIO VII.

14 Ad idem bestialitatis flagitium reducitur concubitus cum Dæmone, quoties in assumpto corpore sit incubus, vel succubus, siue corpus bestię, siue viri, siue mulieris assumat. Concurrit enim ad talem actum, ut quid extraneum à specie humana: Et ideo ex se esse bestialitatis vitium, cui superadditur aliud flagitium ratione superstitionis, ad quam spectat societas cum Dæmone: quod peccatum differt specie à bestialitate: sicuti docent Cajetan. 2. 2. q. 154. artic. 11. ad tertium. Reginaldus lib. 2. 2. num. 51. Filliuc. tract. 30. num. 162.

Utrum verò quilibet concubitus cum Dæmone sit ejusdem speciei, dicendum esse ejusdem speciei, quantum est ex natura actus: quantum verò ex parte affectus potest esse diversę speciei. Nam si quis coeat cum Dæmone in specie mulieris affectu fornicario, vel adulterino, vel incestuoso; talis concubitus, præter peccatum bestialitatis, contrahet etiam malitiam fornicationis, vel adulterii, vel incestus; si cum eodem in specie viri affectu sodomitico, erit sodomia, & sic de aliis: qua de re vide Grassium lib. 2. c. 89. Finellium de catib. refer. casu 7. num. 6. Bonacinam de matrim. quęst. 4. punct. 12. num. 3.

### ANNOTATIO VIII.

15 Sed hic curiosè petes, an ex concubitu cum Dæmone in assumpto corpore seque possit generatio.

Respondeo primò, Dæmonem in assumpto corpore, proprio semine generare non posse. Et ratio est evidens, quia Dæmon, cum sit substantia incorporea, atque ideo experta animę vegetatiuz, nequit vi

sua, & de suo corpore semine præstare. Siquidem vegetantis animę functio est naturali calore cibum acceptum concoquere, ex quo semen postea producatur, & consequenter non potest Dæmon vi sua, & ex propria substantia more animantium generare.

Respondeo secundò, si Dæmon in corpore assumpto concubitus habeat cum muliere, ex tali concubitu concipi posse fetum humanum, non quidem semen de suo præstando, sed semen à viro acceptum statim deferendo, atque in vas semineum immittendo. Dæmon siquidem, postquam sub mulieris specie succubans viro, muliebria est passus, semen, quod inde recepit, potest sub viri figura incubans feminę, in ejus matricem transfundere, ita ut menstruo ejusdem sanguini, vel semini commisceatur.

Ea enim Dæmon est agilitate, ac naturali rerum peritia, ut calorem prolificum in accepto semine, quamvis subtilis ille sit, ac faciliè dissipabilis conservare possit, semenque ipsi in mulieris utero, quo momento ad concipiendum disposita est infundere. Qui effectus cum solum requirat motum localem citissimum, qui virtutem Dæmonis naturalem non excedit, ideo ab eo fieri potest. Ita sentiunt Sanctus Thomas in 2. distinct. 8. quęst. 1. articulo quarto. Sanctus Bonaventura ibidem articulo tertio, quęst. 1. Cajetanus secunda secundę, quęstione 95. artic. 3. Suarez quarto libro de Angelis cap. 38. num. 10. Delrius. secundo libro disquisitionum magicarum, quęstione quintadecima, axioma secundo, & versiculo *dicitur ergo*. Molina 1. parte, quęstione quinquagesima, articulo 1. Conimbricenses primo libro in Aristotelem de generatione, & corruptione, capite 3. articulo 3. *secundum pronunciatum*: qui varia exempla hujus veritatis adferunt: adduntque hominem ex tali concubitu genitum non Dæmonis filium, sed ejus hominis, cujus semine abusus est Dæmon, esse dicendum.

Utrum verò etiam ex succubo Dæmone, & viro fetus humanus concipi possit. Communis sententia tum Theologorum, tum Physicorum est negativa. Tum quia

quia mēstruus sanguis, qui humanę conceptioni omnino est necessarius, nequit suppeditari à Dēmonē, quippe quidigestionem nullam habet, nullumque verum sanguinem. Tūm quia ad conceptionem fētus humani, prāter gestationem novem mēnsium requiruntur alimenta, & alimenta ejusdem fētus vitalia, quę nequeunt effici, nisi à vegetante matris anima. Vide Doctores supra citatos, potissimum verò Martinum Delrium loco citato.

## RESOLUTIVA PRAXIS

### *Pro Incidentibus.*

**I** EX prānotatis pro regula generali statuitur, eos omnes reservatione ligari, qui concubitus habent non solum cum Animalibus, V.gr. Equo, Cane, Ove, &c. sed etiam cum Avibus, & cujuscumque generis piscibus: dummodò verus coitus intercedat cum feminis emissione intras vas Bestiæ. Constat ex annot. 1. num. 1.

2 Idem resolves de illo, qui se polluit cum Bruto masculo, consumando actum in turpissimo ipsius vase. Quia reservantis juris dispositio comprehendit bestialem coitum tam cum Bruto masculo, quam cum femina: imò multò magis cum masculo, cum is sit gravior, ac detestabilior, patet ex annot. 4. n. 9.

3 Episcopali reservationi proculdubio cēseri debent obnoxie femine, quę se belluis belluina libidine succumbētes ab ipsis fuerunt cognite cum abominabilis actus consumatione: Cujus pręferinę salacitatis, ac prurignis etiam ætate nostra non desunt exempla. Vide supra annot. 5. n. 11.

4 Neque telum reservationis effugit semina, si coitus habens cum bestia ipsa sola seminet, non item bestia, eò quòd eam ante ipsius seminationem à se amoveat. Quia hæc reservatio non est indulta ad impediendam generationem cum bestia, sed in odium tam atrocis flagitii, & bestialis turpitudinis, quæ cen-

setur consumari ex parte semine ex sola ipsius seminatione, dummodò ea contingat, perdurante vero coitu cum bestia.

5 Reservationem non effugit impubes, quoties malitia in eo supplente ætatem, constat crimen pessimum consumasse cum feminis emissionem intra vas bestię. Liqueat ex annot. 5. n. 8.

7 Coeuntes cum Dēmonē incubo, vel succubo, sive bestię, sive hominis corpus assumat, ligantur reservatione: Quia in hoc casu verus cum Bruto intervenit coitus: Siquidem Dēmon etli incubat, vel succubat sub specie hominis, ad talem tamen concubitus concurrat, ut quid extraneum à specie humana. Vide supra annot. 3. n. 7.

## RESOLUTIVA PRAXIS.

### *Pro Non Incidentibus.*

**I** EX prānotatis resolves, eum non incidere, qui instrumento aliquo vel manu vas bestię penetrans efficit, ut Animal libidine cōcitatū semen emit. Quia talis actio pollutio ex parte Bruti dicenda est, non coitus.

2 Idem resolves de illo, qui genitale membrum etiam cum feminis emissionem intra os, vel aures, aut nares bestię immitteret. Quia & hæc actio pollutio ex parte hominis dicenda est, non verus coitus.

3 Immunis à reservatione censenda est semina, quæ studiosè, & data opera efficeret, ut Animal, vel officium proprii pudoris semine lingendo, vel caudam in vas ejusdem pudoris immitiendo, eam ad pollutionem induceret. Quia reservatio requirit verum coitum cum membro genitali.

4 Non ligatur reservatio, qui propria virga naturam Animalis perfricans turpissimè se polluit: Quia eo casu deficit conjunctio corporum, & consequenter bestialis coitus, qui solum reservationi est obnoxius. Constat ex annotation. 2. num. 3.

5 Eadem

5 Eadem resolutionem extendes ad eum, qui intra vas Animalis, seu bestię coitum abominandum incēpit, sed deinde studiosē se retrahens extra vas semē effundit. Quia reservatio requirit actum completum, & consummatum; nisi aliter jus reservans disponat: Verū, etsi in hoc casu penitens reservationem effugiat; ad Superiorem tamen puto esse remittendum, quia nemini sua fraus patrocinarī debet. Vide annotatione 3. num. 7.

6 Eadem à reservatione immunitas ampliatur ad casum, quo homine activē coeunte cum bestia ipsa corrumpitur, non autem homo. Quia bestialis coitus non censetur perfici, & consumari ex parte hominis, nisi semen emittat intra vas naturale, vel innaturale Animalis: patet ex eadem annotatione 3. num. 7.

7 Pueri ante decimum quartum annum exactum cum bestiis coeuntes, à reservatione censendi sunt immunes: Quia ante eam ætatem præsumuntur inhabiles ad seminandum, & consequenter ad bestialem coitum consummandum, qui solum reservationi est obnoxius, ut latius explicavimus supra annotatione 3. num. 6. 7. & 8. Quoties tamen constaret in ea ætate actum consumasse malitia suppletente ætatem, reservationis telum non effugerent. Vide prædictam annotationem 3. num. 7.

## DE GRAVITATE

*Hujus Delicti, & Obligatione  
Confessarii.*

**B**estialitatis flagitium est gravissimum, & inter omnia luxurię peccata, quę contra naturam committuntur pessimum nuncupatur. Sicuti constat ex *Genes. cap. 37.* illis verbis. *Accusavit fratres suos crimine pessimo.* Ubi Glossa ait. *Quia cum pecoribus miscebantur.* Tantum verò scelus ita est abominabile coram Deo, ut cap. 2. *Levit.* mandaverit, occidi bestiam, cum qua perpetratum fuisset,

quamvis ipsa careret culpa, cum sit irrationalis, & cap. 20. *Levisdem Levit.* iussit interficere eum, qui cum jumento misceretur unā cum ipso jumento. Quod fiebat ad delendam indigni facti memoriam, ut ait Augustinus relatus in cap. *Mulier 15. q. 1.* Hodie etiam ob immanitatem flagitii, bestia cum qua peccavit quis, est interficienda.

Quod attinet ad Confessarium, qui aliquem ad tantum scelus proclivem repperit, in primis illi gravitatem criminis aperiat, jubeatque ut à se bestiam alienet, quomodo cumque fiat alienatio, ut sic omnino removeatur recidivi occasio. Reperti enim sunt, qui septem annos cum eodem Bove peccarunt, qui casus licet excedat hominum fidem, non tamen veritatem. Pœnitens propter flagitium proclivis, præter alias pœnitentias, quę tanti morbi tūm curationem, tūm criminis vindictam respiciant, bestiarum vitam per aliquot dies transigere à Confessario cogendus erit, videlicet, ut nihil coctum igne comedat, sed omnia cruda, & sola aqua sitim extinguat. Qui verò in hoc flagitio magis habitusdum repertus fuerit, ad coercendam ejusdem insaniam, & execrabilem voluptatem, bestiarum more proprio ore cibum capere compellendus erit, negata illi facultate manuum ministerio ad hoc utendi, ut sic saltem respiciat, juxta illud. *Imple facies eorum ignominia, & quærent nomen tuum,* cum præsertim cum personis vilibus agatur. Hæc tamen pœnitentię pœnales, ut clam executioni mandentur, ad tollendum scandalum,

hujusmodi pœnitentibus à Confessario imponendum erit.



SI IN ALIQUA DIOECESI

Reservatio fieret in his verbis.

*Stuprum Virgini per vim illatum.*

Quomodo hec verba essent intelligenda.

- 1 *Stuprum quid sit.*
- 2 *Stuprum duplex, aliud Virgini per vim illatum, aliud volenti, & consentienti.*
- 3 *Defloratio Virginis consentientis, an constituat speciem luxuriæ à simplici fornicatione distinctam.*
- 4 *Non pauci Doctores affirmativam sustinent.*
- 5 *Contrariam probabiliorē putat Author.*
- 6 *Defloratio Virginis consentientis, sub reservantis juris dispositione, ut in terminis casus, non comprehenditur.*
- 7 *Stuprum per vim dividitur in id, quod per vim, & coactionem propriè dictam Virgini inferitur, & in id, quod per dolum, vel motum.*
- 8 *Viraque defloratio an censenda sit sub reservantis juris dispositione comprehensa.*
- 9 *Concubitus cum Virgine precibus, blanditiis, muneribus obtentus an reservationi sit obnoxius.*
- 10 *Nonnulli affirmant.*
- 11 *Sententia negans videtur probabilior, & sustinenda.*
- 12 *Præces, munera, blanditiæ non minuant, sed potius augent voluntarium.*
- 13 *Quid, si cum precibus conjunctæ sint minæ.*
- 14 *Stuprum virgini per vim illatum, ut reservationi sit obnoxium, debet esse perfectum, & consummatum.*
- 15 *Quid sit virginitas.*
- 16 *An virginitas à castitate differat.*
- 17 *Ad incidendum in casum non sufficit, quod Puella ab omnibus reputetur Virgo, si occultè fuerit corrupta.*
- 18 *Virginitas potest considerari, & ut status*

*naturæ, & ut virtus.*

- 19 *Virginitas, ut est status naturæ, quorū modis amittatur.*
- 20 *Virginitas, ut est virtus, an recuperabiliter possit amitti, & quorū modis.*
- 21 *Puella per vim corrupta an possit velum consecrationis accipere.*
- 22 *Virginitas, ut est virtus, quando irrecoverabiliter amittatur.*
- 23 *Virginitalis integritas duplex, alia carnis, alia animi.*
- 24 *Ad incidendum in casum opus est, & sufficit, ut Puella sit integra carne.*

ANNOTATIO I.

1 **S**uprum, si latè accipiatur, significat omnem speciem luxuriæ, sive cum masculo, sive cum femina, eaque vel coniugata, vel vidua, vel virgine: sicuti constat ex *l. stuprum, ff. ad legem Iuliam*, & notavit S. Thom. 2. 2. quaest. 154. art. 6. ad 2.

Strictè verò acceptum stuprum significat illicitam Virginis fœminæ deflorationem. Laym lib. 3. sect. 5. tr. 3. p. 3. c. 13. n. 1. ex Gratiano.

2 Stuprum posteriori modo, & propriè acceptum dividitur in illud, quod Virginis per vim inferitur, & in illud, quod volenti, ac consentienti.

3 Circa quam divisionem, oritur primo difficultas, an copula cum Virgine consentiente habita constituat speciem luxuriæ à simplici fornicatione distinctam.

4 Affirmativam sententiam sustinet Cajet. 2. 2. quaest. 154. art. 6. Tolet. libr. 3. cap. 18. Azorius tom. 3. lib. 5. cap. 5. quaest. 1. Filliuc. tract. 30. num. 61. & 66. Bonac. quaest. 4. de matrim. punct. 7. n. 2. Quorum fundamentum est, quia per stuprum fit injuria patri, cui commissæ est custodia corporis suæ filię, sive consentiat, sive dissensiat. Quod si filia parentibus orbata sit, adhuc asserunt concubitus cum ea specialem continere luxurię malitiam, quę necessariò in confessione exprimentanda est, non ob injuriam parentibus illatam, sed ob injustitiam contra finem naturę, in ordine ad quem claustrum virgine

nale concessit, cui puella non potest cedere, cum illius non sit domina, sed custos.

5 Contrarium docent Sanchez libr. 7. de matrim. disp. 14. num. 5. Lessius lib. 2. cap. 10. dub. 1. num. 6. Vasquez 1.2. disput. 112. cap. 2. Coninch. disput. 7. numero 19. Layman cit. cap. 13. num. 1. Diana part. 2. tract. 3. resol. 12. videlicet deflorationem virginis consentientis non continere speciem peccati à simplici fornicatione distinctam, & consequenter circumstantiam virginittis violatę non esse necessariam in confessione exprimendam. Ratio istorum est, quia si copula cum virgine consentiente specialem continet malitiam, quam non includit simplex fornicatio, maximè quia non solum adversatur temperantię, sed etiam iustitię, cui non adversatur fornicatio, sed hæc deformitas iniustitię non reperitur in defloratione Virginis consentientis: Ergo, &c. Minor probatur, quia Puella licet non sit domina sui corporis, est tamen domina usus sui corporis, quo vel nunquam uti potest ad carnalem generationem, vel uti modo legitimo nuptiarum, vel etiam abuti per illicitum concubium, Ergo nulli infert injuriam, cum puella non habeat minus dominium claustris vaginalis, quàm oculorum, ac manuum suarum; & abutendo vaginali claustro, utatur eodem jure, quo citra propriam, vel alienam injuriam potest uti circa oculorum, vel manuum usum.

5 Hęc posterior sententia tùm ob efficaciores rationes, tùm ob gravissimorum Doctorum auctoritatem, mihi videtur probabilior, & in praxi sequenda.

6 Verùm quidquid sit de hac difficultate, quoad stupri malitiam, vel damni compendi obligationem, certissimum nobis esse debet, stuprum cum Virgine consentiente commissum sub reservationis juris dispositione, ut in terminis casus non comprehendi, ut clarè constat ex illis verbis *per vim illatum*. Volenti enim, & consentienti violentia, & injuria non inferitur.

## ANNOTATIO II.

7 Cæterum notandum est, quod stuprum duobus modis potest Virgini violententer inferri. Primò per vim, & coactionem propriè dictam, ut si Virgo ob sexus imbecillitatem à viro opprimatur; ipsa non solum non consentiente, sed quatenus potest, & debet clamore, & nisu corporis resistente. Secundò per dolum, aut injustam metus incussionem, quę violentiæ æquiparetur, ut si vir dolosa nuptiarum promissione copulam à Virgine extorqueat, vel sponsus per verba de futuro juratus minetur sponsę, se cum alia nuptias initurum, ni copiam sui corporis sibi faciat.

8 De stupro utraque ratione Virgini illato intelligenda est litera propositi casus. Nam copula etiam per dolum, fraudem, vel injusti metus incussionem à Virgine extorta sub nomine stupri Virgini per vim illati comprehenditur, teste Graff. lib. 2. decis. aur. c. 78. nu. 4. Chapeav. de cas. reserv. cap. 11. numer. 4. & cas. 12. qu. 1.

9 Difficultas est de copula muneribus blanditiis, vel precibus importunis à Virgine impetrata, an ea etiam comprehendatur nomine stupri Virgini per vim illati.

10 Affirmat Lupus de cas. refer. part. 2. cas. 15. num. 5. citans Capeavillam, & Graffium rationem assignat, quia munera, preces, blanditię, &c. Licet non contineant violentiam propriè dictam, continent tamen violentiam interpretativam, cum munera, preces, blanditię, quasi violententer Puellam, ad consentiendum in sui deflorationem inducant.

11 Oppositum tamen videtur probabilius, & sustinendum, videlicet eum, qui muneribus, blanditiis, vel precibus etiam importunis Virginem ad copulam flexit, in reservationem latam contra inferentem stuprum Virgini per vim non incidere, nisi simul cum precibus junctę sint minę, vel talis metus reventialis, qui vi, & coactioni æquiparetur.

tur . Et ratio est, quia ad rationem stupri, de quo loquitur litera, duo requiruntur: primus est violatio signaculi, sive claustrii virginiei per carnalem accessum viri; alterum injuria, sive violentia virginitati, sive claustrum virginali illata: Sicuti docent Lessius citat. cap. 10. dub. 1. numero 6. Sanchez lib. 7. de matrimo. disput. 14. Quamvis igitur in proposita difficultate verè intercedat violatio signaculi, sive claustrii virginiei per carnalem accessum viri, deficit tamen vis, injuria, & violentia Virgini illata. Quia preces quævis importunæ non continent injuriam, & violentiam, neque tollunt voluntarium: alioquin qui assiduis precibus, ac muneribus aliquid ab altero obtineret, injuriam illi inferret, injustitiamque committeret, ut bene notavit Lessius cit. cap. 10. dub. 2. num. 14. in fine.

Neque videtur sufficere violentia interpretativa, sed requiritur violentia formalis, vel saltem talis, quæ violentiæ formali æquiparetur. Quia in odiosis, qualis est reservatio, stricta facienda est interpretatio secundum strictam & propriam verborum significationem, non autem extendenda est ad impropriam, & interpretativam, (nisi ratio, vel necessitas cogat, quæ in hoc casu illa intercedit) teste Suarez lib. 6. de legib. cap. 27. num. 10. Coriol. de cas. refer. par. 1. sect. 1. art. 5. Lezan. in summ. tom. 3. V. cas. refer. nu. 13. Et hinc solvitur ratio Lupi supra relata.

12 Addo, quòd preces, munera, blandiciæ potius augent, quàm minuunt voluntarium: sicuti docet S. Thom. 2. 2. quest. 6.

13 Dixi, nisi cum precibus conjuncte sint minæ, aut metus reverentialis, ut si vir erat Puellæ dominus, vel magnæ auctoritatis, cui illa, animo repugnante, & quasi coacta copiam sui corporis concesserit, tunc enim preces, metusque hujusmodi censentur vi, & coactioni æquiparari: quo casu deflorator sicut verum committit stuprum, & contrahit obligationem ducendi in uxorem, vel dotandi stupratam puellam, sic etiam reservationem incurrit, hujusmodi stu-

pro adnexam. Faciunt quæ habet Lessius cit. numero 14. Sanchez citat. disput. 14. Molina tract. 3. disputat. 106. numero 2. P. Navarr. citat. Trulench. lib. 7. cap. 9. disput. 3. Layman lib. 3. tractat. 3. parte 2. cap. 13. num. 1. Mazuchell. disp. 2. cas. 23. num. ....

### ANNO TATIO III.

14 Verùm cum stuprum Virgini per vim illatum modo prædicto possit esse duplex aliud perfectum, & consummatum, in quo vir copulam à Virgine extortam consummat per seminis emissionem intra Virginei pudoris claustrum; aliud imperfectum, & non consummatum in quo vir oblectatus defloratione Virginis per solam penetrationem claustrii Virginalis, extra illud deinde semen effundit: propterea notare oportet, quòd stuprum priori modo commissum cum perfectum, & consummatum sit per seminis emissionem intra pudoris Virginei claustrum: idcirco planum est existere etiam reservantis juris dispositioni obnoxium. Non ita verò stuprum posteriori ratione patratum. Nam quamvis in eo integra stupri malitia, & deformitas reperiat; quia tamen ob deficientem seminis emissionem intra Virginis claustrum, incompletum ea ratione, & imperfectum manet. Idcirco extra telum etiam reservationis existere censendum est: Sicuti etiam diximus in posteriori Elucidarii parte cas. 5. annot. 3. in simili de incestu. Delicta enim non censentur Episcopali reservatione comprehensa, nisi fuerint consummata, teste Grassi. parte 1. decis. aur. lib. 1. cap. 23. numero 71. Finell. de cas. refer. cap. 5. num. 4. Quæ doctrina intelligenda est, nisi aliud colligatur ex verbis reservationis, vel constet de mente Superioris reservantis. Nam si ipsa quoque criminis attentatio, & conatus expressis verbis reservationi subijciatur, nemini dubitandum est, reservationem validam existere. Fateor in hoc casu, ad arcendas Virginum deflorationes, ac comprimendos earumdem deflores, seu potius proditores, quòd

quod Ordinarii providè se gererent, si stupri flagitium etiam non-consummatum sibi reservarent.

#### ANNOTATIO IV.

15 Ceterum antequam ad casus prae-  
dictos desceamus, videndum est,  
quid sit virginitas, & cuiusnam virgi-  
nitatis violatio reservationi sit obnoxia.  
Quoad primum, praemittendum est,  
quod virginitas, quæ à virore dicta pu-  
tatur, eò quod immunitatem à concu-  
piscentiæ adustione denotet, duplici-  
ter accipi potest. Primo, pro integritate  
carnis, quæ libidinosa contagionis  
est experta. Secundo, pro voluntate,  
& proposito illius integritatis, ac puri-  
tatis conservandæ perpetuò, vel ad tem-  
pus ab omni libidinosa contagione; &  
hoc modo accepta est virtus, quæ sic po-  
test definiri. Virginitas est virtus, im-  
munitatem à contagione libidinis, & car-  
nis integritatem perpetuò tueri inten-  
dens, & proponens: colligitur ex Lessi li.  
4. c. 2. dub. 14. n. 96. Laym. lib. 3. sect. 4. num.  
7. Quia posse inquinari, & non esse in-  
quinatum, honestum quiddam est, &  
laude dignum.

16 Virginitas à castitate differt. Pri-  
mò, quod hæc etiam in conjugatis, at-  
que corruptis, & poenitentibus locum  
habere possit: virginitas non item: sed  
semel amissa per consensum voluntari-  
um irreparabilis est, sicuti docent S.  
Hierony. epist. 22. ad Eustoch. S. Th. 2.  
2. quæst. 152. art. 3. ad 3. Secundo, quia  
castitas hoc habet pro munere, ut à li-  
bidinis contagione abhorreat, & subje-  
ctum in posterum à tali macula liberum  
præservet: Virginitas verò ulterius de-  
notat hoc subiectum nunquam fuisse li-  
bidinis labe scædaturum, quod in ratio-  
ne castitatis non includitur. Lessius li-  
bro quarto, capitulo secundo, dub. 14.  
num. 99.

17 Quoad alterum quæsitum, vide-  
licet cuiusnam virginitatis violatio re-  
servationi sit obnoxia, diligenter est  
expendendum, utrum puella, à qua  
extorta fuit copula, se vera fuerit vir-

go, eò quod integrum claustrum virgini-  
tatis servaret; vel fuerit corrupta per  
carnalem viri concubitus, quamvis  
ab omnibus reputaretur virgo: Nam ad  
incurrendam hanc stupri reservationem  
non sufficit, si Puella, cui vis fuit illa-  
ta, ob omnibus reputetur virgo, si re-  
vera sit corrupta: sed omnino requiritur,  
ut sit Virgo, cui nullus vir antea mem-  
bro naturali claustrum virginitatis per-  
fregerit. Litera enim, ut supponitur,  
loquitur de stupro Virgini illato, quæ  
revera sit Virgo, non autem de ea, quæ  
ira tantum ab omnibus reputetur. Ne-  
que obstat, quod talis Puella coram Ec-  
clesia præsumatur Virgo, ita ut puniret-  
ur tamquam stuprator, qui huiusmodi  
Puellæ vim inferret, quoties eam esse  
corruptam probare non posset. Qui id  
verum est secundum iudicium fori ex-  
terni, quod nittitur præsumptionibus, quæ  
sepe numero sunt falsæ. At nos loquimur  
de iudicio fori penitentiarum, quod nittitur,  
non præsumptionibus, sed veritate, quo-  
ties de ea constat. Ita Chapeavilla ca-  
su duodecimo, quæstione prima. Lu-  
pus casu decimoquarto, numero vige-  
simo tertio, quibus subscribit Mazuchel-  
lus casu vigesimotertio, numero vige-  
simosexto.

Dixi superius, cui nullus vir mem-  
bro genitali virginitatis signaculum vio-  
larit. Quia si qua Puella se cani, aut  
alteri animali supponendo, pollueret-  
ur, etsi in præterito illo concubitus  
fractionem claustrum pateretur, non ideo  
tamen deflorata, vel stuprata censenda  
foret. Quare si vir aliquis deinde co-  
pulam ab ea per vim extorqueret,

verus stuprator, reservationi ob-  
noxius habendus esset: Si-

cuti benè notavit Graf-  
fius in consilio  
de sententia  
excom-  
mu-

nicationis numero quarto,  
& trigesimo se-  
cundo.

ANNOTATIO V.

18 Pro cuius doctrinæ clariori notitia notandum est, quod virginitas potest dupliciter considerari, vel ut est status naturæ, vel ut est virtus.

19 Virginitas, prout est status naturæ amittitur. Primò, per voluntarium viri concubitum, sive in licito usu matrimonii, sive in illicito congressu. Secundò etiam per involuntarium concubitum, ut si puella per vim opprimatur à viro. Nam tunc etiam frangitur claustrum virginis signaculum, quod nihil aliud est, sibi astipulantibus peritissimis Medicis, quam quædam complicatio partium ipsius orificii vasis foeminei, quæ per viri accessum dilatatur. Tertio amittitur per spontaneam, vel coactam admissionem membrum virilis, turpitudinem aliquam exercentis etiam si non sequatur seminario, modò talis sit, ut pollutionem excitare possit in natura sana, quamvis per accidens nõ excitet ob debilitatem, vel morbum, ut benè explicat Mazuchell. loc. citat. num. 3. Quartò, secundum Lessium per copulam sodomiticam, tam activam, quam passivam, sive in foemina, sive in viro. Probabilius tamen est per sodomiam passivam non amitti virginitatem, & multò minus per alias turpitudines in aliis corporis partibus commissas, eò quod in huiusmodi abominanda scorditate integritas, & illæsum maneat virginitatis signaculum, ut de illa pater.

20 Virginitas verò, ut est virtus, recuperabiliter amittitur. Primò per desideria turpia. Secundò per delectationem morosam. Tertio per voluntatem nubendi. Quartò, per quemlibet actum venerum, citra seminationem activè, vel passivè commissum, modò voluntarius sit. Virginitas igitur his quatuor modis amissa, peracta pœnitentia, integrè recuperatur.

Dixi, modò actus venereus sit voluntarius. Nam si ratio voluntarii desit, etià si claustrum virginale violeatur, virginitas nihilominus, ut est virtus, non amittitur. Unde Puella per vim corrupta, li-

cet amplius non sit virgo statu, seu carne, & naturaliter; animo tamen, & virtute, seu in genere moris adhuc est virgo, virginitatisque laudem, ac præmium retinet, & consequenter ei propria Virginitatis laureola debetur, teste S. Thoma in 4. dist. 33. q. 3. artic. 1. & in supplem. 3. p. qu. 96. art. 5. ad 4. Lessio loco cit. Layman cit. sect. 4. num. 8.

21 Quinimò Puellam per vim corruptam posse accipere velum consecrationis, docet idem S. Thomas 2. 2. quæstione 152. artic. 1. ad 3. Sylvester V. *consecratio Virginum*, quæst. 1. num. 20. Navarrus in manuali cap. 16. num. 3. Filiucius tract. 30. cap. 1. quæst. 6. nu. 25. Layman lib. 3. sect. 4. num. 8. & 9. Quia verè est incorrupta coram Deo. Quod verum est, dummodo violentia sit occulta, delectationique venereæ non consenserit. Lessius citato lib. 4. cap. 2. dubio 16. numero 115.

22 Irrecuperabiliter verò virginitas, ut est virtus, amittitur. Primò per carnalem commixtionem voluntariè cum viro habitam. Secundò per voluntariam pollutionem, etiam si contingat absque copula, etiam in somno, dummodo in vigilia fuerit procurata, vel in causa directè intenta. Secùs, si omninò casualiter, quavis ex causa etiam mala, verbi gratia, ebrietate, vel crapula accidisset: Tunc enim non amitteretur, sicuti communiter docent Doctores apud Lessium, Filiucium, & Laymanum locis citatis.

23 Hinc patet duplicem esse Virginitatis integritatem, alteram carnis, animi alteram. Quare Virgo alia integra est sola carne, alia integra est sola mente, alia denique tam carne, quam mente.

24 Ad incurrendam igitur reservationem, violentæ deflorationi Virginis adnexam, ignorandum non est Confessariis opus non esse, ut Puella sit integra tam mente, quam carne, sed sufficere, ut sit integra carne, hoc est, ut signaculum, sive pudoris Virginei claustrum integrum, & illæsum servet. Non tamen satis esse, si sit integra sola mente, corrupta verò per involuntarium viri concubitum. Ita colligitur ex Cajeta-

B b no,

Part II.



no, Armilla, Sà, Lessio, quos citat, & sequitur Layman citata sect. 4. num. 8. vericulo *Dico secundò*. Filliucius citato capite 1. num. 25. Bassius in floribus V. *Virginitas*, num. 6. & expresse docet Bellochius de casibus reservatis parte 2. q. 12. num. 50. Mazuchellus de casibus reservatis disput. 2. cap. 23. quæst. 1. num. 8. & plures alii.

## RESOLUTIVA PRAXIS

### *Pro Incidentibus .*

1 **EX** prenotatis resolves primò illum reservatione ligari, qui per violentiam, & coactionem Virginem deslorat: Quia talis desloratio verè, & propriè stuprum Virgini per vim illatum. Constat ex annotatione secunda numero septimo, & docet Belloch. de cas. ref. p. 2. q. 12. n. 63.

2 Idem resolves de illo, qui concubium habet cum Virgine prorsus invita, licet propriè absit violentia, & coactio. Quia hujusmodi copula venit nomine stupri Virgine per vim illati, teste Lessio lib. 2. cap. 10. dub. 1. num. 6. Belloch. cit. num. 63.

3 Eandem resolutionem extendens ad eum, qui dolo, aut metu copulam à Virgine extorquet, actum consumando. Quia dolo, & metus æquiparantur violentiæ, talisque copula sub dispositione casus censeri debet comprehensa. Patet ex annotatione secunda numero septimo, & octavo.

4 Reservationis iaculum non effugit, qui desloravit Virginem invitam, cui priùs alter, vel ipsa, se polluendo, propriis manibus, aliove instrumento pudoris claustrum perfregerit. Quia licet fortè Puella per talem fractionem amiserit virginitatem virtuosam, si in talem fractionem ex venerea delectatione consenserit, retinet tamen virginitatem naturalem: qua retenta, copula postmodum ab ipsa extorta verè dici debet, stuprum Virgini per vim illatum. Vide supra annotatione quinta numero decimo nono, & vigesimo quarto.

5 Ab hac reservatione non eximitur sponsus de futuro, si copulam à sponsa virgine, ante matrimonii celebrationem per vim, & metum extorqueat: Quia hujusmodi concubitus verè est stuprum Virgini per vim illatum. Nam, quamvis, sponsus de futuro amplexus, oscula, & tactus liceant, dummodo non sint impudici, neque adsit periculum pollutionis, aut consensus in illam, non tamen licet tactus partium verendarum, & multò minus copula. Chapeau. de cas. refer. cas. 11. q. 2. Belloch. cit. n. 68.

6 Idem ob identitatem rationis adquatæ resolves de illo, qui cum honestam Virginem precibus, muneribus, ac blanditiis ad copulam flectere non posset, dolo, ac fraude illi matrimonium promisit, sicque ab ea concubitus extorsit. Quia fraus, & dolo in hoc casu censentur vi æquiparari. Neque obstat nobilitatis, vel divitiarum imparitas: quia licet fortè doloſus stuprator ob id non teneatur stupratam ducere, sed satis sit, si dotem illi tribuat: non idè tamen excusatur à stupri flagitio, si revera dolo, & fraude ab ea (aliàs invita) copulam extorsit. Ita Suarez, Felin. Chapeavilla citato numero octavo quibus subscribit Lupus de casibus reservatis, casu decimo quinto num. 29.

7 Ligatur hac reservatione vir, qui per vim, & metum stupravit Virginem, actum consumando, licet ea esset immaturæ ætatis, viroque impotens. Quia concubitus cum Virgine tam maturæ, quam immaturæ ætatis, quoties intercedit vis, consummatioque actus, verè est stuprum Virgini per vim illatum. Grassi. in consil. 23. de sent. excom. nu. 32. cui subscribit Mazuch. disp. 2. cas. 23. q. 1. n. 15.

8 Idem resolves de illo, qui per vim, & metum copulam extorquet à Puella, de qua dubium subest, an esset Virgo. Quia Puella in dubio præsumitur virgo, teste Grassi loc. cit. & Mazuch. num. 17. Neque obstat facilitas coitus. Nam licet fortasse id arguat Puellam carere virginitate virtuosâ, non tamen virginitate naturali, quæ sufficit ad rationem stupri; quoties intercedit vis, & metus

tus

tus ex parte viri. Vide supra resol. 4. pro incidentibus.

9 Reservatōni tandem est obnoxius, qui stuprum Virgini per vim intulit, antequam stupri flagitium in ea Diœcesi reservaretur, si deinde, inducta reservatōne, petat absolvi. Ratio superius assignata est in casu sodomizæ num. 7. pro incidentibus: Quia per supervenientem reservatōnem manet Confessariis illius Diœcesis subtrac̃ta facultas absolvendi ab hoc delicto, sive illud ante reservatōnem fuerit commissum, sive post. Vide prædictam resol. 7.

## RESOLUTIVA PRAXIS.

### *Pro non Incidentibus.*

1 **N**on ligatur hac reservatōne, qui per vim, & coactionem cognovit fœminam, quæ ab altero prius fuit corrupta. Quia hujusmodi concubitus, licet per vim extortus, non est stuprum, sed alterius generis luxurię delictum.

2 Idem ob eandem rationem resolves de illo, qui per vim cognovit Puellam, quæ ab omnibus reputabatur virgo, re tamen vera non erat virgo, sed corrupta. Quia talis concubitus verè non est stuprum. Neque refert, quod forum externum illum puniret tamquam stupratorem, quia id ageret ex præsumptione, quæ non habet locum in foro pœnitentię, in quo præsumptio cedit veritati. Constat ex ann. 4. num. 17.

3 Non incidit, qui violententer se polluit super virginem, etiamsi eandem ad pollutionem provocaret. Tum quia ad committendum stupri flagitium requiritur fractio vaginalis signaculi per admissionem virilis instrumenti, quod non accidit in ea fœditate: tum quia licet voluntaria pollutio tollat in femina virginitatem virtuosam, non tamen virginitatem naturalem, cujus violenta iactura requiritur ad incurrendam reservatōnem. Bellochio quest. 12. num. 77. Lupus casu 15. num. 17.

4 Reservantis iuris dispositioni non est obnoxius, qui aliter, quam membro

naturali virgini pudoris claustrum dirumpit, v.g. digitis, vel alio instrumento. Quia fractio vaginalis signaculi alia ratione facta, quàm per carnalem viri concubitum, non continet externam stupri maliciam, & consequenter neque inducit reservatōnem. Mazuch. cit. q. 2. num. 20. ex Graff.

5 Idem resolves de perditissimo illo, qui masculum virginem violenta libidine corrumpit. Quia stuprum propriè est illicita, & iniuriosa virginis fœminæ defloratio: concubitus autem nefarius cum puero virgine in vase præpostero non est stuprum, sed sodomia, de qua satis egimus supra. Chapeavilla casu vñdecimo.

6 Reservatōnis jaculum effugit, qui copula à Virgine per vim extorsit, sed eam per feminis emissionem non consumavit. Quia non quodlibet stuprum reservatōni est obnoxius, sed perfectum, & consummatum. Quod verum est, nisi aliud colligatur ex verbis reservatōnis, vel constet de mente Episcopi reservantis. Patet ex annot. 3. n. 14.

7 Immunis est ab hac reservatōne, qui Virginem non invitam defloravit. Quia reservantis iuris dispositio, ut supponitur, comprehendit tantum stuprum Virgini per vim, non verò consentienti illatum. Secus resolvendum si tantum reservaretur simplex Virginis defloratio, uti disponit Edictum casuum in Diœcesi Mediolanensi reservatorum, apud Mazuchellum casu vigesimo tertio. Nam simplex Virginis defloratio nulla requirit violentiam. Bellochio, & Mazuchello loc. cit.

8 Idem resolves de illo, qui blandiciis, suasionibus, ac muneribus Virginem ad copulam flexit. Quia blandiciis, ac munera non tollunt, sed augent voluntarium, blandèque alliciunt, teste S. Thom. 2. 2. q. 6.

9 Eandem immunitatem à reservatōne, sed non à gravi crimine extendens, ad eum, qui precibus etiam importunis (seclusis minis, metuque reverentiali) Virginem ad sibi concedendam sui corporis copiam induxit. Quia preces etiam importunę, si absint minę, non includunt

Bb 2 vim,

vim, & metum, & consequenter veram rationem stupri excludunt. Faciunt, quæ habet Trulen. lib. 7. cap. 9. disp. 3. Layman lib. 3. sect. 5. tract. 3. par. 3. cap. 13. nu. 3. Medulla theol. mor. lib. 3. tract. 5. dub. 6. art. 4. nu. 3. & docet Mazuch. cit. cas. 23. nu. 39. contra Chapeau. cas. 11. q. 1. diff. 1. & Lup. cas. 15. num. 12.

10 Reservatio non est obnoxius sponsus per verba de præsentis, qui, nondum effluxo bimestri, quod conceditur sponsis ad deliberandum de ingressu in religionem, sponsam per vim cognovit. Quia concubitus ille non est stuprum, imò neque fornicatio, cum non sit accessus ad alienam, sed ad suam. Et quamvis sponsus eo casu delinquat contra iustitiam, eò quod spoliatur iure suo sponsam, non tamen peccat contra temperantiæ virtutem. Belloch. num. 68. & Mazuch. num. 28.

11 Extra telum reservationis existit, qui cum circa pudenda Virginis, intercedente vi, & metu, se polluerit, absque vasis penetratione, Puellæ matrix semen intus attraxit, sicque gravis effusa est. Quia ad rationem stupri non sufficit attractio seminis à matrice, sed requiritur violatio claustris, sive vaginalis signaculi per membrum naturale viri. teste Bellochio loco citato n. 76. & Mazuchello num. 22.

12 Idem tandem resolves de fœmina illa, quæ masculum virginem per vim, & metum ad copulam secum consummandam induceret. Quia stuprum propriè significat illicitam, & injuriosam Virginis fœminæ deflorationem, teste Layman lib. 3. sect. 5. tract. 3. par. 3. cap. 13. ex communi.

## DE GRAVITATE

*Hujus Delicti, & Obligatione  
Confessarii.*

**G**ravissimum esse stupri delictum satis ex eo apparet, quod fere Ordinarii omnes illud reservatioi subijciunt; cum graviora dumtaxat, atrocioraque delicta reservari soleant, iuxta sa-

luberrimam Sacræ Congregationis monitionem, apud Quarantam in summ. Bullar. *V. cas. reservat.* Adimitur enim Puellis improba vi virginis thesaurus, qui est inæstimabilis, ac irrecuperabilis.

Accedit, quòd Puellæ semel corruptæ, maximè si corruptio innotescat, cum reddantur penè inhabiles ad nuptias, plerumque se prostituunt, turpissimamque vitam degunt, cum magna salutis spiritualis iactura & perniciæ, quæ animarum detrimenta improbiis stupratoribus fortasse erunt imputanda.

Confessarius igitur, qui stupratorem, corruptoremque Virginis ad se accessisse compererit, gravitatem delicti in primis ipsi patefacere debet: deinde ab eodem inquirere, num per vim, aut fraudem Virginem defloraverit, an verò ipsa in deflorationem consenserit.

Nam si stuprum Virgini per vim, dolum, aut injusti metus incussionem improbus deflorator, intulerit, tenetur eam vel in matrimonium ducere, vel tantam ei dotem tradere, ut æquè benè nubere possit, ac si corrupta non fuisset. Et cum in alternativi debitoris sit electio, sic malit tali modo dotare, non tenetur eam in uxorem ducere ante Judicis sententiam, etiam si ipsa, & parentes ejus cupiant: sicuti tradunt Navarrus in manuali cap. 26. num. 18. Iulius Clarus, *§. stuprum*, numero tertio, Molina tractatu tertio disputatione centesima sexta numero secundo. Lessius libro secundo capite decimo dubio secundo. Sanchez libro septimo de matrimonio disputatione 14. numero 11. Layman libro tertio sectione quinta tractatu tertio parte tertia capite decimo tertio numer. 3. & alii plures.

Si verò in deflorationem Puella libere consenserit, defloratorè ad nihil teneri, docet præcitati Doctores: nò defloratæ, quia volenti, & consentienti non fit iniuria: neq; parentibus ejus, quia Puella habet dominium sui corporis, quo vel uti potest in legitimo coniugio, vel abuti per copulam fornicariam. Quæ doctrina procedit, etiam si deflorator precibus importunis


tunis Virginem ad copulam induxerit: Quia preces quantumvis importunæ, si absint ming, non tollunt voluntarium. Et quod dicitur de precibus, multo magis habet locum, si blanditiis, & muneribus quis à Virgine copiam sui corporis obtinuerit. Munera siquidem vim non inferunt, sed blandè alliciunt: qua de re vide supra annotatione secunda num. 11. & 12.

Excipe tamen primò, si cum facinus occultum esset; stuprator Puellam non sine injuria infamavit: tenetur enim damnum inde secutum filiz, & parentibus ejus resarcire: sicuti resolvunt Molin. cit. numero 2. Layman citato cap. 13. numero 2.

Secundò, si Judex secutus sententiam contrariam, quod injuria illata sit parentibus, quorum filia etiam volens constuprata est, stupratorem condemnet ad pecuniam eam solvere debet.

Advertat tamen prudens Confessarius etiam in priori casu, si Puella ob illatum stuprum per vim, dolum, fraudem, &c. nullum aliud damnum passa fuit, quia facinus occultum mansit, & æquè benè nupsit, probabile esse ad nullam restitutionem obligari stupratorem ante Judicis sententiam: sicuti tradunt Navar. in man. cap. 17. num. 17. & 19. Lessius cit. cap. 10. dub. 2. Azor. tomo 3. lib. 5. cap. 5. q. 3. diff. 10. Laym. loc. cit. nu. 4. Vasq. de restit. cap. 3. §. 2. num. .... dub. 3. contra Molina disp. 106. num. 6. Nam pro injuria, secluso damno, nulla restitutio fieri debet, in conscientię foro, teste ipso Molina loc. cit. n. 2.

Quod autem obiicitur de signaculi virginalis violatione: dico damnum istud reparabile non esse, neque pecunia æstimabile, cum sit altioris ordinis.



## SI IN ALIQUA DIOECESI

Reservatio fieret in his verbis.

*Notarii legata pia intra duos menses à morte Testatoris non denunciantes.*

Quomodo hæc verba essent intelligenda.

- 1 Notarii significatio duplex.
- 2 Notarii nomine quinam propriè veniant in dispositione casus.
- 3 In scripturam redigentes legata pia, licet ea intra bimestre denunciare intermitterent reservationem non incurrunt, nisi sint Notarii publici.
- 4 Bimestres terminus in litera qualiter sit computandus.
- 5 Notarii hac reservatione non ligantur, nisi ultimus secundi mensis dies sit completus.
- 6 Dies alias naturalis, alius artificialis: & hic alius uniformis, alius difformis.
- 7 Alia subdivisio dierum in continuos, & utiles.
- 8 An, & quando dies utiles à casu sint exclusi.
- 9 Dies incœpta quando habenda pro completa.
- 10 Si ultimus secundi mensis dies sit bissextus, Notarius, legata pia denunciis illo die, à reservatione est immunis.
- 11 Notarius, qui fuit absolutus cum promissione denunciandi legata, si postea denunciationem omittat, rursus in reservationem incidit.
- 12 A reservatione lata ob bonam Ecclesiæ gubernationem non excusat ignorantia. Secus si in lege sit præcepta.
- 13 Notarius laborans probabili ignorantia legis ab Episcopo sub reservatione editæ, reservationem non incurrat.
- 14 Oblivio, inadvertentia, & inconsideratio equiparantur ignorantie.
- 15 Notarius, ne legata pia denunciaret, in longinquum se recipiens, delinquit mortaliter, à nulloque potest absolvi,

B b 3 quam-

quamdiu contumax est Episcopalis præcepti.

- 16 Notarius, ob dolosam absentiam, factus impotens ad denuncianda legata, reservationem non incurrit, nisi effluxo duorum mensum termino.
- 17 Notarius, si post mortem testatoris discessim, ac forum mutet, an, elapsis duobus mensibus, in reservationem incidat.
- 18 Affirmatiuam sententiam nonnulli tenent.
- 19 Negatiuam probabiliorē putat Auctor.

## ANNOTATIO I.

1 **N**otarii nomen, quamvis secundum materiale vocabuli significationem extendi possit ad eos omnes, qui alterius facta, vel verba, aut nutus observant, & notant, siue id in scripturam redigant, siue non: tamen secundum proprium, & formale significatum Notarii nomen comprehendit tantum eos; qui publica Principis, aut Magistratus auctoritate sunt constituti, ut acta tunc in iudicio, tunc extra iudicium recipiant, ac in scripturam redigant.

2 Modò, cum litera dicat, *Notarii legata pia, &c.* proculdubio accipienda est de Notariis secundum propriam, & formalem vocabuli significationem acceptis, qui scilicet publica Principis, vel Magistratus auctoritate sunt constituti, ut instrumenta conficiant, ultimasque defunctorum voluntates in scripturam redigant, in quibus regulariter legata ad pias causas reperiuntur inserta.

3 Et quamvis legata ad pias causas valida, & firma existant, etiamsi in privata scriptura, imò solo nutu, vel voce sint relicta: ut constat ex dictis casu 9. annot. 2. nu. 4. & 5. nihilominus qui legata huiusmodi ad pias causas in scripturā redigunt etsi ea deinde intra duos menses denunciare intermittant in reservationem tamen non incidunt, nisi publici Notarii sint, publica auctoritate constituti.

## ANNOTATIO II.

4 Notarii itaque cum in ea Diocesi lege Episcopali obligentur intra duos menses denunciare legata ad pias causas, oritur in primis difficultas, qualiter hi menses sint computandi. Pro quo notandum, quod in hac re dissensio est inter Doctores. Nam aliqui dicunt mensem continere vigintiocto dies, ex quibus quatuor hebdomade confurgunt. Alii asserunt continere 30. dies, & horas quinque.

Ceterum in casu nostro cum litera dicat, ut Notarii intra duos menses legata ad pias causas denunciare teneantur, clare indicat mensem computandum esse secundum Kalendarii cursum, ac computationem, secundum quam dies, qui deficiunt de uno mense, accipiendi sunt de sequendi, V. g. si dies mortis Testatoris accidisset die 10. Januarii, ultima bimestris erit 10. dies Martii, quia Ianuarius accipit decem dies à Febuario, & Febuarius à Martio. Quæ computatio eodem modo fieri debet, etiamsi contingeret annus bissextilis: quia dies, quæ crefcit Febuario, est ipsius Februarii, & adducenda est mensi Februarii, non Martii initio.

Notarius igitur tenetur legata pia denunciare intra duos menses à morte Testatoris, computando menses iuxta cursum Kalendarii modo supra dicto. Alioquin, & lethali culpæ, & reservationis penæ erit obnoxius.

Confessarios verò intra Provincie Mediolanensis ambitum existentes hic monendos centui, in Notarios, qui intra tres menses à die habitæ de morte Testatoris notitiæ legata ad pias causas non denunciant, latam esse excommunicationem, ut patet ex Concilio Provinciali 1. titul. de locorum piorum administratione: & ex Provinciali 2. tit. 3. decret. 17. Quæ excommunicatio cum sit Episcopo reservata, Notariis contumaces ab ea per confessariū simplicem non possunt absolvi. Qua de re vide in secunda Elucidarii parte casu. pag. 17. num. 12.

A N.

ANNOTATIO III

5 Enim verò vt Notarij legata pia non denunciantes hac reservatione ligentur, omnino requiritur, ut ultimus secundi mensis dies sit completus.

6 Pro quo notandum, quòd dies dividitur in naturalem, & artificialem. Naturalis constat vigintiquatuor horis, comprehendens lucem, & tenebras: qui dies tam de iure, quàm consuetudine incipit à media nocte præcedentis diei, & durat vsq; ad mediam noctem sequentis. Artificialis verò incipit abortu Solis, & durat vsq; ad occasum, iuxta Gloss. in l. *more Romano*, ff. *de for.* Qui dies iterum duplex est, alter dicitur uniformis, quia semper incipit ab aurora, & durat usque ad crepusculum noctis: alter dicitur difformis, quia incipit in qualibet parte diei, & appellatur dies emergens, eò quòd aliquando incipiat manè, aliquando vespere, prout factum accidit: sicuti constat *authen. hodie*, cap. *de appellat.*

7 Solent etiam dies dividi in continuos, & utiles: continui dicuntur, qui quotidie currunt diebus feriatis, & non feriatis, in præsentia & inobedientia. Utiles verò non currunt diebus feriatis, & absentia, & quibus non est agendi facultas; de quibus Glossa singul. in *Clementina unica de restitut. in integrum*.

Dispositio igitur iuris reservantis intelligenda est tum de die naturali, qui comprehendit lucem, & tenebras, tum de die difformi, qui incipit in qualibet diei, vel noctis hora ita ut ab hora mortis testatoris, & ipsius scientia currant pro singulo die 24. horæ, quæ diem naturalem constituunt.

8 Vtrum verò à casu excludendi sint dies utiles.

Respondeo in casu absentia esse excludendos. Vnde si Notarius iuxta de causa absit, ideòque legata denunciare non possit, etsi elabatur interim duorum mensium terminus, nullam tamen reservationem incurrit. Dies verò continui nunquam à casu sunt exclusi. Nam duorum mensium dies currere debent

diebus tam feriatis, quàm non feriatis.

Notarii igitur in hanc reservationem non incidunt, nisi ultima secundi mensis dies naturalis, difformis, & utilis modo supra dicto fuerit completa.

Dices. In favorabilibus dies incepta habetur pro completa: Atqui dispositio iuris reservantis est favorabilis, cum Episcopus obliget Notarios, vt intra duos menses legata pia denuncient, in Ecclesiis, aliorumque piorum locorum favorem. Ergo dies ultima secundi mensis, licet tantum sit incepta, habenda est pro completa.

Resp. quòd hæc reservatio, licet quoad legatarios sit favorabilis, est tamen odiosa quoad Notarios, quibus negatur sacramentalis absolutio, nisi intra duos menses legata pia denuncient: Idedque non sufficit, si ultima secundi mensis dies sit incepta, sed opus est, vt sit completa.

9 Addo supra dictam regulam, quòd dies incepta habenda sit pro completa, habere locum, quando tempus est designatum per annos, non per dies, vel menses, ut notavit Nalbus V. *tempus n. 3.*

ANNOTATIO IV.

10 Quid autem, si in secundo mense annus bissextus contingeret, in illoque intercalari die dumtaxat Notarius legata pia denunciaret, an tunc in reservationem incideret.

Responsio est negativa, Notarium scilicet in tali casu reservationem non incurrrere. Et ratio est, quia tunc dies accrescens ratione bissexti, cum sit verè Februarii, vt supra dictum est, Notarius tali die denuncians verè intra duos menses denunciaret. Pro quo notandum ex Gloss. in cap. *questiois de verbor. significat.* Sylvest. v. *bissextus*, Durant. *rational. Divin. offic.* lib. 8. c. 3. & aliis, quòd annus significat spatium, quo Sol suum cursum peragit, quem conficit 365. diebus, & sex horis, quæ sex horæ 4. annorum decursu seorsum reservatæ quarto anno in 24. horas coalescunt, unumque diem natura-

lem componunt; qui dies dicitur intercalaris, seu bissextus: Intercalaris quidem, quia inferitur, seu intercalatur Mense Februario, tamquam breviori, post diem 23. Bissextilis autem, eò quòd bis moramur in una litera Kalendarii. Siquidem illo anno bis pronuntiatur sexto Kalendaris Martii, ubi interponitur ille dies, scilicet in die 24 Februarii.

Dicimus igitur diem illum intercalarem, seu bissextum, si fortè in secundo mense contingeret, computandum esse, ita ut Notarius reservatione non ligetur, si legata ad pias causas illo bissextili die denunciaret. Nam dies 29. bissextilis, quoties favorem importat, pro duobus diebus Februarii est computanda, ut ex còmuni docet Sanchez lib. 2. de matrim. disput. 24. n. 18. Atqui dies illa bissextilis in nostro casu Notario favorem importat, ne reservationem incurrat: Ergo pro duobus diebus est computanda.

#### ANNO TATIO V.

11 Sed hinc emergit dubium. Si Notarius à culpa reservata, ob intermissam denunciationem intra præfixum terminum, per Confessarium facultate præditum fuerit absolutus cum promissione denunciationis quantociùs faciendæ, dato postea, quòd promissionem non impleat, utrum denuò in reservationem incidat.

Responsio est affirmativa, Notarium scilicet, si post absolutionem, legata pia non denunciaret, cum commodè denunciare possit, transactis aliis duobus mensibus, rursus in reservationem incidere, nisi iusta causa excuseret. Et ratio est, quia præceptum Episcopi denunciationis faciendæ intra duos menses non cessat per elapsum præscripti temporis, neque per obtentam absolutionem, sed adhuc durat, & urget. Ideòque Notarius denunciationem omittens, inobedientiæ gravis, & mortalis dampnari debet: & consequenter, elapso præfixo termino, denuò reservationem incurrit. Siquidem duorum mensium terminus non est præfixus ab Episcopo ad obligatio-

nem denunciandi finiendam, sed ad eam sollicitandam. Nam finis Episcopalis præcepti eò respicit, ut legata ad pias causas innotescant, damnaque Ecclesiarum reparentur, quòd non fieret, si obligatio denunciandi eo casu cessaret. Et ita de hac difficultate à me consultus respondit, & in facti contingentia non semel se ita censuisse mihi asseruit Reverendissimus Dominus meus Abbas Pompilius Pelliciolus, Cathedralis Basilicæ Bergomensis Canonicus, ac in Episcopali Curia eiusdem Urbis Generalis Vicarius, Vir tum dignitatum, ac meritum insignibus, tum universæ doctrinæ radiis præfulgens: cujus Sapientia, Prudentia, Æquitas, ac Pietas Urbi, orbique Bergamo admiratione pariunt, ac felicitatem.

Secus tamen dicendum, si Notarius laboraret probabili ignorantia legis de denunciandis legatis piis ab Episcopo latæ, ac promulgatæ.

#### ANNO TATIO VI.

Pro cujus exceptionis intelligentia notanda est distinctio, quam in priori Elucidarii parte resol. 31. attulimus, quòd duplex genus datur reservationis. Altera, quæ simpliciter fit ad bonam Ecclesiæ gubernationem, ut graviora quedam delicta adminiculo reservationis, si fieri potest, corrigantur, nefarii que, ac perditionis homines ob difficultatem impe-trandæ veniæ ab huiusmodi sceleribus retrahantur. Altera est, quæ in lege à Superiore imponitur, ad inducendam illius legis observationem.

13 Et quidem reservatio prioris generis delinquentem ligat, ætè reservatio- nem tali delicto adnexam ignoret. Quia reservatio ad bonam Ecclesiæ gubernationem inducitur propriè non est pœna, sed negatio iurisdictionis, ut sæpè dictum est. Reservatio posterioris generis transgressorem legis Episcopalis non ligat, quoties laborat probabili ignorantia eiusdem legis. Quia talis reservatio se habet per modum pœnæ in transgressores Episcopalis constitutionis imposi-

te. Unde eo casu sicut probabilis ignorantia editę legis excusat à transgressione ejusdem legis, ita etiam ab adnexa reservatione. Patet ex cap. 2. *de constit. n. 6. Ut animarum*. Cum ergo in nostro casu Notarius ex suppositione labore probabili ignorantia legis ab Episcopo sub reservatione editę, de denunciandis legatis piis, quę reservatio inducta est ad inducendam ejusdem legis observacionem. Idcirco Notarius eam ignorans ab ea incurrenda excusabitur. Vide, quę diximus in priori Elucidarii parte cit. res. fol. 31. & Doctores ibid. cit.

14 Quod dicitur de ignorantia, idem dicendum est etiam de inconsideratione, seu oblivione non crassa, aut supina. Episcopalis constitutionis, teste Laym. lib. 1. tract. 5. c. 5. n. 7. Quia inconsideratio, & oblivio, in ordine ad excusandum à culpa, equiparantur ignorantię, ab eaque non differunt, nisi quod inadvertentia, & oblivio actum solum, ignorantia verò habitum importet: sicuti recte notant Suar. t. 5. in 3. p. disp. 4. sect. 8. num. 5. & 8. Laym. cit. num. 7. Quare sicut probabilis ignorantia excusat Notarium ab incurrenda reservatione, ita etiam inconsideratio, inadvertentia, & oblivio. Grassi in praxi lib. 2. cap. 21. num. 33.

## ANNOTATIO VII.

15 Quid autem, si Notarius, Testatoris morte audita, ne legata pia denunciare cogatur, ita suadentibus heredibus, in longinquum se recipiat, ita ut postea, etiam si velit, non possit intra duorum mensium terminum legata ad pias causas denunciare: Utrum scilicet eo casu censendus sit contumax, ac reservacione ligatus post effluxus duos menses dumtaxat, an vero à die, in cuius residuo constat. Notarium preceptam denunciacionem executioni mandare non posse.

Respondeo primò, Notarium stimatq; mala fide, ac fraude in longinquum se recipit, contumacem censendum esse, ac mortalis peccati reum: Ideoque à nullo Confessario posse absolui, quandiu in eo pravo, ac contumaci animo persistit. Si-

quidem absolutionis non presumitur capax; cum in mortali peccato scienter, & voluntarię existat.

16 Respondeo secundò Notarium in predicto casu reservatione non ligari, nisi post effluxus duos menses à die mortis Testatoris. Quia pena legalis addicta certo tempori non incurritur, nisi post lapsum totius temporis à lege prescripti: sicuti constat ex cap. *commissa de elect. n. 6. & cap. licet*. Ubi deciditur, quod pena vacationis beneficii statuta in Parochum, qui intra annum non promovetur ad omnes ordines sacros, non habeat locum, nisi post integri anni decursum: cum tamen constet, si nondum imitari cœperat, ante anni lapsum omnes ordines ab eo suscipi non posse. Atqui reservatio lata in Notarium legata pia non denunciantem termino duorum mensium, est pena legalis, ut superius probatum est: Ergo non incurritur, nisi post effluxum duorum mensium terminum.

Dices. In *cum stipulatus sum mihi* 113. ff. *de verb. oblig.* expressè deciditur in promissione aliquid efficiendi ante Kalendas Iulii sub certa pena eam incurrere eo tempore, in cuius residuo constat opus promissum perfici non posse. Ergo Notarius videtur reservatione ligari, non post lapsum duorum mensium, sed ex eo tempore, in cuius residuo constat preceptam denunciacionem ab eo fieri non posse.

Respondeo legem superius allatam, *cum stipulatus, &c.* intelligendam esse de pœna conventionali, non legali, quę in hoc inter se differunt, quod pœna conventionalis ita dicta, quia ex partium conventionione, & consensu statuitur, incurritur statim ac constat in reliquo temporis opus promissum impleri non posse. Pœna verò legalis, ita dicta, quia decernitur à lege, non incurritur, nisi post totius temporis lapsum. Nam minùs agitur cum lege, quam cum nomine. Atqui reservatio lata in Notarium legata non denunciantem est pœna legalis, ut constat ex supradictis. Ergo, &c.

Sed rursus contra secundam responsionem obiicies. In cap. *ut animarum, &c.* de constit. lib. 6. habetur, quod extra territorium



rius jus dicenti impunè non paretur . Sed Notarius in prædicto casu extra territorium existit. Ergo Episcopo reservanti impunè non paret, & consequenter reservatione non ligatur.

Respondeo illam regulam habere locum, quando Superior aliquid decernit per statutum, quod primario afficit territorium secundario verò in territorio existentes . Non ita verò, quando Superior aliquid decernit per præceptum, sive sententiam etiam generalem, quæ immediate afficit personas tibi subditas . Nam eo casu subditi obligantur ipsi parere, etiam si extra territorium existant, dummodo eidem Superiori subjectionem servant . Modò reservatio in hoc casu lata est per præceptum, sive sententiam generalem, estque pœna à Superiore ad inducendam illius præcepti observationem imposita, quæ afficit non solum Confessarios, sed etiam Notarios ipsos contumaces; Ideòque, secluso prementis necessitatis casu, non possunt absolvi, etiam si extra territorium existant, nisi prius legata pia denunciarent .

Neque huic responsionis adversatur doctrina tradita in priore Elucidarii parte resol. 22. ubi diximus, reservationem afficere dumtaxat Confessarios, non verò penitentes: Quia ibi sermo est de reservatione lata ad bonam Ecclesiæ gubernationem, ut grauiora quædam delicta impediantur: hic verò loquimur de reservatione à Superiore per præceptum,

sive sententiam generalem  
imposita, in legeque  
præcepta, quæ afficit non

so-

lùm Confessarios, sed etiam Notarios contumaces, quamvis extra territorium existant.

(.)

## ANNO TATIO VIII.

17 Major difficultas est, si Notarius post mortem Testatoris, intermissa culpabiliter legatorum piorum denunciatione, Diocesim, ac forum mutet, an elapso duorum mensium termino adhuc reservationem incurrat.

18 Affirmativæ sententiæ videtur adherere Graff. in *praxi* lib. 2. cap. 21. nu. 43. & nonnulli alii ea ratione nixi, quod præventus à Iudice sortitur ipsius forum . Notarius autem in hoc casu ante mutationem Diœcesis, & domiciliij per generalem sententiam reservationis censetur ab Episcopo præventus: Ergo sortitur ipsius forum, non obstante, quòd mutaverit Diœcesim, & domicilium: & consequenter post effluxum duorum mensium terminum, ajunt, censendum esse reservationi obnoxium .

19 Sed opposita sententia videtur probabilior, & sustinenda . Et ratio est, quia ubi cessat subiectio, cessat, & iurisdic-tio, sed in Notario, mutatis Diœcesi, & foro, cessat subiectio respectu Episcopi reservantis: Ergo & iurisdic-tio ejusdem Episcopi respectu illius Notarii . Major est clara: quia iurisdic-tio, & subiectio sunt correlatiua . Minor probatur, quia subiectio Episcopo, & Parocho, quoad susceptionem, vel negationem Sacramenti penitentiae, jure ordinario oritur ex constitutione domiciliij, vel quasi domiciliij in Diœcesi, vel Parochia: sicut colligitur ex *l. domicilium*, & docet Gloss. ad *municipalem*, & *de incolis*, & in *Clem. 1. de privilegiis*. Abbas *capite cum contingat*, num. 19. *de foro compet.* Sanch. lib. 4. moral. cap. 37. n. 24. Layman lib. 5. tract. 6. cap. 10. nu. 5. & 6. Atqui Notarius in casu proposito, facta reali migratione, non habet amplius domicilium, vel quasi domicilium, in Diœcesi Episcopi reservantis: Ergo in ordine ad Sacramentum penitentiae non est amplius Episcopo reservanti subiectus, sed Episcopo Diœcesis, & Parocho loci, quò migravit: & consequenter, elapsis duobus mensibus, non incurrit reservationem ab Episcopo derelictæ Diœcesis impositam .

Con-

Confirmatur, quia reservatio huius casus licet, sit pœna, est tamen pœna, quæ respicit forum internum pœnitentiæ, vel conscientiæ, non verò externum, ac contentiosum iustitiæ. Siquidem limitat Confessariis iurisdictionem activam, & Notariis subiectionem passivam in ordine ad sacramentalem absolutionem. Cum ergo Notarius, mutatis Diœcesis, ac foro, non sit amplius subiectus, quoad Sacramentum pœnitentiæ, Episcopo reservanti, sed Episcopo Diœcesis, & Parocho loci, quo demigravit: Idcirco, effluxu duorum mensium termino, etsi delinquat mortaliter contra proprium officium, hac tamen reservationem non ligatur, dato, quòd in ea Diœcesi Notarii legata ad pias causas non denunciantes reservationi non sint obnoxii. Ita suadeor, suasioniq; meæ, hac de re à me consultus, astipulatus est Reuerendiss. Dominus meus P. Donatus Caluus Bergomensis, Augustinianæ Congregationis Lombardiæ Præsul, olim Generalis, vir morum integritate, singulari prudentia, egregiaq; doctrina spectatissimus, cuius Sapientiæ præstantiam meritorumq; prærogativam satis deprædicant complures egregiæ notæ ab ipso in lucem tum editæ, tum edendæ lucubrationes.

Neque dicas Notarium eo casu fieri subditum ratione delicti, quia subiectio ratione delicti non habet locum in delictis respicientibus dumtaxat forum internum pœnitentiæ, sed in delictis spectantibus ad forum externum, & punitivum. Sicuti constat ex *cit. cap. de foro compet. & arg. cap. præterea 2. de appellat. & tradit Gloss. in dicto cap. præterea*. Delictum autem Notariorum in nostro casu, quatenus ejus absolutio reservationi est obnoxia, respicit forum internum, non externum; vt de se patet.

Neque par est ratio de censuris, & de reservatione. Nam iudicium de censuris per sententiam etiam generalem latis, quando de earum violatione constat, spectat ad forum externum: iudicium verò de reservata absolutione culpæ, sive culpabilis transgressionis legis spectat ad forum internum pœnitentiæ.

Hinc patet responsio ad fundamentum

oppositæ sententiæ. Nam præventio Iudicis habet locum dumtaxat in causis fori externi, non interni. Reservatio autem lata contra Notarios respicit forum internum, hoc est, privationem Sacramentalis absolutionis: & consequenter Notarius, mutatis Diœcesis, & foro, non est obnoxius huic reservationi.

## RESOLUTIVA PRAXIS

### Pro Incidentibus.

1 **E**X prænotatis generaliter resolves reservationem ligari Notarios eos, qui publica auctoritate constituti, scienter, & contumaciter legata ad pias causas intra duos menses à morte Testatoris denunciare intermittunt, computando menses iuxta computationem, & cursum Calendarii, de quo supra annot. 2. n. 3. & 4. Notarii verò intra Provinciæ Mediolanensis ambitum existentes, si legata pia intra tres menses à morte Testatoris contumaciter non denunciant, excommunicationem latæ sententiæ Episcopo reservatam incurrunt. Vide prædictam ann. 2. n. 4. in fine.

2 Idem resolves de Tabellione, qui quodcumque legatum pium contumaciter intra præfixum terminum denunciare intermittit, licet illud factum sit in testamento minùs solemni. Quia legata ad pias causas in testamento minùs solemni relicta sunt valida, & firma, vti probavimus supra cas. 9. ann. 2. n. 5. Ideoque persolvi, ac denunciari debent.

3 Notarius, qui à reservata culpa fuit absolutus cum promissione denunciationis faciendæ, si postea denunciationem culpabiliter intermittat, effluxis duobus mensibus, rursus reservationem incurrit. Quia per obtentam absolutionem non cessat Episcopalis præcepti obligatio. Constat ex annot. 5. n. 11.

4 Non eximitur Notarius, qui audita Testatoris morte, ne legata pia denunciare cogatur, in aliam Diœcesim se transfugerit, sed ibi domicilium non fixit. Nā post effluxos duos menses reservatione ligatur. Quia hæc reservatio, cum sit pœna per

preceptum, sive sententiam generalem lata, afficit Notarios etiam absentes, dummodo Episcopo reservanti maneant subiecti: patet ex annot. 7. num. 16. *versic. sed nunc.*

5 Ab hac reservatione non sunt immunes Notarii contumaciter legata pia intra præfixum tempus denunciare omit- tentes, etiamsi alia via Ecclesiæ, vel loco pio eadem legata innotescerent. Quia Ecclesiæ debent authenticè patere substantia, qualitates, ceteræque circumstan- tiæ instrumenti testamentarii; quod tunc legitima, & authentica Notarii denuncia- tionem fieri non p. test. Gloss. cap. con- certationi, in verb. *sciveris de appellat. in 6.*

## RESOLUTIVA PRAXIS

### *Pro Non Incidentibus.*

1 **I**N hanc reservationem non incidit, qui deficiente Notario publico, jussu Testatoris in privatam scripturam redigunt nonnulla legata ad pias causas ab eodem Testatore disposita, si deinde ea intra præscriptum tempus notificare omitant. Quia litera loquitur, & acci- pienda est de Notariis publica auctorita- te constitutis; in odiosis autem non est facienda extensio.

2 Immunes ab hac reservatione sunt Notarii, qui legata non ad pias causas, sed prophanas intra præfixum duorum men- sium terminum denunciare negligunt. Patet ex litera. Quenam autem habenda sint legata ad pias causas, vide in secunda Elucidarii parte cas. 9. part. 1. annot. 1. n. 2. Notarii tamen in hoc casu possunt delin- quere mortaliter tùm contra proprium officium, si diu, vel dolosè denunciatio- nem differant, tùm etiam ratione damni, quod inde provenit legatariis, ad cujus refectionem etiam in defectum heredum possunt obligari.

3 In specie resolves non incidere No- tarium, qui ultra duos menses differt de- nunciare legatum vel personæ diviti, vel consanguineo pauperi relictum. Quia hu- jusmodi legatum non habetur più: siqui- dem in priori casu defici: paupertas in le-

gatario, in posteriori pietas in legante af- fectu sanguinis prævalente pietati, quæ conditiones, ac qualitates simul requirũ- tur ad constituendum legatum pium, te- ste Sanch lib. 1. de matr. disp. 4. n. 6.

4 Reservationi non est obnoxius No- tarius, intermittens legata ad pias causas denunciare, nisi ultima secundi mensis dies naturalis, difformis, & utilis fue- rit completa: constat ex annotat. 3. num. 5. & 6.

5 Non incidit Notarius, legata pia intra duos menses notificare intermittēs, eò quòd invincibiliter ignoret Episcopalem constitutionem de denunciandis le- gatis piis. Quia probabilis ignorantia eo casu sicut Notarium excusat à mortali transgressionem Episcopalis legis, sic etiam ab adnexa reservatione: patet ex annot. 6. n. 13. & 14.

6 Eandem à reservatione immunita- tem extendens ad Tabellionem, qui labo- rat ignorantia concomitante, videlicet qui ita animo est dispositus, ut tametsi Episcopalem constitutionem non igno- rarer, denunciationem tamen legatorum piorum adhuc intermitteret. Quia reser- vatio (sicut etiam censura, irregularitas, & restituendi obligatio) nunquam incur- ritur propter pravam operantis affectum, sed propter externam Ecclesiasticæ legis transgressionem. Grassi in praxi lib. 1. c. 4. regul. 3. n. 7. & Januar. de cas. res. resol. 31. num. 7. & 2.

7 Idem resolves de Tabellione, qui ex inconsideratione, seu oblivione non crassa, vel supina Episcopalis præcepti legata ad pias causas notificare omittit: Quia inconsideratio, inadvertentia, & oblivio in jure æquiparantur ignorantia. Vide supra annot. 6. n. 14. & Doctores ibi. cit.

8 Non ligatur hac reservatione No- tarius, qui iusta de causa abest, ideòque legata pia intra præfixum terminum de- nunciare non potest. Tùm quia eo casu Notarius quemadmodum excusatur à mortali culpa, ita etiam à reservationis pœna. Tùm quia legitimè impedito non currit tempus.

9 Excusatur ab hac reservatione Ta- bellio, si ex legatorum denunciatione gra-

grave damnum sibi timeat ab hæredibus inferendum. Quia lex humana non præsumitur cum tanto dispendio obligare. Quod tamen intelligendum est, nisi damnum Ecclesiæ adeo præponderaret, ut prudentis Confessarii iudicio Notarius etiam cum gravi suo ipsius damno notificare legata teneretur.

10 Idem obeamdem rationem resolves de Notario, qui ex metu gravis mali omittit legata ad pias causas denunciare: ut si hæres gravia mala in vitæ, vel samæ bonis Notario intenet, si attenter legata in testamento, vel codicillo contenta patefacere. Neque alia censetur esse mens legislatoris, quam ut reservantis legis obligatio cesset in tali casu. Faciunt, quæ habet Layman lib. 1. tr. 4. c. 14. n. 5. Bonac. de legib. disp. 2. q. 8. punct. 2. n. 6.

11 Extra tulum tandem reservationis censetur existere Notarius ille, qui nondum effluxit duobus mensibus à morte Testatoris, Diocesim, ac forum mutavit. Ratio adducta est supra annot. 8. num. 19. Quia facta reali migratione, sicut eo casu, quoad forum pœnitentiæ, cessat in Notario subjectio respectu Episcopi reservantis, ita etiam in Episcopo cessat iurisdictio respectu illius Notarii. Vide prædictam annot. 8. & Doct. ibid. cit.

## DE GRAVITATE

*Hujus delicti, & obligatione Confessarii.*

**G**raviter peccatò delinquant Notarii, qui vel incuriosos, vel perversos se præbent in denunciandis legatis, & multò gravius, si prece, vel pretio (ut non raro accidit) ab hæredibus corrupti, lega-

ta ad pias causas subdolè, ac fraudulenter occultent: illis, siquidem subductis, interclusa manet via compellendi hæredes ad satisfaciendum legatis; sicque defraudantur Ecclesiæ, loca pia, ipsique miseri Testatores defuncti, cum magno eorumdem damno, & detrimento. Quam Notariorum improbitatem, ac perversitatem ut coercerent, plerique Ordinarii tanti sceleris iudicium sibi reservant.

Quod attinet ad Confessarium simplicem, si quem Notarium vel incuriosum, vel contumacem in denunciandis legatis piis repperit, in primis illi aperiatur tum gravitatem delicti, quæ potissimum ex eo potest conjici, quòd ejus absolutio in ea Diœsi reservata sit Episcopo: Tum gravia damna, quæ Ecclesiis locis piis, ipsorumque animabus Testatorum ex subdola, vel injuriosa legatorum occultatione proveniunt, ad quorum refectionem in defectum hæredum ipse tenetur: sicque illum ad præceptam legatorum denunciationem inducat; ad Superioremque pro absolutione remittat, præterquam si ipsi constaret Notarium ex iustâ, & rationabili causâ à denunciatione excusari.

Confessarius verò privilegio absolvendi ab hoc casu munitus advertat, quòd nec ipsi licet Notarium absolvere, nisi à contumacia recesserit, hoc est, nisi præceptam legatorum denunciationem præmiserit, uti regulariter præscribitur in concessione facultatis absolvendi ab hoc casu cum limitatione; vel saltem serio spondeat se, cum primùm poterit, legata denunciaturum. Alioquin contra præceptum Episcopi ager, lethalemque culpam non effugerit.



F I N I S.

INDEX



# INDEX

## RERVM, ET VERBORVM,

Quæ in utraque voluminis Parte secundum Alphabeti-  
cum ordinem continentur.

*Litera P. partem, 1. primam, R. resolutionem, P. par-  
tem, 2. secundam, cas. casum, an. annota-  
tionem, n. numerum, pag. paginam  
significat.*

*A*



Blativus absolutus  
cenfetur conditio-  
nem effentialem im-  
portare. p. 1. Ref. 52.  
pag. 46  
Abortus quid fit. p. 2.  
caf. 7. annot. 5. nu. 12.  
ibid.

Abortus simplex procuratio in Brixienfi  
Diœcefi refervationi eft obnoxia. ibid.  
an. 1. num. 5. 260

Abortus refervata procuratio in Brixien.  
Diœcefi comprehendit etiam manda-  
tum, confilium, & auxilium ad id da-  
tum. ibid. num. 6.

Abortum quinquam dicantur procurare,

mandare, fuadere. Ibid. anni 2. num. 7.  
pag. 260

Abortus procurandi mandatum, confi-  
lium, & auxilium debet effe efficax, &  
ftudiosum. ibid. num. 8.

Abortum procurantes, effectu fecuto,  
quas pœnas incurrant. ibidem ann. 3.  
num. 9.

Abortum proprium fœmina procurans  
an incidat in excommunicationem à  
Sixto V. latam. ibidem annotation. 4.  
num. 11.

Abortus procuratio inductionem sterili-  
tatis, vel conceptionis impedimentum  
non comprehendit. ibidem num. 13.  
pag. 262

Abortus procuratio fœtustam inanima-  
ti, quam animati in Brixienfi Diœcefi  
effe refervata. ibidem ann. 6. num. 15.

Abor-

# I N D E X.

- Abortus procuratio in dubio de fœtus conceptione reservationi est obnoxia.** *ibid.* num. 17.
- Abortus tantum voluntarius, non casualis reservationi subiicitur.** *ibid.* ann. 7. num. 19. 263
- Abortus procuratio, quando fœtus est animatus, nullo casu licita.** *ibidem* num. 20.
- Abortus procuratio, pro tuenda salute matris, an possit esse licita.** *ibid.* num. 21.
- Abortum procurare, ad vitandum vitæ, vel infamie periculum, nunquam licet.** *ibid.* num. 25. & num. 8. 266
- Abortus procuratio studiosa, & mortalis est reservata, non verò si per metum gravem sit attentata.** *ibidem* num. 26. 265
- Abortum suadere puellæ gravide, paratæ sibi mortem inferre: item Patri, propositum habenti occidendi filiam gravidam, an liceat.** P. 2. cas. 7. 268
- Abortus fœtus animati in se, vel in causa proxima procurans, secuto effectu, verè homicida est.** P. 2. cas. 2. an. 3. num. 10. 190
- A casu aborùs fœtus animati nullus Confessarius absolvere potest, nisi ab Episcopo specialiter deputatur.** P. 2. cas. 7. 270
- Absolvendi à reservatis quinam habeant facultatem ordinariam.** P. 2. Ref. 32. 24
- Quinam habeant delegatam.** P. 1. R. 35. 25
- Absolvens à casibus Bullæ Cœnæ Item à reservatis Episc. sine facultate, excommunicatione innodatur.** P. 1. Ref. 40. 28
- Absolutio à censuris non dependet ab absolutione à peccatis.** P. 1. Resol. 51. 45
- Absolutio à casibus, & censuris reservatis per inferiorem Confessarium impendi potest à prima die lethalis ægriitudinis.** P. 1. R. 74. 62
- Absolutio in foro conscientie quænam dicatur.** P. 1. R. 112. 90
- Absolutio in foro pœnitentiæ differt ab absolutione in foro conscientie.** *ibid.*
- Absolutio in foro conscientie non prodest pro foro externo.** *ibid.* & P. 2. cas. 1. num. 6. 184
- Absolutio in foro conscientie Sacramentalem confessionem non requirit.** P. 1. R. 136. 109
- Absolutio invalidè collata tempore Jubilei aufert reservationem.** P. 1. R. 140. 111
- Absolutio ob gravem percussione Clerici, si ad Papam aditus non pareat, ad Episcopum spectat.** P. 1. R. 77. 64
- Absolutio à censuris reservatis in articulo mortis per Confessarium inferiorem collata omnis conditionibus iure requisitis an sit valida.** P. 1. Ref. 91. 76
- Absolutus in articulo mortis à censuris reservatis per inferiorem tenetur quamprimum Superiori se præsentare sub pœna reincidentie.** P. 1. R. 72. 60
- Absolutus à censuris reservatis in articulo per inferiorem sine onere comparendi tenetur adhuc comparere.** P. 1. R. 91. 77
- Absolutus à censuris reservatis in articulo cum onere se præsentandi, satisfacit per procuratorem, vel per litteras se præsentando.** P. 1. R. 94. 79
- Absolutus in articulo, & extra à censuris reservatis virtute alicujus Bullæ, vel Jubilei non tenetur se præsentare.** P. 1. R. 96. 80
- Absolutus à censuris reservatis cum onere comparendi per novam absolutionem virtute alicujus Bullæ obtentam potest eximi à tali onere.** P. 1. Ref. 97. *Ibidem.*
- In absolutione à censuris in foro externo, quæ forma servanda.** P. 2. cas. 7. n. 13. pag. 260
- Abusus consanguineorum per actum fornicum an contineat specialem deformitatem in confessione necessario exprimendam.** P. 2. cas. 5. num. 5. 241
- Abusus rerum sacrarum, sacramentalium, seu Sacramentorum quid sit.** P. 2. cas. 8. an. 9. num. 47. 281
- Acta per excommunicatum toleratum sunt valida.** P. 1. R. 78. 65
- Adoratio latriæ à fortilegiis quando Dæmoni**

moni exhibeatur. P. 2. caf. 8. an. 6. n. 25.  
276  
Adoratio dulciæ quando eidem Dæmoni  
fiat. *ibid.*  
Aeromantia quid fit. *ibid.* an. 5. n. 22.  
Affinitas quid fit. P. 2. caf. 5. ann. 1. num. 1.  
242  
Affinitatis linea duplex afcendentium,  
& defcendentium. *ibid.* n. 2.  
Affinitas quocumque fit. *ibid.* an. 2. n. 3.  
Ad affinitatem contrahendam quid re-  
quiratur, n. 5. 243  
Ad affinitatem contrahendam an aliquā-  
do fufficiat feminis diffillatio intra  
fœminæ pudoris clauſtrum. *ibid.* an. 4.  
num. 8.  
Ad affinitatem contrahendam, an neceſ-  
ſaria ſit tam fœminæ, quam viri ſemi-  
natio. *ibid.* an. 5. n. 12. 244  
Aggreſſio quando moraliter inchoata  
cenſenda ſit, p. 2. caf. 2. ann. 7. num. 31.  
193  
Aggreſſorem propriæ vitæ an liceat præ-  
venire. *ibid.* n. 30.  
In aggreſſione an liceat mortem aggreſ-  
ſoris intendere. *ibid.* an. 4. n. 29.  
Aggreſſorem interficiens, excedendo  
moderamen inculpatæ tutelæ, an reſer-  
vationem incurrat, p. 3. caf. 2. an. 7. n. 35.  
192  
Altaria quinque quomodo viſitanda, ut  
acquiratur indulgentia, P. 1. Ref. 164.  
127  
Amenti in mortis articulo quando admi-  
niſtrari debeat extrema unctio, Par. 1.  
R. 65. 70  
Amentiam probabiliter ſibi timens ſu-  
perventuram à quolibet Sacerdote ab-  
ſolvi poteſt, P. 1. R. 82. Verſ. octavo.  
68  
Amphibologica reſponſione utenſiſtis  
à Judice interrogatus, an committat  
perjurium reſervatum, p. 1. caf. 3. an. 9.  
n. 22. 224  
Anima quando infundatur humano ſcē-  
tui, p. 1. caf. 6. an. 6. n. 16. 263  
Animæ Purgatorii eodem igne, quo dam-  
nati, cremantur, p. 2. caf. 8. an. 4. num. 15.  
304  
Annus quid ſignificet, p. 2. caf. 5. in addit.  
an. 4. n. 10. 275  
Antonius Guerrinus, Cathedralis Bergo-

men. Canonicus, allegatus, & lauda-  
tus, p. 1. Refol. 70. pag. 60. & Refol. 164.  
128  
Approbatio Episcopi eſt conditio neceſ-  
ſaria in Confeſſario tempore jubilei  
electo, p. 1. R. 156. 123  
Ars notoria quid ſit, p. 2. caf. 8. ann. 3. n. 6.  
192  
Archiepiscopus non poteſt ſubditos ſuf-  
fraganeis Episcopis à reſervatis abſol-  
vere, niſi in viſitatione, vel appellatio-  
ne ad ipſum, p. 1. R. 121. 98  
Archiepiscopus extra actum viſitationis  
poteſt abſolvere Episcopos ſuffraga-  
neos à caſibus in Bulla Cœnæ, & cum  
ipſis diſpenſare. *ibid.*  
Articulus mortis quid ſit, & quando  
adeſſe dicatur, p. 2. R. 81. 67  
Articulus mortis diſſert à periculo mor-  
tis. *ibid.*  
in articulo mortis æqualem poteſtatem  
habent Episcopus, Parochus, & Con-  
feſſarius ſimplex, p. 1. R. 77. 64  
Aruſpicium quid ſit, p. 2. caf. 8. ann. 5. n. 24.  
276  
Aſtologia circa quæ verſatur, p. 2. caf. 8.  
an. 8. n. 30. 278  
Aſtologia duplex naturalis, & judicia-  
ria. *ibid.* n. 31.  
Aſtologiæ naturalis uſus nec eſt malus,  
neque prohibitus. *ibid.* n. 32.  
Aſtologia judiciaria triplex, electionis,  
revolutionis, & nativitatis, *ibidem*  
num. 33.  
Aſtologia judiciaria electionis, & revo-  
lutionis eſſentitè vanitatis à pluribus  
damnatur. *ibid.* n. 34. 278  
Aſtologia judiciaria nativitatis cum  
mortali culpa, tum excommunicatio-  
nis pœnæ eſt obnoxia, n. 37. 279  
Augurium quid ſit, an. 10. n. 30. *ibid.*  
Aſpicii definitio, *ibid.*

B

**B** Anniti à quovis è populo poſſunt oc-  
cidi, quatuor conditionibus poſitis,  
p. 2. caf. 3. an. 5. n. 17. 191  
Bannitus bannitum proditoriè occidens  
nullam incurrit reſervationem, *ibid.*  
num. 18.

Ban-

# I N D E X.

**Bannitus intra territorium proſcribentis ſi aggreſſorem occidat, committit homicidium reſervationi obnoxium, ibid. annot. 5. num. 19.** 191  
**Bannitum interficiens extra territorium proſcribentis homicidii voluntarii eſt damnandus, num. 21.**  
**Bannitus ſalvum conductum non habens à quolibet Sacerdote poteſt abſolvi, par. 1. R. 82.** 68  
**Bartholomæus Finardus, Cathedralis Bergomi Canonicus, & Theologus allegatus, & commendatus, parte 1. R. 114.** 92  
**Beſtialitas quid ſit, p. 2. caſ. 3. in addit. an. 4. num. 9.** 360  
**Beſtialiatis vitium ex delinquentis affectu aliam deformitatem induere poteſt, ib. num. 13.** 361  
**Ad beſtialitatis flagitium reducitur concubitus cum Dæmone, ib. an. 7. num. 24.**  
**Bimeſtris terminus circa Notarios legata pia non denuncianteſ quomodo ſit computandus. Part. 2. caſ. 5. in addit. an. 2. n. 4.** 374  
**Blasphemia quid ſit. P. 2. caſ. 1. in addit. an. 1. num. 1.** 336  
**Blasphemia alia oris, alia cordis, ibidem num. 2.**  
**Blasphemia cordis reſervationi non ſubjicitur, num. 3.**  
**Blasphemia oris alia publica, alia occulta, num. 4.**  
**Blasphemia etiam occulta ſub terminis caſus eſt comprehenſa, annot. 3. num. 6.** 336  
**Blasphemia verbis expreſſa alia ſimplex, alia hæreticalis, n. 7.**  
**Blasphemia hæreticalis quænam ſit, num. 8.**  
**Quænam blaſphemia ſimplex, ibidem num. 10.**  
**Blasphemia etiam ſimplex à caſu non eſt excluſa, num. 11.**  
**Blasphemia alia in Deum, alia in Sanctos, an. 5. n. 12.** 337  
**Blasphemiæ peccatum generaliter loquendo, quando committatur, ibid. num. 13.**  
**Blasphemiæ ratio an in ſignis, vel factis conſiſtere poſſit, ib. n. 14.**

*Part II.*

**Blasphemia ratione parvitatis materiæ an à mortalis poſſit excuſari, an. 7. num. 15.** 339  
**Blasphemia ob ignorantiam, an venialis fieri poſſit. Par. 2. caſ. 1. in addit. ann. 8. num. 16.** ibid.  
**Blasphemia inadvertenter prolata an poſſit eſſe culpabilis, & reſervata, ibid. num. 17.**  
**Blasphemias jaſtandi recuſentur varii modi, num. 18.** 340  
**Blasphemia per jocum, velex indignatione, aut in ebrietate prolata an ad culpam ſit imputanda, ibid. num. 19. & ſeqq.**  
**Blasphemia ex prava conſuetudine emiſſa an ſub terminis caſus ſit comprehenſa, an 10. num. 24.** 341  
**Blasphemantem audiens an teneatur illum denunciare, ibid. an. 11. n. 25.**  
**Blasphemus conſuetudinarius quinam ſit cenſendus, n. 26.**  
**Blasphemus antequam denunciatur, an ſit monendus. ib. an. 12. n. 27.** 342  
**Blasphemus hæreticalis, etiam ſi non ſit publicus, Sancti Officii Inquiſitoribus eſt denunciandus, ibidem ann. 31. 343**  
**Blasphemus conſuetudinarius an ſit abſolvendus, num. 32.** 344  
**Blasphemia hæreticalis quomodo, & quando ad Episcopum ſpectet. Part. 2. an. 14. num. 33.** 344  
**Bona triplicia, vacantia, dereliſta, & incerta, & quænam ſint ſingula. Part. 2. caſ. 10. an. 2. num. 2.** 322  
**Bona incerta quænam propriè dicantur. ib. num. 5.**  
**Bona incerta alia ex delicto, alia ex contractu, alia in venia, ib. n. 7.** 322  
**Bona ope Dæmonis acquiſita an tuta conſcientia poſſint retineri. P. 2. caſ. 8. an. 3. num. 9.** 292  
**Brutorum nomine quænam animalia veniant. P. 2. caſ. 3. in addit. an. 1. num. 1.** 309  
**cum Bruto concubitus habens, ſed extra vas ſe polluens, an incidat, ibid. an. 3. num. 4. & 6.** 359  
**cum Bruto etiam maſculo coeuntes reſervatione ligantur, ibidem annot. 4. num. 9.** 360

*Cc*

*Cum*



Cum Bruto pollutionem habens, citra concubitum, & sine affectu ad bestiam anteneatur hanc circumstantiam in confessione explicare, *ibid.* num. 12. 361

Bruti species, cum quo concubitus habitus est, an sit necessariò in confessione explicanda, *an. 4. num. 10.* 360

Bruti vas penetrans manu, ipsumque ad pollutionem provocans non incidit, num. 1. 363

Bruti os, vel nares proprio penetrans membro etiam cum pollutione non incidit, *ibid.* n. 2. 363

Bruti caudam in proprium vas immit- tens femina etiam cum pollutione, non incidit, *ib.* num. 3. 363

C

Calumniator, qui in iudicio alterius vitam oppugnat, an possit præveneri, & occidi, p. 2. *caf. 2. ann. 8. num. 36.* 194

Calumniatoris accusationem an possit innocens eludere, ipsi falsum crimen obijciendo, Part. 2. *caf. 3. num. 9.* 235

Capitulum sede vacante, exercet omnem ordinariam Episcopi jurisdictionem, P. 1. R. 118. *ibid.*

Capitulo, sede vacante, non competit jurisdictionis Episcopi delegata. *ibid.*

Carolus Antonius Lucciagus, Cathedralis Basilicæ Brixien. Archidiaconus, ac in Episcopali Curia ejusdem Urbis Generalis Vicarius allegatus, & commendatus, Part. 1. Ref. 10. pag. 67. & Ref. 98. pag. 82. & Par. 2. *caf. 1. ann. 1. num. 3. pag. 142.* & *caf. 2. numero 24.* 70

Casus quid sit, P. 1. R. 1. 1

Casus reservati definitio, *ibidem.* 2

Casus reservabiles Prælati regularibus quinam sint. *ibid.* R. 3.

Casus in dubio juris non debet censi reservatus. P. 1. R. 9. 6

Casus in dubio facti reservationi non est obnoxius, *ibid.* R. 10. 7

Casus simoniæ in Sacramento Ordinis est Papæ reservatus. P. 1. R. 5. 4

Casus Papales dubii semper sunt refer- vati: non ita vero Episcopales, *ib.* vers. dixi. 7

Casus dubius de dispensatione Papali non est habendus reservatus, neque dispensatio à Papa, sed ab Episcopo est petenda. P. 1. R. 10. *ibid.*

Casus Bullæ Cenzæ nunquam censentur comprehensi, nisi de illis in privile- gio fiat expressa mentio, Par. 1. Ref. 38. 27

Casus Bullæ Cenzæ habent specialem gra- vitatem, & reservationem. *ibid.*

Causa positiva injusti damni tenetur ad restitutionem, negativa verò tunc so- lum, cum ex officio damnum impedi- re tenetur. P. 1. Ref. 126. 102

Censura quid sit. Par. 2. *caf. 1.* 142

Censura alia est latæ sententiæ, alia feren- dæ, *ibid.* an. 4. num. 6. 143

Censura quando censenda sit latæ sen- tentiæ, & quando ferendæ, *ibid.* num. 8. & 9.

Censura alia est à jure, alia ab homine, *ibid.* an. 5. n. 10. 144

Censuræ in Decretis Episcopalis visita- tionis contentæ sunt ab homine, *ibid.* num. 12.

Censuræ ab homine cessant mortuo, vel amoto conditore, nam 13.

Ab incurrenda censura quæ causæ excu- sant, *ibid.* an. 8. num. 22. 146

Ab incurrenda censura quænam, & quan- do excuset ignorantia, *ibid.* an. 10. n. 24. 147

Censura non afficit, nisi contumaces con- tra legem Ecclesiæ, *ibid.*

Ad censuram incurrendam non sufficit præcisè culpa mortalis, sed requiritur contemptus saltem interpretativus. P. 2. *caf. 1. an. 10. num. 24. Vers. quarto.* pag. 147. & n. 6. pag. 150.

Censuræ omnes in Conciliis Provinciali- bus Mediolanens. contentæ in Diocesi Brixien. sunt reservatæ, dummodo in eadem Diocesi vigeant, *ib.* an. 2. nu. 8. 162

Censura lata per sententiam particula- rem afficit personam extra Diocesim existentem, *ibidem* numero 9. & 10. 157. & 158.

A censura per sententiam particularem lata.

- lata is solum absolvit, quae eam tulit, vel ejus superior, successor, aut delegatus, an. j. n. 12. 20
- Censura lata per Statutum ligat tantum subditos in Dioecesi existentes. P. 1. R. 23. 17
- Censura per constitutionem tamdiu durat, quamdiu durat constitutionum obligatio. P. 2. cas. 1. annot. j. num. 12. pag. 21.
- Censura per dictum lata extinguitur, extinctio, vel amoto conditore, nisi a successore remouetur, ibid. n. 13.
- Censura eadem numero redire non potest, P. 1. R. 92. 77
- A censura tribus modis potest aliquis absolvi, ib. Ref. 92. in fine.
- Censura Papae reservata sublata, peccatum, cui erat adnexa, non remanet reservatum. P. 1. R. 5. 4
- Censura oblita tollitur per generalem superioris absoluit. P. 1. R. 88. 73
- A censura reservata absolutus in articulo mortis, si convalescat, tenetur superiori se praesentare. P. 1. Ref. 79. 66
- In censuram nemo reincidit sine nova mortali culpa, & contumacia. P. 1. R. 80. 66
- Censura irretitus in articulo mortis potest a Sacerdotis simplici extra confessionem absolvi. Parte 1. Resolut. 84. pag. 70
- Censura innodatus ex precepto tantum Ecclesiae non potest ad Sacramentum poenitentiae accedere, ibid.
- Clericus, deficiente Sacerdote, non potest in articulo mortis constitutum a censuris absolvere. Parte 1. Resol. 86. pag. 71.
- Clericorum honor non in usu armorum, sed in humilitatis, ac patientiae virtute consistit. Par. 2. cas. 2. annot. 6. num. 27. 193
- Clerici necem suo nomine patratam ratam habens incurrit excommunicationem. Part. 2. cas. 2. num. 18. 211
- Clericus exercens sodomiam quibus poenis afficiatur. P. 2. cas. 2. in addit. nu. 23. 355
- Clericus quas poenas incurrat, abortum foetus animati procurans. part. 2. cas. 7. ann. 3. num. 9. pag. 261
- Codicilli in scriptis a casu in Dioecesi Brixien. referuato non sunt exclusi. P. 2. cas. 9. n. 12. 314
- Codicillus fieri potest, & cum testamento, & sine testamento, ibid. numero 13.
- Communio triplex a sanctis Patribus statuitur. P. 1. R. 157. 253
- Communio, pro lucrando Jubileo, qualis requiratur, ibid.
- Communio pro consecutione Jubilei praescripta legitime impeditis potest prorogari, vel in aliud opus commutari. P. 1. R. 160. 126
- Communis error non sufficit, ut confessarius valide a reservatis possit absolvere. P. 1. R. 156. 123
- Compensatio utens in legatis piis solvendis, reservationem non incurrit. Par. 2. cas. 9. an. j. n. 17. 319
- Compensatio stat loco solutionis, ib.
- Compensatio ut sit licita, debent servari quinque conditiones, quae ibi enumerantur, ibid.
- Concilia alia sunt generalia, alia nationalia, alia provincialia, alia synodalia. P. 2. cas. 1. nu. 1. 151
- Concilia Provincialia Mediolanens. hucusque celebrata sunt septem, ibidem. num. 2.
- Concubinario non egesta prius concubina, an aliquando dari possit absolutio. Par. 2. cas. 5. 246
- Confessarius inferior, an possit absolvere a delicto in Bulla Coenae contento, si poenitens censuram non contraxerit. P. 1. R. 5. 4
- Confessarius in dubio de lata reservatione manet in possessione suae jurisdictionis. P. 1. Ref. 9. 6
- Confessarius simplex, durante dubio de reservato delicto, vel contracta censura, directe absoluit. P. 1. Refol. 11. pag. 8.
- Confessarius simplex quando a reservatis absolvere possit. Part. 1. Ref. 57. 50.
- Confessarius, ut valide absolvat, non tenetur scire in individuo peccatum esse mortale, vel veniale. Part. 1. R. 13. pag. 10.

Confessarius dubius de sua jurisdictione circa casum reservatum non potest ab illo absolvere. *p. 1. R. 15.* 12

Confessarius simplex quando possit indirectè à reservatis absolvere, ibid.

Confessarius, qui habet opinionem probabilem de sua jurisdictione, an valide à reservatis absolvat, ibid.

Confessarius generaliter approbatus, an possit excipere confessionem pœnitentium, qui ad ipsum, causa vitandi proprium Parochum accedunt. *P. 1. R. 26.* pag. 20.

Confessarii sollicitantes Sancti Officii Inquisitoribus, absque ulla prævia monitione sunt denunciandi. *P. 1. Ref. 42.* pag. 31. & seq.

Confessarius etiam privilegiatus absolvens sollicitatam, neglecta denunciatione excommunicationis censura innodatur, ibid. §. 9. 33

Confessarius simplex extra casum necessitatis nequit absolvere pœnitentem à non reservatis, & pro reservatis eundem ad Superiorem mittere. *p. 1. R. 56.* 49

Confessarius inferior an aliquando possit absolvere pœnitentem reservatis obstrictum, antequam adeat Superiorem. *p. 1. Ref. 58.* 51

Confessarius unius Diœcesis non tenetur scire casus reservatos in alia Diœcesi. *p. 1. R. 24.* 18

Confessarius inferior an possit aliquando pœnitentem excommunicatione innodatum absolvere. *P. 1. Refol. 58.* pag. 31

Confessarius inferior an possit pœnitentiam pro reservatis impositam commutare. *p. 1. R. 60.* 53

Confessario non licet commutare pœnitentiam præservativam pœnitenti omnino necessariam, part. 1. Ref. 61. 54

Confessarius simplex in articulo mortis an possit absolvere à casibus Papæ reservatis, si ad Episcopum facilis sit accessus, *p. 1. R. 77.* 58

Confessarius inferior præsentente Superiore, vel facultatem habente, an possit à casibus reservatis absolvere in mortis articulo constitutum. Part. 1. Resolut. 89. 73

Confessario simplici an liceat ex metu mortis pœnitentem casibus reservatis obstrictum absolvere. *P. 1. Ref. 122.* 98

Confessarius simplex, qui à reservatis pœnitentem invalidè absolvit, quid agere debeat. *P. 1. R. 123.* 99

Confessario nunquam licet pœnitentem absentem à peccatis absolvere. Ibid.

Confessarius, qui illicitè pœnitentem absoluit, nullo modo illum extra confessionem sine eius licentia monere debet. *P. 1. R. 124.* 101

Confessarius, qui pœnitentem ad restitutionem non obligavit, quando teneatur ipse restituere. *P. 1. Ref. 125.* 101

Confessarius simplex quid agere debeat, antequam pœnitentem censuris innodatum in articulo mortis constitutum absolvat. *P. 1. R. 90.* 75

Confessarius simplex an absolvere possit pœnitentem, quem cer. d. scit peccatum reservatum commississe, illudque non esse confessum. *P. 1. Ref. 127.* 103

Confessarius an teneatur monere pœnitentem, laborentem ignorantia invincibili circa aliquod peccatum, vel impedimentum dirimens. *P. 2. cas. 6.* 256

Confessario qua ratione innotescere possit, num pœnitens ignorantia vincibili, vel invincibili labore, ibid.

Confessio debet esse integra tam materialiter, quam formaliter, nisi iusta excuset. *P. 1. R. 59.* 52

Confessionis integritas an sit necessaria ad tollendam reservationem. *P. 1. R. 70.* 59

Confessio informis est verum Sacramentum, sed effectu suo, nimirum gratia, destitutum. *P. 1. R. 140.* 111

Confessio peccatorum, cum ab Ecclesia præscribitur, intelligitur de mortalibus, que nunquam fuere clavibus submissa. *P. 1. R. 151.* 120

Confessionem sacrilegam faciens Ecclesiæ præcepto de annua confessione non satisfacit. Parte 1. Resolut. 153. 121

Confessio sistè, ac sacrilegè facta non est confessio, sed irritio, ibid.

Consilium homicidii voluntarii committendi

tendi in *Diocesi Brixienſi* eſt delictum reſervationi obnoxium. *Part. 2. caſ. 2.*

212

Conſilium quid ſit , & quomodo in caſu ſumendum, *ibid. num. 2.*

Conſilium homicidii committendi aliud juſtum, aliud injuſtum, *num. 3.*

Conſilium homicidii voluntarii eſt quadruplex, *ibid. an. 5. n. 5.*

313

Conſilium committendi homicidium non eſt reſervatum, niſi vel in ſe, vel in cauſa proxima ſit voluntarium , & injuſtum, *ibid. an. 5. num. 6.*

Conſilium voluntariæ necis eſt duplex, efficaciæ, & inefficaciæ. *Par. 2. caſ. 2. ann. 6. num. 7.*

314

Conſilium homicidii revocans, re adhuc integra, etiam ſi poſtea ſequatur reſervatione non ligatur, *ib. num. 10.*

Conſilium, quod fuit cauſa, ut homicidium, vel citius, vel libentius committeretur reſervationi non eſt obnoxium, *ibid. an. 7. num. 10.*

Conſilium homicidii dubium reſervationi non eſt ſubiectum, *ib. num. 13.*

Conſilium ludrici, jocoſoque modo datum, etiam ſi fuerit cauſa homicidii, non ſubjicitur reſervationi, *ibidem num. 14.*

Conſulens vulnerationem; ſi ante ſecutam vulnerat, mortem confeſteatur, à Confefſario ſimplici poteſt abſolvi. *P. 2. caſ. 2. num. 11.*

216

Conſuetudo quid ſit. *P. 2. caſ. 1. an. 2. nu. 4.*

12

Conſuetudo legitimè præſcripta habet vim abrogandi legem, *n. 5.*

13

Conſuetudo quo temporis decurſu præſcribatur, *ibid. num. 6.*

Copula poſt ficta ſponſalia reſervationi non eſt obnoxia. *Par. 2. caſ. 6. an. 3. n. 8.*

249

Copula poſt mutue repromiſſionis matrimonii ſigna an reſervationi ſit ſubjecta, *ibid. num. 14.*

250

Copula poſt ſponſalia non ex defectu voluntariæ promiſſionis, ſed ex aliis cauſis invalida, an reſervationi ſit obnoxia, *ibid. an. 5. num. 16.*

251

Copula poſt ſponſalia clandeſtinè celebrata reſervationi eſt ſubjecta, *ibidem an. 6. num. 22.*

252

*Part. II.*

Copula cum duabus ſororibus ignoranter habita an ſit inceſtuoſa, & reſervata. *P. 2. caſ. 5. an. 6. n. 19.*

238

Culpa quid ſit. *Par. 2. caſ. 9. an. 2. num. 2.*

313

Culpa alia civilis, alia theologia, *ibidem an. 3. num. 4.*

Culpa civilis alia lata, alia levis, alia leviffima, *ib. num. 5.*

Culpa Theologica quid ſit, *ibid. num. 6.*

313

Curator intra ſex meſes non ſolvens legata pia, ad quæ tenetur Minor, an incidat in caſum. *Part. 2. caſ. 9. annot. 5. num. 17.*

304

D

**D**avid Odafius Cathedralis Brixie Canonice allegatus, & laudatus. *P. 1. R. 14.8.*

pag. 117. & 118

Debitor incertorum, ſi effluxis ſex meſibus, ea reſtituat, an liber maneat à reſervatione. *Par. 2. caſ. 10. an. 8. nu. 25.*

325

Debitor incertorum, ſi Epifcopo inconſulto, ea ultro pauperibus diſtribuat, an liberetur à reſervatione, *ibid. num. 30.*

326

Declarationes Eminentiffimorum Cardinalium habent vim legis univerſalis, ſi quatuor habeant conditiones. *Par. 1. Ref. 113.*

91

Declarationes Eminentiffimorum Cardinalium velut oracula ſunt habenda, & in praxim deducenda, *ibidem. Et Ref. 143.*

Decreta viſitationis Epifcopalis, ut obligent, priùs debent promulgari. *Part. 2. caſ. 1. num. 14.*

144

Decretum Clementis VIII. contra abſolventes à caſibus Ordinariis locorum reſervatis ſine illorum licentia. *Par. 2. ante pag. 1.*

Decretum Pauli V. confirmatorium ſupradicti Decreti Clementis VII. *Par. 1. Ref. 40.*

28

Decretum Urbani Octavi contra abſolventes prætextu priuilegiorum à caſibus Epifcopo reſervatis. *Ibid. pag. 28. & 29.*

- Decretum Alexandri Septimi, quo damnatur sententia asserens Regulares posse absolvere à casibus Episcopo reservatis, *ibid.*
- Decretum Pauli Quinti confirmatorium Concil. Provinc. Mediolan. VII. P. 2. ante pag. 1.
- Decretum Greg. XV. contra confessarios *solicitantes*. P. 1. R. 42. 170
- Decretum Alexandri VII. contra admit- tentes excusationes à denunciatione facienda Confessoriorum *solicitantium*. P. 1. R. 42. §. 16. 174
- Defloratio virginis consentientis an con- stituat speciem luxurie à simplici for- nicatione distinctam. P. 1. cas. 4. in ad- dit. an. 1. n. 3. 365
- Defloratio virginis consentientis sub terminis propositi casus non compre- henditur, *ibid.* n. 6. 366
- Deflorator virginis sub promissione ficta matrimonii ante neatur eam ducere. P. 2. cas. 6. an. 2. n. 9. 249
- Deflorator virginis in quibus casibus nō teneatur eam ducere, *ibi* n. 10. 250
- Defuncti quod damnum patiantur ex di- latione, vel fraudatione legatæ elec- tiosynæ. P. 2. cas. 9. an. 9. n. 25. 306
- Delegata facultas absolventi a reservatis in privilegium perpetuum potest alte- ri subdelegari. P. 1. R. 36. 25
- Delegatus ad universitatem causarum potest aliquando subdelegare. *ibid.*
- Delegare jurisdictionem absolventi à reservatis, & delegare nudum abso- lutionis ministerium, distinguuntur, *ibid.* 26
- Delegata jurisdictio, cœpta causa, du- rat, donec causa finiatur. P. 1. Ref. 148. 117
- Delictum quando dicatur ad forum con- tentiosum deductum, P. 1. R. 103. 85
- Delictum ad forum contentiosum dedu- ctum, sed non probatum an cadat sub facultate Episcopi. P. 1. Ref. 104. *ibidem.*
- Delictum ad forum contentiosum dedu- ctum, ibique punitum, an adhuc cadat sub facultate Episcopi. P. 1. Ref. 104. 86
- Delictum quando dicatur occultum. P. 1. R. 111. 89
- Delictum notorium debet esse tale non in ratione actus, sed in ratione delicti, *ibidem.*
- Dies alius naturalis, alius artificialis, & hic alius uniformis, alius d. sformis. P. 2. cas. 5. in addit. an. 6. 376
- Dies incepta quando habenda pro com- pleta, *ibid.* n. 9.
- Dies bissextus quid sit, *ibid.*
- Dioecelanus, si commissio delicto reser- vato, ad aliam Dioecesim se transfe- rat, an ibi possit à Confessario simplici absolvi. P. 1. R. 22. 16
- Dispensatio circa matrimonii impedi- menta per litteras Sacre Pœnitentia- riæ an possit fieri extra Sacramentum pœnitentiæ. P. 1. R. 136. 109
- Dispensatio quid sit. Par. 2. cas. 1. annot. 3. 168
- Dispensatio requirit, ut lex vigeat, & obliget, *ibid.* n. 11
- Dispensatio super impedimento diri- mente retinet suam vim, post dissolu- tum matrimonium per mortem cum alia contractum. P. 1. R. 142. 113
- Dispensatio in jure Divino absque justa causa nequit fieri. P. 1. R. 52. 46
- Divinatio per sortes semper est mala, & superstitiosa. P. 2. cas. 8. an. 1. num. 5. 273
- Divinatio quælibet superstitiosa cum abusu rerum sacrarum, in Diocesi Bri- xienfi est reservata, *ibid.* an. 3. num. 12. 275
- Divinatio superstitiosa alia fit cum ex- pressa, alia cum tacita Dæmonis invo- catione, *ibid.* n. 13.
- Divinationis cum expressa Dæmonis in- vocatione novem sunt species. Par. 2. cas. 8. an. 5. n. 15. 375
- Divinatio somniorum *quid sit*, *ibid.* n. 17. 276
- Dæmon magicarum artium fuit inven- tor. P. 2. cas. 8. num. 6. 274
- Dæmones non possunt certò cognoscere futura contingentia, à libero arbitrio pendentia, *ibid.* n. 2.
- Dæmones possunt longè plura de rebus futuris nosse, quàm homines, *ibid.*
- Dæmones quinque modis res occultas, vel futuras cognoscere possunt, *ibid.* 274. & 275



Dæmonis invocatio alia tacita, alia expressa, *ibid.* [an.4.num.13](#) 275  
 Dæmonis invocatio non solum fit voce, & verbo, sed etiam facto, *ibid.* [n.14](#)  
 Dæmonis expressa invocatio conjuncta habet cultum latriæ, vel *dulie*, *ibid.* [an.6.num.25](#) 276  
 Dæm. n. cur suadeat abuti rebus sacris, [P.2.caf.8.an.4.num.9](#) 286  
 Dæmones circa orbes celestes, sydera, & elementa possunt multa, quæ ibi enumerantur præstare, *ibid.* [ann.6.num.20](#) pag.2. & 3  
 ex Dæmonis concubitu in assumpto corpore an possit sequi generatio, [p.2.caf.3.in addit.ann.8.n.1](#) 262  
 cum Dæmone concubitus reducitur ad bestialitatis flagitium, *ibid.* [num.14](#) 362  
 Dubium dum durat de reservato delicto, vel contracta censura, penitens à Confessario simplici directe potest absolvi, [P.1.R.11](#) pag.8 & 9  
 Dubius de peccato mortali tenetur illud sub dubio confiteri, [par.1. Resolut. 12. pag.9 & 10](#)  
 Dubium peccatum clavibus submissum, si deinde constet fuisse certum, an rursus clavibus sit subijciendum, [p.1. Resol.13](#) 10  
 Dubius de fetus animatione illius abortum procurans, etiam effectu non secuto ligatur reservatione, [P.2.caf.6.an.6.num.18](#) 263  
 ad Duellum provocato an licitum sit illud acceptare, [P.2.caf.2.ann.7.num.33](#) 193  
 Duellum posse acceptari à viro Equestri, ne timiditatis notam incurrat, hodie est sententia damnata, *ibid.* [n.34](#)  
 Duello congregientes excommunicatio- nem incurrunt, [Papæ reservatam](#), [P.2.caf.2.num.21](#) 201  
 in Duello decedentes etiam cum signo penitentiae privantur Ecclesiastica sepultura, *ibid.*

E

**E**cclesia suffragante opinione probabili: item concurrente errore communi, supplet jurisdictionis defectum, [p.1.R.15](#) 11  
 Edicta sunt præcepta non personalia, sed localia, [p.2.caf.2. num.6](#) 157  
 Edictum Sancti Officii de denunciandis Confessariis sollicitantibus obligat etiam sacrilegam sollicitationem scientes, [p.1.R.42.§.10](#) 31  
 Eleemosinæ opus in Jubileo præscriptum impleri debet etiam à pauperibus, [P.1.R.165](#) 129  
 Eleemosinæ opus pauperibus ostiatim mendicantibus in aliud opus à Confessario est commutandum, vel ipsis applicandum, *ibid.* *em.*  
 Eleemosina etiam parva sufficit ad lucrandum Jubileum, si in Bulla non sit determinata, [Parte 1. Resolut. 166](#) 129  
 Eleemosina pro Jubilei consecutione congrua ea existimanda est, quam communiter dare solet talis homo extra Jubileum, *ibid.*  
 Eleemosinam ab hero traditam pauperibus dandam si famulus sibi retineat, an herus Jubileum compareret, *ibid.*  
 Eleemosinam in Jubileo præscriptam impendere debent etiam Religiosi, Moniales, & filii familias: hi tamen commutationem in aliud opus petere possunt, *ibid.* [R.168](#)  
 Eleemosinam in Jubileo injunctam elargiri possunt superiores ex communibus monasterii bonis pro omnibus Religiosis, [p.1.R.169](#) 130  
 Eleemosina pauperibus elargienda dari potest Monasteriis, Hospitalibus, aliisque locis piis, *ibid.*  
 Episcopi potestatem habent reservandi casus in sua Diocesi, [P.1.R.32](#) 24  
 Episcoporum jurisdictio à Papa per reservationem potest restringi, [P.1.R.1](#) in fine.  
 Episcopi jurisdictionem non jure Divino, sed humano à Summo Pontifice



# I N D E X.

- accipiunt, P. 1. Ref. 2. ibid.  
 Episcopis integrum est reservare, quos  
 casus malint in sua Diœcesi, ibid.  
 Episcopus secundum aliquos potest ab-  
 solvere ab excommunicatione ob Cle-  
 rici percussione, quoties dubium  
 subest, num gravis, vel levis fuerit .  
 P. 1. R. 10. 7  
 Episcopus propria reservatione non li-  
 gatur. P. 1. R. 17. 12  
 Episcopus habitans in Monasterio ex-  
 pto dicitur residere in Diœcesi, & gau-  
 det alternativa. P. 1. R. 24. 18  
 Episcopus est Parochus totius Diœcesis,  
 & Pastor totius Diœcesialis ovilis. P. 1.  
 Ref. 24 19  
 Episcopus, si incidat in casum occultum  
 Papæ reservatum, à suo Confessario  
 absolvi, & dispensari potest. P. 1. R. 34.  
 24 24  
 Episcopus potest concedere cuilibet  
 Confessario facultatem absolvendi suos  
 Diœcesanos independentes à volunta-  
 te Parochorum. P. 1. R. 51. 45  
 Episcopus in articulo mortis, quoad cas-  
 sus, & censuras notorias Papæ reserva-  
 tas, Parocho non præfertur. P. 1. R. 77.  
 63 63  
 Episcopus non potest absolvere peniten-  
 tem à casibus Papæ reservatis, si adire is  
 possint Nuncium, vel legatum Aposto-  
 licum. P. 1. R. 101. 83  
 Episcopi possunt dispensare in omnibus  
 irregularitatibus ex delicto occulto  
 provenientibus, excepta irregularita-  
 te ex homicidio voluntario. P. 1. Ref.  
 102. pag. 85. & R. 106. 87  
 Episcopus non potest absolvere à delicto  
 ad forum contentiosum deducto,  
 etiam si in loco deductio hujusmodi  
 ignoretur. P. 1. R. 103. 85  
 Episcopus potest dispensare in irregula-  
 ritate contracta ex homicidio volun-  
 tario cum excessu moderaminis. P. 1.  
 R. 107. 87  
 Episcopus potest absolvere à casibus Pa-  
 pæ reservatis, quando sunt occulti, ex-  
 tra Sacramentalem Confessionem. P. 1.  
 R. 112. 90  
 Episcopus non potest dispensare cum ali-  
 quo in irregularitate, nisi in ejus Diœ-  
 cesi domicilium habeat, p. 1. R. 115. 92
- Episcopus potest absolvere, & dispensa-  
 re cum sibi subditis extra Diœcesim,  
 P. 1. Ref. 116. 93  
 Episcopus potest absolvere à censuris  
 Papæ reservatis detentum legitimo im-  
 pedimento adeundi Papam. P. 1. R. 96.  
 80 80  
 Excommunicatio quid sit. P. 2. cas. 1. n. 4.  
 142 142  
 Excommunicatio privat jurisdictione  
 activa, sed non passiva. P. 1. Refol. 58.  
 51 51  
 Excommunicatio non reddit hominem  
 inhabilem ad recipiendum penitentiae  
 Sacramentum, ibid.  
 Excommunicatio potest tolli, licet inva-  
 lida existat sacramentalis confessio.  
 P. 1. Ref. 69. 59  
 Excommunicationes in Conc. Provinc.  
 contentæ, ac reservatæ enumerantur  
 singulæ. P. 2. cas. 1. 152  
 Excommunicationes in Constitutioni-  
 bus, Ecclesiæ Brixien. contentæ enu-  
 merantur. P. 2. cas. 1. 159  
 Excommunicationes in edictis Episco-  
 palibus latæ, ibid. 160  
 Excommunicatio contra detinentes in  
 lecto infantes, nondum octavo ata-  
 tis mense completo. P. 2. cas. 1. num. 1.  
 167 167  
 Excommunicatio ista in Conc. Provinc.  
 Mediolanen. 6. fuit extensa, sed talis  
 extensio in Diœcesi Brixien. non fuit  
 usu recepta, ibid. an. 1. n. 2.  
 Excommunicatio ista in Diœcesi. Bri-  
 xien. non ligat cogentes detinere in-  
 fantes in lecto sine præscripta cautione.  
ibidem num. 3. 168  
 Ab excommunicatione contra detinen-  
 tes infantes in lecto an excuset pau-  
 pertas, & ægritudo, ibidem annotat. 2.  
 num. 10. 168  
 Excommunicationes in Bulla Cæne Do-  
 mini contentæ, enumerantur singulæ.  
 P. 2. cas. 1. 176  
 Excommunicationes extra Bullam Cæne  
 Papæ reservatæ, ib. 177  
 Excommunicationes jure sacrorum ca-  
 non. Episc. reservatæ, ib. 180  
 Excommunicationes jure Concil. Trid.  
 ipso facto decretæ, ibid. 180  
 Excommunicationem incurrit absol-  
 vens

vens forminam à Confessario solecitata, neglecta denunciatione. P. 1. Ref.

42. §. 9.

Excommunicationem non ligatur, qui procuravit abortum, etiam effectu secuto, si foetus nondum erat anima rationali informatus. P. 2. cas. 7. num. 4.

267

Excommunicatus non toleratus omni jurisdictione in pœnitentiæ foro privatur. P. 1. R. 78.

65

Excommunicatus, qui cum signo pœnitentiæ decessit, post mortem potest ab excommunicatione absolvi, ut possit in loco sacro sepeliri. P. 1. Resol. 86.

71

Extrema unctio an administrari debeat homini frenetico, in mortis articulo constituto. P. 2. R. 85.

70

Extrema unctio an ministranda sit morituro, si præsumatur attritus. ibid.

F

Factum in dubio præsumi non debet.

P. 1. R. 135.

108

Factum notorium quodnam sit dicendum. P. 1. R. 111.

89

Facultas concessa Parochis absolventi à reservatis suos Parochianos censetur auferre reservationem respectu talis Parochiæ. P. 1. R. 19.

13

Facultas delegata respectu omnium subditorum extenditur etiam ad ipsum Pastorem, ibid.

14

Facultas ab Episcopo obtenta, ut quidam pœnitens à reservatis possit absolvi, tam activè, quam passivè est intelligenda, ibid. R. 20.

Facultas absolventi à reservatis delegatur, vel directè, vel indirectè. P. 1. Ref.

35.

25

Facultas ab Episcopo concessa Sacerdoti audiendi Diœcesanorum confessiones, eosque absolventem non extenditur ad casus reservatos. P. 1. R. 37.

26

Facultas concessa absolventi à reservatis omnes Diœcesanos in Diœcesi potest exerceri in eisdem Diœcesanos extra Diœcesim. P. 1. R. 49.

42

Facultas absolventi pœnitentem à tribus

peccatis incestus extenditur etiam ad quartum, & quintum post concessionem commissum. Par. 1. Resolut. 44.

40

Facultas absolventi à censura, vel dispensandi in irregularitate extenditur ad similem censuram, vel irregularitatem. P. 1. R. 45.

ibid.

Facultas absolventi à casibus, & censuris reservatis sub hac formula, *pro hac vice tantum*, extenditur ad casus similes. P. 1. R. 46.

40

Facultas concessa *pro hac vice tantum* intra quod tempus executioni sit mandanda. P. 1. R. 47.

41

Fœmina partui proxima alias experta se cum periculo vitæ parere à quolibet Confessario potest absolvi. P. 1. R. 72.

60

Fœmina solecitata tenetur denunciare confessarium solecitantem sub excommunicationis pœna. P. 1. Ref. 42. §. 3.

31

Fœmina solecitata contumax in denunciatione facienda non potest absolvi absque facultate supremi Tribunalis S. Offic. ibid. §. 4.

Fœmina solecitata, si contumax sit in denunciatione facienda; neque à Regularibus privilegiatis, neque vigore Jubilei potest absolvi, ibid. §. 6.

33

Fœmina sollicitata non tenetur suum consensum exprimere, neque de eo debet interrogari, ib. §. 8.

33

Fœminam sollicitatam à denunciatione facienda excusationes olim admittæ, hodie non eximunt ex decreto Alexandri Septimi, ibidem 14. 15. & 16. pag. 35. & 36.

Fœmina sollicitata ob metum gravem in vita, vel fama excusatur à denunciatione facienda, ib. §. 17.

37

Fœmina sollicitata ante denunciationem regulariter non est absolvenda, ib. §. 20.

38

Fœminæ in Brixien. Diœcesi absolutè eximuntur ab incestus reservatione. P. 2. cas. 5. an. 4. n. 15.

237

Fœminæ turpiter inter se polluentes an committant sodomiam reservationi obnoxiam. P. 2. cas. 2. in addit. an. 4. n. 8.

352



# I N D E X.

Feminae à Belluis cognitae in reservationem incidunt, [P.2.caf.3.in addit. n.11.](#) 361

Forma in foro penitentiae servanda, cum absolutio datur à censura, [P.2.caf.1. num.4.](#) 184

Forum quod duplex sit, [Par.2.caf.1. num.2. ibidem.](#)

Forum conscientiae diversum est à foro Sacramenti penitentiae, [P.1. Resol. 51.](#) 45

Forum penitentiae quodnam dicatur, & quodnam conscientiae, [ibid. & R.136.](#) 109

In foro interno an teneatur quis solvere, antequam monstretur esse debitor, [P.1.R.135.](#) 108

Fur potest occidi propter defensionem facultatum, dummodo non sint modici momenti, & quae res censenda sit modici valoris, [P.2.caf.2. an.9. num.38. & 39.](#) 191

## G

**G**enerales Regularium pro arbitrio casus reservare non possunt, [Par.1. R.3.](#) pag.3

Geomantia quid sit, [P.2.caf.8.an.5. nu.20.](#) 276

Gratus affinitatis quomodo computentur, [P.2.caf.5.n.1. & 2.](#) 242

## H

**H**eredes ab intestato, & ex testamento in Diocesi Brixien. incidunt in reservationem, si intra sex menses tabulas testatorum negligenter aperiri, [P.2.caf.9.an.7. n.22. pag.315. & an.8.num.24.](#) 316

Hæres, si transactis sex mensibus, testamentum aperiri curet, tali aperiitione facta, an liber maneat à reservatione, [ibid.an.9.num.25.](#) ibid.

Hæresis quid sit, [P.2. caf.8. an.7. num.27.](#) 277

Hæresis contagio infecti extra mortis articulum sub excommunicationis Pape reservate pena non possunt absolvi, [P.2.caf.8.](#) 300

Hæresis delictum etiam in dubio est Pape reservatum, [P.1.R.11.](#) pag.8

Hæresis suspitione cessante, non cessat obligatio denunciationis faciendae in edicto S.Officii præcepta. [P.1. R.42. §.11.](#) 33

Ab Hæresis crimine quamvis occulto Episcopus non potest absolvere. [Par.1. Resol.117.](#) 94

in Hæresis formalis crimine criminofus in S.Offic. statim est denunciandus. [P.2.caf.1. in add.n.38.](#) 160

Hæreticus formalis, etiam si uni tantum innotescat, spesque emendationis asfulgeat, in S.Offic. est denunciandus, [ibid.num.29.](#)

Hæreticalis blasphemiae absolutio quomodo, & quando spectet ad Episcopum. [P.2.caf.1. in addit. an.14. num.33.](#) 344

Homicida post mandantem ante ceteras concausas tenetur ad damnorum restitutionem, [p.2.caf.2.](#) 84

Homicida tenetur ad expensas in curatione occisi factas, [ibid. §. Quoddammodo.](#) ibidem.

Homicida obligatur restituere spem lucri, quod occisus facere poterat, viri prudentis iudicio, [ibid.](#)

Homicida ante Iudicis sententiam non tenetur compensare damnum viri, sed damnum solum pecuniarium, [Part.2.caf.2. Versic. Tertiò præcisè.](#) 84

Homicida, cui Iesus ante mortem omnia remisit, occisi filii nihil tenetur restituere, [ibid. versic. Quartò.](#) 85

Homicida ad elemosynas, vel Missas pro salute occisi non obligatur, [ibidem Versic. Sextò.](#)

Homicida heredibus tantum necessariis damna compensare tenetur, [ibidem Versic. Septimò.](#)

Homicida an teneatur compensare damnum illi, cui homicidium fuit imputatum, [ibidem Versic. Nonò.](#)

Homicidium propriè dicitur injusta hominis occisio. [P.2.caf.1.num.1.](#) 189

Homicidium aliud est casuale, aliud voluntarium, [ibidem ann.2.num.4.](#)

Homicidium casuale aliud casuale merum, aliud casuale mixtum, [num.3.](#)

Ho-

Homicidium voluntarium quid sit, numero 6.  
 Homicidium tantum voluntarium reservationi est obnoxium, ibid. n. 7.  
 Homicidium quadrupliciter potest esse voluntarium, num. 8. 190  
 Homicidium reservationi non est obnoxium, nisi vel in se, vel in causa proxima sit voluntarium, ibid. n. 9.  
 Homicidium malefactoris non est licitum privato extra casum necessariz defensionis, ibid. n. 15. 190  
 Homicidium malefactoris privato jure factum, etiam ad ejusdem punitionem, reservationi est obnoxium, ibidem num. 16.  
 Homicidium reservatum non committit qui aggressori, quem fugere oporteret, resistit, eundemque occidit, ibidem num. 28. 193  
 Homicidium invaloris, etsi possit esse mortale peccatum, reservationi tamen non est obnoxium, ibid. n. 35. 194  
 Homicidium in defensionem facultatum quomodocumque commissum non est reservatum, ibidem num. 43. 196  
 Homicidium ratum habens suo nomine patratum, non incurrit reservationem. P. 2. cas. 2. num. 18. 211  
 Homicidium tantum dolo, & malo animo per actum positivum commissum, non vero per actum negativum permissum reservationi est obnoxium, ibid. num. 55. 198  
 Homo non est dominus suz vitæ, sed custos. P. 2. cas. 2. annotat. 11. numero 49. 197  
 Hydromantia quid sit. P. 2. cas. 8. annot. 5. num. 21. 276

I

**I**ejunia, pro comparando Jubileo prescripta, juxta consuetudinem Provinciz sunt servanda. P. 1. Refol. 161. 126  
 Jejunium ex voto, Jubileo, vel pœnitentia impositum potest servari, edendo lactinia etiam in Quadragesima, ibid. 127  
 Jejunium violantes, edendo lactinia in

Quadragesima, delinquant contra Ecclesiaz præceptum, ibid.  
 Jejunium in Bulla præscriptum servari debet etiam à senibus sexagenariis, & adolescentibus, si Jubilei participes esse velint, ibid.  
 Jejunium in Jubileo præceptum iis, qui triduo illud perferre non possunt, in alia pietatis opera à Confessario potest commutari, ibid.  
 Jejunium in Jubileo præscriptum non continet præceptum, sed consilium cum promissione privilegiorum, ibid.  
 Jejuniorum opera impleri possunt per jejunia sub præcepto cadentia, ibidem R. 163.  
 Ignorantia alia est juris, alia facti, alia pœnz. P. 2. cas. 1. an. g. n. 23. 146  
 Ignorantia alia est vincibilis, alia invincibilis, ibid.  
 Ignorantia vincibilis alia est crassa, seu supina, alia affectata, ibid. 147  
 Ignorantia crassa, seu supina quænam sit, & quænam affectata, ibid.  
 Ignorantia dividitur etiam in antecedentem, concomitantem, & consequentem, ibidem.  
 Ignorantia invincibilis tum juris, tum facti excusat à culpa, & pœna, ibid. n. 24. 147  
 Ignorantia vincibilis tum juris, tum facti, si crassa non sit, excusat ab incurrenda censura, ibi. Versic. Quartò.  
 Ignorantia crassa, vel supina non excusat ab incurrenda censura simpliciter inflata, ibid. Versic. Quintò.  
 Ignorantia etiam crassa excusat ab incurrenda censura, si contra præsumentes sit imposita, ibid. Versic. Sextò.  
 Ignorantia affectata non excusat à censura, etsi contra præsumentes fuerit lata, ibid. Versic. Septimò.  
 Ignorantia affectata dolum formalem in se continet, ibid.  
 Ignorantia reservationis non excusat ab ea incurrenda, quoties versatur circa ea, quæ intrinsicè sunt mala, ideòque prohibita. P. 1. R. 31. 22  
 Ignorantia reservationis defectum jurisdictionis non tollit, ibidem.  
 Ignorantia reservationis etiam circa ea, quæ jure naturali sunt prohibita, excusat

- fat ab ea incurrenda, quoties ignoratur specialis malitia, ib. Versic. Dico tertio.* 22  
 Ignorantia consanguinitatis, vel affinitatis excusatur à reservatione incestus delicto adnexa, *ib. pag. 23. & P. 2. cas. 5. num. 19.* 238  
 Impuberes sodomitice se cognoscentes an reservatione ligentur. *P. 2. cas. 2. in addit. num. 18.* 354  
 Impuberes, cum bestiis carnaliter se commiscantes, quando reservatione ligentur. *Par. 2. cas. 3. in addit. an. 3. nu. 8.* 360  
 Impubes, si malitia suppleat ætatem, ligatur reservatione peccatis etiam carnalibus adnexa. *P. 1. R. 27.* 20  
 Impubes succubus, qui turpiter patitur à pubere, ligatur reservatione, si sodomia sit consummata, & reservata. *P. 1. Ref. 28.* ibidem.  
 Incantatio quid sit. *Part. 2. cas. 8. num. 1.* 291  
 Incantationam nomine quæ veniant, *ib. num. 3.* 291  
 Incantationibus utentes, si laborent in fide, heretici, & excommunicati sunt habendi, *ib. an. 7. num. 21.* 295  
 Incantationum delicta quomodo, & quando ad Episcopum spectent. *P. 2. cas. 8. num. 22.* 296  
 Incerta quænam dicantur. *Par. 2. cas. 10. an. 3. num. 5.* 322  
 Incerta alia ex delicto, alia ex contractu, alia inuenta, *ib. num. 7.*  
 Incerta ex contractu, vel inuenta, alia iuste, alia iniuste acquisita, *num. 9.*  
 Incerta an pauperibus sint elargienda, *num. 11.*  
 Quid de incertis iusto contractu acquisitis, *num. 12.* 323  
 Incerta ex contractu quando reservationi sint obnoxia, *ib. num. 13.*  
 Ab incertorum restitutione an excuset inopia, *ib. num. 16.*  
 Incertorum debitor si effluxit sex menses, ea ultrò restituat, an liber maneat à reservatione, *ibid. an. 8. num. 25.* 325  
 Incertorum debitor ultra decem aureos, si inconsulto Episcopo, ea pauperibus distribuat, an liber maneat à reservatione. *p. 2. cas. 10. ann. 8. num. 30.* 326  
 Incertorum ultra decem aureos applicatio in Diocesi Brixienſi licite non potest fieri à Confessario facultate prædicto sine consensu Episcopi, *ibid. nu. 29.* 325  
 Incertorum morosus debitor neque licite, neque valide à Confessario simpliciter potest absolvi, *ibid. n. 28.*  
 Incestus quoad mares in primo, & secundo consanguinitatis, vel affinitatis gradu in Diocesi Brixienſi est reservatus. *P. 2. pag. 234. & 243*  
 Incestus consanguinitatis, quoad culpam extenditur ad quartum gradum, quoad reservationem verò, non excedit secundum, *ibid. n. 7. & 8.* 236  
 Incestus dumtaxat completus, & perfectus reservationis est obnoxius, *ibid. num. 11.*  
 Incestus committitur, etsi solus vir intra pudenda semine consanguineæ seminet, *ibid. n. 14.* 237  
 Incestus gradus in confessione sacramentali an sit exprimendus numero *17.* 238  
 Incestum non committit, qui cognoscit consanguineam, ignorans circumstantiam consanguinitatis, numero *19.* ibidem.  
 Incestum committens ex metu gravi an excusetur à reservatione. *P. 2. cas. 4. n. 6.* 240  
 Incestus delictum non censetur reservatum, nisi sit tale tam materialiter, quam formaliter, *ib. numero 12. & 13.* 241  
 Incestus ex illicita copula cum affine in primo, & secundo gradu reservationi est obnoxius, *p. 2. cas. 5. num. 1.* 242  
 Incestum reservationi obnoxium non committit, qui habet rem cum duobus sororibus, probabiliter ignorando esse sorores. *p. 2. cas. 5. n. 5.* 245  
 Indulgentia quinque Altaria visitantibus concessa, an requiratur accessione de uno ad aliud Altare. *Part. 1. Ref. 164.* 127  
 Indulgentiarum materia non prodest opinio probabilis, si veritas sit in contrarium, *ibid.* 128  
 Infantes in lecto tenentes sine cautione, non-

- nondum octavo ætatis mense completo, in Diœcesi Brixienſi incurrunt excommunicationem. *Par. 2. caſ. 1. n. 4.* pag. 167.
- Iniectione manuum violenta in parentes in Diœceſi Brixienſi eſt reſeruata. *Part. 2. caſ. 4.* 230
- Per iniectionem manuum violentam in parentes quid intelligatur, ib. n. 2.
- Iniectione manuum latiùs patet, quàm percuffio parentum, ib. n. 3. 231
- Iniectione leuiſi prauo animo facta reſeruati-  
oni non eſt obnoxia, ib. num. 6.
- Ab iniectionis reſervatione quænam excuſent, ib. nu. 7.
- Inſidiator propriæ vitæ an poſſit præueniri, & occidi. *P. 2. caſ. 2. numero 32.* 194.
- Interdicta in conſtitutionibus ſynodalibus Eccleſiæ Brixienſis contenta. *P. 2. caſ. 1.* 162
- Interdictum quid ſit. *P. 2. caſ. 1. n. 4.* 143
- Interdicta in Concilijs Prouincialibus Mediolanen. contenta, & reſeruata enumerantur. *P. 2. caſ. 1.* 154
- Interdicta iure comuni Epifcopo reſeruata *p. 2. caſ. 1.* 182
- Interdictum in Conc. Trident. Epifcopo reſeruatum, ibid.
- Inuaſor iniuſtus præueniri, & interfici poteſt, ſi quatuor conditiones ſeruentur. *p. 2. caſ. 2. n. 22.* 192
- Inuaſor facultatum, quæ non modici momenti ſunt, ſi aliter non poſſint liberari, poteſt occidi, ibid. numer. 38. & 49. pag. 195.
- Inuaſor honoris, & pudiciæ, ſi aliud remedium non ſuppetat, poteſt occidi. *part. 2. caſ. 2. n. 44.* 196
- Inuaſor, qui fuſte, vel alapa conatur viro honorato ignominiam inferre, poteſt interfici, ibid. n. 45.
- Inuaſor, qui, illata ignominia, ſtatim veniam petit, non poteſt occidi, ib. n. 46.
- Inuaſorem licet aliquando occidere pro defenſione vitæ proximi, ib. nu. 48.
- Contra inuaſorem iniuſtum ſas eſt nobis defendere non ſolùm vitam, ſed etiam honorem, & fortunas proximi, ib. num. 50.
- Cum morte inuaſoris priuatus non tenetur alterius vitâ defendere, ib. n. 52. 197
- Contra iniuſtum inuaſorem, pro ſaluanda vita Proximi, nemo tenetur vitam propriam periculo exponere, ib. num. 51.
- Contra iniuſtum inuaſorem qui alterius vitam poteſt defendere, & negligit, an homicidij reus ſit cenſendus, ib. num. 53.
- Contra inuaſorem quinam teneantur ex officio alterius vitam defendere. *par. 2. caſ. 2. num. 54.* 198
- Inuaſus fuſte, vel alapa ex præcepto charitatis tenetur fugere, ſi fuga illi non ſit ignominioſa. *P. 2. caſ. 2. numer. 47.* pag. 196.
- Io: Baptiſta Faber Collegiatz D. Lucæ Venetiarum Plebanus, allegatus, & commendatus. *P. 1. Ref. 1. pag. 64. & Ref. 90.*
- Ioannes Franciſcus Montanarus, Curiz Patriarchalis Venetiarum Generalis Vicarius, allegatus, & laudatus. *Par. 1. R. 23. pag. 19. & R. 90.* 206
- Irregularitas ex homicidio cum exceſſu moderaminis cadit ſub præcepto Epifcopi. *p. 1. R. 107.* ibid.
- Item ex homicidio indirectè, & in cauſa voluntario, ibid. Ref. 108.
- Irregularitas per diſpenſationem, non abſolutionem tollitur. *p. 1. Reſol. 132.* pag. 106.
- Ab irregularitate ex voluntaria acceleratione mortis poteſt Epifcopus diſpenſare. *P. 1. R. 109.* 89
- Irregularitas ex mutilatione voluntaria ab Epifcopo eſt diſpenſabilis, ſi ſit occulta. *P. 1. R. 110.* ibid.
- Irregularitas quando non contrahatur ob violationem cenſuræ. *p. 2. caſ. 1. n. 11.* pag. 177.
- Iubileum ſignificat annum pleniffimæ remiſſionis. *p. 1. Ref. 127.* 103
- Iubileum quoad remiſſionem penę non diſſert à plenaria indulgentia, ibidem.
- Iubileum tria continet privilegia abſoluendi à reſeruatis, commutandi vota, & eligendi Confeſſarium ex approbatis, ibidem.
- In Iubilei privilegio conceditur facultas abſoluendi à cenſuris Papę reſeruatis, ibid.
- In Iubileo non conceſſa cenſetur facultas ab-

# I N D E X.

- absolvendi à casibus Bullæ Cœnz, nisi  
exprimatur, P. 1. R. 129. 104
- In Jubileo si concedatur facultas absol-  
vendi à casibus Bullæ Cœnz, non cen-  
setur comprehensus casus hæresis, p. 1.  
R. 130. 104
- Jubilei privilegium non se extendit ad  
casus Episcopo reservatos, nisi in Bul-  
la exprimatur, P. 1. R. 131. 105
- Jubilei privilegium absolvendi à casibus  
Pape reservatis non comprehendit ir-  
regularitates ex delicto provenientes.  
p. 1. R. 132. 106
- in Jubilei confidentiam peccare quid sit,  
p. 1. R. 33. 106
- in Jubilei confidentiam peccantes à con-  
fessario possunt absolvi, nisi in Bulla  
casus excipiatur, ibid.
- Jubilei vi potest absolvi penitens, qui de-  
tinetur impotentia satisfaciendi, P. 1.  
R. 135. 108
- Jubilei tempore potest penitens extra  
sacramentalem confessionem à censu-  
ris absolvi, P. 1. R. 136. 109
- Jubilei lucrandi privilegium alligatum  
est tempori in Bulla præscripto: non  
ita verò commutandi vota. P. 1. R. 141.  
112
- Jubileum qui obtinuit in priori hebdo-  
mada, non videtur posse illud rursus  
acquirere in secunda. P. 1. R. 143. 114
- Ad Jubileum indulgentiam lucrandam  
non prodest opinio probabilis, si veri-  
tas sit contrarium, ib. 115
- Jubilei tempore qui à reservatis fuit ab-  
solutus, votorumque commutationem  
obtinuit, non delinquit mortaliter, etsi  
deinde Jubileum non lucretur, part. 1.  
Resol. 144. 115
- Jubilei tempore absolutus à censuris, &  
casibus reservatis in eosdem non rein-  
cidit, si voluntariè illud non acquirat,  
p. 1. Ref. 145. 116
- Jubileum qui comparavit in Patria, non  
potest deinde illud alibi lucrari, ibid.  
Ref. 146. 116
- Jubileum qui neglexit comparare in Pa-  
tria, ad alium locum, vel celebratus,  
potest se conferre, & acquirere, ibid.
- Pro Jubileo comparando, qui omisit  
opera præstare, potest ultimo die adhuc  
illud lucrari, ibid. R. 147. 117
- Jubilei tempus potest Confessarius pro-  
rogare morale impedimentum haben-  
tibus: item in recidivi periculo exi-  
stentibus, p. 1. R. 148. 117
- Jubilei tempus cui fuit prorogatum, po-  
test absolvi à censuris, & reservatis  
post prorogationem commissis, part. 1.  
R. 149. 118
- Pro Jubileo comparando, securius est  
opera omnia præstare in una, & eadem  
hebdomada, ib. num. 150.
- Jubilei tempore dies Dominicus habetur  
pro complemento transactæ hebdo-  
madæ, ibid. 120
- Jubileum suscepturus, si tantum habet  
venialia, non tenetur confessionem  
premittere, parte 1. Resol. 151. ibid.
- Ad Jubileum lucrandum sufficit esse in  
gratia, cum ultimum opus impletur,  
P. 1. R. 151. 112
- In Jubilei, tempore confessio mortalium  
requiritur tamquam opus, ibidem  
Ref. 152.
- Jubileum non lucratur, qui facit confes-  
sionem invalidam, etsi deinde actum  
contritionis eliciat, ibidem Ref. 153.  
121
- Pro Jubilei consecutione præscripta cõ-  
fessio potest fieri die Dominico sequen-  
te post jejunia, p. 1. R. 154. ibidem.
- Jubilei tempore, detecto Confessarii non  
approbati defectu, post transactum  
Jubileum potest à reservatis penitens  
per approbatum absolvi, p. 1. Ref. 155.  
122
- Jubilei tempore Sacerdos simplex, con-  
currente errore communi validè pec-  
catis absolvit, non tamen à reservatis,  
& censuris, p. 1. R. 156. 123
- Jubileum acquirit, qui Eucharistiam in-  
dignè sumit, dummodo ultimum opus  
in statu gratiæ perficiat, p. 1. Ref. 158.  
124
- Ob Jubileum lucrandum, præscripta  
communio legitimè impeditis potest  
tùm prorogari, tum in aliud opus com-  
mutari, p. 1. Ref. 159. pag. 125. & R. 160.  
126
- Jubilei tempore Confessarius votum à  
Papa commutatum potest rursus sub-  
rogatum in aliud commutare. p. 1. R.  
60. 126

Judicium est triplex, publicum, privatum  
& à partibus constitutum. p. 2. caf. 3.  
num. 12. ibid.  
Judicium publicum aliud legitimum,  
aliud non legitimum, ibid. num. 14.  
Judeus in quibus casibus censetur legiti-  
mè procedere, ib. n. 15.  
Judeus quando non putetur servare juris  
ordinem, ibid. n. 16.  
Jurisdictionis defectus non tollitur per  
ignorantiam, p. 1. R. 31. 23  
Jurisdictio voluntaria in subditos potest  
extra territorium exerceri, non ita ve-  
rò contentiosa, p. 1. R. 48. 47

O

**L**aicus in articulo mortis non potest  
à peccatis, nec à censuris absolvere.  
p. 1. R. 86. 71  
Legatis Sedis Apostolicæ triplex genus,  
P. 1. R. 95. 79  
Legati, sive Nuntii Sedis Apostolicæ ha-  
bent facultatem absolvendi Clerico-  
rum percussores, ibid.  
Legatum quid sit, & quod triplex. p. 2. caf. 9.  
ann. 1. num. 1. 302  
Legatum pium quodnam habendum,  
ib. num. 2.  
Legata tantum pia comprehenduntur in  
casu, num. 3.  
Legata ad causas pias nullam requirunt  
juris solemnitatem, ib. num. 5.  
Legata pia nunquam fiunt caduca, ibid.  
num. 6.  
Legatum in communi pauperibus reli-  
ctum, quibus dandum, ibid. num. 7. 10  
Legatum Ecclesiæ in genere relictum, cui  
debeatur, ib. num. 8.  
Legatorum piorum commutatio soli Pa-  
pæ reservatur, ibid. num. 9. 303  
Legata pia an aliquando ad alium usum  
applicari possint ab Episcopo, ibidem  
num. 10.  
Legati pii debitor, & heres simul post sex  
menses reservationem incurrit, ib. an.  
5. n. 17. 304  
Ad legata pia solvenda terminus quando  
censetur incipere, ib. n. 18. 305  
Legata pia in negligentes solvere, quæ  
pænæ jure communi sine constitutæ.

p. 2. caf. 9. an. 8. num. 23. 306  
Legatis piis si hæres satisfaciatur, transactis  
sex mensibus, an liber maneat à refer-  
vatione, num. 24. 306  
Legatarius, cui legatum pium esset reli-  
ctum, terminum solutionis prorogare  
potest. part. 2. caf. 9. nu. 15. 304  
Legislator ad suarum legum observatio-  
nem tenetur vi directiva, non coactiva.  
P. 1. R. 18. 13  
Lex humana obligat ad impletionem,  
non ad finem præcepti. P. 1. Resol. 67.  
ibid.  
Lex Ecclesiastica ut obliget debet esse  
usu recepta. p. 2. caf. 1. num. 15. & seq.  
pag. 5.  
Lex reservans expirat mortuo Episco-  
po, aliove reservante. p. 1. Resol. 73.  
ibid.  
Lex reservans lata per constitutiones sy-  
nodales durat post mortem Episcopi,  
ibid.  
Lex generalis pro tota Diocesi an obliget  
populum Parochiæ in qua non fuit ac-  
ceptata, p. 2. caf. 1. num. 19. 145  
Lex Ecclesiastica ex quibus causis cesset  
obligare, p. 2. caf. 1. nu. 22. ibid.  
Ad legis obligationem tollendam suffi-  
cit tacitus Legislatoris consensus, p. 2.  
caf. 1. num. 7. 152  
Legis humanæ obligatio non cessat, et si  
in casu particulari cesset causa finalis.  
p. 2. caf. 1. n. 22. 169  
Leges humanæ regulariter non obligant  
cum periculo vitæ, alteriusve gravis  
mali, p. 1. Resol. 122. 98  
Legis pœnalis potest fieri extensio, quan-  
do agitur de præcavendo atroci crimi-  
ne, p. 2. caf. 6. num. 4. 260  
Linea quid sit, & quod triplex, p. 2. caf. 5. n.  
1. & 2. 235

N

**M**agia ad vana observantiæ spe-  
ciem an sit referenda, p. 2. caf. 8.  
num. 4. 293  
Magia alia naturalis, alia diabolica, ibid.  
num. 16.  
Magia an possit aliquando à mortali ex-  
cusari, num. 17.

Ma-



- Magia tantum diabolica reservationi est obnoxia, [n.18.](#) 294
- Ad magiam pertinere operationem aliquam quot modis possit cognosci, ib. num. 19.
- Magi quid efficere possint ope, & auxilio Dæmonis, Ib. n. 20.
- Magici artibus addisti quomodo à Confessario sint examinandi, P. 2. caf. 8. 300
- Maleficium quid sit, & quotuplex. P. 2. [caf. 8. n. 1.](#) 284
- Maleficium amatorium quodnam dicatur, [Ib. n. 2.](#)
- Malefici possunt ad amorem turpem incitare, & quomodo, Ib.
- Maleficia ex quinque causis solent fieri, [Ib. an. 2. n. 5.](#) ibid.
- Maleficia nunquam sunt venialia ex paruitate materiæ, Ib. [n. 6.](#)
- Malefici quomodo possint cognosci, [ibid. n. 9.](#) 286
- Malefictum maleficio dissolvere nullo casu licet, [ib. n. 12.](#) 286
- Maleficium ut tollat, an liceat à malefico petere, si licito modo tolli possit, [ibid. n. 13.](#) 287
- Maleficij, seu fœderis signum an liceat cuique dissolvere etiam opera ipsius Malefici, [ib. n. 14.](#)
- Maleficij actio tam constitutiva, quàm dissolutiva reservationi est obnoxia, [ib. n. 15.](#)
- Ad maleficium dissolvendum inductio à casu est exclusa, [ib. an. 6. n. 16.](#)
- Maleficij dissolutio actione humana non est illicita, [ib. n. 17.](#)
- Maleficia quomodo, & quando ad Episcopum spectent. Par. 2. caf. 8. an. [f. n. 26.](#) 11
- Maleficos, ac maleficas è potestate Diaboli eripere difficile quidem est, sed non impossibile, ib. 290
- In Malefici confessione audienda, quæ à Confessario sint inquirenda. ibid.
- Mandans ante damni executorem tenetur ad damnorum refectionem, p. 2. caf. 2. num. 18. versic. porro. 211
- Mandatum quid sit, [P. 2. caf. 2. n. 1.](#) 206
- Mandatum homicidij præiussit, sed non intenti, non est obnoxium reservationi, [ib. n. 3.](#) 207
- Mandatum homicidij non est reservatum, nisi fuerit iniuste datum, [ib. n. 5.](#)
- Mandatum homicidii voluntarii est quadruplex, [n. 6.](#) 207
- Mandatum reservationi non est obnoxium, nisi sit homicidii in se, vel in causa proxima voluntarii, [ib. n. 7.](#)
- Mandatum homicidii aliud expressum, aliud tacitum, [ib. n. 8.](#)
- Mandatum homicidii solum expressum reservatur in casu, [ib. n. 9.](#)
- Mandatum homicidii revocās, re integrat elum reservationis effugit, [ib. n. 10.](#)
- Mandati, & consilii discrimen valde notandum, [n. 11.](#) 208
- Marinus Georgius olim Episcopus Brixie Amplissimus summopere commendatus, P. 2. caf. 1. 256
- Marinus Joannes Georgius Brixie Episcopus, vir summa sapientia, & vigilantia, [P. 2. caf. 6. n. 5.](#) 260
- Maritus incipiens cognoscere vxore in vase præpostero, sed actum deinde perficiens in naturali, an mortali possit excusari, P. 2. caf. 2. in [addit. an. 7. n. 17.](#) 314
- Maritus habens rem cum vxoris consanguinea ultra secundum gradum, an amittat ius petendi debitum, p. 2. caf. [f. num. 3.](#) 244
- Maritus, si postquam copulam habuit cum vxoris consanguinea, deinde cognoscat vxorem, committit incestum, [ibid. n. 5.](#) 245
- Matri gravida ægrotanti, quæ medicinæ possint applicari, par. 2. caf. [7. num. 23](#) 264
- Matrimonium ficto animo promittens puellæ an obligetur ad nuptias contrahendas, [p. 2. caf. 6. n. 7.](#) 248
- Metus mortis, vel alterius gravis mali an excuset à transgressione legis humanæ, & reservatione. Part. 1. Ref. 122. 98
- Metus gravis in vita, vel fama an excuset fœminam sollicitatam à denunciatione facienda. P. 1. R. 42. [§. 17.](#) 37
- Metus gravis, etiam vitæ in crimine hæresis formalis non excusat à denunciatione. [ibid. §. 18.](#) 37
- Milites propinqui conflictui, vel hostes aggressuri, ab omnibus casibus, & censuris per quemcumque confessorium pos-

possunt absolvi, p.1.R.82. 64  
 In Missa addere, veldemere ceremonias  
 est supersticio mortalis, p.2.caf.8. nu.1.  
ibid.  
 Monasteria Regularium intra Dioecesim  
 sita, quoad Religiosos tantum ibi de-  
 gentes, sunt exempta, part.1. Resol.23.  
 16  
 Missas triginta S. Gregorii celebrare non  
 est supersticiosus, sed laudabilis usus,  
 p.2.caf.8. n.12. 269  
 Missae triginta S. Gregorii possunt cele-  
 brari cum interruptione, neque omnes  
 necessarij dici debent de requiem, ib.  
 Missas defunctorum celebrare pro vivis,  
 ut hi citius moriantur, est supersticio  
 mortalis, n.15. 298  
 Morituri male sibi consulunt, quoties res-  
 titutionem haeredibus committunt,  
p.2.caf.9.an.10.num.36. 307

N

**N**ecromantia quid sit, p.2.caf.8.an.5.  
n.18. 276  
 Negligentia quid sit, & quot res conno-  
 tet, p.2.caf.9.n.1. 313  
 Negligentis nomine quinam veniant, ib.  
 num.3.  
 Negligentia alia civilis, alia theologia,  
ibid.num.5.  
 Negligentia civilis alia lata, alia levis,  
 alia levissima, ib. n.5.  
 Negligentia theologia quid sit. ibidem  
num.6.  
 Negligentia in aperiendis testamentis  
 tum Theologica, tum civilis lata in  
 Dioecesi Brixien. est reservata, num.7.  
ibid.  
 Notarii significatio duplex, p.2. caf. 5. in  
 addit. num.1. 374  
 Notarii nomine quinam proprie veniant  
 ib. num.2.  
 Notarii tantum publica auctoritate con-  
 stituti in casu sunt comprehensi, ibid.  
 num.4.  
 Notarii lege Episcopali intra duos men-  
 ses tenentur legata pia denunciare: &  
 qualiter hi menses sint computandi,  
 ib. num.4. 374  
 Notarii in Provincia Mediolanen. legata

Part II.

pia intra tres menses non denuncian-  
 tes excommunicatione ligantur, ib.  
 Notarii hac reservatione non ligantur,  
 nisi ultimus secundi mensis dies sit  
 completus, n.5.  
 Notarius legata pia denuncians in die  
 bissextili secundi mensis reservatio-  
 nem non incurrit, ibid. num.10.  
 Notarius absolutus cum promissione de-  
 nunciandi legata, si deinde ea non de-  
 nunciet effluxis duobus mensibus, rur-  
 sus in reservationem incidit, ibidem  
 num.11.  
 Notarius laborans probabili ignorantia  
 legis de denunciandis legatis pijs refer-  
 vationem non incurrit, ib. n.13.  
 Notarius, ne legata pia denunciaret, dolose  
 se absenteaus, elapsis duobus mensibus,  
 in reservationem incidit, ibidem num.  
 15  
 Notarius, si post mortem testatoris Dioe-  
 cesim, ac forum mutet, effluxis duobus  
 mensibus, reservationem non incurrit,  
ibid.num.17.  
 Notarius, si ex metu gravis mali, vel  
 damni, denunciationem legatorum  
 piorum omittat, a reservatione excusa-  
 tur, p.2. caf.5. in addit.num.9. 381  
 Noviti in favorabilibus veniunt nomi-  
 ne Religiosorum: non in odiosis, p.1.  
 Ref.29. 12  
 Novitii peccantes non subjacent casibus  
 in Religione reservatis, ibid.  
 Novitii, si in casu Episcopo reservatos  
 incidant, per Confessarium Novitiis  
 deputatum possunt absolvi, ibid.

O

**O**bservantia sanitatum quid sit, p.2.  
caf.8.an.3.num.8. 292  
 Observantia eventuum quid, n.10. 292  
 Observantia Reliquiarum, ibid. n.11.  
 Occasio peccandi alia proxima, alia re-  
 mota, & quoniam utraque. part.2. caf. 5.  
 Versic. Sed petes. 247  
 Occasio proxima an stare possit cum pro-  
 posito vitandi peccatum, ibid.  
 Occasio peccandi proxima, accedentibus  
 quatuor conditionibus, definit esse  
 proxima, ibid.

Dd

Oc-



**O**ccasionem peccandi proximam deferere nolentibus an aliquando dari possit absolutio. P. 2. *caf. 5. Versic. Præterea*, ibidem.

Omen quid sit. P. 2. *caf. 8. an. 10. num. 40. 240*

Omissio restitutionis incertorum alia culpabilis, alia inculpabilis. P. 2. *caf. 10. an. 5. num. 14. 323*

Omissio restitutionis incertorum injuste acquisitorum non est reservata, nisi ultra sex menses culpabiliter fuerit dilata, ib. *an. 5. n. 23. 324*

Omissio restitutionis incertorum non est reservata, nisi eorum valor viginti librarum parvarum summam excedat, ibid. *num. 24.*

Omittens restituere incerta ob impotentiā, an excusetur à reservatione, ib. *num. 19.*

Opinio probabilis etiam falso fundamento nixa jurisdictionem tribuit. p. 1. *Ref. 15. pag. 11. & R. 143. 114*

Opus factum in statu peccati mortalis est opus mortuum. P. 1. *R. 65. 56*

Opus coram Deo, ut sit meritorium ex condigno, quinque conditiones requiruntur, ibid.

Opera mortua nunquam reviviscunt, ibidem.

Opera mortificata quænam dicantur, ib.

P

**P**apa potestatem habet reservandi casus in tota Ecclesia. P. 1. *R. 3. pag. 2. & R. 32. 24*

Papa non reservat sibi casus, nisi adjunctionem habeant censuram. P. 1. *R. 5. 4*

Papa absolvit ab omnibus casibus, quos inferiores Prælati sibi reservant. Par. 1. *R. 32. 24*

Papæ non confertur jurisdictione à Cardinalibus, sed provenit à Christo. Par. 1. *R. 3. pag. 2*

Parentum nomine quinque veniant in casu injectionis manus violentæ. P. 2. *caf. 4. num. 3. 231*

Parochi quoad reservationem casuum sunt Episcopo subiecti. Part. 1. *Ref. 3. pag. 2.*

Parochi nequeunt sibi reservare casus. P. 1. *R. 3.*

Parochorum jurisdictione non est delegata, sed ordinaria, ibidem.

Parochi per reservationem non debent reddi inhabiles ad munus suum. P. 1. *R. 3. 3*

Parochus absolvendi à reservatis privilegio munitus, si incidat in reservatum, potest à proprio Confessario absolvi. P. 1. *R. 19. 13*

Parochus ex consuetudine competit jus eligendi sibi Confessarium, ibidem.

Parochus unius loci non potest subditum alterius Parochi sine ejusdem consensu absolvere. P. 1. *R. 36. 20*

Parochus, cui delegata est facultas ad universitatem causarum absolvendi à reservatis, an possit eandem subdelegare. P. 1. *R. 36. 25*

Parochi industria quando censeatur electa, ibidem.

Parochus facultate munitus an possit sibi subditum extra Diocesim à reservatis absolvere. P. 1. *R. 48. 41*

Parochus in articulo mortis potest absolvere à casibus notoriis Papæ reservatis, etiam si ad tus pateat ad Episcopum. P. 1. *R. 77. 64*

Parochus in articulo mortis, quoad casus Papæ reservatos, Confessario *simplici* non præfertur, ibidem.

Parochus munitus privilegio absolvendi à reservatis in sua Parochia an possit absolvere suum Parochianum extra Parochiam, & Diocesim. p. 1. *Ref. 48. pag. 41. & R. 49. pag. 42. & part. 2. caf. 1. num. 9. 185*

Parochus præditus facultate absolvendi à reservatis quoscumque ad se accedentes, an possit absolvere pœnitentes in contemptum proprii Parochi ad se recurrentes. P. 1. *R. 50. 43*

Parochus quid agere debeat, cum ad se accedit pœnitens subditus alterius Parochi, ibidem.

Parochus an possit absolvere à censura nemini reservata extra Sacramentum pœnitentiæ, ibidem.

Parochus extra mortis articulum an possit absolvere irritum censuris Papæ reservatis, si pœnitens detineatur imp-

- pedimento adeundi Papam. P. 1. Ref. 100. pag. 83.
- Parochi tenentur promulgare Episcopalia visitationis decreta. P. 2. caf. 1. num. 20. 6.
- Parochiam an teneantur in vsum deducere Episcopalia decreta ab Antecessoribus non deducta, ibid. n. 21.
- Pater Agaptyus Ugonus Generalis Veneriarum Inquisitor, allegatus, & commendatus. P. 1. Ref. 42. §. 12. pag. 34. & §. 20. 38
- Pater Donatus Calvus, Augustinianæ Congregationis Lombardia Prælat, allegatus, & laudatus. P. 2. caf. 5. in addit. n. 9. 378
- Pater Vitus Maria Benaleus, Instituti Clericorum Regularium Theatinorum, allegatus, & commendatus, P. 1. R. 149. 118
- Pater Andreas Cadæus, Oratorii Brixien. Sacerdos, allegatus, & laudatus. P. 2. caf. 1. num. 22. in fine. 33
- Pauper incertum debitor anteneatur ad eorum restitutionem, si ad meliorem fortunam redeat. P. 2. caf. 10. an. 5. num. 17. 324
- Pauper propria auctoritate an possit sibi applicare incerta, ibid. n. 18.
- Pauper, cui applicata fuerunt incerta, si postea dominus compareat, an teneatur ea restituere, ibid. an. 6. n. 20. 324
- Pauperes propriè quanam habendi. par. 2. caf. 9. num. 7. 303
- Pauperum nomine in favorabilibus quanam veniant, p. 2. R. 169. ibid.
- Paupertas major, vel minor non desumitur ex majoribus, vel minoribus divitiis, sed ex majori, vel minori indigentia, ibidem.
- Paupertas an excuset à reservatione lata contra negligentes solvere legata pia, P. 2. caf. 9. num. 11. 303
- Paupertas alia victus, alia status, ibidem num. 12.
- Paupertas victus an excuset hæredem à legati pii solutione, ibid. n. 13.
- Paupertas status an eandem excusationem adferat, ibid. n. 14.
- Peccata non multiplicantur ex multiplicatione præcepti, sed ex multiplicatione virtutum, quibus actio, vel omiffio adversatur. p. 2. caf. 1. num. 25. 171
- Peccatori occulto publicè petenti Sacramenta debent administrari, p. 1. Ref. 84. 201
- Peccatum primo in Ecclesia reservatum quodnam fuerit, p. 1. R. 2. 3
- Peccata venialia, vel mortalia remissa non sunt reservabilia, p. 1. R. 6. 5
- Peccata mortalia interna non solent reservari, neque expedit, ut reserventur ab Ecclesia, p. 1. R. 7. ibid.
- Peccatum non debet censeri reservatum, nisi constet secundum malitiam externam esse mortale, ibid. in fine.
- Peccatum mortale externum regulariter non censetur reservatum, nisi sit consummatum, ibidem.
- Peccatum in dubio non censetur reservatum, P. 1. Ref. 10. 7
- Peccatum reservatum certum, dubium verò an clavibus submissum, iterum superiori est subjiendum, p. 1. R. 10. pag. 8.
- Peccatum subjiendum est clavibus, proptè in conscientia tempore confessionis, non proptè cognoscitur post confessionem, p. 1. Ref. 11. ibidem, & pag. 9.
- In peccatis luxuriæ doctrinas Confessariorum valdè notanda, p. caf. 5. n. 20. 238
- Peregrini quanam dicantur, p. 1. Ref. 22. 155
- Peregrini non possunt absolvi à reservatis Episcopo loci, nisi ab habente facultatem absolvendi à reservatis in ea Diœcesi, ibid.
- Peregrinus in aliena Diœcesi potest à reservatis proprio Episcopo per simplicem Confessarium absolvi, p. 1. Ref. 24. 18
- Peregrini, seu iter agentes mala fide, ut proprium Parochum vitent, invalidè absolutionem recipiunt: secus si bona fide, p. 1. R. 25. ibid. & 19
- Perjurium quid, P. 2. caf. 3. n. 3. 219
- Perjurium aliud assertorium, aliud promissorium, & aliud comminatorium, ibid. num. 4. 220
- Perjurium tantum assertorium reservationi est obnoxium, ibidem numero 5.

- Perjurium assertorium, aliud verbale, aliud reale, aliud mixtum, & unumquodque reservatur in casu, ibidem num. 6. & 7.
- Perjurium, quod est tale materialiter, & formaliter, reservationi est obnoxium ibid. num. 8.
- Perjurium testis dumtaxat; non item Actoris, vel Rei reservatur in casu, P. 2. cas. 3. num. 10. 88
- Perjurium tantum in iudicio publico subijcitur reservationi, ibid. n. 13.
- Perjurium testis in iudicio differt à depositione falsi, ibid. n. 23.
- Perjurium in Diocesi Brixienſi est obnoxium reservationi, etiamſi fiat sine præiudicio tertii, ibid. n. 25. 224
- Peste infecti per Confessarium simplicem ab omnibus casibus, & censuris possunt absolvi, p. 1. R. 82. 68
- Personæ miserabiles, quæ sint, P. 2. cas. 1. num. 8. 107
- Petrus Otthobonus Cardinalis Eminentiſſimus, olim Brixiz Episcopus, allegatus, & laudatus, p. 1. R. 169. 133
- Pompilius Pelliciolus Abbas, Cathedr. Bergomenſ. Canonicus, ac in Episcop. Curia ejusdem Urbis General. Vicar. allegatus, & laudatus, p. 2. cas. 5. in addit. n. 11. 376
- Pœna, & quod habet ratione præne requirit actum completum, & consummatum. p. 2. cas. 3. 10 addit. num. 7. 359
- Pœnitens per simplicem Confessarium absolutus à reservato dubio, si postea cognoscat fuisse reservatum, non tenetur iterum confiteri, p. 1. Resol. 11. 8
- Idem dicitur de delicto dubio, cui adnexa est censura, ibid.
- Pœnitens dubitans an mortale peccatum commiserit, tenetur illud sub dubio confiteri, par. 1. R. 12. 9
- Pœnitens, confitendo mortale dubium tanquam certum, delinquit mortaliter, nisi ob bonam fidem, vel simplicitatem excusetur, ibidem. 10
- Pœnitens, qui confessus est mortale ut dubium, si postea deprehendat fuisse certum, tenetur illud ut certum confiteri, p. 1. R. 13. ibid.
- Pœnitens confessus se decies, plus vel minus mortaliter peccasse, si postea com-
- periat duodecies deliquisse, non tenetur duo illa peccata confiteri: secus si numerus peccatorum esset notabiliter major, p. 1. R. 14. 11
- Pœnitens, qui confessus est se vigesies mortaliter deliquisse, si deinde reperiat se decies tantum peccasse, non tenetur numerum retractare, ibid.
- Pœnitens absolutus cum jurisdictione dubia à reservatis tenetur iterum eadē peccata jurisdictionem certam habenti confiteri, p. 1. R. 15. 12
- Pœnitens absolvi debet juxta leges loci, in quo reperitur, p. 1. Resol. 22. pag. 16. & 17
- Pœnitens à delicto reservato in loco exempto commissio per simplicem Confessarium non potest absolvi, p. 1. Ref. 23. 17
- Pœnitens absolutus à reservatis per Superiorem satisfaciēt, confitendo reliqua mortalia inferiori, p. 1. Resol. 54. 50
- Pœnitens, qui a reservatis absolvitur per Superiorem, à non reservatis verò per inferiorem duplex recipit Sacramentum, p. 1. R. 55. ibid.
- Pœnitens an aliquando possit cum sola contritione ad Sacramentalem Communionem accedere, p. 1. R. 58. 51
- Pœnitens, qui in casu necessitatis confitetur Confessario simplici, an teneatur illi tam reservata, quam non reservata aperire, p. 1. R. 59. 52
- Pœnitens absolutus ab habente facultatem circa reservata, remaneat absolutus etiam à reservatis oblitis, p. 1. R. 66. 57
- Pœnitens, comparando coram Superiore, satisfaciēt menti reservantis, & finis reservationis, p. 1. R. 69. 59
- Pœnitens à casibus, & censuris reservatis per Confessarium simplicem à prima die lethalis ægritudinis potest absolvi. P. 1. R. 81. 60
- Pœnites in quibus casibus censendi sint in probabili mortis periculo constituti. P. 1. R. 82. 60
- Pœnitens, transacto Jubileo, potest per Confessarium simplicem absolvi à reservatis oblitis tempore Jubilei. P. 1. Ref. 137. 110

**P**œnitens, qui confessus est animi lucranda Jubileum, si postmodum aliud non lucretur, an liberetur ab oblatorum reservatione, ibid. R. 138. 110  
**P**œnitens non potest propria auctoritate penitentiam in opus melius commutare. Par. 1. R. 63. 55  
**P**œnitens, opus penitentiae implens in statu peccati mortalis, nullum fructum satisfactionis acquirit. P. 1. R. 64. 56  
**P**œnitens non potest substituere alium, qui penitentiam pro se adimpleat. P. 1. Ref. 63. 55  
**P**œniti propter recludum an deneganda sit absolutio, si nullus appareat profectus. Par. 2. cas. 4. 246  
**P**œnitentia pro reservatis imposita à confessorio inferiori potest commutari. Part. 1. Ref. 60. 53  
**P**œnitentiae satisfactoria commutatio, si diu differatur, extra Sacramentalem confessionem non potest fieri. P. 1. R. 61. 54  
**P**œnitentia præservativa in aliam præservativam debet commutari, ib.  
**P**œnitentiae commutatio an requirat confessionem eorum peccatorum, pro quibus fuit imposita. p. 1. R. 62. 55  
**P**œnitentiarum in Cathedralibus possunt penitentes extra Sacramentalem confessionem à censuris reservatis absolvere. p. 1. R. 51. 45  
**P**œnitentiarum tum in Cathedralibus, tum in Diocesis possunt aliquando à solis reservatis absolvere, vel reservationem auferre. p. 1. R. 53. 47  
**P**ollutio cum bestia an sit circumstantia in confessione exprimenda. p. 2. cas. 3. in addit. num. 12. 361  
**P**relatus regularis, si incidat in casum occultum Papæ reservatum, potest absolvi, ac dispensari à Confessorio à se electo, ipsi facultatem committendo. p. 1. R. 34. 124  
**P**raestigium quid sit. P. 2. casu 8. num. 16. 275  
**P**riores, & Guardiani Monasteriorum non habent facultatem reservandi casus. p. 1. R. 3. 2  
**P**riores Monasteriorum facultatem absolvendi à reservatis subditos suos possunt Confessorio Monasterii dele-

Part II.

gare. p. 1. Ref. 36. 25  
**P**rivilegium absolvendi à reservatis, & commutandi vota tempore Jubilei non est limitatum tempori in Bulla praescripto. P. 1. R. 142. 112  
**P**rivilegium habentes absolvendi à casibus in Bulla Cœnæ contentis non possunt absolvere à casu hæresis. P. 1. Ref. 39. 128  
**P**rivilegium Jubilei non amittitur, qui eo noluit uti, durante tempore Jubilei. p. 1. Ref. 142. 113  
**P**urificatio ad privilegii obtenti amissionem requiritur ejusdem renunciatio, & acceptatio, ibid.  
**P**urgatorii Animæ veniunt nomine pauperum. p. 1. R. 169. 130  
**P**ythonia quid sit. P. 2. cas. 8. an. 5. num. 19. 130  
**P**yromania quid sit, ibid. n. 23.

R

**R**aptor fugiens cum re modici momenti non potest occidi. p. 2. cas. 2. n. 40. 195  
**R**ectores, seu Priores Collegiorum, piorumque locorum, legata pia solvere negligentes, reservationem non incurunt. p. 2. cas. 9. an. 5. n. 16. 304  
**R**es sacrae quæ dicantur. p. 2. cas. 8. an. 11. num. 47. 281  
**R**erum sacrarum quot si res genera, ibid. n. 44. 280  
**R**egulares non possunt sub gravissimis penis absolvere à casibus in Bulla Cœnæ contentis. p. 1. Ref. 38. 27  
**R**egulares privilegiati nequeunt absolvere à censuris Ordinariis locorum diocesano statuto reservatis. P. 1. R. 41. 30  
**R**egulares, quoad casuum reservationem Ordinariis locorum sunt subiecti. P. 1. Ref. 40. pag. 31. Versic. Regulares.  
**R**eligiosi privilegiati possunt vota commutare extra Sacramentum penitentiae. p. 1. Ref. 136. 109  
**R**eservatio quid sit. P. 1. R. 1. 1  
**R**eservatio, quoad peccata, quando cepit in Ecclesia, p. 1. Ref. 2. 2  
**R**eservatio fieri debet tantum de atro-

Dd 3 cio-

- cioribus, & gravioribus delictis . p. 1.  
R.6. 5  
 Reservatio regulariter requiritur, ut delictum sit consummatum, par.1. Resol.8. 6  
 Reservationis lex aliquando solam delicti attentionem afficit, ib. in fine.  
 Reservatio tollitur per dubium superveniens de reservatione, & reuiviscit per cessationem ejusdem dubii, p. 1. R.11. pag. 8. & 9.  
 Reservatio potest redire sine nova culpa, ibidem.  
 Reservatio peccatorum oblitorum tollitur per consuetam absolutionem à Superiore obtentam, P.1. Resolut.67. 64  
 Reservatio tollitur confessionem inualidè coram Superiore, vel tempore Jubilei factam, p.1. Ref.68. pag.58. & R.136. 109  
 Reservatio ad bonam Ecclesiæ gubernationem statuitur non ut pœna, sed ut medicina: secus de reservatione in lege præcepta, p.1. R.22. pag.16. & R.31. pag.22.  
 Reus occidens publicos justitiæ ministros mortalis culpæ reservationi obnoxius est damnandus, p.2. ca.2. num.20. 191  
 S  
 Sacerdos simplex etsi possit à venialibus absolvere, non tamen, habentem venialia, & mortalia, Par.1. Resol.36. 50  
 Sacerdos excommunicatus potest aliquando cum sola contritione ad celebrandum accedere, vel inferiori confiteri. P.1. R.58. 51  
 Sacerdos excommunicatus suspensus, irregularis, degradatus, & hæreticus in articulo mortis potest absolvere ab omnibus casibus, & censuris etiam Par.1. Resolut.74. 56  
 Sacerdos simplex nequit absolvere in articulo mortis constitutum, si Parochus vel approbatus adsit. Par.1. Resol.75. 56  
 Sacerdos simplex nequit in articulo mortis absolvere à reservatis, & censuris, si ad Superiorem facilis sit recursus. P.1. R.76. 64  
 Sacerdos excommunicatus denunciatus invalidè in articulo mortis absolvit, si adsit Sacerdos simplex. ib.  
 Sacerdos simplex, an etiam in probabili mortis periculo possit à casibus, & censuris reservatis absolvere, Part.1. R.81. 62  
 Sacerdos simplex in articulo absolvere tantum potest à censuris, quæ suspensionem Sacramentorum, & Ecclesiasticam sepulturam impediunt. Par.1. R.83. 69  
 Sacerdos simplex, qui cepit audire in articulo mortis constitutum, non tenetur cedere locum Parocho, vel approbato, si superveniat, nisi penitens censura sit innodatus. P.1. R.83. pag.69. & R.88. pag.70.  
 Sacerdos non approbatus, concurrente errore communi, & titulo præsumpto, validè à peccatis absolvit; non tamen à casibus, & censuris reservatis tempore Jubilei. P.1. R.56. 123  
 Sacerdoti ex metu mortis, an liceat celebrare sine altari, calice, scris vestibus. P.1. R.122. 98  
 Sacerdoti ex eodem metu an liceat Eucharistiam occulto peccatori porrigere: item in materia dubia Sacramenta conficere, ibid.  
 Sacramentalia quid sint. P.2. ca.8. an.11. n.46. 281  
 Sacramentorum abusus quid sit, ibidem num.47.  
 Sacramentum penitentiae est vindicta salutaria. P.1. R.12. 9  
 Sacramenti penitentiae proprietas omnium mortalium confessionem postulat. P.1. R.13. 10  
 Samuel per Phrytonissam verè ab inferis non fuit excitatus. P.2. ca.8. an.6. n.20. 294  
 Versic. neque obstat. 294  
 Scholares, & servi à reservatis possunt per simplicem Confessarium absolvi, si in loco, ubi studiorum causa degunt non sint reservata. Par.1. Resolut.24. pag.18.  
 Senio confecti, qui probabili conjectura brevi sunt morituri, à quolibet Sacerdote

# I N D E X.

- dote possunt absolvi. P.1. Resolut.82.  
68
- Sigillum sacramentale frangit confessarius, quoties cum penitente sine ejus licentia agit de auditis in confessione. 99  
P.1. R.123.
- Simonia peccatum non potest fieri veniale ex parvitate materiæ. P.1. R.6. in fine. 5
- Sodomia quid sit. P.2. caf.2. in addit. an.3. num.3. 352
- Sodomia alia perfecta, alia imperfecta, & improprie dicta, ibid. n.4.
- Sodomia non est, si masculus fæminam præpostera venere cognoscat, ibid. num.5.
- In sodomizæ casum an incidant fæminæ, si turpiter inter se polluant, ib. n.8.9. & 10 352
- Sodomia alia activa, alia passiva, ibidem num.11.
- Sodomizæ vitio fædatus an teneatur in confessione exprimere, fueritne agens, an patiens, ib. num.14. 353
- Sodomia cum consanguineo, vel affine commissa an sit circumstantia in confessione exprimenda, ib. an.7. num.1 5. 353
- Sodomiticus actus valdè differt à copula sodomitica, ib. n.17. in fine. 234
- Sodomiam exercentes quibus penis puniuntur. P.2. caf.2. in addit. an. 8. nu.22. 355
- Somnium, provt est divinatio, quid sit, Part.2. caf.8. an.5. num.17. ibid.
- Somnia ex quinque causis, quæ ibi enumerantur, possunt provenire, ibid.
- Solicitanter Confessarii quando sint denunciandi. P.1. R.42. §.21. 38
- Sortilegia unde dicta. P.2. caf.8. num.1. ibid.
- Sortes altæ divinatoriæ, alæ consultoriæ, alæ divinatoriæ, ibidem num.2.
- Sortes divinatoriæ quando sint licitæ, & quando damnandæ, ibid. num.3.
- Sortilegii nomine venit quælibet divinatio, in qua intervenit Dæmonis invocatio, ib. an.3. num.9.
- Sortilegia cum expressa Dæmonis invocatione sunt hereticalia. Part.2. caf.8. an.6. num.25. 276
- Sortilegia hereticalia quomodo, & quando sint Episcopo reservata, ibidem num.26.
- Sortilegiis hereticalibus se immiscentes in foro externo præsumuntur heretici, & excommunicati, ibidem num.28. 277
- Sortilegia cum implicita Dæmonis invocatione in sex species dividuntur, ibid. num.29.
- Sortilegia cum implicita Dæmonis invocatione, si adjunctum habeant rerum sacrarum, &c. abusum, à casu non sunt exclusa, ib. num.23. 280
- Sortilegiis per alterius manum utens, reservationem incurrit. Part.2. caf.8. n.9. 281
- Sortilegia incepta, sed non completa reservationi non sunt obnoxia, ib. n.6. 283
- Sortilegiis utens ex ignorantia, vel simplicitate animi an excusetur à reservatione, ib. num.9.
- Sortilegiis utendi quia alterum instruit de modo, si monitus non respicitur, S. Offic. Inquisitoribus debet denunciari. ib. num.13. 284
- Spatulamantia quid sit. P.2. caf.8. an.10. num.42. 280
- Sponsalia unde dicta. P.2. caf.6. annot.1. 249
- Sponsalia tripliciter sumuntur, ibidem num.2.
- Ad sponsalium valorem quæ conditiones requirantur, num.3.
- Sponsalia alia publica, alia clandestina, ib. num.18. 251
- Sponsalia clandestina sunt valida, non matrimonialia, ib. n.19. 25
- Sponsi dumtaxat, non sponsæ fornicaria copula in Diocesi Brixien. est reservata, ibid. num.21.
- Ex sponsalibus clandestinis an oriatur impedimentum publicæ honestatis, ibid. an.6. n.23.
- Statutum penale favore animæ aliquando potest ampliari. P.2. caf.7. an.1. n.4. 260
- Stuprum quid sit. P.2. caf.5. in addit. an.1. num.1. 363
- Stuprum, aliud virgini per vim illatum, aliud volenti, ac consentienti, ibidem num.2.

Stu-



Stuprum per dolum, & metum virgini illatum an reservationi sit obnoxium, *ib. num. 8.* <sup>366</sup>

Stuprum reservationi obnoxium non est copula precibus, muneribus, blanditiis à virgine obventa, *ib. n. 9.*

Stuprum reservatum est concubitus à virgine precibus obventus, si cum precibus conjunctæ sint minz, *ibid. an. 2. num. 13.* <sup>367</sup>

Stuprum virgini per vim illatum non est reservatum, nisi sit perfectum, & consummatum, *ib. n. 14.*

Stuprum non est copula extorta per vim à femina, quæ ab omnibus reputetur virgo, si occultè sit corrupta, *ib. nu. 17.* <sup>368</sup>

Ad stupri reservationem, ut in terminis casus, opus est, & sufficit, ut puella sit integra carne, *ibidem ann. 1. num. 24.* <sup>396</sup>

Superior sibi casus reservans, ea reservatione, qua ligat alios, non ligatur. *P. 1. R. 16.* <sup>12</sup>

Superior non potest sine iusta causa pœnitentem à reservatis sacramentaliter absolvere, mittendo eundem pro non reservatis ad inferiorem. *P. 1. Ref. 52.* <sup>47</sup>

Superior si neget pœnitentem à reservationis absolovere, vel alteri facultatem concedere, an is possit ab inferiori absolvi. *P. 1. R. 77.* <sup>66</sup>

Suspensio *quid sit. P. 2. caf. 1. num. 4.* <sup>143</sup>

Suspensiones in Conc. Provinc. Mediol. contentæ, ac reservatæ, enumerantur. *P. 2. caf. 1.* <sup>152</sup>

Suspensiones in constitutionibus Ecclesiæ Brixienfi contentæ. *Part. 2. caf. 1.* <sup>160</sup>

Suspensiones in edicto promulgato ab Eminentiss. Cardin. Othobono, tunc Brixie Episcopo, *ib.*

Suspensiones contentæ in edicto promulgato ab Illustriss. & Reverendiss. Marino Jo: Georgio Brixie Episcopo, *ib.* <sup>161</sup>

Suspensiones jure sacrorum canonum Episc. reservatæ. *Part. 2. caf. 1.* <sup>181</sup>

Suspensiones jure Conc. Trid. Episcopo reservatæ, *ib.*

Suspensiones à Summo Pontif. Episcopis reservatæ, *ib.*

T

**T**estamentum aliud in scriptis, aliud nuncupativum. *P. 2. caf. 9. annot. 4. num. 8.* <sup>314</sup>

Testamentum in scriptis quodnam sit, & quodnam nuncupativum, *ibid. num. 9. & 10.*

Testamenta tantum in scriptis, seu clausa in casu sunt comprehensa, *ibidem num. 11.*

Testamentum aliud solemne, aliud minus solemne, *ibid. n. 12.* <sup>315</sup>

Testamenta minus solemnia ad pias causas in utroque foro valent, & obligant, *ib. an. 8. num. 16.*

Quenam testamenta dicantur ad pias causas, *ib. n. 17.*

Testamentum minus solemnes ad causas non pias in foro externo quando pro infecto habeatur, *ib. n. 18.* <sup>316</sup>

Testamenta tam solemnia, quam minus solemnia comprehendit reservationis litera, *ib. n. 19.*

Testamentariæ tabulæ, quinam teneantur curare, ut aperiantur, *ibid. annotat. 2. num. 20.*

Testis, quoties Judex legitimè interrogat, veritatem aperire tenetur. *Part. 2. caf. 3. num. 17.* <sup>ib.</sup>

Testis etsi aliquando amphibologico sermone uti possit, nunquam tamen ipsi mentiri licet, *ib. num. 18.*

Testis quando non cogitur revelare aliquid injuriatus, neque tenetur juratus, *ib. num. 19.*

Testis Judici legitimè interroganti respondens amphibologico sermone, an perjurium committat, *ib. n. 20. & 22.*

Testis falsus examinatus tertius, vel quartus, incidit in casum perjurii, sed non tenetur ad restitutionem. *Part. 2. caf. 3. num. 5.* <sup>225</sup>

Testis falsi depositionem an possit innocens infirmare, aliis falsis testibus ipsi crimen obijciendo. *Part. 2. caf. 3. num. 9.* <sup>226</sup>

Te-

# I N D E X.

- Testis, qui intendens jurare falsum, præter intentionem juravit verum, reservationem non incurrit, *ibid. an. §. n. 9.*  
<sup>227</sup>  
 Testis, pro dicenda veritate in judicio, non potest pretium accipere, num. 6.  
<sup>227</sup>  
 Testis pretium, pro falso testimonio dicendo, sibi datum, post factum potest retinere, *ibid. num. 7.*  
 Testis falsum deponens in judicio, licet alteri damnum non intulerat, reservationem tamen incurrit. p. 2. cas. 2. ann. *10. num. 24.*  
<sup>224</sup>  
 Testis coram Judice non legitimo negans veritatem reservatione non ligatur, *ib. num. 11.*  
<sup>228</sup>  
 Testis, qui scienter contra alterum deposuit falsum, tenetur retractare dictum suum cum pari damno, & periculo, *ibid.*  
 Testis, qui ex errore falsum deposuit, tenetur retractare dictum suum, si absque suo gravi incommodo possit, *ibid.*  
<sup>229</sup>  
 Testis falsus non tenetur ad restitutionem, si causa efficax non fuit damni, *ibidem.*  
 Tribunal Sanctæ Inquisitionis venit aliquando nomine partis, cui præstanda est satisfactio, parte 1. Resolut. *134.*  
<sup>107</sup>  
 Tutor intra debitum tempus negligens solvere legata pia, ad quæ pupillus tenetur, et si graviter delinquere possit, reservationem tamen non incurrit. part. 2. cas. 9. annotation. §. numero 16.  
<sup>304</sup>
- V
- Vagi quinam dicantur. part. 1. R. 21.  
<sup>14</sup>  
 Vagi an ligentur casibus ejus Episcopi, in cujus Diocesi continentur, *ibidem*  
<sup>16</sup>  
 Vagorum proprius Sacerdos est Parochus, in cujus Parochia pro tempore versantur, *ibid. Ref. 21.*  
 Vagi venientes ad alium Episcopatum bona fide possunt ibi per inferiorem à reservatis absolui, dummodo illa peccata ibi etiam non sint reservata, *ibid.*  
<sup>17</sup>  
 Vagi à Parocho loci, in quo morantur, possunt compelli ad implendum annuæ Confessionis præceptum, *ibidem.*  
 Vagi sunt Parochiani non domicilii, sed habitationis actualis, *ibidem.*  
 Vana observantia quid sit. p. 2. cas. 2. nu. 4.  
<sup>291</sup>  
 Vana observantia alia cum expressa, alia cum tacita Dæmonis inuocatione, *ibid. n. 5.*  
 Vanz observantiæ tres sunt species, *ibid. num. 6.*  
 Vana observantia quando reservationi sit obnoxia, *ibid. num. 14.*  
<sup>295</sup>  
 Venenum alicui præbens, secuta morte, incidit in casum. part. 2. cas. 2. num. 11. pag. 167. & num. 23. pag. 201. Versic. confirmatur.  
 Veneficium quid sit. part. 2. cas. 3. num. 3.  
<sup>285</sup>  
 Veneris actus quatuor modis dicitur contra naturam, p. 2. cas. 2. in addit. *n. 2.*  
<sup>351</sup>  
 Verba *pro hac vice tantum*, non peccata tunc commissa, sed unicam absolutionem respiciunt, *p. 1. R. 46.*  
<sup>40</sup>  
 Verba *in sua Parochia*, intelligenda sunt in suos Parochianos, p. 1. R. *49.*  
<sup>42</sup>  
 Vicarius Generalis Episcopali reservationi subijcitur. p. 1. R. 18.  
<sup>13</sup>  
 Vicarius Generalis, si incidat in casum Episcopo reservatum, potest suo Confessario delegare facultatem, à quo absolvatur, *ibid.*  
 Vicarii Foranei sunt pœnitentarii in Diocesis ab Episcopo constituti, *p. 1. R. 36.*  
<sup>25</sup>  
 Vicarii Foranei possunt aliquando Parochis suæ Vicariæ delegare facultatem absolvendi à reservatis in casu particulari, *ibid.*  
 Vicarii Foranei in Diocesi Brixienfi non possunt applicare incerta injustè acquisita, quoties decem aureos excedunt. p. 2. cas. 10.  
<sup>328</sup>  
 Vir nobilis, & militaris in actuali aggressionem non tenetur cum dedecore sugere,



# I N D E X.

- re. P. 2. caſ. 2. an. 6. num. 26. 56
- V**iro honorato licet occidere injuſtum in vaſorem, qui fuſſe, vel alapa ſibi conatur ignominiam inferre, ibid. an. 10. num. 45.
- V**irginitas quid ſit. Part. 2. caſ. 4. in add. num. 15. 253
- V**irginitas à caſtitate differt, ibid. n. 16.
- V**irginitas conſideratur, & ut ſtatus naturæ, & ut virtus, ibid. n. 18.
- V**irginitas ut eſt ſtatus naturæ quot modis amittatur, ibid. n. 19.
- V**irginitas, ut eſt virtus, an recuperabiliter poſſit amitti, & quot modis, ibidem num. 20.
- V**irginitas, ut eſt virtus, quando irrecuperabiliter amittatur, ib. n. 22.
- V**irginitatis integritas alia carnis, alia animi, ibid. num. 23.
- V**orum in dubio de ejus reſervatione non cenſetur reſervatum. p. 1. R. 10. 7
- V**ota tempore Jubilei poſſunt à Confeſſario extra Sacramentum pœnitentiæ commutari. P. 1. R. 136. 107
- V**otorum Oblitorum commutatio tranſacto Jubileo, poteſt obtineri ab eo, qui lucratus eſt Jubileum: ſecus ſi illud non acquiſivit. Par. 1. Ref. 141. 112
- V**otorum commutandorum privilegium non eſt limitatum tempori in Bulla Jubilei præſcrito, ibidem, & Ref. 142. 112
- V**otorum commutationem qui non curavit obtinere tempore Jubilei, eo tranſacto poteſt adhuc illam petere, & obtinere, ibid.
- V**otum virtute Jubilei commutatum manet commutatum, etiam ſi Jubileum non comparetur. P. 1. R. 145. 119
- V**ulnus lethale habentes, quod celerem ſoleat adferre mortem, à ſimplici Sacerdote poſſunt abſolvi. Part. 1. R. 72. 65

# F I N I S.









6-4



